



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### **Usage guidelines**

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### **About Google Book Search**

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



3 2044 009 530 643

**HARVARD COLLEGE  
LIBRARY**



**FROM THE BEQUEST OF  
E. PRICE GREENLEAF  
OF QUINCY, MASSACHUSETTS**







Gyrg. Thghthotz.

This book has no definite author. It is a collection of letters, writings, discussions and debates on religious questions written by ~~some~~ Armenian church dignitaries, ~~gover~~ governors, rulers etc.

It is dedicated to  
~~Jacob~~ Joseph Ismeriantz.







ՍԱՀԱԿ ՄԵՍՐՈՊԵԱՆ ՄԱՏԵՆԱԴԱՐԱՆ

---

Ե.

# Գ Ի Ր Ք Թ Ղ Թ Ո Յ

---

ՐԱՏԵՆԱԴՐՈՒԹՅԱՆ ՆՇԱՆՆԵՐ



Թ Ի Փ Ղ Ի Ս

Տպարան Տ. Ռոտինեանց և Մ. Շարածէ

1901


111  
+ 11

~~77, 10090~~

~~OL 70946.5~~

~~OL 45420.5~~

~~10645430.36~~  
✓



*Price Greenleaf fund*

Дозволено цензурою. Телчсъ, 12 Августа. 1899 г.

Ի ՅԱՒԵՐԺԱԿԱՆ ՅԻԹԱՏԱԿ

ԱԶԳԱՍԻՐԻ ԱՌՆՆ

ՅՈՎՍԵՓԱՅ ԻԶՄԻՐԵԱՆՑ

ՂԶԼԱՐՆԵՒՈՅ

Անբառիք լարուցք անձակ յիշատակ  
Քոս խօսին է՝ որ էր ինանսիք նպատակ, —  
«Կոս գոյ օր, երկուն՝ չար իննհեքանուն,  
«Միայն բարի գործի յաւիտեան իջնան»:





# Ն Ա Խ Ա Բ Ա Ն

## ՍԱՀՈԿ-ՄԵՍՐՈՊԵՐՆ ՄԱՏԵՆԱԳՐՈՐԵՆ

Բարեկիշատակ Աղա Յովսէփ Իզմիրեանց՝ Ղզլարցի վանա-  
աւկան, որ 1874 Ապրիլ 13-ին կտակագրով Սահակ—Մեսրոպեան  
գրական մրցանակը հաստատեց և իւր կենդանութեան իսկ  
սկսաւ զգն գործադրել, երբ մրցանակի արժանաւոր երկա-  
սիրութիւն չներկայացաւ մրցանակներու գումարով նախնեաց  
մատենագրութիւն հրատարակելու խորհուրդը լղացաւ և իրա-  
գործեց, և մրցանակի սահմանուած դրամազլխին արդիւնքնե-  
րով երկու հրատարակութիւններ կատարել տուաւ:

Յովսէփ—Իզմիրեանց Գրական Յանձնաժողովը, որ պաշտօն  
ունի Կ. Պօլսոյ Ազգային Պատրիարքարանի հսկողութեան ներ-  
քև նոյն բարեկիշատակ Անձին կտակը գործադրելու, պարտ  
անձին համարեցաւ հետևիլ միննոյն ուղղութեան:

Բարեկիշատակ կտակարարին մահուանէ յետոյ՝ Յանձնա-  
ժողովոյն գործի ձեռնարկելէն առաջ անցած տարիներուն  
տոկոսները և պատահաբար խնայուած մասերը դրամազլուխի  
վերածուելով և շահի դրուելով՝ առձեռն զումար մը գոյա-  
ցած է արդէն, որուն արդիւնքովը որոշուած է մերթ ընդ  
մերթ հրատարակութիւններ ընել «ՍԱՀՈԿ ՄԵՍՐՈՊԵՐՆ ՄԱ-  
ՏԵՆԱԳՐՈՐԵՆ» անուան ներքև, նախադասելով միշտ նախ-  
նեաց անտիպ երկասիրութիւնները, որք զանազան պատճառ-  
ներով և մանաւանդ տպագրութեան ծախսոց անշահաբերու-  
թեան պատճառաւ տակաւին մատենադարաններու անկիւն-  
ները մնացած են, և երբեմն ալ օրինակաց նուազութենէն  
կորսուելու վտանգի ևս ենթակայ են:

Սահակ—Մեսրոպեան Մատենադարանի առաջին հատոր-  
ներ պէտք է համարուին ան երկու հրատարակութիւնները,  
զորս կտակարարն Յովսէփ Իզմիրեանց իւր կենդանութեան  
կատարել տուած է, և են:

Ա. ՄՈՎՍԻՍԻ ԽՈՐԵՆԱՑԻՈՅ, Պատմութիւն Հայոց, հրատարակուած Թիֆլիզ, տպարան՝ Յովհաննէս Մարտիրոսեանցի 1881:

Բ. ԱԳԱՆԹԱԳԵՂԵԱՑ, Պատմութիւն, հրատարակուած Թիֆլիս, տպարան՝ Յովհաննէս Մարտիրոսեանցի 1882:

Այս երկու հրատարակութիւններուն վրայ երկու ևս աւելցուց Վսեմ. Պ. Կարապետ Եղեանց, որ կատակահաաար նշանակուած էր Աղա՝ Յովսէփ Իղժիրեանցի կողմանէ, և սորա ժահուանէ ետքը (1883 նոյեմբեր 15) ժառանգարարեց նոյն կաակիրն գործերը՝ մինչև Յանձնաժողովոյ կազմութիւնը:

Վերջին երկու հատորները եղան.

Գ. ՄՏԵՓԱՆՆՈՍԻ ՏԱՐՕՆԵՑԻՈՅ ԱՍՈՂԿԱՑ, Պատմութիւն Տիեզերական, հրատարակուած է Ս. Պետերբուրգ, տպարան Ի. Ն. Սկորոխոզովի 1887:

Դ. ՂԵՒՈՆԴԻԱՑ մեծի վարդապետի Հայոց, Պատմութիւն, հրատարակուած Ս. Պետերբուրգ, տպ. Ի. Ն. Սկորոխոզովի 1887:

Սյդ հրատարակութեանց իբր շարունակութիւն կամ իբր Սահակ-Մեսրոպեան Մատենադարանի հինգերորդ հատոր կը նկատեմք ներկայ հրատարակութիւնը:

### Գ Ի Ր Բ Թ Ղ Թ Ո Ց

Ուխտանէս պատմիչ՝ Վրաց խնդրոյն վրայ խօսած ատեն, կը լինէ ԳԻՐԲ ԹՂԹՈՑ անուամբ աղբիւր մը, գւտտի քաղաք է եղելութեանց պարագաները և մանաւանդ գլխաւոր անձանց՝ Վրթանէսի, Մովսէսի, Աբրահամու և Կիւրիոնի մէջ փոխանակուած թղթակցութիւնները: Ահա իւր խօսքերն համաձայն Ս. Էջմիածնի 1871 տարուոյ տպագրութեան, « ի ժամանակն Աբրահամու Հայոց կաթողիկոսի եզև բաժանուամն Վրաց՝ քաջայայտ գողով՝ որպէս ուսուցանեն մեզ ԳԻՐԲ ԹՂԹՈՑն» Բայց այսօրիկ գրեալքս ի մէնջ մինչև ցայս վայր ի ժամանակս Մովսիսի Հայոց կաթողիկոսի եզև, որպէս պատմեցաք ձեզ ստուգիւ, և իւ և այնմ վկայեն ԳԻՐԲ ԹՂԹՈՑն» (Հորհր. Բ. երես 23): Եւ ուրիշ տեղ Մովսէսի և Կիւրիոնի թուղթերուն համար կ'ըսէ թէ « ոչ գտաք ի գրել ի ԳԻՐՍ ԹՂԹՈՑն » (եր-14): Նմանապէս Կիւրիոնի թուղթերուն պակասներուն համար կ'ըսէ թէ « ոչ գտաք գրեալ ի ԳԻՐՍ ԹՂԹՈՑն » (եր-

45), և կը լաւելու պատճառը. « Ոչ արժանի և պատշաճ հա-  
 « մարեալ զանարժան և զանընդունակ նոցա պատասխանիւն  
 գրել ի ԳԻՐՍ ԹՂԹՈՅՆ » (եր. 46.):

Այսպիսի հաւաքածոյ մը՝ որ հեղինակութիւն մ'է լայն  
 պատմչին, շատ աւելի կարևորութիւն ունի քան պարզ ժա-  
 նաւորի մը գործը: Այս տեսութեամբ՝ բանաւոր կը համարինք  
 կարծել թէ այդ թուղթերու հաւաքածոյն պաշտօնական խում-  
 քագրութիւն մ'էր, նման կանոններու հաւաքածոյին, ուր  
 կ'ամփոփուէին հեղինակութիւն ունեցող և գործելու ուղեցոյց  
 եղող գրութիւններ: Ըստ այսմ ԹՂԹՈՅ ԳԻՐՔԸ՝ ԿԱՆՈՆԱ-  
 ԳԻՐՔԻ տեսակէն հաւաքածոյ մըն էր և հոգևոր իշխանութեան  
 ձեռք կը կազմուէր հայրապետանոցի մէջ և հետզհետէ կաճէր,  
 չաւելմամբ նոր ու կարևոր գրուածոց:

Կանոնագիրքը առաջին անգամ Ս. Յովհանն Օձնեցի Ի-  
 մաստատէր հայրապետին ձեռքով կազմուեցաւ, և հայրապե-  
 տանոցի օրինագիրքը եղաւ, բայց հետզհետէ Կանոնագիրքը  
 ընդարձակեցաւ նոր գտնուած և կամ նոր կազմուած կանոն-  
 ներով, որք երբեմն Հայրապետներու կամքով և երբեմն ալ  
 թերես լսկ գրիչներու և ընդօրինակիչներու ձեռքով հաւաքա-  
 ծոյին մասը կազմեցին:

Չենք գիտեր ստուգիւ թէ ո՞վ առաջին անգամ Փղթոց  
 Գիրք մ'ալ կազմելու նախաձեռնութիւնը ունեցաւ, սակայն  
 և այնպէս բոլորովին անհաւատալի պիտի չլինէր, եթէ նորա  
 ծագումն ալ Կանոնագիրքին ծագման միացնէինք: Առ այս  
 կը նպատէ նկատել Գէր, Փղթոցն սկիզբները գտնուած գրու-  
 թեանց ժամանակն ու արժէքը, որք խոհական ընտ-  
 րութեան մը կնիքը կը կրեն. մինչ լետ ժամանակաց միևնոյն  
 խտտութիւնը չէ պահուած, ինչպէս կերևի ինչ ինչ կանոննե-  
 րու անընտրողաբար ընդունելութենէն:

Փղթոց Գէրին պարունակութիւնն ալ դիտելով, կրնանք  
 չաւելուլ թէ առաւելապէս Նեստորական և Քաղկեդոնական  
 մեծ խնդիրը եղաւ պատճառ՝ որ անոր վերաբերեալ գրու-  
 թիւններ ի մի հաւաքուին և ծառայեն Հայաստանեայց Սկե-  
 ղեցուոյն և Հայրապետական Աթոռոյն իբր ձեռնարկ մը, այդ  
 խնդրոյն զբաւ որոշ ուղղութիւն մ'ունենալու համար ընդգի-  
 մախօսից հանդէպ:

Այս է Փղթոց Գէրին նկատմամբ մեր գաղափարը, զոր

պարզապէս դիտողութիւններով և մերձեցումներով կազմած ենք, քանի որ լայնի բան մը գրուած չենք գտներ, և զայն պարզապէս բանասիրաց կարծիքին կ'ենթարկենք:

Թղթոց Գերդին գոլութեանը մասին Ուխտանէսէ գուրու ուրիշ լիշատակութիւն առ այժմ չենք գտներ. նախնեաց մօտ, և անոր օրինակին անզամ չենք հանդիպիր այն մատենադարանաց մէջ, ուր հալ գրչագիրներու մեծագոյն հաւաքածոյնէր կազմուած են: Միայն Անտոնեան Միաբանութեան մատենադարանին մէջ տեսնուած էր ձեռագիր մը ալս անուամբ, իր տեսակին մէջ միակ, և որ արդէն բանասէրներէ ոմանց հետաքրքրութեան առարկայ դարձած էր: Նոյն իսկ Վենետիկոց և Վիէննայի Միթիթարեան հալրերէն սղգալին և բանասիրական նիւթերով զբաղողներ առիթ ունեցած էին տեսնել զայն, մասեր ընդօրինակել և տանիլ, և լետոյ իրենց աշխատասիրութեանց մէջ անկէ օգտուիլ, երբեմն լիշատակելով ազբիրը և երբեմն ոչ:

Յովուէփ Իզմիրեանց Գրական Յանձնաժողովը տեսնելով որ միակ օրինակ մը միշտ կորստեան վտանդի ենթակայ է, և միւս կողմանէ Թղթոց Գերդին պարունակութիւնը նոր և կարևոր լոյսեր կը սփռէ սղգալին մատենագրութեան և պատմութեան և եկեղեցական տեսութեանց վրայ, փափաքեցաւ զայն ամբողջովին իլոյւ ընծայել և իւր առաջարկութիւնը ներկայեց Անտոնեան Միաբանութեան Արքահայր Կերապալծառ Լ. Ռափայէլ Մ. Վարդապետ Միւսէրեանի, և գրչագիր հատորը ամբողջութեամբ և նսնութեամբ ընդօրինակել տալով և տպագրութիւնը աւարտելով անա կ'ընծայէ զայն լուսումնասիրութիւն և ի քննադատութիւն հալագգի և հալագէտ բանասիրաց:

Հարկաւ աւելի լաւ կը լինէր, որ Թղթոց Գերդին հրատարակութիւնը պարունակէր միանգամայն քննական և քննադատական տեսութիւններ, լուստրանութիւններ և բաղդատութիւններ, սակայն ալսպիսի աշխատութիւն մը Յանձնաժողովոյ գործաւնութեանց շրջանակէն գուրու ըլլալով հանդերձ՝ միւս կողմանէ թերևս տարապալման պիտի լապաղէր հրատարակութիւնը, եթէ օրինաւոր աշխատասիրութեան մը լրման սպասուէր:

Հետևաբար Յանձնաժողովը, որ միայն և միայն հրատար

րակութիւնը իրեն նպատակ ընդունած է, հոգ տարաւ որ պարզապէս ձեռագրին օրինակները շատցուն ամենայն ճշգրութեամբ և հաւատարմութեամբ: Ըստ այսմ տպագրութեանս մէջ մտածուած փոփոխութիւնները կը վերաբերին այնպիսի կէտերու, որք բնաւ օրինակը չեն ալլայլեր: Այդպէս են՝ լատուկ անուանց գլխագիրները՝ որք հին գրչագրաց մէջ չեն գործածուիր, կէտագրութիւնները՝ որ գրչագրին մէջ բոլորովին անկանոն էին, հատուածոց բաժանումները՝ որոց մտադրութիւն չէր դարձուցած ընդօրինակողը՝ գրեթէ միահետ դրութիւն մ'ընծալելով, տեղ տեղ ալ տառից և գրութեանց տարբերութիւններ՝ երբ ասոնք հաստատուն սովորութեան մը նշանները չէին կրեր և լոկ գրողի անմտադրութեան պէտք էր վերագրուէին պատահական ըլլալնուն համար. երբեմն ալ պակաս գիրերը կամ մաշած բառերը նօտր գիրով լրացուցինք: Ասոնցմէ դուրս որչափ հնար էր, ամենայն ինչ բառ առ բառ և տառ առ տառ տպագրուած է, պահելով մինչև իսկ —, և-երկրաբառները, առողանութեան ինչ ինչ նշանները, ընդօրինակողին լիջատակարանները, և այլ հնութեան հետքերը, ուզելով այսու ամէն դիւրութիւն ընծալել բանասիրաց և քըննադատից, որոց կը թողունք ամէն ուսումնասիրութիւն և ամէն հետազօտութիւն՝ վաւեր գրութիւնները անվաւեր գրութիւններէն զատելու, հեղինակները որոշելու և ճշգելու, ընթերցուածները ուղղելու, պատմական խնդիրները ուսումնասիրելու, հին և նոր աղբիւրներ և բնագիրներ բաղդատելու, և վերջապէս համեմատելու այն մասերը որք Թղթոց 'Ինքէն գուրս ուրիշ հեղինակութեանց մէջ կը գտնուին կամ ուրիշ հրատարակութեանց մէջ ի լոյս ընծալուած են, օրինակ իմն Վրաց խնդրոյն թղթակցութիւնը Ուխտանէսի մէջ \*), և Սահակալ թուղթերը Սոփերքներու մէջ, և այլն, մէկ խօսքով Յանձնատողովը պարզապէս նախնական նիւթ մը կը դնէ գրական ճարտարներուն ձեռքը իւր բնական վիճակին մէջ,

\* Սյդ Հեղինակի էջմածնական տպագրութեան Համաձայն իբր օղղիք 'նշանակած ենք ի կարգի վերականգն' քանի մը նամակներու կաշեւոր տաքերութիւնները:—Նոյնպէս ուղղագրած ենք ինչ ինչ բառեր՝ որքեք յայտնի սխալներ կընային նկատուելի՝ ըստ պահանջման իմաստից:

որպէս զի զտեն և լզկեն և ամէն հնարաւոր օգուտ քաղեն անկէ:

Ձեռագրին ընդօրինակութեան և առաջին բազդատութեան հսկողը եղաւ գլխաւորապէս Տ. Յովհաննէս Աւագ քահանայ Մկրեան. տպագրութեան հոգը կատարեց Տ. Գիւտ Աւագ քահանայ Աղանեանց. իսկ՝ Տ. Բարգէն Մ. վարդապետ Կիւլէսէրեան՝ վերջին բազդատութիւնը ըրաւ և կազմեց լատուկ անուանց և վրիպակներու ցանկերը:

## ԳՐՉԱԳԻՐ ԱՆՏՈՆԵԱՆՑ

Անտոնեան Միաբանութեան Կոստանդնուպոլսոյ մէջ ունեցած Օրթոքէօյի վանքին մատենադարանին կը պատկանի և գրչագրաց ցուցակին մէջ՝ ԺԲ թուահամարով արձանագրուած է սոյն Թղթոց Գիւտը, ինչպէս և կոչուած է այն կողքին ներսի կողմը գրուած ծանօթութեան մէջ. Գիւտ՝ Թղթոց և Վոնոց Սըբոյ Լատուրչէ . . . և Նովմ. թէպէտև ցուցակին մէջ լիչուած է Նովմէի Նովմէոց անունով: Գրչագրին առաջին ստացողը եղած է Գրիգոր արքեպիսկոպոս Բաղինեան որ Նովմի մէջ կապրէր իբր ձեռնագրող հալ եպիսկոպոս, և իւր գիրքերը նուիրած է նոյն Անտոնեան Միաբանութեան Ա. Գրիգոր Լուսաւորչի անուամբ Նովմալ մէջ ունեցած վանքին շուրջ 1840 թուականներուն: Իսկ 1871-ին լիչեալ վանքին փակուելուն առթիւ ուրիշ գոյից հետ այդ ձեռագիրն ալ փոխադրուած է ի Կոստանդնուպոլիս և զետեղուած Անտոնեանց վանքին մատենադարանը, լՕրթոքէօյ:

Գրչագիրը հատորիս մեծութիւնն ու թանձրութիւնն են  $24 \times 18 \times 8$  հարիւրորդաչափ (սանտիմէթր), կողքը փայտեալ և կաշէպատ, ալ թէ կաշին և թէ կազմը չինցած և խախտած վիճակի մէջ:

Թուղթը բամպակեալ է, հնութեամբ գորշացեալ, և կը պարունակէ այժմ 355 թերթ կամ 710 երես:

Թուղթերը թուահամարեալ են վերջէն հալ տառերով լուսանցքին մէջ, իսկ երեսները սովորական թուանշաններով երեսներուն ներքեւ. թուղթերուն թուահամարը կը հասնի մինչև 84Ա.—361, և երեսներուն թուահամարը՝ մինչև 722, բայց միջանկեալ անճշդութիւններ և տարբերութիւններ կան,

ինկած թերթերուն պակասը նկատի առնուելէն կամ չառնուելէն լառաջ եկած:

Թուղթերուն թուահամարը չունի Ժ. և ԺԱ. և ԺԲ. թիւերը, թէպէտև գրուածքին ընթացքը, Ակակայ թղթոյն ևս «չ յոյն այլ՝ քնն և Էայց յա՛ննոյնի Քրիստոս» (եր. 14) բառերուն միջև բնաւ թերի մաս մը չցուցնելու: Այս տեղ երեսներուն թուահամարը ուղիղ կ'ընթանայ և 18էն կ'անցնի 19:

Երեսներուն թուահամարը տասը թիւի սխալ մ' ունի, ՂԳ. թուահամարեալ թերթին վրայ և առաջին երեսը 181 նշանակուած ատեն ետեը 192 գրուած է և արնպէս շարունակուած անմտադրութեամբ:

Թուղթերուն թուահամարէն կը պակսին ձԹ և ձԹ թերթերը, և իրօք ալ այստեղ երկու թերթ ինկած են և կը պակսին Արբանամ կաթուղիկոսի թղթոյն վերջը և Կոմիտաս կաթուղիկոսի թղթոյն սկիզբը (եր. 211): Իսկ երեսներու թուահամարը պակասին միտ չգնելու և 280էն կ'անցնի 281:

Թուղթերուն թուահամարէն կը պակսի ձԿԲ թերթը, և իրօք թուղթ մըն ալ այստեղէն ինկած է, և կը պակսի Կելեստինոսի Հայրապետին թղթոյն վերջը և Պետրոս Հայրապետին թղթոյն սկիզբը (եր. 242): Իսկ երեսներու թուահամարը առանց պակասին մտադրութիւն դարձնելու 322-էն կ'անցնի 323:

Երեսներու թուահամարին մէջ դարձեալ երկու թիւ կը պակսին անմտադրութեամբ, որովհետև գրուած կը գտնենք հետզհետէ 403, 405, 406, 408, իսկ 404 և 407 թիւերը ըստ յորովին մոռցուած են մրենոյն թերթի լետ և լառաջին մէջ:

Թուղթերուն թուահամարէն 8Թ թերթին թուատառը երեսին ներքև գրուած է, որովհետև թուղթին կէսը վերէն վար պատուած է, և թէպէտ թուղթի կտորով մը նորոգուած, բայց միշտ ընթերցուածը անկատար մնացած է (եր. 453):

Երեսներուն թուահամարը կարգաւ կը շարունակէ:

Երեսներուն թուահամարներուն մէջ երկու թիւ կը բացակայուած անմտադրութեամբ և գրուած է 622, 623, 622, 623, 624 և ըստ այսմ շարունակած, այլ թերթերուն թուահամարը չունի կրկնութիւն:

Թուղթերուն թուահամարին մէջ 8ԻԸ թերթէն ետքը թուղթ մը ինկած է և տեղը ճերմակ թուղթ դրուած և անոր



վրայ 655 և 656 երեսներու թուահամարը շարունակուած, մինչ թուղթերու թուահամարը պակասին մտադրութիւն չընծայեր և ՅԻԸ թերթէն ետքը կը գրէ ՅԻԹ: Այս տեղ կը պակասի Հայրապետի և Պատրիարքի վիճաբանական գրուցատութեան սկիզբը (եր. 483):

Վերջապէս հատորին վերջէն ալ կը պակասի ընդօրինակողին լիշատակարանին վերջը, և գոնէ թերթ մը ինկած պէտք է ըսենք, թէպէտ գրքին ամբողջութիւնը լրացած կը լինի փշատակարանի սկզբնաւորութեամբ:

Գիրքը նախադուռ ալ չունի, սակայն տետրները 12 թուղթէ կազմուած լինելէն և առաջին տետրը այժմ 9 թուղթ ունենալէն կրնանք չետեցնել թէ 3 թուղթ ինկած են ըսկիզբէն, որք նախադուռը, գուցէ և նախաբան մը կամ բովանդակութեան ցուցակը պարունակէին: Այսու հանդերձ գիրքին բովանդակութիւնը ամբողջ է, որովհետև ճիշտ ու ճիշտ առաջին գրուածին մակագրութենէն կ'սկսի ձեռուըն/ս գրանուած հատորը:

Գրուած էջերուն ընդարձակութիւնն է 20×12 հարիւրորդաչափ, իւրաքանչիւր երես 30 տող, սովորական և լստակ և կանոնաւոր բոլորգիր, սև մելան, լաւ պահուած:

Իսկ մակագրութիւններ հաւասար բոլորգրով, բայց կարմիր մելանով գրուած են, զարգագիրեր և զարդեր բոլորովին կը պակասին: Գրութիւնը ընդհանրապէս ինամոց ձեռքէ ելած է, թէպէտ ընդօրինակութեան վրիպակներէ զերծ չէ, որոց մէջ կան ես քերականական սխալներ կամ լեզուական աղաւաղումներ: Աւանցներուն մէջ երբեմն ուզողուած են գլխաւոր վրիպակները, երբեմն ալ մոռցուած բառերը աւելցուած են, զորս մենք տպագրութեան մէջ ուղղեցինք կամ ներս առնելով աւելցուցինք:

Պարունակեալ գրութեանց մակագրութիւնները համառօտ կերպով իւրաքանչիւր թերթին ներքև կրկնուած են մինչև ՅԻԸ թերթը կամ 655 երեսը և անկէ ետքը զանց եղած է: Մեր տպագրութեան մէջ ատոր նմանութիւնը ըրինք իւրաքանչիւր էջին ճակատը մակագիրը կրկնելով համառօտ կերպով:

Գրութեան տեղուցն և թուականին վրայ երկար գրելու պէտք չունինք, որովհետեւ բոլոր փշատակարանները նոյնու-

թեամբ սպագրուած են և բանասէրք պէտք եղածը կրնան ուսումնասիրել: Բայց կարևորը դիտել տալու համար կըսենք թէ ընդօրինակողն է Թումաս քահանայ Հռոմկլալիցի, որ նոյն բերդին առումէն տարի ու կէս առաջ մեկնած է անտի, բայց թէ ուր հաստատուած և գրած է, չէ բացատրուած, ալլ հաւանաբար Սիս եղած ըլլալ կ'ենթադրուի:

Գրութեան թուականն է՝ Հռոմկլալի առումէն վեց տարի ետքը (եբ. 537.) և որովհետեւ առումը տեղի ունեցաւ 1292 Մուզապակի տարին, գրութեան թուականը կը լինի 1298:


Գրութեան մէջ պահանջներ (եբ. 8), գիրքին գրութեան հետ կապ չունի, ալլ ետքէն նոտր գրով գրուած ծանօթութիւն մ'է. Պրոկպի թուղթին թուականը ցուցնելու մտքով՝ օտար ձեռքէ աւելցուած:

Թումաս քահանայ իր հաւաքածոյին առաջին մասին համար առջևը ունեցած է նոյն իսկ Գրիգոր Բ. Վկայատէր կաթողիկոսին ձեռագիրը Շիէ—1078 թուին գրուած (եբ. 219), որով նախատիպ բնագրին լարգին հետ կը շատնայ և կը բարձրանայ մեր օրինակին ալ լարգն ու պատիւը: Այդ առաջին մասը կը հասնի մինչև Կոմիտաս կաթողիկոսի թուղթը: Յայտնի չէ մեզ թէ գիրքին մնացորդը ուր տեղէն ընդօրինակի է, գուցէ լիշատակարանին պակաս մասերուն մէջ բացատրած էր:

Փոքրիկ լիշատակարան մըն ալ կալ Անաստաս կայսեր լալտագրին ներքև թէ «Մինչքե- 4րէցու և ալլն» (եբ. 278) սակայն այդ ծանօթութիւնն ալ ընդօրինակութեան համար չէ, ալլ պարզապէս Անաստաս կայսեր թղթին թուականը կուզէ լալտնել:

Այս բոլոր խնդիրները, ինչպէս ըսինք, կը թողունք բանասէրներու զննութեանց և քննադատութեանց, մեզի պահելով միայն նախնաց կարևոր մատենագրական մէկ առանդը կորստեան վտանգէ ազատած լինելու և քննադատներու ուսումնասիրութեանց առատ նիւթ մատակարարած լինելու գոհունակութիւնը:

ՅՈՎՍԷՓ ԻԶՄԻՐԵԱՆՑ ԳՐԱԿԱՆ ՅԱՆՁՆԱԺՈՂՈՎ



## Յ Ա Ն Կ Թ Ղ Թ Ո Յ

Ա. Թուղթ Պրոկղեայ եպիսկոպոսի առ սուրբն Սահա հայրապետ հայոց եւ առ սուրբն Մաթոց, էրէ՝ 1.

Բ. Պատասխանի թղթոյն Պրոկղի երանելոյ ի Սահակայ եւ ի Մաշդոցէ սուրբ վարդապետացն հայոց. էրէ՝ 9.

Գ. Թուղթ լԱկակայ եպիսկոպոսէ Մելիսիմազայ առ սուրբ Սահակ հայոց հայրապետ. էրէ՝ 14.

Դ. Պատասխանի Տեառն Սահակայ թղթոյն Ակակայ. էր. 16.

Ե. Թուղթ լԱկակայ եպիսկոպոսէ ի հայս, էրէ՝ 17.

Զ. Երանելի մեծի Քերզողահաւրն Մովսէսի Խորենացի, եպիսկոպոսի. էրէ՝ 22.

Է. Երանելոյն Յովհանու հայոց եպիսկոպոսապետի, ազացոյց լերկուց բնութեանց ասել զփրկիչն եւ կամ մի բնութիւն. էրէ՝ 29.

Ը. Թուղթ հայոց ի պարսս, առ ուղղափառս. էրէ՝ 41.

Թ. Թուղթ հայոց ի պարսս առ ուղղափառս. էրէ՝ 48.

Ժ. Թուղթ Ասորեաց ուղղափառաց ի հայս. էրէ՝ 52.

ԺԱ. Պատասխանի թղթոյն Ասորեաց, ի Ներսեսէ հայոց կաթողիկոսէ. եւ ի Մերչապնոյ Մամիկոնէից եպիսկոպոսէ. էրէ՝ 55.

ԺԲ. լԱբղիսոյէ եպիսկոպոսէ Ասորեաց առ Տէր Ներսէս հայոց կաթողիկոս թուղթ ողջունի. էրէ՝ 59.

ԺԳ. Աբղիսոյի եպիսկոպոսի Ասորեաց ուղղափառաց, առ Տէր Ներսէս կաթողիկոս հայոց, եւ առ Աթոռակիցս նորին. լաղազս անիծեալ նեստորականաց հերձուածողաց. էրէ՝ 62.

ԺԴ. Նորին Աբղիսոյ եպիսկոպոսի, լաղազս անիծեալ նեստորականաց եւ ամենայն հերձուածողաց. էրէ՝ 66.

ԺԵ. Նորին Աբղիսոյի եպիսկոպոսի լաղազս նզովելոյ զամենայն հերձուածողս, որք էին հակառակ ուղղափառաց. էրէ՝ 68.

ԺԶ. Տեառն Ներսէսի հայոց կաթողիկոսի թուղթ մեղադրութեան առ եպիսկոպոսունսն. էրէ՝ 70.

ԺԷ. Ուխտ միաբանութեան հայոց Աշխարհիս ի ձեռն. Ներսէսի հայոց կաթուղիկոսի. եւ Մերչապնոյ Մամիկոնէից եպիսկոպոսի, եւ Պետրոսի Սիւնեաց եպիսկոպոսի, եւ այլոց աթոռակցաց եւ Տանուտէրանց եւ Ազատաց եւ համաւրէն ժողովրդականաց. էրէ՞ 72.

ԺԸ. Թուղթ զոր Տէր Յովաննէս հայոց կաթուղիկոս եւ ալլ եպիսկոպոսք առ սիւնեաց եպիսկոպոսն եւ առ Տէրն աբարին. էրէ՞ 78.

ԺԹ. Թուղթ զոր Տէր Յովաննէս հայոց կաթուղիկոս եւ ալլ եպիսկոպոսունք, առ Աղուանից եպիսկոպոսունս արարին. էրէ՞ 81.

Ի. Յովաննու հայոց կաթուղիկոսի ի Յովանութիւնն Քրիստոսի. էրէ՞ 85.

ԻԱ. Փառաւորելոյ տերանց Վրթանիս տերանց նուիրակի եւ վարդապետի Քչկան որդոյ, ի Սորմենայ Սորաաեւլատէ. եւ հայոց զաւրավարէ. էրէ՞ 90.

ԻԲ. Պատասխանի թղթոյն Սորմենայ, որ առ Վրթանէս վարդապետ գրեաց. էրէ՞ 93.

ԻԳ. Հաւատարմագունի եւ իմաստնագունի եւ աստուածասիրագունի եղբաւր՝ ողորմելիս Պետրոս տերամբ խնդալ. էրէ՞ 99.

ԻԴ. Սրբասէր եպիսկոպոսաց Մանասէի, Յովանէսի եւ Տեառն Կիզալ Դաշտեարանի եւ Տեառն Սարգսի եւ Տեառն վարդապետի ի Սահակայ կորուսեալ ծառայէ խոնարհ երկըրպագութիւն. էրէ՞ 108.

ԻԵ. Այս առաջին թուղթ գրեցաւ ի Մովսէսէ եպիսկոպոսէ առ Վրթանէս Բերդող սրբոյն Գրիգորի Տեղապահ. էրէ՞ 110.

ԻԶ. Պատասխանի թղթոյն Մովսէսի ի Վրթանիսէ. էրէ՞ 112.

ԻԷ. Թուղթ շրջագալական Մովսէսի եպիսկոպոսի. էր. 113.

ԻԸ. Պատճառք Գ. ժողովոյն երկաբնակացն, Մովսէսի վրաց ուղղափառ եպիսկոպոսի. էրէ՞ 119.

ԻԹ. Պատասխանի թղթոյն Մովսէսի եպիսկոպոսի. էր. 128.

Լ. Թուղթ շրջագալական Տեառն Վրթանիսի Բերդողի. էրէ՞ 130.

ԼԱ. Պատասխանի թղթոյն Տեառն Վրթանիսի. էրէ՞ 132.

ԼԲ. Թուղթ երկրորդ ի Մովսիսէ եպիսկոպոսէ առ Վլքր-  
թանէս Քերզոզ. էրէ՝ 133.

ԼԳ. Պատասխանի թղթոյն Մովսէսի. էրէ՝ 135.

ԼԴ. Տեառն Պետրոսի ի Վրթանիսէ. էրէ՝ 136.

ԼԵ. Տեառն Կիրովի ի Վրթանիսէ. էրէ՝ 138.

ԼԶ. Թուղթ երրորդ Մովսէսի եպիսկոպոսի առ Վրթա-  
նէս Քերզոզ. էրէ՝ 140.

ԼԷ. Պատասխան թղթոյն Մովսէսի եպիսկոպոսի ի Վլքր-  
թանիսէ. էրէ՝ 141.

ԼԸ. Կանոնք որ եղան ի Գունի, մինչդեռ մտածութիւն  
էր ժողովելոյ եպիսկոպոսացն կարգել կաթուղիկոս հայոց լետ  
մահուան Մովսէսի կաթուղիկոսի, եւ խափանեցան աջն՝ ան-  
գամ. էրէ՝ 146.

ԼԹ. Զեռնարկ՝ զոր խնդրեաց Սմբատ Վրկան Մարզպան,  
լայն եպիսկոպոսունս, որք դարձեալ ժողովեցան նորին հրա-  
մանաւ ի Գուին, կարգել կաթուղիկոս հայոց, լետ մահուանն  
Մովսէսի. եւ զայս ձեռնարկ ետ նոցա՝ էրէ՝ 149.

Խ. Զեռնարկ՝ զոր ետուն Աբրահամու հայոց կաթուղիկո-  
սի ի միաբանութեանն աշխարհիս հայոց, աչնոքիկ որ էին  
ընդ իշխանութեամբ հռոմոց ի թագաւորութեանն Մաւրկան.  
էրէ՝ 151.

ԽԱ. Սրբասիրի Տեառն Աբրահամու հայոց կաթուղիկոսի  
ի Գրիգորէ նուստ Քերզոզէ. էրէ՝ 153.

ԽԲ. Առ սրբասէր Տէր Աբրահամ, ի Մովսիսէ. էրէ՝ 161.

ԽԳ. Պատասխանի. էրէ՝ 163.

ԽԴ. Թուղթ առաջին Տեառն Աբրահամու հայոց կաթու-  
ղիկոսի, առ Կիւրիոն զրաց կաթուղիկոս. էրէ՝ 164.

ԽԵ. Պատասխանի. էրէ՝ 166.

ԽԶ. Թուղթ Տեառն Սմբատայ Վրկան Մարզպանի, առ  
Կիւրիոն՝ զրաց կաթուղիկոս. էրէ՝ 168.

ԽԷ. Պատասխանի. էրէ՝ 170.

ԽԸ. Առ Տէր Սմբատ ի Մովսիսէ. էրէ՝ 172.

ԽԹ. Պատասխանի. էրէ՝ 174.

Մ. Թուղթ երկրորդ տեառն Աբրահամու՝ հայոց կաթու-  
ղիկոսի, առ Կիւրիոն զրաց կաթուղիկոս. էրէ՝ 174.

ՄԱ. Պատասխանի. էրէ՝ 178.

ԾԲ. Թուղթ երրորդ Տեառն Արքահամու հայոց կաթուղիկոսի, առ Կիւրիոն վրաց կաթուղիկոս. էրե՝ 180.

ԾԳ. Պատասխանի.—186. Չորրորդ՝ Քաղկեդոնի ժողովն. էրե՝ 185.

ԾԴ. Թուղթ շրջագայական Տեառն Արքահամու հայոց կաթուղիկոսի. էրե՝ 189.

ԾԵ. Պատասխանի ի հայոց թղթոյն Ազուանից, Վրթանիսի Քերդողի. էրե՝ 196.

ԾԶ. Տեառն Կոմիտասու հայոց կաթուղիկոսի վասն հաւատոյ. էրե՝ 212.

ԾԷ. Յովհաննու իմաստասիրի հայոց կաթուղիկոսի սակս ժողովոց որ եղեն ի հայք. էրե՝ 220.

ԾԸ. Նորին Տեառն Յովհաննու հայոց կաթուղիկոսի ընդդէմ անոցիկ որ ապականեն զսուրբ խորհուրդն ի ձեռն խմորոյ եւ շրջոյ. էրե՝ 234.

ԾԹ. Յովհաննու Մանդակունուց հայոց կաթուղիկոսի. էրե՝ 239.

Կ. Երանելոյն Կելեստիանոսի եպիսկոպոսի Հռոմայ, Թուղթ առաջին առ Նեստոր. էրե՝ 241.

ԿԱ. Առաջին Թուղթ Պետրոսի առ Ակակ. էրե՝ 243.

ԿԲ. Երկրորդ Թուղթ Պետրոսի առ Ակակ. էրե՝ 244.

ԿԳ. Թուղթ Ա. Ակակայ առ Պետրոս պատրիարք. էրե՝ 245.

ԿԴ. Երրորդ Թուղթ Պետրոսի առ Ակակ հայրապետ. էրե՝ 247.

ԿԵ. Թուղթ երկրորդ Ակակայ առ Պետրոս. էրե՝ 249.

ԿԶ. Թուղթ չորրորդ Պետրոսի հայրապետի առ Ակակ. էրե՝ 250.

ԿԷ. Թուղթ երրորդ Ակակայ առ Պետրոս. էրե՝ 251.

ԿԸ. Թուղթ հինգերորդ Պետրոսի առ Ակակ. էրե՝ 253.

ԿԹ. Թուղթ չորրորդ Ակակայ առ Պետրոս. էրե՝ 256.

Հ. Թուղթ վեցերորդ Պետրոսի առ Ակակ. էրե՝ 258.

ՀԱ. Զեռնարկ զոր արար ի թղթին Ակակիտս հայրապետ, որ է ի Կոստանդնուպաւլիս. էրե՝ 264.

ՀԲ. Թուղթ հինգերորդ Ակակայ առ Պետրոս. էրե՝ 265.

ՀԳ. Թուղթ եօթներորդ Պետրոսի առ Ակակ. էրե՝ 267.

ՀԴ. Թուղթ վեցերորդ Ակակայ առ Պետրոս. էրե՝ 268.

ՀԵ. Միաւորութեան գիր՝ որ տուաւ բերել ի ձեռն երա-

նելոյն Պերդմիոս Ագատեղիոսի ի բարերար արքայէ Ջենոնէ-  
 եւ լԱկակայ գլուխ եպիսկոպոսաց՝ որ են ի Կոստանդնուպաւ-  
 լիս, առ երանելին Պետրոս՝ գլուխ եպիսկոպոսաց եւ հայրա-  
 պետ հաւատարիմ՝ քաղաքին Աղեքսանդրացոց երէ՛ 269.

ՀԶ. Թուղթ ութերորդ Պետրոսի առ Ակակ. երէ՛ 272

ՀԷ. Վեցերորդ ? Ակակայ առ Պետրոս. երէ՛ 274.

ՀԸ. Թուղթ իններորդ Պետրոսի առ Ակակ. երէ՛ 276.

ՀԹ. Թուղթ զոր արար Անաստաս Թագաւորն ընդդէմ՝  
 ամենայն հերձուածողաց. երէ՛ 277.

Ձ. Պատճէն թղթոյն հայրապետին Կոստանդնուպաւլսի  
 Փոտայ առ Աշոտ իշխանաց իշխանն. երէ՛ 279.

ՁԱ. Պատասխանի թղթոյն Փոտայ. գրեալ Սահակաչ  
 հայոց վարդապետի հրամանաւ Աշոտայ իշխանաց իշխանի.  
 երէ՛ 283.

ՁԲ. Թուղթ Գաղկայ Վասպուրականի հայոց Թագաւորի.  
 առ Կայսրն Յունաց Ռոմանոս, վասն հաւատոյ. երէ՛ 295.

ՁԳ. Տեառն Խաչկայ հայոց կաթողիկոսի, բան խոստո-  
 վանութեան, պատասխանի Յունաց գրոյն՝ զոր արձակեալ էր  
 առ նա Մեարապոլիոն Մելետինոյ.

Ի շուտնչո՛ւ՝ Թուղթ Սամուիէլի Կամրջաձորեցոյ հայոց-  
 փիլիսոփայի, պատասխանի թղթոյն Քէոզորոսի Մետրապաւլ-  
 տի Մելիտենոյ, գրեալ հրամանաւ Խաչկայ հայոց կաթողիկո-  
 սի. երէ՛ 302.

ՁԴ. Ստեփաննոսի Սիւնեաց եպիսկոպոսի, մեծի իմաս-  
 տասիրի, պատասխանի թղթոյն Անաիոքու եպիսկոպոսի, զոր  
 վասն հաւատոյ գրեալն էր. երէ՛ 323.

ՁԵ. Տեառն Գէորգեայ հայոց վերադիտողի եւ հոգեշնորհ  
 փիլիսոփայի. պատասխանի թղթոյն Յովնաննու Ասորուչ  
 պատրիարգի. երէ՛ 335.

ՁԶ. Թուղթ հռոմոց ի հայս, ձայնակից և համախոհ ժո-  
 ղովոյն Քաղկեդոնի եւ Տոմարի հալհոլութեանն Լեւոնի, զոր  
 երբ աստուածապատիւ Տէր Ստեփաննոս Սիւնեաց եպիսկո-  
 պոս, լառաջ քան զեպիսկոպոսութիւնն իւր, որ վասն Թարգ-  
 մանութեան հասեալ ի Թագաւորական քաղաքն ի Կոստանդ-  
 նուպաւլիս. իսկ նոցին լաղազս միաբանութեան հաւատոյ ընդ  
 ձեռն նորա գրեալ, եւ առաքեալ հայրապետին կապարեալ  
 կնքով, զոր ոչ ընկալեալ զնոցայն հալհոլութիւն մերոյ աչ-

խարհիս, այլ արձանացեալ ի հաւատս սուրբ Առաքելոցն, եւ ի խոստովանութիւն երիցս երանելոյ Սրբոյն Գրիգորի, ամենեւին անշարժ մնացեալք ոչ ետուն տեղի զրդուելով ի շաւղաց ուղղափառութեան. երէ՞ 358:

ՁԷ. Պատասխանի թղթոյն՝ զոր գրեաց Տէր Ստեփաննոս Սիւնեաց եպիսկոպոս, առ Տէր Գերմանոս Կոստանդնուպալսի հալրապետն, որք երկու բնութիւնս եւ երկու ներգործութիւնս եւ երկու կամս խոստովանին տեառն մերոյ Յիսուսի Քրիստոսի, եւ որք ի կենդանարար խորհուրդն ջուր խառնեն, հետեալք ժողովոյն՝ Վաղկեդոնի. երէ՞ 373:

ՁԸ. Սրբոյն Կիւրղի եպիսկոպոսի առ Նեստոր, զի տալր նմա տեղի ապաշխարութեան լառաջ քան զմերժել նորա. զի չեւ ես էր լեալ սուրբ Սիւնհոգոս որ կամաւքն Աստուծոյ ժողովեցան լսփեսոս: Թուղթ Կիւրղի առ Նեստոր. երէ՞ 396:

ՁԹ. Երանելւոյն Մակարայ սրբոյ քաղաքին Երուսաղէմի հալրապետի, կանոնական թուղթ ի հալս վասն կանոնագրութեան կաթուղիկէ եկեղեցւոյ կարգաց, զոր չէ արժան ընդ սահման եւ ընդ կարգ անցանել. Գլուխք ինն. երէ՞ 407:

Ղ. Բացալստութիւն համաձայն աստուածաբանութեան հոգելից հորցն սրբոց ըստ առաքելասահման աւանդիցն եկեղեցւոյ Քրիստոսի, հանդերձ հաւատարանութեամբ ճշմարիտ ուղղափառ դաւանութեան Հայաստանեաց, ասացեալ սրբոյ վարդապետին Սահակայ հալոց կաթուղիկոսի եւ մեծի թարգմանչի ընդդէմ երկաքնակաց նեստորականացն. երէ՞ 413:

ՂԱ. Զրոյցք Կոմիտասայ հալոց հալրապետի եւ Պատրիարքի Կոստանդնուպալսոյ. երէ՞ 484:

ՂԲ. Թուղթ ամենաշնորհ վարդապետին Գրիգորի Նարեկացւոյ, զոր գրեաց ի հոլակապ եւ լականաւոր ուխտն Կճաւայ, վասն կարծեացն անիծելոյ Թոնրակեանց Յանեսի եւ Յամրեսի, որ եկն զգեստու ոչխարաց, եւ ի ներքոյ զայլ լափըշտակող, որ եւ ի պտղոյ ծանուցաւ ամենից, զոր լուեալ սուրբ վարդապետին գրեաց սակս ազատութեան ի չար կարծեացն. երէ՞ 488:

ՂԳ. Թուղթ Կոստանդեայ կաթուղիկոսի հալոց, զոր գրեաց առ Հեթում թագաւորն ի լաստուածապահ դղեկէս, ի հալրապետական աթոռոցս Հռոմկլաէս ի մալրաքաղաքն Սիս. պատասխանի թղթին որ ի Պապն Հռոմայ բերաւ առ թագա-



ւորն Հալոց Հեթում ի ձեռն Ախաթին որ կոչէր իմանչ, ի  
 Թուխ Հալոց ի ՈՂԵ. ի ձեռն արդիւնական վարդապետին  
 Վարդանայ յարմար իրիս. էրէ՞ 503.

ՂԿ. Բանք իրատականք վասն հաւատոյ զոր լայտնեալ  
 է Նոզին սուրբ՝ աստուածասէր արանց աւգոտակարք ի ժամա-  
 նակս ժամանակս. էրէ՞ 510.

ՂԵ. Վարդանայ վարդապետի ասացեալ. էրէ՞ 526.

ՂԶ. Տեսիլ առն Աստուծոյ սուրբն ճգնազգեաց կրանա-  
 ւորին Յովհաննու Գառնեցւոյն. էրէ՞ 530.

ՂԷ. Վանական վարդապետի ասացեալ Բան հաւատալի  
 սզգլիս մերում. էրէ՞ 533.

ՂԸ. Ալլ բան է ասացեալ Վանական վարդապետին.  
 էրէ՞ 536.

Յիշատակարան. էրէ՞ 537.

Յանկ անուանց. էրէ՞ 539.

Յանկ վրիպակաց տպագրութեան. էրէ՞ 574.



**ԹՈՒՂԹ ՊՐՈԿՂԵԱՅ ԵՊԻՍԿՈՊՈՍԻ  
ԱՌ ՍՈՒՐԲՆ ՍԱՀՆԿ ՀԱՅՐԱՊԵՏ ՀԱՅՈՑ  
ԵՒ ԱՌ ՍՈՒՐԲՆ ՄԱԺԴՈՑ:**

Աւգնեա՛ չոգի սուրբ Կէսր նորոգուիս:

**Ե**րանի որ հանապազորդ լինիցին ի քաղցրահայեաց տե-  
սիլ աստուածագեղ երեսացդ. և զի ասեմ հանապազ. այլ զոնեա  
յաւուրս, կամ յամիսս, կամ ի տարեկանս: Ասացէ և իմ անձն  
սառնացեալ, յ առնէր զիս արժանի հասանել անկանել յոտս  
աւետարանիչս և ասել. Մեղայ յերկինս և առաջի բո, և չեմ  
արժանի եթէ անուանեցայց բո ուրդի, այլ համարեաց բո,ով  
բազմագուծ ողորմութեամբդ իբրև զմի ի վարձկանացդ: Եւ  
ուստի ինձ այդ լինիցի, բայց եթէ յաղաւթից սրբոյդ. զոր մեծ  
պատերազմաւ միշտ ի վերայ արժանեաց և անարժանեաց, ամե-  
նասուրբն Աստուծոյ հատուցանես:

Եւ վասն հաստատութեան եկեղեցեաց, զոր կարծեաց  
յանկարծյարոյց հողմ մոլորութեան շարժել՝ աղաւթից բոց  
տեառն սրբութեան դադարեաց. և ի միաբանութիւն եկին ամե-  
նայն եպիսկոպոսք Հոռոմոց, ունել հաստատուն պառաջին երեք  
հարիւրոցն հաւատս, և նպովեցին զի մի \*) որ իշխեսցէ գնել  
նորածին ինչ և աւտարտի հաւատս. այլ ի նորին վերայ, շի-  
նել և զնոյն ուսուցանել. Խոստովանել զԲրիտոս Աստուած  
Ճշմարիտ, Արդի Աստուծոյ, և միածին, ծնեալ ի Հաւրէ յառաջ  
բան զամենայն արարածս, և Տէր արարիչ ամենայնի, և զնոյն  
Բանն Աստուած ի վախճան ժամանակաց զգեցեալ մարմին, ե-  
ղեալ վասն մեր մարդ առանց շրջելոյ և անկանելոյ և խախտե-  
լոյ յիւրոյ աստուածային ինքնութենէն, և ծնեալ ի սուրբ կու-  
սէն Աստուած՝ ըստ մարմնաւոր ծննդեանն մարդ կատարեալ:

\*) Յօրինակին որ.

և կոչի և է կոչսն Տիրածին և Աստուածածին. և կատարեալն Աստուած ասի մարդ կատարեալ, վասն զի կատարեալ անդամովք, և շնչապատեաց զիւր սուրբ մարմինն. և ոչ իբրև մարդ. Եւ յայտ արասցեն Հակառակողքն, և Հանապազ իւրեանց բարբանջանացն զոտայնս Հանցեն, ապա թէ այս նոյն է Հասարակ բուռայն ծննդեանն սկիպքն, Իսկ Աստուած Բանն Ճշմարտիւ եղև մարդ. վասն էր է, զի խոստովանին զընուծիւնն, և բամբասան զանցս անցից ծնընդեանն: Արդ մի ի յերկուց անտի ընդրեսցեն. կամ ամաչեսցեն յանցս անցից անտի ծննդեանն. ուրասցին ի բարուց ընուծենէ անտի, և զխստն Հիւանդացեալ Մանիբեցուցն ընդ ամբարիշտսն Համարեսցին. կամ թէ յարեն յանձինս իւրեանց զաւգուտն մարդանալոյն. և խոստովանին զընուծենէ անտի, մի ամաւթ Համարեսցին զանցս անցից բուռայն ծննդեանն.

Արդ ես զարմացեալ եմ ընդ պակասամուծիւնն որ նոր նոր ճանապարհս խոտորս ձևեն. զի իմ զմինն դիտացեալ և ուսնալ բարեպաշտութեամբ Որդին, և մի խոստովանութիւն ունիմ զմարմնացելոյն Աստուծոյ Բանին զաւրուծիւն: Իսկ արդ զի մի է որ անցից անցից Համբերութեամբ յանձն առ, զմեծասքանչ զաւրուծիւնսն կատարեաց. առդ ընդէր զաստուածեղէնս լռեալ՝ զվատթարագոյնսն յերկարեալ բարբաջեն. զի նա ինքն իբրև կամեցաւ թէ Հաւատարիմ արարիչ Աստուած եմ և Բան, Հաստատեցաւ՝ կաց որ էրն, իսկ եղև մարմին և մանուկ և մարդ, ոչ միով իւրբ քա... թեամբ զխորհուրդն թշնամանեաց. նոյն ինքն և զմեծասքանչ զաւրուծիւնսն առնէր, և նոյն ինքն ընդ չարչարանաւքն մտանէր՝ Նշանաւքն և արուեստիւքն կալ և մնալ յայնմ որ էրն իսկ՝ երևեցուցանէ. իսկ չարչարանաւքն որ եղևն զինչ ստեղծն՝ Հաստատէ: Արդ՝ մի և զնոյն մշտնջենաւոր իսկզբանէ և ի կատարածի մարմնացեալ խոստովանեսցուք Որդի և մի ինչ այլ ամենեկին յաստուածութեանն ընուծիւնդ աւտարտի և խոտան խառնեսցուք. զի ոչինչ այլ աւելորդ գոյ յայն աթոռ:

Իսկ արդ ապաքէն ի միւս ևս այլ ի բազում Հոչակաւոր խորհուրդս նիւթեալ տողեն տկարագոյն քան զսարդի ոտայնս: Եթէ Երրորդութիւնն, ասէ, միազաւր է, Երրորդութիւնն առանց անցից անցից չարչարանաց է. ապա թէ Երրորդութիւնն առանց անցից չարչարանաց է, ապա թէ Աստուած Բանն առանց չարչարանաց

է, գտանի որ ի խաչն ել այլ ոմն բան զԱստուած Բանն որ առանց չարչարանացն է: Արդարեւ ճշմարիտ սարգի ոստայն հենուռն որ զայդպիսիս խաւսին, և ի վերայ շուրջ գիր հանեն, որ զընդու- նայն խորհուրդս զայս վարեն. ասեն ըսյ իմաստունք են. և մո- ր սեցան և խաւարեցան անմտութեամբ սիրտք իւրեանց. զի աչք բժարերը զարեգական ճառագայթս սուրբս ընդունել չկարեն, և միտք հիւանդացեայք ի հաւատոց բարձրութիւն անդր հայել չկարեն: Արդ զինչ ասեմք մեր, եթէ լուր բանին աստուածու- թեանն. Երրորդութիւնն միազաւր է և առանց չարչարանաց, արդ ոչ եթէ զի ասեմք զՈրդին մտեալ ընդ չարչարանաւք, ըստ բա- նի աստուածութեանն ասեմք եթէ չարչարանք հասին նմա, զի առանց պամենայն չարչարանս ընդունելոյ է բնութիւն աստուա- ծութեանն. այլ խոստովանիմք զԱստուած Բանն՝ որ մի Երրոր- դութենէ անտի է՝ մարմնացեալ. և տամք մեր պատճառս իմաս- տութեան գտանել այնոցիկ որք հաւատովքն հարցանեն վասն որոյ մարմնացաւ: Քանզի կամեցաւ Աստուած Բանն խափանել զչարչարանս ամենայն ցանկութեանց, որոյ վախճան էր մահ. և թողու գարձեալ զչարչարանսն ի տեղոյ՝ անմահ բնութիւնն իչ առնոյր յանձն. զի եթէ ամենայն չարչարանք հակառակու- թիւն է և կոխ է կցկցեալ արարածոց, իսկ որ անհիւթանիւթն է ոչ մի կցկցութիւն ի նա ժամանելոց է չարչարանաց, բանզի ոչինչ կցկցութիւն ի նմա չգոյր: Արդ կամեցաւ նա որ բունա- դատէին զբանաւոր մարմինն չարչարանքն՝ խափանել, որպէս և յառաջն ասացաք, որոց զլուսն ինքնին է մահ: Մարմնացաւ նա ի կուսէ անտի, որպէս գիտէ Աստուած Բանն. և կերպարանե- ցաւ իբրև զմարդ, զի այս ինքն կամք էին նորա, և ինքն զինքն յինքն ամփոփեաց. ի կերպարանս ծառայութեան եղև. ոչ մի ինչ պակասութիւն աստուածութեանն արար, և այնպէս փրկեաց զամենայն ազգս մարդկան, և մարմնով իւրով խափանեաց զամենայն չարչարանս, ողջ և անարատ զաստուածութիւնն պա- հեաց: Վասն այսորիկ և Քարրիէլ ի տալ զաւետիս ծնընդեանն զինքնիշխան զաւրութիւնն զոչէ առ Մարիամ. նա ինքն, ասէ, փրկեսցէ զժողովուրդ իւր յամենայն անաւրէնութեանց նորա: Իսկ արդ ժողովուրդ ոչ լինի մարդոյ այլ Աստուծոյ, և ոչ զաչ- խարհ որ կարէ փրկել ի մեղաց որ ինքն անպակասութեամբ յեր- կիր անկեալ և ոչ իցէ սկիզբն ծննդեան իւրոյ առանց արատոյ. ապա՛ յայտ է եթէ նոյն Աստուած է և մարդ, ոչ եթէ բաժա-

Նեաւ ինչ յերկուս, այլ կայ մնայ մի և նոյն: Ծնանելն ի կնոջէ յայտ առնէր՝ եթէ մարդ էր, իսկ առանց ամուսնութեան կոյս պահել զմայր՝ յայտնի վկայեալ թէ Աստուած է. զի ապրեցոյց զաշխարհ Յիսուս, որ Քրիստոսն է, որ եկն յերկիր և ընդ մարդկան շրջեցաւ: Ապա թէ Քրիստոս զոյլն մարդ ոք է, և ոչ ինքն Աստուած Բանն. զի մարդ ստեղծ նա իսկզբանէ զամենայն, մինչդեռ չէրն. զի եթէ կրտսեր ամենայն արարածոց է մարդն, յայտ է եթէ որ յառաջն էին քան զնա, նոցա զկենդանութիւն չէ շնորհեալ Քրիստոսի. իբրև կրտսերոյ արարածոց, իբրև զոյվնաբեայ ինչ մարդոյ: Իսկ զի մարդ Պաւղոս գոչէ. Մի է Տէր Յիսուս Քրիստոս, որով ամենայն ինչ եղև. զի եթէ ի Քրիստոս է ամենայն ինչ, յայտ է եթէ Քրիստոս Աստուած է Բանն, որպէս գոչէ աւետարանիչն. Իսկզբանէ էր Բանն և Բանն էր առ Աստուած, և Աստուած էր Բանն, նա էր իսկզբանէ առ Աստուած, ամենայն ինչ նովաւ եղև. եւ Պաւղոս զնոյն բարոյքէ և ասէ. Մի է Տէր Յիսուս Քրիստոս որով ամենայն, յայտ է եթէ Քրիստոս Աստուած է Բանն: Ապա եթէ բերեն ի մէջ որ ի սուրբ գիրս բարբառք են, յորում անուանեալ մարդ, զի Պետրոս ասաց զՅիսուսն որ ի նազարեթէն՝ այր, և Պաւղոս աղաղակէ, յառն անդր յորում հաստատեաց զհաւատսն. և նոյն իսկ Տէրն ասաց, Զի՛ ինդրէք զիս սպանանել զայր մի. գիտասցեն նորա եթէ կամ վասն վատթարութեան հնգգութեան տգիտութեան պակասեցան ի գրոցն խորհրդոց, և կամ վասն խորամանգութեան խարդախութեան խտորեն զգեղեցիկ գրեալն. զի ասէ մարդ իսկ է ճշմարտիւ Քրիստոսն. այլ ամենայն նովաւ եղև. ոչ եթէ յառաջ ինչ էր մարդ, բայց միայն Աստուած էր. զի զոր աւրինակ Աստուած ոչ ստեղծանելով է, և նոյն մարդ երևելով. և զոր աւրինակ Հաւրն ըստ աստուածութեանն միազաւր է, սոյն աւրինակ և կուսին ըստ մարմնոյ հոմատոհմակ է. յամենայնի ճշմարտութեան խորհրդոյն ճառագայթեալ. և յամենայն խարէութեանց դատարկացեալ, ապա թէ՛ ոչ ծնաւ զԱստուած Կոյսն, և ոչ բաղում զարմանալեաց արժանի է, որ առանց ամուսնութեան ծնաւ. զի բաղում և այլ կանայք պողարեր եզեն արգարոց յաշխարհ: Ապա թէ մարգարէիցն լեզուք զանձառ խորհուրդն յառնջազոյն փող հարեալ գոչեն. Ահա առիկ կոյս յղասցի և ծնցի որդի և կոչեսցեն զանուն նորա Եմմանուէլ, զոր թարգմանեաց Գաբրիէլ՝ ասէ Ընդ մեզ աստուած,

արդ ընդէր վասն ծննդեանն խոնարհման, զփառս ծնելոյն շուրջ՝  
յապաւենն:

Գարձեալ ընդդէմ դնեն զայս. ամենայն ծնունդ համատոհմակ է ծնելոյն, զի եթէ մարդ է որ ծնաւն, ապա յայտ է եթէ մարդ է զոր ծնաւն: Զայս բարուր ասացէք այսպիսիք՝ նա յայնժամ համատոհմակ ծնանի, որ երկնայն<sup>\*)</sup>, երբ ըստ բուսոյ բարուց ծննդեամբ ծնունդն երեւեսցի, իսկ բուսոյ բարուց ծննդեան սկիզբն խառնակութիւն ամոսնութեանն է. քանզի խառնակութիւն յառաջագոյն լինի քան զպականութիւնն, իսկ ուր թշնամանայս այսոցիկ բնաւ և ոչ զմտաւ ածելով, անդ ամենեկին ժամանակ երևի, այլ յանկարծակի համառաւտ որ ի վերինն է, քան զասել մեծասրանչ զարմանալիքն, իսկ որ ի վեր է քան զբոյս բարուցն՝ անդ ծնունդն ինքն աստուած:

Արդ խոստովանիմք այսուհետեւ եթէ նա ինքն է որ զաշխարհ արար, և զաւրէնսն եղ, և ի մարգարէսն շնչեաց, և ի կատարածի մարմնացաւ, և զառաքեալսն ի փրկութիւն հեթանոսաց և ժողովրդոց որսացաւ, փախիցուք ի պղտորչաց անտի, և ի խոհեական խաբէութեան հեղեղաջուրց անտի, զի ընդ աստուածամարտ հերետիկութիւն խոստմանցն ասեմ, զԱրայ, Մաթեոյ, Մարաթովայ<sup>\*\*)</sup> մոլեգնութիւնսն ասեմ, որ ի մէջ մատուցեալ ի մէջ անբաժին երրորդութեանն, բաժինս արկանեն, զԵւնոթեայ ժպրհութիւնսն ասեմ, որ չափէ լուրջ գիտութեամբ զանհաս բնութիւնն, զՄակեդոնի կատաղութիւնն, որ քակէ յաստուածութենէ անտի զանքակ բղիւղմն Հոգոյ. և զնորակերտ զնորաձայնս զայս ասեն զնոր ընդունայն հայհոյութիւնսն, որք բազմապատիկ հայհոյութիւն հրէութեան խորհրդովք, բազմապատիկ անցանեն զանցանեն ըստ նոցա հայհոյութեամբն, զի նոքա զԱրդին անարգելով զլանան զարմատ շառաւեղին, սոքա քան զճշմարիտն, որ էր՝ միւս ևս այլ ի ներքս, մատուցանեն, թշնամանեալ նշկահեն իբրև զբազմածին զանարատ բնութիւնն: Արդ մեր եկայք ասասցուք Պաւղոսիւ հանդերձ. Քրիստոս է խաղաղութիւն մեր, որ արար զերկուսին մի, և զհրեայս և զհեթանոսս ի մի նոր մարդ ստեղծ միաբանեաց հաւանեցոյց զաւրուութեամբն, այն որ մեկնեալ էին ի միմեանց գործովք գնացիւքն իւրեանց:

\*) Երևի. երկնէն:

\*\*\*) Այսպէս ի ձեռագրին:

արդ սոսկացին ի դատապարտութենէ անտի, որ զնորաձայն ամպարշտութիւնն ի ներքս արկանեն, զի եթէ որ այլոց պատանանցն ի միաբանութիւն հաւանութեան եղև արարիչ և որ հաւանեցոյց և միաբանեաց, ինքն յերկուս բաժանեալ գտանիցի ըստ նոցա բանիցն ասացեալ: Բայց արդ պսուհետև զերկայնութիւն քանիցս թողեալ ի համառաւտ անդր եկեսցուք ուղղութեան հրամանին:

Եթէ որ կամեսցի գիտել ճշմարտութեամբ թէ սա ինքն է մի և միայն Որդին, որ յառաջ քան Վերրահամն էր, և ի կատարած հաս մարմնոյն հասակաւ, զի կա, միշտ յաստուածութեան անդ կատարեալ, հարցչիր ցՊաւղոս և նա որոտացէ զաստուածպաշտութիւնն ցուցեալ. զի աստուած էր յաւիտենից և եկն ի հրէից մարմնով, զի վասն Հերայեցեացոն ասաց զկերեուրաց և զաստուածամարտաց ազգն զորս յարգէրն վասն արմատոյն, Վերրահամն և զլաւակն որ է Տէր Յիսուս Քրիստոս. զի այսպէս ասէ, Որոց, ասէ, որդեգրութիւնն էր. ինքն Աստուած կոչէ ի բերանոյ մարգարէիցն. Որդի իմ անդրանիկ Իսրայէլ, և փառքն, զի անչափ փառս շահէ զանգիտելոցն, մի զմիով արկեալ էր զսքանչելիսն. զկտակարանս ասէ, որ առ Վերրահամն էին. ցբազմութեան զաւրհնութիւնն յերաշխեալ, զաւրինադրութիւնն ասէ որ ի լերինն մատամբն Աստուծոյ գրեալ էր, և զաւետիսն ասէ, զերկրին Պաղեստինեայ, և ի զաւակէ անտի ասէ Վերրահամն աւրհնեալ զամենայն հեթանոսուստի հարքն՝ ոյք ի մոլորութեան գիշերին ծագեցին իբրև լուսաւորք հաւատովքն, ուստի և Քրիստոսն է ըստ մարմնոյ զի յայտնեսցէ զծնունդն: Եւ ոչ եթէ կացոյց պսուհետև Պաւղոս զբանն, զի ոչ եթէ յորմէհետէ ծնունդն Մարեմայ է՝ յայնմ հետէ սկիզբն անսկզբնականին զոյութեան, այլ աստուած թափեաց վաղվաղակի և ասէ ըստ մարմնոյն յայտնութեան, այլ ոչ եթէ ըստ աստուածութեանն ծնունդն. արդ ով է այս. ինքն Քրիստոս որ ի կուսէ անտի ծնաւ, որում այրք եղեն բաւական զոր ինքն միայն գիտէ. որ ի մտուր անդ բազմեցաւ, որ ի ժամանակի ըստ մարմնոյ աճեաց, որ մինչ ի ստորինս երկրի էջ, որ զամենայն անցս մարմնոյ համբեր. զի հաւատարիմ արասցէ ճշմարտութեամբ եթէ եկն եղև մարդ, ոչ եթէ այլ ոմն է քան զայն որ էջն, այլ նա ինքն է որ էջն և որ ելն. զի ոչ եթէ ել նախ, այլ էջ իբր ոչ եթէ ուրուք ձեռամբ ինչ

յառաջ ածելով է աստուած. բաւ լիցի. այլ վասն գթութեան իւրոյ եկն և եղև մարդ, զի այսուիկ իսկ էաք մեր կարուտ: Արդ մի՛ յինէն ուսանիր զայդ կամ յայլմէ ումբէ, այլ ի Պաւլոսէ. որ ի Հաւրէ յայտնութեամբ ուսաւ զՈրդի և ասէ. Այլ յորժամ հաճոյ թուեցաւ Աստուծոյ որ ընտրեաց զիս ի միջոյ մաւր իմոյ, և կոչեաց զիս ի ձեռն շնորհաց իւրոց յայտնել զՈրդին իւր յիս. նա ուսուցէ բեզ ճշմարտիւ՝ Ո՛ր է Յիսուս Քրիստոս. զի ինքն աղաղակէ և ասէ. Ուստի Քրիստոսն է ըստ մարմնոյ որ է ի վերայ ամենայնի Աստուած աւրհնեալ յաւիտեանս: Զինչպիսի սպրդութիւնս հայհոյութեան մարդկան ոչ բակեն Պաւլոսի բանքն բամբասասէր մարդկան: Ասաց զնա ընչ Քրիստոս, զի յայտ արասցէ և թէ ճշմարտիւ եղև մարդ: Ասաց զնա ի հրեից ըստ մարմնոյ, զի յայտ արասցէ, զի ոչ եթէ յորմէնստէ մարմնացաւ, յայնմ՛նստէ միայն է: Ասաց զնա՛նէ թէ էր, զի անսկիզբն երևեցուցեալ որոտացէ Պաւլոս: Ասաց զնա ի վերայ ամենայնի, զի արարածոց ամենայնի Տէր զնա քարոզեսցուտ: Ասաց զնա Աստուած, զի մի՛ որբ վասն չարաբանացն և կերպարանացն լըմորեալ զանսատակման նորա՛՝ ուրասցուր զընութիւնն: Ասաց զնա աւրհնեալ, զի իբրև ամենակալի երկիրպագցուր նմա, և ոչ իբրև զծառայակից մեր բամբասեսցուր: Ասաց զնա յաւիտեանս, զի յայտ արասցէ, թէ որ բանիւ արար, միշտ մշտնջենաւոր ի մէջ նոցա իբրև Աստուած փառաւորի: Արդ ունիմք զՔրիստոս որ էրն, և աստուած է, և աւրհնեալ է, նմա երկիրպագցուր, և ասացուր ցայլանդական յայտնապէս, եթէ որ զհոգի Քրիստոսի ոչ ունի, սա չէ նորա, զի մեր զմիտս Քրիստոսի ունիմք. բանզի և ակն ունիմք զալստեան երևելոյ փառաց մեծին Աստուծոյ, և փրկչին մերոյ Յիսուսի Քրիստոսի, որ հատուցանէ բարեպաշտիցն զյաղթութեան փառաց պարգևս, և ժխտողացն անհնազանդիցն ժպհութեան պատիժս:

Եւ զի այս ամենայն զի գրեցաք առ ձեր սէր այդր, զի լու եղև մեզ եթէ արբ ոմանք ժանդախաւսք ցնորախաւսք, անկան ի յաշխարհ այդր, և կամին ժանդաժող իմն գրովք, հակառակութեամբ, ստաբան խտախորհուրդ գիտութեամբ, խոտորել զպարզամտութիւն, զանպաճոյճ, զանմբենայ, իւղղափառ գեղն հաւատոյն, բայց ես զերանելոյն Պաւլոսի զառաքելոյն դարձեալ ասեմ ձեզ. Զգոյշ լինիչիք զուցէ իցէ որ, որ զձեզ կապուտ կողպուտ թողուցու ճարտարմտութեան բանիւք, և ընդունայն խա-



րէութեամբ վարդապետութեան, ընդունայն խորհուրդն մարդկան, և ոչ ըստ վարդապետութեանն Քրիստոսի. զի Հիմն սրբութեան հաւատոյ, այլ ինչ որ ոչ կարէ դնել բան զայն որ եղեալն է, այսինքն է Յիսուս Քրիստոս: Արդ կացէք հաստատուն ի մի հոգի, և ի մի անձն, նահատակակիցք եղեալ հաւատովք աւետարանիս, և մի՛ խրտուցեալք ընդուստանիցիք. մի՛ յիմիք ի չարեաց թշնամոյն, և մի ի նզով և ի կորուստ մատնիչիք ընդ նեստորեայ, և ընդ Թէոդորեայ որ վարդապետն լեալ էր նորա, և որ զչար ըոյսն երեւցոյց և չարարան՝ նորաձայն, որ անցուցին զանցուցին ըստ ուրացութիւն հրէութեան, և ըստ հերետիկութիւն առաջին Արիանոսացն, Թեանցն, և Մարեթոնեաց \*) և այլոցն որ խոտորեցան ի փառացն սրբութենէ և յուղեղն հաւատոց, նզովեցան նորա յամենայն ժողովրդոց և այրեցան որ վատի խորհրդոց գիրք էին նոցա, յանդիման ամենայն ժողովրդոց, յորմէ և զուր պահեսչիք զանձինս, և զնոյն գործ գործեսցիք զոր սուրբ ժողովք եպիսկոպոսացն գործեցին, և մի որ զառժամանակեալ ամաւթն, ամաւթ անձին համարեալ զյաւիտենից ամաւթն ժառանգեցէ, և ընդ նոսա դատապարտեալ ի դժոխս կործանեցի: Այլ պահեսչիք զուր զվարդապետութիւն, զոր ընկալեալ ի հարցն սրբոց որ ի նիկիա սենհոգոսն էր ժողովոյն, և զուղիղ սուրբ փառս հաւատոցն հաստատեցին: Եւ զոր վարդապետութիւն սուրբն երանելիք, Բասիլիոս, և Գրիգորիոս, և որ միանգամ նմանն նոցա, որ սրբութեամբ և հաւանութեամբ, սուրբ հաւատս ի կեանս իւրեանց հաստատեցին, որոց անուանքն զրեալ են ի պարութեան կենացն: Ողջ լերուք ի տէր և շնորհեալ լիչիք մեւ աստուածասէր եղբարք:

գրեալ յամի Տեանն

435



\*) Այսպէս ի ձեռագրին:

# ՊԸՏԱՍԻԱՆԻ ԹՂԹՈՅՆ ՊՐՈԿՂԻ ԵՐԱՆԵԼՈՑ, Ի ՍԱՀԱԿԱՑ ԵՒ Ի ՄԸՂԴՈՑԷ, ՍՈՒՐԲ ՎԱՐԴԱ- ՊԵՏԱՑՆ ՀԱՅՈՑ.

**Ա**ռ ճշմարիտ և աստուածաւէր պատուական տէր մեր և  
Տայր՝ սուրբ եպիսկոպոս Պրոկղոս. ի Սահակայ և ի Մաշդոցէ  
ողջոյն:

Ճառագայթք մշտնջենաւոր յաւիտենական լուսոյդ որ առ  
մեր տկարութիւնս երևեցան ի ձեր լուսաւոր սրբութենէդ, յոյժ  
ի ծագել ի րեանց վարացուցին զմեր տկարութիւնս, և զմեր  
տկար խորհուրդս բաղմապատիկ վարացուցին, և մեծապէս զկող-  
մըն տկարացեալ անդրէն արծարծեալ նորոգեցին, զի անդէն  
վաղվաւակի թուեցաւ մեզ որպէս նոր ինչ անցք ի վերայ հա-  
ւանել բազում անձկալի գթոյն զոր աւրինակ անցք անցանի-  
ցեն ընդ բաղբարբեր բոյսս արտոցն բաղբրութեան ցաւոյն  
ի վերայ իջանելով և զտապ տառապոյն հասկալից բուսոյն ի  
չերմախառն յանբարեխառն աւոյոյն՝ իւրով բաղբրութեամբն յա-  
ռողջութեան բժշկութիւն դարձուցանելով: Արդ ցայս վայր զե-  
ղեցիկ իմն ցանկալի և ուխտիւք խնդրելի էր մեզ լսել և ասել  
զպարութիւն թղթոցդ ի միջի՝ որ զերանելի պատգամս ի ձէնջ  
առ մեզ հասուցանէին՝ և մեր աղաւթք հանապազորդեին արժա-  
նի լինել յամենայնի՝ ընդունել և վայելել յարհմութիւնս հո-  
գեորս ձերոյ մեծասքանչ սրբութեանդ: Զի բաղբրացեալ էր  
մեզ կալ մնալ մեզ աստէն ի սմին ընտանացեալ տգիտութեան՝  
որպէս ի բերդ ինչ ամուր և յաշտարակ հլաւր փախստեայ ան-  
կեալք յանգիտութիւնս: Արդ պահպանութիւն զմեք առեալ  
զազնականութիւն աղաւթից ձերոց սրբութեանդ, հաստատեալք  
և զաւրացեալք պահել զհաստատութիւն հաւատոյ, զոր ի սկզբ-  
բանէ ի ձեր ճշմարիտ վարդապետութենէդ ընկալեալ ունեաք,  
մի պղտորութիւն ընդունել ի վերայ մկրտութեան տգիտու-  
թեան պարզամտութեան մերոյ: և բնաւ ամենեին՝ չընդունել

զլիւր կորստական մոլորութիւնս, մանաւանդ զմիասակար նորարան նորաձայն զՏերեսիութիւնս, զոր այլանդակաշատ ամբարշտութիւն՝ տակաւին զբոյս դառնութեան սերմանցն ցանէ ի վերայ սրբութեան սերմանեաց որոմնախառն ուսումն, որք ի հանձարափնաս սատանայախառն սովորեալ են: Արդ որովհետեւ մոլարն առաջին և գլխաւորն ի շարիս զիւր ժանգ աղտեղութեանն կարկառեալ սերմանել ժպրհեցաւ: Վայս մեր մեղաց գործ համարեցաք: և ընդ մեծամեծ բազում և անչափ ձերում թղթոյդ տրտմակից եղեալ՝ ըստ մերում տկարութեանս ողբացաք, և յամենայն տեղիս որ շուրջ զմեւք բնակեալ էին յղեցաք, մեծ և պատուհասալից պատուիրանաւ մի՛ լսել բնաւ ամենեկին զայդպիսի բարբարոսս, մի ընդունել ամենեկին զմիասարբեր կորստական մոլորական հերեսիութեանն վարդապետութիւնն:

Այլ մեր հաւատամբ ի մի Աստուած Հայր ամենակալ արարիչ երկնից և երկրի, երեւելի և աներեւելի արարածոց: Եւ ի մի տէր Յիսուս Քրիստոս ի միածին Արդին Աստուծոյ, այսինքն է եութիւն յեութեանէ, եութիւն ծնեալ՝ որով ամենայն եղև, Աստուած յԱստուծոյ, լոյս ի լուսոյ, ծնեալ և ոչ արարեալ իսկակից Հաւր, որ վասն մեր մարդկութեան էջ և մարմնացաւ, յանձն առ չարչարանս, յարեալ յերիւր աւուր, և ել յերկինս, և գալ դատել զկենդանիս և զմեռեալս: Եւ ի սուրբ Հոգին հաւատամբ: Իսկ որք ասնն էր երբեմն զի չէր, և մինչև ծնեալ էր չէր, և ասնն ի չեութենէ եղև, և յայլմէ իմեմէ և զաւրութենէ, և կամ եղծանելով և փոփոխելով, զայնպիսիսն նշովմբ: զի միշտ Հայր, միշտ Արդի, միշտ սուրբ Հոգին, Հոգի Աստուծոյ Հոգի սուրբ, կատարեալ, բարեխաւս, անստեղծ, անեղծ, որ խաւսեցաւ աւրինաւք և մարգարէիւք և առաքելովք, որ էջն ի յորդանան:

Եւ վասն մարմնազգեցութեան Արդոյ այսպէս հաւատամբ: զի առ յանձն ինել մարդ կատարեալ յաստուածածին Մարիամայ սրբով Հոգւով, առեալ շունչ և մարմին ճշմարտիւ և ոչ կեղծեաւք, այսպէս և կատարեաց փրկել զմեր մարդկութիւնս, և ճշմարտիւ չարչարեցաւ, ոչ եթէ ինքն պարտէր չարչարանաց, զի ազատ է աստուածութիւնն ի չարչարանաց: այլ վասն մեր ետո յանձն զչարչարանս, խաչեցաւ և թաղեցաւ և յերիւր աւուր յարեալ, և յերկինս համբարձաւ, և ընդ ալմէ Հաւր նըստաւ, և գալոց է դատել զկենդանիս և զմեռեալս: Այլ առ կա-

տարման հաւատոց՝ հաւատամբ ի մի մկրտութիւն ապաշխարութեան, և մի կաթողիկէ եկեղեցի. և յարութիւն մեռելոց, և յարբայութիւնն երկնից և ի դատաստանսն յաւիտենականս: Եւ աստուած խոստովանիմք զՀայր և զՊրզի և զսուրբ Հոգին, մի Աստուածութիւն սրբոյ Երրորդութեանն, զի Հոգի է Աստուած, և կամաւք երեւեալ, խաւսեալ աւրինաւք և մարգարէիւք և առաքելովք:

Հաւատամք ճշմարտիւ անգիտութեամբ և անհասութեամբ. զի ամենայն մարդ ըստ պատկերի Աստուծոյ, այլ թէ որպէս կամ զիարդ, Աստուծոյ միայն է գիտել, բայց զարմացեալ եմ ընդ այնս որք աւելի քան զինքեանց չափն ջանան և նկրտին ըմբռնել զանհասն զառանց ըմբռնելոյն: Բայց կարծեմք զայնպիսիսն, իբրև ի մեր տգիտութեան կարծեաց. թէ այնպիսիքն ոչ գիտեն ամենեւին զգիրս, և ոչ զպարութիւն հոգոյն. որ ի գիրս է, բայց եթէ հրեարէն, միայն զմուրն նկատիցեն: Եւ որպէս զողացեալ համարիմք զնոցա միտս ի թշնամոյն, զի արբեցեալ են զչար հիւանդութեան արբեցութիւն, որոց ի բազում և ի թանձր արբեցութենէն զգայութիւն ճաշակելեացն թարշամեցուցեալ է, և ոչ ճաշակելեացն անգամ կարեն առնուլ զհամ գինոյն, ի բազում կիլմանն զպրութենէ զզգայութիւնսն կորուսեալ է. և կամ զայս իմանամք ի կարծել մերում, թէ ի վեր տատապարտուց է գիտութիւն բազում ուսմանն, զի ի սատանայութեան մոլորութիւնն կործանեալ են. հասանել անհաս չափոցն ժպրհին. զի ոչինչ է այլ տգիտութիւն, այլ խաւար խորհրդեան և ամենայն կեղծաւորութեան խորամանգութիւն, և գործ սատանայութեան: Երկուս որդիս և երկուս տաճար մերենայն գտանել ընդ միտս իւրեանց, խորհել աներկիւղութեամբ և անամաւթութեամբ, զամաւթ իւրեանց լըրութեամբ յայտնապէս պատմն. զի և Տէր մեր Յիսուս Քրիստոս կամաւք Հաւր զթացաւ ի վերայ մոլորութեան մարդկան. Բանն որ ի սրտէ Հաւր ըղթեալ կամեցեալ հաճոյ անել, հովանի լինելով Սրբոյ Հոգւոյն, մարմին լինել յարգանդի Վուսին սրբութեան, և ընդունել զմարմին հնացեալ որ ըստ խաբէութեան սատանայի յապականութիւն դարձեալ էր, նորոգել մարմնով շնչով և հոգով, զի առանց ապականութեան ստեղծուածն առաջին ի միւս անգամ ծննդեանն յարութեան մեռելոց երեւեցի, զի ճշմարիտ մարմին զգեցաւ վասն մեր. և սերմանեաց ի մեզ հաւատով զաս-

տուածութիւնն, և արար նշանս և արուեստս զինորա Աստուածութեամբն հաւատարմասցուք: Ինքն յանձն եառ բարց և ծարաւ, աշխատութիւն և բուն, իրր ոչ եթէ աստուածութիւնն ի մարմնոյն չարչարանաց ի պարտութիւն մատնեալ էր, այլ զի խցցէ զանամաթ բերանս և անաւրէնութեամբ սրեալ զլեզուս, որ արդէն իսկ յաւժարեալ են հայհոյութիւնս խաւսել որք ասենն՝ ոչ ճմարտութեամբ այլ կեղծեաւք ի ցնորս առ աչաւք երեւելով զալուստն եղև, համբեր յանձն առեալ ապտակս և անարգանս, խաչ և մահ, իրբև ոչ եթէ ինքն պարտական և արժանի էր այսմ: և ոչ մահուն արժանի էր զոր մեռաւ, զի անմահ է Աստուածութիւնն, այլ զի զմեր անարգանս որ ի մեղաց մերոց եղև, սրբով Աւետարանաւ և պատուական արեամբն ջնջել ի մէնջ և լուանալ արժանի արասցէ: Եւ որ ի փայտէն զայթազողութիւն եղև ի դրախտին՝ ի մէջ միջնաժողով ժողովորոց զիսաւն կանգնեաց՝ փայտ առ փայտ, և ծառ առ ծառ, և զպտուղն կենայց, փոխանակ ապականարբեր պտղոյն զկենդանարբեր փայտէն կախեաց, կամաւք կամակարութեամբ, և ոչ ակամայ կամաւք զանձն մատնեաց: Ինքըն զինքն եղ, և անդրէն ինքն զինքն յանձն իւր ընկալաւ, զսուրբ մարմինն և զպատուական արիւնն պաշար կենաց մեզ (որք ճմարտութեամբ հաւատացաք) յաշտիճանաւոր ճանապարհն որ յերկինսն է, սիրելեաց իւրոց պատրաստեաց: Ելլ վասն տարապարտ և անաւզուտ, մանաւանդ վասն նղովեալ մոլորութեան նոցա, զի՛ պարտ է զբազում բանիւք անկանել, և զսուրբ ալատութեանն լսելիս, զանարատ շտաց հաստատութիւն մեզ իշխել ալտեղել: զի որ միանգամ մոլորական եղեն ի ճմարտութեան ճանապարհէն, և յուզեղ հաւատոյն վրիպեալք ընկեցան: Ելլ զինչ խորհցին, կամ զինչ խաւսիցին թէ ոչ որ ի հուր գեհնին պատրաստեալ հատուցումն նոցա է: զի մեր աստ, որ զայնպիսի իշխեն յանձն առնուլ և կամ ուրեք ուրեք ի տեղիս այնպիսի գտանիցի խորհել կամ խաւսել, ոչ միայն չընդունիմք կամ հալածեմք, այլ բազում և մեծամեծ պատիժ պատուհասի առնել ոչ դանդաղիմք: Քրչափ ևս առաւել պարտ և պատշաճ է ձեզ որ ի մեծամեծ իշխանութիւնդ վայելէք, նախանձել զնախանձ Աստուծոյ և ի գլուխ վարել զայնպիսին նախանձու վրիժուց հատուցմունս, և ոգով և մարմնով ջանալ զի բարձցին ի միջոյ եկեղեցոյ Քրիստոսի անուանարկ անաւրէն ամբարշտութեանն զայթազողութիւնք: Մանաւանդ զի թագաւորս ունիք, որ զհոգ Աստուծոյ յանձին

բարձեալ բերնն, և հաւասարութեան Երրորդութեանն սրտի մտաւք ընդանեցեալ են, կարող են զփուշն ի միջոյ սրբել, զի բոյսն սուրբ սերմանեաց հաւատոյն, բարձրացեալ ծաղկալից պարարտացեալ լի արմտեացն բաղլորութեամբ՝ զանկեալ զհատն սերմանողացն մատուցէ ատրբացեալ, բաշխապատիկ զբերրի զպտուղն մատուցանել մարթասցէ և ուրախ արասցէ զտէրն արդէնարարաց և զմշակն արդարապէս հատուցման պարգևաց արժաւի արասցէ: Զի եթէ որ երկրաւոր թաղաւորաց սպասաւորք իցեն դուզնաբեայ ինչ բանք, մանաւանդ որ վասն ծիրանեաց լինին, ոչ յանձն առնուն դատարկացուցանել, թէ ոչ մեծապէս պատժիւ և պատուհասիւ մեծապէս վրէժ խնդրեսցեն, որչափ ևս առաւել պարտ և պատշաճ է որ զանեղծ և զանարատ հաւատն յապականութիւն դարձուցանել ջանան, և որ անհասն է՝ հասանելի ժպրհին. և յաւիտենական լուսոյն գեր ի վերոյ լինել յաւժարեն, և սրբոյ զանձառ զանքնին Երրորդութեանն՝ քննութիւնն ջանան ընդ խնդիր արկանել: առաւել ևս նոցա ընդունել պատիժս պատուհասի ըստ իւրեանց խորհրդոյ, զի սրբութի ն Երրորդութեանն անմատոյց հրեշտակաց և աներևելի բերովրէից և սրովբէից, լոկով միայն փառաւորութեամբ և աւրհնութեամբ պաշտի:

Արդ տէր մեր և ճշմարիտ աստուածասէր հայր մեր, և ամենայն եկեղեցոյ Աստուծոյ ընդունելի, և ի սուրբ աղաւթս բոյիշել զմեզ հանապազ անգարշ լինիչիւր. և զմեր տկարութիւնս զաւարացուցանել մի դանդաղիցիս, և եթէ ինչ ըստ չափ թըղթոյդ առ տգիտութեան վրիպեալ իցէ, ուզղել անգաւրշ լինիչիւր: Եւ որ Թէոդորեայ Մամուկեստացւոյ աշակերտեալք իցեն՝ առ ժամանակս ի շնորհացն աստուծոյ պնսպիսի ինչ աստ չե է յայտնեալ, ապա թէ իցէ ծածկեալ ի ժանգոյ աղտեղութեան, ի հարկէ ջան լիչի մեզ խլել զխոջն, և զգայթազղութիւնն զայն ի միջոյ ի բաց կորուսանել, զի միաբանութիւն որպէս ի ձերում միջի փառաւորի, և զմեզ ի նմին հաւասարութեան փառաւորութիւն առ Աստուած հասուցանել արժանի արասցէ:

Ամենայն ուխտի որ ընդ ձերով սրբութեամբդ են, մեր և եղբարք որ ընդ մեզ են ողջունի թղթովք աղաչմբ, զի աղաւթիցէք ի վերայ եղբայրութեանս հասարակաց:



**ԹՈՒՂԹ ՅԱԿԱԿԱՅ ԵՊԻՍԿՈՊՈՍԷ ՄԵԼԻՏԻՆԱ-  
ՑԻՈՑ,  
ԱՌ ՍՈՒՐԲ ՍԱՀԱԿ ՀԱՅՈՑ ՀԱՅՐԱՊԵՏ.**

**Ո**ր ամենայնիւ աստուածասէրդ ես և լի սրբութեամբ տէր  
իմ և գործակից, ըստ նմանութեան միոյ մարմնոյ յաւդապա-  
տեալ այսպէս բազում ազգս ի միաբանութիւն Հաստատեաց ըստ  
Պաւլոսեան բանին թէ Որ ոչ զոյ Հրեայ, և ոչ յոյն պլովքն՝  
բայց յամենայնի Քրիստոս, ցուցանէ այս զմիաբանութիւն Հա-  
ւատոյն, զոր շարժեաց չար աղանդն Նեստորի, որ էր նա ի բա-  
ղարի Վոստանդինեայ եպիսկոպոս. և ապա Հերետիկոս գտեալ  
կործանէր յաշտիճանէն, որով ծանեաք զգայլն յափշտակող յար-  
ձակեալ ի վերայ սուրբ եկեղեցեաց, և ուրեք ուրեք զպարզա-  
միտս յիւր դարձուցեալ ի չարակամութիւնն: Չասի Հարեալ թէ  
գուցէ և ի ձեր եկեղեցիսդ արատ գտեալ ճարակեսցի, լաւ Հա-  
մարեցաք ազգել առ ձեզ զհասարակաց աւգուտն խորհելով,  
զի ոչ ուստեք են դէմքն այլ ի հրեարէն ախտն զանգեալ գտա-  
նին. զի սխալեն ի խոնարհելոյն Տեառն ընդ բնաւ կիրս մարդ-  
կաւրէն անցանելոյն բաց ի մեղաց: Ծպրճին զլանալ զերկրպա-  
գութիւնն Տեառն, ընդ ամենայն զիրս հակառակ եղեալ. ոչ ընդ  
այն հայեցեալ որ ի ծնէ կոյրն բժշկեցաւ ի Տեառնէ, և հարց  
ցնա և ասէ. Գու հաւատան յՈրդի Աստուծոյ. ետ պատասխա-  
նի և ասէ. Տէր ով է զի հաւատացից ի նա, և ասէ Տէր. Եւ  
տեսեր զնա և որ խաւսիդ ընդ բեզ՝ նա է. խոնարհեալ երկիր  
պագանէր ասելով, Հաւատամ Տէր: Իսկ փրկիչն ասէ. Ի դատաս-  
տանս եկի յաշխարհս, զի որք ոչն տեսանեն՝ տեսցնն. և որք  
տեսանենն՝ կուրացին: Ոչ աւելի առնեն զնա քան զառաքեալ-  
սըն և զայլ սուրբսն. Պաւլոս լցեալ աստուածաին զաւրու-  
թեամբն բարբառէր. Թէ զփորձ ինչ առնուլ կամիք զՔրիստոսի  
որ ինևս ընդ ձեզ խաւսի, և յոլոր սուրբքն զոր ինչ արարին  
սքանչելիս, ոչ իւրեանց զաւրութեամբ, այլ աստուածութենան

շնորհիւ Յաղագս նորին և Տէրն ասէր ցմատւցեալսն, Հաւատայք եթէ կարող եմ զայդ առնել, յայտ արար զանձնէ եթէ ոչ է մարդ գուցնաբեայ, այլ Աստուած ճշմարիտ:

Բերեն ի մէջ ասելով զբանն, թէ Մարմին ինչ ոչ աւգնէ: Իսկ զհարդ Տէր ասաց, Եթէ ոչ կերիչիք ի մարմնոյ իմմէ և արրջիք յարենէ իմմէ, ոչ ունիք կեանս յանձինս ձեր: Արդ այս բան՝ է՝ յանդիմանիչ և կշտամբիչ նոցա անաւրէնութեան, որչափ պատշաճ է ըստ չափոյ թղթոյդ առաջի արկեալ: Բայց և զայն ևս պարտ է ասել որով նախատեն զմեզ, և զհտուն առնել սիրոյդ ձերում, զի բամբասեն զմեզ իրրե թէ Աստուած զայն պաշտեմք որ ընդ չարչարանաւք է: Իսկ մեր ոչ միայն չընդունիմք զիմաստս նոցա, այլ և նզովեմք որ զայս իշխեն ասել թէ ի բնէ իսկ էր Աստուած ընդ չարչարանաւք. մահկանացու զան մահն, և եղծանելի զանեզծն և զանարատն համարին. ոչ հային ի գիրս սուրբս, և ոչ ի վարդապետութիւնն, ՅԹՎ եպիսկոպոսոցն որ ի Նիկիացոց բաղաբին: Այլ մեր հաւատամք և հաստատիմք, և ի վկայութիւն հասանեն մեզ վարդապետք սուրբք և գիրք աստուածաշունչք, Բանն ասէ մարմին եղև, ոչ եթէ եղծաւ ինչ յիւրմէ ընութենէն, կամ փոփոխեցաւ, այլ ըստ անհաս զսրմանայեաց մարդկային մտաց և խորհրոց եկաց ի նմին որպէս էրն իսկ և եղև զինչ կամեցաւ: Արպէս եմուտ ընդ չարչարանաւք, ոչ յոկով մարդկութեամբն, այլ և Աստուածութեամբն, ըստ բարբառոյն Թումայի, որ իրրե շաւշափեաց զվէրսն, ասաց մեծաձայն, Տէր իմ և Աստուած իմ. ոչ ասաց եթէ՝ պրդ Աստուծոյն իմոյ ըստ ամբարշտացն մտաց:

Արդ իրրե առնուցուք զթողութիւն, ի վերայ իմոյ տկարութեանս աղաւթս անպակաս մատուցիք Աստուծոյ: Բայց մեզ երկիւղ է, թէ գուցէ ի Թէոդորեա Մամուեստեայ ռիմանէն աշակերտեալ որ գտցի և ի չար ժանգէն Նեստորի, ի միամիտ անձինս ազդիցէ: Զի զնորա մնացեալ գրեանն իրրե խնդիրս այս յայտնեցաւ, և մանաւանդ որ վասն մարմնախառնին գրեալ էր, վճիռ հրամանի ետուն սուրբ աշխարհաժողով եպիսկոպոսացն, որ յԵփեսացոց բաղաբին եղև. ի մի վայր ժողովել զքնաւ գրեանն և պրել: Արդ փոյթ լիցի ձեզ առանց պղտորութեան զհաւատսն պահել, զի կատարեալ զարդարութիւնն անապական ընկալիք:





## ՊԱՏԱՍԻԱՆԻ ՏԵՆՈՒՆ ՍԱՀԱԿԱՑ, ԹՂԹՈՑՆ ԱԿԱԿԱՑ

**Ա**ռ ճշմարիտ և աստուածասէր տէր մեր և հայր սուրբ եպիսկոպոս Ակա՛հ, ի Սահակայ ի տէր ողջոյն:

Ճառադայթք մշտնջենաւոր յաւիտենական լուսոյդ որ առ մեր տկարութիւնս և րեւեցան ի ձեր լուսարեբ սրբութենէդ, յոյժ ի ծագելն իւրեանց զարացուցին զմեր տկարութիւնս, և զնուալ խորհուրդս մեր աճեցուցին, զոր արինակ տապ ինչ ջերմագին յանխառն աւգոց հասեալ ի ըշոյս արտոց, և զկնի նորա ցաւը քաղցրութեան, հասեալ՝ վութով յառողջութիւն դարձուցանէ, այնպէս զեղեցիկ իմն ցանկալի և ուխտիք ինդրելի էր մեզ լսել զերանելի պատգամս ի ձէնչ առ մեզ հասեալ: Մեր աղաւթք հանապաղորդ էին արժանի լինել յամենայնի ընդունել և վայելել յարհնութիւնսդ հոգևորս ձերոյ մեծասրանչ սրբութեանդ զի քաղցրացեալ էր մեզ կալ մնալ աստէն ի սմին ընդանացեալ տգիտութեան. իրրև ի ըրեդ ինչ ամուր փախստեայ անկեալ յանգիտութեանս: Արդ պահպանութիւն զձեր առեալ զաւգնականութիւն աղաւթից ձերոց, պահել զհաւատսն ճշմարտութեան ոչ ի ձեր ի սուրբ վարդապետութենէդ ունէաք և անպղտոր լեալ տգիտութիւն և պարզամտութիւնս մեր, մանաւանդ ի նորարան հրեութեանն զոր պլանդակքն տակաւին զըշոյս դառնութեան և աղտեղութեան սերմանեացն ցուցին և ցանեցին ի վերայ սուրբ սերման զորոմնախառն ուսմանն, որ ի հանձարալնաս սատանայէ խառնման ուսեալ սովորեալ են: Արդ որովհետև մուլարն առաջին զլիւսուորաւքն չափ զիւր ժանգ աղետութիւնն սերմանել ժարհեցաւ, զայդ մերոց մեղացն զործ համարեցաք, և յոյժ ձերում թղթոյդ տրտմակից ևղևալ ողբացաք, և ընդ ընաւ տեղիս մերոյ նահանգիս մեծաւ պատուհասալից պատուիրանաւ արձակեցաք՝ մի՛ լինել ամենեին այնպիսի բարբարոսացն, մի՛ ըն-

ընդունել զչար հերետիկոթեանն բարրաջանս Բայց ես զարմացեալ եմ ընդ այնոսիկ որ աւելի քան զաւրինացն չափն ջանան և նկրտին ըմբռնել զանըմբռնելին. այլ կարծեմք զայնպիսեացն չգիտել ամենեին զգիրս և զզարուծիւն նորին, բայց եթէ հրէարէն միայն զմուրն նկատիցեն, Եւ իբրև զողացեալ իմն համարիմք զմիտս նոցա ի թշնամոյն և ախտացեալ ի չար հիւանդուծիւն, արքեալ ի թանձր արքեցուծեանէ, և զգայուծիւնս ճաշակացն թարչամեցուցեալ չկարէ առնուլ զհամ գինոյն, ի սաստիկ կիւմանէ ընկզմին միտքն ի թմբիրն խելագարուծենէ. թէ զոր տարապարտ գիտուծիւն քաղում ուսմանն ի սատանայուծիւն զառածէ, որ հասանել անհաս չափոցն ժպրհին, Գանդի ոչ գոյ այլ գիտուծիւն խաւարահեցոյ. քան երկուս որդիս կամ երկուս տեարս անուանել ի Քրիստոս. աներկիւղարար անամաւթաբար զլրբուծիւնն իւրեանց յայտնապէս պատմեն. Այլ զի խցցին անամաւթ բերանքն, և անաւրէնութեամբ սրեալ լեզուքն. Ճշմարիտ մարմնացաւ բանն առ ի նորոգել միւսանգամ մարմնով շնչով և ոգով, զմարդն հնացեալ զապականեալն ի մեղաց, և զի ի փայտէ գայթակղուծիւն եղև և մահ. փայտ կենաց առ փայտն կանգնեաց, և ծառ առ ծառն բարձրացոյց պտուղ կենդանարար փոխանակ այնք մահածին պողոյն պարգեւէր, ինքն զինքն եղ, և ինքն զինքն անդրէն յանձն իւր ընկալաւ, զսուրբ մարմինն և զպատուական արիւնն պաշար կենաց մեզ հաւատացելոցս յաշտիձանաւոր ճանապարհն պատրաստեաց:

Եւ արդ որ միանգամ յայն ի ճանապարհէ և յուղիղ հաւատոյն վրիպեցան, հուր գեհնին պատրաստեալ պահի նոցա. և մեք աստ եթէ յանկարծ յայնպիսեացն գոցուք, ոչ միայն չընդունիմք կամ հալածականս առնեմք, այլ և ընդ մեծ պատժովք արկանել ոչ զանդադրիմք: Ռրչափ ևս պարտն է ձեզ որ ի մեծամեծ իշխանութեանդ վայելէք նախանձել զնախանձն Աստուծոյ. և մարմնով և հոգով ջանալ բառնալ ի միջոյ չիռչդ եկեղեցոյ Քրիստոսի, մանաւանդ զի թագաւորս ունիք, որ զհոգ Աստուծոյ յանձինս իւրեանց բարձեալ բերիցեն. կարող են ըզլիռչդ ի միջոյ խլել և զբոյս սուրբ սերմանց հաւատոցն պարտացեալ արմտեացն քաղցրութեամբ զանկեալ հասկն սերմանաւղաց, նմա մատուցէ ատորացեալ, բազմապատիկ զբերրի պտուղն հատուցէ, և ուրախ արասցէ զտէրն արդիւնարարաց, և զմշակն առատապէս պարգևաց արժանի արասցէ: Զի թէ որ

երկրաւոր թագաւորաց սպասաւորք իցեն, և դուզնաքեայ ինչ բանք մանաւանդ որ վասն ծիրանեայ լինին, ոչ յանձն առնուն դատարկ բնցուցանել՝ եթէ ոչ մեծապէս պատուհասիւ զվրէժն խնդրիցեն. որչափ ևս պարտ է որ զանեղծ և զանարատ հաւատարն յապականութիւն դարձուցանեն և յանհասն հասանել ժրպրհին և մշտնջենաւոր լուսոյն գեր ի վերոյ լինել յաւժարեն, զանքնին Երրորդութեանն քննութիւն ջանան ընդ խնդիր արկանեն: Պարտ և պատշաճ է առաւել ևս նոցա ընդունել պատիժս պատուհասի: Քանզի սրբութիւն Երրորդութեանն անմատոյց հոեշտակաց և աներևոյթ բրովբէից և սրովբէից, լոկով միայն փառաւորութեամբ և աւրհնութեամբ միայն պաշտի: Արդ տէր մեր և հայր, յընդունելի և ի սուրբ աղաւթս քո յիշել անգարչ լինիչիր. և եթէ ինչ ըստ չափոյ թղթոյդ առ տգիտութեանս վճիպեալ իցէ ուղղել կամեսչիր, և զտկարութիւնս զաւրացուցանել մի՛ դանդաղեսցիս: Այլ յաղանդոյն որ գրեցեր գարչել, առ ժամանակս ի շնորհս աստուծոյ պսպիսի ինչ չե է հասեալ. ապա եթէ իցէ ինչ ծածկեալ ի ժանգոյ անտի, ի հարկէ ջան լիցի խլել յխոջն ի միջոյ զի միաբանութեամբ փառաւորեսցուք զՔրիստոս:



## ԹՈՒՂԹ ՅԵՎԵԿԵՑ ԵՊԻՍԿՈՊՈՍԷ, Ի ՀԱՅՍ.

**Պ**ատուական և առաքինի նախարարք Հայոց, սիրելիք և ծառայք Քրիստոսի, մեծամեծք և փոքունք, յԱկակայ եպիսկոպոսէ Մելիտինէ. ի կրտսեր ծառայէ խոնարհութեամբ և սիրով ողջոյն.

Վասն դիմադարձացն ճշմարտութեան որ զկնի գնացին ամբարշտութեանն Նեստորի, և Թէոդորի, և ոչ հեղգացան գովիչք լինել ամպարշտութեան նոցա և մինչ ի սահմանս ձեր փութացան առաքել զԹունաւոր և զպականիչ վարդապետութիւնն, անմարթ և անկարգ համարեցաք լռել, որք ունին զճշմարիտ վարդապետութեան քարոզութիւն, և եթէ յայսպիսի ժամանակի ոչ ձգնեսցուք ցուցանել ձեզ, որոց ընկալեալ զճշմարիտ հաւատոյն քարոզութիւն, աւգնել անձանց անմեղաց և յստակամիտ մարդկան, զի մի վնասեսցին ի խարդախամտացն և ի նենգաւոր մշակացն. Արժանի և իրաւ համարեցաք գրել առ ձեր աստուածսիրութիւնդ, զի տացէ ձեզ շնորհիւն Աստուծոյ. եթէ սուրբ և ճշմարիտ վարդապետքն ձեր հաստատուն և անշարժ կան ի վերայ հիման ճշմարիտ հաւատոյ, և ոչ տան տեղի յափշտակող գայլոյն, ունել ժամանակ գողանալ զոր ի հաւառէ Քրիստոսի. զի արդ լցեալ է ժամանակն զոր յառաջագոյն ատաց երանելին Պաւղոս, եթէ գիտեմք զի եկեսցեն առ ձեզ զայլք յափշտակողք որք ոչ խնայիցեն ի հաւտ Յեառն, զի և ի ձէնջ յարիցեն որ խաւսիցին անարժանս, ձգել զոմանս յաշակերտելոցն զկնի իւրեանց. Արդ կատարեցաւ և այն մարգարէութիւնն որ ասէր, դարձեալ ասէ թէ՛ Գալոց է նախ ապստամբութիւնն, և ապա յայտնեսցի որդին կորստեան, մարդն անաւրէնութեան հակառակորդն հպարտացեալ ի վերայ ամենայնի, որ ասի աստուած կամ պաշտաւն, ի գալ մտանել նմա ի տաճարն Աստուծոյ. և նստել որպէս աստուած և ցուցանել զանձն

իւր թէ աստուած իցէ: Ահա ժամանակ ապստամբութեան, ահա ժամանակ գայլոց, ահա ժամանակ որ խաւսիցին խոտորնակս, արդ աղաչեմ զսէր ձեր, մի՛ խաբեսցեն զձեզ բանք սնտոիք, մի՛ նայիք ընդ պատուականս պատուականութեան մարդկան, և մի՛ ընդ բազմութիւն որ միարանիցին լինել ընդդէմ իւրեանց կենարարին Քրիստոսի և Ճշմարիտ հաւատոյ, զի պարտ է կատարել ասացելոյ բանին Տեառն որ ասէ, թէ Եկեսցէ որդի մարդոյ, գտանիցէ՝ արդեաւք հաւատս յերկրի: Զի բազմութիւն որ ի չարիս և յամպարշտութիւնս միաբանին, չէ պարտ պատուոյ արժանի համարել քան զճշմարտութիւն: այլ գիտել պարտիմք զի ժամանակս փորձութեան է, և ապստամբութեան, ձգել ըզբազուամ յամպարշտութիւն: Այլ երկիւղածաց Աստուծոյ պարտ է պահել զկրանս հարցն և զուսումն ՅԺՎ իցն եպիսկոպոսաց սրբոց, զհաստատութիւնն որք մեծաւ ճշմարտութեամբ և խորհրդիւ և հրամանաւ սրբոյ Հոգոյն առաքելութեան և աւետարանութեան վարդապետութեամբ ուսուցին մեզ հաւատ, զոր ասեմք հանապազ ի սուրբ եկեղեցիս: Ըստ այնմ հաւատոյ, սուրբ եկեղեցիք զկոչեցեալն մկրտեն մինչ ի ժամանակս անաւրէն Նեստորի և չլիշելի անուանն Թէոդորի վարդապետութեանն, զոր ամպարիշտն Նեստորիոս յայտնեաց և բազումք գնացին զկնի նոցա ամպարշտութեան: Սակայն զուսումն ճշմարտութեան յերկուս ցուցանել ոչ կարացին ի սիւնհոգոսին և ի ժողովն որ եղին յԵփեսոս: Մ. և թէ սակաւ աւելի կամ պակաս որք ժողովեցան սուրբ եպիսկոպոսքն յամենայն տիեզերաց, և եկին միաբանութեամբ, բաց յԱնտիոքացոյն, զնոյն ուսումն հաստատեցին որք գայցեն ի հաւատս և ի մկրտութիւն: Եթէ որ արտաքըս բան զայն ուսուցանիցէ, և երկուս որդիս բարոյլիցէ, մի որ ի Մարիամայ, և միւս որ յԱստուծոյն Բան, կամ շրջելի և այլայլելի որ ասիցէ զԱստուած ի մարմնանալն նզովեսցի, որ որ և իցէ, զի ոչ մեր նզովելիք զայնպիսիսն: այլ սուրբն Պաւղոս ասէ. Եթէ ես կամ հրեշտակ յերկնից աւետարանեսցէ ձեզ աւելի քան զոր ընկալայքն, նզովեալ լիցի: Եւ մեր Երրորդութիւն ընկալաք, և զեաչեալն ի սուրբ Երրորդութենէն գիտեմք, և մահուամբ նորա մկրտիմք, որպէս և ասաց. Մկրտեցէք զնոսա յանուն Հաւր և Որդոյ և Հոգոյն սրբոյ. ոչ ասաց որդոց, այլ որդոյ, և երանելին Պաւղոս թարգմանեաց թէ զինչ է անուամբ Որդոյ մկրտել. որ միանգամ ասէ մկրտեցաք Քրիստ-

առսիւ Յիսուսիւ, մահուամբ նորա մկրտեցար. թէ ի թշնամու-  
թեան մերում հաշտեցար ընդ Աստուծոյ, մահուամբ Որդոյն նորա:

Աղաղեմք մի որ զձեզ խաբեսցէ, մի՛ պատուականութիւն  
երեսաց, մի՛ բազմութիւն, մի՛ թողացուցուր զճշմարիտ հարցն  
կրանս և զհաւատ որով հաւատացայքն, որով ապրեցայքն, զայս  
հարկեցա, գրել առ սէր ձեր. զի ի գալ առ մեզ սիրելեաց մե-  
քոց երիցանց, Հոնայ, Քոթայ, Անձնայ, պատմել մեզ զբարի գործ-  
արն զոր գործեցէք, զի յգրեալսն Դիողորի կապեցէք կնքեցէք:  
Արդ մի՛ որ հաւանեցուցէ զձեզ տալ անդրէն զայնոսիկ որք  
փութով և ախորժելով ստանան զայն ի կործանումն ստացաւ-  
ղաց նոցա և լսաղաց. զի եթէ նեստորիոս, վերացաւ յամե-  
նայն եկեղեցեայ՝ զիարդ Դիողորն, գիրքն և խումն ընդունելի  
ցէ որք զնոյն միտս և վեասակարութիւն ունին: Զայնպիսին  
գիտասցիք, զի են նորա սուտ մարգարէք, մշակք նենգաւորք  
կերպարանեալ կերպարանաւք պաշտանէից Քրիստոսի. յայն-  
պիսեացն զգուշասցիք, և նյովեալս համարեսցիք. և մի՛ ընդու-  
նիցիք զսուտ համբաւս նոցա զոր բերեն առ ձեզ ի կողմանցն  
արեւելեայց: Այլ ես թէպէտ և խոնարհ և զձուձ եմ քան զա-  
մենայն մարդիկ, սակայն վասն փրկութեան ձերոյ հոգալ ոչ  
դադարիմ: և ես երկնչիմ գուցէ զոր շարժիցէ ի ձէնջ պատ-  
բանք մոլորութեանն. եզի զայս վկայութիւն առաջի Աստուծոյ և  
Յիսուսի Քրիստոսի և սրբոյ Հոգոյն և ընդրելոց հրեշտակաց:  
Արդ ձեր է գիտել, զի ոչ ունի պատճառս յաւուրն յայնմ, որ  
երթայցեն զկնի մոլորութեանն: Այլ դուք զգուշացարուք ան-  
ձանց և ընկերաց ապրել ի մոլորութենէ և ի պատրանաց վրի-  
պելոցն լինել պատճառք կենաց և առաջնորդք ժառանգութեան  
գոգոյն Աբրահամու և բնակիչք արքայութեանն երկնից: Ողջ  
լերուք Տէրամբ ամենայն սիրելիք նորա, սուրբ ծառայք Քրիս-  
տոսի:



## ԵՐԱՆԵԼԻ ՄԵԾԻ ՔԵՐԴՈՂԱՀԱԻՐՆ ՄՈՎՍԷՍԻ ԽՈՐԵՆԱՑԻ, ԵՊԻՍԿՈՊՈՍԻ.

**Յ**աղագս ի յուրովիցն կատարեալ կենդանի՝ ընդէր մի ընու-  
թիւն, այլ միոյ կենդանոյն՝ հարկ է և ընութիւն մի լինել: Ա-  
հա և արարչական բանին տնաւրէնութեանն, մի՛ ընութիւն ա-  
սի ըստ աստուածային գրոց, և եղծ վբաժանողացն, զանքննե-  
լի աստուածութեանն գործ, նախախնամաւղ արարչութեանն, և  
կարասցէ հասու լինել, պատմե՛լ, սահմանադիր լինել բանիւ, զի  
անգիտելի՛ նշանակեցաւ որպէս զոսկերս յորովայնի յղեացն: Եւ  
լինելութեանն իսկ ծանուցումն, մեծի մարգարէին՝ սանձահարե-  
լով գաղարկեցուցանէ առաւել բան զչափ խորհաւզնն: զի ան-  
խոնջ իմն, և հրաշալի հրամանաւ զգոլոր գոյացելոցն պատմէ յար-  
մարութիւնս: և զկազմութիւն տիրական մարդոյն, և զորպի-  
սութիւն ընդհանուր կենդանեացն լռելով բանականան միայն  
պատմեցելոյ իմանալի ձեռաւք: Զի հոգոյն ասէ կառուցեալ մար-  
մին և փչել շունչ և հոգի, և զո՛ւստն և զի՛նչ ոչ հալանէ \*):  
զի փոքրն, անճառութեամբ ուսուցանելով պատմել, կարճեցէ  
ի վեհագոյն պատճառէն, զտարապատկան՝ խնդիրս յուզել, բա-  
ւական համարելով զաստուածաշունչ գրոց զյայտարարութեան  
կէտն: Արդ զի զամենայն զստեղծեցելոցն ճշդիւ և համառատա-  
բար կատարէ զվերծանութիւնն, արդարարական շնորհիւ սուրբ  
Հոգոյն երևելի է. բայց արդեամբ զչինութեանն յարմարութիւն,  
չհամարի իրաւացի ուսուցանել: Ընդէր արգեաւք, զի կարծո-  
ղական. . . . . \*\*) վարկանի զառաջագորութիւնն: Քանզի վար-  
ժեալ էր բովանդակ եգիպտական բնութեանցն խրատաւք, և  
զիտէր զգուպարս ստեղծմանցն որ ի նմա և եղծից, վասն այնր  
ոչ ճոխարանէ յինքենէ ինչ, կամ ի շահեալն պիտակարարն հրա-  
հանգաց: Մանաւանդ թէ չթողացուցանէ իսկ պարգեաւղ վե-  
րակացութեանն զգետնաբարչիցն ի կիր առնուլ վստամախոհու-

\*) Թերևս հոլանտ. \*\*) Ի բնագրն ելեաւ:

Թիւն: Այլ անսպթաք և ճշմարիտ սահմանաւ աստուածային հաճոյիցն, սքանչելի նորակերտութեան ցուցանէ հաստատութիւն, և աններհական զնոյն մարգարէից և առաքելոցն, վկայեալ մատենիցն մեծարին ի տիեզերական եկեղեցիս, ըստ արժանի վայելչականն ընդունելութեանն: Բայց ունի և ինչ յունական հետապաւտութիւնն, և առ սուրբ կտակարանսն փոքր մի յանկութիւն, Քանզի ընկալան որպէս յաւետախաղաց աղբերէ, յերջանիկն Մովսէսէ աւգուտ ի տիրական պարապմանցն իւրեանց: և է զոր քակտելով իմաստասիրութեանն, հաւանականս խաւսեցան: Զի զմարդ ի չորից նիւթոց ընաւորեցին, իհողոյ, և ի ջրոյ, և յաւդոյ, և ի հրոյ: յաղագս ջերմութիւն և ցրտութիւն և խոնաւութիւն և ցամաքութիւն ի նմա համեմատելով և զանձն և ուսմանս, և գոյ հնար դատողութեամբն յաւելուլ և պակասեցուցանել ըստ մասանցն, որ ի շնչականսն և ի զգայուն կենդանոցն և ի բանականումն և յանհատին հարցափորձի բնութեան առնուամբն յեղանակելով: Զի այսքանեացս կատարելութիւն մարգոյն, ընդէր ասի մի բնութիւն: զի առ հասարակ սեռին անստգտանելի է սահմանդ: Իսկ ի վերայ անհատին առաւել պարսաւելի, և ևս յորովիւրն մաքառիցիմք: Քանզի մարմին իսկ չէ հոգի, և ոչ անձն մարմին: և կիրք այլ և այլ երկաքանչէլւոցն, և անզանգ և անշփոթ է կցորդութիւնն, և յայտնի այն ի բաժանմանն: Այլ զի անձեղբելի և անանջատապատ՝ պատկանեալ յարդարեցան տեսակն, թերևս անբաղայարար կոչեցաւ: Մի զի՝ յիմանալի ի բացարձակութենէն, զարմազան ունի անբաժանութիւն, և ի զատուցմանն, ոչ ևս կարէ անուանիլ նոյն: Այսպիսի ուրեմն գաղափարաւ և արարչական բանին իմանի տնաւրէնութիւնն: Թէպէտ և ոչ զաւրին հասու լինելով միտք մեր զի համանգամայնիւքն գերազանցեալ և անյանգ է առեցումն ի մէջ անչափ իսկութիւնն: Կգոյ հուն յերկուանալ ումեք, այլ զի անդր եւս քան զհրաշս է խոնարհելն, զծառային ընդունելով պատկեր՝ ոչ յեղլով կամ սպառելով ի բաց բարձութեամբ միայն զմիւսն, այլ անմեկնելի հաղորդութեամբն: Վասն որոյ ի դէպ և յոյժ ճահողագոյն թուի խոստովանողաց մի բնութիւն ասելով զի և յաջմէ նստեալ համեմատութեամբ մի Տէր քարոզի: ապեթէ հակառակս ինչ վարկանիցին ոմանք զպատասխանեալդ անկարելի համարելով, որպէս թէ երկուս բնութիւնս պատշաճիցէ ասել: Գիտացեն զի զնոյն զանհնա-



րուծիւն և ի մարդու մէջ գոյ՝ նկատելով ճանաչի ոչ միայն ի փիլիսոփայական ստորոգութիւնան, այլ և սուրբ գիրք աստուածաշունչբ: Թէպէտ և բնութեանց վարդապետութեամբ ոչ վաւրին որպէս նոյն ինք տեղեկացուցանեն պատմութիւնքն, սակայն պատուական յաւէտ յարգանաւք և արհամարքն բազում միջոց ունին տարբերութեամբ: Զի մարմին յանարգ կաւոյ ստեղծանիլ զեկուցին՝ և շունչ և հոգի անեղին փշու մն: Ծանուցանէ և նուիրական առաքեալ ստուգիւ գիտելով զիւրաքանչիւրոցն զանալանութիւն, և աղաւթէ՝ Անրիծ պահել զհոգի և զմարմին և զշունչ մինչև ի գալուստն տեառն: Լուսաւորագ յնս և փրկչին վարդապետութիւն յայտնէ՝ զհոգին առաւելն ասելով քան զմարմին, և այլք բազմապատիկք յաղագս նորին: Իրգ զո ի նոցանէ կանգնիցէ ընկեր: Վերկուս կամաւոյն ցուցանել ընութիւնս Ապողինարի լինելով շատագով և նորին հետեւեցիւրոց որ են աղճատանք, և շամբուշ յիմարութեան ձեռնարկութիւն: Զի թէ չէր ըստ պատկերի գումարութեանն մի, բոլորեցունց ծանաւթանայ այլ և այլ գոլ: Բայց թերևս ասիցեն եթէ մարմնոյ կազմութիւն արարածական է՝ և թէպէտ յորունց գոյ հնար, մի լսել: Իսկ անբաղդատելի արարաւղին ո՞չ ևս նոյնպէս: Թէ այդպէս իցէ ուրանալ պարտին և զմարդանալոյն վկայութիւնս: Բանն մարմին եղև ասէ, և զծառայի առնուլ՝ նմանութիւն, զի զայն ռսուցանէ առնուլ՝ զոր ոչն ունէր, յոր չքունադատեցան յուսեքէ, և ոչ ամաւթ վարկաւ: յոր չէար յանկ եղբայրութեան, եղբարս անուանեաց: Ապա թէ անչափ անկարելի համարեսցին զմիաւորութիւնն, պարսպելով զբաղցրութեամբն խոնարհաւղ յանշփութութիւն և զանգումն փաստարանելով մի՝ ևս վարեցին ձայնիւ միաւորութեանն՝ մանաւանդ գիմացն: Որ ի կերպարանս Աստուծոյ էր ասէ, զկերպարանս ծառայի էառ: Տեսանձս, զի կերպ և կերպ ասէ: զոր արդեաւք կերպարան զանգեալ եղծանիցեն ըստ նոցա դաւանութեանն: զի թէ զրովանդակին հպաւորութիւն, խառնակումն պատճառին՝ զնոյն և գիմացն պարտին իմանալ: Ժողով արժանի են բանքն: զպատուականն, ոչ վանգիտես, ըստ նոցա շմկեալ \*) և խառնափնդորեալ վարկի՝ յունն առնուլ, և զայլսն ևս սարսափեալ քստմին: Զի ըստ առասպելական բարբաջմանցն, զգլուխն մի գոլ ստեղծցեն և

\*) Այսպէս յոր.

զտտունն երկաբանչիւր: Աւաղ թշնամանացն որ լի է դառնագոյն ամպարշտութեամբ: մինչքեռ զմեզ ըմբարասէին, տիմարս և հայհոյիւս գոլով յաղագս զմարդկաինն նաւթճել անպատանելի, ինքեանք ոչ զանտեսութեանն լոկ պատառեալ անշատեցին զսքանչելի փրկութեանն անքակութիւն. այլ զնորին իսկ էակից Հաւր Բանի ընութիւն: Քանզի զԱստուածային զգէմն, այլ-այլելի՛ բացայայտեցին, միաւորութեամբն զանգեալ և շիրութեալ որպէս իւրեանց լեզուքն վկայեն: և զայլն ամրողչ պահել, զի առանց կերպարանի հնարեցին ցուցանել զանձնաւորութիւնն Որդոյի՛ նոյնպէս և զմարդոյն՝ ի խելայեղ ըմբարշտան ընկղմին, և զյաւիտենական կորուստն ժառանգեն. զպսպիսի սոսկալի պղտորութիւնս զգայոելով: Աչ զիտեմք ուստի՛ եկին յայս, զի հաւատ որ ընդ տիեզերս տարածեալ բարերանի. յետ զմարմին և զհոգի և զմիտս ստանալոյ Բանին, մի Տէր զՅիսուս Քրիստոս բարոզեն. ի կենդանարար ըրանոյն բղիեալ պատգամս ոչ դոյզն ինչ մարդոյ, այլ որ ի ծոցոյ անսկզբնականի Հաւրն է, նմա՛ վկայեն պատմել և զսիրագործականսն և զաղքատութիւնն նմին մարմնովն ծագեցելում, անքակելի բարբառին: Եւ ճշմարտիւ զոյ զնոյնս յարարարեցելումն տեսանել. զի եթէ մոլեգնեալ ըստ ոմանց, քարկոծել որ փութասցի, Մարդ՝ է. և թէ նշանս ինդրել բարեպաշտաբար յորդորիցի: Աստուած իսկապէս: Քանզի մի՛ և ոչ երկուս անձնաւորութիւնս տեսին ի Տեսոնէ ապաքինեալքն, և զերանութիւնս ընկալեալք:

Զինչ և աստանաւր կամիցիս, ո՛վ անչրպետողդ. ուրեմն աստուածային զէմն, ի մարդկաին անհաւասար ընութեանն միաւորեալ անարգութիւն կրեաց, միշտ մնալով յանպատուին. և թարց պատկերի մնացեալն, զգերազանցութեանն ընկալաւ ճոխութիւն: Քստմե՛քմ՛ յաւեժ սարսափմամբ յամպարշտութեանս յամելով թշնամանս. Քանզի պարտ է կամ ըստ արժանի միաւորութեան՝ ի բաց թողուլ զանոպայ բաժանմունս, կամ ամենեկին իսկ ուրանալ: Ընդէ՛ր իսկ կրճատել սիրէք կիսով հաղորդութեամբդ որպէս թէ՛ երկու կատարեալք, ոչ կամի՛ր կատարեալ լինել: զպղդ հարկաւորութիւն իմաստուն և առաւել բարգաւաճեալն հովիւ ուսոյց Բասիլիոս՝ յամալթ առնելով զԺպիրհ ախոյեանն: և կատարեալ անշփոթ տնաւրէնութեանն Աստուծոյն և մարդոյ մի՛ ընութիւն ասել զնոյն զմի

զտնաւորինական եղելութիւնն: Եւ Յոհան կոստանդնուպոլսեայց ունի ի փիլիպեցոց թղթին ընդդէմ Հերձուածողացն դաւանեաց: Մի՛ շփոթեցուք ասէ, և մի անշրպետ ի մէջ արկցուք: վասն զի միութիւն խոստովանիմք, և ո՛չ քայքայութիւն ինչ և լուծումն, այսր ընութեան յայն, կամ այնր յայս, այլ միացեալ ասեմ և մի լեալ: Նոյնպէս և մեծն Յուլիոս ի թղթին որ առ երջանիկն Գիոնիսիոս Աղեքսանդրացի: Եւ Կիւրեղոս յԱղեքսանդրացոց քաղաքին պայծառացեալ յերկրորդում ճառին, որ առ Սուկենոս Գիոսկուրացի: և յորս առ Նեստորն: և որ առ մեկնութեան Հաւատոյ երեք Հարիւրոցն՝ և Երեքթեայ երանելոյ Անտիոք Պիսիդեայ եպիսկոպոսի, և յաստուածայայտնութիւնսն ի Կոստանտինոյպուլիս: և Գրիգորիոս Նեղիկեաւացի յորում ըստ մասին Հաւատոյն: Եւ Եփրեմ ի ճառին որ ի սուրբ երրորդութիւնն: Եւ Գրիգորիոս Նազազացի աստուածաբանութեամբն մեծարոյ, յուրվագոյնս ասելով ժամանակի զարմանս և այլ անթիւ հովիւք ուղղափառութեանն համարարառք սոցին մի Տէր, և մի զնորին ընութիւն զիտելով անբաժմիաւորութեամբն աւետարանեալ յաշխարհի, հաւասարելով առաքելոց և մարգարէից պատգամաց, որք վայելչական լծակցութեամբ աւարտն զխորհուրդ միաւորութեանն:

Զի աստուածափառ նախամարգարէն, զի փայտէն կախեալ կեանս կոչէ: Եւ որդին որոտման Յովհաննէս, Ճշմարիտ Աստուած և կեանս յաւիտենականս: Սերովբէից տեսաւ Յեսայիաս, զի կուսէն ծնիցեալն ընդ մեզ Աստուած լինել ճոխաբանէ: Եւ Տարսնացի փողն բարեձեազոյնս գոչելով Հնչեցուցանէ զբարրան՝ Մի կարծէք ասէ ի ժամանակեան կուսէն առնուլ զսկիզբն: զի Աստուած առաքեաց զՈրդին իւր, որ եղև ի կնոջէ, և եմուտ ընդ աւրինաւք զաւրինաւորսն ապրեցուցանելով: Եւ դարձեալ նոյն տեսանաւ զհանդերձ միւսոյն, թէ Ոչ պատգամաւոր որ և ոչ հրեշտակ որ, այլ ինքնին Տէր փրկեաց զմեզ: զոր ինքնին իսկ կենարարն ուսոյց, ի խաւարէն բուժեցելով կուրին ասելով, Գու հաւատա՞ս յՈրդի Աստուծոյ: և նորա զարմացեալ, զՈյն առաջի դնէր, և նա ասէ Եւ տեսեր զնա, և որ խաւսիդ ընդ քեզ նա է: Եւ յԵրեմիայ ասէ, բայ՛ Սա է Աստուած մեր ընդ որում ոչ համարեսցի այլ որ ետ զիմաստութիւնն Յակովբայ: յետ այսորիկ ի յերկրի երևեցաւ և ընդ մարդկան շրջեցաւ: Երևեալն յաշխարհի ազաղակէր,

զնոյն հաստատելով, թէ Որ առաքեացն զիս Հայր ընդ իս է, և որ տեսանէ զիս, զՀայրն իմ տեսանէ, զի ես և Հայր իմ, մի՛ եմք: Եւ թէպէտ և զբազմապատիկսն քննեսցուք կամ քննեսցէ որ յաղագս այսորիկ յայտարարութիւնս ի սուրբ գիրս՝ ոչ ուրեք գտանի երկուց բնութեանց բաժանելոց, հանկանակաւ բաշխել տալ, այլ եղում մարմնով յայտնեցելում, նոյն հովիւ և ոչխար, քահանայ և պատարագ. ճանապարհ և դուռն. լոյս և ճշմարտութիւն: Իսկ եթէ ըստ արտաքին փիլիսոփայիցն պանձացեալ, մարտնչել պէս պէս բնութեամբ թէպէտ աւտար է նոցա այն բազում իւրիք յաստուածապարզ և պատուիրանէն՝ բեր աղէ՛ անցուցուք ի հանդիսի, բողայտելով զեղիպութեալդ: Քանչի նշանակեցաւ ի մէջ փոքր մի և յառաջագոյն, զի մարմին չէ հոգի, և ոչ շունչ որ ի մեզ՝ մարմին. թողցուք զայլն ևս արդ մի բնութիւն բանին աստուածութիւնն է, իսկ միւս ևս ընկեր շարայարմարութեանն կամ զուգածանապարհորդութեանն, ըստ անուղղայ բարբաջմանցն. զո՛ կանկնիցեն ի մարդկային բնութենէն՝ զհոգին առանց մտաց, թէ զանզայ մարմինն, զի ոչ ևս գոյ հնար յաղագս այդորիկ ճոռոմել, մի բնութիւն ասելով զմարմին և զանձն: Այդ ուրեմն է բարձրացան նազանացն խորհուրդ. որ նման է գերեզմանաց բռնւոց. զարտաքոյսն գեղեցիկ կեղծաւորելով, և ծածկեցելոյն փռեկումն՝ ժահահոտութիւնս ըղիւէ:

Աստանաւր անբաւ տարակուսանաւր ունին պապանձել պարտութիւն յանձն առնելով, զի թէ երկուս ասել մաքառին, զմարդկային բնութիւնն աւցտեն, զրկելով զհոգին կամ զմարմինն ի փրկութենէ առաւղին: նոյնպէս և զաստուածայինն հատանեն յերկուս, զգէմն ընդ մարդկային դիմիս միաբանելով. և թէ հաւանեսցին միաւորութիւն խոստովանելով, որպէս էն իսկ, ո՛չ ևս այլ համարձակեսցին անդուռն բերանովք երկուց ձայնիւ դաւղանջել. Այլ մեք, ո՛վ սիրելիք, յամենայնի կարող և բաւական զանսկզբնական էութիւնն Հաւրն երկնաւորի փառաբանեսցուք, որ իմանալի ձեռաւքն զմարդոյն յարմարեաց կազմութիւն: այսինքն Որդուո՞ն և սուրբ Հոգուո՞ն, ո՛չ որիչ զարտաքին կամ զնեքին մարդն ասել, այլ մի: Եւ զարարչական բանին զտնաւրէնութիւնն ի Մարդ և յԱստուած, մի յաւակնեալ բաժանեսցուք ամպարչտարար, զի խորհուրդ է անքննելի գուցէ ի փայլականացայդ մեծի աւուր զալստեանն, և զմեզ հրամայես-

ցէ կտրել ընդ մէջ յառաջ հետևող հրոյն ընդ կեղծաւորսն տալով բաժին. այլ ամբիժ հաւատով հանդիպել նմա, զի մի տէրութեամբ և կերպարանաւ ծագելոց է արեգակն ի բարձանց փառաւ չաւր և ոչ երկուք: Եւ յայնժամ հայեսցին ի նա բաժանաւորն որպէս որ խոցեցինն, սաստիկ ամաւթ կրելով յաւիտեանս և յաւիտեանս յաւիտենից:

Զայս բեզ փոքր ի շատէ պատճառ յանդիմանութեան, յաղագս բաժանեալ ուսման պլանդակացն, զի ծանիցես, ո՞վ աստուածասէր, յոմանց փախչել և բաղձալ անսասանելի և անշուշտ հաւատոյ դաւանութեան ի մարգարէիցն տնկեալ, և յառաքելոցն վարգացեալ, պայծառացուցանելով ընդ տիեզերս, զի ընդ նոսին և պարզեացն հասանիցեմք: շնորհաւք և մարգասիրութեամբ տեսուն մերոյ Յիսուսի Քրիստոսի, ընդ որում չաւր և Հոգւոյն փառք յաւիտենից յաւիտեանս:

ԶԹՂԱՆՈՍ ԵՌԱՍՏԱՍ յՈՒՆՆԱՅԻՆ՝ յԵՂԵՎԻՒՄ Ի ՄԷՐ:



**ԵՐԱՆԵԼՈՅՆ ՅՈՎՀԱՆՈՒ ՀԱՅՈՑ ԵՊԻՍԿՈՊՈՍԵ-  
ՊԵՏԻ, ԱՊՈՑՈՑՑ ՅԵՐԿՈՒՑ ԲՆՈՒԹԵԱՆՑ ՆՍԵԼ  
ԶՓՐԿԻԶՆ ԵՒ ԿԱՄ ՄԻ ԲՆՈՒԹԻՒՆ:**

**Ե**ւ բանյի առաքելականն և մարգարէիցն կտակքն ոչ ուրեք յիշատակեն զերկուց ընութեանց այլութիւն. ապա պարտ է անդրդուելի խոստովանութեամբ դաւանել ի սուրբ Երրորդութեանն զԲանն Աստուած զմարմնացեալ: Որք ալեկոծութեան յաղթողք լինիցին և բազմապատիկ առաքինութեամբ պայծառացեալք ըլորովիմբ նուիրելով զինքեանս մաքրութեանն՝ ընկալեալ զՏոգի որդէգրութեանն շնորհի, բաւակա՛ն լիցին ասել զինքեանս բրիստոնեայս. բանյի գրեալ է, եթէ Ոչ որ համարձակիցի ասել Տէր զՅիսուս եթէ ոչ Հոգւո՛վս սրբով: Իսկ եթէ Հոգւով սրբով է գիտութիւն վայելչապէս խոստովանողացն զԲրիստոս. մի որ յաւակնեալ մոլեգնութեամբ, զնորայն յափըտակել զպատիւ, որ և զդիւացն զանց առնէ զամպարշտութեամբ: Հոգին զամենայն բննէ, ասէ, և զխորս Աստուծոյ. ապա ուրեմն թէ որ լինելով ժպրհիցի խնդիրս յուզել խորոցն Աստուծոյ, վաղվաղակի հեղձամղձելով մատնի սատակման: Զարքունի ճանապարհ գնասցուք, ոչ խոտորելով յաջ կամ յահեակ. բանյի հմուտ նաւաստին ոչ երբեք բաղձայ ստերիւրելով անկանել ի յորձանուտն, այլ անսպթաբ մաղթանաւք ցանկայ հանդիպել յապահովական նաւահանգիստն: Իսկ մեզ զինչ զուցէ այլ փափաքելի կամ թաղաղաւետ նաւահանգիստ՝ եթէ ոչ անսասանելի ճշմարիտ հաւատոց ամուրթիւն. յառաքելոցն և ի մարգարէիցն աւանդեալ հաւատալն ի Հայրն ամենակալ. և յանսկզբնական Բան նորա և ի Հոգին սուրբ: Աստանաւր յաւէտ զգուշանալով յոլովայեղանակ զաղփաղփուն մտաց մերոց, զսուրբ Հոգին ձայնեսցուք ի թիկունս աւգնականի զի մի կործանեսցուք

զանկանգնելին՝ Քանյի ասեմք Ամենակալ զՀայրն և յաղթեմք. ոչ առնելով ի միտ այսպիսի ինչ. զի ամենակալն զրնաւս պարունակէ, ինքն անրովանդակելի մնալով: Արդ զի զբոլոր գոյացեալսն ընույնելիքի և յերկրի արարչական Բանին և էակից Հոգւովն, հաւատամք. բայց թէ որպէս, ոչ առնումք ի միտ. այլ անհետապաւտելի արարչութեանն նուիրեմք զկարաւորութիւնն:

Խոստովանիմք զգալն \*) ընթանուրս երկրպագելով երիցն իսկապէս անձնաւորութեանցն, և միում աստուածութեանն: Ունիմք զաւանդութիւնս զայս, սիրելիք, յերջանիկ առաքելոցն և ի ճշմարիտ հարցն, որք ամենակալ Քարոզեցին զՀայրն, և մի Տէր զՅիսուս Քրիստոս առ ի զերկուսին աղանդսն ի բաց կտրել, մանաւանդ թէ զբազմապատիկսն: Քանյի ամենակալն բարբառելով՝ զբազմաստուածութիւնն և որք յոլով զյաւիտեանսն առասպելաբանելով տղեն, առ հասարակ տապալեալ կործանեցին և մի Տէր զՅիսուս Քրիստոս վարդապետելով վիրաւորեցին անբժշկելի վիրաւք, որ զանբժշկելին մոլեգնեալք բաժանեն. այլ ոմն զՅիսուսն գոլով ակտակրելի, և այլ զՔրիստոսն, անակտ և անչարչարելի միշտ մնալով առանց հաղորդութեան երկաքանչիւրոցն, զոր իսկապէս տապաստելով, նշան կանգնեալ յաղթութեան հռչակեցելումն ընդ տիեզերս կաթուղիկէ եկեղեցւոյ: Եւ նմա զվայելչականսն իմանալ և զխոնարհագոյնսն. զի ճըշմարտութեամբ եղև մարմին խոնարհութեան մերոյ՝ Բանին Աստուծոյ մարմին. վասն որոյ անորոշաբար յերկնաւորաց և յերկրաւորաց. և ի վայր սանդարամետիցն ընդունի երկրպագութիւն: Զի թէ անջրպետութիւն գոյր յանրաժ հաղորդութեանն ոչ զերծանէր Բանն որդի մարդոյ գոլ զինքն, կամ խոնարհական մերկ մարդն՝ Որդի Աստուծոյ զանձն ճոխաբանել համեմատական ձայնիւ՝ Ես և Հայր բայ մի եմք. Եւ թէ՛ Որ ետես զիս՝ ետես զՀայր իմ. և դարձեալ թէ Ծանիչիք և տեսչիք զի ես ի Հայր և Հայր յիս է:

Տեսանես, զի կերպարան զինքն բացայայտէ. ի լուսոյն ծագեալ մեզ ճառագայթ. և ոչ երբեք զերկուց ոմանց շարունակութիւնս ճառէ կամ զուգաձանապարհութիւն տարբերութեամբ երկաքանչիւրոցն: Որպէս Պետրոս և Յովհաննէս շարունակեալով ի ձանապարհակցութեան կէտն, և անյարմար է

\*) Թերևս զգուն

զերկեական՝ մի թարգմանել Իսկ փրկաւորին զմեզ Տեառն բազմաւորական անուանքն. ոչ յօլով երեսս կամ զանազան ընտելութիւնս, այլ մի Տէր զՅիսուս Քրիստոս վարդապետելով Հանդերձ մարմնովն:

Բայց կամիմ փոքր ի շատէ անցանել ըսնիւ յաղազս ճառի ընտելութեանցն, զոր ոմանք չարաչար ի կիր առեալ վարեցան, զամպաստանութիւնսն ի վայելչապէս ճառաւորն կամելով թափել: Բայց նախ ճանաչել պարտ է. զի ոչ յիշատակեցաւ ընտելութեանցդ անուն՝ ի դէմն բրիստոսասէր ուղղափառաց. այլ չարաչարն պատառամբ խոստովանողաց, զորս անվրէպ գոյ ասել բան զընաւս անաւրինագոյնս և տարագրեալս յուրտէ աւետեացն, որք ըստ գոյացութեանց իմն բնախաւսելով զէակս քննել առին ի կիր, զերկրիս խորհելով ընդ նոյն շաղաքը, ի խորհնի կաւրութեան հաղթս: Իսկ լուսաշաւեղ պատգամ վարդապետական սահմանին ի նուիրականն առաքելոյ ընկալեալ խրատ, գիտեն յինել ընդ անաւրէնս՝ որպէս զանաւրէն, ըստ հարաւորութեան ճարտարապետ բժշկաց, որ ի դժնդակ և ի խիստ պտտունս մարմնոյ կամ պէս պէս ախտիցն խղիւսելու լոց, զվիրացն միայն նկատելով զպապաքինութիւն, զհատանողականն և զխարմանն և զյուրժանակի կսկծեցուցիչ դեղան, նա և յանսրբոցն առ հասարակ առեալ ի կիր: Իսկ կապուրեցելուսն և յաւէտ առողջականին ոչ ևս նոյնպէս, զի անկարգ է և շամբուշիմարութեան ձեռնարկութիւն: Արդ ճշմարիտ վարդապետացն յաղազս այնպիսի իմն գաղափարի տուեալ զանձինս ի ջան՝ որք ընտելութեանց պատճառաւ վարէին, զի զմոլեկանաց սոյն աստուածարանութիւն ի մահ ծնկելոցն յանդիման կացուցանելով: Թերևս շահեսցի զանգիւտն կորուսեալս: Վասն այսորիկ իսկ զիւրաքանչիւրոցն փութացեալք տալ ապացոյց լինելոցն, զընտելութեան տրտմական և ախտակիր հոգւոյս մերոյ խոցումն ընդունաւ շաւափելի մարմնոյս և զիշխանական մտացն: Քանզի յօլովք ուրացեալք զփրկիչն մեր և զՏէր՝ ունել զճառեցեալս, որպէս Ապաղինարի թուի և նորին հետեցեցելոցն զորոց փորձ ձախողակի մաքառմանց ի նոյին հակառակութեանց դիւրաւ գոյ ուսանել զի բոլորովին գտանին տարագրեալք ի հրաշալի փրկութենէն մեզ պարգևեցելում: Ապա ուրեմն վասն զարտաքինսն պապանձեցուցանել նոցին մարտուցեալք տրամիմացութեամբ, ըստ առաքելական սահմանադրութեանն



լինել ընդ հրեայս, իբրև հրեայ, ոչ որպէս ոմանք ի հերետիկոսացն՝ հրէիցն հաւասարել խտրութեանց և հեթանոսաց կումուլ վոհից, այլ ուղղակի ծանուցեալ գերատան, ընդ հրեայս՝ նոցին գրովք պատերազմել, ընդ հեթանոսս՝ անհաւաստի կարծողական մատենիւքն: Եւ մի չարաչար գրարիոր գրեցեալս յեղանակել կամ ընդ սուրբ Ատակացն համեմատելով, ճառել զճառս նոցա: Քանզի բազում ինչ գտանեմք ասացեալ այլուստ երջանիկն Պաւղոսի, զՎրետացիսն հանապազատուս, զԱրին որ նընչեսդ, և զՂուկանացւոցն առասպելարանութիւն, և զայլն ևս: Սակայն ոչ որ համարձակի ի ճշմարիտ քրիստոնէից, յաղագս զուզապատուութեան \*) յիշատակել այլ պիտակագէս. և մանաւանդ զանզգամնն, անզգամացն մատենիւք յանդիմանել զի մեհարանաւք ասել զընդունելի ի պատասխանիս վարդապետութեանն, յանրաւ կործանմանէ ամպարշտութիւնն, ի միտսն հայելով ճառիցն նովին կանոնաւ զրնութեանցն պարտիմք ճանաչել ձեռնարկութիւնս, որպէս նոցին իսկ լացայայտեն առաջարկութիւնք: Զի որք զհոգի և զմիտս մարդկային ժխտելն ունել զիբրկիչն մեր, կամ մարմին յոլով ընութեամբք եղեալ մարտ կռուէին, ամբիժ հաւատոյն ախոյեանի, զանապանութիւնս որոշելով զիւրարանչիւրոցն: Քանզի այլ ընութիւն է մարմնոյ, և այլ հոգւոյ, նոյնպէս տիրական մտացն: Սակայն առ հարկի հիւանդացելոցն ի հաւատս, քննեալ լինիւր այս ամենայն:

Այլ ընախաւսութեամբ որ է մարդկանէ զաւրեսցէ յանդիման կացուցանել զորչափութիւն մտաց և ոգւոյ և զտարացոյց երկաքանչիւրոցն յեղանակի, կամ զկապակցութիւն ի մարմնին՝ զի մի, և ոչ բազում ասի մարդն: Տեսանեն, քննեալն անքննելի մնայ, ի բազում տարակուսանս արկանելով զքննաւղն: Քանզի ոչ որ զինքն տեսանեն միտքն, որպէս առաքելականն ստուգաբանէ յայտարարութիւն, թէ Ոչ որ է որ ճանաչէ զմարդոյն բայց հոգին որ ի նմա եթէ. Ապ եթէ յանդգնեալ համարձակեսցի որ ասել ճշդիւ գիտել, ուրեմն և զխորսն Աստուծոյ քննէ, քանզի յերկուցունց է հրաժարեցուցեալ անկարելի գոլով զիւնդրելն. այլ որպէս վերագոյնն ասացաք յաղագս ախտացելոցն ի հաւատս զանասելին խաւսել: Զի թէ չէ հնար ի յովովից մի եղեալ զմարդն քննել, կամ զմերձակայ ընկերն, կամ

\*) Յօր. զուզապատուութեան.

զինքն իսկ զլիտվին, զիարդ արարչին որ բաւիցէ լինել Հասու, սահման դնելով անհետազաւտելի տնտեսութեանն խորհրդոյ, թէ այդպէս է խորհուրդն, ոչ ևս է խորհուրդ: Տի նա ճոխ և վեհագոյն պարտի ասել զինքն սահմանագիր խնդրաւզն, քան զայն որ սահմանն ընկալաւ. զի մեծ է Հասու եղեալն բննաւոր սահմանագիրն, քան զայն որ ընդ չափովն անկեալն սահմանն ընդունի: Տեսանես ցնաւարեկութիւն անուղղայ հայրցման, զայսպիսեաց ասէր՝ երանելին Պաւղոս, թէ նաւակոծեցան ի Հաւատան. քանզի ոչինչ պարտիմք աւելի ածել զմտաւ, բայց միայն խոստովանել ցնա յամենայնի կարող, և արարիչ, և Տէր: Եւ զարարչութեանն իսկ աւրինակ, որպէս զմեզ յանեութենէ ի գոյութիւն ստեղծանէ, ինքն միայն գիտէ: Քանզի չես բաւական միտք մեր նկատել զբովանդակն. Վասն որոյ և անվրէպ գոյ ճանաչել զհարցն. զի և առ հարկի հիւանդացելոցն ի հաւատս՝ բննեալ իւնիւր այսամենայն. զոր վայելչապէս գոյ ի նոցին տեղեկանալ անստգիւտ վերասացութեանցն: Քանզի Յովն քն ի նիկիա գումարեալքն յարիանոսացն ի բակունն, ոչ կալան փոյթ երկուց կամ յովով ևս բընութեանց առնել ընդրութիւն անստգիւտութեամբ, այլ ըստ վիրայ վիրաւորելոյն բարբառեալ վաղվաղակի՝ կտրելով զարմատ ժահահոտ փտութեանն. մի բնութիւն ասացին նպատակ ուղղափառութեան կանգնելով յաղթութեանն յերեսս յրբենի լինողաց, որք ուրացան զՈրդի յեութենէ Հաւր՝ յաղբատութիւն և յապականութիւն ի իշուցանեն տաժանեալք. նոյն բնութիւն Բանի\*) Հաւր որով ամենայն եղև. և այս առաւել իմն դիպողագոյն, զի բնութիւն Բանին աստուածութիւնն է, բոլորեցունց դաւանելի է, քանզի չէ ոք, ի սուրբ Երրորդութեանն յայլմէ եութենէ կամ ի գոյութենէ, մի նեախ երբքսայրեան սլաքաւորաւ, սպաննն զթշնամիտ արդարութեան՝ աւետարանելով զյաղթութիւն, հանգերձ հրաշալի տնտեսութեանն ձրիւք. Իջեալ, ասէ, մարմնացաւ և մարդացաւ և ծնաւ կատարելապէս ի Մարիամայ ի սուրբ կուսէն: Իարձեալ աստանաւր զիջանելն, ոմանք կերպարանաւք, և ոչ ճըշմարտութեամբ վարկանին. զի տեղեացն ի տեղիս փաստարեւելով փոփոխումն հաճութեամբ իմն և կամաւք, զխոնարհմանն տան աւրինակ. և ոչ գիտեն թէ որով զայլսն ըմբասեն՝ ին-

\*) Յօր. ըսն:

բեանք վարմին նովին, յայտ առնելով թէ միով վայրաւ բովանդակին: Եւ վասն այնորիկ իսկ զայլսն դատապարտեն, Տայհոյիչս գոլ յամենայնի, և զայն ոչ իմանան թէ տարրական նիւթեղինաց այնպիսի երբ ուրեմն լինել, և ի հնոաձիգան կամաւք մի և հաճութիւն ունել անարգիւնաւոր՝ զոր ոչ զաւրէ բոլորն աւարտել: Իսկ անրովանդակելի եռութեանն՝ յարէ առնել որոշումն վայրաւք զանազանելով: յայտ է թէ ամբարիշտն: Ո՛չ ապաբէն զերկինս և զերկիր ես ընում, ասէ Տէր, և երկինք ամթոռ իմ են և երկիրս պատուանդան ոտից իմոց: Եւ հեզն Գաւիթ բողոք բարձեալ յուժղնագոյն, գոչէ. Մի մոլորիք, ասէ. զի Աստուած մե՛ծ յերկինս և յերկրի է, ի ծովս և յամենայն խորս. և այս է ամենակալ ապա թէ անկարելի գոլ թուի բնութեամբ մարմնանալն, և յընթանուրսն լինել, զիտասցէ զի և հաճութիւն՝ ի հաճելումն աւարտի. ոչ ևս ուրեք բաւելով, բայց ճշմարիտ բրիստոնէին ոչ է պարտ ընդ այնպիսի տղմուտ խոհերս դեգերելով թաթաւել, քանչի մահ գործէ: Եւ որք ժպրհեցան բնել զխորս Աստուծոյ, իսկապէս շահեցան զսատակումն, այլ հաւատալ մարմնացելում՝ բանին Աստուծոյ և ապա զարմացմամբ փառաւորել, որ զծառային կերպարանս առնելով երեւեցաւ և է ի վեր քան զհրաշս խոնարհութիւնն:

Ելյ Քանն յաշխարհի էր, որպէս աւետարանագիրն իսկ ասէ, և աշխարհ նովաւ եղև, և որպէս էրն, է՛ միշտ ծածկատեսն: Միայն յայտնի եական աւետաւոր պատգամացն, և մարգարէիցն գուշակութեան երթիցուք զհետ. և մի՛ ընութեամբք գուպար եղեալ զանճառելիսն բաց ասելով չարաչար աւցտիցեմք: Իսկ արդ եթէ չէին մոլեգնեալ զասք հերձուածողացն, որք յառաքելոցն ընկալան զբարոգութիւն՝ արդեաւք չէ՛ին բրիստոնեայք. քանչի ընութեանդ անուն և յականջալուրս ուրուք չէ՛ր հասեալ, այլ նորին հակառակն: Կեանքն յայտնեցան, ասէ, և տեսաք և վկայեմք. քանչի որ էրն առ Հաւր, և երեւեցաւ մեզ: Ո՛վ սբանչելի առաջի եղեալ նպատակիս որ առաւել իմն ուշմնագոյնս տայ ընթանալ ի կէտ կոչմանն Աստուծոյ. զի որք զմարմնոյն միայն տեսանէին կերպարան՝ որպէս էր իսկ ճշմարտիւ եղեալն մարդն, որդի Յովսէփու կուէին. այլ և սամարացի և Տայհոյիչ: Իսկ զիմանալին ունաւոր հոգևորական աչս՝ Լոյս փառաց և նկարագիր էութեան անսկզբնականի Հաւրն խոստովանէին: Քանչի լուան ի կենսատու փրկչէն, և հաւատացին թէ

Ես ի Հայր և Հայր յիս է: Ապա զինչ ասիցէ աստանաւր ընու-  
 թեանցն խնդրաւ զոր քրիստոնեայ զինքն անուանէ. զոր ընու-  
 թիւն տեսին աշակերտքն. զաստուածութեանն եթէ զմարմնոյն:  
 յայտ է զի զմարմինն տեսին: Այլ թէպէտ թուր անգամ կամի-  
 ցին ուսանել, զիրն ըողոթ բարձեալ աղաղակէ՝ թէ Հաւաքստե-  
 ցէք զիս և տեսէք զի ոգի, մարմին և ոսկերս ոչ ունի, որպէս  
 և զիս տեսանէք զի ունիմ. զոր ետուն ի վաւակէ Գաւթի Բան-  
 զի Հայեթն ի նա որպէս ի մի ոք ի մարդկանէ, այլ Բանն միա-  
 գեալ էր ի մարմնին, բառնայ ի բաց զխտրութիւնն անջրպետու-  
 թեան: Քանզի ոչ ասաց թէ՝ Որ ետես զաստուածութեանն  
 ընութիւն կամ զմարմնոյն, այլ անորոշաբար ասէ թէ՝ Զիս: Եւ  
 դարձեալ՝ թէ Ոչ որ ել յերկինս եթէ ոչ որ էջն յերկնից որդին  
 մարդոյ որ էն յերկինս. ուր էր որդին մարդոյ յերկինս զորմէ իջա-  
 նելն ասէ. աղէցուցցե՛ն: Զի թէ երկնաւոր էր մարմինն, ոչ յոր-  
 ջորչիւր Որդի մարդոյ, և թէ յերկրէ և ի վաւակէ Աբրահամու  
 որպէս խոստովանիմ իսկ պանձալով զիւրոք էր յերկինս, եթէ ոչ  
 ուղղակի իմաստուք յաղագս անբաժ միաւորութեանն: Արդ եթէ  
 ստուգիւ Հաւատամք ասացելում փրկչին և Տեառն՝ ի բաց թողցուք  
 զխտրութեանն բաժանմունս, զի մի նմանեալք լինուք փարիսե-  
 ցացն, թէ Գու մարդ ես, և զանձն բո Աստուած առնեսու Զի եթէ  
 որոշութիւն գոյր տարրերութեան, ընդէր դատապարտին Հրեայք,  
 զի նորա ի մարդն արկին ձեռս նախանձ ունելով յաղագս ան-  
 տեսանելի և անըմբռնելի աստուածային ընութեանն: Եւ զի  
 լուեալ էր յահեղ ցուցականութենէն՝ թէ Ոչ որ տեսանէ զե-  
 րեսս իմ և ապրի. և Տեսիլ նորա անարգ նուազեալ բան զա-  
 մենայն որդոց մարդկան, և այլ ևս. զի զհրապուրաւոյն պաշ-  
 տել զաստուածս աւտարս, յանխնայս հրամայեն սպանանել աւ-  
 րէնքն, որչափ ևս առաւել՝ որ զինքն լոյս կոչէ աշխարհի հա-  
 մեմատ Հաւրն, թէ Ես և Հայր իմ մի եմք: Թէ այդպէս իցէ-  
 բան զամենայն նախնեացն բարեպաշտագոյն էր հրեիցն զԲարձն  
 ի մէջ ասել և Հան ի խաչ: Որպէս զայր մի ի հարուածսն  
 գիտէր համբերել ցաւոց, այլ զիրք ընդդէմ սմին ասեն. զի իբր  
 և զայր մի որ կայր ի հարուածսն. նոյն ինքն տեսանողն ասէ.  
 Նորա վիրաւքն բժշկեցաք ամենեքին, յայտ առնելով զվիրացն  
 Տեառն գերազանցութիւն: Զազգատոհմն նորա բայ, ո՞ պատմու-  
 ցէ, զի բառնան յերկրէ կեանք նորա: Եւ եկեղեցւոյ փողն  
 Պաւղոս, փառաց Տէր կոչեաց զխաչելեալն. զոր մարգարէն

կանխաւ զուշակեաց, թէ Ինքնին եկեսցէ և փրկեսցէ զմեզ. եթէ Ոչ պատգամաւորք և ոչ Տրեշտակք, այլ ինքնին Տէր փրկեաց զմեզ: ԶՔրիստոսի գալուստն գրեթէ ակնյանդիման տեսանելով, մատամբ ցուցանէին, Ահաւասիկ ասէ Աստուած մեր: Ո՞վ բանի զաւրուծիւնն, որ առհասարակ տապալէ զգասս բաժանող երկաբնակ աղանդոյն: Ոչ ասաց, թէ ահաւասիկ աստուածային ընուծիւնն՝ կամ մարմնոյն՝ կամ հաճութեանն ասպնջապան՝ կամ մարգարէն, այլ անորոշարար գոչէ: Ահաւասիկ Աստուած մեր, և բարիք ասէ՝ մեր. զի որք մարգարէին լինին ձայնակիցք խոստովանութեան, նոցա է Աստուած և Հայր հանդերձելոյ աշխարհին, իսկ պատառաւդացն զտնաւրէնութեանն պատմուածան, հատուցանողն զգատաստանս, և հատուցէ: Վասն որոյ վկայութիւն դնէ. վաստակաւքն առաւելեալ նահատակն պահել զպատուիրանն ամրիժ անարատ մինչև ի յայտնութիւն Տեսան մերոյ Յիսուսի Քրիստոսի՝ զոր յիւր ժամանակս ցուցցէ, երջանիկն և միայն հզաւրեղ թագաւոր թագաւորաց և Տէր տէրանց՝ որ միայն ունելով ասէ, զանձա՛սութիւն ընկեալ ի լոյս անմատոյց: Գարձեալ և աստանաւր պապանձեցուցանէ զանջրպետութեանն զանազանաւզս. բանչի Կորնթացւոցն գրէ զոր ինքն ընկալաւ, թէ Քրիստոս մեռաւ վասն մեղաց մերոց, և աստ թէ Միայն ունի զանմահութիւն: Երկուս արդեաւք բրիստոսս բարոյիցէ, զայն ինքն իսկ դաւանեալ կնքէ, թէ մի Տէր Յիսուս Քրիստոս: Կամ ընուծեամբք ինչ վարդապետեսցէ, և ոչ երբէք, բանչի յոյժ հեռագոյնս կամին փախելի յայտոսիկ բարբառոյ յառաքելոցն և մարգարէիցն դասք, զմի Տէր գիտեն զմեռեալն և անմահ մնացեալն, որպէս ի միում մարմնի անդամքս բազումս ունիմք զանազանեալս գործով: Զի ոչք աչք լսեն, և ոչ ականջք տեսանեն. և ոչ ձեռք զլեզուոյն պատկանեն զպատգամաւորութիւն, և միանգամայն իսկ անդամքն զնոյն ունին աւրինակ, այլ ոչ որ հակառակեալ ցկարի իսկ անարգագոյնն ասիցէ եթէ Ձես ինձ պիտոյ. որպէս առաքելականն ստուգէ զուցականարար: Վասն զի բազում անդամովք աւարտեալ մարմին՝ կոչի մարդ. բանչի բազումքն մի մարմին են և մարդ: Այսպէս զփրկչին մերոյ և տեսան իմաստուք՝ որպէս հաւատոյն ուսուցանէ կարգ: Բանն Աստուած մարմնացաւ և մարդացաւ ասէ, զի միաւորեաց աստուածավայելչարար զմարմինն խոնարհութեան մերոյ ըովանդակ զհոգի և զմարմին, զի ճշմարիտ

եղև մարմին Բանին Աստուծոյ Վասն այնորիկ ասի անտեսանելոյն տեսանիլ և անշաւաբարեւոյն շաւաբիլ, խաչիլ, թաղիլ և յառնել յառուր երրորդի. քանզի ինքն էր չարչարելին և անչարչարելի, անմահ, և որ զմահն ընկալաւ Ապա թէ ոչ, զիւրդ լինիւր տուեալ Հաւր զՄիածինն. կամ փառաց Տէր գոլ խաչեցելումն. Այս է ի ըրալում անդամոցն մի՛ մարմին. թէպէտ և զնոյն գործ չունին. Զի ոչ հոգին ըստ ինքեան խոցումն ընդունի, և ոչ մարմինն տրտմութիւն, և Բանն գերիվերոյ և անընդունակ երկաքանչիւրոցն. Եւ է ամենայնիւ տարեալն և անտանելին, և վասն այնորիկ ասի մարդ և Աստուած, ընդունելով սահման աստուած մարդացեալ. Ապաքէն թէ զմի ինչ ի ըաց բառնայցեմք յանդամոցն անջրպետելով. կրճատութիւն է թշնամանելի. Մի թշնամանեսցուք որպէս հրեայք, տարաւրէն անջատմամբ զաստուածավայելչարար միութիւնն. Յիսուսն ամ չև՛ ևս է ըան քո և զԱրրահամ տեսեր, և փոխանակ զընդդիմագոյնսն լուան. Յառաջ քան զլիննելն Արրահամու եմ ես. Արդ ո՛ւմ տայցեմք իրաւունս ըստանորդ իննելով մասին. աւետարանչին՝ որ զտէրունակունն երկրորդէ զպատասխանիս, թէ հրեիցն, քանզի մարդ տեսին՝ զծնունդն անգամ գիտելով. վասն այնորիկ իսկ փութացեալ, մատնել ի սպանդ խաչի, զի աստուած զինքն բարոյէր. Իսկ ելմէ բանն էր մարմին եղեալ ընութեամբ և ըան ինչ էր մարմինն, նորա զմարդն ուրացան մահու մատնելով. Բարեպաշտագոյն պարտ է համարել զգործն. զի ունէին հրամանս Տեսոն Աստուծոյ միայն երկիրպահանել և պաշտաւն մատուցանել. զՄի առնիցեսն քեզ նմանութիւն յերկնի և յերկրի, և ի ջուրս. Ի յերկինս ասելով ի լուսաւորաց հրաժարեցուցանէ, և յայլ ևս զաւրութեանց պաշտամանէ. իսկ յերկրի՛ ի մարդոյ և առհասարակ ի սմա բնակելոցս, շնչական և անշունչ արարածոց տարերքն հանդերձ, համալոյզ նմին և ջրոց. թէ որ ինչ միանգամ ի դոսա է նմանութիւն համարելով արարչին և երկրպագել անաւրէնութիւն է. Այլ ասեն իւր համարէր զերկրպագութիւն Բանն. նոյնպէս և զթշնամանս կամաւք և ոչ ընութեամբ գոլով ի մարմնի, Որ ի վերայ այլց սրտոցն կան մեծարանք. Ոչ զձեզ անարգեցին, ասէ Աստուած ցՍամուիէլ, այլ զիս մերժեցին. և զմովսէս, ասէ, Աստուած Փարաւոնի, և զնոսա առ որս բանն Աստուծոյ եղև, Ես ասէի թէ աստուածք իցէք, և Տէրն ցաշակերտսն. թէ Որ զձեզ

ընդունի զիս ընդունի: Այս է համարելն, որք յորչորջանս միայն ընկալան, և ոչ ևս դտանեմք ուրեք աստուած քարոզեալ զնոսա: Զի Մովսէս զլուեա գոլով մարգարէիցն, և բոլոր մարգարէքն որ ի Մովսէսէ և պար խաւսեցան, ոչ աստուած, այլ հաւատարիմ ծառայ զնա կոչեցին: Զի որ պիտակարարն ընկալաւ անուն յորչորջանաց վրէժ առնուլ ի Փարաւոնէ, փոխարկի դարձեալ հաւատարիմ մարգարէ. նա զի ընկալաւ իսկ պատիժ պատուհասից յաղազս բամբասական ջուրցն, ոչ մտանել յերկիր պարզեացն:

Իսկ ծնիցեալն ի կուսէն, Եմմանուիէլն Աստուած և հզաւր, իշխան, և ոչ գոլ ումեք կարողութիւն զնորայն պատմել զպզգատոհմ, և լոյս Երուսաղէմի, և ծագումն փառայ Տեառն, և ի քեզ Տէր յայտնեցի, և ի զալ անդր արանց Սարէացւոց, ի քեզ աստուած է, և սա է Աստուած մեր՝ ընդ որում ոչ համարեցի այլ տուաւ զիմաստութիւն Յակովբայ, այսինքն բարեպաշտելի աւրէնս: Եւ զնոյն ասէ յերկրի երեւելով ընդ մարդկան շրջել: և ահաւասիկ Աստուած մեր երեւեալ արեգակն ի բարձանց. ունելով բժշկութիւն ի թեւս. լուսաւորել զեւաւար մեր. և ոգի երեսաց մերոց Տէր Քրիստոս. որ վերծանէ զփշուամն առաջին մարդոյն: Նաև ի մառնամուտ և ի վիմափոր զրին զնոյն ազդէին զՅարիցէն Աստուած. և Զարթիր ընդէրն ննջես Տէր և Զարթիր սաղմոսարան և քնար. և Զարթեաւ որպէս ի քնոյ Տէր: Քանզի Տէր զմարդացեալն և ամենակալ զիտէին մարգարէքն: Ահաւասիկ ես եկից և ընկեցայց ի միջի բո, ասէ Տէր ամենակալ և Ծանիչիք թէ Տէր ամենակալ առաքեաց զիս. Ամենակալ զԱմենակալ առաքէ, այսինքն, Հայր զՈրդի Տեսանես, զի ոչ է ասացեալ թէ ամենակալն առաքեաց զամենակալն համարեալ, և ոչ զՏէրն համարեալ, և ոչ զԱստուածն: Թէ պարզ բազմապատիկն որ քննեցէ զճառս որ յաղազս փրկչին մերոյ. մարգարէականն պարունակէ ասացեալ, նոյնպէս և առաքեալքն, որոց խաւսեցաւ թէ Որ զձեզ ընդունի, զիս ընդունի, ոչ ուրեք տեսանեմք համեմատել զինքեանս անհամեմատական էութեանս: Ո՛չ եթէ զանձինս ինչ բարոյեմք, ասեն. այլ զՅիսուս Քրիստոս Տէր, և զմեզ ծառայս ձեզ վասն Քրիստոսի. և թէ նա է ճըշմարիտ Աստուած և կեանք յաւիտենականք, և Ակն ունիմք յայտնութեան մեծին Աստուծոյ և փրկչին Յիսուսի Քրիստոսի. և Յորոց Քրիստոս ըստ մարմնոյ որ է ի վերայ ամենեցուն Աս-

տուած. հանդերձ մարմնովն գիտելով զնա Աստուած. և լոյս փառաց և նկարագիր եռութեան նորա, և Համարել ուժեր յափշտակութիւն զգոյն հաւասար Աստուծոյ: Զի թէ համարելով է կամ յափշտակութիւն է, բռնազբաւուութեամբ կամ պարզական տուր, և զերկաքանչիւր յաստուածային եռութեանն իմանալ մեծագոյն ամպարշտութիւն է: Այլ գիրք զտրին հակառակն ասեն, եակից Հաւր ցուցանելով թէ Բանն էր առ Աստուած, և իսկոյն զարարչականն յարէ ի նոյն, թէ Աստուած էր Բանն և Զնա հայր կնքեաց Աստուած, այսինքն սքանչելի վկայութեամբն, որ ահեղ որոտմամբն բարբառեցաւ, զի վկայել՝ կնքել փոխարկի: Եւ Թովմաս զի հրեից խոցեալն Տէր և Աստուած խոստովանեաց, զիշխանականն և զարարչութեանն անուն և գտանեմ ուրեք զհամարեալդ դասակի: Զի համարեալդ՝ զերկուց կերպարանաց ցուցանէ ընդրութիւն. որպէս այն թէ Որ զիս ընդունի, զառաքիչն իմ ընդունի, և ահա առաքիչ հանապազ զհայր ծանուցանէ, թէ Որ առաքեացն զիս հայր ընդ իս է. և չասոց Երբեք թէ Որդի առաքեաց:

Արդ մեր զի՛նչ ասասցուք կամ զոր ընտրիցեմք. մարգարէիցն և առաքելոցն հաւանիցիմք պատգամաց, որք Աստուած և Տէր փառաց և ամենակալն դաւանել ուսուցանեն մեզ զխաչեալն, թէ կուուածէր պոռտարան Աստուծոյ բայբայութեանց և խնդրոց, և սոսկալի բաժանմանց: Այլ մի՛ լիցի. բանզի բանն մարմնոյն է բան, և մարմինն՝ բանին մարմին. ոչ կարծեաւք կամ համարելով՝ պատուոյ միայն ճոխութեամբ, այլ ճշմարիտ միաւորութեամբ: Քանզի հանապազ բարոյի ընթանուր ի կաթողիկէ եկեղեցիս, թէ Գալոց է նովին մարմնով. զոր երանելի առաքեալքն տեսին երթեալ յերկինս: և զոր տեսինն՝ աւետարանագիրն վկայէ. թէ Իսկզբանէ ականատեսք և սպասաւորք եղեն Բանին: ընդ Որս և մեզ եղիցի զերանատրական պատգամն լսել, թէ Երանի որոց ոչ իցէ՛ տեսեալ զիս և հաւատասցեն: Եւ այս է հաւատն, եթէ զոր տեսին առաքեալքն և շաւղափեցին զԲանն կենաց, նա է ճշմարիտ Աստուած և կեանք յաւիտենականք, զոր ցանկային տեսանել զոնեա ընդ աղաւտ հրեշտակքն: Եւ որք ոչ հաւանին այսմ. զինդիրսն յուզաւորն, և ոչ զտնտեսութիւնն Աստուծոյ հաւատովք: Փախիցուք ի ստանուն գիտութեանէ նորաձայն բանից նոցա զարշելի՛ և պի՛ղծ համարելով. և մի եղիցուք հաղորդք չար գործոց նոցա, զի յերևել փրկիլն մերոյ



Հայրական փառաւրն, արժանաւորս արասցէ զթուփեամբ իւրով  
որպէս և էն, ըստ աւետարանին, ընդունելով ի բաւական աշոյն  
զանվախճան պարգևացն զեղմունս, և միշտ փառաւորել զան-  
օկիզնն Հայր՝ եակից Որդւոյն, և սուրբ Հոգւոյն յաւիտենից  
յաւիտեանս. ամէն:

Ջոռաւոր և զանախորան գրողք Ռոման և զճնաւզան ի՛նչ յիշ-  
յէք ի տրիսարոս ապոստոծ:



# ԹՈՒՂԹ ՀՆՏՈՑ Ի ՊԵՐՍՍ, ԸՌ ՈՒՂՂԸՓԸՌՈՍ

**Ս**րբասէր և ճշմարտասէր, և սուրբ հաւատոց, և առաւել քրիստոսիւ ծառայեցելոց. տէրանց մերոց և եղբարց սրբոց հաւատակցաց, Տէր Գանիէլ Գարմա եպիսկոպոս եւ Մաղբայ և Շաւտայ բովրհսկոպոսունք, և Արայ և Մարի երիցունք, Միր-հորմիզդ, և Արղահայ սարկաւազունք, և ազատ մարդիկ, Արտաշիր և Բրատոկ, և այլ քրիստոնեայք սուրբ հաւատացեալք յՌմբան շահաստանի, ի Գարմեկան շահաստանի՝ Կարմենանան նահանգ: Յոհան երիցապետ, և ազատ մարդիկ, և Վարազպանդակ ի Մաղոկան, տաճկաց պահապետ, և Հարթայ ի Մուշեղեան, և այլ քրիստոնեայք սուրբ հաւատացեալք, որք ի Պերոպչապուհ ի տաճկաց քաղաքի՝ Յովնաթան անապատաւոր, և այլ սուրբ հաւատացեալք քրիստոնեայք յԱսորեստանի և ի Խուժաստանի, և ի Հերթ և ի Նանարարագէ: Որիկնի անապատաւոր, և Սահակ՝ Բղադ շահաստանի, բովրհսկոպոս. Յակոր Բեղ՝ Եկաթարա, և որ այլ սուրբ հաւատացեալ քրիստոնեայք յԱսորեստան ի Մծրին նահանգ, և Բասագէ Իմաթեան անապատաւոր, և ազատ մարդիկ, Գնիրա, և այլ հաւատացեալ քրիստոնեայք, Նոշիրականին ի Նինուէ նահանգ. և առ ամենայն եպիսկոպոսունս, և առ բովրեպիսկոպոսունս, և առ երիցունս, և առ սարկաւազունս, առ անապատաւորս, և առ աշխարհականս, առ ազատս. և առ գեղջաւազս, առ մեծամեծս և առ փոքունս, և առ ամենայն հաւատացեալս Պարսից աշխարհի, որ ընդ Կաւասայ արքայից արքայի ընդ իշխանութեամբ էք:

Ի Մեծաց Հայոց ի Բարգենայ ի Հայոց Եպիսկոպոսապետէ, և ի Նորին աթոռակցաց, ի Մերշապհոյ Մամիկոնից եպիսկոպոսէ, ի Ներսեսէ Մարդպետական եպիսկոպոսէ, ի Տեանտորոյ Հարբայ եպիսկոպոսէ, ի Սամուելէ Բզնունեաց եպիսկոպոսէ, ի Փովկասայ և ի Սամուելէ Բզնունեաց եպիսկոպոսէ, ի Փովկասայ և ի Սամուելէ Բասենոյ եպիսկոպոսաց, ի Քաթալոյ Արշարունեաց եպիսկոպոսէ, ի յԱղանայ Խորխորունեաց եպիսկոպոսէ, ի յԱտատեայ Տայոց եպիսկոպոսէ, ի Տաճատայ

Արշամունեաց եպիսկոպոսէ, ի Դանիելէ Ռուշտունեաց եպիսկոպոսէ, ի Յափկանէ Մոկաց եպիսկոպոսէ, ի Խաբբայ Արծրունեաց եպիսկոպոսէ, ի Շահեէ Ամատունեաց եպիսկոպոսէ, ի Սահակայ Պալունեաց եպիսկոպոսէ, ի Պաւղոսէ Գնունեաց եպիսկոպոսէ, ի Մովսեսէ զարիհուանի եպիսկոպոսէ, ի Դաւթայ Ճմորեաց եպիսկոպոսէ, ի Դանիելէ Անձեացեաց եպիսկոպոսէ, ի Թէմրայ Մեհնունեաց եպիսկոպոսէ. զնոյն համարձակապէս բերելով զողջոյն, յաստուածապաշտ և յուղղափառ ճգնաւորաց եկեղեցւոյ, երիցանց և վանականաց և միայնացեալ մոնազանց, և ի բարեպաշտ պետաց և իշխանաց Հայաստան աշխարհիս, որ բերեն զուղղափառ հաւատ յինքեան, Վարդ Մամիկոնեան, Սահակ Վամարական արշարունեաց տէր, Սպանդիատ Հայոց ասպետ, Արտաշիր Հայոց մախազ, Ջիկ վանադայ տէր, Մանգեն Ամատունեաց տէր, Տիրոտ Պալունեաց տէր, Վարապնեբոհ Դաշտակարանի, տէր, Վստամ Ապահունեաց տէր, Գնէլ Գնունեաց տէր, Բաշխեն Վահեունեաց տէր, Արտաշիր Սիւնեաց տէր, Ղարնեբոհ Ռշտունեաց տէր, Արտաշիր Առաւելից տէր, և յայլ յամենայն յուղղափառ իշխանաց ի մեծաց և ի փոքունց, և որք ընդ նոցին իշխանութեամբ են: Ի սուրբ կաթուղիկէ և յառաքելական եկեղեցւոջ, որք զճմարիտ հաւատս ունիմք, ի Հայր, և յՈրդի, և ի սուրբ Հոգին, յամենայն Հայաստան աշխարհէս, յեպիսկոպոսաց, յերիցանց, և ի վանականաց. յապատաց, և ի շինականաց, առ ձեր ուղղափառ սրբութիւնդ, սիրովն Քրիստոսի ուրախանալ:

Վասն զի ութնասներորդ ամի Վաւատայ արքայից արքայի, մինչդեռ ևս Բարգէն Հայոց եպիսկոպոսապետ, ամենայն եպիսկոպոսաւք և վանականաւք և նախարարաւք ժողովեալ էաք յԱյրարատ գաւառ, յոստանն Հայաստան աշխարհիս ի Դուին բաղաբ, եկեալ հասին առ մեզ արք ոմանք, որք ասացին զինքեանս լինել ի կողմանցդ յայդցանէ, ի Տեսրոնէ և ի Գարմիկանէ, և ի Վեհարտաշիր նահանգէ, ծանուցանելով մեզ ստուգազոյն զանուանս և զտեղիս ընակութեան իւրեանց, Սամուիէլ Մահարձոյ վանաց երէց ի Կարմիկան նահանգէ, Շմաւոն Բերդոշայ երէց, և Ախայ երէց, ի Պերոզ շապուհ ի Տաճկաց քաղաքէ. ի Վեհարտաշիր նահանգէ, և Մարայ դպիր, և այլ ընկերք նոցին: Եւ կացեալ յատենի յանդիման ամենեցուն, ունէին զիր ի ձեռս՝ որով խոստովանէին ի վերայ ուղիղ հաւա-

տոյ. ընդ բազում աշխատութեամբ զանձինս արկեալ առ ի գտանել զճշմարիտ և զուղղափառ հաւատ սրբոյ Երրորդութեանն. Եւ վասն նորին համարձակութիւն առեալ թագաւորական հրովարտակ, զՎաւատայ արքայից արքայի, յորում առեալ իշխանութիւն զի ըստ կամաց և խնդրոյ ստուգութեան բրիտանէութեան, հաւատ յանձինս հաստատեսցի ըստ կանոնի և գիտութեան աշխարհին Հոռոմոց, Վրաց և Աղուանից, և մի՛ վայրապար բանիւք և աւելորդ իմացուածովք խրամատեսցի և սահման առ ի Քրիստոս հաւատացելոց, Եւ զպատճառս գալոյն առ մեզ ուսուցին այսպէս, եթէ ծառայ եմք մեր Վաւատայ արքայից արքայի. և վասն ամենայն բարւոյ թագաւորին և որք ընդ թագաւորութեամբ նորա՝ հանապազ փոյթ ունիմք յանձինս ըստ կարի մերում խնդրել յԱստուծոյ զառողջութիւն և զխաղաղութիւն և զերկայնակեցութիւն, և որ միանգամ այսպիսի բարիք են՝ զի շնորհեսցի յԱստուծոյ. Եւ հաւատ ունիմք զայս ի նախնեաց հարց մերոյ զճշմարիտ երեք հարիւր տասն և ութիցն ի Նիկիայ ժողովելոցն, ի ժամանակս թագաւորութեան երանելոյն Կոստանդիանոսի, զոր ամենայն տիեզերք ընկալան, և ի նոյն հաստատեսցաւ սուրբ և ընթանրական կաթողիկէ եկեղեցի, զոր և ի սկզբանն իսկ տերունեան բարբառն վարդապետեաց աշակերտելոցն ասելով. Գնացէք այսուհետեւ աշակերտեսցէք զամենայն հեթանոսս, մկրտեսցէք զնոսա յանուն Հաւր և Որդւոյ և սրբոյ Հոգւոյ. որ լարձր և հռչակաւոր կնիք եղաւ ի վերայ ամենայնի. Զայս հաւատս ստուգեալ ունէր աշխարհս մեր միաբանութեամբ, և ոչինչ ամենեկին արատաւորութիւն յայտնի երևեցաւ, մինչև ի բսաններորդ եւթներորդ ամին թագաւորութեանն Պերդիի Իսկ ի ժամանակին յայնմիկ երևեցաւ խմոր չարութեանն, որ էր ծածկեալ յանձինս անսուրբս. որք և սկսան այնուհետեւ զղտորել զյստակ հաւատ ճշմարիտ Երրորդութեանն պատրել զանձինս անհաստատս մարմնասէր ցանգութեամբք, և տարածեցաւ երկրայութիւնն, և հիւանդացան բազումք զախտ անհարին, մինչև ի տեղիս տեղիս ժողով արարեալ զլիաւորաց հայհոյութեան հերձուածոյն, ելբեմն ի Գունտշապուհ, ելբեմն յԱսորեստանի, Ակակ և Բարձուժա, և Մանի, և Յոհանան. և Պաւղէ, և Միքա, և այլք նոցին հաղորդք, զնեստորի և զՌիոգորի. և զԹէոդորոտի միաձայնելով՝ զմի ասացուածս և զամպարչտութիւնս անձանց. և այսու ձեռնարկութեամբ յամենայն ժամ

առաջի իշխանաց և դատաւորաց բազում աշխատութիւն և վրտանգս հասուցանեն յանձինս մեր, և այլոց ամենեցուն ուղղահաստից որ յաշխարհին մերում են: Եւ ոչ կարացեալ մեր տանել այնպիսի չար անհար և դառն հայհոյութեան, փութացաք առ թագաւորս ցուցանել հասար և առ ձեզ վասն նորին վտանգի և նեղութեան, գտանել աւգնականութիւն վկայութեամբ աստուածային գրոց, որպէս զի հաստատուն կացցեն անշարժ սրբոց հարցն աւանդութիւնք և պատուէրք: և մի հանապազորդ նեղութիւնք հոգէկան և մարմնական տարակուսանաւք վասն այդպիսի իրաց տառապեցուցէ վմեզ:

Տեղեկացեալք զայս ամենայն առ ի դոցանէ, է ինչ որ բանիւ, և է ինչ որ գրով, զոր և ինքնատեսք եղաք. երանելիս այսուհետև համարիմք զանձինս ձեր, թվ աստուածասէրք, որք զբարի նախնձ նախանձեցայք և զերանելի և զցանկալի կեանս անձանց ընտրեցէք ուղղափառ հաւատով և կատարեալ վարուք առաքինութեան, որք զփափաբելի զբարբառ փրկչին զանազան սիրողութեամբն զաստուած երևեցուցէք տեսաւղաց: Եթէ անարգելով զընչիցն փափագ, եթէ արհամարելով՝ զփնոս մարդկեղէնս. եթէ աղբատանալ՝ վասն Քրիստոսի, եթէ սրբութեամբ սրտի՝ տեսաւ լինել Աստուծոյ և ևս որ առ նոսին կատարելագոյնք ի Քրիստոսէ, և բրիստոսասիրաց աւետարանել: Արդ հարկաւոր է և մեզ զբղտումն սրբոյ հաւատոյն զոր երանելի հարցն ի նիկիևա ժողովեցելոցն, ՅԺՆ եպիսկոպոսացն ընկալեալ պարկեշտութեամբ, և առանց գայթակղութեան զոյն աւետարանել: Ընդ որս պատահեաց ըստ աստուածային շնորհաց ի սուրբ ժողովին, երանելի հայրապետն մեր Առիստակէս, և ընկալեալ ի սուրբ հարցն ըլլորովիմք զհաւատն ճշմարտութեան, երբ որ յաշխարհս ճշմարտութեամբ: Զոր առեալ ի նմանէն հայոց, և նովին հաւատովք լուսաւորեցաք, և ի նմանէն յաջորդեցաւ մինչև ցայժմ, ձեռնադրութիւն բահանայապետութեան աշխարհիս Հայոց, և կամք հաստատուն ի նմին: Եւ այսպէս, հաւատամք ի մի Աստուած. Հայր ամենակալ ամենեցուն երևելեաց և աներևութից արարիչ, և մի Յէր Յիսուս Քրիստոս. յՈրդին Աստուծոյ, ծնեալ ի Հաւրէ, Միածին այսինքն է ի գոյութենէ Հաւր: Աստուած յԱստուծոյ, լոյս ի լուսոյ, Աստուած ճշմարիտ յԱստուծոյ ճշմարտէ, ծնեալ և ոչ արարեալ. նոյն եութիւն Հաւր, որով ամենայն ինչ եղև յերկինս և յերկրի: Որ վասն մեր

մարդկան, և վասն մերոյ փրկութեան, էջ և մարմնացաւ ի սրբոցոյ կուսէն Մարիամայ. չարարեցաւ վասն մեղաց մերոց. մեռաւ և յերրորդ աւուր յարեաւ. ել յերկինս, նստաւ ընդ աջմէ Հաւր, գայ դատել զկենդանիս և զմեռեալս: Եւ վասն այնոցիկոց յըստն, էր երբեմն զի չէր, և մինչև ծնեալ էր չէր, և զի յունչէ եղև. կամ իրրև յայլմէ ետութենէ կամ ի գոյութենէ համարին թէ իցէ, կամ փոփոխելի, կամ անցանելի զՈրդին Աստուծոյ, զնոսա նզովէ՛ կաթուղիկէ առաքելական եկեղեցի:

Այսպէս հաւատացաք, որպէս մկրտեցաք, և սուրբ հարբն կախոնեցին: և այլ սահման արտաքոյ պսոթիկ կանոն ոչ է, և ոչ ընկալաք. և ոչ ընդունիմք: Քանզի և վարդապետն երկնային Սաւղոս յոյժ զգուշացուցանէ զմեզ յերկրաւոր իմաստից մարդկան և ի մոլար խարեութենէ: Բազում են վկայութիւնք սուրբ գրոց, յոլովագոյն և սրբոց հարց ուղղափառաց լուսափայլ վարդապետութիւնք, որով լուսաւորեալք լուսաւորին, և զգենուն միութարութիւն վհատեալքն հոգևով ի սէր, և ի յոյս, և ի հաւատս սրբոյ Երրորդութեանն, հիմնաւորեալ որ կենդանութիւն է, և պաշտպանութիւն հոգւոյ և մարմնոյ: Զայս հաւատս Հոռոմք և մեր Հայք և Վիրք և Աղուանք ունիմք: Բայց որպէս ասացին առ մեզ առաքեալքն առ ի ձէնջ եղբարք Սամուէլ վանական, Հմաւոն երէց, և այլ նոցին ընկերք, եթէ Բարէ՛ Ասորեստան կաթուղիկոս, և այլ որ եպիսկոպոսք են նեստորիանոսք՝ զայս խաւսին. երկուս Որդիս ասեն լեալ Աստուծոյ. զմին Աստուածն բանն հաւասար Հաւր՝ որ էջն յերկնից. և այլն Յիսուս՝ մարդ մահկանացու նման մեր, որ ծնաւն ի Մարիամայ, և վասն Վի արդարացաւ աւելի բան զամենայն մարդ՝ պատուեցաւ և շնորհաւ կոչեցաւ Որդի Աստուծոյ, անուամբ միայն և ոչ Որդի Աստուծոյ. և ոչ հաւասար Հաւր. այլ մարդ էր արարեալ մահկանացու որպէս զմեզս: Եւ վասն զի աւգնեաց նմա Հոգին սուրբ, կարաց յաղթող լինել սատանայի և ցանկութեանց, և վասն արգարութեան նորա և վասն բարի գործոց արժանի եղև շնորհի, լինել տաճար Աստուծոյ Բանին: Եւ ասեն. թէ արժանի է բաժանել և ասել յայտնապէս՝ Աստուած կատարեալ և մարդ կատարեալ: այսինքն է, Աստուած կատարեալ եառ մարդ կատարեալ զՅիսուս Քրիստոս. և վասն զի սիրեաց զնա. արժանի արար զնա պատուել ընդ իւր յերկրպագութիւն, և պատուեցաւ մարդն որ

եառ շնորհս յինքն: և նշանս և սքանչելիսն զոր առնէր բանիւն Աստուծոյ՝ որ էջն յերկնից և ընակեաց ի նմա այսինքն է ի Յիսուս, և զաւրացան ի նմա սքանչելիքն զոր առնէր, և զամենայն ցաւս և զխոնարհութիւն ունէր յինքեան, և գտաւ մահկանացու որպէս զմեզ, լեալ ի մարդկան ազգէս հաւասար իւր, բանիւն Աստուծոյ, որդի Աստուծոյ: } Եւ ասեն ոչ վասն Յիսուսի եկն ձայնն յերկնից ի Յորդանան՝ Կա է որդի իմ սիրելի ընդ որ հաճեցայ, այլ ի Բանն Աստուծոյ էջ որ է հաւասար Հաւր, որ էջ յերկնից և ընակեաց՝ ի նմա: Եւ ասեն, դրաւքն փակելովք յորժամ եմուտ առ աշակերտսն, ոչ էր փակեալ զդուրսն, այլ աշակերտացն յերկիւղէ հրեիցն ի ըսաց թողեալ էր զդուրսն: Եւ ասեն հերձուածողքն. թէ Յիսուս Քրիստոս մարդ էր մահկանացու, արարեալ հաւասար մեր և ոչ յերկնից իջեալ: և ոչ յերկինս ելեալ: այլ որպէս Եղիա և Ենովք վերացան յաւդս և չե՛ ևս տեսեալ զԱստուած. և ոչ տեսաննն զնա մինչև լինի յարութիւն: Զայս ասեն նեստորիանոսքն ընդդէմ մեր, ուժաւորութեամբ գրոց Ի հողորի և Թէոդորի և Նեստորի և Թէոդորիտի և Հարայի, կանոն է, զոր եղին, Ակակ և Բարծուռէ և Մանի և Պաղի, և այլ ընկերք նոցուն: Եւ այդպէս ասեն, թէ Հոռոմբ, և Հայք, և Վիրք, և Աղուանք՝ զնոյն կանոն և զհաւատ ունին զոր մերս ունիմք: Զայս լուար ի սոցանէն թէ ասեն նեստորիանոսքն:

Եւ զի կամեցայք ի մէնջ վասն նորին իրաց ուսանել ծանուցանեմք ձեզ եթէ Հոռոմբ և մեր Հայք, և Վիրք, և Աղուանք, զհայհոյութիւնս զայս ոչ ընկալաք, և ոչ ընդունիմք, և ոչ հաղորդիմք, և ոչ հաւատամք, այլ և նզովեմք. որ այսպէսն ասեն և ուսուցանեն: որպէս Պաւղոս առաքեալ ասաց. եթէ որ աւետարանեսցէ ձեզ աւելի քան զոր առնէքն, նզովեալ լիցի, և դարձեալ զնոյն երկրորդելով ասէ, Այլ թէ մեր կամ հրեշտակ յերկնից աւետարանեսցէ ձեզ աւելի քան զոր աւետարանեցարն ձեզ, նզովեալ լիցի: Եւ զնոյն հաստատեցին աստուածային շնորհաւրն լցեալ երանելի հարքն ՅԺԸ եպիսկոպոսունքն ժողովեալ ի Նիկիայ. Միաբանեցին նմին կանոնի և ճ և Ծ եպիսկոպոսունք ուղղափառք ժողովեալ վասն նորին խնդրոյ ի Վոստանդիանուպաւլիս որոց մեր միաբանեալ նզովեմք զհակառակորդսն այն ճշմարիտ հաւատոյ և և կատարեալ աստուածաշնորհ կանոնի:

Եւ զայս խնդիր ճշմարիտ հաւատոյ գրեցար և կնքեցար: Ես Բարզէն Հայոց Կաթողիկոս ամենայն եպիսկոպոսաւք, իշխանաւք և նախարարաւք Հայաստան աշխարհիս: Եւ Սերգիս որում Բարզէն անուն է, Արդիշոյեան խուժիկ, ի Շոշորի շահաստանէ, ի նմին յանջմնի՝ \*) առաջի մեր ամենայն Հայոց ասաց. թէ այդ պղպէս է լսեմ յաղագս այդ իրաց և ի Խուժաստանի հերձուածք են, և յայսմ հաւատոյ, ինձ հաւատոյ նամակ պիտի, և հաւատոյ նամակ հաստատ և ճշմարիտն և զանշարժ արարէք: Եւ ես Բարզէն Հայոց կաթողիկոս և ամենայն եպիսկոպոսունք, և Վարդ Մամիկոնեան, և այլուր միանգամ իշխանք, և նախարարք էաք, գրեցար հայերէն և պարսկերէն, և կնքեցար մերով մատանեաւ. և Սամուէլի, և Շամաւոնի, և Աջայի, և Մերայի, և այլ ընկերակցաց առեալ ի մէնջ էր, զոր ի ձեռն Սերգեսեայ ետուն, և զայս հաւատոյ նամակ ընդ իւրեանս առին յաշխարհ իւրեանց:

Ջնուասար և զանարժանս յամենայն պիտանս և պիտանցն ի՛նչ յեշեշէ՛ ի Քրիստոս, ով դաստ ուղղափառաց:



\*) Բառս յ'անջմնի սրգեօք էնճիւմէն բառն է պարսկական, որ նշանակէ ժալով:



## ԹՈՒՂԹ ՀԱՅՈՑ, Ի ՊԱՐՍՍ ԵՌ ՌԻՂՂԱՓԵՆՈՒՄ

**Ե**ղբարց մերոց սիրելեաց ուղղափառաց և Հաւատարմաց, մտերիմ ծառայից Աստուծոյ, Եպիսկոպոսաց և վիճակաւորաց, վանականաց և ժողովրդականաց. Բարգէն Հայոց Եպիսկոպոսապետ, Մերշապուհ Եպիսկոպոս Տարաւն գաւառի ի Հայս, և այլոց Եպիսկոպոսաց Հայոց որք ըստ գաւառաց և ըստ տանց, և յամենայն ուխտէ սրբոյ եկեղեցւոյ մերոյ, և յիշխանաց ի Վարդայ Մամիկոնից տեառնէ և ի Հայոց Մարզպանէ Եւ ի Սահակայ Կամսարականէ և յԱրտաշրէ Մաղխալէ և յամենայն ազատաց մեծամեծաց և փոքունց. սիրովն Քրիստոսի Աստուծոյ մերոյ ուրախանալ:

Քանզի եկեալ երկրորդ անգամ ի ձէնջ առ մեզ Սիմոն երէց աշխատասէր և անձանձրոյթ յամենայն ժամ ի խնդիր Հաւատոյ, որ պատմեաց տակաւին զմարտ պատերազմի նորոգելով միւսանգամ նեստորի, ոչ ընդունելով զգրեալսն ձեզ յամենայն ուղղափառաց յաղագս ճշմարիտ Հաւատոյ, ընդ նմին և զառի մէնջն՝ զի ապրեսցին. այլ զի թերեւ կարասցէ շարժել զհաստատութիւն սրբոյ եկեղեցւոյ նսեմացուցանելով զհաւատս ուղղափառութեան յաշխարհի ձերում. և թէ որպէս աճեցեալ տակաւին ևս առ նոսին մոլորութիւն վտանգեցուցանէ զճշմարիտ Հաւատ եղբայրութեան ձեր, որպէս սովորեաց նախանձ խնտանեաց իսկզբանէ, որով տարագիր եղև ազգ մարդկան յաստուածայնիցն բարեացն, և ոչ զաղարեաց մինչև ցայսաւր ժամանակի, ալեկոծեալ սուրբ եկեղեցի, ի ժողովոյն Քաղկեդոնի վարացեալ Սկիպրն առնելով ի նեստորէ չարիմաց խորհեցաւդէ, յաղագս սրբոյ Երրորդութեանն. բաժանելով զմարմնանալն Տեառըն ի սրբոյ կուսէն Մարիամայ, որ իսկապէս մարդ միանգամայն և Աստուած խոստովանիմք և երկրպագեմք հանդերձ Աստուածութեամբն զմարմնաւորութիւնն, և հանդերձ մարմ-

Նաւորութեամբն զԱստուածութիւնն. նովին աւանդութեամբ խոստովանիմք և մեր պոր ընկալաք ի սուրբ ժողովոյն որ ի Նիկիեա. Յ և ՓԼ եպիսկոպոսաց, և նոցին խորհրդոց հաղորդիմք ի կանոնացն շարագրեցելոց, քանզի է ճշմարիտ արդարև աստուածային գործակցութեամբ: Եւ փառչիմք ուրացեալ զի Քաղկեդոնին ստուծիւն Նեստորի և պլոցն նմանից, զոր գիտեմք կեղծաւորութեամբ փախուցեալ ի հեթանոսութենէ, և ի հրէական մոլորութենէ, և զնոյն խոստովանին զհեթանոսութիւն, միանգամայն և զհրեութիւն, պատրել ի մոլորութիւն զմիտս անմեղաց՝ որ է տգիտաց, վրիպեցուցանելով ի ճանապարհէ վկոյրս, որով սահմանեցաւ ի սրբոյ Հոգւոյն մարգարէիւն հատուցումն նոցին, զոր սուրբ հարբն միաբանութեամբ իւրեանց ի Նիկիեայանդիմանեալ խպեցին զընթացս չար խորհրդոց նոցա. ի սրբոց գրոց նպովելով զՆեստորիոս, և Արիոս, և զՄիողորոս, և զԹէոդորիտոս, և զՆւտիքոս, և զՊաւղոս Սամուսացի, և զնմանս նոցին, որ խառնակութիւն զանգուածոյ զմարդանալն բրիստոսի, ասել իշխեցին, իբր զլոկ մարդ, ոչ կատարեալ աստուած ի մարմնի կատարելու: Զոր և մեծն Ամպեղիս եպիսկոպոս Քերսոն բաղաբի, ճշմարիտ հաւատոյ սիրաւղ և օպասաւոր, գրեաց ճշտիւ, ճշմարտապէս, յորում փութացեալ ոչ վերջացաւ: Նմին գրոյ նախանձաւոր լեալ երէցն բարեպաշտ Անատոլիս Գոստանդիանուպաւլսի վկայեալ սրբոյ եպիսկոպոսի Ամպեղի գրոյ, յաւելուած սրբոյ Երրորդութեանն ոչ գիտացեալ՝ զի սրբոյ կուէն զծնունդն Որդւոյ, պլ զնոյն ինքն Աստուած և Բան մարդացեալ անախտաբար՝ մնաց նոյն, որ յառաջ բան զյաւիտեանս երկրպագի ընդ Հաւր և ընդ սուրբ Հոգւոյն: Ըշմարտապէս գրեաց սուրբ բահանայապետն Քերսովնայւոց Ամպեղիս, հանդերձ երկոտասան գլխովք Գիւրղի եպիսկոպոսի երանելոյ, ի նոյն յարելով և զթուղթն Զենոնի բարբառնելոյ թագաւորին Հոռոմոց, ստուգութեամբ վկայեաց երէցն աստուածասէր Անատոլիս: Քանզի սրբոց հարանցն է աւանդութիւնս պս, մշակայն առաքինութեան, որոց ստուգիւ զհետ գնացեալ արդարութեան հալածեցին զստուծիւն: Հաւանեալ եմք ամենայն իրաւք գրելոցն առ ի նոցանէ և նովին վարիմք հաւատովք, ի սրբոց ՅՓԼ. իցն ժառանգեալ և ի ՃԾ. իցն հաստատեալ: Իսկ որք ոչն խոստովանին պսպէս՝ ուրանալով զՈրդի. նորա մոլորեալք ի տուրնչենէ, մոռանան զՀայր, զորս

յիրաւի ձայնէ առաքեալն. Ծառս պտղակորոյսս խլեալ արմատաքի, աստեղս մոլարս, որոց վիճ խաւարին յաւիտենից պատրաստեալ մնայ, յաղագս որոց Քրիստոս Տէրն փառաց զուր մեռաւ. Քանզի զգեղեցիկ բանին Աստուծոյ ճաշակեցին քաղցրութիւն, և հնազանդեցան կարծեաց աւտարաւտեաց: Յաղագս որոյ յամառեալ ոչ գիտեն զինչ խաւսին, և յորում պնդեալն են վասն զի աստուած աշխարհիս այտորիկ, ըստ ասացելումն, կուրացոյց զմիտս նոցա, զի մի ծագեսցէ ի նոսա լուսաւորութիւն աւետարանի փրկչին արարածոց. զոր յամենայն ժամ ընթերցեալ, և երբէք ոչ ծանեան. Քանզի ոչ խոստովանելով զՈրդի ուրանան և զՀայր, զոր ասաց ուրանալ և ինքն Քրիստոս առաջի Հաւր, և պատուիրեաց և մեզ հրաժարել ամենեկն ի նոցանէ, և ատել մինչև բանիւ անգամ զողջոյն նոցա: Արդ զի և յայտնագոյն եղիցի խոստովանութեանս մերոյ բան, որպէս հաւատամք մեր Հայք ի Հայր և յՈրդի և ի սուրբ Հոգին, յորոյ վերայ շինեալ և հաստատեալ է սուրբ եկեղեցի. Խոստովանիմք զՀայր, և զՈրդի զծնեալն ի Հաւրէ յառաջ բան զյաւիտեանս, անսկիզբն, մարմնացեալ ի սրբոյ կուսէն Մարիամայ, ի փրկութիւն արարածոց. անքննելի անարատ ծննդեան աւրինակաւ, կոյս մնալով մաւրն, և ի սուրբ Հոգին յանեղն և ի կատարեալն: աստուած զՀայր, աստուած զՈրդի, աստուած զսուրբ Հոգի, յորում մկրտեցաքն, և մկրտիմք, ոչ հրեարար պակասեցունցանեմք, և ոչ հերձուածողաւրէն վրիպեալ յաւելուածով և ոչ նուազ և առաւել բան զմիմեանս: Այլ երկրպագեմք, զերիսն ի միութեան փառաւորելով, և զմին յերրորդութեան: Այսպէս հաւատամք որպէս աւանդեցին մեզ սուրբ հարքն ՅԺԸ եպիսկոպոսքն ի նիկիա, նահատակք Ճմարտութեան, և որք յԵփեսոս: և նպովեմք զնեստորիոս, և զԱրիոս, զԹէոզորոս, զՄեղոզորոս, զԹէոզորիտոս, զԵւտիբոս, զՊաւղոս Սամուստացի, զԻբա, զԱկակ, զԲարծումէ, զԲարէ, որք ի Պարսից աշխարհի զնոցուն զկանոն և զհաւատ, զարմատն դառնութեան, ի վեր երևեալս, յորոց բազումք նեղեալ արտաքս հալածեցան, ի ճմարտութենէն սերման որսամբք, առ ի նոցանէ մշակեալք: Զոր և աստուածանշան արանցն առաքիներաց, և երիցս երանելեացն նմանիցն նոցուն, Իգնատիոս որ յառաքելոցն տունկ բարեպտուղ Աթանասիոս ճառագայթն լուսոյ աշխարհի, Բարսիլիոս Վապովզկացոց եկեղեցւոյն կոչեցեալ: Գրիգորիոս մեծն և երկուն ևս նո-

քին համանունք: և Յուլիոս զարևոտացն ճանապարհին կենաց առաջնորդ. և Ամպրոսիոս, Յովաննէս, և Ատտիկոս, և Քէոփիլիս և Կիրղոս, և Պրոկոս, և չքնաղ հայր մեր Առիստակէս, զաւակն արգարութեան սրբոյն Քրիզոստի, և զհայոց եղեալ սկիզբն և պատճառս աստուածային սիրոյն, և հաշտութեան. Սոքա ամենեքեան ժողովեալ սրբոց, ասպնջական Երրորդութեանն, հաստատեցին վկայութեամբ հին և նոր կտակարարաց ընթանուր ի կաթուղիկէ եկեղեցւոյ, այսուիկ վարիմք հաւատովք զոր և գրեցաք իսկ ձեզ յառաջագոյն, Վրաց և Աղուանից միաբանութեամբ իւրաքանչիւր աշխարհի գրով: Եւ այժմ զնոյն երկրորդեցաք, ի ձեռն հասարակաց եղբաւր ըստ հաւատոյ Սիմէոնի նախանձաւոր երիցու, զի մի ոք համարձակեսցի յայսմ հակառակել և ընդդիմանալ պատճառաւ առ ի մէնջ:

Այլ զի և այսու ևս խղեսցի յանդուզն և ախտաւոր խորհուրդ հերձուածոյ նոցա, և աղաւթեսցուք հասարակաց, զի նոյն ինքն Երրորդութիւնն խափանեսցէ զթշնամիս իւր, զհակառակորդ ըս ճշմարիտ հաւատոյ: Եւ զաւրացուսցէ զպաշտաննայս և զերկրպագուս անուան իւրոյ: Եւ զայս ևս ծանիցէ եղբայրութիւն ձեր, թէ որք ատեցին զհայր՝ ուրացան զՌրդի՝ ոչ հնազանդեցան, սուրբ Հոգւոյն, նոքա, ոչինչ են զարմանք, թէ և զգրեալն ի բարւոյ խորհրդոյն ուղղափառաց և ի մէնջ ոչ ընկալան, զի ելցեն յաչաց ամենեին ամաւթալից եղեալ յորժամ եկեսցէ Տէր, առնել վրէժխնդրութիւն ի վերայ այսորիկ և յայտնել զգաղտնիս խաւարի և զծածուկս սրտից նոցուն ի դատապարտութիւն և զղջումն տարաժամ: Եւ վասն թղթոյն սրբոյ Ամպեղի եպիսկոպոսի, և Անատոլեայ երէցու, հրամայեցաք աստ գրել: Եւ եթէ ի հերձուածողաց որ զայ և դառնայ ի մեր սուրբ հաւատս, ընդունել արժան է զնոսա, վասն զի դուռն ողորմութեան աստուծոյ հանապազ բնաց է խոստովանողաց և ապաշխարողաց:



## ԹՈՒՂԹ ԼՍՈՐԵԼՑ ՈՒՂՂԸՓԵՌԸ Ի ՀԱՅՏ

Լաւաց ճշմարտից և աստուածասիրանց: Հովուաց արգարոց, և հարանց հոգևորանց, որ էք լոյս աշխարհի և սիւնք հաւատոյ. բարոյեչք արդարութեան, և աշակերտք առաքելոց, ընկերք սրբոց, և բարեկամք արգարոց. սիրելիք Քրիստոսի, և պահպանք խաչին նորա: Տէր ներսէս Վաթուղիկոս Հայց Մեծաց, և Մերշապուհ եպիսկոպոս Տարաւնոյ և Մամեկոնենից, և այլ աթոռակցաց, և իշխանաց աշխարհիդ. Սամուիէլ բովոնպիսկոպոս: և Դանիէլ վանից երէց և Սիւնական Սարեայի, Գարրիէլ վանից երէց Ովփեսի և Եղիա սիւնական և վանից երէց Սուսինայի, և Շապուհ վանից երէց Գնիսթայի, և Յազգեն վանից երէց Գումայի, և Դանիէլ վանից երէց Բղնայի, և Բղեշե վանից երէց Սաղիմայի, և Մեղքի վանից երէց Յովդամնայի, և Դաւիթ վանից երէց Սոբփոնեի, և այլ երիցունք և սարկաւազունք գաւառիս եկեղեցեաց, և վանից սպասաւորք, և ամենայն ժողովրդականք ուղղահաւատք ի Քրիստոս Յիսուս ի Տէր մեր՝ Ողջոյն:

Գիտեմք մեր, ով ճշմարիտք, զի հարք արդարք և հաւատացեալք էք, և բժիշկք իմաստունք հիւանդաց, և վասն այսորիկ որպէս որդիք որ խնդրեն ի հարանց, նոյնպէս և մեր խընդրեմք զկարաւտութիւն մեր ի ձեր հայրութենէ: Եւ որպէս հիւանդք որ ցուցանեն զցաւս իւրեանց բժշկաց, նոյնպէս և մեր ցուցանեմք զմեր ցաւս առաջի սրբութեան ձերոյ: Ծանուցանեմք ձեզ, զի եմք մեր յաշխարհի հերձուածողաց. և բնակեալ եմք ի մէջ սոցա որպէս զառինք ի մէջ գայլոց, և համարեալ եմք սոցա թշնամիք. զի բարոյեմք զճշմարիտ հաւատս և կրեմք ի սոցանէ զբազում չարչարանս, կապանս, զհարուածս, և զհալածականութիւնս և զաւարառութիւնս կենաց. և վասն այսորիկ աղաչեմք զճշմարտութիւն ձեր. եթէ աւգնեցէք տկա-

բուժեանս մերում, և տուբ ձեռն եկեղեցւոյ Քրիստոսի ի ժամանակի նեղութեան. կայուցանել մեզ հովիւ որ ժողովէ զմեզ և հայր և ուսուցիչ մեզ. զի մի յափշտակեսցուք ի գայլոց յափշտակողաց, և մի՛ երթիցուք զկնի թշնամեաց արդարութեան. Հայր էք դուք մեր արդարութեան, և մեր որդիք եմք ձեր հաւատովք, զի հաւատ մեր և ձեր մի է. զոր քարոզեցին մարդարէք և առաքեալք, և ուսուցին հարբ ճշմարիտք Յ և ԺԸ. եպիսկոպոսքն որ ժողովեցան ի նիկիա քաղաք և ՃԾ քն այն որ ժողովեցան ի Կոստանտնուպաւլիս. և Մ. քն որք ժողովեցան յԻփեսոս. Ջայս հաւատս ունիմք, և զայս երիս ժողովս. և հաւատամք եթէ սուրբ Մարիամ կոյս, աստուածածին է. զի ի նմանէ մարմնացաւ Աստուած Բանն ստուգապէս ի մարմնոյ և յոսկերաց, և մարդացաւ կատարելապէս, մինչ եառ ի կուսէն մարմին ճշմարիտ և անձն և միտս. չարչարեցաւ, խաչեցաւ և մեռաւ վասն մեր որպէս և կամեցաւ, ստուգապէս և ոչ կարծեաւք, և ապականութիւն ընաւ ոչ գտաւ ի նմա, զի մարմինն՝ որ ի մեղէ առաւ, անապականութիւն էր և փառաւոր ի նմանէ միութենէ, և նովին մարմնով յարեաւ, և նստաւ ընդ ալմէ Հաւր. Դւ այսպէս փառաբանեմք, սուրբ Աստուած. տուրք և հլաւք, սուրբ և անմահ, \*) որ խաչեցար վասն մեր, ողորմեա մեզ. Եւ նզովեմք զնեստորիոս պեղծ. և զԹէոդորոս, և զԻւեոդորոս. և զգիրս իւրեանց, և զխորհրդակիցս նոցա, և զԲարծուամ, Հնծիհնա \*\*) և զպեղծ կանոնս նոցա, և զԹէոդորիոսոս, և զժողովն Քաղկեդոնի, և զտումարն Լեոնի. և զԱպաւղինարիս, և զԵւտիբոս, և զՍեբրոս, և զգիրս իւրեանց ապականութեան. և զՊաւղոս սամոստացի, և զՄանի, և զՄարկիոնն, և զԱրիոս, և զամենայն խորհրդակիցս նոցա. Եւ որ ընդունի մի յայդ գիմաց և յուսմանէ, ընդ նմա ոչ հաղորդեմք, զի գիտեմք եթէ դուք զայս հաւատս ունիք. և զայն հերձուածողսն նզովէք, և ընդ խորհրդակիցս նոցա ոչ հաղորդիք, վասն այտորիկ ի ձեզ ապաւինեցաք յետ Աստուծոյ, և ընդդրեցաք արս ի մենչ և առաքեցաք առ ձեզ, և թուղթս աղաչանաց, որ ծանուցանեն զսիրտս մեր և զխորհուրդս, և արս զոր առաքեցաք առ ձեզ, անուանքն են այտորիկ. Ահարոն վանից երէց Մարհալայի, Դաւիթ վանից երէց Խափայի, Յակոբ

\*) Յօր. Սուրբ անմահ \*\*) այսպէս յօր. Թերևս Մծքնայ

բահանայ ի վանաց Սարեբայի, նոյ վանից երէց Կենայի, Բրիտիսոյ բահանայ միայնակեաց, Սէթ պաշտաւնեայ Տամորա, Դաւիթ վանից երէց Փարթնայի, և Եղիա. և Յովսէփ ի նմին վանաց Սարեփայի, և Դաւիթ սարկաւազ ի վանից Բղնայի, և Սերգիս երէց գեղջ Մարտի. Զայդ եղբարս և միապաշտաւնս որ տան ձեզ զթուղթս աղաչանաց, և մատուցանեն առաջի ձեր կամաւք մեր և կամաւք սրբոյ Հոգւոյն զՏեզ այրդ Արդիսոյ երէց, ի վանաց Սարեբայի, մեր խնդրեմք ի ձեզէ, ողորմութեամբն Աստուծոյ, զի իշխանութեամբ \*) զոր ընկալայր ի Քրիստոսէ տացէք ձեռնադրութիւն դմա որ ընդրեցաւ, և առաքեցէք առ մեզ զգաւարդարեալ լուսով Աստուծոյ. ի ձեռն ճշմարտութեան ձերոյ, և դարձցի առ մեզ վառեալ ի ձեռն գրոյ ձերոյ և պինդ հրամանաւ ընդ եղբարս իւր, որ առաքեցան ընդ դմա, և ծանուցէք ստուգապէս, թէ հաւասար է հաւատս մեր ընդ հաւատոյդ ձերում, և ցուցանել այնոցիկ որք կամին ճանաչել զհաղորդութիւն մեր ընդ ձեզ. Եւ եղեցի ձեռնադրութիւն ձեր զոր տայք, որպէս կանոնք եկեղեցական, և յերկբայս ինչ մի լինիցիք վասն դորա, զի վառեալ է ճշմարիտ հաւատով և սիրովն Աստուծոյ ի կարգ հեզ և խոնարհ, և ունի զբան վարդապետական, և կարող է աւգնել ուժովն Քրիստոսի խաչինս, որ փրկեալ է արեամբն Աստուծոյ, զի նմա փառք յաւիտեանս ամէն. Հարցանեմք զողջոյն սրբոյ եկեղեցւոյդ ամենայն հաւատացեալք ի Քրիստոս Յիսուս, շնորհք Տեառն ընդ մեզ աղաւթիւք ձերովք, և ընդ ձեզ Հոգւովն սրբով յաւիտեանս. ամէն:

Զխաւաս յիշեալ ի րէր:



\*) Յօր. իշխանութիւն.

## ՊԵՏԱՍԽԱՆԻ ԹՂԹՈՑՆ ԸՍՈՐԵԱՑ, Ի ՆԵՐՍԵՍԷ ՀԱՅՈՑ ԿԸԹՈՒՂԻԿՈՍԷ, ԵՒ Ի ՄԵՐ- ՉԸՊԿՈՑ ՄԸՄԻԿՈՆԷԻՑ ԵՊԻՍԿՈՊՈՍԷ:

**Ի**բրպօրւմ ժամանակաց լուեալ զեղբայրութեանդ ձերոյ ուղղափառութիւն համբաւով, իսկ այժմ ընկալաք գրով առ ի ձէնջ աներկբայանալ ի սրբոյ հաւատոյ հաստատութիւն, որպէս ունին ճշդաբար ընդ ամենայն տիեզերս եկեղեցիք Քրիստոսի Աստուծոյ մտոյ, ըստ բարոյութեան սրբոց առաքելոց, և վկայութեան սրբոց մարգարէից, որ առաք ի ձեռաց եղբարցդ եկելոցդ առ մեզ. Արդիսոյ երբեմն բահանայի, իսկ այժմ շնորհիւն Քրիստոսի եպիսկոպոսի, և այլոց ընդ նմա ուղևորելոց գործակցաց. Ահարոն վանից երէց Մարհալայի. և նոյ վանից երէց Կենայի և Բրիտոյ բահանայ միայնակեաց. և Սէթ պաշտաւնեա Դամբա. և Դաւիթ վանից երէց Փարթնայի, և Եղիայ և Յովսէփ ի նմին վանից Սարեբայի, և Դաւիթ սարկաւագ ի վանից Բղնայի, և Սարգիս բահանայ ի գեղջէ Մարտի. և Դաւիթ վանից երէց Խափայի, և այլ հաւատարիմ վանաց երիցունք, և բահանայք. և սարկաւարգք \*), զիւր որ ունէր այսպէս զկնի բանիցն ողջունականաց. Թէ հաւատ մեր այս է, որ միարանեալ է ընդ ձեր լուսաւոր հաւատոյ ուղղափառութեանդ, զոր քարոզեցին մարգարէք և առաքեալք, և ուսուցին հարբ ճշմարտաբ. Յ և. ԺԱ. եպիսկոպոսն որ ժողովեցան ի Նիկիա բաղաք, և ՃԾ. քն ի կոստանտնուպաւլիս, և Մ. քն որ ժողովեցան յԵփեսոս. Զայս հաւատ ընդունիմք և պայս երիս ժողովս, և հաւատամք եթէ սուրբ Մարիամ կոյս աստուածածին է, զի ի նմանէն մարմնացաւ Բանն Աստուած սուղգապէս ի մարմնոյ և յոսկերաց, և մարդացաւ կատարելա-

\*) այսպէս յօր.



պէս, մինչ եառ ի կուսէն մարմին ճշմարիտ և անձն և միտս, չարչարեցաւ, խաչեցաւ, մեռաւ վասն մեր որպէս և կամեցաւ, ստուգապէս և ոչ կարծեալք, և ապականութիւն բնաւ ոչ գրտաւ ի նմա, զի մարմինն որ ի մեզէ առաւ անապականութիւն էր, և փառաւոր ի նմանէ միութենէ, և նովին մարմնով յարեաւ, և նստաւ ընդ աջմէ Աստուծոյ Հաւր. և այսպէս փառաբանեմք, Սուրբ Աստուած, սուրբ և հղաւոր, սուրբ և անմահ որ խաչեցար վասն մեր ողորմեա մեզ: Եւ նպովեմք զնեստոր պեղծ, և զԹէոդորոս, և զԻւեոդորոս, և զգիրս իւրեանց և զհարողորդս նոցին, և զԲարձուկայ, Ընծիհնայ, և զպեղծ կանոնս նոցա. և զԹէոդորիտոս, և զԺողովն Քաղկեդոնի, և զտուժարն Լեոնի, և զԱպաղինարիս, և զԵւտիբոս, և զՍեբրիոս, և զգիրս իւր ապականութեան, և զՊաւղոս Սամոստացի, և զՄանի և զՄարկիոն. և զԱրիոս, և զամենայն խորհրդակիցս նոցա: Զայդ ամենայն հաւատ ստուգիւ լուեալ զհաստատունս, և տեսեալ զփախուստ ձեր ի դաւաճանող որովանն սերմանեաց՝ թշնամեաց խաչին Քրիստոսի, որք ուրանան ամենեւին զմարմնանալն Տեառն մերոյ Յիսուսի Քրիստոսի Աստուծոյ ի սրբոյ կուսէն Մարիամայ, ապախտ առնելով անձանց իւրեանց զամենայն կիրս մարմնոյ բայց ի մեղաց, զոր մեք ըստ գրեցելոց եղբայրութեան ձերոյ, խոստովանիմք և հաւատամք իսկապէս զմարդանալն կատարելապէս ամենայնիւ, զկաթնաբոյծ լինելն, զսնանիլն, զչարչարանն ի վերայ խաչին, զմահն, զթաղումն զերեբաւրեաց յարութիւնն՝ որպէս կամեցաւ աստուածաբար, նովին մարմնով փառաւր զհամբարձումն, զնստելն ընդ աջմէ Հաւր. յաղագս ամենայն տիեզերաց. զգալուստն նովին մարմնով և փառաւր, դատել զկենդանիս և զմեռեալս յաւիտենական թագաւորութեամբ, և նովին հաւատով և յուսով երկրպագեմք և փառաւորեմք զԱստուածութիւնն հանդերձ մարմնաւորութեամբն, և զմարմնաւորութիւնն հանդերձ Աստուածութեամբն. և երիցս սրբաբասացութեամբ զխաչիլն խոստովանիմք:


Եւ նպովեմք և մեք հանապազ զուրացողսն. և զնեստորիոս չարագտաւոն հնարաւորութեան հերձուածողութեան, և զնմանս նորին, և զԹէոդորոս, և զԻւեոդորոս, և զԵւտիբոս. և զԱրիոս, և զամենայն զիրս ապականութեան, և զԱպողինարիս, և զտուժարն Լեոնի, զՊաւղոս Սամոստացի, և զՄանի, և զՄար-

Կիռովն, և զԲարձուճա, և զՍեբրիոս, և զԻբու, \*) և զԱկակ. և զպիղծ ժողովն նոցա և զստանուն կանոնս նոցա, և զԹէոդորիտոս. և զանաւրեն ժողովն Բաղկեդոնի, և զթշնամանաւղ և զանյիշելի բունադատեալ կանոնսն ի նոցանէ՝ զորս նյովեաց և ժողով սրբաբոցն ՅԺԸ-իցն ի Նիկիա. և Ճ և Ծ-իցն ի Կոստանդինուպուլիս և Մոցն յԵփեսոս, զոր հնազանդեալ ունին եկեղեցիք Քրիստոսի կարգաւորեալ: Այդ և զամենայն իսկ պիղծ և արհամարհելի հերձուածս հեռացեալս ի ճշմարտութենէն, ուրացաք և ուրանամք և միշտ ուրասցուք. մի՛ լինիլ հաղորդ անպողոութեան գործոց նոցա. և մի՛ լսել հրապուրող և չարաթոյն բանից նոցա մահարերաց, որ հանապաղ վառեն անձանց զհուր գեհենին, սնուցանեն զորդն անվախճան, թանձրացուցանեն զխաւարն շաւշափելի: Զնոսա որոշեաց առաքեալն մանգուես անիծից, և զնոցին կորստական վարդապետութիւնն անուանեաց ամրս անջորդի՛ս, վարեալս ի մրրկէ ի կորուստ. ծառս զաւսս պողակորոյսս, նիւթս կիզման յաւիտենականի: Եւ հրամայեցաւ մեզ ճշմարիտ հաւատացելոցս ի սրբոյ աւետարանչէն Յովհաննէ, ամենեկն չընդունել ի տունս, և ոչ ողջունել բանիւ, զի մի՛ որ ի մէնջ լիցն հաղորդ չար գործոց նոցա:

Ճշմարիտ գտար զձեզ հաւատով, և հաւատարիմ ծառայս Աստուծոյ. զրեցաք ձեզ հաստատուն ունել զնոյն ամենայն բաջուութեամբ, ոչ երկնչել ի սպառնալեաց նոցա, համբերութեամբ ասանել, եթէ դիպեսցի, զկապանս, զբանդս, որով լցան խնդութեամբ սուրբ առաքեալքն, ցուցեալ մեզ աւրինակ բարի բաջալերութեան կամաւք, և յաւժարութեամբ ընդունել զյափշտակութիւն ընչից ապականելեաց ժամանակեան կենցաղոյս. արհամարհել զամենայն նեղութիւնս եկեալս ի վերայ վասն անուանն Քրիստոսի: Եւ մեք գոհանալով յուսամք ի ձեր հաստատութիւն հոգւոյ, և հաղորդիմք կամաւք և խորհրդովք, կարեկցեալ ամենայն կարեաց ձերոց, և խնդրեմք ի տուողէն բարեաց, զի ինքնայորդոր յաւժարութիւն ձեր, յաւելուածով պահել աւր ըստ աւրէ աւգնականութեամբ և շնորհիւ փրկչին Քրիստ սի Աստուծոյ մերոյ: Հնազանդեցաք և հաւանեցաք հրամանի ձերում, և զկայտութեամբ ձերով ձեռնադրեցաք զպյրդ ընտրեալ ի ձեզէ զԱրդիսոյ, ի մեծապատիւ աշտիճան Բահա-

\*) Յօր. զգեբա:

նայապետութեան, ամենայն եպիսկոպոսաւք աշխարհիս հանազերձ քահանայիւք և վանականաւք և ուխտիւս սրբոյ եկեղեցւոյ. կամաւք ազատաց, աշխարհականաց, և համաւրէն ժողովրդականաց. և առաքեցար առ ձեզ: Աղաւթեմք և մեր ի մեր եկեղեցւոյ, լերուք մեզ աղաւթակիցք և դուք միանձնութեամբ հաւատոյ՝ հայցել Վստուծոյ, զի աստուածատուր շնորհիւ դորա, եղիցի խաղաղութիւն աշխարհի, հաստատութիւն սրբոյ եկեղեցւոյ, զաւրութիւն ուղղափառութեան: Եւ ձեր հնազանդութիւն եղիցի առ դա ստոյգ, որպէս առ հրեշտակապետ Վստուծոյ, ողջամիտ պահել զվկայութիւն ձեր ի վերայ դորա, զի բաւական եղիցի կարգաց սրբոյ եկեղեցւոյ, վարուց ուղղութեան, պաշտաման և աղաւթից պայծառութեան, և փութոյ եղբայրութեան, զի ամենայնաւք զարգարուն եղեալ ձեր թելադրութեամբ եղիցի ձեզ պարծանք՝ և մեզ ուրախութիւն երկնաւոր. որով փառաւորեսցի հասարակաց սուրբ Երրորդութիւնն Հաւր և Որդւոյ և սուրբ Հոգւոյն, ամէն:



# ՅԱՐԿԻՍՈՑԷ ԵՊԻՍԿՈՊՈՍԷ ԱՍՈՐԵԱՑ ԱՌ ՏԷՐ ՆԵՐՍԷՍ ՀԱՅՈՑ ԿԱԹՈՒՂՒԿՈՍ ԹՈՒՂԹ ՈՂՋՈՒՆԻ

**Հ**այր հոգևոր, կարգիչ իմաստուն, հովիւ արթուն, անձըն լուսաւոր, նահատակ արդարութեան, զանձաւոր այր արգանք հաւատոց, ընկեր առաքելոց, հաւասար վարդապետաց. որոյ է պարծանք խաչն, և նովի՜ն պարտես զպատերազմունս, հալածես զգունդս թշնամոյն, լոյս պայծառ, զոր գրեաց Աստուած յեկեղեցւոյ լուսաւորել հոգևորութեամբ զամենայն աշխարհս, Տէր Ներսէս, ողորմութեամբն Աստուծոյ կաթուղիկոս Հայոց Մեծաց, և այլ աթոռակցաց, եպիսկոպոսակցաց, երիցանց, և սարկաւազաց, և այլ իշխանաց աշխարհիդ, և ամենայն ուխտի սրբոյ եկեղեցւոյ. յԱրդիսոյէ շնորհիւն աստուծոյ եպիսկոպոսէ ասորեաց, և սրտի սրբութեան ձերոյ, ի Քրիստոս Յիսուս ի Տէր մեր ողջոյն:

Նախ բան զամենայն աղաչեմ զձեզ աղաւթել ի վերայ մեր փրկիլ մեզ յայնչանէ որ ապստամպեն ի ճշմարիտ հաւատոյ Եւ մինչ ի ձէնջ գնացաք ողորմութեամբն Աստուծոյ յամենայն աւթեանս ուր հասաք, սիրով ընկալան զմեզ. և մինչ ի մեր գաւառս հասաք աղաւթիւք ձերովք, և ցուցաք զառ ի ձէնջ գրեալ թուղթս ուղղափառաց աշխարհիս, խնդացին եկեղեցիք, ուրախացան անապատք, փախստական եղև մոլորութիւնն, և տիրեաց ինդութիւնն, պայծառացաւ զիր ողջունի ձերոյ որպէս զարեգակն, կորեաւ մոլորութիւնն որպէս ստուեր, և եառ հաստատութիւնն զյաղթութիւն. քայքայեցաւ խաբէութիւն, և զարացաւ ճշմարտութիւն յաղթողական ուժովն, կործանեաց գատելիս, ցրուեաց զթշնամիս, և կատարեցաւ ի վերայ կորուսելոցն ասացեալն ի մարգարեէն, Մերժեցան մեղաւորք ի Սիոնէ, և զողումն կալաւ զՅեթանոսս Անթացաւ, լուր համբաւի գրե-

լոյ ձերոյ յամենայն Ասորեստանի, ոչ միայն ի հաւատացեալս, այլ և ի հերձուածողս, զի մինչ լուան թէ եպիսկոպոս ձեռնադրեցէք ուղղափառաց, և նշովեցէք զմոլար վարդապետն խաբէութեան վնասոր պեղծ, և զԹէոդորոս, և զԳեորոս, և զԹեոդորիտոս, և զԺողովն Քաղկեդոնի, և զտումարն Աեոնի, և զՍեւերիոս. և զգիրս իւր ասպականութեան, և զամենայն հերետիկոսս. և մինչ զայդ ամենայն լուան զեղծքն՝ անկաւ ի վերայ նոցա դժուամն և երկիւղ, զի հարան ի նշովից ձերոց որպէս ի նետից խոցեալք: Ժողովեցան առ միմեանս, որպէս զի տացեն ընդ մեզ պատերազմ, խորհեցան ընդ միմեանս վասն իմ. եթէ զդա, Հայոց կաթողիկոսի, և եպիսկոպոսացն ձեռնադրեալ է միարանութեամբ տանուտերաց, և այլ իշխանաց աշխարհին, և պատուիրեալ ընդ մեզ Հաղորդել, և արքայից արքայի հրաման է, թէ իւրաքանչիւր որ զիւր հաւատ կայցի, զուցէ յորժամ մեր ընդ դմա կռուիմք և խոռվեցուցանեմք, դա Հայոց գիտել տայ, և Հայք արքայից արքայի ցուցանեն, և մեզ չարաչար աշխատութիւն հասուցանեն, և յայդ երկիւղէ լռեցին, և ոչ աշխատեցին ինչ զմեզ: Բայց և այլ հերձուածողք որ ունին զՍեւերոսի չար ուսումն, և ասեն եթէ՝ Մարմինն տեառն ապականացու էր ի խաչին, և ապականութեան հնազանդեցաւ, և յանդգնեալ նոյնպէս ասեն, եթէ Յորժամ չարաբեցաւ տեառն \*) ապականութիւն ընկալաւ, և զայն ոչ լսեն զոր Պետրոսն ասէ թէ Մարմին նորա ոչ ետես զապականութիւն: Եւ արդ ասեն նոքին իսկ Սեւերիանոսքն, թէ մեր ի Հայս երթամք, և զկաթողիկոսն և զեպիսկոպոսն ուսուցանեմք, և ի նոցանէ թուղթս բերեմք թէ հաւատ այդ արդար է զոր դոքայդ ունին, և մեր այնպէս հաւատամք. և առ ձեզ որպէս յանգէտս կամին գալլ Բայց դուք, Հարք հոգեորք, վառեալ հաւատով Աստուծոյ որ ընակեալ է ի ձեզ, որպէս իմաստութիւնդ ձեր աստուածային է, թաւսել ընդ նոսա բանիւ գիտութեան, զի նոցա տեսեալ եթէ ոչ ընդունին զմեզ, ամաչեացեն ի խաբեբայ իմաստից իւրեանց և մեր զաւրասցուք ի վերայ նոցա ուժով հաստատութեան հրամանաւ ձերով: Ո՞ր գիտէ թէ մինչ ի ձէնչ նեղին և ի մէնչ, ապաշաւեալ յապաշխարութիւն եկես-

\*) Այսպէս յօրինակին:

ցեն և խնդրեսցեն զհաստատութիւն, և մեր թէ կամեսցի Աստուած ընդ մաւտ առ ձեզ հասանեմք յերկրպագել ձեզ տերանց և հարանց, և ի ձէնջ աւրհնիւ Գրեցաք զպոք սիրոյ ձերում: ողջոյն տան ձեզ սուրբ եկեղեցիքս. և վանաց երիցունք, և ամենայն հաւատագեալք աշխարհիս, աղաւթել՝ ի վերայ մեր ընտրեալը Աստուծոյ:

Զըռտմաս նոստոս յամէնայնի և զծնաւան ի՛ յիշէյէ՛ք ի Քրիստոս Աստուած:



**ԱՐԴԻՍՈՑԻ ԵՊԻՍԿՈՊՈՍԻ ԱՍՈՐԵԱՑ ՈՒՂՂԱ-  
ՓԱԹԱՑ, ԱՌ ՏԷՐ ՆԵՐՄԷՍ ԿԱԹՈՒՂՈՒԿՈՍ ՀԱՅՈՑ,  
ԵՒ ԱՌ ԱԹՈՒԱԿԻՑՍ ՆՈՐԻՆ. ՅԱՂԱԳՍ ԱՆԻ-  
ԺԵԱԼ ՆԵՍՏՈՐԱԿԱՆԱՑ ՀԵՐՉՈՒԱԾՈՂԱՑ**



**Ո**ւղղափառաց, և ճշմարիտ հաւատացելոց, ընկերաց ա-  
ռաքելոց, որդոց արդարոց, և բարի նահատակաց, և հովուաց  
ընդրելոց. Տեառն Ներսէսի Կաթուղիկոսի Հայոց Մեծաց և Մեր-  
շապհոյ Ցարաւնոյ և Մամիկոնենից եպիսկոպոսի, և այլ եպիս-  
կոպոսաց աշխարհիդ, վանից երիցանց, բահանայից և ամենայն  
ուխտից սրբոյ եկեղեցւոյ հանդերձ իշխանաւք և ամենայն ժո-  
ղովորականաւք. Արդիսոյ ողորմութեամբն Աստուծոյ եպիսկո-  
պոս Ասորեաց ուղղափառաց, որդի և սնունդ սրբութեան ձե-  
րոյ. Յիսուսիւ Աստուծով, լուսով կենդանութեամբ և անապա-  
կան փրկութեամբ, ողջոյն:

Պարտ է մեւ յիշել պիտի գործոյ Պաւղոսի առաքելոյ զբանն  
որ ասէ. թէ Ով է մեր յոյս կամ խնդութիւն, կամ պսակ պար-  
ծանաց եթէ ոչ դուք առաջի Աստուծոյ. Եւ զի՛նչ փառաբա-  
նութիւն կարեմք մատուցանել աստուծոյ վասն փութոյ որ ի  
ձեզ յաղագս ճշմարտութեանն. դուք ձեզն զիտէք, զի զրեցեալք  
որ ի մէնջ առ ձեզ, և որ ի ձէնջ առ մեզ, ոչ միայն վասն հաս-  
տատութեան ճշմարիտ հաւատոյ, այլ և վասն նշովելոյ զմոլո-  
րեցուցիչ հերձուածողսն զամենեսեան, մանաւանդ զպեղծն Նես-  
տոր, և զժողովն Քաղկեդոնի, և զՍևերիոս զուսուցիչն ապակա-  
նութեան, որք յիրաւի իսկ նշովին, զի նորա են պղտորիչք ե-  
կեղեցւոյ աստուծոյ. յայժմու ժամանակիս յամենայն տեղիս. Եւ  
վայել էր իսկ ձեզ, իմ աստուածասէրք, զի ատեցէք և հալածե-  
ցէք, և նշովեցէք զմբռնեալսն ի չար մտածութեանն Նեստո-  
րի նշովելոյ, զի մի ապականեսցեն պեղծ ուսմամբ իւրեանց զհա-  
ւատդ շնորհեալ ձեզ ի Քրիստոսէ Աստուծոյ, որք անուանեցան

Քակ ի սրբոց առաքելոց եղբարք սուտք, և մշակք անաւրէնութեան, թշնամիք խաչին, և վախճանն նոցա կորուստ. ասաց զնոսա և սուրբ մարգարէն՝ արծաթ պեղծ զի անարգեաց զնոսատէր: Եւ երանելի ևս էք, ով ճշմարիտք, եթէ զգուշանայցէք հաւտի Աստուծոյ զորս փրկեաց պատուական արեամբն իւրով. զի յաւուր գայտեան նորին ընդունիցիք ի նմանէ զարդարութեան պսակն. զի դուր էք լոյս աշխարհի և աղ երկրի, և որպէս ոչ կարեն հոգմք և մրրիկք թաւարեցուցանել զարեգակն, և ոչ մոլորութիւն հերձուածողաց կարող է խափանել զճշմարտութիւն: Տեսէք, Հարք հոգևորք, մի գուցէ հաւատս մեր որ է մարգարիտ, որում ոչ գոն գինք, ապականիցի ի մոլորեցուցաց, և խոռվեցուցանիցէք զսուրբ Հոգին, որով մկրտեցաքն յաւուրն փրկութեան, զի գրեալ է, թէ Յաւուրս յետինս, բակեսցին ամանք ի հաւատոց, և հայեսցին յայս մոլորութեան, և ի վարդապետութիւնս դիւաց: Բայց մեր ուղղափառքս՝ հսկեսցուք հաւատով խորհրդով, րանիւ և գործով, սիրեսցուք զհաւատ, զգեղն կենդանութեան, ըստ գրեցելումն, թէ Արդարն ի հաւատոց կեցցէ, և եթէ որ երկմտեսցէ, ոչ հաճեսցի ընդ նա անձն իմ: Բայց մեր ոչ առաք զհոգին երկմտութեան, այլ առաք զհոգին հաւատոյ, սիրոյ, և ճշմարտութեան, և ուսաք թէ որ հաւատայ յՈրդին Աստուծոյ, ունի կենդանութիւն յաւիտենական. և որ ոչ հաւատայ յՈրդին Աստուծոյ, ոչ գոյ նորա կենդանութիւն յաւիտենից: Չի Յէրն ասէ, Ես և Հայրն իմ մի եմք, և Որ ետես զիս, ետես զՀայր իմ: և դարձեալ թէ Ելի ի Հաւրէ և եկի յաշխարհ, և եյանեմ յաշխարհէ, և երթամ առ Հայր. և առաքեմ առ ձեզ զհոգին ճշմարտութեան, նա ուսուցէ ձեզ զամենայն:

Արդ որպէս աւանդեցաւ ի սրբոյ Հոգւոյն ճշմարիտ հաւատ սրբոց հարանցն և աւանդեցին մեզ, նոյնպէս և խոստովանիմք. Հաւատամք ի Հայր և յՈրդի և ի սուրբ Հոգին, ի Հայր, որոյ հայրութիւնն անհասանելի է. և յՈրդի, որոյ ծնելութիւնն՝ անբննելի է, և ի սուրբ Հոգին, որ ի Հաւրէ ելանէ, և ընդ Հաւր և ընդ Որդւոյ երկրպագի և փառաւորի. և ի մի Երրորդութիւն երկրպագեայ, և զուգեալ յեութեան: Ես հաւատամ թէ ի մի դէմ իցէ Երրորդութեանն, այսինքն Որդի ճշմարիտ ի հաւրէ ճշմարտէ, բարձրեալ որպէս զՀայր, փառաւորեալ որպէս զծնաւդ, զաւրութիւն և իմաստութիւն Հաւր, բազուկ և



կարողութիւն, ճառագայթ և ծնունդ եութեան, և զուգեալ զաւրութեամբ, և կարողութեամբ և գործակցութեամբ, ընդ Հաւր և ընդ սրբոյ Հոգւոյն: Արդի մշտնջենաւորութեամբ ի բնութեանէ Հաւր, ի յեալ յերկնէ աւետարտութեամբ Գարրիէլի Տրեշտակապետի բնակեցաւ յարգանդին Մարիամայ սրբոյ կուսին աստուածածնի, վասն փրկութեան ամենայն մարդկան. և ոչ Տեոսցեալի Հաւրէ, և որպէս Աստուած որումամենայն ինչ զիւրին է, արար իւր ճանապարհ զալստեան և յայտնութեան ստուգապէս, որով մատոյց զինքն առ մեզ սիրովն անպատմելի, և առ ի կուսէն մարմին անապական և շունչ անփոփոխելի, զի անամուսնութեամբ մարմնացաւ, և զմարմին մեր արար մարմին իւր, և զշունչ մեր՝ շունչ դիմի իւրոյ: Բնակեցաւ յարգանդին իննամենայ, որ նկարէ զսաղմն յարգանդի, ծնաւ որպէս զմարդ, և ոչ ելոյժ զկուսութիւն ծնաւդին: Այն՝ որոյ ոչ գոյ սկիզբն ծնելութեանն ի Հաւրէ, պատեցաւ ի խանձարուրս, որ շրջապատեալն է ճառագայթիւք, և սնաւ Հասակաւ, որպէս տղայ, որոց ոչ չափի բարձրութիւն մեծութեանն. մկրտեցաւ ի Յորդանան գետ ի Յովաննէ, որ և զանդունդս չափեաց ափով իւրով, զկայեաց Հայր ի յերկնից թէ Դա է Արդի իմ սիրելի, ի դա Հաճեցայ. և յայտնեցաւ մեզ Երրորդութիւն ի մկրտութեանն Միածնին. Հայր ձայնիւ, Արդի յայտնութեամբ, և սուրբ Հոգի ի ջանելով. և մկրտութեամբ իւրով սրբով եղ Տոտ \*) և Հոգի ի ջուր, զի մեր սրբեցուր մկրտութեամբն և եղիցուր Հոգեւորութեւ ել յանապատ փորձիլ ի բանսարկուէն որ զարճուրեցուցանէն զարարածս, ցուցակութեամբ ճշմարտութեանն, և պահեաց, և բաղցեաւ յագեցուցիչն ամենայն մարմնոյ. ծարաւեցաւ, և ծարաւմարն իւրով անցոյց զծարաւ մեր. ննջեաց որ անբունն էր, վաստակեցաւ և նստաւ ի վերայ ջրհորին որ Տղաւրն է, և կամաւր պատրաստեաց զանձն յերուսաղէմառ սպանողսն զմարգարէսըն: Եւ եմուտ ի դատաստան, դատաւորն կենդանեաց և մեռեցոց, և Հայճոյեցաւ յամպարշտաց արարիչն ամենայնի, Հարցաւ ի Պեղատոսէ՝ որ սերովբէք և բերովբէք երկեղիւ աւրճենն զեութիւնն նորա, կուփեցաւ եղեգամբ ի պղծոց՝ լոյսն արդարութեան, տանջեցաւ Հեծանաւր՝ Տղաւրն ձախող, ընկալաւ թուր ի պղծոց՝ որ փչեացն շունչ յերեսս Ադամայ, երարձ զեալ իւր և ել ի

\*) Այսպէս յօրինակին:

Գողգոթայ, որ ունի վաշխարհ ակնարկութեամբ հրամանի իւրոյ. պրկեցաւ ի վերայ փայտին՝ որ ձղեաց զերկին, հայեցաւ յերկիր՝ և դողաց, ակնարկեաց երկնի և խաւարեցաւ, արեգակըն փաթոյց զճառագայթ իւր, զի մի տեսցէ զՏէրն իւր կախեալ զփայտէ. աղաղակեաց թագաւորն կենդանեաց ի վերայ փայտին՝ և դողացին հիմունք երկրի, աղաղակեցին և վէմք թէ ո՛վ է. բարոյեցին և բնութիւնք թէ ո՛յր որդի է. համարձ զձայն իւր ի վերայ Գողգոթայի, և խրամատեաց զգժոխս մուռելոց, սասանեցան տարերք ի լուծանել՝ եթէ չէր կալեալ զաւրուծեան խաչեցելոյն, և ճշմարիտ չարչարանաւքն՝ խափանեաց զչարչարանս մեր. և մահուամբն կենդանացուցչաւ՝ սպան զմահ մեր, էջ ի գողգոթայէ վաւրութեամբ ի դժոխս, և զարհուրեալ դողացին ի նմանէ. անկաւ մահ յաթոռոյ իւրմէ, և կործանեցաւ ապականութիւն ի պատուոյ իւրմէ, և կամեցաւ անմահն լուծանել զիշխանութիւն մահու չարչարանաւքն իւրով: յԵրրորդ աւուր յարեաւ ըստ գրոց. և բացան դրունք գերեզմանին ընդդէմ դրանց երկնից, և իջին զաւրք հրեշտակաց պատուել զՏեառնորդին իւրեանց զկենդանի, որ էջ և եհան զվաւրութիւն մարդկան յաշխարհէն մահու, զի ոչ ի չարչարանացն արատաւորեցաւ. և ոչ ի մահուանէն ըմբռնեցաւ, զի զոր կամեցաւն արար, և զոր էրն ոչ կորոյս, և մինչ վայելանայր իշխանութեամբ իւրով, արար փրկութիւն ամենեցուն. և մինչ եղև մարդ, և չարչարեցաւ և մեռաւ վասն մեր. ի բնութենէ մեծութեան իւրոյ ոչ փոփոխեցաւ, եւ յերկինս նստաւ ընդ աջմէ հաւր, և թագաւորութեան նորա ոչ զոյ վախճան:

Յաղագս այսր հաւատացեալ եկեղեցի, աղաղակէ ասելով, Ինձ մի լիցի պարծել, բայց միայն ի խաչն տեառն մերոյ Յիսուսի Քրիստոսի Աստուծոյ ամենայնի. որով փառք և պատիւ, և երկրպագութիւն յաւիտեանս յաւիտենից. ամէն:

Զանարթան Ժառանց Աստուծոյ, զԹուհաս յիշէցէ՛ք ի Քրիստոս:



## ՆՈՐԻՆ ԱՐԳԻՍՈՑ ԵՊԻՍԿՈՊՈՍԻ. ՅԱՂԱԳՍ Ա- ՆԻԺԵԸՆ ԴԵՍՏՐՈՐԱԿԱՆԵՑ ԵՒ ԱՄԵՆԵՑՆ ՀԵՐ- ՉՈՒԱԺՈՂԱՑ

**Ք**անպի պսպէս հաւատամ առ շնորհութեամբ Միած-  
նին որ վան մեր մարդացաւ, խոստովանիմ որպէս ուսուցին  
զիրք սուրբք, և վարդապետեցին ճշմարիտքն հարբ. ՅԺԸ. քն  
որ ի նիկիայ. և ՃԾ. քն որ ի Կոստանդինուպաւլիս, և Մ. քն  
որ յԵփեսոս, որ հաճեցան և հաստատեցին զհաւատ և զսահմանս  
անշարժելի զբ եզին. ՅԺԸ. հարբն, որ ժողովեցան ի սրբոյ  
Հոգւոյն և յիւրեանց ժամանակի հալածեցին զմոլորեցուցիչս  
որպէս զայլս ապականիչս ի հաւտէ Քրիստոսի, և զի նահատա-  
կեցան հաւատով, և նղովեցին զամենայն հերձուածողս: Ահա զը-  
րեալ են անուանք նոցա ի զիրս կենդանութեան, և մեք որդիք  
և ժառանգք հաւատոյ նոցա, քանպի նախանձաւորք նոցա եմք.  
և զաւրանամք հաւատովք, նղովեմք զհերձուածողս զառաջինս և  
զմիջինս և զվերջինս որպէս զն սա:

Նղովեմք զԱրիոս որ հայհոյեաց և ասաց, թէ Որդի ոչ է  
ի բնութենէ Հաւր:

Նղովեմք զՊակեդոնիս, որ ասաց թէ Հոգին սուրբ նուազ  
է քան զՀայր և զՈրդի:

Նղովեմք զՊաւղոս Սամուսացի, զի ասաց թէ Յիսուս  
մարդ էր և իմաստութեամբ զաւրանայր և ուսանէր, և իմաս-  
տութիւնն մեծ էր քան զՅիսուս:

Նղովեմք զՄանի, և զՄարկիոն, և զՔարգեծան և զԵւտի-  
րոս. որ ասացին թէ որպէս նմանութեամբ և ստուերիւ և կար-  
ծեաւք երևեցաւ յաշխարհի Որդին Աստուծոյ, և ոչ ստուգա-  
պէս առ մարմին և հոգի և շունչ ի սուրբ կուսէն աստուա-  
ծածնէ:

Նպովեմբ և Վնպաւղինար որ ասաց թէ մարմին եառ ի կուսէն, և հոգի և շունչ և միտս ոչ առ:

Առաւել նպովեմբ զպեղծն Նեստոր որ հայհոյեաց և ասաց եթէ Մարիամ ոչ ծնաւ զԱստուած, բայց զմարդ արարած, որպէս զմի որ ի մարգարէիցն. և այսու մեծ էր բան զմարգարէսն, զի տաճար եղև բանին աստուծոյ:

Նպովեմբ և զԹէոզորոս, և զԻիոզորոս, և զԹէոզորիտոս, և զԻբա, և զԱկակ, և զԲարծոււայ հնծիհնայ և զպեղծ կանոնս նոցա, և որբ միանգամ հնայանդեցան, և կամ հնայանդին չար ժողովոյն Նեստորի, որ ամպարչտութեամբ իւրով ասաց, եթէ ի ձեռն շնորհի արժանաւորեցաւ Քրիստոս լինել տաճար բանին Աստուծոյ. և նոյն այս մարդ Քրիստոս ի զաւակէ Դաւթի, չարչարեցաւ և մեռաւ վասն մեր և մահուամբ իւրով արար փրկութիւն ամենեցուն, և յաղագս այսր պատուեցաւ լինել Արդի Աստուծոյ, և հայհոյեն և ասեն, եթէ այլ որդի է որ ի Հաւրէ, և այլ այն որի Մարիամայ: և մինչ խելագարեցան՝ արհամարհեցին զՀայր երկու որդւովք, միովն բնութեամբ. և միւսովն եկամտիւ, և այսու մուծին չորրորդութիւն ի խոստովանութիւն իւրեանց, և մոռացան զտուրբ երրորդութիւնն որ յերկնայնոց և յերկրայնոց Երրորդութիւն փառաբանի:

Եւ ըստ նոցա բանիցն անաւրէնութիւն հաստատի. եթէ նոր աստուած երկրպագիցի որոյ սկիզբն ի Մարիամայ և այսոր, եթէ այդպէս իցէ, ամենայն ազգք և տոհմք կորեան. եթէ մօրոջոյ խաչի երկրպագանեն և զմարմին և զարիւն մարոջոյ ճաշակեն:

Նպովեմբ զԺողովն Քաղկեդոնի և զտուճարն Լեոնի զի ասացին երկուս բնութիւնս և երկուս դէմն բրիստոսի յետ միաւորութեանն:

Նպովեմբ և զսեբրոս և զգիրս նոցա ապականիչս որ արար բաժանումն աստուածութեանն ի մարմնաւորութենէն, և ասաց եթէ ապականացու էր մարմինն աստուծոյ որպէս ամենայն մարդկան, ի կուսէն մինչև ցյարութիւնն, և անփառաւոր և անկատար. բայց ի յարութեանն փառաւորեցաւ և կատարեցաւ, և ոչ լուաւ զբանն Պետրոսի որ ասէ, եթէ Մարմին նորա ոչ ետես զապականութիւն:

# ՆՈՐԻՆ ԸՐԴԻՍՈՑԻ, ԵՊԻՍԿՈՊՈՍԻ ՅԵՂԱԴԵ ՆՋՈՎԵԼՈՑ ԶՄԵՆԱՅՆ ՀԵՐՉՈՒՆԾՈՂՍ, ՈՐՔ ԷԻՆ ՀՆԿՆՈՒՄ ՈՒՂՂԱՓԵՆՈՒՑ

**Ո**ր ոչ հաւատոյ եթէ ընութեամբ եութեանն ճանաչի միութիւն Երրորդութիւն՝ միութիւն եութենէ, և երրորդութիւն դիմաց. և անս կիցն է միութիւն եութեանն և երրորդութեանն դիմաց, եղիցի նշովեալ:

Որ ոչ խոստովանեսցի զՅիսուս Աստուած որ համբերեաց խաչի, զխաչն կամաւորութեամբ վասն մեր, մի ի դիմաց Երրորդութեանն և ի ընութենէ Աստուծոյ Հաւր. այլ փոխանակ այդորիկ ասէ, եթէ մարդ է ընութեամբ, և այր է արարած. և Աստուած է շնորհաւր, և որդի է ընդրութեամբ և ապակաշացու մարմնով, և չարչարելի և մահկանացու ընութեամբ մարդկայնուով, եղիցի նշովեալ:

Որ ասէ եթէ յերկնից, և կամ յայլմէ ընութենէ եառ աստուած մարմին և արիւն, և ոչ առաւել խոստովանի եթէ ի Մարիամայ ի սրբոյ կուսէն որ ի մեր ընութենէս եառ Տէրն մարմին և շունչ, և չարչարեցաւ և մեռաւ վասն մեր որպէս և կամեցաւ, եղիցի նշովեալ:

Որ համարձակին ասել զմարմինն աստուծոյ ապականացու ի միաւորութեանն, և ասէ բաժանումն աստուծոյ և մարմնոյն և ոչ առաւել խոստովանի մի Աստուած անապական, և մի ընութիւն անմահ և մի դէմ երկրպագեալ, զի է Աստուած և մարմին մի ընութիւն և մի դէմ աներկբայանալի, եղիցի նշովեալ:

Որ ասէ զկնի միաւորութեանն անբաժանելոյ, երկուս ընութիւնս ի Քրիստոս, և կամ երկուս դէմս, և երկուս կերպարանս, և այդու մուծանէ չորրորդութիւն յերրորդութիւնն, եղիցի նշովեալ:

Որ ասէ զմահն Տեառն կենդանացուցիչ և զչարչարանն փրկարար՝ ապականացու՝ և ոչ առաւել խոստովանի, եթէ չար-

չարանաւքն անչարչարելի, և մահուամբն անմահ՝ որպէս Աստուած, որում ամենայն ինչ դիւրին է, եղիցի նշովեան:

Որ ասէ զմարմինն ճշմարտի Աստուծոյ և Տեառն Յիսուսի Քրիստոսի, եթէ ի միաւորութենէն մինչև ցյարութիւնն ապականացու էր և անփառաւոր և անկատար, բայց ի յարութեանն փառաւորեցաւ և կատարեցաւ, և ոչ առաւել խոստովանի, եթէ որպէս զկնի յարութեանն, նոյնպէս և յառաջ քան զյարութիւնն կենդանի և կենդանացուցիչ, փառաւոր և կատարեալ և անապական, եղիցի նշովեալ:

Զայս ամենայն զոր զրեցար և նշովեցար զպեղծ Հերձուածոզս, զի ուսաք ի մարգարէից, սուսել ի Մաւթայ երանելոյ. և թէ Զատելիս. քո Տէր ատեցի, և ի վերայ թշնամեաց բոց մաշեցայ, ատելութիւն կատարեալ ատեցի զնոսա, և եղևն ինձ ի թշնամիս. և իմաստնացար յառաքելոյն որ ասէ եթէ Փափիր ի պեղծ և ի նորածայն բանից և ի հակառակութենէ և ի մոլորեցուցիչ գիտութենէ, և ճշմարիտ վարդապետքն, որ պատուիրեցին մեզ, Գրիգորիոս և Բարսեղիոս, և Ամանասիոս և Վիւրիղոզոս և ամենայն ուղղափառ վարդապետք, որ նահատակեցան վարդապետութեամբ սրբոյ եկեղեցւոյ, և ուսուցին յայտնապէս ամենեցուն. եթէ որ ոչ հաւատայ թէ աստուած ծնաւ ի Մարիամայ ի սրբոյ կուսէ, չարչարեցաւ խաչեցաւ և մեռաւ վասն մեր, յարեաւ յերրորդ աւուր, համբարձաւ յերկինս, և նստաւ ընդ աջմէ Հաւր, և գալոց է դատել զկենդանիս և զմեռեալս անվախձան թագաւորութեամբ. եղիցի նշովեալ:

Եւ յաղագս այդր փառարանեմք. Սուրբ Աստուած, Սուրբ և Հղաւոր, Սուրբ և Անմահ, որ խաչեցար վասն մեր ողորմեա մեզ. և առաւել քան զայս հաւատ ոչ ընդունիմք, քանզի ասէ առաքեալ, եթէ մեր կամ հրեշտակ յերկնից աւետարանեացէ ձեզ աւելի բան զոր աւետարանեցարն ձեզ, նշովեալ եղիցի:

Զլուստս և զծառայնն ի՛նչ յիշեցէ՛ք ի Քրիստոս:



## ՏԵՆՈՒՆ ՆԵՐՍԷՍԻ ՀՆՅՈՑ ԿԱԹՈՒՂԻԿՈՍԻ. ԹՈՒՂԹ ՄԵՂԱԴՐՈՒԹԵԱՆ ՆՈ ԵՊԻՍԿՈ- ՊՈՍՈՒՆՍՆ

**Ս**րբասիրաց և բրիստոսասիրաց աթոռակցաց մերոց. Գրիգորի Արծրունեաց եպիսկոպոսի, Սահակայ Ռշտունեաց եպիսկոպոսի, Սողովմնի Մոկաց եպիսկոպոսի, Ստեփաննոսի Անձնեաց եպիսկոպոսի, Հոռոմանոսի Ակիոյ եպիսկոպոսի, Քրիստափորի Պալունեաց եպիսկոպոսի, Միրայէլի Զարեհաւանից եպիսկոպոսի, Աստուածատրոյ Բժննունեաց եպիսկոպոսի, Թաղէտոսի Մեհնունեաց եպիսկոպոսի. ի Ներսիսէ Հայոց կաթողիկոսէ, ի Մերշապչոյ Տարաւնոյ և Մամիկոնեաց եպիսկոպոսէ. ի Գրիգորէ Մարդպետական եպիսկոպոսէ, ի Պարգեայ Հարրայ եպիսկոպոսէ. ի Տիրկանէ Բագրևանդայ եպիսկոպոսէ. ի Գրիգորոյ Բասենոյ եպիսկոպոսէ. ի Պետրոսէ Սիւնեաց եպիսկոպոսէ. ի Մաշգոցէ Խոռխոռունեաց եպիսկոպոսէ. ի Խոսրովայ Ամատունեաց եպիսկոպոսէ, հոգևոր սիրով ողջոյն:

Վասն անիծեալ խուժկայ նեստորականաց՝ որ եկեալ բնակեցան յաշխարհիս մերում պատճառաւ վաճառաշահութեան, և այժմ չարահար պղծալից անիծաբեր արուեստիւ իւրեանց ցողիս մեր ապրեցին, մինչև իւրեանց պղծութեան հաւատոյ առաջնորդ չեպիսկոպոս ածեալ, և մեզ լուսաւոր և ուղղափառ հաստատուն հաւատոյս խնդրակն կացուցանել, յառաջագոյն վասն նորին իրաց, մեր և աշխարհիս մերոյ տանուտեարբ, և ազատք միարանութեամբ ի ձեռն գրոյ հրաման արարաք վասն ձեր, փութապէս ի Գուին ի սուրբ եկեղեցիս ժողովելոյ. և աստ միարանութեամբ ըստ հաճոյիցն Աստուծոյ առնել խորհուրդ. և հնար լինել բառնալ զայսպիսի անհնարին աղէտս, և զհանապարդ հեծութիւն հոգւոց մերոց, Եւ ձեր ոչ ունելով զնախանձ վասն Աստուծոյ, հեղգացեալ սպուժեցէք, և ի ձեր առ-

նեւոյ՝ բազում գործ սրբոյ եկեղեցւոյ մնաց. բանզի գործ Աստուծոյ է, և Հանդէս հողեորական, ձեր զմարմնոց հեշտութիւն կարևոր համարելով. որոց յոյժ մեղադիր եմք:

Արդ վասն նորին վայս դիր միարանութեամբ առ ձեզ հրամայեցաք առնել, և զձեզ տեարս, ստիպեմք փութով հասանել, ոչ վասն մարմնաւոր պիտոյից. այլ նախանձախնդիր լինելոյ գործոյ Աստուծոյ և հողեոյ փրկութեան ի սահմանեալ ժամադրութիւնս, ամենայն հաստատութեամբ առանց յապաղանաց ի սրբոյ Գրիգորի ժողովն. միարանութեամբ ի սուրբ եկեղեցիս ժողովել: Ապա թէ որ առանց պատճառի հիւանդութեան, այլ սքաւսանաւք կենցաղոյս հեղգացեալ գտցի. և ի սահմանեալ ժամդ ոչ եկեսցէ, այնպիսին ի միարանութենէ եպիսկոպոսութեան որոշեալ լիցի: Իսկ որ կամաւոր յաւժարութեամբ ի ժողով միարանութեան ուղղսփառ հաւատոյս ի սուրբ եկեղեցիս փութացի, նա հատուցումն բարի ի սուրբ Երրորդութենէն ընկալցի, և ի մէջ և յաթոռակոյս մերոց աւրհնեսցի: Եւ դուք տեարք, որպէս թուի կամաւորութեամբ, ի ձեռն գրոյ պատասխանի արարէք: Ողջ լերուք յուսովն Քրիստոսի Աստուծոյ մերոյ:





**ՈՒՒՏ ՄԻԱԲԱՆՈՒԹԵԱՆ ՀԱՅՈՑ ԱԶԻԵՐԿԻՍ Ի  
ՉԵՌՆ ՆԵՐՍԷՍԻ ՀԱՅՈՑ ԿԵԹՈՒՂԻԿՈՍԻ, ԵՒ  
ՄԵՐՉԸՊՀՈՑ ՄԱՍԻԿՈՆԻՑ ԵՊԻՍԿՈՊՈՍԻ: ԵՒ  
ՊԵՏՐՈՍԻ ՍԻՆԵՍՏ ԵՊԻՍԿՈՊՈՍԻ: ԵՒ ԱՅՂՈՑ  
ԵԹՈՒԹԿՑԱՑ, ԵՒ ՏԸՆՈՒՏԵՐԱՆՑ: ԵՒ ԱԶՏԱՑ:  
ԵՒ ՀԱՄԱԻՐԷՆ ԺՈՂՈՎՐԴԵԱԿԱՆԱՑ:**

**Վ**ասն զի եհաս մեզ վտանգ հոգևոր դիպուածի, որ  
եղև հանապազորդեան հիւանդութիւն. եկար ի խորհուրդ միա-  
բանական, զի բարձրուք զհասոաչազին հեծութիւն ցաւոյս այ-  
սորիկ հոգւոց մերոց և զխիղճ ի խորհրդոց փախել ի մեղաց  
աւտարոտեաց, որում լինել երբէք չէր ակնկալութիւն: Եւ վա-  
սըն զի եղև, վասն այնորիկ հարկեցար առնել զմիարանութիւնս  
զայս համաշխարհական, մեր ամենայն Հայր, ի բսան և չորրորդ  
ամի Խոսրովու արքայից արքայի, ի սուրբ ի բառասներորդսն, ի  
կիրակէի իւղոգոմնին, վասն չար աղանդին խուժկաց նեստո-  
րականաց, զորս նշովեաց սուրբ Հոգին ի ձեռն սրբոց ուղղա-  
փառ և պիսկոպոսաց ՅԺԸ. իցն ժողովելոց ի Նիկիայ: և ՃԾ. իցն  
ի Կոստանդիանուպաւղիս: և Մ. ոցն յԵփեսոս, որոց անիծեալ  
զնեստոր խղեցին ի բաց ընկեցին, արարեալ զնա հալածական  
յաւտար աշխարհ ի կողմանս Մծրնացւոց, զորս երթեալ թմո-  
րեաց, չարագիւտ արուեստիւ իւրով զողիս նոցա, արարեալ զնո-  
սա փշարերս և խաւարարնակս, յոր ըմբռնեցան և կողմանքն  
Խուժաստանի, յորոց ոմանք հասեալ յառաջագոյն յաշխարհ մեր,  
վաճառաշահութեամբ կեցին ընդ հարսն մեր և ընդ մեզ, միա-  
բանութեամբ ի մեր եկեղեցւոյ խոստովանելով զինքեանս միա-  
հաւատ ընդ մեզ: Եւ ի տասն և յեթներորդ ամի Խոսրովու  
արքայից արքայի, ի մարզպանութեանն Նիհորականայ, արա-  
րին իմն շինած յանուն Մանածրհի Ռատկի որ հաւատացեալ ի

Քրիստոս և մկրտեալ անուանեցաւ Գրիգոր, և սպանաւ վասն նորին հաւատոյ, և ապա անուանեցին զնա տեղի ժողովոյ պրղծութեան իւրեանց: Ածին և վարդապետս առաջնորդ կորստեան ինքեանց, որք եկեալ ձեռնարկեցին՝ զապականութիւն իւրեանց բերելով ի սուրբ և ի ճշմարիտ հաւատ մեր, և պատրեցին ի ժողովրդականաց տգիտաց զարս և զկանայս, հաղորդել հաւատոյ յաղտեղութեան աղաւթից նոցա, տանել հաց ընծայի ի տեղի անաւրէնութեան նոցա. ընդունել ի ձեռաց նոցա հաղորդութիւն՝ իբրև յուխտէ նուիրաց պաւղիկենաց, յանդգնեցան տալ զիւրեանց ջնջագիր կնիք անկնիք մանկանց ժողովրդեան մերոյ՝ առ ի մեռանել նոցա առանց մկրտութեան զմահն յաւիտենական, և զգոզս և զպոռնիկս և զլայլ վնասակարս զոր մեր արտաբոյ եկեղեցւոյ և աւրհնութեան ատնեար և համարեաք արժանի սրբոյ հաղորդութեանն, երթային առ նոսա և նորա ընդունէին յիւրեանց ի պիղծ և յանաւրէն աւրհնութիւնն և հաղորդութիւն ժողովարանին՝ հակառակ մեզ: Չայս աղէտ հոգեւոր տեսանելով ի նոցանէն, հասաք՝ թէպէտ և անագան, ի վերայ պատճառող ստութեան նոցա, զի կեղծաւորութեամբ ունելով զանուն քրիստոնէութեան և ուրանան զճշմարտութիւնն: Իսկ մեր ոչ կարացեալ համբերել այսպիսի չար գործոց նոցա, համաւրէն ամենեքեան արարաք զգիրս զայս ուխտի և հաստատութեան ամենեցուն կամաց յաւժարութեամբ, առաջի աեառն մերոյ Յիսուսի Քրիստոսի Աստուծոյ մերոյ: Քանզեալ աւերեցաք զտեղի ապաւինի անաւրէնութեան նոցա՝ և բարձաք ի մէջ զիշերայինն զայն խաւար:

Եռ Ներսէս Հայոց կաթողիկոս: Եւ Մերշապուհ Տարաւնու և Մամիկոնեից եպիսկոպոս: Գրիգոր սեպհական զնդին եպիսկոպոս: Պարզև Հարբայ եպիսկոպոս: Տիրակ Բագրևանդեայ եպիսկոպոս: Գրիգոր Բասենոյ եպիսկոպոս, Ներսէս Մարդաղոյ եպիսկոպոս: Վաղոտ Արշամունեաց եպիսկոպոս: Պետրոս Սիւնեաց եպիսկոպոս: Գրիգոր Արծրունեաց եպիսկոպոս: Մարկոս Բագրևանդեայ եպիսկոպոս: Մաշդոյ Խոռխոռունեաց եպիսկոպոս: Յոհան Ապահունեաց եպիսկոպոս: Արգիսոյ Ատորեաց ուղղափառաց եպիսկոպոս: Յովնան Վանանդայ եպիսկոպոս: Հաւուկ Արշարունեաց եպիսկոպոս: Քրիստոփոր Պալունեաց եպիսկոպոս: Յոյս Գողթան եպիսկոպոս: Թաղէոս Մեհնունեաց եպիսկոպոս՝ և ամենայն եպիսկոպոսունք Հայոց աշխարհիս: Եւ

իշխանք. Համադասոյ ի Գուգլառամեան ի տանէ Մամիկոնից: Գարջոյր Հայոց մաղիազ: Սամէղ յԱրդտաւազդան սպարապետ: Գրիգոր ի Հմայական: Սահակ ի Վարդանան: Աստուածատուր Վանանդայ տէր: Գատոյ ի Գարջուղեան: Գրիգոր և Վարդան ի Վասսիպ: Ջաւրակ ի Գղաւոնան: Վարազ՝ Յոհան ի Յոհանան: Վարդան ի Մուշեղեան: Համադասոյ. Սահակ ի Հմայակեան: Գնեալ Գնունի: Վարազ Գարեղեան: Գրիգոր Արեղեան: Մերշսպուհ ի Շինական: Համալասոյ Չինականեան: Աստուածատուր Հաւնունի: Արշոտ ի Վարագտիրոցեան: Մուշեղ ի Հմայեկեան: Վրիւ յԱրտաշրան: Աստուածատուր Արշաւրեան: Սամուեղ՝ ի Մամական: Վարդ ի Հմայական: Ներսէս ի Սամսունեան: Վարդան Վահեուունի: Հմայեակ Վարաժնունի: Մանուէղ Սպանդուունի: Վարդ և Արտաւազգ ի Մամական: Համադասոյ ի Սահական: Սահակ ի Մանուեղեան: Վարդան ի Մուշեղեան: Եւ ոչ որ արտաբոյ մնաց յաշխարհականաց ի յայս ի կամաւոր գործոյ, ի բահանայից, ի վանականաց, ի ժողովրդականաց, ի բարևոտճից, և յամենայն շինականաց: Եւ բարձաք ի միջոյ զնոցա կրճիմն չար: ի լոյս խաղաղական ոգոյ և մարմնոյ:

Եւ սահմանեցար ըստ հրամանի սուրբ առաքելոյն, և երանելի ուղղափառ վարդապետաց, ամենեւինք մի՛ վիճել ընդ նոսա հակառակաբանութեամբ, այլ՝ հեռանալ ի նոցանեն՝ արդարև որպէս ի թշնամաց Քիստոսի Աստուծոյ: և մեյ կալ ի նմին ուխտի հաստատուն որպէս արարաք և գործեցար հանդերձ Աստուծով: յաղագս սրբոյ հաւատոյ իոստովանութեան: Եպա թէ իցէ որ որ սայթաքիցէ ի մէնջ կամ ի գաւակէ և կամ ի գաւակաց զաւակէ մերմէ մինչև յաւիտեան, և կամիցի թիւրբէ և դառնալ յուխտէ հասարակաց, և խորհիցի առնել ինչ ընդդիմութիւն կամակոր մտաւք. բանիւ և կամ գործով, հաւանել երբեք՝ միւսանգամ շինութիւն բանգման աւերեցելոյն միարանեալ նեստորիանոսաց: և հեռանալ ի մէնջ այսու մասամբ՝ և ատեալ զանձն յետս կալով ի մեծ խորհրդոյ բրիտանուութեան: Նշովեսցի հոգևով. նշովեսցի մարմնով. և ամենայն կենցաղիւ իւրով ի սուրբ Երրորդութենէն. և որոշեալ լիցի հալածանաւք. և արտաքս ընկեցեալ լիցի յամենայն ուղղափառաց. ի ժամանակի զիպեցելոյ նովին անիծիւք, եթէ ի կաթուղիկոսաց որ իցէ, եթէ յեպիսկոպոսաց, եթէ ի բահանայից՝ եթէ յիշխա-

նաց՝ եթէ յայդ՝ ժողովրդականաց: Եւ արարաք զայս Հաստա-  
տութիւն պատուիրանի. մեզ և որդւոց՝ և որդւոց որդւոց մե-  
րոց, մինչև ի կատարումն ժամանակաց: և կնքեցաք առայն  
սրտիւք մերովք յուսովն Քրիստոսի Աստուծոյ մերոյ և ապա  
մատանեալք մերովք:



## ՈՐՈՂՈՒՄՆ ԴԵՍՏՈՐԱԿԱՆՔՆ Ի ՍՐԲՈՑ ԵԿԵ- ՂԵՑԻՈՑ

**Ո**ւղղափառաց և ճշմարիտ հաւատացելոց աթոռակցաց մերոց, Գրիգորի Մարգարետական եպիսկոպոսի. Գրիգորի Արծրունեաց եպիսկոպոսի, ի Ներսէսէ Հայոց կաթողիկոսէ, ի Մերշապհոյ Ցարաւնելոյ և Մամիկոնենից եպիսկոպոսէ, ի Պետրոսէ Սիւնեաց եպիսկոպոսէ, հոգևոր սիրով ողջոյն:

Գիտութիւն լիցի սրբութեանդ ձերում յաղագս հոգևոր վտանգիս որ և հաս մեզ յանիծեալ նեստորականաց, քսան և հինգերորդ \*) Խոսրովու արքայից արքայի, մեր և այլ եպիսկոպոսունք և իշխանք և ապառք Հայոց, ամենեքին համաւրէն ժողովեալի սուրբ եկեղեցիս, զանիծեալ նեստորիանոսս որոշեալ ի սրբոյ եկեղեցւոյ և յամենայն ուղղափառ կարգաց մերոց խզեալ ի բաց ընկեցար. և միաբանութեամբ ամենեքեան հրաման արարար ճշմարիտ հաւատացելոց ի Քրիստոս՝ ամենեւիմը մի՛ հաղորդել ընդ նոսա. մի՛ յաղաւթս, մի՛ ի կերակուրս, մի՛ յըմբիւս, մի՛ ի բարեկամութիւն, մի՛ ի խնամութիւն, մի՛ ի դասկութիւն, և մի՛ վասն մարմնաւոր իրաց տալ և առնուլ ինչ ի նոցանէ, բայց միայն վաճառել ինչ և կամ գնել՝ որպէս ի Հրեից և կամ յայլ աղգաց, որք ոչ ճանաչեն և ոչ խոստովանին լիապէս զսուրբ Երրորդութիւնն: Իսկ որք հաղորդիցին ընդ նոսա և կամակից լիցին նոցա պղծալից հաւատոյն և անաւրէն գործոցն, այնպիսիքն նշովեսցին հոգևով, նշովեսցին մարմնով, և ամենայն կենցաղով իւրեանց, և որոշեսցին ի սրբոյ եկեղեցւոյ, և ի ճշմարիտ հաւատէ Քրիստոսի, և սատնեսցին սատանայի և հրեշտակաց նորա, և եղիցին թաւարաբնակք, և յաւիտենից հրոյն կերակուր:

Եւ վասն ծանուցանելոյ ձեզ այնոցիկ որոց չիցէ լուեալ զայս պատուէր, վասն նորին զայս թուղթ առ ձեզ տեարս

\*) Այսպէս յօր. Ի՞նչ ի քսանեանցինգերորդ ամի.

Տրամայեցաբ գրել: Դուք, տեարք, վանից երիցանց և բահանայից և համաւրէն ժողովրդականաց՝ ճշմարիտ հաւատացելոց ի Քրիստոս. որք մերձաւորք և որք հեռագոյնք են ի ձէնչ, հրաման տուք և պատուէր արարէք, սի ամենեին մի՛ հաղորդեսցին ընդ նոսա, պլ հեռացին ի նոցանէ ամենայն կարգաւք, որպէս ի վերոյդ գրեալ է: Իսկ որք վասն պատրանաց կենցաղոյս սիրեսցեն զնոսա առաւել բան զՏէրն և զՓրկիչն մեր Քրիստոս Աստուած և զսուրբ և զճշմարիտ հաւատ մեր, իջցեն նզովքդ այդ ամենայն զոր ի վերոյդ գրեալ է ի վերայ գլխոյ նոցա, և աստէն ի կենցաղումս երեւմամբ շրջեսցին ըստ նմանութեանն Կայենի: Իսկ որ կամաւոր յաւժարութեամբ զամենայն պատուիրանս ընկալի և պահեսցէ, այնպիսին աւրհնեսցի հողով, աւրհնեսցի մարմնով. և ի կենցաղումս զուարճացեալ բերկրեսցի. և յաւիտենից բարինս վայելեսցէ:

**ՁԹՈՒՄՈՒ ԵՎ ՂԵՆԱՂՆՆ ԻՆ յԵՂԵՎԻՒ Ի ՔՐԻՍՏՈՍ:**



# ԹՈՒՂԹ ԶՈՐ ՏԷՐ ՅՈՎԱՆՆԷՍ ՀԱՅՈՑ ԿԱ- ԹՈՒՂԻԿՈՍ ԵՒ ԱՅԼ ԵՊԻՍԿՈՊՈՍՔ, ԱՌ ՍԻՒ- ՆԵԱՑ ԵՊԻՍԿՈՊՈՍՆ ԵՒ ԱՌ ՏԷՐՆ ԱՐԱՐԻՆ:

**Ք**րիստոսիւ պայծառացելոյ սիրելի եղբաւր և աթոռա-  
կցի մերոյ տեսոն Վրթանէսի Սիւնեաց եպիսկոպոսի. և մեծա-  
վայելչի և փառաւորելոյ Միհր արտաշրի Սիւնեաց տեսոն,  
ի Յովհաննիսէ Հայոց կաթուղիկոսէ, յԱբրահամայ Տարաւնոյ  
և Մամիկոնենից եպիսկոպոսէ, ի Ներսայ Բասենոյ և Մարդա-  
ղոյ եպիսկոպոսէ, ի Մաշդոցէ Խոռխոռունեաց եպիսկոպոսէ, ի  
Գտայ Վանանդեաց եպիսկոպոսէ, յԱրդիսոյ Ասորեաց ուղղափա-  
ռաց եպիսկոպոսէ, ի Բաբայ Ամատունեաց եպիսկոպոսէ, աւր-  
հնուլթեամբ և հոգևոր սիրով ողջոյն:

Գուր ինքնին գիտէք զանհնարին վտանգս, որ պոժմ յաշ-  
խարհս մեր եհաս. զի յառաջագոյն երանելի հարբն մեր և զկնի  
նոցա մեր ընկալաք զհաւատ ճշմարտութեան. զպն զոր քա-  
րողեցին մարգարէքն և առաքելքն, և ուսուցին հարբն ճշմա-  
րիտք, սուրբն Գրիգորիոս սրբոյն Թադէոսի յաջորդն, և ՅԺՎ  
եպիսկոպոսքն որ ժողովեցան ի Նիկիայ քաղաք, և ՃԾ. քն որ  
ժողովեցան ի Վոստանտնուպաւլիս, և Մ. քն որ ժողովեցան  
յԵփեսոս. որ սրբոյ Հոգւոյն ազգամբ ուսուցին մեզ, զոր և ի  
սկզբանէ իսկ տէրունեան բարբառն վարդապետեաց աշակեր-  
տացն ասելով. Կնացէք աշակերտեցէք զամենայն հետմանոս.  
Սկրտեցէք գնոսա յանուն հաւր և Որդւոյ և Հոգւոյ սրբոյ, և  
բարձր և հռչակաւոր կնիր եղաւ ի վերայ ամենայնի. Զայս հաւատ  
ճշմարտութեան ստուգեալ ունէր միաբանութեամբ աշխարհս  
Հայոց, և ոչինչ ամենեին յումեք արատութիւն յայտնի երևէր,  
և ընկեալ էաք ի սուրբ կաթուղիկէ եկեղեցւոյ. ընդ հովա-  
նեաւ սուրբ խաչին Քրիստոսի Աստուծոյ մերոյ ի խոր խաղա-  
ղութեան: Իսկ ի ժամանակիս յայսմիկ, Նեստորի անիծելոյ, որ

կուրացոյց չարահասար հերձուածոսի իւրով զկողմանս Խուժաստանի, երևեցաւ խմոր չարութեան և յաշխարհիս մերում: որ էր ծածկեալ յանձինս անսուրբս, որք սկսան պղտորել զյստակ հաւատս ճշմարիտ սուրբ Երրորդութեանն. պատրել զանձինս անհաստատաց մարմնասէր ցանկութեամբք, և տարածեցաւ երկբայութիւնն, և հիւանդացան բազումք զախտ անհասարին: Եւ ոչ կարացեալ մեր տանել այսպիսի չարաչար և դառն հայհոյութեան, փութացաք մեք՝ և այլ աշխարհիս Հայոց եպիսկոպոսունք, ընդ որս էր և երանելին Պետրոս եպիսկոպոսն ձեր, և բահանայք և ուխտ սրբոյ եկեղեցւոյ, և վանաց երիցունք, ազատք և համարէն ժողովրդականք ուղղափառք ժողովեալք ի սուրբ եկեղեցիս. և միաբանութեամբ զպեղծ Նեստորիանոսս. և զՔաղկեդոնիտս, և զայլ հերձուածոսս ի մեր սուրբ եկեղեցւոյս, նպովիւք հալածական արարաք, և սուրբ և փառաւորընկալ սեղանոյս և կենատուր սուրբ աւետարանիս և փրկչական սուրբ խաչիս առաջի՝ պայման արարաք ամենեւիմբ հեռանալ ի հաղորդութենէ նոցա, և չլսել բանից նոցա մահարեբաց:

Եւ վասն զի ի հաւատարիմ մարդկանէ լուաք եթէ պեղծ Նեստորականք բազումք և ի ձեր աշխարհիդ բնակեալ են, և դուք զդոսս ի սուրբ եկեղեցիս ընդունիք, և ընդ դոսս հաղորդիք. յիշելով զսրբոյն Գրիգորի զմեծ վաստակ և զբան որ ի մեր և ի ձեր աշխարհիդ վերայ հասարակաց, և զսուրբ ծնունդն զոր սրբով աւազանաւն վերստին ծնաք, և զլուսաւոր և զճըմարիտ հաւատ զոր մեք և դուք ընկալաք և այժմ ունիմք, զհոգևոր սէր զոր ընդ ձեզ ունէաք, սուաւել բան զամենայն զայդ հոգ յանձին կալաք հեռացուցանել և ի ձէնչ զչարի որոմանն սերմանս: Վասն նորին յուխտէ մերմէ զհաւատարիմ այր Մաթէոս քահանայ, առաքեցաք առ ձեզ և աղաչեցաք Քրիստոսիւ Աստուծով մերով, որպէս զայժմ լեալ էք ազգ սուրբ, ժողովուրդ սեպհական տեառն Աստուծոյ, նոյնպէս և այժմ էք և մինչև յաւիտեան, դուք և զաւակք ձեր, զաւրացարուք Տերամբ, և կարողութեամբ զաւրութեան նորա, և առէք զսպառապիւնութիւնն Աստուծոյ, և զսուրբ և զճշմարիտ հաւատ զոր ի սուրբն Գրիգորէ և յայլ հոգեկիր երանելի հարանցն ընկալաք, հաստատուն և անշարժ պահեցէք յանձինս ձեր. և զպեղծ Նեստորիանոսսդ և զայլ հերձուածոսս որ յաշխարհիդ ձերում են, նոյնպէս ի սրբոյ եկեղեցւոյ և ի ձեր հաղորդութենէ նպովիւք



ի բայ մերժեցէք, և ամենայն ուղղափառաց պատուիրեցէք, մի՛ լինել հաղորդ անպտուղութեան գործոց նոցա, և մի՛ լսել հրապուրող և չարամոյն բանից նոցա մահարեաց: Քանզի զնոսա որոշեաց սուրբ առաքեալն մանկունս անիծից, և զնոցին կորստական վարդապետութիւնն անուանեաց ամպս անջրդիս՝ վարեալս ի մրրկէ ի կորուստ ծառս զաւսս պտղակորոյսս, նիւթս կիցման հրոյն յաւիտենից, որք յիրաւի իսկ նշովին, զի նոքան պղտորեչք եկեղեցւոյ Քրիստոսի Աստուծոյ, յայժմու ժամանակիս, յամենայն տեղիս. որք և անուանեցան իսկ ի սրբոյ առաքելոյ. եղբարք սուտք, մշակք անաւրէնութեան, և նեոխք եկեալք յաշխարհ, և հրամայեցաւ մեզ ճշմարիտ հաւատացելոցս ի սրբոյ աւետարանչէն ի Յովհաննէ՝ ոչ ընդունել զնոսա ի տունս, և ոչ ողջունել բանիւ. այլ հեռանալ ամենեկին ի նոցանէ որպէս ի թշնամեաց իսաչին Քրիստոսի:

Եւ մեր աղաւթեմք զի նոյն ինքն սուրբ Երրորդութիւնն խափանեացէ և նկուն արասցէ զթշնամիս իւր զհակառակորդսն ճշմարիտ հաւատոյ. և զաւրացուցէ զպաշտանեայս և զերկրպագուս անուան իւրոյ սրբոյ: Եւ եթէ յումեր ի հերձուածողս գտցի զղջումն և ամենայն կամաւք իւրովք դառնայցէ ի սուրբ հաւատս մեր, և ոչ խաբէութեամբ. նշովեալ գրով զպեղծ՝ նեստոր և զամենայն հերձուածողս և զժողովն Քաղկեդոնի, և ապա ընդունել զայնպիսին ապաշխարութեամբ, վասն զի դունն ողորմութեանն Աստուծոյ խոստովանողաց և ապաշխարողաց հանապազ բաց է:



**ԹՈՒՂԹ ԶՈՐ ՏԵՐ ՅՈՎՀԱՆՆԷՍ ՀՅՅՈՑ ԿԵ-  
ԹՈՒՂԻԿՈՍ ԵՒ ԱՅԼ ԵՊԻՍԿՈՊՈՍՈՒՆՔ,  
ԱՌ ԱՂՈՒՆԵՒՑ ԵՊԻՍԿՈՊՈՍՈՒՆՍ ԱՐԸՐԻՆ:**

Լաւաց և ճշմարտից աստուածասիրաց, սիրելի եղբարց և աթոռակիցաց մերոց, Աբասու Պարտաւայ եպիսկոպոսի, Մովսէսի Բ. . . զասու եպիսկոպոսի, Գրիգորի Կապաղականու եպիսկոպոսի, Հոռոմակայ Ամարասու եպիսկոպոսի, Տիմաւթէի Բաղասականու եպիսկոպոսի, Ամրակունայ Շարիոյ եպիսկոպոսի, Յոջանկայ Գարդմանայ եպիսկոպոսի, Աւոնդի Մեծկունց եպիսկոպոսի. ի Յովաննիսէ Հայոց կաթուղիկոսէ, յԱբրահամայ Տարաւնոյ և Մամիկոնենից եպիսկոպոսէ, ի Գրիգորէ Մարդակտական եպիսկոպոսէ, ի Ներսայ Բասենոյ և Մարդաղոյ եպիսկոպոսէ, ի Ստեփանոսէ Տայոց եպիսկոպոսէ. ի Մաշտոցէ Խոռոտունեաց եպիսկոպոսէ, ի Գտայ Ասնանդեայ եպիսկոպոսէ, յԱրդիսոյէ Ասսրեաց ուղղափառաց եպիսկոպոսէ. ի Քրիստափորէ Ռըշտունեաց եպիսկոպոսէ, ի Բաբայ Ամատունեաց եպիսկոպոսէ, ի Սեկունդոսէ Մոկաց եպիսկոպոսէ, և յայլ եպիսկոպոսաց աշխարհիս աւրհունթեամբ և հոգևոր սիրով ողջոյն:

Քանզի եհաս առ մեզ լուր դժնդակ համբաւոյ, եթէ են ոմանք գայլք յախշտակողք զգեստու ոչխարաց, որք եկին յաշխարհ ձեր ի վանաց պղծոյ Պետրոսի, որ անուամբ Աղրատաւսէր կոչի, և գործով Քրիստոսատեաց և ուրացող զսուրբ Երրորդութիւնն. զչար որոմն անիծելոյն Նեստորի և զժողովոյն Բաղեկոնի անարգելաբար սերմանեն յողիս անմեղաց, թիւրեւով զնոսա յուղղափառ հաւատոյ. մատնել ի յաւիտեանական կորուստն, զորմէ լսելով առհասարակ ողւոյ և մարմնոյ եղեն անբժշկելի ցաւք, վանորոյ ամենայն հարկաւորութեամբ փութացաք կարեկից լինել և գրել ձեզ. յիշեցուցանելով զբանս սրբոց առաքելոյն, Զգուշանալ անձանց և ամենայն հաւտիդ. յո-

րում եղ զձեզ սուրբ Հոգին տեսուչս և վարդապետս, հաստատուն պահել զհաստ ուղղափառութեան, զոր ընկալան հարն մեր ի սբոց գրոց, ի հին և ի նոր կտակարանաց ի ձեռն սբոց Պրիգորի, որ յերից երանելեաց ժողով ԹԹԼ-իցն ի Նիկիա, ՃԹ-իցն ի Վոստանդիանուպալիս, և Մ.ոցն յԵփեսոս, որոց ձայնակից և ժտոանդաւոր նոցա հաւատոյն եղաք մեր ամենայն եկեղեցիք:

Խոստովանիմք մեր, զմի Աստուած Հայր ամենակալ յարարաւղն ամենայն երեւելեաց և աներեւելեաց, և ի մի տէր Թիսուս Քրիստոս յՈրդին Աստուծոյ ծնեալ ի Հաւրէ. Աստուած յԱստուծոյ. լոյս ի լուսոյ. Աստուած ճշմարիտ, յԱստուծոյ ճշմարտէ, որով ամենայնրն. և ի սուրբ Հոգին՝ որ ի Հաւրէ ելանէ, և ընդ Հաւր և ընդ Որդւոյ երկրպագի և փառարանի, արարչակից և հաւասար Հաւր և Որդւոյ. Երրորդութիւն կատարեալ միով բնութեամբ. փառաւր և զաւրութեամբ և իշխանութեամբ. նախախնամութեամբ ընդհանուր եղելոյ \*): Իսկ ի վախճան ժամանակիս, Աստուած գոլ մշտնջենաւոր Բանն Աստուծոյ եղև մարդ կատարեալ անյեղապէս. մարմնացեալ ի սուրբ Վուսէն անճառաբար, ոչ հեռացեալ ի բնութենէն, և ոչ քայքայեալ ի մարմնաւորութիւն, այլ եկաց մնաց նոյն որ էրն անփոփոխելի և անայլայլելի Աստուած մարմնացեալ ոչ մասամբ, այլ բոլորիւ, ոչ պակասութեամբ. այլ լիութեամբ. ոչ երկուութիւն, այլ միութիւն անբաժանելի. ոչ Հայր եառ մարմին, այլ Որդի. և ոչ սուրբ Հոգին թանձրացեալ մարմնով, այլ Միածինն ի Հաւրէ. բայց կամաւ Հաւր, զաւրութեամբ սուրբ Հոգւոյն. այլ գոյութեամբ միայն Բանն Աստուծոյ. Այսպէս սուրբ ժընունդն ճանաչի. նոյն ինքն անբովանդակելին խանձարրապատեցաւ, զի մեր զգեցցուր զանապականութիւն. եղաւ ի մսուր, զի զանասնականն ի բաց փոխեցուր զբարս. ի հրեշտակաց փառարանեցաւ, զի մեր կոչեցցուր լինել փառարանակիցք նոցա. ընձայեցաւ ի մոգուցն, զի պտղաբերեցուր զհաւաստս. կաթնարուծեցաւ, զի զանմեղութիւն ընկալցուր. զարգացաւ ըստ մարմնոյ ամենակատարն, զի ժամանեցցուր ի չափ հասակի լրմանն կատարմանն Քրիստոսի: Եկն կամաւր ի չարչարանս, զի ի տանջանաց մեղացն զերծուցէ. խաչեցաւ, զի ի կենդանու-

\*) Այսպէս յօրինակեն.

Թեան պտղոյն վայելեսցուք. մեռաւ, զի մահուամբ սպանցէ  
 զմահ. եղաւ ի գերեզմանի, զի խորտակեսցէ զնիզս դժոխոցն.  
 յերրորդ աւուր յարեալ, զի զմեզ ի նորոգութիւն կենդանու-  
 թեան փոխեսցէ. համարձաւ յերկինս և նստաւ ընդ աջմէ Հաւր,  
 զի և մեր դասեալք լիցուք ընդ աջմէ նորա. Գալոց է միւսան-  
 գամ դատել զկենդանիս և զմեռեալս, և թագաւորութիւն նորա  
 վախճան ոչ ունի:

Այսպէս հաւատամք և երկրպագեմք և փառաբանելով ա-  
 սեմք. Սուրբ Աստուած, սուրբ և հղաւոր, սուրբ և անմահ, որ  
 խաչեցար վասն մեր ողորմեա մեզ. Իսկ զոչ խոստովանողսն այս-  
 պէս նշովեցին սուրբ հարքն. նմանապէս և մեր նշովեմք զհինս  
 զամենեսեան եղեալ հերձուածողս և զնորս, զԱրիոս և զՊաւ-  
 ղոս Սամուստացի, զՄանի և զՄարկիոնի, զԵւնոմիոս և զԵւտի-  
 բոս. զԱպաղինարոս և զպեղծն նեստոր, և զԹէոդորոս, և զԹէո-  
 դորիտոս, և զսնտի ժողովն Քաղկեդոնի. և զտումարն Լևոնի, որ  
 լրբարար յանդգնեցան ասել երկուս ընտելիւնս և երկուս դէ-  
 մըս ի վերայ միոյ Քրիստոսի Աստուծոյ, և թէ սուրբ կոյսն ոչ  
 ծնաւ Աստուած, այլ մարդ սոսկ ըստ մեզ և տաճար բանին  
 Աստուծոյ. Այլ են ոմանք որ ասեն, մինչ յերկրի էր Քրիստոս՝  
 ոչ էր յերկինս, և մինչ ի խաչին վերայ էր՝ ոչ էր յաթոռ փա-  
 ոաց և մինչ ի գերեզմանին էր՝ ոչ էր յաջմէ Հաւր. զետրհե-  
 ցողսն այսպէս՝ նշովեմք, և զերա և զԱկակ, և զԲարծումա ի  
 Մծբնայ, որք հնազանդեցան ժողովոյն նեստորի, և եղեն պատ-  
 ճառք կորստեան բազմաց, և զՍեբրիոս և զգիրս ապականու-  
 թեան նորա, այլ և զամենեսեան իսկ զայնոսիկ որ այսմ հա-  
 ւանին և հնազանդին նոցա ամպարիշտ սպանող վարդապետու-  
 թեանն՝ նշովեմք:

Եւ առաքեցաք առ ձեզ ի յուխտէ մերմէ զայր հաւատա-  
 րիմ զՄաթէոս քահանայ, բերել զգրեալսն մեր առ ձեզ, ընդ նմին  
 յիշեցուցանելով զբանս Յովհաննու աւետարանչի որ ասէ, Ե-  
 թէ որ եկեսցէ առ ձեզ և զվարդապետութիւնս զայս ոչ ու-  
 նիցի, մի՛ ընդունիցիք զնա ի տունս, և մի՛ բանիւ ողջոյն ասել  
 նմա. եթէ որ ասիցէ այնպիսունն ողջոյն, հաղորդեսցի և չար  
 գործոց նորա. զի որ ոչ խոստովանի զտէր Յիսուս մարմնով ե-  
 կեալ. նա իսկ է նեռն և մոլորեցուցիչ. զայնպիսիսն ի տանց  
 և ի սահմանաց ձերոց հալածել և զմահաբեր վարդապետու-  
 թիւն նոցա ամենեկն ոչ առնել արժանի լսելութեան. Արդ

վասն զի հարբն ձեր հաւատակից էին հարանց մերոց, և դուք մեզ, հաճոյ թուեցաւ զալ ի ձէնչ այսր եպիսկոպոսաց երից կամ աւելեաց. լսելով ի մէնչ յանդիման զճշմարիտ վարդապետութիւնն, զի մի՛ որ կորիցէ ի հովուաց կամ ի հաւտից. այլ ի վերայ բարւոյ զիւտի ձերոյ եղիցի ուրախութիւն հրեշտակաց յերկինս, և մեզ յերկրի ծառայիցս և երկրպագուայս նորին՝ Քրիստոսի Աստուծոյ:



## ՅՈՎՀԱՆՆՈՒ ՀԱՅՈՑ ԿԱԹՈՒՂՈՒԿՈՍԻ Ի ՅԱՅՏ- ՆՈՒԹԻՒՆ ՔՐԻՍՏՈՍԻ

Չգարնանային ժամանակին աւուրսն նշանակելով, որ և աշխարհի լինելութեան սկիզբն ըստ մեծի մարգարէին Մովսէսի, խաւսելով ընդ Երրայեցական ազգին, Ամիսս այս եղիցի ձեզ սկիզբն ամնոց. և աստուածապաշտ ազգին ի դա՛ռն ծառայութենէ ազատութիւն ելանել ի խոստացեալ երկիրն պարգևաց մարդասիրին Աստուծոյ կանխաւ հասանել, հետեակելով ընդ ատակս Կարմիր ծովու զմեծամեծ սքանչելեացն յիշատակս ի միտ ունելով, Խորհրդարար և զճշմարիտ աշխարհարարութեանս պատրիկ սկիզբն, զգալստեանն Տեսոն նորոգելով զհնացեալ պապականեալ գառ ի ներքոյս երկնից յազատութիւն ճշմարիտ, ի ծառայութենէ բրիստոնեայս Աստուածապաշտս ի հեթանոսութենէ առնելով, զյառաջ ասացեալ բանն դարձուցանելով ի սա. Տաւնս այս եղիցի ձեզ սկիզբն ամնայն տաւնից: Ո՛վ բրիստոնեայք, առաջին է յամնայն տաւնս սրբոյ եկեղեցոյ, յորում նորոգումն համաւրէն աշխարհի լեալ. յոյժ վեհագոյն բան յուրջնէն լինելութիւն. առաջին գտաւ ի ծագել արեգականն արդարութեանն, ամնայն հոգևոր կարգք զիւրաքանչիւր կալան զտեղի, որ ի հրեշտականման պաշտաւնէից կատարին հանապազ. ոչ յերկիր անցաւոր պարգևացս, այլ յերկնից արքայութիւնն, և յաւիտեական պարգևսն. ոչ ծառայակցաւ Մովսէսիւ առաջնորդութեամբ, այլ ճշմարիտ աւրինադրաւ Տերամբ և Աստուծով Մովսէսիւ, և ամնայն արարածոց Քրիստոսիւ. որ թէպէտ և զկերպարանս ծառայի եառ կամաւք վասն մերոյ փրկութեան, զի զմեզ առ ինքն մերձեցուցէ, և ազգակցաւ մերով մարմնովս՝ զոր խառնեաց և միացոյց ընդ իւրումն Աստուածութեանն, կեանս մշտնջենաւորս շնորհեաց մեզ. սակայն եկաց մեաց յիւրում Աստուածութեանն անփոփոխելի:

Եւ թէ զանուն որ կամի ուսանել զտաւնիս, յորում սքանչելիք մեծամեծք կատարեցան, լուիցէ զանսուտ քանն երկուս ի միասին գումարեալ ծնունդս, միոյ և նորին Միածնի Որդոյն Աստուծոյ. առաջին յԱստուածածին կուսէն սրբոյ. և երկրորդ յետ երեսունն ամի ի սմին աւուրս մկրտութեամբ ի Յորդանան ի կարապետէն իւրմէ ի Յովհաննէ ծանուցեալ աշխարհի. վըկայեալ Հաւր ի վերուստ բարբառով՝ Դա է որդի իմ սիրելի ընդ որ Հաճեցայ. և ահանատես Հոգին սուրբ ի նմին աւուր իջեալ յերկնից նմանութեամբ աղաւնոյ. Հանգւէր ի վերայ՝ յայտնելով զնա փրկիչ աշխարհի, որպէս ի Ծննդեանն, նոյնպէս և ի Մկրտութեանն. Յաղագս որոյ և Յայտնութիւն ափ աւրս և Ծնունդ. միոյն պատճառք, վասն զի Բանն Աստուած մարմին եղեալ բնակեաց ի մեզ Հաւատացեալս. և միւսոյն՝ վկայութեամբ Հաւր և Հոգոյն սրբոյ ի մարդիկ ծանաւթութիւն. զորոյ զկնի ճշմարիտ վկայութեանցն Համարձակեալ և Մկրտչին բարբառէր մեծաձայն ասելով. Ահա գառն Աստուծոյ որ բառնայ զմեզս աշխարհի. Յայտնադոյնս ասացից. Հիմն և արմատ ամենայն շինուածոյ սուրբ եկեղեցւոյ, և ամենայն աստուածապաշտից քրիստոնէից, զայս տաւն անդրանիկ ամենայն տաւնից Հաւատացելոց ի փրկիչն Քրիստոս, պատուեսցուք զսա որպէս սկիզբն փրկութեան մերոյ ամենայն սրբութեամբ և հոգեւոր աւրհնութեամբք և երկնային ուրախութեամբ լցեալ. Բայց յաղագս կրկնապատիկ լինելոյ պատճառք տաւնիս այսորիկ երկուցուն սքանչելի ծըննդոցն, մերով մարմնով ի սուրբ Կուսէն, և մկրտութեամբ ի Յորդանան հոգեւոր աւազանաւն, ի մի եկեալ միարանութիւն յաւուրս յայսմիկ. բազմապատիկ արարին զուրախութիւն. միովն զի ի բնութենէ մարդկան առեալ զմարմինն՝ ընդ անձառելի Աստուածութեանն խառնեալ միաւորեցաւ, և միւսովն զի բարբառ Հաւր ի յերկնից ոչ որոշեաց զմարդկութիւնն, այլ զմիաւորեալն ի մարմնի աստուածութիւնն, մարդկութեամբն՝ իւր Որդի սիրելի անուանեաց. ասէ, Ընդ որ Հաճեցայ. Մեզ հրամայեաց լսել նմա և հնազանդ լինել, պատուեսցուք առաւելագոյն զայս ուրախութեամբ մեծաւ, յորում բնութիւնս մեր պատուեցաւ, յաղագս առեցելոյ ի մէջ ընդ ճշմարիտ աստուածութեանն միաւորեալ, և դուստր ազգիս մերոյ Աստուածածին կոչեցաւ և եղև, որում ի սպասու կան բիւրաւոր բանակք հրեշտակաց Որդւոյ մարդոյ. Եւ զտաւնիս այսորիկ զպատճառս ին-

քեանք բարբառէին և մարդկան ուսուցանէին ասել. Փառք ի բարձունս Աստուծոյ և յերկիր խաղաղութիւն և ընդ մարդկան հաճութիւնս. Գանդի ասէ, ակնկալութիւն արարածոց յայտնութեան Որդւոյն Աստուծոյ սպասէր, առ ի մերժել և ի բաց ընկենուլ յինքեան զծանրութիւն նշովիցն, որք յաղագս յանցանաց մարդոյն եղան:

Լուսեցուք այսուհետև և յաւետարանէէն. եթէ զիարդ եղև ծնունդ բանին, ասէ. Բանն մարմին եղև և բնակեաց ի մեզ. և դարձեալ ինքն Հայր բերանով մարդարէին Գաւթայ, որպէս յերեսաց Միածնի Որդւոյն խաւսեցեալ Բանն ընդ Հաւր. Տէր ասաց ցիս որդի իմ ես գու, և ես այսաւր ծնայ զքեզ. Ասան զի ծառայի կերպարան ետու կամաւր, ոչինչ դանդաղի տէր իւր կողել զծնանիլն իւր բնութեամբ. Որդի իմ ես գու, ի վերայ բերէ. զառաջին ծնունդն նախ քան զամենայն յաւիտեանս լեալ անուանէ, վասն զի երես ծնունդս ամենայն մարդոյ հնար է լինել, ի գրոց սրբոց ուսանիմք. Առաջին ըստ բնութեանն ի միմանց. երկրորդն որ յոյժ լաւագոյն ևս է քան զառաջինն և աստուածային, վերստին ծնունդ ի ջրոյ և ի Հոգւոյ սրբոյ, առանց որոյ ոչ յորդեգրութիւն Աստուծոյ որ զասի. և ոչ զերկնից արքայութիւնն կարէ տեսանել. վասն զի և թողութեան մեղաց ոչ լինել արժանաւոր հասանել, ընդ որ թէպէտ և Նիկոդիմոս տարակուսեալ յերկուանայ թանձրագոյն մտաւր, անհնարին ծերոյն ասելով անդրէն միւսանգամ յարգանդ մտանել մաւր իւրոյ և վերստին ծնանիլ և յանդիմանի ի փրկչէն Քրիստոսէ, իբրև զտգէտ վարդապետ Իսրայելի Սյլ մեք ուսեալք ի հասարակաց Արդապետէն և յիմաստութենէն Աստուծոյ. հաւատամք եթէ է հնար մտանել հին մարդովն, ապականեցելովն մեղաւք ցանկութեան. ի հողեոր արգանդ աւազանի ջրոյն սրբութեան և ելանել հաւատովք նոր մարդ ամենեկին առանց մեղաց, զգեցեալ զլաւութիւն Աստուծոյ զկատարեալ սրբութիւնն. Եւ երրորդ ծնունդ զհամաւրէն մարդկան նորոգումն ի հոգոյ, ընդ որ սքանչանալով մարդարէն Եսայիաս, Ո՞վ լուաւ, ասէ, կամ ո՞վ ետես թէ երկիր զազգ մի բովանդակ ծնանիցի ի միում աւուր. Թուի այ՛դ աւրինակ ծննդեան լինել, որ ըստ ուսման և բանի վարդապետութեան հաւատոց է. որպէս երանե-

\*) Այսպէս յօրինակին



լին Պաւլոս Վորնթմացիան աւետարանաւն ծնեալ ի Քրիստոս Յիսուս, և զՄենսխմոս ի կապանս ծնեալ ասէ:

Արդ մարդկան պսոթիկ են ծննդեան աւրինակ. իսկ Քրիստոսի Հանդերձ երեքումբբ պսոթիւր որ ի Կուսէն սրբոյ. Դաւթի և Աբրահամու որդի ասի. Եւ մկրտութեամբն ի Յորդանան ի կարապետէն իւրմէ ի Յովհաննէ, երկոքեան ծնունդքս ի նըմին աւուր Հանդիպան. \*) յետ երեսնամեայ ժամանակի. և յարութեանն որ ի մեռելոց, յերրորդ աւուր. Այսոցիկ երից ծննդոց փրկչին մերոյ Քրիստոսի եղելոյ ի վերջին ժամանակ աշխարհիս. Է՛ և չորրորդ ծնունդ նորա նախ քան զամենայն յաւիտեանս, անճառելի և անպատում ի Հաւրէ միայն, Աստուած յԱստուծոյ, լոյս ի լուսոյ, Ջի լծէպէտ և ամենայն աւրինակք ծննդեան նորոք, աստուածայի՛ն և անճառելիք, այլ՛ այն առաւել ևս է սքանչելի և անպատում, և վերագոյն քան զմիտս մարդկան. զի յորմէ Հետէ Հայր իմանի և Որդի ընդ նմին, ոչ պատուով. և ոչ երկցութեամբ առաւել որ քան զոր, բայց միովն միայն որոշեալ ի միմեանց. զի մին ծնաւ զմիայն է, և միւսն ծնեալ իսկ միւսն ի նոսին էութենէ, նորա պսաւր ի Յորդանան ծանուցան աշխարհի. վասն որոյ առաւել զայս տաւն պատուեսցուք մեծաւ ուրախութեամբ: Եւ Կիւրղոս Երուսաղէմի եպիսկոպոս, վարժեալ հոգեւորական արհեստիւք և լի հոգևով սրբով, որ ի Սիմոն կախարդէ և ցիւր ժամանակն զամենայն աղանդս յանդիմանեալ կշտամբեաց և զանիրաւ ժողովս նոցա, և զտաւնս և զընթերցուածս և զսագմոսս ի սրբոց առաքելոցն զեղեալսն հաստատեաց, և զյիշատակս մարգարէից և առաքելոց և մարտիրոսաց ստուգեալ կարգեաց, և զլուի տաւնից զյայտնութիւնն եդ՝ զոր սուրբ առաքելոցն էր կարգեալ, և շասաց սքանչելի յառաջ քան զյայտնութիւն, այլ զմի և զնոյն: Եւ զոր յայլ բազաքս ըստ Արտեմանդիւր ընթերցուածոց զեկտեմբերի ամսոյ ի քսան և հինգն ծնունդ առնեն, զայն Յակովբայ. առաքելոյ և Դաւթայ մարգարէի յիշատակի աւր եդ Կիւրեղ. քանզի և սուրբ հարբն որ ի Նիկիա ժողովեալ, և երանելին սուրբն Գրիգորիոս և սուրբն Արիստակէս ոչ կարգեցին երկուս տաւնս զԾնունդն և զՅայտնութիւնն, այլ մի տաւն, Եւ ըստ նոցունց հոգեկիր վարդապետքն և թարգմանիւք, որք յԱղեքսանդր և յայլ յայտ-

\*) Այսպէս յօրինակին.

նի բաղաբս վարժեալ, ոչ աւելիս և նորս ինչ թարգմանեցին, և ոչ ընկալան, և ոչ մեզ աւանդեցին. այլ հաստատեալ եմք ի վերայ հիման սուրբ առաքելոցն և երանելի հարցն, որ զմի և նայն տաւն կատարեցին, և կատարեմք ի պատիւ սուրբ Երրորդութեանն, զաւր սուրբ Յայտնութեանն՝ ոչ բաժանելով յերկուս զայսաւր ի Յորդանան զճնիցեալ Բանն:

Ձևուհաս յիշեա՛ ի Տէր:



## ՓՈՒՍՏՈՐԵԼՈՑ ՏԵՐԱՆՑ ՎՐԹԱՆԻՍԻ ՏԵՐԱՆՑ ՆՈՒՒՐԱԿԻ ԵՒ ՎԱՐԴԱՊԵՏԻ ՔԶԿԱՆ ՈՐԴԻՈՑ. Ի ՍՈՐՄԵՆԱՅ ՍՏՐԱՏԵԼԱՏԷ ԵՒ ՀԱՅՈՑ ԶԱՒ- ՐԱՎԱՐԷ

**Մ**եր բազում անգամ յանդիման բանիւր, և ի հեռուստ գրով խաւսեցար ընդ ձերում իմաստութեանդ, և ակն ունէար գտանել զձեզ որպէս զմիաժառանգս ի սրբոյ աւազանին հարապատ եղբարս և որդիս հասարակաց հաւատոյ մեր հաւրն սրբոյն Գրիգորի, և դուք շատ ինչ աւտարաբար վարեցայք առ մեզ, և հաւասար առաջնոցն այժմու պատասխանիքս լի խարդախանաւք և պատճառանաւք խարէութեան: Զի եթէ չէր իշխան, որպէս գրեցէքն, տեղապահ՞ ձեր եկեղեցւոյդ առանց աթոռակցաց իւրոց ասել ընդ մեզ և կամ լսել, և կամ որ ասէրդ բերդող Նստեալ ի Գունայ, աւերածին հաւատոյդ նոր կարապետդ, և յառաջընթաց նեոին, պաճուճեալ սնափառութեամբ ի մէջ ախմար և մտամոլար մարդկան, և ցուցանէ զանձն իւր թէ ես իսկ եմ վարդապետութիւն, ապա պարտ է ինձ անսալ համախոհ միաբանութեան և կամ ժողովական գրոց առ միմեանս հաւանութեան. և ոչ այնպէս յանկարծաւրէն, և վարկպարզի որպէս զոչինչ՝ զսրբոց հարանցն հաստատեալ սեղանս կործանել, և որպէս զպիղծ ինչ և զանաւրէնութեամբ թաթաւեալս վերստին մկրտել, և զանմեղ բահանայս բռնադատել, և տալ հաստատել գրով մի իշխեսցեն հաղորդել ընդ մեր բարեպաշտութիւնս՝ Իմացար և զասացեալսդ ձեր զինուորական կարգի, առանձին ի դոցանէն. զի այդ ըստ դոցա կամաց լինիցի. առ ի լինելոյ պատիր պատճառանաց առ ի յապա, եթէ առաքեցէ զոր կամիք,

Թող գան, գհարցն հաւատ կարգեալ տեսանեն: Եթէ զԴէոսկորոսին ասէր, զՏիմոթէոսին զԱղէքսանդրացւոյ որ ընդդէմ բարեպաշտութեան հոգեկիր հարցն յանդգնեցան ասել, ուստի և մերժեցան ի սրբոյ եկեղեցւոյ, և անջինջ վիճակեցան յիշատակի նշովից, զայդ և մեր բաջ գիտեմք, և ունիմք ի կապարձս հաւատոյ մերոյ ճշմարտի, որպէս զսուտ և զաւտար և զանգործ նետս: Այլ ինչ եթէ ունիր զոր ոչ գիտեմք, որ ոչ է հասեալ առ մեզ, տուք բերել Իսկ եթէ զսրբոյն Աթանասի՝ որ զհոգեխառն ժողովն զարդարեաց, և զմեծին Բարսղի, և զըրից Գրիգորանցն, և զանխարդախ վարդապետութիւնն տեսուն Յովհաննու և զնմանից նոցունց ասէք. այս ի սիրտս մեր առ մեզ է. և ոչ կարաւտիմք Խորասանիկ և Ատրպատիճ կանոնադրութեան և վարդապետութեան: Աստ ունիմք և զմեծի հաւրն Կիւրղի Աղէքսանդրի եպիսկոպոսապետին զժողովական զԹուղթս՝ ըն, որ զամպարշտութիւնն նետորի վանեալ ձաղեաց, Եւ յուսամք յամենեցունց աղաւթս սոցա և ի բարեխաւսութիւն և ի բողոքովին ի ճշմարիտն Աստուած Տէր մեր Յիսուս Քրիստոս, որ մարմնացաւ և մարդացաւ ի սուրբ և յԱստուածածնէն ի միշտ կուսէն Մարիամայ, և յանձն էառ զչարչարանս և համբեր խաչի, և մեռաւ և թաղեցաւ և յարեաւ, և ել յերկինս և նստաւ ընդ աջմէ Հաւր, եթէ պահէ անասանելի և անխոով զընդհանրական զսուրբ եկեղեցի իւր:

Եւ զայս կամիմք զի գիտացէք, եղբարք, զի որ ի ձեր տեսութիւն կարի թեթեւ և ոչ համարիք, մեր տառապելութիւնս զայս ոչ կարաց բառնալ. այլ զկնի շատ ողբոց և արտասուաց, հարկ եղեւ ծանուցանել մեր բարեպաշտ և խաղաղական տերանց: Եւ մի որ փորձեսցի ըստ իւրում սովորութեան մտանել կեղծաւորութեամբ և նենգութեամբ ընդ նեղ դուռն սիրոյ, և բանալ զչայն դուռն թշնամութեամբ: Այլ պարտ է այնպիսեացն մեծախիղճ լինել և հայելի դատաստանս և յիրաւունս և ի վրէժխնդրութիւնս անաչառ դատաստանին Աստուծոյ աստ և ի հանդերձելումն: Եւ թէպէտ այսպէս եղև մեր բանս, և հարկաւորութեամբ եկաք ի բազում ինչ իրս, սակայն նա էքաջ և յաղթող նահատակ՝ որ վասն սիրոյն Քրիստոսի խոնարհի և զզորեալն ջանայ կանգնել: Վասնորոյ աղաչեմք յայսմ ևս նուազի, եթէ հաճոյ է ձեզ, պատուիրեցէք ժողովեալ եպիսկոպոսաց և երեւելի բահանայից, յոր կարծէք ունել գիտութիւն բանի, և

զգատչաճ տեղի յայտ արարէք, և զժամադրութեան ժամանակ  
ստուգեցէք, և մեք զառաջնորդ մերոյ եկեղեցւոյ աղաչեմք. զը-  
տանել և սոցա անդ միաբանութեամբ: Եւ յուսամք ի Քրիստոս  
Աստուած մեր եթէ այդպիսի համբաւակոծ և սնոտի երկպա-  
ռակութիւն յանդիմանութեամբ միմեանց լուծանի, և ըստ ա-  
ւետարանին բանի լինիմք Մի հաւտ և մի հովիւ:



## ՊԵՏԵՍԻԱՆԻ ԹՂԹՈՅՆ ՍՈՐՄԵՆԵՑ, ՈՐ ԸՌՎԻՐԹԱՆԷՍ ՎԵՐԴԱՊԵՏ ԳՐԵԱՑ

Պիտեմբ զի բազմադէմ և պէսպէս աւրինակաւ բաւսեցայք ցուցանել զանձինս համախոհս և միարանս ընդ մեզ հաւատով զոր տնկեաց երանելի նահատակն Քրիստոսի և հայր մեր Քրիզոստոմ ի մշտնջենաւոր պայծառութիւն Հայաստան աշխարհիս. համարեցաք եթէ այդպէս իցէ. վասնորոյ յոլով անգամ թախանձեալ զսրբասէր եպիսկոպոսս քննութիւն առնել, և ուսոյց մեզ, թէ ոչ է արէն առանց միարանական ժողովոյ՝ զոր այսպանեալ էր ձեր մտաց՝ ի պատասխանել անձանց թըշնամանս յաճախելով թէ յորժամ չէր իշխան ընդէր զհաստատեալ սեղանս յուղղափառացն կործանեաց. և վերստին մկրտութիւնս արար. Վասն որոյ տեղեկացաք, եթէ ոչ այդպէս, այլ զկանոնականն և զիրաւացին կատարեաց: Եւ դուք ըստ որումն անձամբ անձին յաղթել անարդանաւք, բան զամենայն յաղթութիւնս առաջին և բաջ վարկայք զմեր բերդողս, նեռինն կարապետ առնելով ոտնհար եղայք. եթէ ի Գունա պրեցեալ և յաւերակ եկեղեցւոջդ նստի՝ և նորոգաձեութիւն վարդապետէ՝ նեռի՞ն ասպնջական և առաջնորդ, և կարապետ զնա պատրաստել. որ ազդի միոյ ապստամբութեան եղեալ պատճառ, և զարս ի կանանց վարատելոյ. և զկանայս յարանց, յորոց բազումք թափառական կենաւք ի տար աշխարհ վախճանեցան, թաղման անգամ ո՛չ լինել արժանի և մանաւանդ յերբնակ և յուղղափառ վարդապետաց կարգէ՝ սրանալով է փախուցեալ. որպէս զամպարիշտն՝ առանց ուրուք հալածելոյ, և տարադիր եղեալ յամրիծ և հոջակաւոր՝ և կեցուցանող նոցին հաւատոց, Բայց և զսյն պարտ է ճանաչել՝ զի որ ըրբանովք աւրհնէք, այսինքն ժառանգաւորս հաւատոյ համբաւելոյ զձեզ սրբոյն Քրիզոստոմ, զընծայ այրեցմանս այսորիկ և աւերածի.

դո՛ւք մատուցէք նմա՛ւ. թողումք ասել զայլն ևս: Եւ վանից ե-  
րիցունք և դոցին քահանայք, որք ձեռն արկին, նպովելով զա-  
նաւրէն ժողովն Քաղկեդոնի. զի առանց բռնադատելոյ արարին՝  
ամենեցուն է յայտնի: Քանչի որք ոչ կամեցան ձեռնարկել  
տակաւին ևս ի տեղւոջս գնան առանց իրիք խոշտանգանաց, և  
ոչ որպէս բացումք ի ձէնջ հալածական եղեալ յաւուրս ձմե-  
ռայնոյ՝ վէրս ընկալան, և ցարդ ևս մորմորին: Եւ բանչի վըս-  
տահ էաք ի սահման հաւատոյ հարցն և ճշմարիտ վարդապե-  
տացն մերոց, ո՛չ ակամայ՝ այլ կամաւք երանելի եպիսկոպո-  
սին՝ և այլոց կոչէաք ի պարծանս անձանց մւրոց տեսանել և  
ի պտուղ խաղաղութեան:

Բայց այս առաւելագոյն ևս սրանչելի, և յո՛ժ վարմաց-  
ման արժանի. զի մինչդեռ ուրանայիք երգմամբ հաստատելով  
ոչ աւելի ինչ ունել կամ պակաս զգրութիւն հաւատոյ. քան  
զոր Հայաստան աշխարհիս է ընկալեալ, այս եկեղեցւոյս ա-  
ռաջնորդաց և հնազանդել կամ ընդունել զժողովոյն Քաղկե-  
դոնի բռնադատեալ կանոնսն՝ ամենեկին շառնուիք յանձն, այժմ  
ի ձեր գրեալսն՝ զնորին հակառակն և հաս տեսանել: Զի զոր  
մեր պատուական հարցն և հոգեկիր վարդապետացն ընդ ուղ-  
ղափառ հովիւն և ընդ մարտիրոսս է դասեալ. զԴէոսկուրոս.  
և զՏիմոթէոս Աղեքսանդրացի, անչինչ նպովից վիճակի առնէք  
արժանի, սուտ և մալորեցուցիւս կարգալով. և զԹիւրսն և  
զհարապաշտսն և հերձուածողս զՔաղկեդոնիտսն՝ բարեփառ ա-  
սէք, և փոխանակ միաւորութեան երեւեցուցանէք: Գիտեմք  
արդ. թէ և այլ ինչ զոր ունիմքն՝ կարեորագոյն են. և աւգ-  
տակարագոյնք ցուցանիցեմք. չիք ի ձեզ տեղի. ընդէ՛ր ևս և  
զառաջինն քաջ և անդրդուելի վարդապետացն զանուանսն ի  
կիր առեալ. փաստաբանութեամբ պարծիք զարոյն Աթանասի,  
և զԲարսղի, և զսրանչելի Գրիգորանցն. և զյորդորաբանն Յով-  
հաննու և զմեծի հաւրն Քրիստոսասիրի Սիւրղի, և զերից ա-  
կանակիտ և անթերի ժողովոցն, որք ի պատիւ ամենասուրբ  
Երրորդութեան գումարեցան: Զի թէ ճառեցելոյդ մեծարոյ  
թուէր ձեզ՝ լիութիոն հաւատոյ, զմեզ ի Քաղկեդոնի նորաձեւն  
կցկցեալ կարկատէիք. և ոչ նմանեալ Աստուածընկալ հարցն որ  
յՍփեսոս՝ մի Որդի դաւանելով՝ զնայիք զհետ խոստովանու-  
թեան հաւատոյ բարեպաշտ հարցն: Այլ զի ընդդէմ նոցին է,  
չգոյ յումեք հնար ծածկել. բայց զոր ճառելոցս եմ, ճարտա-

րարանեալս ի ձէնչ ամենապատիկ ծաղճու է պատարուն, թէ չեմք կարաւտ Խորասանիկ և Ատրպատիճ կանոնաց և վարդապետութեան. Սակայն յոյժ ստեցէք և ոչ մասնաւոր պսպիսի ինչ զի Խորասանիկն յարուցեալ ընդ առաւաւտս լուանայ և համարի թէ զամենայն գործեալ աղտեղութիւնսն ի բաց մաքրեցի. Եւ դուք մտանելով առ բոլս, ի բաղանիս լողացեալ նոցին հաւասար սուրբ կարծէք լինել Վասն որոյ անխորի ի տէրունական մարմինն մերձենայք՝ զոր պատգամն Աստուածային ընդ դատապարտութեամբ փակեաց, եւ Ատրպատիճս՝ զի ոչ գիտեն եթէ խնդիր զհաւատ լուծանէ, միշտ ծփին փոփոխելով ի բաղմաստուածութիւնս, զոր և վասն ձեր ճշմարտութեամբ է ասել հանդերձ արտասուաւք, զի անդադար էք ալէկոծական պղտորութեամբ շփոթեալք, այլ և այլ սահմանադրութիւնս առնել հաւատոյ ոչ շատանայք. Ապա ուրեմն սուտ էր և կարի անպատրաստաբար զԽորասանիկն բամբասել և զԱտրպատիճս, զի ոչ կարէք ժխտել զայս՝ որպէս թէ չիցէ այդպէս. Այլ պարծանայ յոյս ունել ի Փրկիչն մեր և ի Տէր Յիսուս Քրիստոս, որ ի վերայ ամենեցուն է Աստուած՝ բաղձալի պանծանաւր առնումք յանձն. մարմնացեալն, մարդացեալն յԱստուածածին և ի միշտ կուսէն Մարիամայ. խաչեալն և թաղեալն, և յարուցեալն յաւուր երրորդի. ամբարձեալ յերկինս, նստեալ ընդ ալմէ Հաւր Աստուածախառն մարմնով պամենայն կատարեաց արդարութիւնս.

Արդ զի արտաբոյ ամենակալ Երրորդութեանն. Աստուած զոք ասել հաւասար անհամեմատականին ամպարշտութիւն է. ըստ այնմ թէ, չիք Աստուած՝ բայց ի միոյն. որ է ամենասուրբ Երրորդութիւնն. Անձնաւորութիւնն որոշմամբ, և միաւորեալ Աստուածութիւնն. Զիմարդ զՔրիստոս Աստուած խոստովանիք, և զխաչն արտաբոյ Երրորդութեանն. ոչ է ասէք պարտ յԵրրորդութեանն զնել զնորա խաչն. զի չհաճի Աստուածութիւնն. որ ի թշնամանս ինչ նմա բերի. և պատճառս՝ զՆիկիական հոգեյարդար ժողովն ունիր. եւ այս զի նանիր և մնտոի պատրանաւք և պաճուճեալ. լուր, զի ի Նիկիա հարքն դաւանելով ըլլաւ Հայր ամենակալ ի նոյն վաղվաղակի յարեալ մի Տէր զՅիսուս Քրիստոս բարոյեցին, ծնեալ յԱստուծոյ Հաւրէ յառաջ բան պամենայն յաւիտեանս. և զնոյն մարմնացեալ ի Մարիամայ միշտ կուսէն և խաչեալ. ահա. ասիկ յԵրրորդութենէն նորա խաչն.



Քանզի Բանն Աստուած, մի ի դիմաց Երրորդութենէն՝ մարմնով իւրով որ բնութեամբ մարդկային էր. և միաւորութեամբ տնաւարէնութեանն Աստուածային, արար զփրկութիւն ի մէջ երկրի: Ապա ուրեմն ոչ Երրորդութեանն այլ յԵրրորդութենէն խաչն. զոր դուք արտաքոյ Հանեալ առանց զանդիտելոյ, ասէք թէ չէ յԵրրորդութենէն խաչն. կարծեալ աւրինագրել ինչ, և մեղիկ մարդոյ տայք զփրկական և զկենդանաւորար զչարչարանսն, որում ոչ զոյ Հնար ապրեցուցանել զոր: Այսպիսի վկայութեամբ չարաչար ի կիր առնելով զբարիոր սասցեալսն. թէ Մատնելոց է որդի մարդոյ ի ձեռս մեղաւորայ. և թէ Պարտ է որդոյ մարդոյ բաղում չարչարանս կրել և զՅիսուս Նազովրեցի զայր ցուցեալ յԱստուծոյ. և որ ինչ ի կարգին է, և զայն Յիսուս զոր դուքն սպանէք. և զայն ևս նման սոցին, զոր Բանն Աստուած զծառայի առաջին առնելով կերպարանս՝ ոչ Համարեցաւ ամաւթ կատարեալ սոսկ մարդոյ կրել ձեռնարկել, և մարդն է Յիսուս Քրիստոս ըստ Պաւղոսի: Արդ եթէ սոսկ մարդ է Քրիստոս որ մեռան վասն մեր՝ ընդունայն են Հաւատք և դատարկ աւետիքն փրկութեանն՝ և լի նշովիւր, բանզի գրեալ է, թէ Անիծեալ է որ զիցէ զոյս իւր ի մարդ: Եւ եթէ Աստուած խոստովանիք՝ յայտ է, եթէ եկամուտ և պիտակ Համարիք զԱստուածութիւնն և շնորհաւք ընկալեալ, վասն որոյ և զխաչն արտաքոյ Երրորդութեանն դնէք, և այսպէս յայտաբար երկուս որդիս բարոզէք՝ մի բնութեամբ զԱստուածն Բան, և միւսն շնորհիւ զի Մարիամայ մարդն, բանզի լցեալ է ամենայն աշխարհ Հայհոյութեամբս այսորիկ ի ձեր գրեցելոցն:

Եթէ Որդի Աստուծոյ՝ ոչ միայն Աստուածութեան բնութեամբն ի վերայ կայ, այլ և ի մարմնոյն բնութեան այսպիսի երևութիւք. թէ Ես եղէց նմա ի Հայր, և նա եղիցի ինձ յորդի. ահաւասիկ, ասեն, որդիս անուն և ի մարմնոյս բնութեան վերայ կայ: Եւ դարձեալ թէ. Տէր ասաց յիս, որդի եմ Ես դու, և Ես այսաւր ծնայ զբեւ միայն, և այս ասեն որդի մարմնոյ բնութեան կոչի: Եւ աւետաւորութիւնն նոր առ երջանիկ կոյսն ի Տրեշտակէն՝ թէ Ահա յղասցէս և ծնցիս որդի. և կուչեսցեն զանուն նորա Յիսուս. նա եղիցի մեծ և որդի բարձրելոյ կուչեսցի: Տեսանես, ասեն, զի և ի մարմնոյն վերայ կայ որդիդ անուն՝ և ոչ միայն Աստուածութեանն բնութեան: Այսպիսի և ևս դժնդակագոյն իրաւք լի են ընդհանուր զաւառք, ոչ գիտեմք

ուստի՝ յորդեցայք զվազնչուցն շխուցեալ արծառձեւ: զի վազննտիանացն, և այլ ստանուն գիտնականայ: քանզի այն զըպրոցի էր գուպար վստահութեանդ այգորիկ: այլ զոմն չարչարեալն աղանդելով: և այլ զչչ չարչարեալն, որոց գլուխ և արմատ դանութեան Սիմոն ճանաչելու կախարդ, երկուս ուրիշ անուանելով, մի ըստ ընութեան՝ և մի շնորհաւր: զոմն անմահ, և զոմն մահկանացու: Երգ որ նորանշան հարուածովքն անկեալ հերձաւ՝ վայրապարին ճապաղեալ քրթիւնքն՝ \*) ճարակ լինելով յաւիտեանական հրոյն, մեծարանաւր սուտայ ի կիր համառուտէր բարեպաշտ ծանուցանել յամառեալը զաստուած վայելչաբար միաւորութիւն Բանին ի մարմնին իւրում: Սահմանեցին խոստովանել՝ և մի լինել մշտնջնաւոր սնրակութեամբ: վասն որոյ մի Քրիստոս և Տէր բարոյի յերկնաւորայ և յերկրաւորաց: անջինջ նշովից պարտաւոր էք:

Աչինչ նուազ և հանդերձեալ պատասխանիրս ընչայնն զարմացումն այսպիսի ինչ: Թէ զտեսութիւն ձեր թեթեւ համարեալ մեր նուաստութիւնս՝ ոչ զաւրաց բառնայ: այլ՝ յաճախագոյն արտասուաւր փութացայ տեղեկութիւն տալ թագաւորաց մերոց: Երգ տեսութիւն թուել ծանր՝ ըստ իրաւնց արդեաւք էր, բայց զանձին իւրոյ զողջս թողեալ, որ սաստկագոյն քան զամենեցուն իցէ, կարի իսկ յետին անմտութիւն լինի՝ զայլոց ի կիր առնուլ զաշխարումն: Պարտ է ձեզ զձերոյն աշխարհդ լալ անմխիթար սգով թախծանաւր: զի ճեղքեալ էք և աղմկեալք անթիւ աղանդոց զանպանութեամբ: և միաբանել կամ ցասնուլ ոչ նկատէք: Իսկ յորժամ որ իւրում տան վերակացութիւն առնել չգիտիցէ կամ չզաւրիցէ, զի՛արդ ի վեհագունից հրապարակախաւս համարձակեալ հրաման տայցէ ճոռմարանելով: ոչ ապաքէն յամենեցունց կրիցէ ծաղր և ապա կատականաց: և փոխանակ նեղ դրան, ի թշնամանաց զլայնն բանայցէ: Ջանձինս բննեցէք, և ոչ դատապարտիք: զի իւրաբանչիւր որ ընդ անձին իւրոյ տալոց է դատ առաջի Աստուծոյ: Այլ թէպէտ այս՝ այսպէս է: սակայն պարտ և պատշաճ է մեզ յուսալ ի Քրիստոս Աստուած մեր, լինել ձեռնտու՝ բառնայ ի միջոյ կնորոգաձև գայթակղութիւն որ ի Քաղկեդոնի յարձանէն Լեոնի բռնապաւսութեամբ սերմանեցաւ:

\*) Այսպէս յօրինակին:

Քանզի նա միայն է քաջ և յաղթող հովեւ և սիրող պատուիրանապահաց իւրոց. խոնարհ և այցելու. որ երբեմն ՂԱրիանոսացն քակեաց կարճեալ ճոխութիւն. նոյնպէս հաւատամ, և զԲաղկեղոնիտսդ տեսանել նորին զաւրավիգն աւզնականութեամբ. և ապա լինի հաճոյ ժողովել միշտ ի բարեպաշտութեան ամրացեալ բոլոր եպիսկոպոսաց մերոց և ճշմարիտ քահանայից ամենայն ուխտի սրբոյ եկեղեցւոյ, խորտակել և բառնալ ի միջոյ զտիեզերակործան արձանին գայթակղութիւնս. և զանբաժանելի և զանայլայլելի զբաջ Հովիւն Փրկիչ և Տէր մեր խոստովանելով ձայնին տալ լսել:

Ջյոզնամէշ և զանարժան ծառայո Աստուծոյ զԹոմաս և զԵրնաղան ի՛ն յեշեշէ՛ր ի Քրիստոս Աստուած:



## ՀԱՒԱՏԱՐՄԱԳՈՒՆԻ ԵՒ ԻՄԱՏՆԱԳՈՒՆԻ ԵՒ ԱՏՏՈՒԹՅԱՐՄԱԳՈՒՆԻ ԵՂԲԱԻՐ՝ ՈՂՈՐՄԵԼԻՍ ՊԵՏՐՈՍ ՏԵՐԱՄԲ ԽՆԿԱԼ:

**Ա**ւրհնեալ է Աստուած՝ որ ամենայն բարւոյ տուիչն է, և ամենայն կատարեալ պարզեաց լցուցիչն և պահաւորն ըստ գրեցելոմն. որ ետ իմաստութիւն մարդոյ՝ խնդրել զինքն և հաւատոյ աչաւր հասանել, և հաստատութեամբ ի նմա կալ մնալ յուսով կենացն յաւիտենականաց, զոր խոստացաւ անսուտն Աստուած, ըստ որում ասէ աստուածայինն առաքեալ, Յառաջ բան զժամանակն յաւիտենից, բայց յայտնեաց այժմ ի ձեռն յայտնութեան Միածնի Որդւոյն իւրոյ Յիսուսի Քրիստոսի Տեառն մերոյ: Աւրհնեալ է Աստուած որ ետ մեզ ուրախութիւն կատարեալ հոգեորական առ միմեանս՝ սիրովն և հաւատովք ուղղափառութեան, զոր սիրեցեր ի մանկութենէ՝ և սննդակից բեզ արարեր. և ամենեցուն մեզ առաւել նախապատիւ՝ Ո՛վ Աստուածասէրդ ըստ իմաստնական Սողովմանի խրատտութեան: Եւ վրկայէ բանիցս այսոցիկ յառաջեալ քո վարքն, և վկայեն այժմուքս իրք. բանզի ի բացուստ լինելդ բեզ ի նոյն նախանձ և յուղղափառ տարփաւզացն և միջի թողանիլ, յորոց ոչ նմանապէս զայս սիրողայ և նմին ունել զգուշութիւն և համարձակութիւն: Այսչա՛ն նմանի քո ցանկութեանն առ Աստուած բերէ ճշմարիտ: Նշանակ և զհաստատութեան առ աւետարանն՝ յորում պարտ է կալ մեզ պինդ եղեալս և անշարժս. ըստ որում ասէ Աստուածային գիրն. պատրաստ միշտ առ պատասխանատրութիւնս ամենայնի որ խնդրիցէ ի մէնջ բան յաղագս որ ի մեզ ուղղափառութեան հաւատոյն. այլ հանդերձ հեղուութեամբ ցուցեալք: Զի ոչ յաղագս փոքունց մեզ է հանդէսս, և ոչ յաղագս դիւրաբար արհամարհիլ չարացելոց, այլ յաղագս տիրականա-

գունին՝ որոյ ի մարդիկ բարեաց, և առանց որոյ անկարելի է ապրել: Քանզի Առանց հաւատոյ, ըստ գրեցելումն, անհնար է հաճոյ լինել Աստուծոյ: Բայց զիտեմք զի և հոգեւոր իմաստութեամբն՝ մեծատուն է բո կատարելութիւնդ, և ոչ ևս աշխատեսցի առ ի ցուցումն ուղիղ և ճշմարիտ բանին, ունելով մարտակից՝ նախ առաջին զԱստուածային շնորհն, և առ պսուիկ ևս զսրբոց հարանցն խոստովանութիւն, զոր իրբև զխարխս ունիցիմք, զգուշաւոր և հաստատուն առ ի հերձուածոցն առարկուածս, որք զարէն յանդուզն ալեաց ի վերայ եկելոց ընդդիմացուք. տրտմեալք ի վերայ ըստ ժամու ժամու անտեղաբար շարժմանց ընդդէմուղէղ հաւատոց: Եւ սակայն ոչ աւտար կարծեցեալք, յաղագս յառաջագոյն լսելոցն յաստուածային գրբոց հանդերձեալ լինել հերձուածս, զի ընդդիմքն երևելիք լինիցին պայծառացեալք լուսով բարեպաշտութեանն իբրև զլուսաւորս յաշխարհի, բան կենաց ունելով ըստ պատկերի առաջնոցն հաւատովք հաճոյացելոց, զոր թուէ մեզ աստուածայինն առաքեալ, սակաւս ըստ թուոյն ի մէջ բազմութեանն անչափի. և ազգաց յաւիտեանց, Բայց մեծս և առաւելս վասն առաքինութեանն և առ ի յԱստուծոյ պատուոյն, և զգալի գտացուածս. զպսոսիկ յաղթութեամբն, բանզի ասէ զիր. Զորս ոչ արժէ աշխարհ, վասն զի ճշմարտութեամբ ոչ ի բազմութենէ կերպարանաց բարեպաշտութիւն, այլ ի պաշտամանցն ճշմարտութենէ. և առ պաշտանն փութոյ և յարակայութեանց՝ ցուցանելով զառ ի Տէրն սէր, Քանզի հաւատոյն փրկական և ինքն ծնաւդացն մերոց բաղում անգամ լինի պարզև դեռ ևս մեզ տղայոց երևեցեալ. Իսկ առ Տէրն ցանկութիւն՝ յետոյ ի վերայ եղեալ առանձինն իւրաբանչիւրում գործէ զկատարելութիւն, բաժանելով զփոյթն ի յուղացելոյն, և զճշմարիտ հաւատագեալն ի լոկ և ի միայն և յանպտուղ անուանն ունաղէ. ապա ուրեմն թէև թողանին յԱստուծոյ՝ փորձութիւնք լինել և հերձուածոցն զանազանմունք վասն այնորիկ թողանին՝ զի ընդդիմքն՝ երևելիք լիցին, արժանիք եղեալք հանդերձելոցն նոցա տուելոց պատկացն՝ յերանելում և յանմահ կեանսն: Այլ վասն զի մեզ և արթնոց պէտք են խորհրդոց բարեպաշտից և փութոց, բանսն անցանիմք ընդ մէջ որոգայթից ըստ առաւորին, և ի վերայ առաջարձանաց գնամք, անընդհատ մեզ պէտք են աղաւթից առ ի պահիլ ի հլաւրացն ձեռանէն, որպէս. զի մի յեղեալ անկցուք ի վարս պեղծս:

և կամ ի չարահաւատութեան մեղադրութիւն: Եւ որչափ մեծագոյն այժմ հաւատոյ ընդդէմ աճեաց գայթակղութիւնն, այսչափ պնդագոյնս վարժուցանել զմեզ պարտ է առ ի պահպանութիւն և ի փոյթ Աստուածայնոցն աղանդոց, մի՛ գուցէ եթէ գաղտնաբար զմեզ չարահաւատութեանն նետք վիրաւորեսցեն: Արդ յառաջնունն յորժամ եկեղեցեաց խաղաղութիւն բազաբավարիւր և զատեալք էին գայթակղութիւնքն, ոչինչ մեզ վնաս էր պարզամտութիւն բաւական եղելոյ խաղաղութեանն սրբոց եկեղեցեաց ի զգուշութիւն իւրաքանչիւրում տալ: Իսկ այժմ վասն զի վնաս ի ներքս եղև եկեղեցւոյ և կալաւ ամենայն ուրեք, սկսեալ ի Ննստորի մոլորութենէն և հաստատեալ ի Քաղկեդոնի ժողովին, վասն այսորիկ ցայժմ ոչ պարզամտութեան մեզ պէտք են, այլ իմանող սրտի. բանյի զրեալ է, Չասնայն ինչ փորձեցէր, և զբարին ընկալարուք: Քանզի այսպէս ճշմարտութեամբ բարին՝ եղիցի ի բարի, յորժամ անխառն իցէ ի չարէ: Եւ զի զայս ոչ ընդունայն ասեմք այլ ծածկեսց ճշմարտապէս մոլորութիւն զեկեղեցիս Քաղկեդոնի ժողովն. և զվաղուցն դատապարտեալ Ննստորի աղանդն՝ ի նմա հաստատեաց. ոչ է դժուարին ցուցանել ի յեղեղոց, որոց ի նմին իսկ ի ժողովին կագեղոց բանիցն, և յորոց Ննստորի և յորոց միախորհ նմա աղանդոցն, սոցա զհամաձայնութիւն յանդիմանողաց մւր՝ և զնորին մտաց զիմացուած: Իսկ զսրբոցն հարանց մերոց զընդդէմ սոցա կոիւ, և զի բաց շրջումն զԱթանասի ասեմ զմեծին, և զՅուլիոսին զԼուովմայեցւոց առաջնորդին, և զԲարսղի զիմաստնոյն և զսքանչելեացն Գրիգորացն և զՅովհաննու, և զԿիւրղի յաղագս հաւատոց ճգնեցելոցն և զայլոց զամենեցունց, որք մեզ զկնի առաքելոցն առաջնորդք փրկութեան եղեն: Ումանք առ Յ. և ժԲ. ից սրբոց հարցն ժողովոյ պայծառացեալք. իսկ ոմանց զկնի յայլ ժողովս, այլ զի ըստ մասին առնուլ յաղագս այսոցիկ երկայնագոյնից է բանից:

Եւ ունի բո աստուածսիրութիւնդ զամենապատուականին և զերանելի հարն մերոյ Տիմոթէի զգիրս՝ որ ընդդէմ Քաղկեդոնի ժողովին, յանդիմանելով զայս ամենայն յայտնապէս՝ յաղագս այսոցիկ զայլն ամենայն թողեալ միոյ որպէս զլիւարի յիշեցից ժողովականի նորա՝ բան ամենեցուն: Սուրբ հարքն մեր զտնաւրէնութեան և զմարմնանալոյն Աստուծոյ Բանին զանասելին պատմելով բան, մի ասացին հաւատալ պարտ է, և

խոստովանել զԱստուծոյ Բանին բնութիւն զմարմնացելոյն կատարելապէս, և ոչ երկուս բնութիւնս կամ երկուս ներգործութիւնս, ըստ որում և յայնժամ ոմանց թուէր Հերձուածողաց. զի մի՛ երկաւորութիւն որոց՝ ի ներքս ածիցեմք: Որպէս ոչ եղև ի մարմնանալոյ Միածնին յաւելուած Որդւոյ. ոչ ընկալելոյ Աստուծոյ բանին, այլ ունայնացելոյ թափեցելոյ զինքն անյեղարար յաղքատութեան չափս. կցորդութիւն առեալ մարմնոյ և արեան յԱստուածածին Մարիամայ. ըստ որում ասէ առաքեալ մերձաւորութեամբ մեզ և իմանալի անձին, զի ըստ ամենայնի զառ ի մեզ նմանութիւն ցուցցէ յինքեան ճշմարիտ առանց մեղաց մնացեալ, որպէս և էրն Աստուած Բանն, նորոգելով յինքեան զմեր բնութիւնն յաղագս առ մեզ ազգակցութեան հնարաբար ունաւղացս մեզ լինել վասն զաւրացելոց մեղացն, և զյարութեանն յոյս պարզեւելով՝ որոց զնմանէ առ մարմին ի վեր քան զապականութիւն և զմահ եղեալ վասն տնաւրէնութեան: Իսկ Աստուածարար զմեզ ապրեցուցանելով վասն բնական իւրոյ անշարչարական բնութեանն և իշխանութեանն: Քանչի անփոփոխելի ոչինչ, նուազ և անայլայլելի մնայ, ըստ որում ինքն է և եղեալ մարդ: Քանչի այս է մեծ բարեպաշտութեան խորհուրդն, որպէս զի մեզ, մի և զնոյն խոստովանել՝ և յորս սքանչելագործէն՝ և յորս չարչարին, և զխոնարհութեանցն կրէ, ունելով ի մարմնանալոյն զպատճառս խոնարհութեան: Իսկ որք ի Քաղկեդոնի ժողովին՝ երկուս բնութիւնս ներգործել ի Քրիստոսի կամին առաջնակի, և ըստ մասի միոյն զխոնարհականսն խաւսեցելոյ, իսկ միւսոյն զԱստուածայինսն գործաւղի. և զայս բան ամենայն գործեցելովքն ի նա զգիմացն երկաւորութեան զաղտնաբար ի ներքս ածեալ աղանդ՝ պարկեշտական ձայնի բնութեանցն. զի ստուարացեալ եղիցի վնասն: Եւ ըստ անգամ զի և յայտնապէս իսկ զայս խաւսին կերպարանաց ներգործութիւնս, և երկուց ոմանց հաղորդութիւնս ի ներքս ածեալք, և ոչ որպէս յաղագս միոյ ուրուք Տեառն խաւսեցեալք, այլ որպէս յաղագս երկուց շարամանեցելոց միմեանց պատուոյ և անփառութեան, և այլոց ամենեցունց, ըստ որում եթէ ոք թողացուցէ ճշմարիտ լինել՝ որչափ ի նոսա եկն, ոչինչ եղիցի աւտար և կամ զարմայման արժանի տնաւրէնութիւնն Տեառն: Այլ և ոչ թափման ճշմարտապէս. և ոչ խոնարհութեան համբերեալ երևեսցի Աստուծոյ

բանն, և ոչ Հաւր զՄիածին Որդին իւր՝ յաղագս մարդկան փրկութեան տուեալ այլ և ոչ փառաց Տէր լինել խաչեցեալն:

Զի թէ զեռնարհականսն մարդկային բնութիւնն ըստ ինքեան ներգործէր, իսկ Բանին դարձեալ ըստ ինքեան զԱստուածայինսն գործաւղի, որպէս ոչ սրբոց հարցն մերոց՝ և ոչ կշռող բանի ճշմարիտ թուեցաւ լինել ընուութեամբն՝ ընկալեալ Աստուծոյ Բանին զմարդեղութիւնն. և այսպէս իւր անձինն արարեալ զշնչական մարմինն որպէս իւրաքանչիւրում մարդոյ առանձին իւր մարմինն: Զի այսպէս ամենայնի միոյ զիմաց անբաժանարար վերագրեացի. և միում էացելոյ Աստուծոյ Բանին մարմնացելոյ, Իսկ որք յառաջ ասացելոյ ընդունայնարունութեան զՏեո երթեալք, բովանդակ կոչելում տումարին համաձայնութեամբ նմա արարին արտադրեցին սահման հաւատոյ, յորում և յայտնապէս ընդդէմ հարցն բերեալք՝ եղեն բարեպաշտութեան ի բաց բարոյեալք:

Զոր ասեն մի բնութիւն գոլ Տեառն մերոյ Յիսուսի Քրիստոսի և ոչ երկուս, ոչ պատկառեալք ոչ ի մերձուորագունից լուսաւորացելոց եպիսկոպոսաց պատոյ որպէս ի Վիւրդէ Աղէքսանդրացւոյն ասեմ, և յԱկակայ՝ որ ի Հայոց աշխարհին բահանայպետ եղելոյ, և ոչ յորոց Վիւրեղ նոյն յորս առ Սեկունդոս. և Վաղերիանոս թուղթան, և ոչ միայն յաշխատացելւմն, յորում վերագրեալն է. թէ մի է Քրիստոս, զյաղագս այսոյիկն արտադրէ բան. եթէ պարտ է մեզ ասելով մի բնութիւն զԱստուծոյ բանին մարմնացելոյ խոստովանել՝ և ոչ երկուս ընուութիւնս ի ճշմարիտ միութիւն երկաւորութեան բան ոչ մնացելոց: Իսկ Ակակ միւսն՝ յորում առ Անդրէաս աշխատութիւնսն յորում առ երանելին Վիւրդի թղթի, զնոյն ունի բան. և զի և այլոց բազմաց եպիսկոպոսաց են յաղագս այսոյիկ պէտք, գիտէ բո իմաստութիւնդ յառաջասացելոց զրոցն երանելոյն Տիմոթէոսի, Բայց ուստի որք քաղկեդոնացւոց ժողովն յայսոսիկ յառաջ եկին ի բանս՝ Թէոդորիտոս, և յԻբաս առաջնորդք նոցա, որք Նեստորի խորհրդակիցք էին համախորհուրդք, և զուզութեան նորա լուծման յեպիսկոպոսութենէն հասեալք, ևս առաւել եթէ նորին նզովից որք մնացեալք եղեն մինչև ի Քաղկեդոնի ժողովն առ ի բազմաց վնաս. զի և յայլ փոխադրեցեն յընտանեկան մոլորութենէն, և որպէս բազմաց հաւատարմացուցին զմեզ բանք. եթէ կենդանի եւս էր Նեստոր յարտն:



մինչդեռ ժողովին ժողովեցելոյ, և առաքեցան վերստին ածաւղբ  
 զնա Մաղիստրիանոսք Տանդերձ բազում պատուով, և ուսնալ լայս  
 նեստորի պարծէր ի վերայ Աստուածաձնին, որպէս թէ արդա-  
 րապէս՝ որ արժանի արարեալ զնա այսմ անուանակոչութեան  
 թէ չէր Աստուածածին Մարիամ, ասէր: Եւ ասաց ՏայՏոյութիւն  
 ի բարկութեան Աստուծոյ, արդարապէս վայել է ի լեզուն յոր-  
 մէ յառաջ զՏայՏոյութիւնն երեր, քանզի լուծելոց՝ որք ի ներ-  
 բուստ ունաւոյց անյամոցն երկայնացեալ բազում յատամանց  
 արտաքս վազեաց. և վիրաւոր ի ժանտահոտ թարախով՝ բղիւ-  
 ցելոյ որդանց բազմութեան, և այս աւրինակաւ թշնամանելի  
 մատնեալ մահու՝ արդելաւ աթոռակից ժողովոյն: Եւ այս առա-  
 ւել յայտնի ի վերայ ամպարշտութեանն լինի, որպէս զի մի  
 այնոցիկ որ զնորայն իմանան ընդդիմաբանութեան տեղի թող-  
 ցի, զոր իմացեալ որք զոյգ նորա չարահաւատութեան էին՝ առ  
 մին միայն Տայեցեալք, եթէ որպէս զիւրեանց աղանդոսն հաս-  
 տատել կարասցեն, և եկեղեցեաց սերմանել: Խորհին այնու՛նե-  
 տե զնա նզովել, առ ի խարէութիւն պարզամտաց, զի զիւրեանցն  
 ի ներքս ածելով Տերձուածս՝ ոչ մի ինչ փնաս կրել կարծեցեալք  
 յիւրեանց աղանդն ի նորա երեսացն մերժմանէ. և վասն այնր  
 բանի՝ ի նմին իսկ ժողովին՝ զայրն ՏայՏոյեալք՝ զնորին հեր-  
 ձուածս հաստատեցին:

Արդ ոյց բարի խորհաւոյց ոչ ընդրելի է ի նոցա փախ-  
 չել հաղորդութենէ, թէ և հարկ լիցի ի բիւր ըմբոնիլ շարիս:  
 Քանզի գրեալ է. Ո՛վ մեկեացէ զմեզ ի սիրոյն Քրիստոսի, նե-  
 դու թիւն թէ անձկութիւն. և որ զկնի այսոցիկ, Ապա թէ որ  
 ասիցէ յաղագս պիտոյից Եւտիքեայ աղանդոյն՝ ուրացողին զայրն  
 ճշմարիտ մարմնանալն, այսպէս հարկաւորութեամբ շարագրելն  
 զտուժարն բազում այսպիսին պարտական է անմտութեան. բան-  
 զի զոր աւրինակ բժշկաց մանգունք՝ յորժամ հիւանդացելոց  
 անդամոց հոգ տարցին, ոչ է հարկ զիւրեանցսն վիրաւորել մար-  
 մինս՝ զի այլոց առողջութիւն տայցեն. քանզի զինչ աւգուտ է  
 հիւանդացելու՞ն յընկերին վիրաց, այլ պիտանացուաւր վարիլ  
 դեղովն աւգնականութիւն հիւանդին: Այսպէս և ոչ սոցա հարկ  
 է որ ըմբոնիլ յաղանդից ի բաց դառնալ կամեցելոց զմիւսն, այլ  
 որպէս կարգաւոր է ուղիղ համառուտաւոյց զբանն ճշմարտու-  
 թեան. զադարեցուցանելով զնա ի մոլորութենէն, զի լցեալ են  
 Աստուածային զիրբ և լիր և սրբոց հարցն շարագրութիւնր,

առողջ և փրկական բանիւք, յորոց է գիւրաբար զամենայն Հերձուածողս յանդիմանել: Այլ որպէս յառաջեալ ասացաք, մի եղև սոցա փոյթ՝ և ոչ այլ ինչ զիւրեանց Հերձուածսն աղանդել ժամանակ գտեալք ի հաստատութիւն այսորիկ. զի աւգնականութիւն այնորիկ որ յայնժամ առ ժողովն Քաղկեդոնի բոլոր իրաց իշխէր, որ յոյժ ջերմութեամբ յարեալ ի նստորի աղանդն:

Այլ վասն զի ըստուրմք առ պատասխանատուութիւն ասացելոցս չարեացս՝ վասն գիտութիւն եղելոցս՝ առաջի արկանեն. և այլք դարձեալ պատասպարտութիւն չարեացս մինչև ի յանցուցեալսն որոշն, և ոչ մի ինչ զինքեան ասացեալ փնաս կրել յայլոց յանցանայն, հարկ եղև զնոցա զանմութիւնն՝ բում Աստուածսիրութեանդ՝ յաղազս անմեղացն ուղղութեան, ցուցանելով նոցա յիւրեանց յանդգնութենէն զփնաս: Քանզի նախ առաջին ոչ յանուրջս եղեն չարիքս, և ոչ սակաւուց մարդոց զի մի մոռացի եղեալս. այլ ի մեծագունին և ի պայծառագունին բաղարին, և յայսչափաց եպիսկոպոսաց՝ գրեթէ յամենայն աշխարհաց ժողովելոց, որպէս զի մի՛ ինչ ի գործելոցն անլուր լինել հաւատարիմ եպիսկոպոսացն՝ հեծելով զեղեալն, և բռնութեամբ յայնժամ ունաւդացն զչարիսն վերագրելոցն: Բայց ևս և այսպէս՝ և ոչ լուութեան իսկ իրքս մատնեցելոցն ընդդէմ ասեմ, և ի նմին իսկ ի թագաւորական բաղարին, և յայլս ելև՝ լիս բաղարս ժողովրդոց պատրաստաբար միշտ զժողովն զայն նյովաւդաց, յորժամ զփոքր ինչ պատճառաց բուռն հարցեն. զի ամենայն իրաւք և զայս գիտացեալք զի և ի բաց և քաղաքավարութեան չարիք՝ և խտրութիւնք պատերազմաց անդուստ լսկիզբն առին, որպէս զի և զառաջինն զայն՝ զթագաւորականըն զհռովմայեցուց՝ յորմէ կուցեալ տուժարն առաքեցաւ՝ չարեաց զփորձ առնուլ: Քանզի ի ժամանակէն յայնմանէ առանց թագաւորի և ըստմատիկ եղեալ և կցորդութիւն ընկայան, ոչինչ նուազ և այլ բաղար չարեաց՝ որպէս զի ժամ լինել Տեառն ձայնին ասացելոց: Հանդերձեալ էք, ասէ, լսել պատերազմունս և համբաւս պատերազմաց. բանզի որպէս ի վերայ գգուչաւոր ամրութեան զաւրաւորի որ առ դաւաճանութիւն թշնամուցն է յորժամ ի ներբուստ բնակաւպացն՝ մասն ինչ ի սմանէ հատցի դիւրեւակ թշնամացն առնէ զելն, և փոքր մի սորա ի վերայ ելեալք մինչև ի կատարեալ առումն:

Այսպէս են ուղիղ հաւատոյն մատնեցելոյ, որ քան զամենայն է զգուշութիւն, և մերոց անձանց և այլոց իրաց պահպանաւոր, ճանապարհ եզիտ թշնամին առ ի մեզ, և ի հասարակաց իսկ նենգութեան, և վասն այսորիկ ամենայն ուրեք խոտվութիւնս ծաւալեցոյց: Այլ զայս ևս խորհիլ պարտ է, զի Տեառն ասացեալ է անորոշարար՝ եթէ Որ ոչ է ընդիս՝ հակառակ իմ է. հարկ է ամենայնի ընդ այնոսիկ կարգիլ, ընդ որս և հաղորդութիւն ունին թէ գիտիցէ և թէ ոչ գիտիցէ: Քանզի որպէս որք ուղղափառութեան հաւատոյն են զլուս, և փրկիչ ունելով իւրեանց զՏէրն, միմեանց անդամք յայտնին շաղկապաւ հաւատովն և սրբոյ Հոգւոյ զաւրութեամբ՝ որչափ և իւրեանց, կամ թէ ուր և վարեցին. կամ ո՞ր չափում հասակի, այսպէս և ի վերայ առանց ուղիղ հաւատոյն՝ հարկ է ընտրել, և որպէս ի վերայ այլոց հերձուածոյն դատիմք. և մանաւանդ զի բիւրացելոց ի նոսա անգիտից զհերձուածոցն չարութիւն. կամի այսուհետեւ զմեզ բանն ճշմարտութեանս ստոյգ լինել և արթունս, ըստ որում յառաջագոյն ասացաք յաղագս ուղղափառ հաւատոյ: Ասան զի չարիքն ոչ մինչև յարարաւորն հաստին՝ այլևայլս տարեալ լինին, որք նոցա հաղորդութեանն կցորդ եղեալք: յաղագս միաւորութեան բանին զոր պարտ է առ միմեանս ունել՝ որք ի նոյն պատարագս վայելեմք: Զայսոսիկ գիտացեալք, մանաւանդ թէ ուսեալք յԱստուածաշունչ գրոց ի հարցն վարդապետութեանց՝ ի ձեռն Աստուծոյ մարտակցութեանն պահեսցուք զմեզ, ոչ եղեալք հաղորդ պատրանաց այսոցիկ, այլ աղաւթելով զսուրբ հաւատն՝ անրիժ պահել և անշաղախ մինչև ի գալուստն Տեառն, որում սպասեսցուք. ոչինչ մեծ կարացեալք զմերձակայսս. քանզի անցե՛ ձև աշխարհիս այսորիկ, իբրև զտաղաւար լուծեալ, յորժամ ճշմարտութիւնն՝ առ միշտ հաստատուն կացեալն մերձեսցի, յորժամ երանելի եղիցի ուղղափառութեան հաւատովն, Որդին Աստուծոյ եկեալ երևեսցի գտցէ զնա, և ամբիժ վարուք, յորս և զրոյդ աղաւթեմք և հաւատամք, լինել Աստուածսիրութիւն՝ համբերութեամբ առ նա սիրովն, և այսու առ Աստուած սէրն, ասէ Աստուածաբանն Յովհաննէս. զի ըստ պատուիրանաց նորա գնասցուք, քանզի բազում սուտ մարգարէք ելին յաշխարհ: Ոմանք ուրացեալք, մարմին համագոյական առնուլ մեզ զՏեառնն՝ որպիսի լինել ասան զԵւտիբոսի տգիտի. Իսկ ոմանք ընտրեան

երկաւորութիւն, երկուս ընութիւնս առանձինն գործով ներգործել ի Քրիստոս, ասացեալ երկաքանչիւրոցն առանձնակի և կատարելագէտս զընտանեկան գործաւղաց, որ է բաժանումն անասելի Աստուծոյ Բանին, որպիսիս լինել ասացաք զորս ի Քաղկեդոնին՝ և որք՝ յարեւելս ցարդ ևս եպիսկոպոսք պնդաբար աւգնական են նորոգաձեւութեան այսպիսեացս աղանդից, Քանչի ուսաք և որ ի Մծբին զաթոռն ունի եպիսկոպոսութեան՝ յայտնապէս զնետորին գովել անամաւթաբար զամպարչտութիւն զգայուելով, յորոց մեզ ի բաց կալ բովանդակ ամենայն իրաւք, և որչափ է զաւրութիւն, բանչի ասէ զիր, Ելէք ի միջոյ նոցա և մեկնեցարուք, և ի պիղծս մի մերձնայք, և ես ընկալայց զձեզ, Բայց դու ո՛վ Աստուածասէրդ՝ յայտոսիկ յառաջատեան, և որ որ բեզն հաւանին, բարի խորհելով պահեա՛, և զոր անխորարար ամենեցուն հաղորդել յանձին ունին՝ յորում և իցեն յերկրի, բանչի նմին ամբաստանութեան և սորբա արժանիք են, որոց և յանցուցեալք են, զի կատարեալ զհամբերութեան վարձն բո ի բաց առցես, Քանչի ինքն ասաց ի ձեռն մարգարէին, Կայց մնա՛ ինձ յաւուրն յանդիմանութեան իմոյ, աղաչեա՛ զՏէր, և զմեզ զամենայն ուղղափառս՝ պահել ի յուսացելումս յայսմիկ յերանելի հաւատիս, և հոգալ պիտանացու վարուց՝ զի արժանի լիցուք հասարակաբար ընդ սուրբս հասանել ուղորմութեանն Աստուծոյ՝ սուրբ զառ ի նա պաշտաւնն պահեցեալք՝ ամէն:

Եւ զմեզ տառապեալքս որ զրեցաք զայդ, յիշելոյ արժանի արարէք, ո՛ր որ և կարդացէ. և եթէ որ ի մենչ կոչեսցէ պատրաստ եմք վասն նորին հաւատոյ պատասխանի առնել և եթէ իցէ յումեք ճշմարիտ նախանձ հաւատոյն Քրիստոսի՝ յայտարարէք՝ կարդալով զթուղթդ զայդ, և մի՛ լով պարծեսցի Քրիստոնեայ լինել, զի ոչ բանիւք արքայութիւնն Աստուծոյ, այլ գործով:

Զամենանուսաս, և զանպիպանս, զԹուհաս և զԾնաւոցն ի՛ն յիշեցէ՛ ի սուրբ աշտաւնս չեք, ո՛վ դաստ ուղղափառասց:



**ՍՐԲԱՍԷՐ ԵՊԻՍԿՈՊՈՍԱՏՑ ՄԱՆԱՍԷԻ, ՅՈՎՀԱՆԷՍԻ ԵՒ ՏԵԱՌՆ ԳԻԳԱՅ ԴԱՂՏԿԱՐԱՆԵՒ ԵՒ ՏԵԱՌՆ ՍԱՐԳՍԻ ԵՒ ՏԵԱՌՆ ՎԱՐԴԱՊԵՏԻ Ի ՍԱՀԱԿԱՑ ԿՈՐՈՒՍԵԱԼ ԺԱՌԱՏԵԼ ԽՈՆԱՐՀ ԵՐԿՐՊԱԳՈՒԹԻՒՆ:**

**Ք**սաՀման հաւատոյ՝ զոր ուղղափառ վարդապետաց Հայաստան աշխարհիս հաստատեալ էր անշարժելի պահել, և հետանալ յամենայն հերձուածոց, մանաւանդ յաղանդոյն տարագիր եղելոյ ուրացողին նեատորի, և յորմէ առաւելագոյն պարտ էր փախչել և պիղծ և աղտեղի համարել, բարիատեաց չար բանսարկուն մտամոլար և պակշոտեալ պատրանաւք զիս գայթակղեցոյց, խնամութիւն առնելով ընդ աշակերտս անյիշելոյն նեատորի, Վասն որոյ արժանի էի տանջանաց և իսպառ կորլստեան ըստ անաւրէն գործոց իմոց, և դուր, տեարք, զողորմութիւնն Աստուծոյ արարէք ի վերայ իմ տալով ինձ տեղի ապաշխարութեան, և ես պայման արարի առաջի վարդապետաց իմոց և տերանց Աստուածային ուխտիւ, ամենեւին չհաղորդել ընդ պատուիրանազանցս և թերահաւատ ազգին և որ ծնաւդն անուանեալ են կնոջ իմոյ, մի՛ յաղաւթս, և մի՛ կերակուրս, և մի՛ յայլ ինչ երթեկութեան սէր և ընդանութիւն, այլ որպէս զմի որ յաւտարականաց համարել, եւ թէ թերի գտայց միով իւրի նշովեալ եղէց յամենասուրբ Երրորդութենէն, և ի ձէնջ տերանց պատուհաս կրեցից, և հազար ստեր \*) դրամ տուգան

\*) Այսպէս յօրինակին.

տացից ի սուրբ եկեղեցի, և կնքեցից <sup>\*)</sup> զայս պայման նամակ.  
 Ես Սահակ Համալասպայ որդի յԱրածի գեղջէ իմ մատամբ:

Եւ վաւերական մատանի՝ Մանասէ Բասենոյ եպիսկոպոս.  
 և Յովհաննէս Ամատունեայ եպիսկոպոս, և Գիգ Դաշտկարին.  
 և Սարգիս Զաւրականեան, և վարդապետ Քչկան ի վերայ  
 եղին:




---

\*) Այսպէս յօրինակին.

**ԱՅՍ ԱՌԱՋԻՆ ԹՈՒՂԹ ԳՐԵՑԱԻ Ի ՄՈՎՍԷՍԷ  
ԵՊԻՍԿՈՊՈՍԷ  
ԱՌ ՎՐԹԱՆԷՍ ՔԵՐԴՈՂ ՍՐԲՈՅՆ ԳՐԻԳՈՐԻ  
ՏԵՂԱՊԱՆ**

**Փ** ափաբելի վիճակի Քրիստոսեան հաւատոցն սիրելու-  
թեամբ ընդունաւդ, և ինձ երևեալ հայրաձև և մերձաւոր Տէր  
Վրթանէս. ի Մովսէսէ անարժանէ, բեւ և բոյոյցդ, բազում խո-  
նարհութեամբ երկրպագութիւն. ընդ որով և առաւել ողջունի  
հարցութիւն:

Ծանուցանեմ փոքր ի շատէ Տեառն մերում զդժնդակ նե-  
ղութիւնս որ եհաս մեզ: Դէպ եղև ինձ ի տիս տղայութեան  
հասանել յեպիսկոպոսարանն Յուրտաւայ: որոյ եկեղեցւոյ ըստ  
աւրինաց աշակերտ իսկ էի. որ սնայ և ուսայ դպրութիւն  
հայերէն և վրացերէն, ուր և պարզեցաւ իսկ ինձ արժանի ի  
Տեառնէ հասանել յաթոռ վարդապետական նոյն տան դրանն  
բղեշխի Ոչ եթէ ըստ արժանեաց ինչ իմոց ասեմ. այլ որպէս  
կարծեմ ի յանդիմանութիւն ուրացաւոյց զՈրդին Աստուծոյ.  
քանզի յայսչափ անցելոց ժամանակաց ապա ևս հասի ի վերայ.  
Թէ որպէս Վիրք վկանաւագեղ տերեն միայն ունէին. ո՞տս  
առանց պտղոյ ունելով յինքեանս, ըստ աւրինակի սաղարթա-  
լից թփնէնոյն՝ յորում ոչ եղիտ պտուղ Տէրն, այլ տերև միայն.  
ըստ որում և այսորիկ ի հաճոյս մարդկան, զամենայն պաշ-  
տաւնն լի և կատարեալ կարծեցուցանէին ցուցանել: Իսկ յոր-  
ժամ ծանեաք զմեծարանսն հրէական սահմանի ժողովոյն Քաղ-  
կեդոնի, և զհայհոյութիւնս՝ որ յՈրդին Աստուծոյ. նա և ոչ  
տերեն կանաչ զոյր ի նոսա, վասն որոյ զբանն ի վեր առեալ՝  
թշնամի՛ եղեաք կաթուղիկոս անուանն, և ամենայն իշխանացն  
և աշխարհին և վախճան՝ հալածեցայ. և թէպէտ վասն իմ մե-

զացն. ի ժամուս յառաջնորդութենէ զրկեալ է աշխարհս Հայոց,  
 հարկ համարեցայ զալ ծանուցանել սրբութեանդ ձերում զկո-  
 րուստ աշխարհին, և զիմ տառապանս. և թէ ո՞րպէս վասն  
 խստութեան ձմերայնւոյս և զնդայոյդ լինելոյ, արգելեալ եղէ  
 ի սրբոյ Մկրտչի Յովհաննու ի վանս որ յԱրեգածու ոտին. և  
 ընկալեալ ես ի ձեռն երանելոյ տեառն Բարիւլասայ վանից  
 երէցու՝ զայդ ի մանկանէդ լսէք: Բայց առ ժամս գրեցի և ես  
 ի հայ լեզու ցիշխանութիւնն Յուրտաւայ Եկեղեցւոյն: Հրա-  
 մայեցէք զրել և դուք զի նախանձաւոր են ուղղափառ հաւա-  
 տոյ. թո՛ղ զի յաղանդոյն առաւել զգուշանան. Եւ ինձ ի ձեռն  
 թղթոյ խրատ տո՛ւք բերել. և զողջոյն սրբութեան ձերոյ ծա-  
 նուցէք:





## ՊԼՏՏՍԻՆՆԻ ԹՂԹՈՅՆ ՄՈՎՍԷՍԻ. Ի ՎՐԹԱՆԻՍԷ:

**Չ**գիրս ողջունի սրբութեան քո ընկալեալ, զոհանալով  
վնասուծոյ ուրախացայ. զի նախանձաւոր էր ուղղափառ հաւու-  
տոյ. և ասպնջական սուրբ հարցն:

Ճշմարիտ վարդապետութեանն որ տնկեցաւ յաշխարհս  
մեր ի ձեռն երից երանեալ սուրբ և բաշ, և անվանդիտող նս-  
հատակին տեառն Գրիգորի, և զի յապստամբող, և ի վերջին  
ժամանակս հասեալ եմք, ոչինչ են զարմանք տեսանել՝ զոր սըր-  
բութիւնդ ձեր գրեաց: Քանզի տակաւն ևս տեսանեմք զգու-  
շակութիւն նուիրական առաքելոյն, թէ Հերձուածք լինելոց են  
ի ձեզ, և պայն ևս թէ Որ ընդիրքն են ի ձեզ՝ երեւեցին. զոր  
ճշմարտիւ սրբութիւնդ քո կատարեաց. հալածանաց և բազ-  
մապատիկ նեղութեանց համբերելով: Եւ ի վերայ դորին եղի-  
ցի քեզ միշտ արիանալ. և անկնքելի շնորհիւն Քրիստոսի Աս-  
տուծոյ մերոյ, և լրջմտութեամբ ստանալ պարգևս՝ ի բաւական  
աջոյն: Իսկ որ ի բազմացն փութայք շահաւորութիւն, ցանկա-  
լի է. և որ յընկերսիրութիւնն ընթանայք աւզուտ, տենչալի է.  
ըստ այնմ: Թէ Ոչ խնդրեմ վանձին աւզուտ՝ այլ զբազմաց, զի  
ապրեացին: Զթուղթն զոր խնդրեցեր ի հայ լեզուան, արարի.  
և եթէ կամի Քրիստոս Աստուած ի մաւտէ աւուրս Վաթուղի-  
կոս կամին նստուցանել, զհոգս ձեր շնորհիւն Քրիստոսի Աս-  
տուծոյ՝ նա հոգայ և մեր սատարեմք մինչև ի կատարումն գոր-  
ծոյդ ըստ կարի մերում:



## ԹՈՒՂԹ ԶՐՋԱԿԱՅԱԿԱՆ ՄՈՎՍԷՍԻ ԵՊԻՍԿՈՎՈՍԻ:

**Ի** ժամաւրութիւն երկնից վիճակաւը սրբութեամբ երկրպագեալը սրբոյ Երրորդութեանն, Քրիստոսեան հաւատոցն սիրելութեամբ ընդունաւդք. ի ձեռն երեք երանելոյ անլսն-գիտող նահատակն տեսոն սրբոյն Պրիգորի հայալեզու ի. Խա-նութեանդ Յուրտաւայ եկեղեցւոյ, առ որս առաւել հարկ հա-մարեցայ գրել իսկ յաւթարութեամբ լսաւզաց, առ հասարակ ա-մենայն պաշտանէից սրբոյ եկեղեցւոյ հանդերձ միաբանական ժողովրդեամբ. ի Մովսիսէ անարժանէ Տերամբ ողջոյն. ընդ ու-րով և առաւել ի խղաղութեան պահպանեալը ի ջիբ, յուսով սրբոյ Երրորդութեանն:

Սիրելիք. ի սկզբանէ իսկ ընդ որս հաճեցաւ Աստուած և կոչեաց ի սպասաւորութիւն մեծի տէրութեան իւրոյ, զյոյժ քաջահաճոյսն ընդրեալ՝ իմացեալ տեսանեմք, որոյ զվերակա-ցութիւն ժողովրդեան շնորհաց, և կամորոց զմարգարէութեան շնորհն առաջի էարկ. Ոմանք տեղի և տուն և յաւթարութեամբ լուան կոչմանն, և կէսք յապաղէին զշնորհն և բամբասէին՝ և ոչ մի որ ի նոցանէ, վասն զի կէսքն ի սպասաւորութեանն մե-ծութենէ զարճուրեալ երկնչէին, այլքն հաւատովքն. համարձա-կեալը կոչաւղին զհետ չողան: Վասն որոյ ոմանք հրաժարմամբն զզաւրութիւնս նշանացն պահանջն որ յճգիպտոսն, և այլը յաւթարութեամբն հաւատացան այլոյ բերան լինել և ոմանք համարձակութեամբ ի ձեռն սերովքէին կայծակամբն սրբեցան, և այլը երկնտութեամբն վաւետիսն պահանջն՝ թէ յարգանդի իսկ սրբեցի: Բայց դարձեալ տեսանեմք և այլս ոմանս կոչեցեալս և ի նոյն սպասաւորութիւն կարգեալս. զոմանս աւճեալ ի թա-գաւորութիւն ի հրամանէ Աստուծոյ. և զոմանս դասեալ յա-ռաքելութեան շնորհս. և զի չեստուն զինքեանս բովանդակ Հոգ-

ւոյն սրբոյ, և զի ոչ ցուցին զնացս արժանաւորս ըստ կամաց կողողն, ոչ միայն չաւգտեցան ինչ ի շնորհէն, այլ զի և պատժեցան. ևս և պատժելոյ են չարաչար. Բայցայայտ է ամենեցուն զի Աստուած մեր ոմանց է լոյս. բայց ոմանց հուր, ըստ իւրաքանչիւր նիւթոյ որպիսութեանն. ապա ուրեմն զստացուած զոր տայ ումք Տէր յաւանդ, պարտ է երկիւղիւ զգուշանալ և պահել, և առաւել ևս աճեցուցանել, այլ ոչ ևս կորուսանել. զի պարզեք Աստուծոյ առանց համարողական հանդիսի ոչ ունին դիւրանալ, այլ որպէս տուեալն լինի առատութեամբ ըստ նմին և հատուցանելի է աճելութեամբ. մանաւանդ զառաջնորդութեան ստացուած զաւրինաւոր, որոյ որբան է բարձրութիւն՝ նոյնքան և վտանգն:

Որ որ ջանայցէ կատարել զհրամայեալսն բովանդակ, որ եպիսկոպոսաց և երիցանց կարգեցան, աշխոյժ և ողջախոհս լինելն և ուսուցիչս անրաղբաղայս յամենայնի. ծախելով զմարմինն ի հողին յաւելուլ զգոյցսն հալածելով՝ ի գահաժիժութենէ զփարսին պահել, մերձենալ առ Աստուած և ընծայել զայլս: Արդ վասն զի և մեզ զգիպուած աշտիճանին. թէպէտ և կարգ մի զհրաժարելն ուսուցանէր, և առաւել ևս երկնչոտանալ ընդ երկնչոտան. զի թէ յարժանաւորաց իսկ որ լեալք, և յոյժ իսկ ի քաջահաճոյիցն, սակայն ի վերագոյն էր բան զմեր տկար բնութիւնս. միջնորդ ընդ Աստուած և ընդ մարդիկ լինել. զմտաւածելով թէ զուցէ վրիպեալք ինչ պատուհարիցիմք, թող թէ և յանարժանից ևս: Բայց դարձեալ միւս ևս կարգն. զհնազանդելն ուսուցանէր, զի որպէս ի հայրենեաց իմն ի սննդեան տեղւոյ կոչեցեալ եղեաք հաւատովք Աստուծոյ նախահնամութեանն զշնորհս վարկանելով, յաղազս որոյ տնդի տուեալ յաւժարութեամբ շուք կոմանն. վասն որոյ և յանկարծակի իմն ի վերայ հասեալք հայհոյութեան ինչ զոր յՈրդին Աստուծոյ էր հաստատեալ շնորհակորուսացն, առ որս ծանուցեալ զվէրս անհրանարինս. և չիշխեցեալ ընկենուլ ընդ լուութեամբ զախտն զոր և շարժեցաք իսկ: Վասն որոյ և թշնամի եղեաք ամենեցուն, և որչափ յանդիմանեցաք, առաւել ևս սպառնացեալ եղեաք, ի քահանայապետից և յիշխանաց, մինչև հայածել Ինձ այսպէս թուի թէ զոր աւրինակ ընդ դատապարտութեամբ անկեալ լինէի թէ զիտէի զախտն և ծածկէի, նոյնպէս և չարաչար բարկութեան էի արժանի, որ լսէն և անփոյթ առնէ, որպէս և ա-

րարին իսկ անկողթ. որք զառաջնորդել ուրուք չունին յանձին, և ինքեան և ոչ զգիւրագիտելին անգամ կարեն առնուլ ի միտ, թէ երբ և կամ յուժմէ՛ գերեալք եղեալ իցեն ի գեղեցիկ հայրենի իւրեանց ժառանգութենէն, այլ և վարիցեն ևս ընդ ինքեանս ի գերութեան և զհաւտն, որ պարտէին կենաց: Ապա ուրեմն յիրաւի լուիցեն զսպառնացեալսն Աստուծոյ, զորս և աստուածանւոյն Երեմիայիւ. Քահանայք, ասէ, ոչ ասացին, ուր է Տէր. և հովիւք ամպարշտեցան յինէն, և ցրուեցին զոչխար արաւտի իմոյ: Եւ ապա զի՛նչ. Յաղագս այդորիկ, այսպէս ասէ Տէր. Ո՛վ հովիւք, որ կորուսէք և ցրեցէք զոչխարս արաւտի իմոյ, արդ ճհաւասիկ ես վրէժ առից ի ձէնջ, զի լցան աւուրք ձեր ի հողհողումն \*): Արդ զի զսիրելի զՄիածին Որդին Աստուծոյ զսպանաւոյն ակտացան, յայտ է. թէ ըստ աւրինակի նոցա և ոչ ի մարմնաւոր պատուհասէ վրիպելոց են: Եւ նոքա զի՛նչ պատուհաս կրեցին արդեաւք. սովոյն դեղ արարին կանայք նոցա զսիրելի որդիս իւրեանց՝ զորս խորովէին և ուտէին ի պաշարելն Տիտոսի զԵրուսաղէմ: Ջորս Ջրիւր՝ սովոյն սատակեաց, ձ. և Ի. բիւր սրով կոտորեաց, Ծ. բիւր ի գերութեան վարեաց. և պատճառք այսչափ ըստութեան ի քաղաքին գտանելոյ՝ գատիկ տաւնին էր. յորում ամենայն ազգն ի մի վայր գումարեալ էին և իրրև ի բանդի արգելան. զի յորում աւուր նենդեցին զկեանսն իւրեանց զՔրիստոս Աստուած, ի նմին աւուր զհատուցումն ընկալան: Եւ այժմ որք զնոցայն ակտանան՝ յայտ է. թէ ընդ նոսին և պատժելոց են՝ և զաստիս և զանտին:

Արդ զի ընդ որս մի՛ և մեզ լիցի լսել զահագին սպառնալիսն Աստուծոյ, և կրել զանողորմ զպատուհաս զայն, հարկ համարեցայ ի ձեռն զգուշացուցիչ թղթոյս խաւսել յականջս Աստուածսիրութեանդ ձերոյ. զգոյշ և աշխոյժ լինել ի հաղորդութենէ տէրութեաց և տիրասպանաց մեծարողաց ժողովոյն Քաղկեդոնի: Քանչի առաջնորդք ժողովոյն՝ աղանդակիցք՝ Նեստորի էին, և հալածեալք յեկեղեցւոյ, բոց սատար գտեալ զթագաւորն Մարկիանոս և զկին նորին Պաղքերիառէ. սոքա քինախնդիրք եղեալ Նեստորի, յեղեալ ի բաց տապալեցին զառաջին սահմանս զերանելի վարդապետացն. և ոչ մնաց խոստովանութիւն առաքելոցն, որք ի սկզբանէ ականատեսք և սպա-

\*) Այսպէս յորինակին.

սաւորք եղեն բանին, և այլ սահման հաստատեցին, այլաձև բան զնեստորին. և նոյնամիտ որպէս զնորինն, զի դիւրաւ կորուսանել մարթասցեն զպարզամիտս: Զորոց զկեղծաւորութիւն, նոցին իսկ գրեալքն յայտ առնեն. զի յետ հրաշալի խառնմանն և ճշմարիտ միաւորութեանն, երկուս ընութիւնս սահմանեցին ի վերայ միոյ Քրիստոսի, բաժանեալս և անշատեալս ի միմեանց. և վրիպեցուցանելով, մերթ ասեն մի է և միադէմ: և նոյն Քրիստոսն՝ Արդի Աստուծոյ և Տէր և Միածին: Եւ անդորէն դարձեալ ասեն, և յերկուց ընութեանցն անխառնելի է, և որք խառնել համարին՝ ասեն զերկուս ընութիւնսն Քրիստոսի այսինքն զմարդկութիւն իւր բովանդակ, ընդ իւրում Աստուածութեանն, զնոսա նյովեմք ասեն, վասն որոյ իսկ և յերկուս դէմս և յերկուս զաւրութիւնս բաժանեն զբանս գրոց սրբոց. և որ խոնարհագոյնք ասացեալ՝ միում ընութեանն առանձինն որոշեն. և զբարձրագոյնսն՝ միւս ևս ընութեանն առանձին զատուցանեն:

Այսպէս՝ զասելն, թէ ես և Հայր իմ մի եմք. և ի վերայ ծովուն զզնալն, զվորձէին յաղթելն, զխեղճն ողջացուցանելն, զբազցեալսն կերակրելն, զչորեբաւրեայ զմեռեալն յարուցանելն, և որ ինչ նման է դորին, միայնոյ՝ և մերկի Աստուածային ընութեանն առանձին զատուցանեն: Իսկ ասելն, թէ Հայր իմ մեծ է բան զիս. և զվաստակելն, և զննչելն, զբազցնուլն, և զծարաւելն, և զհաղիւն զչարչարանսն, և զկամաւոր մահն, մարդկային ընութեանս միայնոյ առանձին որոշեն, և իբրև սոսկի մարդոյ, զամենայն տկարութեամբ կրել վարկանին՝ Բանին զնա վարելով յայն: Եւ այսպիսի կեղծաւորութեամբ՝ ընութեանցըն բաժանմամբ, զհայցոյութիւն առաջնոցն սահմանեցին: Զի թէ ընութիւնք երկուք անհաղորդելիք և անխառնք են ի միմեանց՝ որպէս ասենն, յոյտ է թէ և դէմք երկուք. ապա և որդիք երկուք: Եւ արդ զի ևս ըստ առաջին կեղծաւորութեամբ մեղմխանացն նոցա վեր ի վայր ընթացուցանեմք զբանս. յորում ժամանակի գետնազողի, և սողեցուցանելով մոռածանէին զհերձուածն, վասն զի և աշխարհ ծաղկեալ ևս էր տակաւին սրբով հաւատովն: Իսկ այժմ առաւել ևս յայտնապէս գրեալ տեսանեմք զաղանգն նեստորի, յևս առաւել նորաձև գրեալս նոցա, զոր ես տեսի և կարգացի նոցին իսկ գրով, որ թարգմանի է մեր լեզուս այսպէս: Ասէ, Զոր աւրինակ աղնիւ հիւսան, զը-

տեալ նիւթ ինչ առնէ զնա անաւթ պատուական, այնպէս Աստուածութեանն գտեալ զարգանդ կուսին սուրբ և ամբիծ, արար ի նմա ասէ, զմարդն զոր զգեցաւ և ծնաւ ի կուսէն: Եւ դարձեալ, զի զարմանաս, ասէ. ով այր դու, զի զոր աւրինակ զկինն ի կողից առնն ստեղծ, սոյնպէս և զայրն յարգանդի կուսին արար ասէ, զոր զգեցաւ և ծնաւ ի կնոջէն: Եւ յայլում տեղոջ ասէ, և ոչ ամաւթ համարեցաւ զի որ արարեալ զմարդն՝ զգննուլ և ծնանել ի կուսէն. և զոր միանգամ երանելի վարդապետացն զթուղթս տեսի և կարգացի՝ զոր յաղագս հրաշալի խառնմանն և անճառ միութեանն էր ասացեալ, զամենայնն յայսպիսի հայհոյութիւնն փոփոխեալ տեսի:

Իսկ զևս առաւել հրէական սարսափելի հայհոյութիւնն նոցա, վիճելովն մերկացուցեալ զարմանայաբ. թէ որպէս ամենեւեմ իսկ արտաքոյ Երրորդութեանն, այլ և եթ զոմն զխաչեալն Քրիստոս, հրէաբար հայհոյէին: Արդ զայս ամենայն զիտացեալ, սիրելիք, զձանապարհ արքունի գնասցուք. մի՛ յաշխոտորեսցուք, և մի՛ յահեակ: Յամենայն ծառոյ դրախտի Աստուծոյ կերիցուք, այսինքն սուր և սուրբ աչաւք մտացն հայել յամենայն ի սուրբ եկեղեցական գրոց և յուղղափառ վարդապետաց ճաշակեսցուք զբանն Աստուծոյ և կեցցուք: Իսկ որ աւտարաւտիսն բերեն ի մէջ, ի նոցանէն ասաց Աստուած ոչ ճաշակել մեզ, զի մի՛ մեծցուք: Քանզի հաւատք են ամենայն բարեաց դործոց գլխաւորութիւն. և առանց ուղիղ հաւատոց՝ անհրնար է հաճոյ լինել Աստուծոյ: Պահեցին նոքա սրբութեամբ, և մի՛ որ պղծեսցէ զնոսա. բանզի հիմն սրբութեան հաւատոց այժմ, այլ որ ոչ կարէ դնել բան զեղեալն որ է Յիսուս Քրիստոս, մի յԵրրորդութենէն. մեծատունն՝ վասն մեր աղքատացեալն, որով ամենայնքն ըստ Պաւղոսի. զորմէ և Յովհաննէսն ասէ. թէ Որ էրն ի սկզբաննէ Բանն կենաց՝ առանց որո, եղևն և ոչինչ զնա՝ աչք իսկ մեր տեսին, ասէ. և ձեռք մեր շաւշափեցին: Արդ՝ թէ սոսկ մարդ է ծնեալն ի կուսէն ըստ բանին նոցա, յորմէ մեծութենէ արդեաւք աղքատացաւ, և կամ ամենայնքն նովաւ զիարդ եղեն, և թէ ոչ բնութեամբ էր խառնեալ և միացուցեալ Աստուածն Բանի զբովանդակ մարդկութիւն իւր. սյսինքն մարմին և հոգի և միտս և զինչ ի մարդ է ընդ իւրում Աստուածութեանն որպէս զիտէ միայն Երրորդութիւնն զանտեսանելի զբանն. զի՛արդ արդեաւք տեսանէին. և կամ զաներևոյթն զիարդ

շաւշափէին: Այլ զի յաղաղս պսպիսեացս իսկ որք ասէին. թէ ոչ եկն Տէրն մարմնով, փութով պնդութեամբ զհամառաւտ գրէ առաքեալն և աւետարանիչն ասելով՝ թէ զ'՛ սկզբանէ Բանն՝ առանց որոյ եղևն և ոչինչ, աչք մեր իսկ տեսին, ասէ, և ձեռք մեր շաւշափեցին, և որ ինչ այլ պսպիսիր:

Արդ մեր, սիրելիք, պարտական գլծով շարժեցեալք ի վերայ եղբայրական կորստեանն վախճան, անձանց զգուշացուք որպէս և պարտ է, և ի վերայ նոցա աղաւթս արասցուք որպէս արժան է. դառնալ նոցա ի վրիպեալ մտացն և դալ յուղեղ հաւատս, որ տուեալ են ի սկզբանէ յեկեղեցիս, յաստուածատես առաքելոցն, և յերանելի վարդապետացն: Եւ զայս պսւափ փոքր ի շատէ հարկ համարեցաք գրել ձեզ, և զմեղանս յանձանց ի բաց թափել առաջի Աստուծոյ և մարդկան: Եւ ետու բերել զպատճառս ժողովոցն, և այլ հաւասարս հաւատոց զերանելի վարդապետացն, և զընդդիմակաց հերձուածողացն, զյուրվագոյնն պստի տեղեկացիր: Եւ որք յետ այսր պատուիրանի անփոյթ առնելով անխրատարար վարեսցի ի հաղորդութիւն աղանդին, ինքն բարձրէ զգատաստանն ի Ջեառնէ և զասդիս և զանդին ո՞ որ և իցէ, և մեր անպարտ լիցուր:



## ՊԵՏՃԱՌՔ Դ. ԺՈՂՈՎՈՅՆ ԵՐԿԱՐՆԱԿԱՑՆ, ՄՈՎՍԷՍԻ ՎՐԱՑ ՈՒՂՂԱՓՈՒ ԵՊԻՍԿՈՊՈՍԻ

**Ա**րդ յետ փոխելոյ յանարատ և յաստուածահաճոյ կե-  
նաց պանդխտութեանս երանելեացն Քէոզոսի թագաւորի բա-  
րեպաշտի. և Կիւրդի եպիսկոպոսի Աղերսանդրի. և վասն զի  
որդի իջ զոյր Քէոզոսի, թագաւորութիւնն բեռն անկ էր որ զկու-  
սութիւնն պահել կեղծաւորեալ, և ապա կին լեալ ումնմն Մար-  
կիանոս անուն, զորմէ ասեն աղանդակից Նեստորի: Եւ սորա թա-  
գաւորեցելոյ, նախանձ ունելով յաղագս Նեստորի, հրամայէ  
ժողով լինել ի Քաղկեդոնի. ՈՒ. և Զ. եպիսկոպոսաց. և իբրև  
հրամանն յանգ ելանէր և ժողովն լինէր. եպիսկոպոս էր ի Հոովմ՝  
Լևոն, յԱնտիոք՝ Մաքսիմու, ի Կոստանդնուպաւլիս՝ Անատոլի,  
յԵրուսաղէմ՝ Յուրնադ. յԱղերսանդրիա՝ Դիոսկուրոս: Զայս ե-  
րանելիս Դիոսկուրոս՝ ամպարիշտոն և անհաւանք ճշմարիտ հա-  
ւատոյ. Ո և Լ բն զրպարտեցին խորհրդակից Եւտիքի համբա-  
ւելով. թէ վասն սոցին իսկ՝ եղև ժողովն. զորոց ստութիւն՝ ան-  
սուտ յիշատակարանք մեր յանդիմանեն: Զի Եւտիքէս՝ լեալ  
մոնացն ի Կոստանդնուպաւլիս, և Փղարիանոս պաղատան եպիս-  
կոպոս, զորմէ ասէին սիրելի բեռ թագաւորին Քէոզոսի. և վի-  
ճեալ ընդ միմեանս առաջի Քէոզոսի, հրամայէ ժողով լինել  
երկրորդ անգամ յԵփեսոս. և բնեալ և ոչ գտեալ յուղղութեան՝  
զերկուսինն մերժեն և արտաքսեն յեկեղեցոյ: Այլ խորհուրդ  
ամպարիշտոն Մարկիանոսի զժողովն առնել ի Քաղկեդովնի. վասն  
զՆիկիական սահմանադրութիւնն ի սուրբ նախահարցն փոխե-  
լոյ էր, և ոչ յաղագս երանելոյն Դիոսկուրոսի:

Արդ Քէոզորիտոս Կիւրոս քաղաքի եղեալ եպիսկոպոս հա-  
մապոյզ Նեստորի՝ զոր լուծեալ յեպիսկոպոսութենէ յԵփեսոսի  
ժողովին, զսա հրամանաւ ամպարշտին Մարկիանոսի ընկալեալ  
եղև յառաջնորդութիւն Քաղկեդոնի ժողովին: Եւ Յուրնադ՝ որ



նախ ի յԵփեսոսի ժողովին ընդ ուղղափառսն նշովեաց զԹէոդորիտոս. սորա թագաւորին և թագուհւոյն երեսաց ակն առևալ հնազանդեցան: Եւ նեստոր դեռևս կենդանի էր յաբսորն, և առաքեցին ածել զնեստորի ժողովն: Եւ ի հասանել հրովարտակին, ժամանեալ բարկութեանն Աստուծոյ՝ սատակեաց ըստ նեստոր: Եւ նոցա իմացեալ զիրաւական վճիռն, զսուրբ կոյսն Աստուածածին խոստովանին կեղծաւորութեամբ. և սկիզբն արարեալ կանխապատրաստ եղելոյ՝ մահացան խորհրդոյն ի տուամարէն Լեոնի: Իսկ բազումք յուղղափառացն որ յԵփեսոսի ժողովին, միաբան ասեն. Այդ՝ ի նեստորի խմորոյն է: Եւ անաւրէն վիրագն Մարկիանոս՝ ի սաստիկ ցասմանէ շարժեալ՝ հրամայեաց խոշտանգել զնոսա. և նոքա ոմանք յերկիւղէ, և ոմանք աչառութեամբ՝ հաւանեցան հրէական սահմանի ժողովոյն՝ Քաղկեդոնի: Բայց երանելին Գիոսկուրոս՝ եպիսկոպոս Աղեքսանդրի, բազում չարչարանս կրեալ ի Մարկիանոսէ, աքսորեալ լինէր, որ և խոստովանող Քրիստոսի կոչեցաւ, զի մեռանել լաւ համարեցաւ քան թէ կալ անաւրէնութեամբ ի ժողովոյն Քաղկեդոնի: Իսկ նոցա նշովեալ զերանելին Գիոսկուրոս հերձուածող անուանելով:

Եւ Թէոդորիտոս առևալ զգրեալսն հրամանաւ թագաւորին, հասանէ յԱնտիոք, ի դուրս խցկանն հռչակաւոր և երանելոյն Սիմէոնի. և իսկոյն տեղեկութիւն տուեալ, թէ ոմն ի թագաւորէն եկեալ է և խնդրէ տեսանել զքեզ. և նորա յառաջադոյն հրատ լուցեալ՝ հրամայէ ի ներքս թողուլ: Եւ Թէոդորիտոս մտեալ ի ներքս, բազում թախանձանս մատուցանէր, և աղաչէր ձեռնարկ առնել և հաւանել անաւրէն սահմանադրութեանն: Եւ նորա յինքն առեալ վաղվադակի զգրեալսն՝ ի վառեալ հրատն ընկենոյր ասելով. Նշովեալ Մարկիանոս, և նշովեալ ժողովն Քաղկեդոնի, և նշովեալ որք հաւանին այն սահմանադրութեանն: Եւ նորա դարձեալ առ թագաւորն պատմեաց զոր ինչ արար երանելին Սիմէոն: Եւ ապա յայնժամ եկեղեցիք ամենայն արեամբ շաղախեալ լինէին. և մետաղք և կղզիք կապանաւորաւք լցեալ, զի ուղղափառքն չարչարիլ լաւ համարեցան քան հնազանդել և հաւանել երկարնակ սահմանադրութեանն ժողովոյն Քաղկեդոնի. և բազում խռովութիւնք ի ժողովողականաց լեալ, յաղագս չնդունելոյ զհերձուածող զեպիսկոպոսունսն, և թշնամանելով զթագաւորն Մարկիանոս: Եւ էր աղմուկ մեծ և ամբոխ յոյժ

յաշխարհին հոռոմոց. զի մանկունք եկեղեցւոյ վանեալ լինէին աւարառութեամբ և պէս պէս տանջանաւք և վարդապետք սուրբք հալածեալք յեկեղեցւոյ. նոյնպէս և յաստուածակերտ քաղաքին Երուսաղէմ եկեալ Յուրնաղ արքունի զաւրականաւք՝ վեր ի վայր տապալեաց զաստուածային և զառաքելական հաւատն, և զկարգ եկեղեցւոյ սրբոյ, և հաստատեաց զնեստորական հայհոյութիւն ժողովոյն Բաղկեդոնի. Եւ էր սուգ տրամութեան մածի սուրբ քաղաքին զի ելից արեամբ ծայր ի ծայր իրրև յաւուրսն Մանասէի, զի ոչ կամեցան ճշմարիտքն ընդունել զառասպելաբան հայհոյութիւն տուժարին Լևոնի. նոյնպէս և Աղեքսանդրացոց քաղաքն դժնդակ նեղութեամբ ըստ ի կոտորածս ընկալաւ յամպարիշտն Մարկիանոսէ, յաղագս չընդունելոյ զԵպիսկոպոսն Պրոտորէ, զի ի սկզբանէ իսկ ուղղափառք էին և հնազանդեցան աղծապիղծ կրաննիցն և ատելի կարգաց Ո և Լ-իցն եղելոց:

Արդ զայս զիտասցէ ձեր սիրելութիւնդ. զի ողորմելին նեստոր, թէպէտ և ամպարշտեաց, այլ ինքն զդժոխսն ժառանգեցուցանել, փոխումն որումանն ոչ կարացաւ աւանդել աշխարհի. այլ ժողովեալքն ի Բաղկեդոնի վնեստորին և յյովովից այլոց հերձուած զաղտագողի և սողեցուցանելով մուծին, և այսու պատրեցին զպարզամիտս Զի նեստորն ամպարիշտ զԱստուածածինն ձայն՝ ի վերայ կուսին ուրացաւ. իսկ նոքա խոստովանեցին, և այսու մոլորեցուցին զբաղումս, որք ոչ կարէին զիտել զմիտս գրոց սրբոց. զի թէպէտ և ձայնքն որիշ են, այլ միտքն զնոյն բերեն զնեստորին. Զի նեստոր ամպարիշտ՝ մարդ սոսկ ասաց զԲրիստոս, շնորհաւք արժանաւորեալ տաճար բանին Աստուծոյ լինել, և ի Բաղկեդոնի ժողովեալքն, նոյնպէս երկուս անձնաւորութիւնս և երկուս դէմս համբաւեն զկնի միաւորութեանն. և ասեն, այլ էր որ ի Հաւրէ, և այլ որ ի Մարիամայ. այլ էր որ վաստակենայր \*) և քաղցնոյր, և այլ էր որ զհանգիսան խոստանայր և զբաղցեալսն կերակրէր. այլ էր որ զսքանչելիսն առնէր, և այլ էր որ չարչարեցաւն:

Արդ Հրէայքն ոչ հաւատալով Աստուածութեանն՝ ի խաչ հանին. և նոքա երկուս բնութիւնս ուսուցանելով՝ սոսկ մարդասեն զխաչեցեալն և յաղագս հաւատացուցանելոյ զամպարշտու-

\*) Այսպէս յօրինակին.

թիւնն՝ զնեստոր նչովեն ժառանգս սատանայի անուանելով, զորոց կեղծաւորութիւն, նոցին իսկ գրեալքն յայտ առնեն: Մերթ ասեն մի է և՛ միադէմ: և նոյն Քրիստոսն Որդի Աստուծոյ և Տէր Միածին. և անդրէն դարձեալ ասեն յերկուց բնութեանց անխառնելի, և որ խառնեալն համարին ասեն զերկուս բնութիւնսն Քրիստոսի. զմարդկութիւնն իւր բովանդակ ընդ իւրում Աստուածութեանն, զնոսա նչովեմք ասեն: Արդ եթէ երկու բնութիւնքն անխառնք և անխոփոխելիք են, որպէս թէ երբեմն մարդ, և կրբեմն Աստուած, ապա չորրորդութիւն դաւանի: Այլ սուրբ Հարքն ՅԹ և Ը, որ ի նիկիա հաւատացեալ ասացին, ի մի Տէր Յիսուս Քրիստոս, որպէս ուսանն ճշմարտութեամբ ի սուրբ առաքելոցն բարոյութենէ. և զՈրդի մի յերրորդութենէն՝ իջեալ և մարմնացեալ. մի լեալ բարոյեցին: Եւ ասեն այսպէս. թէ Մի է Տէր մեր Յիսուս Քրիստոս: Եւ դարձեալ թէ Յորոց և Քրիստոս, որ է ի վերայ ամենեցուն Աստուած արհնեալ յաւիտեանս ամէն: Եւ ի կաթողիկէին ասէ. Սա է ճշմարիտ Աստուած և կեանք յաւիտենականք. Եւ ո՛չ ուրեք ասացին երկուս բնութիւնս. և որ ասացեալն է յաղագս ճշմարիտ մարդանայոյն՝ թէ մարդով եղև յարութիւն մեռելոց. կամ թէ երկրորդ մարդն՝ Տէր յերկնից. ո՛չ եթէ զբնութեանց ինչ ճառեաց, այլ զնոսա կշտամբէ, որք ասեն եթէ ոչ էառ ճշմարտութեամբ մարմին և հոգի ի սուրբ կուսէն և Աստուածածնէն: Սոյնպէս և յաղագս ամենակեցոյց խաչելութեանն՝ զի՛արդ է զերկուանալ. որ և նախ վերինք իսկ եղեն քարոյ. զՅիսուս խնդրէք զնազովրեցի զխաչելեալն. և Պաւղոս. Ոչ եթէ ի մտի եղի զիտել ինչ ձեզ, բայց միայն զՅիսուս Քրիստոս. և զնոյն ի խաչելեալ: Եւ Պետրոս, Քրիստոսի չարչարելն մարմնով վասն մեր. և Մարմին նորա ո՛չ ետես զապականութիւն. և դարձեալ ասէ. Ճշմարիտ Աստուած և կեանք յաւիտենականք: Ապա ապականելի էր, և ընդունայն այն բարոյութիւն առաքելոցն. զի նորա Աստուած ճշմարիտ, և Տէր փառաց. և կեանս յաւիտենականս, և զնոյն ի խաչելեալ բարոյեցին: Եւ որք իշխեցին ասել երբեք ապականացու. նչովեն զնոսա սուրբ Հարքն և ասեն այսպէս. Որ ասէ զմահն Տեառն կենդանացուցիչ և զչարչարանսն փրկարար՝ ապականացու. իրբև սոսկի մարդոյ, և ոչ առաւել խոստովանեցի, և թէ չարչարանաւքն՝ անչարչարելի. և մահուամբն լանմահ որպէս Աստուած՝ որում ամենայն ինչ

ղիւրին է. Եղիցի նշովեալ Ձի ամպարշտութիւն մեծ է զԱստուծոյ մարդկապէս կարծել. թէ ուրեք է՝ և ուրեք ոչ Այլ ճշմարիտ հաւատ այս է. Իջեալն ի յերկնից և բնակեալ ի յարգանդի կուսին սրբոյ. և ոչ մեկնեալ ի ծոցոյ Հաւր. շրջեալ ընդ մարդկան յերկրի. և ի գուարթնոց պաշտեալ ի յերկինս. ի վերայ խաչին տարածեալ, և ոչ հեռացեալ ի Հաւրէ. ճշմարտութեամբ և ոչ կարծեաւր, Այսպէս բարոյեցաւ ի սուրբ առաքելոցն սինալթի ի սուրբ քաղաքէն. Ըստ այնմ, Աւրէնք ի Սինոնէ ելցեն, և բան Տեառն յերուսաղեմէ. Եւ ճշմարտապատում սուրբն Գրիգորիոս զնոցայն ուսոյց մեզ, և ոչ եթէ յանձնէ ինչ. նոյնպէս սուրբ ամենագով հարքն ժողովեալք ի սուրբ Հոգւոյն՝ որոց զահագլուխ էր աներևութութեամբ ինքն Քրիստոս, ըստ այնմ, Ժողովելոց յանուն իմ՝ անդ եմ ես ի մէջ նոցա. այսպէս հաստատեցին.

Արդ՝ պահեսցի սա անարատութեամբ, և մի՛ որ պղծեսցէ նորաձայնութեամբ իրրև զաւցտող ժողովն Քաղկեդոնի, Քանզի հարկ է զինի ընթեռնոյց սուրբ աւետարանին՝ յամենայն եկեղեցիս Քրիստոսի հաւատն որ ի Նիկիա աւանդեցաւ. առեալ պատուէր ասել զեղուն և պատարուն, և ոչ յաճախել, և ոչ պակասեցուցանել, այլ սոսկալի նշովիւք իրրև ցանկով ինչ փակեալ նոյնպէս երիցս սրբասացութեամբ՝ որ խաչեցար հրամայեցին մեզ ասել անդանդալ յարձակ աւուրս առաւաւտու և երեկորի. իսկ ի յարութեանն առաւաւտու և երեք ժամու. և երեկորի. երիցս սուրբ Աստուած. սուրբ և հղաւր, սուրբ և անմահ՝ որ խաչեցար վասն մեր՝ որորմեա մեզ. Իսկ բաղումք հանդերձ բնակչաւք սրբոյ քաղաքին՝ ոչ կացին ի Նիկիական սահմանին, և ուրացան զհրաշալի խառնումն և զանճառ միաւորութիւնն, և զամենակեցոյց խաչելութիւնն. իրրև սոսկի մարդոյ համբաւեցին. և վասն այնորիկ ոչ ի հաւատ ինչ նշովեն, և ոչ ի սբբասացութեանն՝ որ խաչեցար ասեն. և այսու հաւանեցուցանեն զպարզամիտս, թէ խաչեցարն ասել՝ սուրբ Երրորդութիւնն խաչել է. որ մի լիցի կարծել, այլ որպէս տնաւրէնութիւնն Որդոց միայն առանձին է, նոյնպէս և խաչելութիւնն. և վասն զի Աստուած է ճշմարիտ որ խաչեցան, պարտ է ի հարկէ թոստովանել ընդէմ ուրապողացն, թէ Աստուած ես. և հղաւր ես. և անմահ ես. և վասն մեր խաչեցար.՝ որորմեա մեզ. Եւ ոչ սոսկ մարդ էր.

Արդ՝ զսուրբ և զպարկեշտ հաւատն սոսկալի նշովիւք և զերիշ սրբասացութիւնսն որ խաչեցարն ասելով՝ իբրև դժժնդակ ինչ ցանկով փակեալ՝ և մի որ խրամատեսցէ, ապա թէ ոչ գիրն բողոք է. Որ քակէ, ասէ, պցանկ՝ հարցէ զնա աւձ. այսինքն զամուր պարիսպ հաւատոյն. և Որ գլէ՛ զվէ՛մ, այսինքն զհաստատուն հիմն ճշմարիտ խոստովանութեան, ի վերայ անձին իւրոյ զյեսցէ. Եւ զայս տեղեկացեալք զիտասջիք. զի բաւում գիրք մեծարանաց անաւրէն ժողովոյն հասեալ են ի տեղիս տեղիս, ուղղափառ ուսուցանելով զչարափառութիւնն Մարկիանոսի և ժողովոյն Քաղկեդոնի. և մեք ոչ միայն ի խմորոյն նեստորի ունիմք ի սուրբ հարցն պատուէր հեռանալ և նզովել, այլ առաւել ի տիեզերակործան ժողովոյն Քաղկեդոնի, և ի ջնջեալ տուժարէն Լևոնչ, և ընդ ընդունաւզսն նոցա ոչ հաղորդել ըստ պատուիրանի առաքելոյն և աւետարանչի. Եթէ որ զայցէ առ ձեզ և զվարդապետութիւնս զայս ոչ ունիցի, մի՛ ընդունիցիք զնա ի տուն. և մի՛ ողջոյն տայցէք նմա, և որ ասիցէ նմա ողջոյն, կցորդ լիցի չար գործոց նորա. Եւ երանելին Պաւղոս, Աղաչեմ՛ զձեզ զիտել զայնպիսիսն որ հերձուածս և զայթակղութիւնս առնիցեն արտաքոյ վարդապետութեանն, զոր դուքն ուսարուք, և ի նոցանէն խորչեցարուք. Եւ զարձեալ՝ Յիսուս Քրիստոս երեկ և այսաւր՝ նոյն և յաւիտեանս. յուսմունս պէսպէսս և աւտարաձայնս՝ մի՛ դանդաշէք:

Արդ՝ որպէս առաք պատուէր ի սուրբ հարցն ոչ հաղորդել անխտիր ընդ ամպարիչսս, և ոչ միարանել և զուգել զտան մեծի զատկին ընդ հրէայսն, և ընդ անուանեալ Կաթարոսսն, նոյնպէս և յաղագս միաւորական տաւնին Յայտնութեան՝ որ է հրաշափառ ամենասուրբ ծնունդն՝ յունուարի ամսոյ ի վեցն կատարել. զոր կանոնեալ հին ընթերցուածոց: Վասն զի մի աւր դիպեցաւ Ծնունդն և Մկրտութիւն. Եւ ոչ հաւասարել ընդ նոսա, և ոչ ընդ մեզ հաղորդել հաւատով, և ոչ ապականել զխորհուրդ եւթն շաբաթուցն պահոց. այլ ընուլ զսուրբ քառասներորդսն, հինգաւրեայ յառաջաւոր պահովքն: Ահիւ և տրտմութեամբ և սրբութեամբ տանել ի գլուխ զսուրբ քառասներորդացն պահս, և ոչ վշտապար յաւուրս պահոցն քարոզել աւետարան և մատուցանել պատարագ հրամայեցին. Թէ և յիշատակ ուրուք դիպեցի, բայց ի շաբաթու և ի կիրակէի. Եւ սահմանեցին այսպէս. Եթէ որ կատարեալ հասակաւ, առողջ մարմնով, բրիստոնեայ անուն ի վերայ, և զքառասնաւրեայ պահսն ի

գրութի ոչ տանիցի, նյովեալ լիցի: Եւ եթէ յաւագ շարաթուն ի հինգշաբաթին աւր բան զհարգել սուրբ խորհրդեան՝ բերան որ լուծցէ, նյովեալ լիցի և՛ ամենայն պահք քառասներորդացն ընդունայն լիցին:

Արդ մի պատրեսցուք հռչակաւոր և տենչալի անուամբ սրբոյ քաղաքին, և մի պաշարեսցուք աստուածապարզ և շնորհելոյ աթոռոց սուրբ առաքելոցն. զի որպէս յաթոռն Մովսէսի նստան բահանայսպետքն. և դպիրք, և փոխանակ մեծի կրաթտեացն զտուիչ աթոռոցն ի խաչ հանին, նոյնպէս Լեոն և Թէոփորիտոս և Յուսէփ և Փղարիանոս և այլ համախոհակը նոցուն վեց հարիւր և երեսունն. նստեալ յաթոռ սուրբ առաքելոցն, որ դատելով զսուրբ հաստն, վերստին ի խաչ հանին անձանց զՈրդին Աստուծոյ, և դարձեալ թայտառակեցին: Այլ դուք, եղբարք իմ սիրելիք, հաստատուն եղերուք, անշարժ կացէք, առաւել լերուք ի գործ տեսան յամենայն ժամ: զիտասլիք զի վաստակքն ձեր՝ ոչ են ընդունայն առաջի Աստուծոյ. և Պետրոս. Պատրաստ լինել միշտ առ ի պատասխանատուութիւն ամենայնի որ խնդրէ ի ձէնչ զրանն որ վասն յուսոյն ձերոյ է: Եւ եթէ զիպեսցի ձեւ յախշտալութիւն ընչից ձերոց. խնդութեամբ ընկալարուք: Քիտասլիք թէ յիստի ստացուած ընդունելոց էք, այլ թէ և կապանք և նախատինք և չարչարանք ևս յաւժարութեամբ մատուցուք զանձինս. զի եթէ չարչարանացն Քրիստոսի կցորդ լինիմք. և փառայն հարգող լինելոց եմք: Եւ պայս հաւաստեալ քննեալ ծանիչեր, թէ յետ երկուս ընութիւնս խոստովանելոյ, զինչ մոլորութիւն յաշխարհ եմուտ, և առ ոտն հարկանել զՈրդին Աստուծոյ, և զարիւն նորոյ ուխտին խառնակ համարել, որով սրբեցան, և զհոգին շնորհաց թշնամանեալ, ըստ գրեցելումն, այսինքն անկարգ կրուանիք պահեղ և զսոսկալի և զսուրբ խորհուրդն յանպարտ և յանպատշաճ տեղիս կատարել, և անարժանութեամբ հաղորդել, ընդդէմ առաքելական հրամանին և աւանդութեան սուրբ նախահարցն:

Վասն զի հին աւրէնքն զսուրբ սեղանն յաղագս անշարժութեան հողեղէն հրամայեցին առնել, և ի քաջանց անշարժից, և ի տեղին մին մատուցեալ՝ ուր ողջակէզքն և զոհրն մատուցէին: Ո՛րչափ ևս առաւել, որ նորոյ ուխտիս է միշտորդ կենդանարար և ազատիչ պատուական մարմնոյ և արեանն Տեսան, յանշարժ և հաստատուն սեղան ելանել: Վասն որոյ և կարգե-



այնմ թէ Բաղումք են հրաւիրեալք, և սակաւ ընդրեալքն: Ազաչեմ գձեզ եզրարք իմ սիրելիք, Ռափայէլ և Նաթանայէլ: Հեզութեամք ընդունիցիք զրանն՝ որ կարողն է կեցուցանել զողիս ձեր: Մի բանավէճ լինել ճոխարար զանձինս առ դիտունս համարել և հպարտանալ ի վերայ ընկերին. այլ նախ աղաւթիւք խնդրել յԱստուծոյ՝ որ տայն առատապէս և ոչ նախատէ, և առաքեսցէ զչոզին սուրբ ի թիկունս ձեր. և դուք հանգարտութեամք և պարկեշտութեամք համրերել ամենայն բանի, զսուրէն աշակերտաց սուրբ առաքելոցն, տեղի տայով խաւսել և մի գոռողասաստ, որ է սկիզբն աղաղակի:

Ձևոհաս նուաստ և անարժանս յաջնայնի և զծեսուզն ի՛, և զաջնայն ազգապոհմն և զէրախաւորան յիշեցէ ի Քրիստոս Աստուծո՛ւմ զաստ ուղղութեամբ:





## ՊԱՏԱՍԻԱՆԻ ԹՂԹՈՅՆ ՄՈՎՍԷՍԻ ԵՊԻՍԿՈՊՈՍԻ

**Չ**գիր ողջունի սրբութեան բո՛ղիքատուութեան և զգուշացուցիչ ընկալեալ ամենայն եղբայրութեանս, զոհանալով զԱստուծոյ մեծաւ ուրախութեամբ լցար, որ Տէր, սրբոյ Երրորդութեանն պահպանութեամբ, ողջ է:

Եւ որք մնացեալ ի ձէնջ պաշխարհս հոգայք որպէս արժանիսկ է, ամենայն ուղղափառ խոստովանողաց աղաւթից լուիցէ Աստուած. և առաքեսցէ զՀոգին սուրբ ի բեզ տէր, և յաւգնականս բո՛ւ, զաւրացուցանելով զձեզ և լինելով վերակացու և աւգնական զարտուղեալ կողմանցս մերոց, և վերստին ի ձեռս ձեր տերանց սուրբ Հոգին քարոլեսցի, և Հաստատեսցէ՛ յաշխարհիս մերում զընդհանուր բանն կենաց՝ որ յառաջ բան զյաւիտեանս ի Հաւրէ և ընդ Հաւր:

Եւ ի վախճան ժամանակացս վասն մերոյ փրկութեան ի սրբոյ կուսէն մարմնացեալ լինելով ամենայնի՛ւ որպէս զմեզ բաց ի մեզաց մնալով և այնպէս Աստուած որպէս էրն յառաջ ընդ Հաւր իւրում և սուրբ Հոգւոյն. զոր և յառաջավաստակ սուրբ մարգարէիցն զԾածկոյթ խորհրդոյն որ յաւիտենից ընդ Հաւրն մարգարէացեալ. զոր և երանելին Պաւղոս մեկնէ. թէ որ այժմս յայտնեցաւ զբովբ սրբովբ:

Եւ ամենայն ուղղափառաց ընկալեալ Հաստատեսցաւ ի սրբոյն Գրիգորէ ի Հայաստանեայսս Հաւատն, և յոյսն, և սէրն, զոր Աստուածայինն Պաւղոս աւանդեաց եկեղեցւոյ՝ զհաւատն ի Հայր, զՀոյսն՝ յՈրդի. զսէրն՝ ի սուրբ Հոգի: Զայս երիս պտուղս ի ձեռն քո տեառն, և երանելի վարդապետացդ, լի՛ և զեղուն յեկեղեցիս կողմանցս մերոց, պահեսցէ Քրիստոս Աստուած մեր. և զաւրութեամբ Հոգւոյն սրբոյ, ժողովաւ լինել ձեզ երից պտղոցն. ընդու-

Նեւ ընդ միոյ երեսուն. և ընդ միոյ 4. և ընդ միոյն 8. Նորոգեսցէ  
 Տէր Աստուած և զաթոռն քո տեառն ի նմին եկեղեցւոջ՝ յոր  
 վիճակեցարն ի ձեռն ուղղափառ խոստովանողացդ Քրիստոսի.  
 ապա թէ ոչ և մեզ այլ ինչ ճար չէ. բայց կամ կալ յաշխար-  
 հիս և ըստ կամաց սորա ինեւ, կամ թողուլ և գնալ ի բաց:



## ԹՈՒՂԹ ԶՐՋԱԳԱՅՈՒԹՅԱՆ ՏԵՆՈՒՆ ՎՐԹԱՆԻՍԻ ՔԵՐԴՈՂԻ

**Ս**րբասէր ուղղափառաց և ճշմարտից և վանից երիցանց և գեղջ քահանայից, ազատաց և շինականաց, ծերոց և տղայոց. և համաւրէն ամենայն ժողովրդականաց, հայալեզու աշխարհացդ, որ էքդ ընդ իշխանութեամբ եկեղեցւոյն Ցուրտաւայ, ի Վըրթանիսայ և յայլ պաշտաւնէից սրբոյ եկեղեցւոյս Տերամբ ողջոյն:

Վասն զի եհաս լուր չախորժելի, եթէ զհերձուածն նեստորի և զժողովոյն Քաղկեդոնի՝ զոր Հայոց և Վրաց և Աղուանից միարան կանոն եպիսկոպոսաց և իշխանաց սուկայի նկովիւք անյիշատակութեամբ էր ի բաց բարձեալ, արդ կաթուղիկոսդ անուանեալ եպիսկոպոսակցաւքդ, հանդերձ իշխանաւք ընդունելութիւն և մեծարանս առնեն հերձուածոյդ: Լուաք և վասն արդարութեանդ ձերոյ ունել նախանձ վասն ուղղափառ հաւատոյ ամենայն բարեպաշտութեամբ ընկալեալ ի սկզբանէ յաշխարհիդ ձերուժ, և աղաւթիւք միշտ հաստատուն մնալ և արիանալ անպանգիտող համարձակութեամբ: Գիտացէք, եղարբք, զի ի վերջին ժամանակս եմք, և չար գազանին հրապոյրք մերձեալ են, ապստամբութիւն առնելով յուղղափառ հաւատոց. զի սովորութեան իւրոյ կազմեսցէ ասպնջական: Վասնորոյ արթոն կացէք և հսկեցէք և մի՛ իւիք մեղկիցիք, զանգիտելով ի մահկանացուացն երկիւղէ, այլ համարձակութեամբ պայն համառաւտել՝ զոր ի սկզբանէն ունեաք զճշմարիտ հաւատն. զի և պարգևացն Աստուծոյ արժանի լինիցիմք. գուցէ ձեռն զմաճով արկեալ՝ լքանիցիմք աչառելով կամ զանգիտելով յոմանց, վասն որոյ գայ բարկութիւնն Աստուծոյ: Այլ զի՛ք ի սիրտս ձեր զյորդորական բան Փրկչին մերոյ և Տեառն Յիսուսի Քրիստոսի Աստուծոյ. եթէ մի՛ հոգայցէք, որպէս թէ զինչ խաւիցիք

ընդ հակառակորդս ձեր. զի հոգի իմ պարզէ՛ր որ ինչ պիտոյ է ձեզ խաւելի. Եւ եթէ աւելի ինչ պէտք եղիցին հակառակութեան և պատասխանաց, հրամայեցէ գրել առ մեզ Սրբութիւնդ ձեր. և շնորհիւ ամենասուրբ Երրորդութեանն հասեալ առ ձեռն պապանձեցուցուր զբերանս՝ զհայհոյութեան բանս քանախաւսողացն:



## ՊԱՏԱՍԽԱՆԻ ԹՂԹՈՅՆ ՏԵՆՈՒՆ ՎՐԹԱՆԻՍԻ

**Տ**եսաք զթուղթ ուղղափառ հաւատոյ ձերոյ. և լուաք զողջոյն ձեր և զամենայն պաշտանէից սրբոյ եկեղեցւոյդ՝ մեծաւ ուրախութեամբ լցեալ գոհացանք զՔրիստոսէ Աստուծոյ մերմէ, և որպէս երկիր ծարաւի՝ ի րազում երաշտութենէ պասքեալ, ընդունելով անձրև շահեկան՝ զուարճացեալ յինքեան ցուցանէ զսովորութիւն, զանուշահոտ ծաղիկն երևեցուցանելով տեսաւղացն, զի էք իսկ շնորհիւն Քրիստոսի հոտ անոյշ, ըստ գրեցելումն, կենաց ի կեանս ոչ միայն ի ձերում աշխարհի. այլ և ամենայն հիւսիսային կողմանս, զոր մեր ընկալեալ զգրեալն ի ձէնջ. ցուցեալ ամենայն եղբայրութեան մերում, զոր անորժելով լուեալ ետուն գոհութիւն վարդապետութեան ձերում հոգալով զաշխարհս մեր. յիշեցուցանելով սուրբ և զուղիղ հաւատն զոր մեծին սրբոյն Գրիգորի սերմանեալ էք յայս ի Կաւկասային կողմանս. Արդ. համարձակիմք և աւրհնեմք զՏէր Վրթանէս. և եղիցիս աւրհնեալ ամենայն ուխտիւդ հանդերձ, և պահպանեալ լիջիք հոգւովն սրբով յայս ի ծովածուփ կենդաղիս. աղաւթեմք միշտ նորոգել և սրբոյ Աթոռոյդ Գրիգորի. զի արասցէ խնդիր մուրեալ աշխարհիս մերում ըստ աւրինակի առաջնոց վարդապետացն. զի մեզ առանց այտի աւգնականութեան և թիկանց՝ աստ չմարթի կալ. զի այնպիսի բռնաւոր զոռոզի որ հայրապետս անուանի դիպեալ եմք, բայց թողուլ զաշխարհս և գնալ:



## ԹՈՒՂԹ ԵՐԿՐՈՐԴԻ Ի ՄՈՎՍԻՍԷ ԵՊԻՍԿՈՊՈՍԷ ԱՌ ՎՐԹԱՆԷՍ ՔԵՐԴՈՂ

Տեսի պզիր ողջունաբեր սրբութեան բո, և յուեալ ըզբանս մխիթարութեան որ ի սմա, գոհանալով զՔրիստոսէ Աստուծոյ անհոգացայ, Զի ձեր ի ձեռն առնելով զիս, ահա կրկին կենաց դիպեցայ, հոգալով զիս և զաշխարհն որպէս արժանիսկ է. և իմ վստահութիւն էր. Արդ որպէս զսկիպընդ յաւժարութեամբ արարէք, աղաչեմ բարեխաւսութեամբ սրբոց ջանացարուք և ի գլուխ տանել. Այս անգամ հրամայեցէք գրել թուղթ մի առ կաթողիկոս անունն, և առ Ատրնբրսեհ և Վահան և Բրզփհնր. յանդիմանելով զժողովն Քաղկեդոնի. և թուղթ մի առ Պետրոս յանձնութեան. և ամէն աւրինակ ի ձեռն ձերոյ աշակերտի առաքեցէք որ իմ մանուկս տանի և ածէ խաղաղութեամբ՝ շնորհիւն Քրիստոսի Աստուծոյ. Եւ յորժամ զպատասխանիսն ընդունիք, ապա թէ ձեզ պիտի երթալ թող զի լինիք աշխատ, յիշելով զյորդորականն Տեառն՝ բարբառով մարգարէին. Թէ երթայք ի դրունս իմ, դուք որ կարող էք և զբարինսն ի ճանապարհէն ի բաց ընկեցէք, զի մի իւր սայթազիցին ժողովուրդ իմ. Զի և մեք թէպէտ և կամ վասն տգիտութեան և միայնութեան, կամ վասն չարութեան առաջնորդին մերոյ վանգիտեցաք ինչ, յոյս ի ձեզ եղաք, զի և նախ իսկ այդր սրբոյ Աթողոյ աշակերտ մեք հանդերձ, թէպէտ և ի ժամուս ի սնոտի մեծութենէն իբրև զգետ ինչ ի բազում ուխից է յարուցեալ. և իբրև զգապան ինչ դժոյակ ճիրանամբքն և մագլամբքն է սաստկացեալ, զոր ամաչեցուցէ Տէր Աստուած աղաւթիւք սրբոյն Գրիգորի, և ըստ առաջնոց վարդապետացն ի ձեռն ձեր խզել զպղ Վարմ խորամանգ անձին, և երգակցել ընդ երանելոյն Պաւղոսի, թէ յԱղուանից մինչև յաշխարհն Վրաց, մեզ եհաս լի՝ առնել զաւետարանն

Քրիստոսի, Եւ լսել զուրախարար զբարբառն զհրաւիրական, թէ Բարի մշակ և հաւատարիմ, հանդերձ ընդ բեզ փրկեալ գնդաւդ, եկ մո'ւտ յուրախութիւն Յեանն բո. որոց լիցի ձեզ հասանել, Տէր Վրթանէս, հանդերձ ամենայն ուխտիւդ. ի ձեռն ձեր և մեզ՝ շնորհիւն Քրիստոսի Աստուծոյ մերոյ:



## ՊԱՏԱՍԽԱՆԻ ԹՂԹՈՅՆ ՄՈՎԱԼԵՍԻ

**Չ**գիր ողջունի սրբութեան քո ընկալեալ՝ զԱստուծոյ գոհացաք և ուրախ եղեաք, որ Տէր, պահպանութեամբ ամենասուրբ Երրորդութեանն՝ ողջ է:

Եւ զոր գրեալս էր առ նուաստութիւնս մեր, բազմապատիկ շնորհակալութեամբք և արդիւնաւոր աւրհնութեամբք էր պատարուն: Զթուղթն զոր խնդրեցէքն առ կաթուղիկոսն առ նուանեալ, և առ այլ իշխանս աշխարհին, արարաք որպէս արժան էր. բայց որ վասն մանկանն գրեալ էր, մի՛յաղադս նուազութեանն, և մի՛յաղադս ժամանակիս զժուարութեան, չեղև հնար արձակել, Տէր. անմեղազիր լե՛ր: Թո՛ղ զի քո մանուկդ պատասխանի բերէ, որ մեք ըստ նմին իմանալ գիտեմք, և թէ շնորհէ գթութիւն ամենասուրբ Երրորդութեանն և ի ձեռն գրեցելոցդ խաղաղութիւն լինի, որպէս և ունիմք իսկ յոյս, բարի է որ զուր ի ձեր սուրբ եկեղեցին հասանէք բարգաւաճեալ անուամբ: Ապա թէ յերկարէ ինչ յամառութիւն ուրացելոցն, պատուէր տուր ծանաւթից ձերոց և սիրելեաց իշխանաց, որ գրեն առ փառաւորեալ իշխանս աշխարհիս մերոյ, որ մեզն իսկ երթամք հրամանաւ սոցա, և աւգնականութեամբ Քրիստոսի Աստուծոյ յանդիմանեմք, է՛ զի զան յուզողութիւն: Ապա թէ վասն բազում մեղաց մերոց զհակառակսն և զընդդէմսն հասանէ լսել, զփոշի ոտից մերոց ի նոսա թաւթափեմք, և յաղադս այդր պատճառի է զի անմեղազրելիք յԱստուծոյ և ի մարդկանէ լինիմք:





## ՏԵԱՌՆ ԳԵՏՐՈՍԻ, Ի ՎՐԹԱՆԻՍԷ

**Փ** առաւորելոյ Տեառն Գետրոսի Աստուածաշնորհ պարգևաւր պայծառացելոյ, ի Վրթանիսայ և ի միսրանական սրբոյ եկեղեցւոյս պաշտաւնէից Տերամբ ողջոյն:

Գրէ երանելի առաքեալն որ Հանդերձեալն էր լինելոց. թէ Հերձուածք լինելոց են ի ձեզ, և որ ընդիրքն են երևեսցին: Լուաք յաղագս պատուականութեան քո, եթէ նախանձաւոր ես և սիրաւղ ճշմարիտ հաւատոյ. զի որպէս յառաջագոյն երանելի հայրապետն մեր Մովսէս գրեաց յաշխարհդ հեռանալ ի Խուժիկ չեպիսկոպոսէն խարէութեանց. առաւելագոյն ևս պարտիմք յանաւրէն ժողովոյ Քաղկեդոնի հայհոյութեանցն. զի հաւասար հրէութեան է. զոր համբաւ. չախորժելի պիտմ եհաս մեզ լսել. թէ յաշխարհիդ ձերուս մեծարանս մատուցանեն ժողովոյն պնորիկ. վասն որոյ եպիսկոպոս աշխարհիդ փախստական գնացեալ է, զդառն և զանրժշկելի վիրառնութիւն ժողովոյն պնորիկ ճանաչելով: Արդ՝ որպէս ընկալայք զնախանձ Աստուծոյ յանձինս ձեր, պինդ կայէք մինչև ի կատարում գործոյդ, զի և պարգևացն երկնաւորաց արժանի լինիցիք: Թուղթ արարաք վասն դորին իրաց ցկաթուղիկոսդ և ցայլ իշխանսդ, զի ճորդաձեւութիւն ինչ հաւատոյ մի՛ եղիցի ի մէջ երկուց աշխարհացս. և մի՛ աւտարութիւն հոգևոր և մարմնաւոր սիրոյ թուեսցի պատուականութեանդ քում, որպէս եղեր իսկ ասպնջական ուղղափառ հաւատոյ, զոր ի ձեռն սրբոյն Գրիգորի հաստատեաց բազում սքանչելագործութեամբք Տէր Աստուած յաշխարհիս: Առաւելագոյն խաղաղութեան պատճառս լեր, զի նորոգաձեւութիւնքն որ ստութեամբն է պաճուճեալ՝ կորիցէ, և ճշմարտութիւնն հաստատեցի, և սրբասէր եպիսկոպոսս, որ

Ճշմարիտ հաւատոյ նախանձաւոր է, ի տեղի իւր դարձցի, զի  
Թէ այդ՝ այդպէս ոչ լինի յաւիտենական Թշնամանք մնան ի  
Վերայ աշխարհիդ: Եւ եթէ ի ձեռն գրեւոցդ հակառակութիւնդ  
չբառնայ, գրեցէք առ փառաւորեալ իշխանս աշխարհիս մերոյ,  
որ զմեզ այդր արձակեն, և այնպէս լինի որպէս Աստուածն  
կամի:



## ՏԵՆՈՆ ԿԻՐՈՎՆԻ Ի ՎՐԹԱՆԻՍԷ.

**Ս**րբասիրի Տեառն Կիրովնի Վրաց կաթուղիկոսի, և Ատրնբրսեհի և Վահանայ, և Բյզմրհի իշխանաց, ի Վրթանիսայ, և ի միարան պաշտաւնէից սրբոյ եկեղեցւոյս՝ Տերամբ ողջոյն.

Յառաջագոյն առ պատուականութիւն ձեր գրեաց երանելի Հայրապետն մեր Մովսէս յաղագս Խուժիկ չեպիսկոպոսին խաբէութեանց. զի մի եղիցի նորոգաձեւութիւն հաւատոց ի մէջ երկուց աշխարհացս, որ սքանչելի հիմնադրութեամբ տնկեցաւ յանպանգիտող և ի բաջ նահատակէն Տեառն Գրիգորի Արդ՝ ոչ միայն ի նեստորի խմորոյն ունիմբ պատուէր ի հարցն և յուղղափառ վարդապետացն մերոց հեռանալ և նյովելի, այլ և զԵւտիբոս և զԵւնուոնս, և զՍեբրոս և զՄարկիովնի, զՍաբէլիոս և զայլ նմանիս նոցա, և առաւելագոյն ևս գտիեպերակործան և և զանյիշելի զժողովն Քաղկեդովնի, որ յետ ճշմարիտ միաւորութեանն Տեառն երկուս բնութիւնս բաժանեալս և անջատեալս ի միմեանց սահմանեցին ի վերայ միոյն Քրիստոսի Այժմ լուաբ թէ դուք զանաւրէն ժողովոյն Քաղկեդովնի և գտումարն Լեւոնի ուղղափառ համարիք և մեծարանաց արժանի. վասն զի չունիք կրթութիւն բնեւ զհերձուածոց չարութիւնս, զի չարագոյն բան զհրեական ուրացութիւնս՝ հեռացուցանէ ի միափոխ հաւատոյն՝ որ ի Քրիստոս Յիսուս ի Տէր մեր է. Արդ՝ ոչ է պարտ Աստուածսիրութեան ձերում աւելի ինչ վարդապետութիւն զուրուք ընդունել, բան զերից սուրբ և անարատ ժողովոյն՝ որք ի պատիւ ամենասուրբ Երրորդութեանն գումարեցան, ՅԹ և Ը. իցն ի նիկիա. և ԾԾ իցն ի Կոստանդնուպուլիս. և Մ. ոյն յԵփեսոս. և աւելի բան զայս սահման հաւատոյ, մեր և ձեր հարցն և վարդապետաց ոչ կալեալ է և ոչ ընդունիմբ. և որ ընդունի և կամի խառնել յականակիտ և յամբիծ

սահման հաւատոյ վարդապետութեան նոցա հրապոյրս ինչ պըղտորս, գիտասցէ զի աւտար է և տարագիր յուղղափառ հաւատոյ. զի հաւատով ուսանիմք, հաճոյ լինել Աստուծոյ Արդ՝ զի ի վերջին ժամանակս եմք՝ չցոյ յումեք լինել յերկրայս. և զի նախ ապստամբութիւնն է գալոց՝ երանելի առաքեալն ուսուցանէ, և յաղագս նորին, նոյն ինքն հանդիպողական պատասխանին, Եթէ որ աւելի ինչ աւետարանեսցէ ձեզ քան զայն նկուեալ լիցի, Զի ընդ ամենայն տիեզերս յեկեղեցիս ուղղափառաց, յետ ընթեռնոյ զսուրբ աւետարանն, որ ի նիկիա սահմանեցաւ սուրբ հաւատն՝ ասեմք, ոչ եթէ զՔաղկեդոնի ժողովոյն չայհոյութիւնս, ապա թէ այսպէս է, ոչ պարտիմք զամուրկցանկ հաւատոյս մերոյ խրամատել, զի Որ քակէ զցանկ՝ հարցէ զնա աւձ. գիշն բողոքէ, և Որ գլէ զվէմ, այսինքն զհաստատութիւն ճշմարիտ հաւատոյ, Կանձն իւր կորուսանէ: Արդ՝ պարտ է պատուականութեանդ ձերում նախանձաւոր լինել ճշմարիտ հաւատոյ հարցն որ սքանչելեալք և աստուածաշնորհ պարգեւաւք արմատացաւ յաշխարհիս մերում: Եւ թէ է ինչ երկբայութիւն ի միտս ձեր և կամիք զփորձ առնուլ յաղագս այդորիկ, գրեցէք առ միաբան փառաւորեալ իշխանս աշխարհիս մերոյ, որ գամք այդր. և որպէս ի հեռաստանէ թղթոյս պատգամաւ՝ նոյնպէս յանդիման վկայութեամբ գրոց սրբոց յայտնի առնեմք՝ զճշմարտութիւն բանիցս:



## ԹՈՒՂԹ ԵՐՐՈՐԴ ՄՈՎՍԷՍԻ ԵՊԻՍԿՈՊՈՍԻ ԱՌ ՎՐԹԱՆԵՍ ՔԵՐԴՈՂ:

**Ս**րբասիրի Տեառն Վրթանիսի, ի Մովսէսէ անարժանէ Տերամբ ողջոյն:

Զթուղթսն զոր գրեցէք առ կաթուղիկոսն անուանեալ և առ այլ իշխանս աշխարհին, ետու տանել մանկան իմոյ, և այժմ եկն: Բայց յաշխատութենէ պար ոչ կարաց գալ և ձեզ զըոյց տալ: Թէ որպէս նախ յանդիման իսկ որ չիշխեաց տանել զթուղթն կաթուղիկոս անուանն. ապա թէպէտ վերջոյ տարան, յընթեռնուլ թըղթոյն, ասէ, ի սաստիկ բարկութիւն շարժեալ զայրացեալ սրբտիւ և եղծեալ գունով զաւրէն ցաւածաց, նզովէք և թշնամած էք, ասէ, զչայաստանեայս, և թղթոյն պատասխանի ոչ ինքն արար և ոչ պոյոցն ետ առնել: Զայս յերուսաղէմ առ Հայրապետ քաղաքին տամ տանել, ասէ, որ պատասխանի առնէ: Բայց սակաւուց ոմանց որոց արարեալ է պատասխանի, ետու ըրել առ Տէր, հրամայեցէք ընթեռնուլ, և մեզ ծանուցէք զինչ զըրեալն է: Զձեզ յարածամ յաշխատութիւն պահեցի, Աստուած եղիցի վարձաճատոյց: Բայց ձանձրանայր մի, աղաչեմ: որով աւրինակաւ և է, յանձին լիցի մոլորեալ աշխարհն և անձն իմ տառապեալ: Եւ զայս ևս աղաչեմ զՏէր. զգիրս երանելոյն Տիմոթէոսի բովանդակ ստացայ. և թուղթք որ ի սուրբ եկեղեցւոյդ և առ ձեզ գտան զամենայնն գրեցի: Հասին առ իս և այլ թուղթք բովանդակ տեղաց տեղաց երանելի վարդապետացն որք յանդիմանեն և նզովեն զժողով երկաքնակացն: Բայց յետ ի բաց բարձութեան սահմանի հրէական ժողովոյն. բարեպաշտ թագաւորացն երանելոյն Զենոնի և Անաստասայ. ոչ գտի ուրեք, թէ քրպէս դարձեալ նորոգաձեւութիւնն շարժեալ կործանեաց զաւուրով եկեղեցիս, և կամ ի ձեռն որոց. որպէս տեղեկացեալ է սրբութիւնդ ձեր, հրամայեցէք գրել առ մեր նուաստութիւն:

## ՊԱՏԱՍԻԱՆ ԹՂԹՈՅՆ ԽՈՎՍԷՍԻ ԵՊԻՍԿՈՊՈՍԻ Ի ՎՐԹԱՆԻՍԷ:

**Չ**ողջոյն սրբութեան ձերոյ լուայ և ուրախ եղէ: Ծանեա, և զպատճառսն թղթոյն պատասխանի չառնելոյ, և զոր արարեալն իսկ է առ իս պատ արանց ոմանց այնպէս է՝ որք ի հիւանդութեան ինչ ընդ բարրաջ անկեալ զինչպէտ խաւսին: Ասեն, մեր և զայս ունիմք հաւատ և զպոյդ, աւրինաց աստ հաղորդիմք և այդր: Մովսիսի եթէ կամք են եկեսցէ կաթուղիկոսիս հնազանդ լիցի, զի մեզ այս հաճոյ է, և զիւր տեղի կայցի: Աւելորդ համարիմ ես ինչ ասել այսմ ամենայնի, Աստուծոյ զաւրութեանն պահեսցի: Բայց յաղագս զաշխարհս մեր նյովելոյ և թշնամսնելոյ, որպէս և այլ կորստեան և աստուածառաք բարկութեանն ասպնչական եղեն, թերևս և զայդ յանդգնութիւն արարին, անրժշկելի վէրս անձանց իւրեանց կազմեցին, զինքեանս ինքեամբ խոցոտելով: մեր հետի եմք յայնմ անիծից: Դու Յէր աղաւթեա, զի ի ժամուս պնդեալ են առաջնորդ կարգել: եթէ զայս գործ աւզնէ ի կատարումն տանել ֆրիստոս Աստուած մեր: ապա զիտեմք եթէ ձեր կամք այնպէս կատարին՝ որպէս Աստուծոյ ողորմութեանն թուի: Բայց վասն խնդրոյն զպատճառս ընթերձուածասէր և ուղղափառ պատուականութեանդ յաղագջ վերստին հաստատելոյ աւտարագուցանող և կորստական անաւրէն ժողովոյն ֆաղկեղովի: զոր երարձ ի միջոյ բարեպաշտն Ջենոն միաւորիչ թղթովն: և յետ նորա՝ նորին սահմանի նախանձաւոր եղելոյ, ցանկային հրեշտակաց և մարդկան Անաստասիաս, արդ այսպէս ունի պատմութեանս այսորիկ պատճառս: Բանցի յետ փոխելոյ յանարատ և յԱստուածահաճոյ կենաց պանդխտութեանս այսորիկ երանելոյ քաջ անուանն Անաստասայ, Յուստին անուն կալաւ զ յաջորդութիւն իշխանութեանն, այր ժանդ և անաւրէն, որ վարժեալ էր աղանդովն նեստորի:

և ի նմին զանգեալ և հաստատեալ, նորա թագաւորեցելոյ ըստ ցանկութեան անձինն և կանխապատրաստ եղելոյ մահացան խորհրդոյն, սկիզբն արար թշնամանել, հերետիկոս կոչելով զբարեպաշտ և զխաղաղասէր թագաւորսն՝ զԶենոն և զԱնաստաս: Եւ զպեղծեալն ի նոցանէ զուսմարն Լևոնի և զժողովն Քաղկեդոնի, հրամայն տայր շրջաբերական թղթովք գոռոպասաստ և անխիղճ իշխանաց անդրէն հաստատել. եթէ որ համարձակեսցի ընդդէմ կալ թագաւորին հրամանաց, սրով սպառել և պէսպէս տանջանաւք: Յայնժամ եկեղեցիք ամենայն արեամբ լինէին շաղախեալք. և մետաղք և կղզիք կապանաւորաւք լցեալք: Ջի քայ հովիւքն զմեռանելն լաւ համարէին, և անարատութեամբ առ Քրիստոս ժամանել. բան թէ կալ անաւրէն վարդապետութեամբ ժողովոյն Քաղկեդոնի: Իսկ անաւրէն վիրազին, զաղանդոյն սիրաւղս և աշակերտս և որք զանցաւոր պատուոցս բան զմշտնջենաւորին կամեցեալք ընտրել զփառս, եպիսկոպոս կարգեալ բազարաց բազարաց հաստատեաց զժողովոյն խորհուրդ: Աստանաւր էր ինչ յիշատակի արժանի, բայց այլում ժամու պահեսցի. բանի բազում խոռովութիւնք եղեալ ի ժողովրդականաց. յազագս չընդունելոյ զհերձուածող եպիսկոպոսսն: Արդ՝ սուղ ինչ ժամանակ կալեալ զթագաւորութիւնն Յուստինէ, վախճանի ծանր ախտից հարուածովք, և թագաւորէ Յուստինիեան \*), որ յետ նորա, և աղմուկ հակառակութեան ժողովոյն Քաղկեդոնի տակաւին ևս հնչէր և ի նորա ժամանակս. Իսկ յաւուր միում խորհուրդ արարեալ ընդ ումանս ի մեծամեծացն, յազագս սպանման ուղղափառ եպիսկոպոսաց, և հալածանաց. թէ իլուր արար թագաւորն զխոռովութիւնս զայս ամենայն բազարաց. և այժմ ոչ է պարտ մեզ անտես առնել և ոմանք ի յանդիման կացելոցն, որք աղանդոյն այնր էին աշակերտք, ասեն զթագաւորն, թէ անհնարին է ումք ի մարդկանէ ասել զայդ, զի Սիմեոնի ձեռն արկեալ է և հաւանեալ է սահմանադրութեան ժողովոյն Քաղկեդոնի, և ցարդ ևս պահի զգուշարար ի ներքս ի տապանին սրբոյն Եւփիմեայ, ուր ժողովն իսկ եղև: Քանզի Սիմեոնս այս եղեալ միայնակեաց յԱնտիոք բազարի, հրաշալի և հուշակաւոր, և ընտանի սրբոյ Հոգւոյն շնորհաց, որպէս և զմի որ ի տեսողացս: Եւ ոմն ի մաւտաւորացն նախանձաւոր ելեալ ուղղափառ

\*) Յօր. Յուստինի բան.

հաւատոյ, ասէ ցլթագաւորն. եթէ երանելի Սիմեոնի ձեռն արկեալ և հաւանեալ է սահմանադրութեան հաւատոյ ժողովոյն Բաղկեդոնի, և կայ ի տապանի սրբոյն Եւփիմեայ, ես դառն չարչարանաւք ընկալայց զրաւումն կենաց իմոց: Քանչի պսպէս ունի պատմութիւն անսուտ յիշատակարանաց մերոց, թէ Թէոդորիտոս որ համապոյզ 'նեստորի գտեալ' լուծեալ եղև յեպիսկոպոսութենէ իւրմէ, և հրամանաւ ամպարշտին Մարկիանոսի ընկալեալ եղև յառաջնորդութիւն Բաղկեդոնի ժողովոյն, և առեալ զսահմանեալ գրեալսն ըստ հրամանի թագաւորին հասանէր ի դուրս խցկանն երանելոյն Սիմեոնի: Իսկ նորա յառաջագոյն ծանուցեալ զգալուստն, հրամայէ սպասաւորաց՝ յարգելանոցէն զինքն ի խոնարհ իջուցանել և հրատ լուցեալ վասն որոյ յոյժ պարմացեալ սպասաւորացն եթէ զինչ լինիցի այն, և իսկոյն տեղեկութիւն տուեալ երանելոյն, թէ ոմն ի թագաւորէն եկեալ խնդրէ տեսանել զքեզ: Եւ նորա հրաման առեալ թէ վասն այդորիկ իսկ եկի ի տեղս յայս, և մտեալ ի ներքս Թէոդորիտոս, բազում բանիւք թախանձանս մատուցանելով ազաչէր ձեռնարկ առնել և հաւանել առաջիկայ լինել սահմանին, քանչի ամենևին ի մարդկանէ յայսպիսի իմն գործաւոցաց և ոչ ակն առնուլ գիտէր երեսաց: Վաղվաղակի զգրեալսն յինքն առեալ ի վառեալ հրատն ընկենոյր. նշովելով զՄարկիանոս և զԺողովն և զհաւանեալսն այնմ սահմանի. և աւելի ինչ բան զայդ թէ գտանես ասէ, թ՛վ թագաւոր: Իսկ թագաւորին թոյլ տուեալ առ ժամն լուռ լինելով, հրամայէ ի միւսմ աւուրց մակուկաչու ուղղեգնացութեամբ ի Բաղկեդոնն ելանել սակաւուք արամրք, և մտեալ ի վկայարանս սրբոյն Եւփիմեայ ստիպեն զսպասաւորն քանալ զտապան ոսկերացն պահարանի: Իսկ նա ասէ, թ՛վ դուք որ զայդ համարձակիք գործել, զոր ոչ ուրուք արարեալ ի մարդկանէ. և իմացեալ զմուտ ինքնակալ թագաւորին վաղվաղակի քանայ նմա, և սիրեալ զբղամիթն, հրամայէ զնշխարս սրբոյն անդր հանել, և ասէ ցսպասաւորսն, այլ կայ ինչ ի ներքս. և նա ասէ, այլ ոչինչ գոյ ամենևինմբ: Եւ հայեցեալ թագաւորին տեսանէր ինքն իսկ. զի այլ ինչ ոչ գոյր. հոգոց հանեալ ծծծէր զձակատն, ապաշաւելով և ողբալ Վ զսուրբ և զերանելի հովիւսն. որք յաղագս ուղղափառ և ճշմարիտ հաւատոյն հալածեցան և սպանան, և խորհուրդ արարեալ ընդ մեծամեծս իւր՝ բառնալ ի միջոյ զսահման նորոգաձեւութեան ժողովոյն Բաղկեդոնի:



և զվաղընչուցն յառաքելոցն և սուրբ Հարցն զօրոպեալն Հաստատել, և իսկոյն Հասեալ նմա մահ զաւողական, որպէս բազմաց բան է, ի նմին մնաց յառաջագոյն գործեցեալն: Եւ զու մի զարմանար. ո՞վ նախանձաւորդ Աստուածայնոյն, թէ ընդէր նուագեաց ռղղափառութիւնն և զարգացեալ ծաւալեցաւ Հրէական սարսափելի Հայհոյութիւնն: Վասն զի ի յետին ժամանակս եմք. և զարհուրեալ կասկածեմք թէ ի մեր իսկ աւուրս Հասցէ կատարած: Եւ բանզի բազում ինչ եղեալ էր ի նշանաց, պարտ էր և այդմ լինել. զոր կանխաւ գուշակեաց բանն երջանիկն առաքելոյ: Եւ ո՞ր իցէ այն. նախ եկեսցէ, ասէ, ապստամբութիւնն և ապա յայտնեսցի մարդն անաւրէնութեան որդին կորստեան: Ապստամբութիւն աստ ոչ եթէ զերկրաւոր թագաւորացս ճակատամարտից ինչ ասէ, զի այդ ի վաղընչուց կալաւ սովորութիւն. այլ ի ճշմարիտ Հաւատոյն բակեղցն, և այսուն մոլորութեան զհետ երթաւզացն, ասէ, ըստ այնմ եթէ Ի ժամանակս յետինս բակեցին ոմանք ի Հաւատոց, Եւ զի յոյժ նուազունք մնալոց են անբիծ և կեցուցանող Հաւատոյն պաշտաւնեայք Փրկչի՞ մերոյ և Տեանն, Հաւանեցուցէ զբեզ անշուշտ բանն, զոր ի դէմս մեր որպէս ըղձալով իմն ճառեաց. Իսկ Որդին մարգոյ, ասէ, եկեալ գտանիցէ արդէք Հաւատս յերկրի: Վասն այնորիկ վաղվաղակի գայթաղեցուցանէ և տիրէ դերաբրիստոսն. զի յուղիղ ճանապարհէն զմոլորեալն դիւրաւ ըմբռնելով յափշտակէ զայլն ապականիչ, և յաճախէ զչոլիրս ձախակողմանն գասու գժոխըմբար կորստեան. Յաղագս որոյ պարտ է մեզ զգուշանալ և անասանելի պահել զանձինս ի վերայ ճշմարիտ Հաւատոյ ի մարգարէիցն տնկեալ. և ի սքանչելագործ առաքելոցն տճեցեալ, և պտղաբերեալ ոռոգմամբ ի սուրբ Հոգւոյն. և ի սուրբ Հարցն դաւանեալ և Համառաւտեալ ՅԹ և Ը. իցն ի Նիկիա, և ՃԾ, իցն ի Վոստանդնուպաւլիս. և Մ. ոցն յԵփեսոս. որք ի պատիւ ամենասուրբ Երրորդութեանն գումարեցան: Եւ մի որ բանիւ կամ գործով ըստերկրեցուք ի հետոց նոցա. թէ և ի պատուոյ ինչ Հասցէ անկանել և մերկանալ ի փառաց երկրաւորաց, կամ բանդից կամ կապանաց մատնել սովոյ և սրոյ յաւժարութեամբ մատուցուք զպարանոցս մեր, զի առանց այսց աստուածահաճոյ երիցս ժողովոցս անթերի Հաւատոյ խոստովանութեան՝ անհնար է հաճոյ լինել Աստուծոյ: Զորոց զգրութիւն Հաւատոց, և ոչ ի Քաղկեդոնի ապստամբեալքն իշխեցին

յայտնապէս հայհոյել այլ ի ծածուկ զաղտնապէս երկուս բնութիւնս ասելով անխառնս և անհաղորդելիս, բստմեելի անշտովամբ, և զգործ երկաքանչիւրոցն բաժանեն տա՛ն լրբենի յանդգնութեամբ. զի և զաստուածավայելչաբար միաւորութեանըն խառնումն և հաղորդութիւն ուրանալ և ի բաց բառնալ հնարեսցին. Վասն որոյ պարտ է ճանաչել Աստուածսիրութեան քում. զի կտակ այս չարեաց և հիմն Սիմոն է մոզն և կախարդն՝ որ առ սուրբ երանելի առաքելովքն էր. և ձաղածանակ նշաւակութեամբ հերձեալ կորեաւ. զոր և ի հինգետասանն երրորդում սաղմոսին մեկնութեանն ծանուցանէ. Այս փոքր ի շատէ ծանուցումն քում Սրբութեան:

Զնուաասք գրող և զսիրող այս՛ գրութի պատմաս և զծնասւշն ի՛ն, աշաչէ՛ն յիշել աշաւիւտ ի Քրիստոս Աստուած, և ճեղայ  
 Լուղաւիւն խնորել ինչ և ինչն:



# ԿԵՆՈՆՔ ՈՐ ԵԴԱՆ Ի ԴՈՒՆԻ, ՄԻՆՉԴԵՌ ՄՏԱ- ԺՈՒԹԻՒՆ ԷՐ ԺՈՂՈՎԵԼՈՑ ԵՊԻՍԿՈՊՈՍԱՑՆ ԿԵՐԳԵԼ ԿԸԹՈՒՂԻԿՈՍ ՀԱՅՈՑ ՑՅՏ ՄԱՀՈՒԱՆՆ ՄՈՎՍԷՍԻ ԿԸԹՈՒՂԻԿՈՍԻ: ԵՒ ԽԸՓԱՆԵՑԱՆ ԸՑՆՄ ԱՆԳԱՄ

Վասն զի յառաջագոյն սուրբ Հարցն և ուղղափառ վարդապետացն՝ մերժեալ էր և ի բաց ընկեցեալ սոսկալի նշովիւք զամենայն Հերձուածողս. զՍարելիոս և զԼրիոս, և զԵւնոս և զՄանի, և զՄարկիոն և զնոցին նմանիս, և զՊաւղոս Սամուստայի, և զԹէոդորոս \*) և զԴիոգորէ զանյիշելին նետտոր և զԹէոդորիտոս, և զԵւտիրոս և զՍեւերոս, և զԱնդրէաս և զնոցին հաղորդս, և զԵւլոյիոս նիկոմիդացոց եպիսկոպոս և զնոցին հաղորդս, զանաւրէն ժողովն Քաղկեդոնի և զպիղծ տումարն Լեոնի, որ զյոյովից յառաջ ասացելոցդ հաստատեաց հերձուածս. և այժմ՝ բարձր ընդ խոստովանողս և ընդ ընդունաւոր ժողովոյն Քաղկեդոնի և տումարին Լեոնի հաղորդեցան յաշխարհէս մերմէ. ոմանք կամաւորութեամբ յաղագս սնոտի փառասիրութեան և աւառութեան, և կէսք ակամայ բռնադատեալք ի նոցանէ. և այլք առ տղիտութեան և կամ անձեռնհաս լինելոյ. վասն որոյ ժողովեցաք եպիսկոպոսքս այս ի մայրաքաղաք եկեղեցիս Դուննայ. Թէոդորոս մարդպետական եպիսկոպոս, Յովհաննէս Արծրունեաց եպիսկոպոս, Քրիստոփոր Սիւնեաց եպիսկոպոս, Մանասէ Բասենոյ եպիսկոպոս, Աբրահամ Ռշտունեաց եպիսկոպոս, Յովհաննէս Ամատունեաց եպիսկոպոս, Գրիգոր Անձևացեաց եպիսկոպոս, Սիոն Գողթան եպիսկոպոս, Ահարոն Մեհնունեաց եպիսկոպոս, ներսէս Բոժաւնեաց եպիսկոպոս, Յոհաննիկ Ելոյ եպիսկոպոս, Թարգոս Առնայոյ ե-

\*) Յօր. Դէոդորոս.

պիսկոպոս. Եպիսկոպոսը Ծ. և Հարք և քահանայք Յ. և Ղ. կամաւք և այլոց, հաստատել սահմանս կանոնականս յաղագս այնպիսեացն, որք զան ի խոստովանութիւն զղջանալով զվնաս և կմեղս զոր գործեցին կամաւ և ակամայ, զի գիտասցեն պատրաստութեամբ գտանել անձանց փրկութիւն ի Տեառնէ:

Եթէ որ Եպիսկոպոսաց եկեսցէ զղջանալով և խոստովան լինելով զվնաս անձին իւրոյ, որպէս թէ ակամայ եղև հաղորդութիւնն ի բռնութենէ ձգեալ յայն, և չէր ձեռնհաս. և կամ թէ տգիտութեամբ ինչ եղև, այլ ոչ յաղագս փառասիրութեան և զաւշաքաղութեան, այնպիսոյն ներելով տայցէ զըլ-խաւոր վարդապետն զպաշխարութիւնն, մինչև երգամար և ձեռնագրաւ իւրով նշովեսցէ զհերձուածն յեկեղեցւոյ առաջի ամենեցուն: Բայց ի պատիւն մատուցանել, մի և երկուք մի իշխեսցեն առանց կամաց և բնութեան ամենայն եպիսկոպոսաց:

Իսկ եթէ որ չառնուցու յանձն զվնասն, և կամաւորութեամբ իցէ արարեալ զհաղորդութիւն, և այլոց ևս պատճառք իցէ եղեալ բռնադատութեամբ զպթակղեցուցանելոյ, ծանր բնութիւն եղիցի. և քաջ փորձեսցեն. յոլով զպաշխարութիւնն տալով նմա զթաւոր վարդապետին. մինչև երգամար ուխտեսցէ պահել զուղղութիւն, և նշովեսցէ զհերձուածն ձեռնարկութեամբ իւրով. ապա թէ կամք իցեն կաթուղիկոսին ամենայն եպիսկոպոսաւք հանդերձ. շնորհեսցէ զպատիւ աթոռոյն, բայց զղջումն կալցի զամենայն աւուրս կենաց իւրոց. նոյն կանոն և քահանայիցն եղիցի:

Եթէ որ եկեալ կամաւորութեամբ խոստովանեսցի. և նշովեսցէ զհերձուածն ձեռնարկութեամբ իւրով, և ապա անդրէն երթայ, ի նոյն փսխած դառնայցէ, և դարձեալ այսրէն գայցէ, զայնպիսին խոշտանգեսցեն բանիւք վարդապետութեան, և խտաբոյն զպաշխարութիւնն տալով զթաւոր վարդապետին. Գաջ բնութիւն արասցեն և յանդիմանեսցեն. զի և այլքն երկիցեն. բայց զպատիւ աթոռոյն մին կամ երկուքն մի իշխեսցեն տալ բայց եթէ ուղղութիւնս և կրանս առաքինութեան ցուցցէ յանձին իւրձամ և ամենայն եպիսկոպոսաց լինիցին կամք:

Իսկ որք ոչ են հաղորդ ընդ մեզ հաւատով և աւտար ի միարանութենէս յոյամանէ, և ի պատճառս ինչ պիտոյից հասա-

նիցեն առ մեզ եպիսկոպոսը կամ բաճանայք, մի՛ որ իշխեսցէ հաղորդել կամ պատուել բաճանայական պատուով, այլ որպէս զմի յաշխարհականաց ընկալցին վանատուութեամբ և այլ կարգաւք:

Ապա թէ որ զայցէ ի խոստովանութիւն ի բաճանայից, զձեռնարկութիւնն առաջի եպիսկոպոսին արասցէ՝ յորոյ վիճակի կալն կամիցի. և մի՛ որ իշխեսցէ վանից երէց կամ բաճանայ առանց եպիսկոպոսին իւրոյ ընդունել զոր յայսպիսեացօ յընտանութիւն կամ ի հաղորդութիւն:

Արդ՝ եթէ որ յաւժարւթեամբ ընկալցի զկանոնական սահմանս մեր և արասցէ, աւրհնեսցի հոգևով և մարմնով, և ի կենցաղուն զուարճացեալ բերկրեսցի. և ի յաւիտենից բարիսն վայելեսցէ: Իսկ եթէ որ՝ ոչ լուիցէ և ապստամպեսցէ յատուածաճաճոյ կեցուցանող պատուիրանէս՝ յիշխանաց կամ ի բաճանայից կամ յեպիսկոպոսաց կամ ի ժողովրդականաց, նչովեսցի՝ հոգևով և մարմնով և ամենայն կենցաղով իւրեանց և ընկալցին անողորմ՝ պատուհասս յարդար դատաստանացն Աստուծոյ՝ աստ և ի հանդերձելուն:



**ՉԵՌՆԱՐԿ՝ ԶՈՐ ԽՆԴԻՐԵԱՅ ՍՄՐԱՏ ՎՐԿԱՆ ՄԱՐ-  
ԶՊԱՆ, ՑԱՑՆ ԵՊԻՍԿՈՊՈՍՈՒՆՍ, ՈՐՔ ԴԱՐՉԵԱԼ  
ԺՈՂՈՎԵՑԱՆ ՆՈՐԻՆ ՀՐԱՄԱՆԱԻ Ի ԴՈՒԻՆ,  
ԿԱՐԳԵԼ ԿԱԹՈՒՂԻԿՈՍ ՀԱՅՈՑ, ՑԵՏ ՄԱՀՈՒՄ-  
ՆԸՆ ՄՈՎՍԵՍԻ. ԵՒ ԶԱՅՍ ՉԵՌՆԱՐԿ ԵՏ՝ ՆՈՑԱ:**

**Ա**մենագովելի և փառաւորելոյ և աստուածաշնորհ պատուովք պայծառացելոյ Տեառն Սմբատայ վրկան մարզպանի և տերանց զինուորի, և Տեառն Գիգայ Գաշտկարանի, և վարդապետի Հայոց Շարսաւարի. Ի Մանասէէ Բասենոյ եպիսկոպոսէ, ի Քրիստոփորէ Սիւնեաց եպիսկոպոսէ, յԱբբահամայ Ռշտունեաց եպիսկոպոսէ, ի Յովհաննէսէ Ամատունեաց եպիսկոպոսէ, ի Գրիգորէ Անձևացեաց եպիսկոպոսէ, ի Սիոմէն Գողթան եպիսկոպոսէ, ի յԱհարոնէ Մեհնունեաց եպիսկոպոսէ, ի Ներսէսէ Բոժոժունեաց եպիսկոպոսէ, ի Յոհանկայ Եղոյ եպիսկոպոսէ, ի Թադէոսէ Առանոյ եպիսկոպոսէ, Տերամբ ողջոյն:

Եւ թնուտաներորդ ամի Ապրուեց Խոսրովու արքայից արքայի, յամսեանն մարերի, որպէս փառաւորութիւնդ ձեր յայս եպիսկոպոսաց՝ զոր ի վերոյդ գրեալ է. որ ի ժամուս ի Դուընի ի սուրբ եկեղեցւոջս զիպաբ, ձեռնարկ խնդրեցէք վասն սուրբ և ուղղափառ հաւատոյ, զոր մեր հարանցն և երանելի վարդապետացն կալեալ է, և այժմ ունիմք կամաւքն Աստուծոյ: Արդ՝ որպէս յառաջագոյն հայրապետացն Հայաստան աշխարհիս, և եպիսկոպոսացն և քահանայից և իշխանաց և աշխարհականաց, սոսկալի նզովիւք մերժեալ և ի բաց ընկեցեալ է զամենայն հերձուածողս. զԱրիոս և զՄակեդոն, և զանյիշելին նեստոր և զԵւտիրոս, և զժողովն Քաղկեդոնի և զպիղծ տումարն Լևոնի, և հեռանամք ի հաղորդութենէ նոցա ճշմարտութեամբ. Ապա եթէ իարէութեամբ ինչ իցեն բանքն մեր, նզովեալ եղիցուք յամս-

նասուրբ Երրորդութենէն: Նոյնպէս և ես, Սմբատ Վրկան մարզպան և տերանց զինուոր, և Գիգ Դաշակարեն, և վարդապետ Հայոց Շարսաղար, նզովեմք զնզովեալսդ ի ձէնք, որպէս հարքն մեր երանելիք նզովեցին զնզովեալսն ի ձերոց հարանցն, և աւրհնեմք զաւրհնեալսդ ի ձէնք, որպէս և հարքն մեր աւրհնեցին զաւրհնեալսդ ի ձերոց հարանցն երանելեաց և վարդապետաց աշխարհիս: Եւ յայս ուղղափառ հաւատոյս վերոյ հաստատուել և անշարժ կացցուք. ի կեալ և ի մեռանել ընդ ձեզ: Ապա թէ խաբէութեամբ ինչ իցեն ըմբս մեր. նզովեալ եղիցուք յամենասուրբ Երրորդութենէն:

Եւ կրեցար զձեռնարկս այս, և եղար ի սուրբ եկեղեցւոջս Դունայ: Ես Մանասէ Բասենոյ եպիսկոպոս, իմ աթոռակցաւք հանդերձ, որոց անուանքն ի վերոյդ յիշատակեալ են: Եւ Սմբատ Վրկան մարզպան, և տերանց զինուոր, իւր եղբարաւք հանդերձ, առաջի ամենասուրբ Երրորդութեանն, նախ սրախք մերովք, և ապա մատանաւք մերովք:



## ՉԵՌՆԱՐԿ՝ ԶՈՐ ԵՏՈՒՆ ԱՐԲԱՆՄՈՒ ՀԱՅՈՑ ԿԱԹՈՒՂՈՍԿՈՍԻ Ի ՄԻԱԲԱՆՈՒԹԵԱՆՆ ԸՁԻՍԱՐ- ՀԻՍ ՀԱՅՈՑ, ԱՅՆՈՒՔԻԿ ՈՐ ԷՒՆ ԸՆԴ ԻՁԻՍ- ՆՈՒԹԵԱՄԲ ՀՈՌՈՄՈՑ Ի ԹԱԳԱՒՈՐՈՒԹԵԱՆ ՆԸՆ ՄԱՒԻԿԱՆ

**Ե**ւթն ու տասներորդ ամի Ապերուէլ Խորովու ար-  
քայից արքայի, իմ Արրաճամու Հայոց կաթողիկոսի և աթո-  
ռակցաց իմոց, Մանասէի Բասենոյ եպիսկոպոսի, Քրիստափորի  
Սիւնեաց եպիսկոպոսի, Յովանիսի Ամասունեաց եպիսկոպոսի,  
Գրիգորի Անձեակցեաց եպիսկոպոսի, Սիովնի Գողթան եպիսկո-  
պոսի, Աճարոնի Մեճնունեաց եպիսկոպոսի, Ներսէսի Բոժունեաց  
եպիսկոպոսի, Յոճանկայ՝ Էղոյ եպիսկոպոսի, Թաղէոսի Առա-  
նայ եպիսկոպոսի և իշխանաց մերոց. Տեառն Սմբատայ Վրկան  
մարզպանի և տերանց զինուորի, Եւ Գիգա Դաշտկարանի, և վար-  
դապետի Հայոց Շարսաղարի, և այլ իշխանաց և աշխարհակա-  
նաց և ուղղափառաց առաջի կացեալ. Թէոդորոս սեպհական գըն-  
դին եպիսկոպոս, Ստեփանոս Բագրաւանդայ եպիսկոպոս, Մովսէս  
Խոթոռունեաց եպիսկոպոս, Քրիստափոր Ապաճունեաց եպիս-  
կոպոս, Ներսէս Վանանդայ եպիսկոպոս, Հանդերձ վանից երի-  
ցամբբս պսոքիւբ, Արրաճամ սրբոյ կաթուղիկեի՝) վանից երէց,  
Սամուիէլ սրբոյ Հոնիսիմնի, Բաբիւլաս սրբոյ Յովճաննու վա-  
նաց երէց, Խոսրով Աւշականու, Յաւիտեան Աղիվարդայ, Դաւիթ  
Երևանայ, Իսմայէլ Գառնոյ, Յունանէս Աւանի, Իսրայէլ Պաղա-  
վանից, Զոյիկ Երևանից, Յոճանիկ Արտաւազդայ ապարանից,  
Արաս և Որդեակ և Արրաճամ Փարպիոյ, Միքայէլ Աղցից, Գիոր-  
գիս Արձոյ, Կոզմաս Ուրդայ, Մայէն միւս Արձոյ, Յոճանիկ Ար-  
ծափաց, Սիմոն Դատ աւանից, Սամոտ Բագարանի, և այլ վանից

\*) Այսպէս յօրինակն.



երիցամբ հանդերձ. եկեալ յանդիման մեր զբարեպաշտութիւն խոստովանեցին, նպովելով նոյնաձև ըստ երանելի հարցն մերոց զամենայն հերձուածողս, և զԱրիոս. և զՄակեդոն. և զՆեստոր, և զԵւտիքոս, և զչար ժողովն Քաղկեդոնի, և զպիղծ տումարն Լեոնի, և աղաչանս մատուցանելով առաջի մեր, խանել զինքեանս ի միարանութիւն եկեղեցւոյ ճշմարիտ հաւատին Քրիստոսի. և ասացին միաբանութեամբ ամենքեան. թէ զխոստովանութիւն և զսահման զոր հաստատեցին երանելի հարքն մեր անշարժ պահեսցուք առաջի Աստուծոյ և հոգևոր հարանցդ մերոց, և զապաշխարութիւն զոր տայք, յաւժարութեամբ ընդունիմք, և կամաւք կատարեմք, և ի հաղորդութենէ նպովելոցդ ամենեկին հեռանամք. Եւ թէ թարէութիւն ինչ եցէ ի կամս ուրուք, նպովեսցի հոգևով և մարմնով յամենասուրբ Երրորդութենէ:

Եւ ընկալեալ զնոսա ապաշխարութեամբ, բեռն ինչ և մեր բառնալով զնոցա, ըստ գրեցելումն. կնքեցաւ ձեռնարկս այս ի նոցանէն յանդիման մեր ամենեցուն, վկայութեամբ սրբոյ Երրորդութեանն:



## ՍՐԲԵՍԻՐԻ ՏԵՆՈՒՆ ԱՐԲԱՀԱՄՈՒ ՀԱՅՈՑ ԿՈՒՐՏԻԿՈՍԻ Ի ԳՐԻԳՈՐԷ ՆՈՒԱՍՏԷ ՔԵՐԴՈՂԷ

Պարտ է կարաւղացն, ասէ առաքեալ, զտկարութիւն տկարացն բառնալ վասն շինութեան, և ըստ մարգարէին Տրամանի զքարինս ի ճանապարհէ ի բաց ընկենուլ, զի մի՛ որ կարդըն իցէ զլորիցի. և ոչ գնել առաջի սակաւատեսի գայթաղութիւն, և այս թէպէտ և առ այլս է, բայց առաւելագոյն պատշաճեցաւ առաջնորդաց: Եւ այժմ իմ և ըստ մեզ խորհաւղացս բանքս են առ երանելի Տարս մեր ի Քրիստոս, որք ի մերում ժամանակին զՏեստ երթաւղաց սրբոց առաքելոցն խրատու և նմանութեան՝ որոշեալք ի ստոցն: Եւ աղերս ապարանութեան, զարժանն թուեցեալ մեզ ինդրել առ արգելաւդս Տամառաւտագոյն ձայնիւ. բանպի յեկեղեցիս և ի ժողովանոցս՝ զորս Աստուծոյ շինած գիտեմք բանաւոր արժանացելովքս, զսեղանն մեծ ձևաք ի նոյն ինքն ի Բանէն Աստուծոյ և ի նորին առաքելոցն, զնոյն պաշտելի և զատուցեալ և որոշեալ զձմարիտն և զանմերձենալինս Վասն այլապէս է խորհիցն. և ոչ զնմանութիւն պաշտաման առաքելոցն վարդապետութեան ունաւղաց, որպէս գրէ երանելին Պաւղոս Եբրայեցւոցն կանոնեալ սովորութիւն առ և այնց, որք ոչ ուղղակի խորհին ի Տաւատ, յամառական պնդութեամբ, արտաքս վարել, Տանել յեկեղեցւոյ բարոզական ազդամբ յազագս ոչ աղաւթակցելոյն և Քրիստոսի երկրպագու լինելոյ ընդ մեզ: Եւ գոչէ ևս թէ սուրբ սրտիւ և անխիղճ միտս ունել ի կատարեալն Տաւատ, և կալ առաջի սուրբ և Աստուծոյ սեղանոյ: Եւ զի Աստուծոյ սեղան խաչարգաբար \*) աւրհնութեամբ յուղողոցն և ի կատարելոցն զլեաւորացն եղանի, ամենեցուն յայտ է: Իսկ զորս և ոչ առաջի սեղանոյն սովորութիւն ընկալաք

\*) Այսպէս յօրինակին.

Թողուլ վասն հարման նոցա մտացն խղճի: Քանզի չէ հաղորդութիւն լուսոյ ընդ խաւարի, զի նոցանէ յուղղութիւնն առարկեալ զսեղանն մեզ կեցուցանող մարմնոյն, և մեղսակէզ հրոյն՝  $\pi$  յանձն առցէ հաւաստի եղանիլ: զի Տէրն մեր և Աստուած ի ձեռն սեղանոյն ճշմարտագործ է, որպէս պատմէ աւետարանագիրն և գինքն իսկ առնէ յուտել կերաւղացն. ապա հակառակ ունարան<sup>\*)</sup> ի լուծումն փոխէ ղէութիւն գտննչալ ի հրոյն կայծակն. որպէս և ոչ կենդանի ջուրն առ գերութեամբն, որ Թուի ինձ դասք հերեսիտաց. զոր փորեցին իւրեանց զուրս ըստ մարգարէին ամբաստանութեան: Բայց սեղան Տեառն կենդանի ջրով շրջագայեալ, կարէ հուրն իմանալի փութանակի բորբոքել որպէս առ Եղիպիւն: Իսկ ապա որք պատուէրս առաք փորձել քննութեամբ զբարիքն ընդունել, և ի չարեաց իրէն հեռանալ, անընդրող և խառնակ մտաւք վարիլ արդեք ոչ լինիցի առիթ զեհեհին: Թողից պատուէրն զամենայնիւ ոչ հաղորդելն ընդ այնպիսին: Բայց պատճառ զայլոց եղեալ մեծի դատապարտութեան յԱստուծոյ ակնունելի է: Ջի կամ անդրէն շինիցի հաղորդել կամաց հերձուածողաց հեռացեալն, ևս չարագունիցի յայրացական մտաւք, ի Քրիստոս զմեղանչելն ամբարիցէ, կամ բամբասեալ և զմէնջ իրրև զմի յորոշելոցն. ի սուրբ հարսնութացուցանէ զպատճառս յանդգնութեանն իբրև ամբարհաւաճելոց և զիւրեանցն խնդրաւղ կացուցողի, թէ միութիւն պիտմ յայտի: Եւ ահա կորնչիցի տկար եղբայրն՝ վասն որոյ Քրիստոսն մեռաւ, և պատճառաւորն եղելոյ ըղձալի և հեշտ է երկանաբար հարստել ընդ պարանոցն, և տալ զինքն ովկիանեան յորձանացն վըճիռ հրաւիրէ: Բայց պիտմ ինձ ընդ միտ ածէք ձեզ Աստուծով զթշնամանողն մեր աւանդիս հանդերձ աւանդաւղաւքն, և կամեցող շրջել պաւետարանութիւն՝ առի ի մէնջ մեծի միջոցաւ, ի բաց հեռացուցանել նվովին ձայնիւ, և ըստ նորա զնուիրեալն նորին միում շարայարութեան կրկնակացն Քրիստոսի, որպէս իւր Թուի. որ է արդարև թշնամանք մարդացելոյն Աստուծոյ: Մեզ արժանի համարիք ասել ի ձեռն մաղթման զչայր, առաքել զսուրբ Հոգին ի նա, զի արասցէ ճշմարիտ մարմին և արիւն փրկաւղին մերոյ Բանին մարմնացելոյ, և զի նոցանէ խորհրդոյն հրաժարեցուցանէք, զի թէ ի նմա թերութիւն և անվայե-

\*) Այսպէս յօրինակին.

լուչք Աստուծոյն մարդացելոյ, նոյն և աստ հաւասար նմին. Գանդի ոչ առանց աւրհնութեան, որպէս ասացի, ուսաք զսագոյ, և ըստ երկրորդ բանի զգարձեալսն ի խոստովանութիւն, ի հովուական աշտիճանի կացելոցն՝ սակս առաջին գործոյ, զի ոչ յուղողց ընկալան զձեռնադրութիւնն յապաշխարութեան կարգի կացուցանէք, ոչ համարձակել ի սեղան աւրհնել, և զյառաջն կանգնել, որպէս յուղողաց համարիք: Բայց թէ վասն բահանային մերձեցման զվատթարագոյն սրբեալ համարիք, մի՛ գուցէ և նա վարակիցի. քանզի վատթարի և առաքինւոյ առ միմեանս յարմամբ հարկ է և զհառնուսն \*) առնուլ. որ լինի ո՛չ առաքինի և ո՛չ վատթար. և այս ի բազումս:

Արդ՝ հայցաւորս ի ձեռն գրոյ աղաչեմք զսրբութիւնդ ձեր, թէ այլ ինչ յայտնեցաւ ձեզ ի հին և նոր կտակարանաց, ցուցէք և մեզ, և կամ թէ ի ձեռն հոգւոյն շնորհի նշանակել ձեզ. Գանդի սովոր է զհակառակութիւնս լուծանել. և զկամս երկիւղածաց առնել, ապա թէ ոչ զհայցուսնս մեր կատարեցէք, փոխել զսեղանս նորս ի նորոց հաստատեալս, որ ոչ ըստ հարանցն մերոց որ ի Քրիստոս կացեալ, այլ ըստ աւտարատեսուչ հովուաց յաջորդութիւն առին: Եւ քանզի որպէս նորա զբարեպաշտութիւնն խոստովանելով յառաջին ի մտացն փոխեցան, այսպէս գոյ հնար փոխարկել յառաջին սրբութեանն պատուհանութիւն և զսեղանս, որպէս առ Մակարայեցւոյքն եղև, յեղեալ զիդձեռն յանխղճագոյնս: Սակս փոխելոյ է՝ մեր բանս աւրինակեալ՝ թէ կար գոյ, այլ ոչ զհինն աւրինադրեմք տապալել, քանզի թէպէտ և լայով և արտասուաւք և բորովք և թերահաւատութեամբ ծածկեցին զսեղանն Յեռոն, բայց հաստատուն հիմն Աստուծոյ կայ և ունի զկնիքս զայս զորոց ասեն, թէ ծանեաւ Տէր զիւրան. Իսկ յանաւրինացն և յանհաճելեացն բացակայի. Իսկ զորոց խորհրդագէտն և վարդապետն հեթանոսաց որոշումն դնէ. զինչ որ առ այս ասիցէ: Ապա թէ անընդրութեամբ վարիցիմք. մի՛թէ կայ ինչ ի միջի. ի բաց քակել զարգելումն, և զմեզ յեկեղեցիս նևստորականաց մտանել. և ի նոցա հաստատեալ սեղան կատարել զխորհուրդն տէրունեան, և զնոցին չերիցունս ի մերս: Ո՛չ ապաքէն առաջինքն՝ յորժամ կամին միարանել հաւատով, այ-

\*) Այսպէս յօրինակին.

սու իրաւք զմիաւորութիւն ցուցեալ՝ համարձակէին կատարել ի միմեանց եկեղեցւոյ սեղանս: Արդ՝ որք զկերպարանս Քրիստոսադաւանութեանն, թէև բազումք ունին, ի զարուծենէն հեռիք են. որպէս այժմ առ մեզ հերիսիոսացքս, և կամ յարեւելս ի Պարսս, ի Տիսպոն, և յայլ տեղիս ամենեւոր իսկ զատուցեալ յեկեղեցեացն, զի և զգուշնորք \*) անդ երկրպագութիւն դատապարտութիւն ի հոգևորին ուսուցանէք: Վասն այսորիկ սեղանակտաւս աւրհնէք և երիցունս արձակէք, կարեկցել նոցա որք արբունի հրամանաւ անդր երթան:

Արդ՝ վարդապետացն հրաման հաստատուն կայցէ, և առանց հաւասարութեան խոտորելոցն զպաշտան կատարեսցն. ապա թէ յաշնարհիս թիւրացելոցն արարուածի թոյլ տայք, ոչինչ արգելէ և ի մէնջ յիշատակելոցդ սեղան ցնոյն սովորութիւն ունել. և լոկ ի հացէն և ի բաժակէն աւրհնութեանց արգելու ծիծաղելի է: Արդ՝ աղաչեմք, մի լիցի մերոցս լսել զՏէրունեան զայն ձայն. Առաջնորդ կոչր. զի՛նչ մեծ է. հացն՝ թէ սեղանն որ սրբէ. և ի վերայ եբեր, թէ Ուրեմն վկայէք դուք ձեզէն, զի որդիք էք այնպիսի հարանց: Ոչ ապաքէն կամակար մտաւր յանձն առին մերքս յայն յեղուլ, ոմանք վասն ազահութեան, և այլք սակս սնափառութեան. և կէսք կաշառովք եղեալք ընդ սուրբ հարանցն նպովիւք: Իսկ յաթոռոցն իշխանութեան արժանաւորելոյ ըստ կանոնին սահմանի, դուք առաւել ողորմութեան արժանի արարէք, և այժմ զայս ևս մինչ ընգարձակէք: Վասն որոյ ասեմքս մեզէն իսկ որոշիմք յառաքելոցն և ի սուրբ հարցն. և չէ՛ ինչ անուամբ լոկ յորջորջելն, զի լսելոց եմք. Թէ որդիք նոցա էիք. զգործս նոցա կատարէիք. Քանզի նոքա և զբաղանիս անգամ ի հերձուածողաց կոթեալս պիղծ համարէին, և արդարև ապաշաւելի մասին հասանեմք, մինչ այդմ ևս թոյլ տայք լինել:

Արդ՝ թողեալ զսուտ քահանայականն դաս, և զեորհուրդ հացին բեկման և զբաժակին. զսեղանոյս միայն բնութիւն յառաջ ձգեսցուք, և յայտոսիկ զհեթանոսականն, որում բազին սովորեցին ասել. և զհրէիցն յառաքելոց չիշատակեցաւ առ մերս յարակցել. նոյն կանոն և աստ: Իսկ առ սա որպէս բանս է, մինն ուղիղ ըստ լի հաւատոյ, և միւսն թիւրացեալ ըստ

\*) Այսպէս յօրինակին.

պակասահաւատն բարուց: Քանզի սա՛, Տեառն՝ զաւրութեանց և նա՛ ոչ: Սա զսուրբս միայն ընդունի և զխոստովանողս, որպէս և նախացուցաւ Եսայեայ աւրինակելով զսա՛ Քանզի՛ նախ՛ զՏէր զաւրութեանց ետես, և առ նմին զնուէրին սեղան կայծակնապարուկ <sup>\*)</sup>, զի և խոստովանողին զՏէր զաւրութեանց տեսեալ աչաւք՝ կայծակն պղծակէլ ի նորին սեղանոյ առաքի, որպէս և մերքն ասեն, տեսաք մեր զնա, և առ մեզ Հաւաստի եղանիր: Իսկ պղծաշուրթն ժողովըգեան՝ որ զՏէրն զաւրութեանց մեզ ասեն, անսրբութեան ընդունիչ, և զայ՝ «նդէ, Երեմիաս, մեղքն Յուդայ, ասէ, գրեալ ի տախտակս սրտից նոցա և յեղջիւրս սեղանոց ձերոց. այսինքն զոր նոքա մեղանչէին. թէ զու մարդես, նորին մեղաւք գրեցան թիւրացս սեղանոյ եղջերբ: Քանզի և նա՛ նոցա և ձեր ասագ. որք ըստ Հնոցն մտաց, և որդիքս Քաղկեդոնիսոք զխոստովանութիւնն ի սեղանս գրեցին ազամանդեա, եղեգամբ: Եւ որոշէ դարձեալ առաքեալ՝ այսպէս ունիմք մեր սեղան՝ ուստի ոչ ունին իշխանութիւն այսպիսիքն ճաշակել, և մեզ ի նոցայն թէ Մի՛ մերձենար, մի՛ ճաշակեր, և մի՛ հպիր, որ է ի պէտս ապականութեան: Եւ դարձեալ քաջերեսագոյն իսկ դրաւչէ զմին Տեառն, և որք ըստ Տնառն խորհին, և զմիւսն դիւաց, որք ի բաց դարձեալ ի ճշմարտութենէն: Եւ թէ ոչ այսպէս, ո՞ր այլ վատապաշտի սեղան՝ Հայ՝ կամ բաժակ ելանէ յաւրճութիւն, քանզի զնչ կարողութիւնն Հաւասարապէս եղ, որպէս ի բաժակէն դիւաց, մերձեցելոցն ի Տէրունականսն: Եւ յանդգնութիւն ինձ ոչինչ թուի գոլ ի բանիս. առ ասել զայս ձայն ի վերայ Հերձուածողաց, զի թէ հակառակող՝ սատանայ անուանի, որպէս Տէրն մեր և Աստուած Պետրոսի կոչեաց սաստելով. յորժամ զմարդկաւրէնսն միայն խորհէր ի վերայ նորա՝ և ոչ զԱստուծոյսն, թէ Յե՛տս երթ սատանայ՝ զայթազըութիւն իմ: Եւ դարձեալ թէ այսս և դես չարս՝ զհրապուրոցս յաւտար՝ վարդապետութիւնս կարգայ, վասն զտրգէտսն զյողզողս շարժահիմն առնելոյն: Ըստ երկնաբառաբացւոյն առնն, որ ասէր զպատերազմ ունել ընդ այսս չարս, որ ի ներքոյ երկնից, որք խոովեն և տատանեն հողմով վարդապետութեամբ և թէ այնպիսի վարդապետութիւն, որ է հողմ, այսք. անուանին, որպէս սաղմոսերգակն ասէ, թէ Այսք և մրրիկ՝ աւր-

\*) Այսպէս յօրինակին.

Հնեցէք զՏէր, զոր ի լուսնն ածողքն՝ հողմս փոխարկեն: Եւ այսակի հողմոյ սկիզբն ի չարադէն Սիմոնէ կախարդէ եղև: Իսկ ապա ո՛ւմ խղճելի է ի Պաւղոսէ. զսեղանս դիւանցն ասացեալ՝ զհերձուածողացն իմանալ, որ ստուգապէս կարծի ինձ և առանց երկբայութեան: Եւ վասն քննութեան այսքան իսկ զիսագոյնսն ի պարապ ժամու խնդրոյացն մատուցուր:

Բայց առ հակառակամարտսն կայ ևս ասել. որք սուրբ Երրորդութեամբն ասեն սրբել թէպէտ և հաւատ ի Քրիստոս ոչ լի՛ իցէ: Մի՛ փոփոխել, ասէ մարգարէն, զսահմանս հաստատեալս ի հարանց մկրտութիւն: Այո՛, զի ի հարցն լուար զարժանն. և է սա այսպիսի ինչ: Նախ՝ ասել. թէ վա՛յ ինձ, զի պիղծ շրթունս ունիմ, և խոստովանել զարժանաւորութիւն հաւատոցս անպակաս ունելով, հանդերձ ողորմութեամբ, որպէս գրէ առկողն, և ապաշաւելով զոչ բարւոքն յառաջագոյն. ապա սերովրէ իմն մատուցանէ զմաքրական զեղն, զմարմինն Աստուածն Բանի, հրացեալ աստուածային հրո՞յլն ճախականաւ: Իսկ ի վերայ սեղանոյ՝ այսպէս ուսար. թէպէտ և սուրբ Երրորդութեանն անուն՝ պատմիւր և առ զբաւարականսն ի նորա վերայ. որպէս Բանիւ Տեառն և հոգւով բերանոյ նորա ամենայն հաստատեալք և Լուսով երեսաց բոց տեսանեմք զլոյս: Եւ երիցս սուրբն ասելով, զմի Տէրութիւնն խոստովանելով, և այլք բազում այսպիսիք բազումք բարբառք ի տաճարին: Բայց զի ի Քրիստոս Յիսուս զհաւատն կատարեալ ոչ ունէին, թէպէտ սեղան է, այլ առաքեալ որոշեաց զմերս ի խորանին պաշտաւնէից, զսոյն իմանալի է և աստ:

Այլ ասեն ոմանք, թէ սաղմոսերգն՝ նշանակարարս զխաչն ցուցանելով մե՛զ, զսեղանդ անուն յիշատակեաց, որ ձև և գաւրինակ յայտեալ վասն վերունակ լինել մարմնոյն Տէրունեան: Ապա աւրինադրի մեզ. զի նոցունց արարեալ խաչ նիւթեղէն՝ քակտել կամ չընդունել. ապա թէ այս ոչ, հանգոյն նորին և սեղանն: Ասացուրք և առ այս, թէ հրաման ունէպք ի գրոց, կամ ի ճշմարիտ հարանցն. այո՛. որպէս և այժմ բազում անգամ հրաժարիմք ի տէրունեան նշանէն որ հանաւ յայսց՝ ի վերայ հացին բեկելոյ և բաժակին, հրամանաւ ներբարգաւաճիցն, թէ և է պատուական: Իսկ զնիւթեղէնդ վասն այնք ոչ զի թէ և նոցա յիմարութիւն է, իսկ մեզ զաւրութիւն Աստուծոյ. քանպի պատուիրէ. Մի՛ ինչ քան զգրեալսն իմանալ:

այս ըստ տիրագոյն մտաց, Բայց աղէ՛ զնշանակ սիրաւոր, և զպատիւ անպանազանողոյ, վասն զի զխաչն նշանակէ և զաւազանն, յաղագս նոր պտուղն բերելոյ, և բարունակ՝ վասն ճոխն ողկուլոյ. և ծառ՝ սակս կախման խոյին, թէ կամիս յաւելից և զսանդուղսն: Իսկ ստուգագոյն է՝ տուեալն երկիւղածաց նշան: Արդ՝ հաւասարապէս տալի է մեզ զպատիւն, որք զճճմարտութիւնն զլիւաւորեալ առաք, որով նշանաւ պարծիմք իսկ. և այնց որ յառաջ նշանակարարսն ցուցանէր, և կամ թէ ըստ անձնիւր հարկաւոր պիտոյիցն առ նոսա, որ զուզնաբեայ խնամ ունիմք, անարդութիւն ինչ հասանիցէ ի խաչ կամ ի սեղան: Ապա ուրէմն ոչ հասարակ է պատիւ խաչին և սեղանոյ: Իսկ որք ասեն մանկանց անբանից ունել զպատուականութիւն սեղանոյս, և հասարակ զընկալումն. քանզի բան ոչ զոյ երկաքանչիւր խոստովանութեան, յայտնի են պատճառք կամաց նոցա. ի լսելն թէ ոչ է երկրորդ մկրտութիւն որ ի սուրբ Երրորդութիւնն, ջնան անորոշ մտաց իմացուցանել, զի երկուցեալք ի հարանցն աւանդութեանց փոխելոյ, սկամայ յայնպիսի սեղանոց վայելեսցեն, զանվայելն մակարդ, առ այնպիսին՝ և ոչ մի բան առնել պատասխանի, կատարեալ իմաստութիւն:

Իսկ առ բարի հովիւդ ասացուք, ո՛չ ապաբէն կանոն աւորինադրեցաւ ծնաւդաց յանպզուշութենէ մահ ի վերայ հասեալ համբակաց, ապաշխարութիւն ամաւք որոշելովք. եթէ յեղզութիւն մարմնոցն հասցէ գգուանաց անաւթովք, զծնաւդսն ասեմք պարտաւոր: Եւ թէ չարափառ եղեալք կամ առանց մկրտութեան զերկնաւդսն մեղադրութեան արժանի առնեմք: Եւ առաքեալ ծնաւդացն պատուիրէ. Մնուցանիչիք, ասէ, ուսմամբ և վարդապետութեամբ: Եւ Աստուածարանն իմ Մովսէս՝ որդւոցն պատուիրէ զաստուածս քո բաց մի՛ լամբասիցես. զի որպէս Աստուածն մեր զմեղս մեր՝ նա վերացոյց. այսպէս հարք և մարք մեր ի տղայութեանն զմեր: Եւ զընութիւնն իսկ ասէ առաքեալ, թէ որ կամնկերն է, տգէտ է բանին արդարութեան, քանզի տղայ է. իսկ կատարեալքն են կիրթ վասն ի չափն հասմանն: Ճանաչելիքն՝ հասու են ընտրութեան բարւոյ և չարի, քողոցու և դառինն, որք և զպարտսն պահանջին. ապա թէ ոչ ո՞ հուատայ առաջնորդաց համարս ընդ մեր պահանջել: Այսպէս իմասցի և ի վերայ տղայոցն, քան համբակացն ծնաւդացն խոստովանութիւն յաղագս անձանց և նոցա՝ բաւական իմանամք:



Տնեցեք զՏէր, զոր ի լուսնն ածողքն՝ հողմս փոխարկեն: Եւ այսակի հողմոյ սկիզբն ի չարագէն Սիմոնէ կախարդէ եղև: Իսկ ապա ո՛ւմ խղճելի է ի Պաւղոսէ. զսեղանս զիւացն ասացեալ՝ զհերձուածողացն իմանալ, որ ստուգապէս կարծի ինձ և առանց երկբայութեան: Եւ վասն բնութեան այսբան իսկ զլիազոյնսն ի պարապ ժամու խնդրոյացն մատուցուր:

Բայց առ հակառակամարտսն կայ ևս ասել. որք սուրբ Երրորդութեամբն ասեն սրբել թէպէտ և հաւատ ի Քրիստոս ոչ լի՛ իցէ: Մի՛ փոփոխել, ասէ մարգարէն, զսահմանս հաստատեալս ի հարանց մկրտութիւն: Այո՛, զի ի հարցն լուար զարժանն. և է սա այսպիսի ինչ: Նախ՝ ասել թէ վա՛յ ինձ, զի պիղծ շրթունս ունիմ, և խոստովանել զարժանաւորութիւն հաւատոցս անպակաս ունելով, հանդերձ ողորմութեամբ, որպէս գրէ առակոյն, և ապաշաւելով զոչ բարւոքն յառաջագոյն. ապա սերովրէ իմն մատուցանէ զմաքրական դեղն, զմարմինն Աստուածն Բանի, հրացեալ աստուածային հրո՛վն ճախականաւ: Իսկ ի վերայ սեղանեոյ՝ այսպէս ուսար. թէպէտ և սուրբ Երրորդութեանն անուն՝ պատմիւր և առ զբաւորականսն ի նորա վերայ. որպէս Բանիւ Տեառն և հոգւով բերանոյ նորա ամենայն հաստատեալք և Նուսով երեսաց քոց տեսնեմք զլոյս: Եւ երիցս սուրբն ասելով, զմի Տէրութիւնն խոստովանելով, և այլք բազում այսպիսիք բազումք բարբառք ի տաճարին: Բայց զի ի Քրիստոս Յիսուս զհաւատն կատարեալ ոչ ունէին, թէպէտ սեղան է, այլ առաքեալ որոշեաց զմերս ի խորանի՛ն պաշտաւնէից, զսոյն իմանալի է և աստ:

Այլ ասեն ոմանք, թէ սաղմոսերգն՝ նշանակարարս զխաչն ցուցանելով մե՛զ, զսեղանդ անուն յիշատակեաց, որ ձև և զաւրինակ յայտեալ վասն վերունակ լինել մարմնոյն Տէրունեան: Ապա աւրինադրի մեզ. զի նոցունց արարեալ թաչ նիւթեղէն՝ բակտել կամ չընդունել. ապա թէ այս ո՛չ, հանգոյն նորին և սեղանն: Ասացուրք և առ այս, թէ հրաման ունէ՞աք ի գրոց, կամ ի ճշմարիտ հարանցն. այո՛. որպէս և այժմ բազում անգամ հրաժարիմք ի տէրունեան նշանէն որ հանաւ յայսց՝ ի վերայ հացին բեկելոյ և բաժակին, հրամանաւ ներբարգաւառձիցն, թէ և է պատուական: Իսկ զնիւթեղէնդ վասն այնր ոչ, զի թէ և նոցա յիմարութիւն է, իսկ մեզ զաւրութիւն Աստուծոյ. բանպի պատուիրէ: Մի՛ ինչ բան զգրեալսն իմանալ:

այս ըստ տիրագոյն մտաց: Բայց աղէ՛ զնշանակ սիրաւոր, և զպատիւ անպանազանողդ, վասն զի զխաչն նշանակէ և զաւազանն, յաղագս նոր պտուղն բերելոյ, և բարունակ՝ վասն ճոխն ողկուլոյ. և ծառ՝ սակս կախման խոյին, թէ կամիս յաւելից և զսանդուղսն: Իսկ ստուգագոյն է՝ տուեալն երկիւղածաց նշան: Արդ՝ հաւասարապէս տալի է մեզ զպատիւն, որք զճշմարտութիւնն զլիւաւորեալ առաք, որով նշանաւ պարծիմք իսկ. և այնց որ յառաջ նշանակարարսն ցուցանէր, և կամ թէ ըստ անձնիւր հարկաւոր պիտոյիցն առ նոսա, որ դուզնաբեայ խնամ ունիմք, անարգութիւն ինչ հասանիցէ ի խաչ կամ ի սեղան: Ապա ուրէմն ոչ հասարակ է պատիւ խաչին և սեղանոյ: Իսկ որք ասեն մանկանց անբանից ունել զպատուականութիւն սեղանոյս, և հասարակ զընկալումն. քանզի բան ոչ գոյ երկաքանչիւր խոստովանութեան, յայտնի են պատճառք կամաց նոցա. ի լսելն թէ ոչ է երկրորդ մկրտութիւն որ ի սուրբ Երրորդութիւնն, ջնան անորոջ մտաց իմացուցանել, զի երկուցեալք ի հարանցն աւանդութեանց փոխելոյ, սիւմայ յայնպիսի սեղանոց վայելեսցեն, զանվայելն մակարդ, առ այնպիսին՝ և ոչ մի բան առնել պատասխանի, կատարեալ իմաստութիւն:

Իսկ առ բարի հովիւզ ասասցուք, ոչ ապաքէն կանոն աւրինադրեցաւ ծնաւդաց յանդգուլութենէ մահ ի վերայ հասեալ համբակաց, ապաշխարութիւն ամաւք որոշելովք. եթէ յեղգութիւն մարմնոցն հասցէ զգուանաց անաւթովք, զծնաւդսն ասեմք պարտաւոր: Եւ թէ չարափառ եղեալք կամ առանց մկրտութեան զերկնաւդսն մեղադրութեան արժանի առնեմք: Եւ առաքեալ ծնաւդացն պատուիրէ. Սնուցանիչիք, ասէ, ուսմամբ և վարդապետութեամբ: Եւ Աստուածաբանն իմ Մովսէս՝ որդւոցն պատուիրէ զաստուածս քո բաց մի՛ լամբասխցես. զի որպէս Աստուածն մեր զմեզս մեր՝ նա վերացոյց. այսպէս հարք և մարք մեր ի տղայութեանն զմեր: Եւ զընութիւնն իսկ ասէ առաքեալ, թէ որ կաթնկերն է, տգէտ է բանին արդարութեան, քանզի տղայ է. իսկ կատարեալքն են կիրթ վասն ի չափն հասմանն: Ծանաչելիքն՝ հասու են ընտրութեան բարւոյ և չարի, քողոզ և դառինն, որք և զպարտսն պահանջին. ապա թէ ոչ ո՞ հաւատայ առաջնորդաց համարս ընդ մեր պահանջել: Այսպէս իմասցի և ի վերայ տղայոցն, քան համբակացն ծնաւդացն խոստովանութիւն յաղագս անձանց և նոցա՝ բաւական իմանամք:

Իսկ սեղանոց՝ ոչ այսպէս: Քանզի որպէս սովորութիւն կալաւ առ ոմանս շարժել զսեղանոցն զհաստիչն ինչ ոչ փնասեաց: Արդ՝ որպէս այս եկն բանս. է՛ զոր շնորհատուր իշխանութեամբ յարժանաւորութիւն կոչէք. և է՛ զորս խոստովանութեամբ՝ ասել նախ զանաւրէնութիւնն յորմէ արդարանան: Իսկ սեղան ուրեմն փոխել իրաւունք են:

Այս ի մէնջ աղերս առ ձեզ. և խնդիր ըստ գրոց. ուղղել ի պատուիրանաց զսխալումն կամաց մերոց. ձեզ է բաւականութիւն. ապա թէ իշխանութեամբ ինչ կամօք և ոչ ըստ գրոց, մեր վերջին բան վասն այգր դոյնդ է:



## ԵՌ ՍՐԲԱՍԷՐ ՏԷՐ ԵՐԲԱՀԱԹ. Ի ՄՈՎԱՍԻՍԷ

**Ս**րբասիրի Տեառն Աբրահամու Հայոց Կաթողիկոսի. Ի Մովսէսէ անարժանէ բազում խոնարհութեամբ երկրպագութիւն. ընդ որով և առաւել զսրբութենէ ձերմէ ողջունի հարցութիւն:

Լուայ, հայր պատուական, պայծառութեամբ զնորոգութիւն սրբոյ աթոռոյդ Տեառն Գրիգորի, և բազում խնդութեամբ լցաւ անձն իմ տառապեալ, զի ի վաղուց հետէ փափաքեալ սպասէի լսել զայդ: Մանաւանդ զԱստուածասէր առաքինութենէդ ձերմէ. յորժամ լուայ, որ ի մանգութենէ, վասն որոյ ընտրեաց իսկ Աստուած, և պարգեաց առաջնորդ և վարդապետ աշխարհիս, ի նեղութեան ժամանակի, յոյժ խնդացար և ուրախ եղար: Քանզի ահա արդէն իսկ աւրհնեաց Աստուած յոտին բում զաշխարհս հայոց. և ամենայն բարեաց հիմնադրութեան սկիզբն և առաջնորդ, իշխանացդ բազմամեայ ժամանակաւ հեռացելոց յաշխարհէս, պայծառացեալք պատուովք և գոհութեամբ թողաւորաց այսրէն դարձ: Սրբոյ եկեղեցւոյդ շինութեան և նորոգութեան աշխարհիս յերկոյցունց կողմանց, հոգևոր և մարմնաւոր պատառմանն՝ անդրէն միաւորութիւն: Եւ որպէս հիմնս բարիոր եղաւ ի ձեռն ձերոյ սրբութեան, յուսամք յողորմութիւն Քրիստոսի Աստուծոյ զկատարումն ևս լաւագոյն լինել:

Արդ՝ փութասցուք ծանուցանել և զցաւս մեր՝ սրբութեան ձերում, որպէս հիւանդք որ ցուցանեն զվէրս իւրեանց ճարտար բժշկաց, և խնդրեն զառողջութիւն ի նոցանէ: Աղաչեմք և մեր ձեռնսու լինել ձեզ եկեղեցւոյ Քրիստոսի, որ հաւատակից և աշակերտ ձեր էր, և այժմ հիւանդացեալ ի նեղութեան է: Նախ աղաւթիւք խնդրելով յԱստուծոյ և աշխատասէր վարդապետութեամբ ձերով, սատարութեամբ և փառաւորեալ իշխանացդ, ջանացարուք դարձուցանել զժողովուրդն

ժխտող և զապստամբեալ յուղղութիւն, և ածել ի նոյն զաւիթ միոյ հովուի Եւ փութացարուք պսուհետե և որ ի հասարակացն է շահաւորութիւն և ի բազմաց կարեբարձութիւն. ըստ աւրինակի երանելոյն Մովսէսի և սրբոյն Պաւղոսի. յորոց մինն առանց իւրայոցն թողութեան հասման, և զինքն տարագրեալ ի դպրութենէն կենաց աղերսէր. և միւսն ասէր, եթէ Ուխտիւք խնդրէի ես իսկ ինքն նպով լինել ի Քրիստոսէ՝ վասն եղբարց իմոց և ազգականաց ըստ մարմնոյ: Որոց ահա առաքինութիւնն ընդ ամենայն բոլոր ազինս, մշտաբարոյ բանիւ ընթանայ պայծառացեալ, զի ունելով զնոցա գործսն աւրինակ, և հետեւելով նոցա, եղիցի և ձեզ պարծել ի Քրիստոս՝ թէ ինչ տուան շնորհքս պս ի Տեառնէ, ի Վրաց մինչև յաշխարհն Աղուանից քարոյել զանքննին մեծութիւն փառայն Քրիստոսի. և զպսուհափ ազգս շահել ձեր, և Քրիստոսի պատարագեալ: Ընդ որոց եղիցի լսել և զբարբառն հրաւիրական. Թէ Բարի մշակ և հաւատարիմ, հանդերձ ընդ բեզ սատարիչ բարեկամաւարք և փրկելեալ գնդաւդ, եկ մուտ յուրախութիւն Տեառն բո, ընդ նախնիս բո, և ընդ սիրելիս անուան իմոյ: Իսկ եթէ զանարժանութենէս մերմէ հարցանէք, ի Վրթանէսէ բերդողէ տեղեկանայք. և անձն իմ տառապեալ և աշխարհն մոլորեալ սրբութեան ձերում յանձն եղիցուք:

Ջրաստակեալ և զանաբժանս Թուսա և զծնաւոցն ի՛ յիշէցէք  
 ի Քրիստոս ո՛վ սուրբ ընթերցողք:



## ՊԱՏԱՍԽԱՆԻ

**Ս**րբասիրի Տեառն Մովսէսի եպիսկոպոսի յԱրրահամաց, թէպէտ և ոչ կամաւ՝ Հայոց Վաթուղիկոսէ Տերամբ ողջոյն:

Տեսի զգիր ողջունի որ լի՛ էր բազում գոհութեամբ զորմութեանցն Աստուծոյ և արդիւնաւոր օրհնութեամբք զմեր տկարութեանէ. նաև արժանաւոր ասել զանբաւականութիւնս իմ: որ և յանձնեցաք իսկ պարզեաբաշխին ըզլորեցունց շնորհահաստոյց լինել ձեր սրբութեանդ:

Իսկ զսոսկալի և զծանր բեռանցն բանալոյ, որում ոչ ունէի ակն. անդիտելի է ինձ որպէս ըմբռնեցայ, և կամ թէ զբազմութեանն կամս ի միարանութիւն գար. Քանզի թէ ի վերուստ կարծիցի ուժեք, զանարժանութիւնս իմ դիտելով, որ ոչ այսմ աստիճանի նմանութիւն ցուցանի, այլ և ոչ փոքրագու նին բան զսոյնս՝ զոր ունէին, և եթէ ի փորձութիւն և յերեւոյթ ամենեցուն եդ Աստուծոյ. այս յոյս՝ ոչ ուստեք է ինձ. բայց թէ յես Աստուծոյ ողորմութեանն, ի ձեր սրբութեան աղաւթս: Արդ՝ աղաչեմ, զձեր սրբութիւնդ ոչ զադարել աղաչանս մատուցանել առ Ամենազաւրն, զի տալէ ինձ ոյժ կարողութեան ըստ իւրն հաճոյից, կատարնագոյնս ցուցանել զնորայն սնտեսութիւն առ մերս երկիր. նմանարարս և առ աշխարհն Վրաց և Աղուանից, պայծառանալ ի Քրիստոս Աստուած Ճշմարիտ հաւատով. ի ձեռն մերոյ նուաստութեան, և կամիմ աւրհնիլ ի ձեր սրբութենէդ: Մի՛ դանդաղիցիս ի սուրբ Զատիկն գալ այսր, զի բազմաց լինի խնդութիւն և գործք հոգեւորք առաջի կայ՝ մինչդեռ Տէր Սմբատ աստէն է, փութամբ որով և է աւրինակաւ նախ զայդ ի գլուխ տանել՝ շնորհիւն Քրիստոսի Աստուծոյ մերոյ:



**ԹՈՒՂԹ ԱՌԱՋԻՆ ՏԵՆՈՒՆ ԸՐԲԱՀԱՄՈՒ ՀԱՅՈՑ  
ԿԱԹՈՒՂԻԿՈՍԻ,  
ԱՌ ԿԻՐԻՒՈՆ ՎՐԱՑ ԿԱԹՈՒՂԻԿՈՍ**

**Ս**րբասիրի Տեառն Կիւրովնի Վրաց կաթողիկոսի, և այլ եպիսկոպոսաց բոց. յԱբրահամայ Հայոց կաթողիկոսէ, և յայլ եպիսկոպոսաց աթոռակցաց իմոց. Տերամբ որչոյն:

Յառաջագոյն երանելի հայրապետն մեր Մովսէս գրեաց առ ձեզ մեղադրութիւն յաղագս հաղորդելոյն ձեր ընդ այնոսիկ՝ ընդ որս չէր պարտ. և ձեր զրով և պատգամաւորաւ յանձն էր առեալ չհեռանալ ի միաբանական հաւատոյ հաղորդութենէ աշխարհիս մերոյ: Այժմ զչարագոյնն և զծանրագոյնն մեզ եհաս լսել զի զմիաւորութիւն հաւատոյ, և զասպնջակնութիւն զերկուցունց աշխարհացս Յուրտաւայ եկեղեցին անշարժ միջնորդութեամբ պահէր, ուստի սէր և խնամութիւնք մարմնաւորականք և հաղորդութիւնք հոգեորականք կատարէին ցնծալից ուրախութեամբ: Աստի, ի Մծխիթայի ի Խաչն գալով. և այտի ի Սուբբ Կաթողիկէ: Այժմ զՅուրտաւայ զեպիսկոպոսն հալածեալ թէ ընդէր խոստովանել հրամայեն զհաւատ ուղղափառութեան, և զպաշտանն հայերէն սրբոյ Շուշանկան զկարգաւորեալն՝ լսեմ թէ ի բաց փոխելէր: Մեզ՝ մահուցափ և ևս չարագոյն թուեցաւ դործդ այդ: Զի թէպէտ և յամս Կաւատայ՝ արբայից արբայի եղև խնդիր բնութեան մեր աշխարհիս և Հոռոմոց, որք զժողովն Քաղկեդոնի ընկալան, և զտուժարն Առնի, Մեր և ձեր աշխարհիս վարդապետք և իշխանք հեռացան ի հաղորդութենէ նոցա, և միաբանութեամբ և զրով պահի ի միջի մերում մինչև ցայժմ: Այժմ ոչ է պարտ սրբութեանդ ձերում աւտարութիւն ի մեջ արկանել երկուցունց աշխարհացս, և հեռացուցանել զսէր և զխնամութիւն զմարմնաւորական և զհաղորդութիւն հոգեորական, զի մի որ եկես-

ցէ աղաւթել աստի ի սուրբ Խաչդ. և պտի ի սուրբ Կաթուղիկէ: Զի թէ ի զինուորաց որ լինէր պատճառ պսպիսի պատառման և չար խռովութեան, սրբութեան ձերում պարտ էր խնամ ունել և լինել պատճառ խաղաղութեան: Իսկ եթէ դուք լինիք պատճառ աստարանալ մեզ ի միմեանց, ո՞ր բան բովանդակիցէ պայդպիսի աղէտս

Կամեցայ եպիսկոպոսունս արձակել առ սրբութիւն ձեր, և զճմուտս դրոց սրբոց, ծանուցանել զվնասամտութիւն ժողովոյն Քաղկեդոնի և զտուժարին Աւոնի և զաղծապիղծ կրանս և զանսուրբ վարս որ յայնմ՛նտէ եմուտ յաշխարհ, վասն որոյ սրբասէր եպիսկոպոսս հալածեալ է: Բայց ապա առժամս պատշաճ համարեցաք նախ ի ձեռն պատուական ազատ արանիդ, թղթով ընդունել ի ձէնձ պատասխանի. զի է՛ ինչ՝ որ չաւատալի իսկ թուեցաւ մեզ. զի ընդ աւտար թաղաւորութիւն՝ արքայի՛յ արբայի ծառայի՛յ սիրոյ միաբանութիւն առնել և զբնական հաղորդակիցս որոշել, կարի իսկ դժուարին է: Ողջ պահեալիք Քրիստոսիւ Աստուծով մերով: Եւ զպատասխանի թղթ թոյս, և զողջոյն ձեր ըստ հաճոյիցն Աստուծոյ եղիցի մեզ լսելոյ որ առի՛թն և միաւորութեան և խաղաղութեան:





## ՊԱՏՏՍԻԱՆԻ

**Ս**րբասիրի և պատուական Տեանն Արրահամու Հայոց Վաթուղիկոսի, և ամենայն եպիսկոպոսաց աթոռակցաց բոց, ի Վիւրիոնէն Վրաց կաթուղիկոսէ, և յամենայն եպիսկոպոսաց աթոռակցաց իմոց, աւրհնութեամբ սրբոյ Խաչիս՝ ողջոյն:

Թուղթս զոր արարեալ էր՝ տեսի, և զի՞նչ գրեալս էր ի մացայ, վասն արժանի լինելոյ տեառնդ զսուրբ աթոռ երանելոյն Գրիգորի ժառանգելոյ, վասն ողջութեան ձերոյ մեծապէս ուրախ եղէ և զԱստուծոյ զոհացայ: Եւ որ գրեալ էր թէ յառաջագոյն երանելի Հայրապետն մեր Մովսէս գրեաց առ ձեզ մեղադրութիւն յաղաքս Հաղորդելոյ ձեր ընդ այնոսիկ ընդ որս չէր աւրէն, եթէ վասն Խուժկացն ասէք, մեր յայնժամ ընդ աշխարհի խորհելով Հանդերձ եպիսկոպոսաւքս աթոռակցովքս ի մովբ և լաւաւք աշխարհիս, և որպէս աւրէնք հրամայեն ոչ ի բաց ընկենուլ, այլ ընդունել՝ որք դառնան ի չարութենէ ինչ և կամ ի հերձուածոց յապաշխարութիւն, այն իրաւք ընդունելութիւն արարաք: Այլ յորժամ գիտացար, թէ նոքա յեռաստանութիւնն ստութեամբ արարին և անդրէն յիւրեանց ի տիղմն չարութեան դարձեալ՝ կործանեցան, նշովեցար ցնոսա, և ի բաց կործանեցաք ի կաթուղիկէ եկեղեցւոյ, և ի մէնջ բրիստունէից: Այժմ նոցա ողջոյն որ չիշխէ տալ:

Եւ որ գրեալ էր թէ վասն հոգևոր Հաղորդութեան և մարմնաւոր սիրոյ եկեղեցին Յուրտաւայ հաստատեալ էր ի մէջ երկուց աշխարհացս, և այժմ Յուրտաւայ եպիսկոպոսն վասն ուղղափառութեան հալածեալ է, և զպաշտաւնն հայերէն ի բաց փոխեալ է. մեր զպաշտաւնն չէ փոխեալ: Բայց զի որ եպիսկոպոսն եղև՝ վրացի ուսումն գիտէ և հայ նժնյպէս, և երկուքումք դպրութեամբք պաշտաւնն կատարի: Այլ վասն Յուրտաւայ եպիսկոպոսին հալածման, զործք իւր ծա-

նուցանեն եթէ վասն ուղիղ հաւատոյ գնացեալ է, թէ վասն այլ իրիք: Քանզի որպէս և գրեալ է, թէ Որ գործէ զչար՝ ատէ զլոյս, և որ գործէ զճշմարտութիւն՝ գայ ի լոյս: Ես զնա ոչ հալածեցի, այլ էր ինչ որ լսեցի վասն նորա յետին գործոց, և կոչէի առիս և կամէի խրատ տալ, և ուսուցանել որպէս պարտ էր աշակերտի. իսկ նա յիմ կոչ չեկն, այլ զեկեղեցին եթող և ի գիշերի գաղտ գնաց:

Իսկ այն որ վասն հաւատոց և ժողովոյն և տուժարին զըրեալ էր, և զայս գրեալ էր թէ, արքայից արքայի ծառայից ընդ աւտար թագաւորաց ծառայս հաւատի ի զուգաց ունել և զբնական հաղորդակիցս ուրանալ՝ յոյժ անհնարին թուի: Մեր և ձեր հարբն արքայի ծառայք էին, և զհաւատ զՆրուսաղեմի ունէին, և մեք և դուք նոյնպէս: Թէպէտ և ծառայք արքայից արքայի եմք, զհաւատ զՆրուսաղեմի ունիմք և կայցուր. Զի թէ ցայժմ խոնսունդ \*) էին Տեաօրք, այժմ որչափ ևս առաւել երանելի եմք, որք յարքայից արքայի ծառայութեան հասեալ եմք: Զի մինչ երկինք և երկիր լեալ էին, չէր եղեալ և ոչ մի տէր, որ ամենայն ազգի զիւր աւրէնս ի վերայ թողեալ էր, որպէս այս տէր եթող, և մանաւանդ զմեր բրիստոնէից հաւատս. իսկ ալատի աշխարհի մերոյ աւելի քան զամենայն աշխարհաց, և բարի անձինս իմոյ՝ լաւագոյն քան զամենայն ընկերաց իմոց. և արքայից արքայ, նոյնպէս տէր է Հոռոմոց, որպէս և տիրեաց աշխարհի. և չէ այսպէս, որպէս դուք գրեցէքս, թէ որիչ որիչ թագաւորութիւնք են:

Եւ որ գրեալ էր թէ կամէք եպիսկոպոսունս արձակել, որ գային և ուսուցանէին. թէ կամիք արձակեցէք, թո՛ղ զի գան որ ուսուցանեն և ուսանին. Բայց պարտ էր ինձ զի գայի և յաղաւթս կայի ի սուրբ եկեղեցիսդ և ի ձէնչ աւրհնէի. կամ արձակել զիմ աշակերտս որ զողջոյն սրբութեանդ ձերոյ առ մուլ բերէին. Բայց վասն չար ժամանակիս և աշխարհի կարեաց խափանեցար. ի բնի մի ունիք. ողջ պահեսցէք Քրիստոսիւ Աստուծո՛վ մերով, և զպատասխանի թղթոյս՝ ըստ հաճոյիցն Աստուծոյ և մեզ տացէ լսել ի ձէնչ:



\*) Այսպէս յօր.

# ԹՈՒՂԹ ՏԵԱՌՆ ՍՄԻՏՏԱՅ՝ ՎՐԿԱՆ ՄԱՐԶ- ՊԱՆԻ, ԱՌ ԿԻՐԻՌՆ՝ ՎՐԱՅ ԿԱԹՈՒՂՈՒԿՈՍ

**Ս**րբասիրի Տեառն Կիւրոնի՝ Վրաց կաթողիկոսի, և այլ եպիսկոպոսաց աթոռակցաց ձերոց, և իշխանաց աշխարհիդ Ատր- ներսեհի և ամենայն լաւաց, ի Սմբատայ Գուրկան մարզպանէ և տերանց զինուորէ, և ի Գիգայ Գաշտկարսնէ, և ի վարդապետէ Հայոց Շարսաղարէ, և յայլ ալատ որերոյ խոնարհու- թեամբ և սիրով ողջոյն:

Քանզի յառաջագոյն հարանցն մերոց և ձերոց, և վարդապետաց աշխարհիս միարանութեամբ զյետին կարգս ոմանց և զատելի վարս տեսեալ, որ աննման և թիւր էր մեր հաւատոյ, և կանոնաց մերժեալ էր զնոսա նշովիւք, և վասն հեռաւորու- թեան մեր և նոցա աշխարհաւ և ոչ խիղճն այն առ ամենեսեան ի մտի էր, ըպց առ սակաւս ոմանս հաստատուն կայր: Իսկ մինչ մեղաց յաճտիտութիւն եղև առ միմեանս եհաս . . . . . ապրս- տամբեալք ի ընիկ տերանց՝ . . . . . վասն հաւա- տոյ էր, և կամ վասն կար . . . . . վարուց նոցա, ևս քան ի վերայ հասար . . . . . նմանք և թիւրք էին ամե- նեիմր մեր կար . . . . . այլ տեսանէաք և յարեաց աշ- խարհի բրիտոնեայքն ուղղափառք էին. զնոյն պայման մեր և ձեր հարանցն և նոցա . . . . . աջ պատուիրանաւ: Ա- պա առաւել ևս հասար ի վերայ, թէ որք ի մէնջ էին և միա- րանեցին ընդ նոսա պակասամիտք և լոյծք ուրէմն էին յառա- քինութենէ և ի հաւատոյ, և այս պատերազմս որ ընդ հաս- տատունսն և ընդ լոյծսն էր, չար և դառնագոյն թուէր քան զամենայն չարս. և յորժամ մարդասէրն Աստուած ողորմեցաւ, և արբայից արբայ բարերարութեամբ արար, և զմեզ յաշխար- հարձակ հաւատոյ և եկեղեցեաց կարգի աւելագոյն պատուէր

ի վերայ արար, զի ընդ միմեանս խաղաղութիւն եղեցի, բանզի էր ինչ որ լուաւ Եւ մինչ բարեաւ յաշխարհս հասաք առաջնորդութեամբ սուրբ Հոգւոյն հայրապետ կարգեցաւ, և այն ամենայնի հակառակութեան և թերութեան, ուղղութիւն եղև, Քրիստոս Աստուած փառաւորի, որպէս յառաջագոյն ուսուցին մեզ երանելի վարդապետքն, և եղեաք ամենեքեան մի հաւատ, որ ընդ արքայից արքայի իշխանութեամբ եմք: Չնոյն հարկաւորեցաք գրել և առ ձեր սրբասիրութիւն, զՌերս պատմել ձեզ, և զձեզ ընդ մեզ միարանել, որպէս և մեր հարքն էին: Քանչի միոյ իսկ վարդապետի աշակերտ և վիճակ եմք, կեսլ և մեզ նովին հաւատով որպէս և հարքն մեր, և զհաւատ առ Աստուած ունել, և զսէր առ միմեանս: Բայց է և ինչ լուր որ յաշխարհականացս լուայ և սակաւ ինչ հաւատացի Իսկ հաւաստի յեպիսկոպոսէս Յուրտաւայ որ աստս է՝ լուար և կարի դժուարացաք, բանչի մեր, և այդ աշխարհի աշատ որերոյ թէպէտ արիւն և հարապատութիւն ի միչի կայր, բայց հաստատութիւն և վստահ լինել մեզ որպէս յերդումն ինչ: այդ սուրբ վկայարան որ ի Յուրտաւ, պատուական եկեղեցիդ հաստատեցաւ, և պաշտանդ և կարգդ հայերէն ի ձեր միչի էր, և փոխելդ թշնամութիւն ի մեզ արկանէք: մանաւանդ թէ և թերութիւն, արգելու և մեզ աստ որք կամին գալ և երկրպագանել սրբոյ Խաչիդ, և ոչ տալ մրտանել որք պոտի գան ի սուրբ Վաթուղիկէ եկեղեցի, և յայլ վկայարանս յաղաւթել: Եւ այսմ մեծի պարգևի որ յԱստուծոյ տուան մեզ և ձեզ, և խափանիչ թէ որ յաներատից և կամ ի ազիտաց լինէր, ձեզ պարտ էր խրատել վարդապետութեամբ զայնպիսիս և պատուահասել որ հակառակութիւն ի միոյ բռնայր: Թող թէ ձեզ առնել զայդ որ կարի անհնարին և չար է: Վամէաք եպիսկոպոսունս հանդերձ բերդողաւք արձակել, զկիրթսրն գիտել զչարութիւն հերձուածոց, որ զձեզ ի վերայ հասուցանէին: Բայց ապա առ ժամս բաւական համարեցաք ի ձեռն աղատ արանցդ, նախ թղթով զկամս ձեր գիտել:



## ՊԱՏՄԱՆԱՆԻ.

**Փ** առուորելոյ Տեառն, Սմբատայ Գուրկան մարզպանի, և տերանց զինուորի. և Գիգայ Գաշտկարանի. և Վարդապետի Հայոց Շարսաղարի. և այլ ազատ որերոյ Հայոց աշխարհիդ՝ ի սրբոյ Խաչէս աղաւթք. և ի Վիւրոյնէ Վրաց կաթուղեկոսէ, և յամենայն եպիսկոպոսաց աթոռակցաց իմոց և իշխանացս Ատրնեքսե՛՛՛՛՛ շա . . . . . և յամենայն լաւաց աշխարհին զլաց խոնարճ ևրկրպագութեամբ և սիրով ողջոյն:

Գոհանամ զամենասուրբ Երրորդութենէն՝ որ զքեզ Տէր Սմբատ ի ժամանակի յայսմ փորձութեան պատրաստեաց ի բարեխաւսութիւն բարերար տերանց՝ որ գո՛՛՛՛ են զբէն, և ետ մեզ: Քանզի ալտի՛՛՛՛՛ ձեր և փառաւորութիւն մեծութեամբ հանդերձ, ոչ միայն Հայոց աշխարհիդ խնդութիւն է, այլ և Վրաց:

Թուղթս զոր արարեալ էր տեսի. և զողջոյն ձեր լսելով խնդազար, և որ գրեալ էր թէ Հարանցն ձերոց և մերոց՝ զթիւր և զատելի կարգս ոմանց և զհաւատս տեսեալ, խոտեալս էր և ի բաց ընկեցեալ: Վասն որոյ էր ինչ՝ որ այժմ եղև հակառակութիւն ի մերում աշխարհես, որ մինչև յարքայից արքայ եհաս. և արքայից արքայ բարերարութեամբ արար զիս աշխարհարձակ, և վասն եկեղեցեաց և հաւատոյ և ընդ միմեանս խաղաղութիւն ունելոյ՝ պատուէր ի վերայ արար. և յորժամ բարեաւ յաշխարհ եկար, ի մեր ձեռն Աստուած զհակառակութիւնն զայն եբարձ ի միջոյ: Վասն այդբարերարութեան հրամանի և զՏէր յայտ գործ պարապեցուցանելոյ, Աստուած զարքայից արքայ անմահ արասցէ, և զքեզ, Տէր, աւելի տերանց վասպուրականագոյն արասցէ զաւակաւդ հանդերձ, քան որչափ եսդ, զգիտութիւն և զիմաստութիւն և զհրահանգ տերանց աւելի ետ Տէր Աստուած քան զբաղմաց, Նախ՝ Քեզ Տեառն և ապա ինձ, զի ալտի՛՛՛՛՛՛ ձոր և ինձ հասեալ է ի տերանց վասն իւրեանց բարերարութեան, թէ ամենայն բրիստոննայք զձեռս:

յերկինս համբառնային և զնոցա անմահութիւն խնդրէին, արժան էր:

Եւ այնր որ վասն հաւատոյ գրեալ էր, թէ հարքն մեր և ձեր ապաքան ունէին յորմէհետէ և սուրբն Քրիզոր զուղղափառ հաւատ կարգեաց:

Բայց զի եպիսկոպոսն զոր արարաք՝ Վրացի և Հայ զըպրութիւն զոյգ գիտէ և զպաշտաւն կատարէ երկուքումք զըպրութեամբքն: Բայց ի մարտի պակասութիւն մի է. և մեծ է մարդոյ միոյ բանից հաւատալ ձեզ՝ որ իւր գիտոյ չէր հաւատարիմ. թնոյ թէ վասն մեր, որ վասն չար գործոյ իւրոց գաղտ ի գիշերի փախստական գնաց, և յապստամբս չոգաւ առ Վահրամ, և այնպէս չարութեամբ գիտաց առնել, զի սակաւիկ ինչ պիտեցաւ, և դեռ զբաղաքսն առնուլ տայր, և Արեաց աշխարհի մեծ զիեան հասուցանէր:

Եւ արդ զուր նմա հաւատացէք, և նորա բանիւ առ մեզ խափանեցէք զալ, և երկրպագել պատուական և կենսատու սրբոյ Խաչիս Մծհիթայի, յորմէ խնդրելով պարգևեցար հաւր և մաւր բում, և սորա առաջի սնար, և սորա առաջնորդութեամբ ի բարի հասեր: Թէպէտ և դուք չեկիք յերկրպագել, այլ մեր յամենայն ժամ յաղալթս յիշեմք առաջի սրբոյ Խաչիս, Տէր մեր Յիսուս Քրիստոս բարեխաւսութեամբ սրբոյ Աստուածածնին, և պատուական խաչին, վասն բեզ ի կամս հասուցանելոյդ և առաւել բարի առնելոյ, զարքայից արքայ անմահ արասցէ. և աւելի ի կամս հասուցէ. և զՔեզ Տէր նոցա զոհութեամբ, շատ կեցուսցէ զաւակաւոց հանդերձ, և ի կամս հասուցէ. և արժանի լինիչիք ի մաւտէ աւուրս գալ և երկրպագել սրբոյ Խաչիս:



## ԱՌ ՏԷՐ ՄՄՐԱՏ Ի ՄՈՎՍԷՍԷ

**Ա**ստուածաշնորհ պատուովք պայծառացելոյ Տեառն Սմրատայ՝ Գուրկան մարդպանի, և տերանց զինուորի, ի Մովսէսէ նուաստէ, Տերամբ որչոյն:

Զպատասխանիս թղթոցս տեսի, զոր անաւրէնութեամբ և ամպարշտութեամբ գրեալ էր Վրաց աւերչի կաթուղիկոս անուանն. և առ մեր տէր կաթուղիկոս՝ և առ քեզ տէր: Եւ յազագս տեառն կաթուղիկոսի չէ՛ սրտի պակասութիւն. զի տեղեկացեալ է և բովանդակ ի վերայ հասեալ. թէ վասն է՛ր և կամ զի՛ հալածեցայ. բայց վասն բո տեառն, և կարի պակասութիւն է սրտի Գուցէ՛ արգեք ամպարիշտ թղթովքն զոր գրեաց առ ձեր փառաւորութիւնդ երկմտեցոյց ինչ զձեզ: Բայց տեառն ձեռնհասութիւն է ողորմութեամբն Աստուծոյ, թէ և ի հեռագոյն տեղիս՝ բննութեան իմիք պէտք էին տեղեկանալ թող թէ որ կարի ի մաւտոյ է. Հոյք և Վիրք սահմանակիցք են միմեանց. շատ յաշատաց և յոլովք ի շինականաց՝ աստի անդր հասանեն, և անտի՛ պար. յորոց մարթի տեղեկանալ և թէ արդարեւ պրպէս գտանիմ, որպէս առ ձեր փառաւորութիւնդ գրեցաւ ի նոցանէն. և ես այլ տարազ ծանուցի զիս ձեզ, և զպսպիսի վարդապետս և զիշխանս, և զաշխարհ խարեցի. պատուհաս՝ զայն արժան է առնել ի վերայ իմ, զի որ ընդ իմն նայի, այլ զլուս չկարէ խարել: Բայց թէ բաշ բննել հրամայէք, յուսամ յողորմութիւնն Քրիստոսի Աստուծոյ թէ զամենայն բանս թղթոյն՝ որ վասն իմ գրեալ էր, սուտ գտանէք, և մանաւանդ զի հալածանացն ժամ, զինն աւր ի Տիրիս ի նոբա դուրս կացի, և յանդիման չարար. և աշխարհն ամենայն գիտէր զի չէ՛ր վասն այլ ինչ իրաց, բայց վասն հաւատոյ. և յետ ինն աւուրն ինքն ի Մծհիթա գնաց. ես պար, լուսով գնացի, և ոչ ընդ իաւար. որպէս նոքայն գրեցին, և որ աւր և թն էր ի սուրբ Յովհաննու վանս եկի. և չեմ առ Վահրամ երթեալ:

Այլ և այսու ևս անգուման առնեմ զՏէր, զի Վահագնայ առ իս գրեալ էր, թէ ի սրտի մեծ պակասութիւն է ձեր ի սրբոյ եկեղեցւոյն հնունալդ. բայց մինչ գնացէք՝ ճանապարհ առ մեզ պիտէր ունել. զի և եկեղեցւոյն մեծ բաժին կայ աստ, որով զանձն ունել մարթ էր: Ջայս թուղթ Տեառն կաթուղիկոսի ցուցեալ է, և Քեզ Տեառն ցուցանեմ: և ես անդրէն պատասխանի արարի:

Արդ՝ ասեմ ապա անտի զի գնացի, զի առ ձեզ գայի, զի հաւատ ձեր՝ և նոցա մի՛ է:

Իսկ որ վասն չար գործոցն գրեալ էր թէ հալածեցաւ, ի ծածուկ՝ մարդ քան զիս մեղաւոր չմարթի լինել. զմեղս իմ՝ զոր Աստուած միայն գիտէ և ես: Բայց յայտնի զի կարի շատ աշխարհի զիմ յետնութիւն չկարէ ցուցանել: Եւ զպաշտունն զի փոխեցին՝ յայտ է, և զչեպիսկոպոսն նեստորական զոր արարին, դպրութիւն զի և վրացերէն չգիտէ՝ որպէս արժան է, թող թէ հայերէն, և այն յայտ է: Բայց փառաւորութեան ձերում տեղեկութիւն լիցի, զի նա այդպիսի չարութեան մերենայս շատ գիտէ և զձեզ հաւատացուցանել կամի և զգործդ խափանել: Բայց վասն Աստուծոյ և ձեր հոգւոց ջանացարուք որով և դրաւք: Ո՛գիտէ տառապեալ աշխարհին փրկութիւն առնէ Տէր Աստուած ի ձեռն փառաւորութեան ձերոյ, վարձս յԱստուծոյ ընդունիք, և բարգաւաճանք ի մարդկանէ լինին. և անարժանութիւնս իմ՝ մինչև է կենդանի, զտեառնդ և զորդեկիդ՝ զփրկութիւն հոգւոց և մարմնոց, որպէս զանձինս խնդրեմ ի Տեառնէ Աստուծոյ:





## ՊԵՏԱՍԻՆՆԻ

Չգիր ողջունի սրբութեան քո ընկալաք, և ի Քրիստոս  
ուրախացաք: Որ վասն թղթոյն պատասխանեաց զոր ասացեալ  
էք, զոր առ մեզ գրեալ էր Վրաց կաթողիկոսին. մեք աւելի  
զարմայեալ կայաք յերկուցունց կողմանց՝ յաղագս նորա. եթէ  
զիանդ զայսպիսի մահարեր բաներ՝ սուտ գրէր առ մեզ, և վա-  
ղիւ յանդիմանէր ՚ի մէնջ. և զձէնջ, թէ զի յանձն չէր վստահ  
աստանաւր ի մուտ, զի արդ կայր արդեք և զմեզ յորդորէր և  
թուղթս տայր առնել յաշխարհն. և զինքն ինքեամբ յանդիմա-  
նէր: Ապա էր ինչ որ յառաջագոյն իսկ յաշխարհականաց լու-  
եալ էր յաղագս սրբութեան ձերոյ, և այժմ ի Վրթանիսէ  
Քերդողէ աւելի տեղեկացաք. թէ ո՞րպէս հալածեցայք և ե-  
կիբ այսր. և մանաւանդ վասն հոգևոր իրաց, որում Տէր կա-  
թողիկոս ի վերայ հասեալ է և տեղեկացեալ և զձեզ ընկա-  
լեալ: Մեզ աւելի բնութիւն առնելոյ զի՞նչ պէտք են: Արդ  
զիս աւասիկ փութով ի դուռն խնդրեալ է. քեզ վաղ ասացի  
թէ գրեմ առ արքայից արքայ որ բարերարութեամբ հրաման  
տայ, և որ երթաս ի քո եկեղեցւոյ նստիս և քո հաւատով զքո  
ժողովուրդս ունաս: Գու ասես, ես Ատրնբրսեհի և Վահանայ  
եղրարց ի՞նչ եմ, և ոչ սուր առնուլ և ընդ ամենայն Վիրս  
կուռել: Արդ՝ քո հոգի և գործի նախ ողորմութեանն Աստու-  
ծոյ յանձն լիցի, և ապա Տեառն կաթողիկոսի. թող զի գրէ  
երկիցս և երիցս անգամ, ո՞ չիտէ, թող զի գան յուղղութիւն.  
ապա թէ ի նոյն յամառութեան կան, զի ի նորա ի թղթին  
իսկ աւանիկ գրեալ էր, ասէ, հարբն մեր և ձեր ցերուսաղէմի  
հաւատն ունէին, և սուրբն Գրիգոր զայն ետ նոցա, և մեք  
զնոյն ունիմք: Արդ՝ այդում պատասխանի Տէր կաթողիկոս  
առնէ, և թէ ի նոյն խելագարութեան կան և ի միաբանու-  
թենէ մերմէ հեռանան, զարիւն նոցա ի գլխոց իւրեանց խընդ-

քեցէ Տէր Աստուած, և մեր անպարտք եղիցուք: Բայց սակայն  
 զի՛արդ գործդ ի գլուխ երթայ, զրեցէք և առիտ: Թէ վան-  
 Տնազանդութենէ լսեմ, և տայ Տէր Աստուած ժամ յաջող, ո՞  
 գիտէ թէ և աստէն իսկ ընդունի Հատուցումն յԱստուծոյ ի  
 ձեռն մարմնաւոր տերանց:



## ՊԱՏԱՍԻՆԻ

**Ս**րբասիրի և պատուական Տեառն Արրահամու Հայոց Վաթուղիկոսի, և ամենայն եպիսկոպոսաց աթոռակցաց բոց, ի Վիւրիոփէ և Վրաց կաթուղիկոսէ, և յամենայն եպիսկոպոսաց աթոռակցաց իմոց, արհնութեամբ սրբոյ Խաչիս՝ ողջոյն:

Թուղթս զոր արարեալ էր՝ տեսի, և զինչ գրեալ էր իմացայ, վասն արժանի լինելոյ տեառնդ զսուրբ աթոռ երանելոյն Գրիգորի ժառանգելոյ, վասն ողջութեան ձերոյ մեծապէս ուրախ եղէ և զԱստուծոյ զոհացայ: Եւ որ գրեալ էր թէ յառաջագոյն երանելի հայրապետն մեր Մովսէս գրեաց առ ձեզ մեղադրութիւն յաղաշս հաղորդելոյ ձեր ընդ այնոսիկ ընդ որս չէր արէն, եթէ վասն Խուժկացն ասէք, մեք յայնժամ ընդ աշխարհի խորհելով հանդերձ եպիսկոպոսաւքս աթոռակցովքս խմովք և լաւաւք աշխարհիս, և որպէս արէնք հրամայեն ոչ ի բաց ընկենուլ, այլ ընդունել՝ որք դառնան ի չարութենէ ինչ և կամ ի հերձուածոց յապաշխարութիւն, այն իրաւք ընդունելութիւն արարաք: Այլ յորժամ գիտացաք, թէ նորա զխոստովանութիւնն ստութեամբ արարին և անդրէն յիւրեանց ի տիղմն չարութեան դարձեալ՝ կործանեցան, նչովեցաք զնոսա, և ի բաց կործանեցաք ի կաթուղիկէ եկեղեցւոյ, և ի մէջ բրիստոնէից: Այժմ նոցա ողջոյն որ չիշիւէ տալ:

Եւ որ գրեալ էր թէ վասն հոգևոր հաղորդութեան և մարմնաւոր սիրոյ եկեղեցին Յուրտաւայ հաստատեալ էր ի միջ երկուց աշխարհացս, և այժմ Յուրտաւայ եպիսկոպոսն վասն ուղղափառութեան հալածեալ է, և զպաշտաւնն հայերէն ի բաց փոխեալ է. մեր զպաշտաւնն չէ փոխեալ: Բայց զի որ եպիսկոպոսն եղև՝ վրացի ուսումն գիտէ և հայ նոյնպէս, և երկուքումք դպրութեամբք պաշտաւնն կատարի: Այլ վասն Յուրտաւայ եպիսկոպոսին հալածման, գործք իւր ծա-

նուցանեն եթէ վասն ուղիղ հաւատոյ գնացեալ է, թէ վասն այլ իրիք: Քանզի որպէս և գրեալ է, թէ Որ գործէ զչար՝ ատէ զլոյս, և որ գործէ զճշմարտութիւն՝ գայ ի լոյս: Ես զնա ոչ հալածեցի, այլ էր ինչ որ լսեցի վասն նորայետին գործոց, և կոչէի աոիս և կամէի խրատ տալ, և ուսուցանել որպէս պարտ էր աշակերտի. իսկ նա յիմ կոչ չեկն, այլ զեկեղեցին եթող և ի գիշերի գաղտ գնաց:

Իսկ այն որ վասն հաւատոց և ժողովոյն և տուժարին զըրեալ էր, և զայս գրեալ էր թէ, արքայից արքայի ծառայեց ընդ աւտար թագաւորաց ծառայս հաւատի ի զուգաց ունել և զքնական հաղորդակիցս ուրանալ՝ յոյժ անհարին թուի: Մեր և ձեր հարբն արքայի ծառայք էին, և զհաւատ զերուսաղեմի ունէին, և մեք և դուք նոյնպէս: Թէպէտ և ծառայք արքայից արքայի եմք, զհաւատ զերուսաղեմի ունիմք և կալցուք: Զի թէ ցայժմ խոնսունդ \*) էին Տեափր, այժմ որչափ ևս առաւել ներանելի եմք, որք յարքայից արքայի ծառայութեան հասեալ եմք: Զի մինչ երկիրք և երկիր լեալ էին, չէր եղեալ և ոչ մի տէր, որ ամենայն ազգի զիւր աւրէնս ի վերայ թողեալ էր, որպէս այս տէր եթող, և մանաւանդ զմեր բրիստոնէից հաւատս. իսկ ազատի աշխարհի մերոյ աւելի քան զամենայն աշխարհաց, և բարի անձինս իմոյ՝ լաւագոյն քան զամենայն ընկերաց իմոց. և արքայից արքայ, նոյնպէս տէր է Հոռոմոց, որպէս և տիրեաց աշխարհի. և չէ այսպէս, որպէս դուք գրեցէքս, թէ որիշ որիշ թագաւորութիւնք են:

Եւ որ գրեալ էր թէ կամէաք եպիսկոպոսունս արձակել, որ գային և ուսուցանէին. թէ կամիք արձակեցէք, թո՛ղ զի զան որ ուսուցանեն և ուսանին: Բայց պարտ էր ինձ զի գայի և յաղաւթս կայի ի սուրբ եկեղեցիսդ և ի ձէնչ աւրհնէի. կամ արձակել զիմ աշակերտս որ զողջոյն սրբութեանդ ձերոյ առ մեզ բերէին. բայց վասն չար ժամանակիս և աշխարհի կարեաց խափանեցաք. ի ընի մի ունիք. ողջ պահեսցիք Քրիստոսիւ Աստուծով մերով, և զպատասխանի թղթոյս՝ ըստ հաճոյիցն Աստուծոյ և մեզ տացէ լսել ի ձէնց:



\*) Այսպէս յոր.

**ԹՈՒՂԹ ՏԵԱՌՆ ՍՄԲՏԱՅՑՑ՝ ՎՐԿԱՆ ՄԱՐԶ-  
ՊԱՆԻ,  
ԱՌ ԿԻՒՐԻՈՆ՝ ՎՐԱՑ ԿԱԹՈՒՂԻԿՈՍ**

**Ս**րբասիրի Տեառն Կիւրոնի՝ Վրաց կաթողիկոսի, և այլ ևպիսկոպոսաց աթոռակցաց ձերոց, և իշխանաց աշխարհիդ Ատր- ներսեհի և ամենայն լաւաց, ի Սմբատայ Գուրկան մարզպանէ և տերանց զինուորէ, և ի Գիգայ Իաշտկարանէ, և ի վարդապետէ Հայոց Շարսաղարէ, և յայլ ալատ որերոյ խոնարհու- թեամբ և սիրով ողջոյն:

Քանզի յառաջագոյն Հարանցն մերոց և ձերոց, և վարդապետաց աշխարհիս միարանութեամբ զյետին կարգս ոմանց և զատելի վարս տեսեալ, որ աննման և թիւր էր մեր հաւատոյ, և կանոնաց մերժեալ էր զնոսա նշովիւք, և վասն հեռաւորութեան մեր և նոցա աշխարհաւ և ոչ խիղճն այն առ ամենեսեան ի մտի էր, ըսյց առ սակաւս ոմանս հաստատուն կայր: Իսկ մինչ մեղաց յաճտխութիւն եղև առ միմեանս եհաս . . . . . ապրստամբեալք ի ընիկ տերանց՝ ա . . . . . վասն հաւատոյ էր, և կամ վասն կար . . . . . վարուց նոցա, ևս քաջ ի վերայ հասար . . . . . նմանք և թիւրք էին ամենեւեմ մեր կար . . . . . սյլ տեսանէաք և յարեաց աշխարհի բրիստոնեայքն ուղղափառք էին. զնոյն պայման մեր և ձեր հարանցն և նոցա . . . . . աջ պատուիրանաւ: Ապա առաւել ևս հասար ի վերայ, թէ որք ի մէջ էին և միարանեցին ընդ նոսա պակասամիտք և լոյծք ուրէմն էին յառաքինութենէ և ի հաւատոց, և այս պատերազմս որ ընդ հաստատունսն և ընդ լոյծսն էր, չար և դառնագոյն թուէր քան զամենայն չարս. և յորժամ մարդասէրն Աստուած ողորմեցաւ, և արբայից արբայ բարերարութեամբ արար, և զմեզ յաշխարհարձակ հաւատոյ և եկեղեցեաց կարգի աւելագոյն պատուէր

ի վերայ արար, զի ընդ միմեանս խաղաղութիւն եղեցի, քանզի էր ինչ որ լուաւ Եւ մինչ բարեաւ յաշնարհս հասար առաջնորդութեամբ սուրբ Հոգւոյն հայրապետ կարգեցաւ, և այն ամենայնի հակառակութեան և թերութեան, ուղղութիւն եղև, Քրիստոս Աստուած փառաւորի, որպէս յառաջագոյն ուսուցին մեզ երանելի վարդապետքն, և եղեաք ամենեքեան մի հաւատ, որ ընդ աքբայից արքայի իշխանութեամբ եմք: Չնոյն հարկաւորեցաք գրել և առ ձեր սրբասիրութիւն, զՌես պատմել ձեզ, և զձեզ ընդ մեզ միաբանել, որպէս և մեր հարբն էին: Քանչի միոյ իսկ վարդապետի աշակերտ և վեճակ եմք, կեալ և մեզ նովին հաւատով որպէս և հարբն մեր, և զհաւատ առ Աստուած ունել, և զէր առ միմեանս: Բայց է և ինչ լուր որ յաշխարհականացս լուայ և սակաւ ինչ հաւատացի Իսկ հաւաստի յեպիսկոպոսէս Յուրտաւայ որ աստս է՝ լուար և կարի դժուարացաք, քանչի մեր, և այդ աշխարհի աշատ որերոյ թէպէտ արիւն և հարապտութիւն ի միջի կայր, բայց հաստատութիւն և վստահ լինել մեզ որպէս յերդումն ինչ: այդ սուրբ վկայարան որ ի Յուրտաւ, պատուական եկեղեցիդ հաստատեցաւ, և պաշտուանդ և կարգդ հայերէն ի ձեր միջի էր, և փոխելդ թշնամութիւն ի մեզ արկանէք: մանաւանդ թէ և թերութիւն, արգելուլ և մեզ աստ որք կամին գալ և երկրպագանել սրբոյ Խաչիդ, և ոչ տալ մրտանել որք պտի գան ի սուրբ Վաթուղիկէ եկեղեցի, և յայլ վկայարանս յաղաւթել: Եւ այսմ մեծի պարգևի որ յԱստուծոյ տուան մեզ և ձեզ, և խափանիչ թէ որ յանխրատից և կամ ի ազիտաց լինէր, ձեզ պարտ էր խրատել վարդապետութեամբ զայնպիսիս և պատուահասել որ հակառակութիւն ի միջոյ բառնայր: Թող թէ ձեզ առնել զայդ որ կարի անհնարին և չար է: Վամէաք եպիսկոպոսունս հանդերձ քերդողաւք արձակել, զկիրթսրն գիտել զչարութիւն հերձուածոց, որ զձեզ ի վերայ հասուցանէին: Բայց ապա առ ժամս բաւական համարեցաք ի ձեռն ազատ արանցդ, նախ թղթով զկամս ձեր գիտել:



## ՊԱՏԱՍԽԱՆԻ.

**Փ** առաւորելոյ Տեառն, Սմբատայ Գուրկան մարզպանի, և տերանց զինուորի. և Գիզայ Գաշտկարանի. և Վարդապետի Հայոց Շարսաղարի. և այլ ապատ որերոյ Հայոց աշխարհիդ՝ ի սրբոյ Խաչէս աղաւթք. և ի Վիւրոյնէ Վրաց կաթուղիկոսէ. և յամենայն եպիսկոպոսաց աթոռակցաց իմոց և իշխանացս Ատրներսեհէ . . . . . շա . . . . և յամենայն լաւաց աշխարհին զըաց խոնարհ երկրպագութեամբ և սիրով ողջոյն:

Գոհանամ զամենասուրբ Երրորդութենէն՝ որ զքեզ Տէր Սմբատ ի ժամանակի յայսմ փորձութեան պատրաստեաց ի բարեխաւսութիւն բարերար տերանց՝ որ գոհ են զքէն, և ետ մեզ: Քանզի ապտիհդ ձեր և փառաւորութիւն մեծութեամբ հանդերձ, ոչ միայն Հայոց աշխարհիդ խնդութիւն է, այլ և Վրաց:

Թուղթս զոր արարեալ էր տեսի. և զողջոյն ձեր լսելով խնդացաք, և որ գրեալ էր թէ Հարանցն ձերոց և մերոց՝ զթիւր և զատելի կարգս ոմանց և զհաւատոս տեսեալ, խոտեալս էր և ի բաց ընկեցեալ: Վասն որոյ էր ինչ՝ որ այժմ եղև հակառակութիւն ի մերում աշխարհես, որ մինչև յարքայից արքայ եհաս. և արքայից արքայ բարերարութեամբ արար զիս աշխարհարձակ, և վասն եկեղեցեաց և հաւատոյ և ընդ միմեանս խաղաղութիւն ունելոյ՝ պատուէր ի վերայ արար. և յորժամ բարեաւ յաշխարհ եկաք, ի մեր ձեռն Աստուած զհակառակութիւնն զայն երարձ ի միջոյ: Վասն այդ բարերարութեան հրամանի և զՏէր յայտ գործ պարապեցուցանելոյ, Աստուած զարքայից արքայ անձահ արասցէ, և զքեզ, Տէր, աւելի տերանց վասպուրականագոյն արասցէ զաւակաւդ հանդերձ, քան որչափ եսդ, զգիտութիւն և զիմաստութիւն և զհրահանգ տերանց աւելի ետ Տէր Աստուած քան զբաղմաց: Նախ՝ Քեզ Տեառն և ապա ինձ, զի ապտիհոր և ինձ հասեալ է ի տերանց վասն իւրեանց բարերարութեան, թէ ամենայն բրիստոնեայք զձեռս:

յերկինս համբառնային և զնոցա անմահութիւն խնդրէին, արժան էր:

Եւ այնր որ վասն հաւատոյ գրեալ էր, թէ հարքն մեր և ձեր ապաքան ունէին յորմէհետէ և սուրբն Գրիգոր զուղղափառ հաւատ կարգեաց:

Բայց զի եպիսկոպոսն զոր արարաք՝ Արացի և Հայ զըպրութիւն զոյգ գիտէ և զպաշտան կատարէ երկուքումը զըպրութեամբն: Բայց ի մարտի պակասութիւն մի է. և մեծ է մարդոյ միոյ բանից հաւատալ ձեզ՝ որ իւր զլիւոյ չէր հաւատարիմ: Թող թէ վասն մեր, որ վասն չար գործոյ իւրոց գաղտ ի գիշերի փախստական գնաց, և յապստամբս չոգաւ առ Աահրամ, և այնպէս չարութեամբ գիտաց առնել, զի սակաւիկ ինչ պիտեցաւ, և դեռ զբաղաքսն առնուլ տայր, և Արեաց աշխարհի մեծ զիեան հասուցանէր:

Եւ արդ զուր նմա հաւատացէք, և նորա բանիւ առ մեզ խափանեցէք գալ, և երկրպագել պատուական և կենսատու սրբոյ Խաչիս Մծհիթայի, յորմէ խնդրելով պարգևեցար հաւր և մաւր բուժ, և սորա առաջի սնար, և սորա առաջնորդութեամբ ի բարի հասեր: Թէպէտ և զուր չեկիք յերկրպագել, այլ մեր յամենայն ժամ յաղալթս յիշեմք առաջի սրբոյ Խաչիս, Տէր մեր Յիսուս Քրիստոս բարեխաւսութեամբ սրբոյ Աստուածածնին, և պատուական խաչին, վասն բեզ ի կամս հասուցանելոյդ և առաւել բարի առնելոյ, զարքայից արքայ անմահ արասցէ. և աւելի ի կամս հասուցէ. և զՔեզ Տէր նոցա զոհութեամբ, շատ կեցուցէ զաւակաւդ հանդերձ, և ի կամս հասուցէ. և արժանի լինիչիք ի մաւտէ առուրս գալ և երկրպագել սրբոյ Խաչիս:





## ԱՌ ՏԷՐ ՄՄԲԱՏ Ի ՄՈՎԱԷՍԷ

**Ա**ստուածաշնորհ պատուովք պայծառացելոյ Տեառն Սմբատայ՝ Գուրկան մարզպանի, և տերանց զինուորի, ի Մովսէսէ նուաստէ, Տերամբ ողջոյն:

Զպատասխանիս թղթոցս տեսի, զոր անաւրէնութեամբ և ամպարչտութեամբ գրեալ էր Վրաց աւերչի կաթուղիկոս աւնուանն. և առ մեր տէր կաթուղիկոս՝ և առ բեզ տէր, Եւ յազագս տեառն կաթուղիկոսի չէ՛ սրտի պակասութիւն. զի տեղեկացեալ է և բովանդակ ի վերայ հասեալ. թէ վասն է՛ր և կամ զի՛ հալածեցայ. բայց վասն բո տեառն, և կարի պակասութիւն է սրտի Գուցէ՛ արդեք ամպարիշտ թղթովքն զոր գրեաց առ ձեր փառաւորութիւնդ երկմտեցոյց ինչ զձեզ: Բայց տեառն ձեռնհասութիւն է ողորմութեամբն Աստուծոյ, թէ և ի հեռագոյն տեղիս՝ բննութեան իմիք պէտք էին տեղեկանալ թող թէ որ կարի ի մաւտոյ է. Հայք և Վիրք սահմանակիցք են միմեանց. շատ յա՛լատաց և յոլովք ի շինականաց՝ աստի անդր հասանեն, և անտի՛ պար. յորոց մարթի տեղեկանալ և թէ արդարեւ պղպէս գտանիմ, որպէս առ ձեր փառաւորութիւնդ գրեցաւ ի նոցանէն. և ես այլ տարազ ծանուցի զիս ձեզ, և զայսպիսի վարդապետս և զիշխանս, և զաշխարհ խարեցի. պատուհաս՝ զայն արժան է առնել ի վերայ իմ, զի որ ընդ իմն նայի, այլ զլուս չկարէ խարել: Բայց թէ բաջ բննել հրամայէք, յուսամ յողորմութիւնն Քրիստոսի Աստուծոյ թէ զամենայն բանս թղթոյն՝ որ վասն իմ գրեալ էր, սուտ գտանէք, և մանաւանդ զի հալածանացն ժամ, զինն աւր ի Տիրիս ի նոբա դուրս կացի, և յանդիման չարար. և աշխարհն ամենայն գիտէր զի չէ՛ր վասն այլ ինչ իրաց, բայց վասն հաւատոյ. և յետ ինն աւուրն ինքն ի Մծհիթա գնաց. ես պար, լուսով գնացի, և ոչ ընդ իաւար. որպէս նոքայն գրեցին, և որ աւր և թն էր ի սուրբ Յովհաննու վանս եկի. և չեմ առ Վահրամ երթեալ:

Այլ և այսու ևս անդուման առնեմ զՏէր, զի Վահագրամայ առ իս գրեալ էր, թէ ի սրտի մեծ պակասութիւն է ձեր ի սրբոյ եկեղեցւոյն հեռանալդ. բայց մինչ գնացէքդ՝ ճանապարհ առ մեզ պիտէր ունել. զի և եկեղեցւոյն մեծ բաժին կայ աստ, որով պանձն ունել մարթ էր: Ջայս թուղթ Տեառն կաթուղիկոսի ցուցեալ է, և Քեզ Տեառն ցուցանեմ: և ես անդրէն պատասխանի արարի:

Արդ՝ ասեմ ապա անտի զի գնացի, զի առ ձեզ գայի, զի հաւատ ձեր՝ և նոցա մի՛ է:

Իսկ որ վասն շար գործոցն գրեալ էր թէ հալածեցաւ, ի ծածուկ՝ մարդ քան զիս մեղաւոր չմարթի լինել. զմեղս իմ՝ զոր Աստուած միայն գիտէ և ես: Բայց յայտնի զի կարի շատ աշխարհի զիմ յետնութիւն չկարէ ցուցանել. Եւ զպաշտաւնն զի փոխեցին՝ յայտ է, և զչեպիսկոպոսն նեստորական զոր արարին, դպրութիւն զի և վրացերէն չգիտէ՝ որպէս արժան է, թող թէ հայերէն, և այն յայտ է: Բայց փառաւորութեան ձերում տեղեկութիւն լիցի, զի նա այդպիսի չարութեան մեքենայս շատ գիտէ և զձեզ հաւատացուցանել կամի և զգործդ խափանել: Բայց վասն Աստուծոյ և ձեր հոգւոց ջանացարուք որով և զրաւք: Ո՞գիտէ տառապեալ աշխարհին փրկութիւն առնէ Տէր Աստուած ի ձեռն փառաւորութեան ձերոյ, վարձս յԱստուծոյ ընդունիք, և բարգաւաճանք ի մարդկանէ լինին. և անարժանութիւնս իմ մինչև է կենդանի, զտեառնդ և զորդեկիդ՝ զփրկութիւն հոգւոց և մարմնոց, որպէս զանձինս խնդրեմ ի Տեառնէ Աստուծոյ:



## ՊԱՏՄԻՆԻ

Չգիր ողջունի սրբութեան բո ընկալաք, և ի Քրիստոս ուրախացար: Որ վասն թղթոյն պատասխանեաց զոր ասացեալ էք, զոր առ մեզ գրեալ էր Վրաց կաթողիկոսին. մեք աւելի զարմացեալ կայաք յերկուցունց կողմանց՝ յաղագս նորա. եթէ զիարդ զայսպիսի մահարեր բաներ՝ սուտ գրէր առ մեզ, և վաղիւ յանդիմանէր ՚ի մէնջ. և զձէնջ, թէ զի յանձն չէր վստահ աստանաւր ի մուտ, զիարդ կայր արդեք և զմեզ յորդորէր և թուղթս տայր առնել յաշխարհն. և զինքն ինքեամբ յանդիմանէր: Ապա էր ինչ որ յառաջագոյն իսկ յաշխարհականաց լուեալ էր յաղագս սրբութեան ձերոյ, և այժմ ի Վրթանիսէ Քերգողէ աւելի տեղեկացար. թէ ո՛րպէս հալածեցայք և եկիք այսր. և մանաւանդ վասն հոգևոր իրաց, որում Տէր կաթողիկոս ի վերայ հասեալ է և տեղեկացեալ և զձեզ ընկալեալ: Մեզ աւելի բննութիւն առնելոյ զինչ պէտք են: Արդ զիս աւասիկ փութով ի զուռն խնդրեալ է. բնզ վաղ ասացի թէ զրեմ առ արքայից արքայ որ բարերարութեամբ հրաման տայ, և որ երթաս ի բո եկեղեցւոյ նստիս և բո հաւատով զբո ժողովուրդս ունաս: Գու ասես, ես Ատրնբսեհի և Վահանայ եղրարց ինչ եմ, և ոչ սուր առնուլ և ընդ ամենայն Վիրս կուտել: Արդ՝ բո հոգդ և գործդ նախ ողորմութեանն Աստուծոյ յանձն լիցի, և ապա Տեառն կաթողիկոսի. թող զի գրէ երկիցս և երկցս անգամ, ո՛ւ չիտէ, թող զի գան յուղղութիւն. ապա թէ ի նոյն յամառութեան կան, զի ի նորա ի թղթին իսկ աւանիկ գրեալ էր, ասէ, հարբն մեր և ձեր զԵրուսաղէմի հաւատն ունէին, և սուրբն Գրիգոր զայն ետ նոցա, և մեք զնոյն ունիմք: Արդ՝ այդում պատասխանի Տէր կաթողիկոս առնէ, և թէ ի նոյն խելագարութեան կան և ի միաբանութենէ մերմէ հեռանան, զարիւն նոցա ի գլխոյ իւրեանց իւրնդ-

քեցէ Տէր Աստուած, և մեր անպարտք եղիցուք: Բայց սակայն  
 զի՛արդ զործդ ի գլուխ երթայ, զրեցէք և առիտ: Քէ զան-  
 հնազանդութենէ լսեմ, և տայ Տէր Աստուած ժամ յաջող, ո՞ր  
 գիտէ թէ և աստէն իսկ ընդունի հատուցումն յԱստուծոյ ի  
 ձեռն մարմնաւոր տերանց:



**ԹՈՒՂԹ ԵՐԿՐՈՐԴ ՏԵՆՌՆ ԵՐԲԱՆՍՈՒ՝ ՀՆՏՈՑ  
ԿԱԹՈՒՂԻԿՈՍԻ,  
ՆՈ ԿԻՐԻՌՈՆ ՎՐԱՑ ԿԱԹՈՒՂԻԿՈՍ:**

**Ս**րբասիրի տեառն Կիւրոֆէի Վրաց կաթուղիկոսի, յԱր-  
րաճամայ Հայոց կաթուղիկոսէ Տերամբ ուղշոյն:

Զգիր ողջունարեր ձերոյ սրբութեան ընկալար. և որ զը-  
րեալ էր թէ ընդ նորոգութիւն սրբոյ աթոռոյդ. Տեառն Գրի-  
գորի յոյժ խնդացար, և Կանարժանութիւնս մեր աւրճնեալ էր  
գոհացեալ զԱստուծոյ. յաղագս այգորիկ շնորհաճատոյց Աս-  
տուած եղիցի տեառնդ:

Իսկ զոր ընդդէմս և զհակառակս գրեցէք, ծանեար և  
զայս: Արդ՝ մեր զհակառակարանութեան պատասխանիսն թող-  
ցուք. զի չգրեմք ի վիճարանութիւն, այլ փութամք ի սէր և ի  
հաւատս հայրենի միաւորութեանն, և չխնդրեմք միայն Կանձին  
աւզուտ, այլ զբազմաց զի ապրեսցին: Արդ՝ մի պաշարեսցուք  
իւրի, յորմէ ոչինչ աւզտիմք, և մի պարծեսցուք միայն բարդա-  
ւաճեալ և նազելի անուամբ սրբոյ բաղարին Երուսաղեմի, յոր-  
մէ զԱստուածային փառսն կողոպտեալ մերկացուցին, և զհաւա-  
տըն առարեւական զերծեալ բարձին ի նմանէն, և յուրվս և զա-  
նազան հերձուածս ի հաւատս և ի գործս ազանդեցին ի նմա,  
զոր դուք այժմ՝ ևս պարծելով գրեցէք առ մեզ, թէ հարցն մե-  
րոց և ձերոց սուրբն Գրիգորիոս ԿԵՐՈՍԱՊՈՒԼԻ հաւատն ետ, և  
մեր զնոյն ունիմք: Արդ՝ բաջ քննեցէք և տեսէք, զի դուք և  
յուրվք այլք հանդերձ ընակչաւք սրբոյ բաղարին, փոխեցայք  
յայնմանէ, այլ ոչ եթէ զնոյն ունիք: Իսկ մեր և այժմ ունիմք  
զհաւատն Երուսաղեմի, զայն՝ որ ի Սիոնէն ելանել մարգարէա-  
ցան աւրինացն յառաջագոյն մարգարէքն, և ըսնին Տեառն յե-  
րուսաղէմէ, ուստի և Փրկիչն մեր ծագեաց Քրիստոս Բանն, և

շնորհաւք Հոգւոյն սրբոյ ելից զերանելի առաքեալսն, և նորաւք որսաց զամենայն տիեզերս ի կենդանութիւն, և ըղխեցոյց նորաւք զկենդանարար վտակն. և զաշխարհ ի մեռելութենէ դարձոյց ի կենդանութիւն և զամենայն եկեղեցիս ծաղկեցոյց յաշխարհի, և արար ոչ ստորին՝ այլ վերինն՝ Երուսաղէմի, և զժողովս հաւատացելոց տէրունական աւետարանաւն փութացոյց յաճելութիւն, զորս գնեաց և ալատեաց կենդանարար մարմնով և արեամբն իւրով, և արար ժառանգորդս արբայութեանն վերին Երուսաղէմի:

Ելլ ոչ եթէ զհայհոյութիւնն ունիմք զանիծեալ ժողովոյն Քաղկեդոնի և զտումարն Լևոնի, զոր երբեմն բերեալ սերմանեաց Յուրնաղիոս եպիսկոպոս անուանեալ յԱստուածակերտ քաղաքին. և զամենայն աստուածային և զառաքելական հաւատս և զկարգս ապականեաց և վեր ի վայր տապալեաց: Եկն մոլորութիւնս այս, որպէս յառաջագոյն գրեցաք և ի մեր աշխարհս առ Բարգնաւ Հայոց կաթողիկոսաւ և առ Գարրիէլու վրաց Կաթողիկոսիւ, և միարանութեամբ եպիսկոպոսաց և ազատ որերոյ, նպովեցին և ի ըսց հեռայան ի միարանութենէ մեծարաւդացն զժողովն և զտումարն հրէական և այժմ գրով պահի առ մեզ: Արդ՝ աղաչեմք և մեք զձեր սրբութիւնդ, մի՛ ախտանալ զախտ ուրացողացն, զի մի՛ ընդ նոսա պատժիցիմք, և մի՛ ընդ նպովիւք հարցն եղիցուք, զի մի՛ զգեհնն ժառանգիցեմք: և մի՛ հանգոյն թշնամաց զերատտուն վարկանիցիմք, և յանձինս պանծացեմք. զի մի՛ անմիտ և անխրատ երեւեցուք, այլ լցեալ և աճեցեալ առաքելական և հայրենի հաւատովն փութացուք կանխել և յառարինութեան շաւիղս. զի արժանի լիցուք հասանել, և պարզեացն խոստացելոց ի Փրկչէն մերմէ Քրիստոսէ Աստուծոյ:

Իսկ որ յաղագս սրբասէր եպիսկոպոսիս Յուրտաւայ գրեցէք. ըսչ հասեալ եմք ի վերայ սորա բարեպաշտութեան և լաւութեան. և աւելի վկայ որ չէ պիտոյ. ապա թէ է՛ ինչ երկրայութիւն ի միտս ձեր վասն սորա, միայն բան միաւորութեան յաղագս սուրբ հաւատոյն գրեա՛ առ իս, և ընդ նմին պատմեա՛ ինձ վասն տեղոյ ի բո սահմանի, կամ ի մեր, որ յետ որոջ Զատիկին զմիմեանս տեսանեմք. և եթէ առ սմա ինչ թիւրութիւն գտանի, թող զի աշխարհաւ յանդիմանի և մեք անխոռով պահիմք:

## ՊԱՏԱՍԽԱՆԻ:

**Ս**րբոյ և Ճշմարտի Տեսան Երրահամու Հայոց կաթուղիկոսի, ի Վիւրոզնէ Վրաց կաթուղիկոսէ, խոնարհ երկրպագութիւն և սիրով ողջոյն:

Զթուղթս ձեր տեսի, և զի՛նչ գրեալ էր իմացայ: Բայց թէպէտ և դու ինքն իսկ բաջ գիտես, սակայն յիշեցուցանել և մեղ չէ՛ զիւնան. զի որ յառաջ բան զրեպ յայդ ի սուրբ եկեղեցւոյ վարդապետր էին, և որ ի մեր տեղւոջ վարդապետր լինէին, ընդ միմեանս խաղաղութիւն էր և սէր. և մին հաւատ էր և կարդաւորութիւն, և մանաւանդ յիմ ժամանակիս, մինչ Մովսէս աւրճնեալ կենդանի էր՝ զրեաց առ իս, թէ չէր պարտ հաղորդել ընդ Խուժիկսդ, և զիտէի թէ արդար է: Ըստ նորահրամանի հետազոյցի զնոսա ի մէնջ:

Եւ զայդ Մովսէս, մինչ Յուրտաւայ եպիսկոպոս կամեցար առնել, դմա պարտ էր ասել, թէ ես ի ձէնջ, չաւրճնիմ, զի չէ ուղղահաւատ: Մինչ յայնժամ՝ աւրճնեցաւ ի մէնջ, արդ զի պարտի զմեղ բննել. մի՛թէ յետ այնր ինչ փոխեցաք զհաւատս: Եւ յառաջ բան զգա եպիսկոպոսունր որ ի Յուրտաւ լեալ են, ի սրբոյն Շուշանկանէ և այսր, Եփոց, Գառնիկ, Սահակ, Եղիշայ, Յակովր, Յոհան, Ստեփանոս, Նսայի, Սամուիէլ, Ստեփանոս, Յոհանէ, և այլ եպիսկոպոսունր ի հայոց և ոմանր ի վրաց էին ի հայս ուսեալք զիտունր և վարդապետք. նորա և մեր վարդապետր ընդ միմեանս խաղաղութեամբ կեցին. ի միմեանց ուսանէին, և զմիմեանս ուսուցանէին, և մեր բան զմեր հարանցն ոչ թողեալ ինչ է, և ոչ յաւելեալ ի հաւատոց: Եւ ազատ մարդիկն որ ի Հայոց ի Վիրս խնամութիւն արարեալ էր, ի սրբոյն Շուշանկայ պաշտանն զային, և ի սուրբ Խաչս Մժեսիթայի աղաթել և աւրինաց հաղորդէին: Նոյնպէս և որ աստի այդր զային ի սուրբ Վաթուղիկէ և յայլ եկեղեցիսդ աղաւթել, ան-

խիղճ ի միմեանց աւրինաց հաղորդէին, Եւ միաբանութիւն էր Վրաց և Հայոց ընդ միմեանս, և ամենայն իսկ վիճակիս սրբոյ տեառն Գրիգորի միաբանութիւն էր ընդ հաւատոյն Երուսաղէմի, որով Հոռոմբ վարին. և այլ ինչ բանք և խաւք չէին ուրուք եղեալ ի ներքս, իսկ այժմ ո՛ւստի եղին: Հոռոմայ հայրապետն ի սրբոյն Պետրոսի աթոռն նստի, և Աղեքսանդրացին ի սրբոյ Մարկոսի աւետարանչի, և Անտիոքացին՝ ՚ի սրբոյն Ղուկասու աւետարանչի և Վոստանդնուպաւսացին ի սրբոյն Յովհաննու աւետարանչի. և Երուսաղէմացին՝ ի սրբոյն Յակովբայ եղբաւրն Տեառն: Արդ՝ զոր նոցա հաւատն կալեալ է և մեզ տուեալ և մեր հարանցն, և մեր մինչև ցայժմ պահեալ, այժմ զիւրդ թողուցումբ զայն և ձեզ հաւատասցուք: Եւ այլ եպիսկոպոսունք ուղղափառք որոց համար չկայ, և թագաւորք և իշխանք և աշխարհք ամենայն ուղղափառք, զնոսա զամենեսեան զիւրդ մարթի թողուլ, և ընդ ձեզ միայն միաբանել: Եւ կամ միանգամայն, և և Ե. եպիսկոպոսունք են ի Վիրս, Մովսէսդ. այդ ո՛ւստի գտաւ միայն ուսեալ և ուղղափառ և այլքս ամենեքեան հերձուածող. մանաւանդ զի յիսուսմ Տէր Աստուած մեր, զեկեղեցիս մեր աւելի պայծառացոյց, և զհաւատս մեր առաւել հաստատեաց, և յարբայից արբայի փառաց զիս աւելի մեծացոյց. և յառաջագէմ արար բան զհարսն իմ, մանաւանդ թէ, և քան զամենայն ընկերս իմ:

Արդ՝ թէ միաբանութիւն և սէր կամիս պահել, և կեալ ընդ մեզ խաղաղութեամբ, որպէս հարբն մեր և ձեր կեցին, մեր պատրաստ եմք ի խաղաղութիւն: Իսկ եթէ այլ տարազ ինչ կամիք խորհել աւելի աշխատ մի լինիք, և յաղագս այդորիկ այլ մի դրէք առ մեզ. զի ապա ինձ ընդ Հայս, ըսցց թէ ճանապարհաւ հասանէ անցանել երրէք՝ թէ Աստուած արժանի առնէ երթեալ երկրպագել սուրբ տեղացն Երուսաղէմի. թէ ոչ այլ ինչ գործ չկայ. և որ վստն ինձ և ձեզ ի մի տեղի դալոյն դրեալ էր, ինձ ձեր տեսութիւն կարի պիտի. ըսցց վստն ժամանակիս անպարապ եմք. անմեղադիր լերուք:





**ԹՈՒՂԹ ԵՐՐՈՐԻ ՏԵԱՌՆ ԱՐԲՆՀԱՄՈՒ ՀԱՅՈՑ  
ԿԱԹՈՒՂԻԿՈՍԻ,  
ԱՌ ԿԻՒՐԻՈՆ ՎՐԱՑ ԿԱԹՈՒՂԻԿՈՍ**

**Չ**ինչ առնեմք, ո՛վ պատուական եղբայր, պատուածային պատուիրանացն զձայն որ միշտ բողոքէ մեզ. թէ զգոյշ կացէք Տաւրիզ՝ յորում եզ զձեզ Հոգին սուրբ տեսուչս, հովուել զժողովուրդ. Տեսոն՝ զոր փրկեաց պատուական արեամբն իւրով. և ասել թէ Համարս տալոց էք ընդ նոցա. և մեր ի ծուլութիւն հատեալ եմք, և մեղկք և ծոյլք լինիմք իբրև զքնածս որ ոչ երբէք սթափին ի ննջելոյ. և ոչ զմի ինչ չփորձեմք զայն զոր գրեալն է, թէ Փորձեցէք զամենայն ինչ, և զուարին ընկալաբուր, և յամենայն չարէ ի բաց կացէք: Քանզի առաջնորդի եկեղեցւոյ և գլուխ կացելոյ զբաւականութիւն զհտուութեան ի հարկէ պիտի ստանալ և ուսանել, և այնպէս ապա զԱստուած առաւել սիրել բան զեղբայր և բան զորդի և բան զայլ զամենայն սիրելիս. և յայնժամ ապա Աստուծոյ արժանի լինի որդեգրութեան, և մանաւանդ զիս վասն այսր որ սիրոյ եղբայրութեանդ բուս աւելի հասանէ ինձ ակն առնուլ, և պատուիրանին առաքելոյ ի խոնարհ մնալ. այն որ ասէ, Հաստատեցէք զմիմեանս և շինեցէք զիրեարս. և միոյն առաւելութիւն՝ զմիւսոյն պակասութիւն լցցէ: Բայց արդ մի՛ հեղգասցուք, զսէրն հոգևոր՝ որ կայր ի մէջ երկուց ազգացս նորոգել, զայն՝ որ ի միոջէ աղբերէ առեալ էր զվարդապետութիւն, որ նախ ինքեանք զկենդանութեանն լոյս առին, որպէս ուսուցին մարգարէքն և առաքեալքն և ապա մեզ և ձեզ հասարակ սերմանեցին զԱստուածապաշտութիւն: Նախ երանելին սուրբն Քրիզոստ, և ապա Մաշդոց, և զդրոց ծանալութիւն ի պնդութիւն հաւատոց, և այժմ՝ աղաւթեսցուք նովիմք կալ մեզ, մինչև ի գա-

յուսան Աստուծոյ մերոյ Տեառն Յիսուսի Քրիստոսի, և զնոյն հաւատ ճշմարտութեան ընծայել նմա:

Քանզի և սեր իսկ աստուածային այն է, և յայդ վրիպեալ մտաց ի բաց փոխել արժան է. գոնեա՛ թէ՛ այժմ՝ զոր ասէքդ. թէ՛ մեք զՏայրենի ունիմք հաւատ և այժմ: Զի թէ՛ զՏայրենի հաւատն ունիք, մեր այլ խնդիր զի՛նչ էր, և կամ բնաւ զաշխատութիւնս զայս զի՛ կամեաք տեսանել, այլ զի փոխեցայք յայնմանէ. վասն այնորիկ այս երրորդ թուղթ՝ գրեցաւ ի մէնջ առ ձեր սրբութիւնդ, բանզի գրեալ է. յերկուց և յերկից վկայից հաստատեսցի ամենայն բան: Զի յառաջ մինչ առաքիլնի հարքն մեր ազգացս երկոցունց, և որք յայս իշխանութիւն կարգեալ զոր այժմ մեք ունիմքս, նորաւք հանգերձ միաբանէին յամենայն բարիսն, և զուգաց հեռանային յամենայն չարէ. թուի ինձ թէ՛ տեղեակ է ձեր սրբութիւնդ այնմ: Եւ յեկեղեցւոյ սուրբ զերրորդութիւնն փառաւորել մեզ ուսուցին առաքեալքն, և որք ի նոցանէն ճշմարտութեամբ ուսան, և ի նոյն սուրբ Երրորդութիւնն մկրտիլ և զՈրդի յերրորդութենէն մարմնացեալ՝ միացեալ՝ մի լեալ բարոյեցին, և զնոյն Աստուած՝ ընդ Հաւր և սուրբ Հոգւոյն: Եւ ասեն այսպէս. Մի՛ է Տէր մեր Յիսուս Քրիստոս. Եւ դարձեալ. յորոց և Քրիստոս, որ է ի վերայ ամենեցուն Աստուած՝ աւրհնեալ յաւիտեանս: Եւ այլ դարձեալ ի Վաթուղիկէին. Սա՛ է Աստուած ճշմարիտ և կեանք յաւիտեանականք, և այլք բազումք նոյնպէս բարոյեցին առաքեալքն, որ վասն ժամուս այսչափ բաւական համարեցայ. նոյնպէս և մարգարէքն յառաջագոյն ծանուցեալ վկայեցին: Երեմիա ասէ, Սա՛ է Աստուած մեր ընդ որում ոչ համարեսցի այլ որ. սա՛ որ ետ զիմաստութիւնն Յակովբայ. յետ այսորիկ յերկրի երեւցաւ և ընդ մարդկան շրջեցաւ, և այլք նոյնպէս վկայեն:

Իսկ եթէ՛ վասն ճշմարիտ մարդն լինելոյ, է ուրեք որ յիշատակէ, որպէս զայն թէ՛ Մարդով եղև յարութիւն մահելոյ, և կամ թէ՛ Երկրորդ մարդն՝ Տէր յերկնից, ոչ թէ՛ զընութեանց ինչ ճառեն առաքեալքն. այլ վասն այնր զի իւրով մարմնովն ի սրբոյ կուսէն Աստուածածնէ ետ՝ մարդ է, և իւրով մարմնովն Աստուած, և ոչ երբեմն մարդ և երբեմն Աստուած է: Մի՛ ինչի. չբարոյզեն այսպէս: Սոյնպէս և երանելի հարքն որ ի նիկիայ ժողովին այսպէս ուսուցին ըստ առաքելոցն վարդապետութեան. Հաւատայ, ասեն, ի մի Աստուած ի Հայր ամենակալ:

այլ ոչ երկուս բնութիւնս, կամ երկուս Որդիս ասացին, այլ զմի Տէր Յիսուս Քրիստոս՝ ծնեալ ի Հաւրէ անճառաբար, և զնոյն մարմնացեալ, և մարդացեալ, և խաչեալ, և թաղեալ, յարուցեալ, և գայ ի դատել, որոյ թագաւորութեանն վախճանն ոչ կայ: Եւ ի սուրբ Հոգին՝ որով խաւսեցան առաքեալք և մարգարէքն: Զայս կալաւ հաւատ եկեղեցի Աստուծոյ ի սբոց առաքելոց. և սովիմք պարծի ի վերինն Երուսաղէմ ժողով լինել:

Իսկ ի Քաղկեդոնի ժողովեալքն՝ հակառակ առաքելոցն և սուրբ ժողովոյն, խոստովանեցին երկուս բնութիւնս ասելով միոյ Քրիստոսի, խաբելով զպարզամիտս, և փոխանակ Երորդութեանն՝ չորրորդութիւն քարոզեն. յաւելուն ներմարդութեան բնութիւն և որդոց երկակաց, և այլ նոյնպիսիս բարբաջեն որ է ի սատանայի վարդապետութենէն: Նոյնպէս և ի ջնջեալ տումարէն Լեոնայ այսպէս պատմէ վասն Քրիստոսի Աստուծոյ ասէ, Ազգէ՛ կերպարան երկուցունց ընտնութեանցն ընդ ընկերին շարայարութեամբ, միովն գործել զաստուածայինսն որ ինչ Աստուծոյ վայել է, իսկ միւսովն զմարդկայինսն՝ որ ինչ մարդոյ արժան է, և այլ ինչ բացումս այսպիսիս: Նոր՝ զայս յորմէ՛ առաքելոյ լուան, և կամ ո՛ր ճշմարիտ վարդապետ պատմեաց, եւ թէ ճշմարիտ էր ասացեալ ի ժողովոյն Քաղկեդոնի և ի Լեոնի տումարէն, ապա մինչ փառս տան, զի՛ չասեն Փառք Հաւր և Որդոյ երկուց բնութեանցն, և Հոգւոյն սրբոյ. և կամ ի մկրտութեանն, եթէ՛ Մկրտի այս անուն յանուն Հաւր և Որդոյ երկուց բնութեանցն և Հոգւոյն սրբոյ. և կամ ի ժամ պատարագին. թէ՛ Հայր սուրբ Որդոյ երկու բնութիւնքն սուրբ և Հոգի սուրբ. ապա թէ չիշխեն ասել այդպէս, այլ Հաւր և Որդոյ, և Հոգւոյն սրբոյ փառս տան. ապա ուրեմն լոկ խոտորումն յԱստուծոյ ուսուցանեն ժողովն Քաղկեդոնի և տումարն Լեոնայ:

Արդ՝ եթէ չէք փոխեալ ի հայրենի հաւատոյ որպէս բացում անգամ գրեցեր առ մեզ, եկ նշովեալ և դու զանիծեալ ժողովն Քաղկեդոնի և զպիղծ տումարն Լեոնի, որպէս նախնին բո երանելին Գաբրիէլ կաթողիկոսն Վրաց նշովեաց ընդ երանելի հարսն մեր հանգերձ թժոռակցաւք իւրովք. որոց անուանքն են այսոքիկ. Որ ինքն Գաբրիէլ եպիսկոպոս Մցեիթայի անուանի և Պաղգէն եպիսկոպոս թագաւորութեան

տանն. Եղիփաս եպիսկոպոս Սամուրիադ. Սամուէլ եպիսկոպոս Տոմասուէլ. Դաւիթ եպիսկոպոս Բողնիս. Յակովբէ եպիսկոպոս Որտաւի. Ստեփանոս եպիսկոպոս Ուսթաւի, Սահակ եպիսկոպոս Տիղեաց, Եղազէս եպիսկոպոս Մանգրեաց, Ենէս եպիսկոպոս Մարուէլ, Եւզենէս եպիսկոպոս Սամթաւացի, Յովսէփ եպիսկոպոս Ադսուէլ, Յովան եպիսկոպոս Սառուսթիէլ, Յովսէփ եպիսկոպոս Վուխորդոյ, Ելրաս եպիսկոպոս Վիսդադ, Ենովբ եպիսկոպոս Ծիղկանու, Յովսէփ եպիսկոպոս Միդամիդ, Ղազար եպիսկոպոս Փողզրիդ, Թէոդորոս եպիսկոպոս Փորթայ, Զաքարիաս եպիսկոպոս Վասդրացի, Փոկաս եպիսկոպոս Տսեբմիդ, Իսահակ եպիսկոպոս Քունանակերտ, Թովմաս եպիսկոպոս Տարսի, Եստղեն եպիսկոպոս Քորչոնա: Արդ՝ այս երանելի եպիսկոպոսունքս որ յաշխարհէ ձերմէ էին, և ընդ Աղուանիւք և ընդ Միւնիւք ի Հայս դիպեցան յաւուրս Բարզենայ Հայոց կաթուղիկոսի, յայն ժողովի յորում անիծաւն ի նոցանէն միաբանութեամբ ժողովն Քաղկեդոնի և տուժարն Աւոնի: Եւ զի պայման նամակն՝ որ Հայերէն գրով էր, յապստամբութեանն կորեալ, և թարգմանեցաւ այս յՈւրջայ քաղաքի ի Հոռոմ գրոյ. քանզի և նոքա ունէին ի մէջ. և ստոյգ և սուրբ, որպէս արժան էր, չկարացին թարգմանել, զի են որ քաջ յայտնի են եպիսկոպոսացդ և եպիսկոպոսարանացն անուանք, և են որ կարի ի ծածուկ և այլաձևք: Բայց թէ կամիք անուամբք եպիսկոպոսացն և յաջորդաւք տեղեացն և այլաձև անուամբք եպիսկոպոսացդ՝ որպէս գրեալ են, կարէք զստոյգ անուանս եպիսկոպոսարանացն դտանել. և պայլոցն ևս, քանզի և մէք զմերս, այդ տարապու մարթացաք դտանել, և մանաւանդ թէ զպայման նամակն իսկ գտանիցէր գրով ձերով:

Իսկ զոր դարձեալ գրեցէքն յոլովիցս անգամ, թէ յառաջ և դուք յԵրուսաղէմի Հաւատն ունէիք, և արդ ունիմք մէք զայն որ յառաքելոցն բարոյեցաւ, որպէս և գրեալ է թէ Աւրէնք ի Սիոնէ եցեն, որ են առաքեալքն ժողովեալք ի վերնատունն, և Բան Տեառն յԵրուսաղէմէ, որ է Բանն Աստուած Քրիստոս, և զոր ի նոցանէն ուսաք պահեմք և պահեսցուք մինչև յաւիտեան, և այլոց պատուիրեմք մի՛ խոտորել և մի՛ զաւտար ուսումն ուսանել: Քանզի զայս զիտէր Պաւղոս առաքեալ, գրէր, եթէ՝ Զարմանամ զի այդպէս վաղվաղակի փոփոխիք յայլ աւետարան, որ ոչ գոյ այլ աւետարան. և ոչ միայն

Երուսաղէմացիք, այլ թէ՛ եւ մեք, ասէ, և կամ հրեշտակ յերկնից աւետարանեսցէ ձեզ՝ աւելի քան զոր առէրն, նշովնալ լիցի: Զնոյն և ես ասեմ զոր առաքեալքն ասէին:

Իսկ զոր վասն եպիսկոպոսիս Յուրտաւայ գրեալ էր, թէ յորժամ չգիտէր զմեզ ուղղափառս՝ չէր արժան աւրհնիլ ի մէնջ. երգմամբ հանդերձ հաստատեաց զայդ տեղի, թէ չգիտէաք, ըստ զի յետ ձեռնադրութեանն ծաննեաք. որ և մեզ կարի հաւատալի թուեցաւ. քանզի չգիտէր, որ յուղղափառաց ստոյգ զայդ պղպէս: Վասն զի և երանելին Մովսէս որ յառաջ քան զիս յառաքելական աթոռս յաջորդեալ էր, չգրեաց այնպէս, թէ զուր չէք ուղղափառոր, այլ թէ ընդ չուղղափառսն ընդէր հաջորդեցայք: Արդ՝ ինձ այս անգամ յաղագս անիծեալ ժողովոյ և պիղծ բռնարին՝ թէ իրպէս ընդունիր, ճշմարտութեօջ և հաւաստի պատասխանի արարէր, և ելէ Աստուած կամի, և բան միաւորութեան գրէր, ըստ ժամագրես ինձ և քեզ ի մի տեղի գալ, և Աստուծով լինի խաղաղութիւն, թէ Աստուած կամի:



## ՊԱՏԱՍԻԱՆԻ

**Ս**րբասիրի և ճշմարտի Ցեառն Արրահամու Հայոց կաթողիկոսի, ի Կիւրովնէ Արաց կաթողիկոսէ, խոնարհութեամբ և սիրով ողջոյն:

Ահաւասիկ այս և ի մէջ նրորոյ թուղթ գրեցաւ Նպիսկոպոս էր ի Հոովմ Կելիստինոս, յԱղեքսանդրիա Կիւրեղ, յԱնտիոքիա Յոհան, յԵրուսաղէմ, Յովբնաղ, ի Կոստանդինուպալիս երեւեցաւ դարձեալ այր մի՝ որ ունէր պատիւ հովութեան բայց ճշմարտութեամբ ուրացող էր, և անաւրէն որդի կորստեան և ժառանգ սատանայի, որում անուն կոչէր Նեստորիոս: Ասաց և սա հայհոյութիւն զսրբոյ կուսէն՝ թէ չէ Աստուածածին, այլ մարդ սոսկ ծնաւ, որ և Քրիստոս անուանեցաւ: Ասան որոյ հայհոյութեան և սուրբ ժողովն եղև, և բազում անգամ յանդիմանեցաւ ի նոցանէ, և ոչ կամեցաւ ընդրել զբարին, և տեսեալ զանաւրէն յամառութիւն նորա սուրբ ժողովոյն, նյովեցին և հայածեցին զգայն ապականիչ ի հատէն Քրիստոսի, և յայտնեցին մեզ հաւատոս այսպէս նոյն ինքն յԱստուծոյ Հաւրէրնութեամբ Որդի, միայն ծնեալ յԱստուծոյ Հաւրէ, Աստուած ճշմարիտ և լոյս ի լուսոյ. զոր վասն մեր ամենեցուն պատրաստեաց Հայրն. իջանել, մարմին զգենուլ, մարդանալ, չարչարել, մնանել և յերրորդ յաւուր յառնել: Զայս խոստովանիմք և մեր զհաւատոս, և զհարանցն մերոց առաջնոց, և զհիտեմք ճշմարտապէս զի մարմին զգեցաւ Բանն Աստուած և մարդացաւ: Բայց ոչ ասեմք որպէս թէ Բանն զրնութիւնն փոխեաց, այլ ի պատկեր եղև մարմնով: Ոչ իբրու թէ ոչ ամենեւիմք մարդ ըովանդակ զգեցաւ հոգևով և մարմնով՝ ոչ այսպէս. այլ վերագոյն առաւել ևս հարցն մերոց վարդապետութիւն, մարմին հոգևով հանդերձ ասացին առնուլ, հոգի խաւսուն միաւորեցոյց բանիւ զաւրութեամբ հանդերձ, և էութեամբ զանքննելին և զանհասա-

նելին: Եղև մարդ որպէս կամեցաւ, և անուանեցաւ որդի մարդոյ: Կամեցաւ յերկուց դիմաց զէութիւն բնութեանցն զերկուսեան միաւորել, ի մի միաւորութենէ Քրիստոս եկորդի \*): ոչ թէ յիւրաքանչիւր բնութենէ ան զիստանելն: այլ առաւել բովանդակեաց ի մեզ, մի Տէր, և մի Քրիստոս, և մի Որդի, աստուածութիւն և մարդկութիւն, որ զանքննելի էութիւնն մի արար որ յառաջ քան զյաւիտեանսն էր՝ և միշտ ընդ Հաւր ի գաղտնիսն ծածկեալ: այլ վասն մերոյ փրկութեան միաւորեցաւ սրբութիւն նորա զաւրութեամբ Հանդերձ և փառաւր: Եւ մարդոյ մարմնով ծնաւ ի կնոջէ մարմնաւոր, ոչ իրրու թէ յառաջագոյն սատակ \*\*) մարդ ծնաւ, և ապա եմուտ ի նա Բանն, զայս գիտասցէ ձեր սէրդ, զի անմիտն նեստորիոս այսպէս իմաստնանայր: Բայց մեր Հաւատամբ ի Տէր մեր Յիսուս Քրիստոս Որդի Աստուծոյ, միայն ծնեալ, Աստուած կտտարեալ և մարդ կտտարեալ նման Հաւր աստուածութեամբն, նման մեզ նոյն ինքն և մարդկութեամբն, զի յերկուց բնութեանց եղև միաւորեալ, վասն որոյ մի Քրիստոս, մի Որդի, մի Տէր, զայս խոստովանիմք անխառնակելի իմանալով: Խոստովանիմք և զսուրբ կոյսն Մարիամ Աստուածածին: յորմէ Աստուծոյ Բանն մարմին եղև և մարդացաւ, և ի նմանէն՝ յոր ընակեցաւն ի նմա, և միաւորեաց զիւրն ի նմա՝ զոր զգեցաւն ի նմանէն զտաճարն:

## ՉՈՐՐՈՐԴ ՔԸՂԿԵԴՈՆԻ ԺՈՂՈՎՆ:

**Չ**որրորդ ժողովն որ եղև ի Քաղկեդոն ի սուրբ Հարցն Ո. և Լ. իցն ի թագաւորութեանն Մարկիանոսի. եպիսկոպոս էր ի Հոռովմ Լեոն, յԱնտիոք Մաքսիմոս, ի Կոստանդնուպալիս Անատոլի, յԵրուսաղէմ Յուրնադ, յԱղեքսանդրիա Դիոսկորոս, վասն որոյ և ժողովն իսկ եղև, և վասն Եւտիբու խորհրդականի նորա: Այս Եւտիբի բահանայ էր և վանական ի Կոստանդնուպալսի. բայց աւտարացեալ էր յարդար և ի ճմարիտ Հաւատոց: Վարդապետութիւն իմն ի մէջ երեր յիւրոց մտացն սատանայականաց և ասաց. թէ յառաջ քան զմիաւորութիւնն երկուս

\*) Այսպէս յօր.

\*\*) Այսինքն՝ պարզ.

բնութիւնս խոստովանիմ Քրիստոսի. իսկ յետ միաւորութեանն մի, վասն զի ի սրբոյ կուսէն ի Մարիամայ մարմին ոչ զգեցաւ. եւ յաղագս այսորիկ բազում անգամ յանդիմանեալ լինէր ի սրբոյ ժողովոյն, որք խոստովանութիւն խնդրէին ի նմանէ այսպէս. Եթէ ոչ խոստովանիս յառաջ քան զմիաւորութիւնն մի՛ բնութիւն Աստուծոյ բանին, իսկ յետ միաւորութեանն երկուս անփոփոխելի և անխառնելի և անբաժանելի և եթէ ոչ խոստովանիս զԱստուածածինն նման մեր, և ի նմանէ զծնեալն նման մեր, մարդկութեամբ յամենայնի նման մեր առանց մեղաց, և ոչ նզովես զամենայն Հերձուածս միացեալս և խառնեալս, և ոչ Հեռանաս յամենայն չար վարդապետութեանց սատանայականաց, չունիս իշխանութիւն ժառանգել զեկեղեցի Քրիստոսի.

Իսկ ողորմելին Եւտիբի ասաց. զկոյսն խոստովանիմ նման մեր լինել, բայց զմարմինն Քրիստոսի նման մեր լինել չասեմ և ոչ նշովեմ: Ապա յարեաւ սուրբ ժողովն և նշովեցին զնոսա և ասացին այսպէս. նշովեալ Եւտիբի, և նշովեալ Դիոսկորոս, Երրորդութիւնն սուրբ նշովէ, և հանէ \*) առաքելական աթոռն սրբոյն Պետրոսէ: Եւ հայածեցին զնոսա ի սրբոյ կաթողիկէ առաքելական եկեղեցւոյ, և մեզ յայտնեցին հաւատս այսպէս.

Բաւական ահա էր առ ի կատարելութիւն բարեպաշտութեան գիտութիւն իսկ և հաստատութիւն. իմաստուն և փրկականս այս Աստուածային շնորհին հմայումն, բանզի յաղագս Հաւր. և Որդւոյ և Հոգւոյն սրբոյ ի բաց ուսուցանէ զկատարեալն, և զՏեառնն ներգործութիւնն՝ որք հաւատովք ընդունին յառաջակայ: Եւ ոմանք վասն մեր զՏեառն տնաւրէնութիւնն ապականել իշխեցեալք, և զԱստուածածին՝ ի վերայ կուսին զձայնն ուրանան: Իսկ ոմանք խառնել և խառնակել ասեն, և մի բնութիւն զմարմնոյ և զաստուածութեանն կարծեն տգիտութեամբ իւրեանց և զՄիածնին զաստուածութեանն զբնութիւնն խառնակելովն ծածկեն. եւ ոմանք վասն չարչարանացն ձեռն արկանել իշխեն ի գաղտնիսն, և սոսկ մարդ լինել ի սրբոյ կուսէն ծնեցելոյն անամաւթարար առասպելաբանն: Եւ որք յՈրդին ձեռն արկանեն՝ բաժանել յերկուս, ի գաղտնիսն նոցա ընդդիմանայ. եւ որք չարչարել զՄիածնին զաստուածութիւնն իշխեն ասել զայնոսիկ ի բահանայութեան ժողովարանէս հեռացուցա-

\*) Այսպէս յօր.



նէ, Եւ վասն երկուց ընութեանցն Քրիստոսի՝ որք խառնակել չամարին՝ նոցա ընդդիմանայ: Եւ որք յերկնից այլազգ ինչ յինել զէութեանն ասեն որ ի մեզէ առեալ նորա, և զծառայութեան պատկերս արտաքոյ պատմեն, զնոսա չալածէ: Եւ որք երկուս ընութիւնս յառաջ քան զմիաւորութիւնն զՏերութեանն առասպելաբանեն, և մի ընութիւն զկնի միանալոյն առասպելաբանեն. զնոսա նպովէ սուրբ և աշխարհի ժողովն: Եւ խոստովանի մի և զնոյն Քրիստոսն Որդի և Տէր և Միածին և յերկուց ընութեանցն անխառնելի: Չայս ահաւաստիկ արարեալ աշխատութեամբ և պատերազմաւ, և ամենայն ճշմարտութեամբ յայտնեաց սուրբ աշխարհաժողովն: Այլ քան զայս աւելի հաւատս ամենեին ոչ է պարտ ի մէջ բերել, և կամ գրել, և կամ խաւսել կամ բանիւք և կամ ուսմամբ: Իսկ որք յանդգնին գրել այլ հաւատս, կամ յառաջ բերել և կամ ուսուցանել, այնորիկ թէ իցեն եպիսկոպոսք կամ քահանայք, և կամ սարկաւազունք, աւտար եղիցին եպիսկոպոսքն յեպիսկոպոսութենէ, և քահանայքն ի քահանայութենէ: Եթէ մոնալն իցէ և կամ զինուոր, նպովեալ եղիցին նոքա:

Արդ զայս գրեցաք վասն սիրոյ ձերոյ, զի արդար և զճրչմարիտ հաւատն պահիցէք և կեանս ունիցիք: Գիտիցէք զի անձամբ ինչ զայս ոչ գրեցաք, այլ յիւրաբանչիւր ժողովոցն գրոց, և հաւատս ողորմութեամբն Աստուծոյ ի մեզ է: Կնքեցաւ, և զայս ամենայն վասն ձեր շինութեան գրեցաք ամենայն ճշմարտութեամբ. և ոչ եթէ սակաւ քննութեամբ, այլ մեծապէս աշխատեցաք և ծանեաք, զի այս է ճշմարիտ հաւատ: Եւ դուք ճշմարտութեամբ հաւատացէք զարդար հաւատս զայս, և մի՛ դեղեկելով ան և անդր անկանիցիք. գիտացէք զի իւրաբանչիւր որ ի մէջ չամարս տալոց եմք դատաւորին յաւուրն մեծի:



## ԹՈՒՂԹ ԶՐՋԱԿԵՆՍԿԱՆ ՏԵՆՈՒՆ ԸՐԲԵՀԱԾՈՒ ՀԱՅՈՑ ԿԵԹՈՒՂԻԿՈՍԻ

Նալելի և ի վեր քան զրանի բերման պարզև, զչնորհ  
զոր ետ Բանն Աստուած արժանեաց մարդկութեանս, աթոռ  
ունել երկնային զառաքելական ասեմ, և զնոցուն յաջորդաց,  
որ և ես Աբրահամ անարժան, կոչեցայ յաթոռ երջանիկն Գրի-  
գորի յաջորդեցելոյ մեծի առաքելոյն Քաղէոսի. Ամենեցուն կա-  
ցելոց ընդ այսմ հովուական իշխանութեամբ, առաջնորդաց ե-  
կեղեցւոյ, վանից երիցանց, և քահանայից, և սարկաւազաց, և  
բնաւ ուխտի եկեղեցւոյ, անապատականաց և մենացելոց, ա-  
պատաց և շինականաց, և համաւրէն ժողովրդականաց, արանց  
և կանանց, ողջունիւ և խաղաղութեամբն Քրիստոսի Աստուծոյ  
մերոյ, հասցի ձեզ զարգանալ, կարգ վարուց, և յաշտիճան ի-  
րական կոչումն:

Սովորութիւն կալաւ պատահել թէպէտ և մեծ անձանց  
յառաքինաւէտսն, այլ ոչ նուալ և դուզնաքեայ յառաքինու-  
թեան և ի զգաստալի խոհականութիւնս, նա և ի բաց որո-  
շեալ ի նմանութեանցն բարուք. թէպէտ և երկուքն ի վերին  
տեսչութենէն ակնարկեալք. և մինն ի թոյլ տալոյ, որոց զպատ-  
ճառսն ինքն միայն գիտէ, և է մեզ խորշելի, մի ըստ դուզնա-  
քեայցն ըմբռնեցաք և մեք ակամայ ածեալք յաշտիճանս բա-  
հանայապետական ի կամողացն զայս հրաժարեալք. գիտէ զա-  
մենեցուն սիրտս ճանաչաւոն Քրիստոս՝ զի ոչ ստեմք: Այլ զինչ  
քան զբաւականսն զիմ զհաւատացեալսն համարէի, և արհա-  
մարհելիք, ցանկացաւք տիրել վիճակաց, նա և սոսկալի՝ մի՛  
վասն գերամբարձ զահալցութեան Աստուծոյ քահանայապետե-  
լոյ. և երկրորդ յաղագս սղալայեղց և ըմպահակոտի մարդկային  
ընութեանս. գուցէ՛ ծանրաբեռնեալ ոչ ախորժակաւքն ըստ  
պատուոյ, և կամ զվարդապետութեանն ընտրութիւն առ ար-

ժանս ոչ բաւականել. և թէ այսք ինձ առ նախսն, քանի՛ք ևս առ արգեանս: Բայց յետ բռնաձգութեանս դիմադարձեալ, գուցէ ի փոխաւոյն յօիրոսս իշխանացն հաշուէ, և ի պատուէրն հնազանդ եղանին վասն Տեառն, ամենայն մարդկային ստեղծուածոյ, առաւել որք ի մահ Որդւոյն Աստուծոյ կենդանացեալք, հաղորդեցան անձառարար զչորդոյն սրոյ զորդեգրութեան շնորհն յինքեան բերեալ, հարկաւորեցաք հնազանդել ընդ լծով կոչմանս այսորիկ, և ընդ հուպ ի ձեռն անուլ զայցելութեանն բան ի պատիւ անոնանն Աստուծոյ, ի պայծառութիւն վարդապետութեան նորա:

Զի թէպէտ և ձեռաց ժամանակիս մարդկան գործք են, ամպարչտելն առ Աստուած, և անիրաւ զնացքն պտուղ սպառմունս պատրաստեաց, և զմնացեալս դարձեալ տասանորդել, սակայն հողաւոր վերատեսչութեանն զծուլական լրումնն՝ որ դասակցէ պատժապարտիցն, ի վերջ հրամայեցաք հարկանել և ի բաւական լինել անաշխատարար յառաջատիւ, զչորդոյն սրոյ զվարդապետութիւնն, որ է հաստատուն մխիթարութիւն, ամենայն ումեք բաշխեալ. մանաւանդ որք պատշաճին ժամանակին. թէ պարտ է համբերել նեղութեան և տանել առարինութեամբ կարեաց, համբառնալ զանձն առ Աստուած մարուր մտաւք և յուսալ ի նա: Քանզի խորհորդք թիւրք անջատանեն յԱստուծոյ, որպէս ուղիղքն և մաքուրքն անքակ պահեն: Ասան զի յաճախութիւն թեթեւ նեղութեան յանհաստատ և ի վաղանցուկ ի կեանսս, յաւիտենական զմեծութիւն փառաց գործէ: Միայն իբրև սպանող զնեղութիւնն մի՛ ընկալջէք, և զչարչարելն, կամ իբրև զողջ, կամ իբրև զաւտարատեսուչ, որ է հերձուածող. սպա թէ իբրև զբրիստոնեայ՝ երանելի է այնպիսին, բանզի սովոր է մարգասէրն ի բարկութեան զողորմութիւն յիշել, և կեցուցանել յորժամ դառնան առ նա և յողոց հաննն: Զի որպէս երկրագործն՝ համբերէ տապախառն ջերմութեան աշխատանաց, վաճառականն՝ զերկայնուղղեաց տուայտանս, նաւաստին՝ ընդդէմ ալեացն և մրրկին հնարել, ախտաժէտն ի բուժողական կտրումն խարմամբ, մինչև առցէ իւր. . . զազուան. Այսպէս և մեք ի նեղու. . . . թիցն փութով նահատակեալք զ. . . . ի բարձանց ընկալցուր, և զկատարել. . . . զըան յուսոյն: Վամէք մերով բարբառով ասել ի բարեպաշտացդ լսելիս: Բայց ի էպիստոլայից պիտոյից շինածոյ եկեղեցւոյս հասարա-

կացս Հայաստաննայցս որ ի Դունի՝ արգելեալ եղեաք, փու-  
թացայ զգուշացուցանել շրջաբերական թղթովս՝ ի գայթաղ-  
ղութեանցն կարթուցելոց ի մահացան թշնամոյն, զոր թանձ-  
րամիտքն և մարմնասէրք ախտացեալ ի նոյն ապերախտք եղեն,  
և զփրկութիւնն յորդոյն Աստուծոյ և վասն մարմնոյ նորա  
զՏաշտութիւնն ընդ մեզ, և զմեզ ի վեր տանուամն ի բարձրու-  
թիւն երկնից երկնի ուրանան. զի յայսպիսեացս խորշնսջիբ,  
զընտանիսն հաւատոյ ճանաչելով, ոչ աւտար ինչ ձայնիւ նորա-  
ձեւեալ յայլայլակն, որպէս զաւցտողսն լեզուաւ, մեր վարդապե-  
տութիւնս:

Այլ յառաջագոյն աւետարանեալքն յիսկզբանէ ականատե-  
սացն և սպասաւորաց բանին. և ի մարգարէիցն զուշակեալք,  
յոր մատուցին մեզ Յ և ԹԸ. հարքն ժողովեալք ի Նիկիա,  
նովիմբ քաջ նահատակքն ԸԾ.քն ի Կոստանդնուպաւլիս. կոր-  
ծանեցին զՏոգեմարտն. Եւ Մ. իւրքն յԵփեսոս՝ զամպարիշտն  
Նեստոր. և իւրեանց խոստովանութիւն առաջնորդ կալան ի  
կեանան յաւիտենից, զոր և ես կարճառաւտաղոյնս և մեկնու-  
ղաւրէն յիշատակեցից, և է այս:

Հաւատամ ի մի Աստուած՝ Հայր ամենակալ, արարիչ երկ-  
նի և երկրի, երեւելաց և աներեւելաց, Եւ ի մի Տէր Յիսուս  
Քրիստոս յՈրդի Աստուծոյ, ծնեալ յԱստուծոյ Հաւրէ, միածին՝  
այլ ոչ արարեալ կամ հաստատեալ, համագոյ Հաւր. այլ ոչ  
յոչընչէ. արարիչ ամենայնի երեւելաց և աներեւելաց, Եւ ի  
սուրբ Հոգին, արարիչ և կենդանացուցանող և նորոգիչ. ո՛չ  
ծնունդ, այլ ելումն. Աստուած ասի Հայր. Աստուած Որդի, Աս-  
տուած սուրբ Հոգի, ոչ երեք աստուածք, այլ մի Աստուածու-  
թեամբ կամաւր և զաւրութեամբ փառաբանի սուրբ Երրորդու-  
թիւնն, զոր իմանամ միաւորութեամբ բաժանեալ, և բաժան-  
մամբ միաւորեալ. ո՛չ սկիզբն և ոչ զաղարուամն, կամ երիցու-  
թիւն, քանզի որպէս փառք առանց լուսոյ ոչ իմանի, և ոչ կամ  
պատկեր առանց էութեան, և զաւրութիւն առանց զաւրու-  
թեան, կամ իմաստուն առանց իմաստութեան. սյսպէս և ոչ  
Հայր առանց Որդոյ, Եւ որպէս ի լուսոյ երեսաց. նորա միշտ  
լոյս ծագէ տեսաւղացն, և ոչ որ զատանի առանձնարար, կամ  
մինն յառաջ երեւի, սյսպէս և ոչ Հայր և Որդի առանց սրբոյ  
Հոգոյն. Իսկ ի վերջին աւուրս, Որդի ի իջեալ մարմնացաւ և  
մարդացաւ. ծնաւ անճառարար ի սուրբ կուսէն Աստուածածնէ

մարմնով, հոգով, բանականաւ, շնչովք, մտաւք, և զի՛նչ ի մարդ-  
յարունակ աստուածային ճութութեամբ: Եւ է մի Տէր Յիսուս  
Քրիստոս, անմեկնելին ի Հաւրէ, և ըովանդակ յերկրի, խա-  
չեալ, թաղեալ, և յերրորդ աւուր յարուցեալ, ելեալ յերկինս  
նստու ընդ աջմէ Հաւր, զայ նովիմբ մարմնով զատել զկենդա-  
նիս և զմեռեալս, որոյ թագաւորութեանն ո՛չ զոյ վախճան:  
Իսկ որք ասենն, եթէ էր՝ յորժամ ոչ էր, և նախ քան զլինելն  
չէր, և կամ զայս զսրբոյ Հոգւոյն, կամ փոփոխելի, և կամ պը-  
լայլելի, և կամ յայլմէ էութենէ և կամ ի գոյութենէ. զայն-  
պիսիսն նշովէ կաթուղիկէ և առաքելական եկեղեցի:

Այս է խոստումն նախառեցեալ ցուցակաւրէն երանու-  
թեանցն պայծառութիւն, որ առ Թովմաս ձայնն, և սովիմբ  
մկրտեալք պահեցաք ի մեզ, և աւելի հաստատեալք պահեսցուք-  
յորս գտեալ Տեառն մերոյ և Աստուծոյ, պատուականս համարի  
յաջակողման դասուն: Եւ մի երբէք ըստ հաւատոյն մասին մե-  
ղիցուք, այլ և ընդ ըստդտեալսն ամենեմբ ոչ հաղորդել, որ  
կամակարն զյաւիտենական կորուստն: Հասարակ ժառանգեցու-  
ցանէ: Բոյց եղիցին կամք ձեր ըստ մարգարէին բանից, ատել  
ձեզ զժողովս չարեաց և ընդ ամպարչտեալսն մի՛ նստել, և  
զՏեառն, ատելիսն ձեզ կատարեալ թշնամիս դնել, որք են յաշ-  
խարհիս մերում բազում չարք, բայց առաւել երկաքնակըզ-  
Քանզի յաւուրս Մարկիանոսի Հոռոմոց թագաւորի, որ զրեթէ  
ի ժամանակս Կաւատայ Պարսից արքայի, և կամ թէ փոքր ինչ  
յառաջ, ժողովեալք ի Քաղկեդոնի, ի ճշմարտութենէն վրիպե-  
ցին. զի և զնոյն ինքն զթագաւորն ամենաչար կամացն նեստո-  
րի միարանեալ, և ժողովեալքն գլխաւորք համախոհակք նմին,  
արձան կացուցեալ իւրեանց չարափառութեան զթուղթն Աե-  
նի. հաստատեաց զյառաջ եղեալ աղանդն նեստորի, և կամ զևս  
վերնադուներն զՍամուստացւոյն, զի թէպէտ և ձայնքն որոշին,  
միտքն զմիոյ բերին: Քանզի չյիշատակելին նեստոր անդուռն  
բերանով, յանդգնի ասել երկուս օրդիս, մի զՍրդին Աստուծոյ,  
և միւս, զ'ի Մարիամայ ծնեալն, մարդ սոսկ, և տաճար բանին,  
և զաւրանալ զնա ի Հոգւոյն սրբոյ ուսուցանէ: Քանզի մար-  
դածին, և ոչ Աստուածածին ասէ զսուրբ կոյսն, և մարդ մե-  
ռեալ ասէ, և ոչ խոստովանի զԱստուածն Քան՝ իւրով մարմ-  
նովն կրեալ զամենայն, վասն որոյ նշովեցաւ Իսկ ի Քաղկե-  
դոնի ժողովեալքն ոչ իշխեցեալք զնոյն ասել, երկուս բնու-

Թիւնս արինադրեցին, որք ի սուրբ վարդապետացն՝ Երկա-  
 բնակք անուանեցան և Հայհոյոզք: Քանչի և որոշեն իսկ զկիրսն,  
 Միում բնութեան զքաղցենայն, զծարաւելն, զվաստակելն յու-  
 դեգնացութենէն, զլալն ի զթոյն, յանդգնին և անգիտութիւն  
 ասել զխաչն և զամենայն տկարականսն: Իսկ զնշանադործու-  
 թիւնսն, և զաստուածային և զհրաշափառսն ի բժշկութիւն և  
 յայլսն, միւսում բնութեանն՝ իրրև թէ պարզագունի և քաջ  
 մեկուսացելոյ ի մարմնականացն: Եւ այսպէս երկուս ուսուցա-  
 նեն, զմինն մարդ և ընդ կարեաւք անկեալ, և զմիւսն ի վեր  
 բան զկարիս, զմինն բնակութիւն, իսկ զմիւսն ընակիչ, զմինն՝  
 չարչարելի, և զմիւսն անչար արելի: Թէպէտ և դէմ մի համ-  
 բաւեն: Ապա յիրաւի նդովեցան յուղղահաւատից և ի վարդա-  
 պետաց աշխարհիս:

Քանչի առաքեալրն Փրկչին մերոյ, մի՛ Տէր բարոյեցին  
 զՅիսուս Քրիստոս, և զնոյն ի խաչ ելեալ: Պաւղոս յայտնագոյն  
 աղաղակէ, թէ՛ զՏէրն փառաց ի խաչ հանին, և Որդին Աստու-  
 ծոյ զմահ ճաշակեաց. ասէ. Մինչ թշնամիքն էաք, հաշտեցար  
 ընդ Աստուծոյ մահուամբ Որդւոյ Նորա. և թէ՛ Քրիստոս վասն  
 մեր մեռաւ. և զնոյն ասէ՝ Ի վերայ ամենեցուն Աստուած արհ-  
 նեալ յաւիտեանս: Եւ այսպէս զԱստուածն Բան իւր մարմնով  
 և անձամբ զամենայն մարդկայիսն կրեալ առանց մեղաց ու-  
 սուցին մեզ, և հրաման ետուն՝ որք այսու վարդապետութեամբ  
 ոչ դան՝ զնոսա մի՛ ընդունել ի տունս և մի ողջոյն ասել, զի  
 մի՛ նոցա մեղացն կցորդիցիր: Արդ ըստ առաքելոցն և երանելի  
 մեր վարդապետացն հրամանի՝ փախիցուք ի նդովեցելոցն, և ի  
 նոցունց զժոխաժառանգեցուցանող փսիմանց, զամրիժ հաւատսն  
 զառեալ ի մեզ պահելով: Քանչի և զեռ որպէս զքաղցկեղ ճա-  
 րակի իմոր հերձուածոյն, մինչ զի և զրէթէ ի սահմանակիցա  
 և միով վարդապետութեամբ լուսաւորեալս ժամանեաց. զԱրաց  
 ասեմ և զԱղուանից, որք զժահահոտ սերման նախասացելոցն  
 մեծարանաւք ընկալեալ յինքեանս հաստատեցին, զԱստուած-  
 պաշտութեան յոկ զկերպարանս ցուգանելով պարզամտաց, և  
 որք սովորութիւն ունին զմիարանելն ընդ նոսա. և ի վաւրու-  
 թենէն ինքեանց նման՝ և զնոսա հեռացուցանեն. վասն այսր  
 հարկաւոր համարեցայ զրել: Յառաջագոյն բան զմեզ կացեալքն  
 յաստիճանի կաթուղիկոսութեան՝ յԱղուանս. իսկ մեր ի Պէրս

առ Կիւրոսին՝ որ կաթողիկոսն անուանի, և նորին աթոռակիցս:

Քանզի զԵպիսկոպոսն եկեղեցւոյն Յուրտաւայ, որ զՔիչնորդութիւն ունէր երկուց աշխարհացս, յաղագս ուղղափառ հաւատոյ հայածական արար, և զպաշտանն հայերէն զոր սրբոյն Հուշանկան էր կարգաւորեալ, հակառակ մեզ խորխտացեալ ի բաց փոխեաց: Յաղագս որոյ գրեցաք դառնալ ի ճշմարիտ հաւատն, և կալ հաստատուն յաւանդութեան առաքելոցն, որ տուաւ ի ձեռն մեր վարդապետացն և նոցա ընդդիմացեալ երկիցս անգամ զհակառակն գրեցին առ մեզ: Քանզի նոյնգ իսկ սուտանուն՝ կացեալ զլուսն եկեղեցւոյն Վրաց, ի նմին ժամանակս Խոսրովու արքայի որդւոյ Որհմազլի, ընկալեալ ի նեստորի ուսմանէն \*) Եպիսկոպոս զոմն, և ի նոյն հայհոյոզ վարդապետութիւն զինքն տուեալ: յառաջ ունելով զՔաղկեդոնի ախտն. ապա թէպէտ և զայրն մերժեալ զի մրուր մեղացն պահեցին, և ուժգնագոյն ևս զամպարչտութիւնս իւրեանց, յերրորդ գրին ընկալաք, և պարծանաւք խորխտեալ, ոչ թողուլ զաղանդն, այլ և զմեզ զկնի իւրեանց թիւրեալ խորխորատն ուսուցանել \*\*) համարձակեցաւ: Վասն որոյ և զյառաջագոյն սահմանն վարդապետացն մերոց, զոր ի վերայ Հոռոմին հատին, և կացցէ մինչև ցբուն՝ թէ ոչ դարձցին ի ճշմարիտն, մեք զնոյն ի վերայ Վրաց հրամայեցար, ամենեւոր մի՛ հաղորդել ընդ նոսա, մի՛ յաղաւթս. և մի՛ ի կերակուրս, և մի՛ յըմպելիս, մի՛ ի բարեկամութիւն, մի՛ ի դանկութիւն, մի՛ աղաւթիւք երթալով ի Խաչն որ ի Մցխիթայի տեղաւքն համբաւի. մի՛ ի Մանգղեաց խաչն և մի՛ ի մեր եկեղեցիս զնոսա ընդունել: այլ և ամուսնութեամբ ամենեւոր հեռանալ: Բայց միայն գնել ինչ և կամ զնոյ տալ որպէս Հրէից: Նոյն հրաման և վասն Աղուանին անշարժ կացցէ, զի պատկառեալ դարձցին ի թիւր ճանապարհէն:

Իսկ մեք ոչ լռեմք ի խրատելոյ որչափ և եմք ի կենցաղիս, և որք զկնիսն, աղաչեմք նախանձաւորս մեզ լինել, ածել զնոսա յուղղութիւն: Իսկ յարդեան ժամանակիս որք հաղորդեցան ընդ յառաջ որոշեալսն, և կամ ընդ որս ի մէնջ, կամաւ

\*) Յօր. սխմանն.

\*\*) Յօր. սխուցանն.

Թէ ակամայ, և կամ տգիտութեամբ, մարգարէին ձայնակից լիցի այնպիսին աղաւթիւք. Թէ Զմեղս մանկութեան իմոյ և պանդխտութեան մի յիշեր. և այլ զգուշացի ըստ կանոնաւոր հրամանիդ մերոյ. Ապա Թէ անխրատաբար վարեսցի ոք հաղորդելով ընդ նոսա և կամակից լիցին պղծութեան հաւատոց նոցա, այնպիսիքն նշովեսցի՞ն հոգւով, նշովեսցի՞ն մարմնով և ամենայն կենցաղով իւրեանց, և որոշեսցին ի սրբոյ եկեղեցւոյ Աստուծոյ. և եղիցին խաւարաբնակք և յաւիտենից հրոյն կերակուր: Իսկ եթէ ոք ամբարտաւանեսցէ արհամարհելով զնշովիւքս, գիտասցէ այնպիսին զի յետ հոգևոր պատուհասի, և զմարմնաւորս պատրաստեմք ի վերայ ածել:





## ՊԱՏԱՍԻՍՆԻ Ի ՀԱՅՈՑ ԹՂԹՈՅՆ ԱՂՈՒՆԵՒՑ, ՎԲԹԱՆԵՍԻ ՔԵՐԴՈՂԻ

Պատուական զտեյոցդ և վեճ հռչակելոցդ, որք զկարու-  
թիւն ընրել յաւժարութեամբ յառարկութիւնս և զանտեղիս  
բացասողք, նաև նմանք թուեցեալ ի դէպ է ինձ իմանալ կա-  
մաւը հաւասար հաշի ջանի անկանխիցն նորագունից լսազս  
և պատմիչս յարդեան ժամանակիս ի մէջ հիւսիսոյ կողմանք  
տաղաւարողք զրոյր լսազս տարաբերմամբ, մանաւանդ սակս  
ջարոցել<sup>\*)</sup>։ Կ'ի խորհրդոյդ սեւոունս, Տէր Մխիթար Ամարա-  
սոյ եպիսկոպոս, և Սիմոն Մեծ կողմանց, և թէ այլ եպիսկոպո-  
սունք նմին համախոհակիր, և ուխտ սրբոյ եկեղեցւոյ, և ազատ  
մարդիկ կամ այլ ի ժողովրդեան միարանակը, յԱրրահամայ  
Հայոց կաթուղիկոսէ, և ի Թէոդորոսէ Մարզպետական եպիս-  
կոպոսէ, ի Գաւթէ Սիւնեաց եպիսկոպոսէ, ի Ստեփանոսէ Բագ-  
րաւանդայ եպիսկոպոսէ, ի Մովսէսէ Խոռխոռունեաց եպիսկո-  
պոսէ, ի Քրիստոսփորէ Ապահունեաց եպիսկոպոսէ, ի Մատթէո-  
սէ Ամատունեաց եպիսկոպոսէ, և յայլ եպիսկոպոսաց. և յուե-  
տէ սրբոյ եկեղեցւոյ, և յազատ մարդկանէ և ի ժողովրդակա-  
նաց, ըզմամբ ազաւթալիբ և ուժգն խնդրուածովք սրտի պտե-  
րունեան հոգեխառն ողջոյնն՝ համարձակապէս մեզ առ ձեզ ա-  
սել։

Քանզի գրով ի ձէնչ պատմեցէր մեզ, զձեր զորպէս պաշ-  
տութիւն և զկամս. թէ անհակառակ արդեւը զքործեալ հակա-  
ռակութիւն զոր ընկալար ի նորարարէ միոյ Սիւնեոյ Գրիգոր  
անուն։ Քանզի և զարրանեկէն ձերոյ ասաց. ի կէր<sup>\*\*)</sup> ուղւոյ  
հրաժարի, բայց մեզ բարեպաշտութիւն խնդրել զուշակեցաւ և

\*) Այսպէս յօր.

\*\*) Այսպէս յօր.

կամաց շարժութիւն ի հաստան և ի կատարեալ խոստովանութիւն երանելի նախահարցն հասարակաց ի Քրիստոս, թէպէտ և զլուրս ի նմա զանազանեալ տեղեկացար, և թէ ըստ կարծեացս զորաբեցէ \*), աստուածվայելուչ խոստովանութիւնք. թո՛ղ յաշակերտելոց բանին, ըստ յաւտարոտաց եղեալք. յա՛մ ոչ սրտալիւր ուրախութիւն թուիցի՝ Քանզի նա աւելագոյն անդր և անկունն խաւարային իշխանին է, և աշխարհի յայլութութեանն զբաջալերութիւնս ի փրկազէն ամենեցուն առաւելագոյնս հնչեցուցանէ, թէպէտ և ինքն անպարտելի է միշտ Քանզի նա զայն ձայն յսել տայ թէ անդաստիարակ ամենեքեան դուք որդիք Աստուծոյ էք հաւատովն ի Քրիստոս: Զի որք ի մի հաւատ միով հոգևով նահատակեալք, թէ երկու կամ երեք խմբեալք, զամենայն զինչ է խնդիր յանուն Արդւոյ ի Հաւրէ շնորհի. քանի՛ ևս եկեղեցւոյ որ մի մարմին են բազումքս:

Արդ՝ և բարին և ուղիղ խոստովանութիւն հաւատոյ է հիմն, ի վերայ հաստատուն վիճի եղեալ, առեալ ընդամաստութիւն յԱստուծոյ իմաստութենէն, կատարեալ պարական հասակաւ, զչափ խոստովանութեան որ ի Քրիստոս, լիագոյն ընդգրկել, որքան թողանի մարդոյ ի շնորհէն որ յուղիէ վատ ամպարշտութեանն և հոգմոյ աւտարածայն վարդապետութեանն անդրդուելի մնայ: Զայս գոյ իմանալ միտանեալս ցնծութեամբ և երգով հրեշտակաց, թէ և յերկրի են նոցուն դասակից, զի զսրբոյ Երրորդութեանն խորհուրդ անյաւելուած և առանց թերանալոյ երգեն խաղաղութեան ծնիցելոյ յերկրի ի բարձունս Աստուծոյ, և հաշտարարին մարդկան փառք ասիցեալ: Քանզի ի Պաւղոսէ ուսայ պայպէս փոխադասել, նոյնպէս անհարկելիք յերկինս պարակից, զնոյն փառարանելով ի միութիւն, և են կամահաճոյ ամենեցուն արարչին, և եթէ նորա որպէս ցուցաբ սիրելիք խնդութիւն և պսակ առաքելոցն: Անպիտանքն ի հաւատս տարագիրք են ի յաւիտեանցն ուխտէ և խոտորեալք զկնի սատանայի, քանզի զհետ երթեալք են այնր՝ որ միշտն ասեայ զճշմարտութիւն. և էութիւն իւր ի ստութեան է, ուրախութիւն այնց որ խնդացուցանեն ի տարտարոսն ըստ չորրորտանեացն բնութեան. քանզի թողին զարդարութեան ճանապարհն, դար-

\*) Այսպէս յօր.

ձեռք հաւասարեցին անասնոց անմտից: Դարձեալ սովեալք իրրև շունք յերկնից իջեալ հացէն, յածին յայրատաբարս զբաղաբաւ՝ զեկեղեցեաւն Աստուծոյ. զաւղանջն բերանով իւրեանց զորս ոչ ունէր եկեղեցի. քանզի սուր է ի շրթունս իւրեանց յաւտարացուցանել ի մաւրէն ըստ ինքեանց և զայլս և առնել բաժինս աղուեսուց դիւաց որոց նմանն, և ան՛նարին կործանումն իննի այնմ տան, զի ի վերայ աւազոյ հիմնեցաւ:

Բայց մեք եղբարք, թէ ոչ տեսանէաք պառակտեալ զգեղեցիկ հաւտ քաջ հովուապետի, և դողն խարդախութեամբ ի գողաւնս, և միշտ ի մէջ հեթանոսաց վասն անմիաբանութեան անուանն Աստուծոյ հայհոյումն, թերևս զանգիտութիւն և խորհրդոյ զոչ բաշարերութիւն փառարանէաք, ի պարսաւասիրացն բարս հայեցեալ զմեզ հրաժարեցուցանէաք, ասելով թէ ով ելանիցէ ի բարձրութիւն հաւատոյն բանի, գուցէ զՔրիստոս ըստ մեզ վայրարեցիցս հաւասարել, կամ իջանել յանդունդս իմաստից զորոց ըստ մերում մեռելութեան զանծախապէս աղբատացեալն, որ ըստ մեր . . . փոյւթեան վերագոյն գոլ ասել այսմ՝ մտազ: Իսկ զի ոտոգումն կաթուղիկէ առաբելական եկեղեցւոյ՝ հանապազարուի՝ որ է բան հաւատոյ, աստուածաշունչ գրովք ի ընի սրտի զրեալ ի նմա և արձանագրեալ անջինջ, ոչ տայ տարակուսել ողջամտիցս զհայհոյողս Բանին Մարմնացելոյ, արտաքս քեցել հանել յեկեղեցւոյ Աստուծոյ, և զթիւր միտսն խորամանգեալս զպէսպէս ուսուցանողս և զաւտարաձայնութիւնս՝ յառաբելոցն և կամ զխաւսս սպասաւորաց Բանին ի թիւր իմացումն զջանալն բազմաց ցուցանել, և զգուշացուցանել զանձինս բարեմտացն, այլ և ձեր ըստ նախնեացն հարապատ եղբայրութեանն գութ ըննի ձգեալ էած զմեզ յայս:

Արդ՝ գրով ձեր առ մեզ զիոստովանութիւն հաւատոց կամեցաք համառաւտագոյնս յիշատակել և առ նմին զճողոցն սրբոյ վարդապետութիւնն դնել ըստ մասին, ի ճշմարտութեանն հեռանալ, և կամ միաբանել յետ ծանաւթանալն բազմաց, սուր և ինձ զքո միտադ, ոչ զլանալ զուզիզս, և մի՛ դասիլ ի հակառակող կաման. զի եկեղեցւոյ Աստուծոյ այս չէ սովորութիւն: Քանզի ի ձէնջ զիրն՝ ծանոց մեզ այսպէս, յետ զուզեալեաց զմէնջ գոհութիւն իմն ասելոյ, ամբաստանութեան ճառ զմարդոց զոտի կարագունի \*) էր նշանակեալ, և զմեր նմա հա-

\*) Թերևս՝ զտկարագունի.

ւատալն իրր անիմաստ անմեղի զիրն համբաւեալ, և թէ ոչ թե-  
րի՝ այլ լի, նման ձեզ եմք ի հաւատոս, զի առաքեալքն և վար-  
դապետքն հասարակ և միապէս աւետարանեցին:

Եւ ապա յետ սակաւ ինչ բանից զսրբոյ Երրորդութեանն  
զյառաջ քան զյաւիտեանս զէութիւնն էր աստուածարանեալ  
տարաբերմամբ, և յետ յոլովից զմարմնաւորութիւն բանին մեզ  
պատմեցէք զանազանեալ մտաւր, զոր վարդապետութեան միտս  
եկեղեցի Քրիստոսի յառաքելոցն չէառ, և ոչ զբանս զրոց ի նոյնս  
բռնաձգել: այլ գայոյն յափշտակեալ ի նմանէ արս որ խաւսին  
թիւրս ձգել զկնի իւրեանց զաշակերտեալսն: Իսկ զայլ խաւսն  
որք ոչ ընդ սոսայն միաբանին, իրր զպարզամիտսն խաբելոյ  
կեղծաւորութեան դուռն առ մեզ հաւատացեալ՝ փակի, և զի  
այսպէս է՝ յէ պատուականք, միտ զիք խոստովանութեանդ ձե-  
րոյ, ուր ձգէ, և որպէս մեկուսացուցանէ ի Հոգւոյն սրբոյ  
վարդապետութենէ: Անդ զՀաւրէ ասել ամենակալ կատարեալ  
Աստուած, արարաւղ ամենայնի, և այլքն, ձայնակից մեր են: Իսկ  
յառաջագէտ և նախակարծ զնա ցուցանել աւտարին սերմն, զի  
եթէ յառաջգիտակ կարծող չէ, և թէ երկոքեան յանհաս էու-  
թեան ըստ բեզ մուտ և շարժումն, ուրեմն հակառակութիւն է.  
բանիչ նախ զիտութիւն, և յառաջ կարծել: . . . հմեանց հակա-  
ռակք, և ի ներքս անկանի եր . . . . և ստութիւն յընդունայ-  
նանալ կարծեաց . . . . վրիպումն, և իրն վասն որոյ յառաջ  
իսկ . . . . վաղ և սկզբնագոյն քան զ . . . . . ի բանին  
վասն զի ըստ կարծեաց . . . . . բանն շարժի, և նո-  
րին զՏ . . . . . և մն ասէ կարծիքն իմ ըն . . . . .  
բարութեանց միանգամայն վրիպել և . . . . . զիստունումն,  
ուրեմն սուրբ Հոգին մարմնացաւ, զի որ խառնեցաւն, նոյն և  
մարմնացեալ ասի, ապա թէ զԲանն խառնեալ յառաջ ասես, ով  
առ զնա ի վերջնոյն: Եւ կամ դարձեալ փոքր մի յառաջ յաջորդն  
որ ասէ թէ՝ Բանն Աստուած՝ և Աստուծոյ Բանն և Եմմանուիէ-  
լըն, և զայլն խաւսս մինչև ցայն վայր, թէ աստուածախառն և  
Աստուծոյ մարմնոջն ի Մարեմայ է. զԵմմանուիէլդ անուն բա-  
նին առանց մարմնոյն իւրոյ ով ուսուցանէ կոչել: Եւ դարձեալ  
որպէս ասեսդ, թէ զառեալն ընդ եին է արար. ըստ այնմ թէ՝  
Իմաստութիւն շինեաց իւր տուն, զի թէ ըստ Պաւլոսի ասե-  
լոյն Քրիստոսդ անուն մարմնացեալ բանին առասացաւ, զով  
շինեաց իւր տուն ի միաւորութիւն: Արդ՝ զանց առնելով զնո-

րաչարչար միտս րազայայտելոյ, զի իմաստնոցն յայտնի է, ի գրոց սրբոց վարդապետութիւնն փութասցուր:

Քանզի իբրև եկն լրումն ժամանակին ասէ, առաքեաց Աստուած զՈրդին իւր ի կնոջէ եղանիլ ՚Նրդ՝ աւետաւորեցաւ կոյսն ի ձեռն Տրեշտակապետին Հոգւոյն սրբոյն զալ ի նա. և ուժգնութեան բարձրելոյն հովանանալ ի վերայ նորա: Քանզի զձեռնոն զեկուցանէ և բարձրելոյն որդի. և ասի Բանն մարմին եղեալ և զի մարմինդ անուն զմարդ ասեն, Յովել պատմէ, Հեղից ի վերայ ամենայն մարմնոյ: Եւ Բանին ի կուսէն մարմին եղեալ և զի Բանն Աստուած հոգի է՝ ձեր իսկ խոստովանեալ և զի մարմին ի սրբոյ կուսէն, Տրեշտակապետն գեկուցանէ: Մարմին մինչ ասեմ, ընդ նմին իմա հոգի բանական, և միտս, և զի՛նչ ի մարդ է: Եւ այսպէս իբր հոգի և մարմին միացեալ Բանն մարմին եղև, սաղմնացաւ որ իսկզբանէ Որդին Աստուծոյ, ո՛չ ի կամաց անն և ոչ մարմնոյ: Ծնաւ կատարելապէս ի սլբոյ Կուսէն, կոյս պահելով զըստ մարմնոյ զիւր մայրն վասն որոյ և Աստուածածին ասի, և կուսածին ծնունդն է: Որ ի կերպարանս Աստուծոյ էր, զծառային կերպ առեալ, ի նմանութիւն մարդկան եղեալ, և ձեռով իբր զմարդ գտաւ առանց մեղաց. և Որդին Աստուծոյ եղև ի զլաւակէ Բաւթի, վասն ըստ մարմնոյ սահմանելոյ Որդւոյն Աստուծոյ, զաւրութեամբ ըստ Հոգւոյն սլբութեան: Աստ իմա ինձ և ոչ փոփոխեալ յեութենէ զՈրդի, և զՀոգին սուրբ որպէս առ Հաւր՝ Հոգի Աստուծոյ, այսպէս և Հոգի Որդւոյ, և ի մարմնանալն Որդւոյ, սոյնպէս և զՈրդի ի Հաւր, և զՀայր յՈրդւոջ, բայց ոչ զՀայր մարմնացեալ ասեմք, և ոչ զՀոգին սուրբ, այլ զԲանն Աստուած:

Քանզի համրակ դեռաճիղմն որպէս ասացի յառաջ բան զարուսեակն՝ մարմնով՝ հոգւով՝ մտաւր՝ զգայնութեամբ ծնաւ, որոյ անուն կոչի Ընդ մեզ Աստուած: Ո՛վ նոր խառնմանն . . . յեղ, որ յերրորդութեանն ոչ այլ տեսանի . . . . . ըստ մեզ, տայ աւետիս Տրեշտակն Տեառն . . . . . այսաւր ծնաւ Տէր է Յիսուս որ է Քրիստոս և ըստ . . . . . Փրկիչ՝ որ է Աւծեալ: Արդ՝ ո՛վ է որ . . . . . ձեր յառաջ ասելոյդ, կամ զԱստուածախառն մարմինն անուր, կամ Եմմանուիէն առանց մարմնոյն Աստուածն Բանի, և կամ զմիաւորութիւն ասել, որպէս իմաստութիւն շինել տուն . . . . . Կաթնասուն, որ յառաջ բան զյաւիտեանս որովայնի բարձրեալն երգեալն ի Զա-

քարիա, այսպէս զմերն ի մարմնանալն յանձն առ կրել: Աճէ լի իմաստութեամբ, բանղի իմաստութիւն Հաւր ինքն, և շնորհք Աստուծոյ Հաւր ի վերայ նորա, զի նա իսկ է շնորհն երեւեալ և այսպէս ընդ ամենայն տիս հասակի աճմամբ անցեալ. զի առ մեզ պարտաւորութեանն տեղի ոչ լիցի: Մի՛ բեց առանց վկայութեան թուեսցին ասացեալքս զի ի գրոց է և ձեզ չէ ի ծածուկ:

Գարձեալ յիշատակեալ ձեր յայսմ վայրի թէ լինի հպատակ հաւր և մաւր իւրոյ հնազանդական աստուածաթառն մարմնովն՝ թուիք մեզ երկուս ցուցանել, մի զայն՝ որ հպատակն լինի և միւս զհնազանդական աստուածաթառն մարմինն իբր աւգնականաւ վարեցեալ, և զի վերագոյնն արարեալ է զսորա հարցումն արդ զայս խնդրեմք: Ո՞վ ուսուցանէ զայդպէս նոր վարդապետութիւն՝ զոր առաքելոցն չէ թաւսեցեալ, արդեւք զառմանդ կարծիս այնու նմանութեամբ իմացայք, առանց աճման զհրամանն ընկալեալ նախնոյն, և թէ առ յինքն զկին իւր, և կամ թէ առ իւր կին, և են երկուքեան մի մարմին և . . . . ըստ Մաղաքիայ, և որպէս Յակոբ յեր . . . . տութեանն Յովսեփայ Հուրեղիւ կատարեաց զերազոյն մեկնութիւն: Այսպիսի միտք համարձակութիւն բերեն ասել, ոչ իջեալ յերկնից, ոչ մարդացեալ, և ոչ ծնեալ, այլ այնպէս իմանալ իբր զմարդ որ, որպէս ի հնումն զԻսրայէլ անդրանիկ որդի իւր կուէր, այլ բաւ մի՛ լիցի, անաստուածութիւն է այսպէս իմանալ: Իսկ աւանդողքն մեզ զիւրեանցն առեալ ի կերպին Աստուծոյ եղեալն կերպ . . . . ային առ և նա եղև ի նմանութիւն մարդկան և կերպարանան իբրև զմարդ զտաւ. և զնա ասացին լոյս փառաց և կերպարանք էութեան Հաւր, և թէ որով ամենայնն եղև, և զնա մի Տէր Յիսուս Քրիստոս, որով ամենայն և մեր նովաւ ուսուցին մեզ, և ոչ այդպիսի կարծիս:

Գրեալ է ձեր վասն մկրտութեանն, թէ իբրև երեսնամեան լինի մկրտի. ձայն Հաւր յերկնից վկայէ. Հոգին աղանակերպ իշանէ: Այ՛ո՛ ի՛նչ զուսուցեալս աւետարանացն ասես. Իսկ զհոգւոյն սրբոյ պսակ բերել՝ զայդ ոչ ուստեք լուայ յաստուածաշունչ գրոց յեկեղեցւոյ: Քանզի որ բնութեամբ Որդի Աստուծոյ է, և ի վերջոյ ժամանակիս ի կնոջէ ծնաւ ըստ մարմնոյ, և Հոգին նորին հոգի որպէս Հաւր. թէպէտ և զիմաւք ի բարձունս ընդհանուր. յամ բերէ պսակ. բանզի պսակ յանարգութենէ ճոթացելոյ բերի, և զոչ պատուեալն ի պատիւ հա-

սուցանելոյ, այլ ոչ այսպէս. քանզի Յիսուս Քրիստոս երէկ և այսաւր՝ նոյն և յաւիտեանս: Բայց որպէս եղև մեզ ճանապարհ նորոգ, ուսուցանէ մեզ զվերստին ծնունդն յաւապանէ: Արդ՝ Որդի մկրտի, ո՛չ ի մաքրութիւն, այլ յաւրինագրութիւն զնոյն մեզ, Հաւր ձայն յերկնից, Ոգին աղանակերպ իջմամբ, թէպէտ Մկրտիչն ուսուցանէ. Հայր և Հոգին, թէ որ ի բարձունս Որդին է մարմնացեալդ, այլ զմեր որդեգրութեան մեծութիւն յայտնեաց աւազանաւն: Արդ՝ զոչ գրեալսն ընդէ՛ր հարկիբ ասել, և ջանայբ զտնաւրէնութիւն Փրկչին այլոյ լինել, և ապա յետ այսց բանից ի վերայ բերէք թէ Հայր իմ մինչև ցայժմ գործէ, և ես գործեմ այդ Աստուծոյ գործ: Իսկ բաղցնուլն, և վաստակելն Աստուածընկալ մարմնոյն զմարմին Փրկչին մերոյ աստուածընկալ՝ չէ ուրուք աւետարանեալ. այլ կենդանացուցիչ, և կամ զնոյն իսկ զԱստուած մարդ: Բայց թէ զամենայն լրումն աստուածութեանն ի նմա ընակել, զայդ ասել կարծիցես՝ ուրեմն ո՛չ իմանայցես թէ զմի աստուածութիւնն մարմնապէս ի նմա լինել ասէ, քանզի ընդունաւդ յընդունաւղի անհնար է լինել, որպէս ասէն թէ էք դուք նովաւ լցեալ: Իսկ որ զԱստուածվայելուան զատուցանեն իրր բարի և զտնտեսութեան տնաւրէնութիւն մարմնոյն. մարդոյն արժան էր ասել ըստ բեզ, զի անձն և միտս ունէր. և համարձակեցուցանել, թէ Աստուած որ հաստեաց զծագս երկրի, ոչ բաղցիցէ և ոչ վաստակիցէ, և ոչ բուն՝ պահապանն իսրայէլի. և փոխանակ բրիստոնէի՝ լինել Հրեայ ըստ թրփատութեան, և թէ, ոչ որ կարէ տեսանել զԱստուած. և ուրանալ զգիրն որ ասէ՝ Տեսար մեր զնա, և ոչ զոյր նորա տեսիլ և ոչ փառք՝ և տեսակ նորա նուազ քան զորդոյ մարդոյ, որոյ զպզատոհմն չկարէ որ պատմել, և զաղբատութիւն մեծատանն, և զթափումն անձինն, որ . . . ութեան Աստուածութեանն էր:

Ապա թէ զԲանն Աստուած մարմնացեալ ասեն յորում էր հոգի բանական, միտք ըստ մարդկութեանս, նոյն ոտիւք որով վաստակեցաւն և ի վերայ ծովուն գնաց, և ձեռաբն աշխատողաւք, կաւ արար և եդ ի վերայ երեսաց կուրին, և զնոյն կաւ՝ ակն ստեղծագործեաց. զի ծանիցես զու թէ որ զառաջին մարդն ստեղծ՝ նոյն է և երեւեալ ըստ մարմնոյ: Ապա թէ երբեմն Աստուած, և երբեմն մարդ կարծիցես, ոչ կարես զնա անմեղ ցուցանել, զի մարդոյ միտք, ի վայրկեանի յեղումն ընդու-

նին ի չար և ի բարի: Այլ մի լիցի աւտարաձայնս իմանալ արտաբոյ այնց՝ քան զոր ուսարն, զի միում դիմի մարդկացելոյ զԱստուածվայելուչս և զըստ տնտեսութեանս բարոյեցաւ:

Բայց հարկաւոր է մեզ և զհաւատալն ձեր փրկաւէտ չարաւնաց փրկչին որպէս ծանուցէքն առ ձեզ երկրորդել: Բայց զի կրկնաբանեալ զնոյն միտս յոլովէ ի մի տեղուոյ ցուցցուք: Արդ՝ ասացեալն այս է: Թէ մինն կամաւք Հաւր և սուրբ Հոգւովն եկն ի խաչն. և մեր այսպէս ասեմք: Թէ Սուրբ Քրիստոս Աստուած՝ որ խաչեցար մարմնով և զնայր անմահ և առանց չարչարանաց և որդւոյ խաչակից անարգութեամբ համարել և ոչ ցաւեցուցեալ զի գէուծիւն զաստուածութիւն Որդւոյ, անմահ և առանց չարչարանաց ասեմք: Բայց զՈրդւոյ զԱստուածութիւնն՝ զգէուծիւնն՝ զանմահութիւնն և զհոգին ոչ ի Հաւրե մեկնեմք և ոչ ի խաչէն, և ոչ ի գերեզմանէն, և ոչ յիւր ի մարմնոյն, և թէպէտ չմեկնեմք ի մարմնոյն՝ զանչարչարելին՝ ի չարչարելումն, չպանանեմք, այլ զչարչարելին յանչարչարելումն չարչարեմք: Արդ՝ փոքր ինչ հարցից. և մանաւանդ ըստ հետապաւտութեան, զի ի վերայ իսկ մեր հասեալն. զՈրդի Աստուած խաչակցելն, կամաւ անարգութեամբ համարելն, որպէս է ուրեմն հանգոյն Սամուիէլին որ ասէրն. Աստուած թէ ոչ զբեզ անարգեցին. այլ զիս. և կամ որպէս յառաջագոյն ցՊաւղոսն ասէր ի կոփահալածն առնել զառաքեալսն. Թէ զի հալածես զիս, և որք այլ այսպիսիք, ապա չէ ինչ ընդ մէջ ասել. Թէ վաղ իսկ էր մարմնացեալ զի դորին համարեալդ ասելոյ զհետ երթայ և ծննդեանն աւրինակ և կոյսն մնալոյ մաւրն, թէ զաւրութեամբ և ոչ գործով, և զիս, անգամն լինել Քրիստոսի, և զամենայն իսկ կիրսն ըստ տնտեսութեանն և յապտութիւնն զմեզ կոչել շնորհիւն չե ևս է. այսպէս է և ասացեալն թէ հանդերձ սրբով հոգւովն անմեկնելին ի խաչէն՝ և ի գերեզմանէն և ի մարմնոյն և յամենայն ուստեք, զի թէ որպէս սուրբ Հոգին էր ի մարմնի Բանին և ի խաչին և ի գերեզմանին և զԲանին Աստուծոյ զմարմնանսլն՝ և ի խաչին և ի գերեզմանին չլինելն նմանապէս ասիցես, ըստ այդմ և յառաջ քան զմարմնանալն խոստովանէին աստուածապաշտք և ուղիղք, և արդ մինչև ցյաւիտեանս:

Եւ յուրաստ չիշխես լինել զլրութենէն նորա մեզ բոլորիցս առնուլ և զլնուն զամենայնս, և զընակելն նորա ի սուրբս:



Ապա ուրեմն սուրբն սպանեալք և կամ որ սպանին զնա՛ պիտի ասել վասն զի զիւր կամսն վասն նոցա մահո՛ւ զՊետրոսէ ասելն իմացուցանէ, թէ՛ Ե՛կ զկնի իմ. և զոմանս վասն կայոյն: Եւ թէ որպէս ասիցէքն կամելովն միայն, ապա անհամար քրիստոսք եկեալ են և զայոց են: Եւ այլ ևս՝ համարեալդ նշանակէ. գամենայն ընուն ի սմա միշտ և զմիջոցս երկնի և երկրիս. իսկ բարինս և նետս առաքեալ ումք այսք, ուրեմն զայն իւր համարիցի. իբր թէ ճեծեալ և խոցոտեալ նորաւք, բանզի ընու զամենայն անմեկնելին, և մարդիկ արժանիք և կամաւք, և թէ այլ կենդանիք այնպիսեաւքն ծախեալք, ահա և այս չարարելիք յանչարարելումն չարարին. և անհուն աստուածք այլ և այլք աղանդաբանին մեզ պաշտել: Ո՛վ մտացածնոց յիմարութեան խաւք, որ դարչի աւելի բան զգրեալն իմանալ:

Եւ դարձեալ ըստ ասելոյդ թէ զՀոգին սուրբ և զՈրդոյ աստուածութիւնն ի մարմնոյն և յամենայն ուստեք շնեկնէք, կարծիս տայք ասել վասն համարնակութեանն ցուցանելոյ, և Հոգին սուրբ մարմնացաւ, բանզի զերկուսեան ի մի յնթակայում պատմէք: Այլ ո՛չ այդպէս ուսուցանէ վարդապետութիւն Հոգւոյն սրբոյ. զի թէպէտ և սուրբ Հոգին Բանին մարդացելոյ հոգի ասի, ըստ այնմ թէ ԶՀոգի Քրիստոսի ոչ ունի, և ԶՀոգի Որդոյն իւրոյ առաքեացն. այսպէս և Հաւր հոգի ասի, և զիմաւք որոշեալ մեզ պատմի, այլ ոչ զատանի ի Հաւրէ և յՈրդոյ. և թէպէտ անզատանելի է, այլ ոչ ի միում մարմնի, Որդի և Հոգի, և ի խաչի կամ ի գերեզմանի. իբր թէ մարմնացեալ որ յառաքելոցն և ի մարգարէիցն ասաց. Բայց միայն զՈրդին Աստուծոյ գԲանն Հաւր մարդկացեալ գրեցին: և զի այսպէս է. լուր: Փիլիպպոս ցնաթմանայէլ ասէ, Զորմէ գրեաց Մովսէս և մարգարէքն. գտաք զՅիսուս ի նաչարեթէ: Եւ զի նոյն է Բանն Հաւր մարդկացեալ որ խաչեցաւն, Մովսէս պատմէ. տեսանիցէք ըմբ զկեանս ձեր կախեալ զփայտէ յանդիման ձեր, զոր և Յովաննէս մեկնեաց ասէ. Ճշմարիտ Աստուած և կեանք յաւիտենականք: Եւ Երեմիա, զկեանս իւր մեռուցանել ի զրի ասաց, և վիրաւորեալ և պատժեալ զնա. զորոյ պապատոհմն ո՛չ որ կարէ պատմել: Գոչէ Եսայի. և զՏէրն փառաց խաչեալ պատմէ Պաւղոս, զոր այլուր՝ յոյս փառաց կոչեաց, և՛ Որ ի կերպարանս Աստուծոյ էր որպէս պատմի մի ըստ միոջէ, զինքն թափեաց, հնազանդեաց մահու և խաչի:

Եւ զի ոչ ըստ ամենայն ուրեք լինելոյն էր Արդւոյ աստուածութիւնն յիւր մարմինն որպէս ասացէքն, այլ մարդացեալ եկ տես և զաւետարանացն բարբառս: Քանզի Ղուկաս յետ գրելոյն ականատես լինել զԲանն, նորին սպասաւորաց զազգարանութիւնն այսպէս արար. Յիսուս որոց կարծէր՝ որ ի Յովսէփայն, որ յԱդամայն, որ յԱստուծոյ ասաց. զի որ յԱստուծոյն էր նոյն մարդացեալ և ի հովուացն տեսեալ, և ի խաչ ելեալ ասաց: Եւ Յովհաննէս զԲանն՝ մարմին եղեալ, և զկեանան յայտնել, զնոյն ասաց խաչեալ, և եղեալ ի գերեզմանի որպէս Երեմիաս յառաջ պատմեաց, թէ տեսեալ զմեռեալսն յաւիտենից ինքն էջ առ նոսա ի հող երկրի զի կեցցեն և Աստուած մարդացեալ այնպէս յաղթեաց զաւրացեալ մահու և ապականութեան, և եհատ զարտաւսր յամենայն երեսաց: Իսկ թէ Հոգին սուրբ այսպէս ուսուցանէ յաստուածաշունչ գիրս, և ոչ մարդ աստուածազգեաց որպէս Ստեփաննոսն լի Հոգւով սրբով, մեռանէր չարչարելին յանչարչարելումն զհանգոյն ամենայն ուրեքն լինել էր ի մարմինն, ի խաչին և ի գերեզմանին հանգերձ այլովքն: Զայդ ո՛վ որ ոչ ասիցէ թիւր վարդապետութիւն յաւելեալ ի բանսդ ասացէք զրեւոսն ոչ ի զաւրութեան անմահութեանն հարկանեմք իրրև թէ ի ցաւեցուցանել. այլ յաստուածացեալ մարմինն:

Բայցու՛մ անգամ ասացաք, զի թէ աստուածացեալ մարմինն այլ է, և զաւրութիւն անմահութիւնն այլ, որ թուի բեղասել զԱստուածն Բան սոսկ, երկուս ուրեքն պատմել ձեռնարկէք, զմինն մարմնեղէն Աստուած և զմիւսն զաւրութիւն անմահական Աստուած: Բայց զպարզամիտս խարէք. թէ զաւրութիւնն անմահական հաղորդ է մարմնոյն. մինն Աստուած է, և միւսն մարդ: Իսկ ապա ո՛ւր է միանալոյն բան ձեր, զոր վերագոյն փոքր մի խոստովանեցէքն:

Բայց մեր նախ աւրինակաւ ինչ կամիմք հարցումն առնել, թէպէտ և ոչ պատշաճ է, Հուր եթէ ի բնութեանց իւրոց զատոցի ի ջերմութենէն, ի լուսաւորութենէն մնացեալ նիւթ կարիցի կոչել հուր, և կամ ձիւն ի ցրտութենէ և ի սպիտակութենէն, կարիցի կալ շաւշափելի նիւթն և զձեանն ունել: Արդ՝ որպէս նոցա երից տեսակաց ի մի բնութիւն եկեալ առանց զատուցման, զգոյութիւնն և զատուցանելն ջանալ եղծումն զործէ. իսկ յերեւելոյ արեղականն ի բարձանց արդևք ո՛չ առաւե-

լազոյն զմիաւորութիւնն ունիցիս ի միտսդ: Ջի և յարեզականէ թէ զատչի ճառագայթ յուսոյ շերմութեամբն, զնդաձև տարրն առանց այնց ոչ ասի արեզակն, այսպէս թէ զատցի Աստուածն Բան ի մարդանալոյն իւրմէ ծնեալն ի կուսէն, ոչ Աստուած մարդ մնացեալ, այլ մարդ ընդ մեղաւք անկեալ: Ջի եթէ միաւորութիւն Աստուծոյն Բանի. եթող մարդոյն միտք ըստ այլոց որպէս ասացաք ի վայրկենի, մերթ ի չար և դարձեալ ի բարի փոփոխելով ոչ դադարեն:

Ապա ուրեմն ոչ առանց մեղաց էր, այլ քաւ լիցի. արեզակն միշտ արեզակն եկաց, որպէս պատմէն Չաքարիաս. քանզի առաքելոցն գուցեալ զոտս և զձեռն ի վերնատանն աստուածովայելլաբար ի մտանելն, զնոյն իմն վարդապետեաց, եւ Թովմայ տեսեալ զտեղի բեռնացն և զխոցումն կողիցն, Տէր Աստուած իւր խոստովանեաց: Վասն որոյ երանեաց Տէրն զայնս՝ որոց ոչն տեսեալ, և այնպէս հաւատասցեն, որպէս տեսաւն առ տեսեալն բարբառեցաւ: Բայց Բանին մարդկացելոյ մարմնոյն և հոգւոյն որ երեսաց մերոց է Տէր, զբեռնն թափանցանց առնել ասել, իմ ոչ յայտնի է յիմարութիւնն: Քանզի զմարդիկ մի և կամ երկու անդամովք, թչ ասեմք, և զոգիսն ընդ նմին հեղեալս, և կամ խոցմամբ և բեռնաւք ի փայտի մեռեալք այժմ՝ և կամ ի հնումն, ոչ որ կարէ ասել և զոգիսն ընդ նմին բեռնեալս և խոցեալս: Իսկ յառաջ քան զմարմնանալն որ էութիւն Բանին էր խառնեալ և միայեալ ընդ իւր մարմինն, ի մարդկանալն զիմարդ վիրաւորիցի: Այլ անհնարին է ասէք այդպէս խոստովանութեամբք զնա առանց վիրաւորութեան ասել: Հաւանեցիր յաւրինակէդ և զխոստովանութիւնն, որպէս զիյք Աստուածաշունչք ուսուցանեն: Մի թիւրիւր ի մտացն, և թէ յաղթիս զտնաւրէնութիւն նորա ի քննել, յանձն առ, քանզի դու և ամենայն իսկ մարդկարիցեն ասել զինքեանց ընութեանն էութիւն: Արպէս հոգին ընդ մարմնոյն խառնեալ է և կամ շունչ ընդ ջիւս ներգործեալ աւժանդակէ նմին մարդոյն, և կամ թէ լոյս արեզական և կամ թէ ճրագի ընդ ական յտակագունի միաւորեալ զտեսութիւն գործէ: Իսկ տնաւրէնութիւն նորա սոսկալի ումք չթուիցի. և ի վեր քան զիւր միտս և զբան: Ապա թէ ոչ, իմա ինձ զնա յարզանդի կուսին, որպէս մարմին ինքնեակ ոգւով և մտաւք, և զինչ ի մարդ է, սաղմն առեալ լինէր Բանն Աստուած ի Հոգւոյն սրբոյ յամենայն մարդկութենէս, ի սկզբանէ լինելութեան

մարդոյն, և որք ի ժամանակիս, մինչև ցկատարածն, Աստուած մարդկացեալ ծնանէր առանց մեղաց հասակաչափ միոյ մարդոյ, որպէս Պաւղոսն պատմէ թէ Որ ոչն է Հրեայ և ոչ Հեթանոս, խո՛ւժ, ղո՛ւժ, Սկիւթացի ծառայ, ապատ, այլ յամենայնի Բրիտտոս է: Անիցիս ինչ ասել զորպիսութենէն, ապա իմա և զայլսն՝ թէ են մեզ անհասանելիք. և մի խուզեր, վասն որոյ մարգարէն ի տնտեսութիւն նորա հայեցեալ երկնչել իւր և զարմանալ ասէր. ապա հաւատ պիտոյ է և ոչ քննութիւն:

Յետ այսր հակառակութիւնս ոմանս նշանակեալ էր. թէ սորբա ասեն. Սուրբ անմահ Աստուած՝ որ խաչեցար. անմահ էր... մեռաւ, հոգևով և Աստուածութեամբն, մարմնով մեր ընտելեամբ: Արդ՝ թէ հակառակողս զմեզ կոչէք և թէ զայլ որ, որպէս ցուցայք ձեզ գրով ըստ Աստուածաշունչ գրոց վարդապետութեան զխոստովանութիւն հաւատոյն մերոյ յՈրդին Աստուծոյ, թէ բիւր անգամ հարցանէք, ցնոյն երկրորդեմք: Բանն Աստուած մի և նոյն էր որ զամենայն ըստ տնտեսութեանն, և ցնշանսն նա գործեաց, Բայց ո՞վ որ է թերուսումն որ ի վերայ մարդոյն չգիտէ զմահ, թէ որոշումն հոգւոյ ի մարմնոյ է, և մարմնոյ յերկիր լուծանել. իսկ հոգին կենդանի և անապական, որպէս գիրք ասեն զնահապետացն՝ թէ պակասեալ յաւելաւ առ ժողովուրդ իւր, և զոմանս թէ յաւելաւ առ հարս իւր: Իսկ վասն մարմնոյ թէ զապականութիւն ետես, քանպի մարդոյ հոգւոյ յանպայականս լուծումն ոչ որ գիտէ. զի Աստուած միշտ կենդանեաց է Աստուած, և որպէս ինքն կենդանի է և կարող, ոչ փոփոխեցաւ ի մարդանալն: Բայց մեռաւ զիմ մահն և պարտեաց զմահ. և վասն զի միութիւն ոչ բաժանի, վասն այնորիկ Բանն Աստուած ոգևոյն իւրով որ ի մարդկանէ երևեցաւ ի դժոխս արդելեալ ոգևոցն, յորժամ ներէր նոցա Աստուծոյ երկայնմութիւնն, որպէս ասէն Պետրոս, և այնպէս աւարեաց զդժոխս, և Աստուած մարմնով ի գերեզմանի զապականութեան իշխանութիւն ի ընց քայքայեալ՝ մեզ զանապականութիւն ստացոյց:

Եւ վասն այնորիկ ասեմք զերից սրբասացութիւնն. Սուրբ Աստուած, սուրբ հլաւր, սուրբ անմահ որ խաչեցար վասն մեր: Երիւք սրբասացութեամբք Երրորդութեանն զիմաւք, և միով աստուածութեամբ զաւրութեամբ և անմահութեամբ ընդ Հաւր և Հոգւոյն սրբոյ խաչեայն առանց այլ երեմամբ. ի մի էու-

Թենէն զողորմութիւն Տայցեմբ: Քանչի առաքելական եկեղեցի այս բարբառով և ձևով միշտ պարծի, զի ի ժամ պատարագի զովաբանութեանն զգրուակս ի դէմս Հաւր արարեալ երիցս սուրբն ասելով միով տէրութեամբ ընդ Հաւր և Հոգւոյն սրբորոյ, զեկեալն և զգալոցն ի բարձունս արբայ փառաւորեալ գոչէ: Եւ աստ թէ խաչ ասեմք մի՛ զարմանար. քանչի նա ըզջարչարանս իւր փառս կոչէր:

Իսկ յետ այլ բանից, այսպէս գրեալ էր թէ, մեր զմարմնոյն մեռանել ձեզ գրովք ցուցանեմք. թէ՛ Մարդ Յիսուս Քրիստոս որ մեռան, մանաւանդ թէ յարուցեալ իսկ է. թէ՛ զՅիսուս և Քրիստոս զխաչելեալն խնդրէք, և թէ՛ Խաչեցաւ ի մերմտկարութենէ, և թէ՛ Մարդ Յիսուս Քրիստոս. և այլ այսպիսիս, ուր ինքն Յիսուս Քրիստոս ըստ խոնարհութեան մերոյ ցուցեալ լինի: Արդ՝ նախ զայս Հարցանեմք, մինչ այդպէս զՈրդի, երկուս ասել սիրէք, և զԵրրորդութիւնն չորրորդութիւն ի մտաց ստեղծանէք: Յիսուս Քրիստոս անունդ, ուր ըստ մեզ կիրս նշանակէ, զի ըստ տնտեսութեանն կամ սքանչելագործութեանն, առ նմին այլ յոր Արդի Աստուծոյ, կամ Բան Աստուած գտանէք, և թէ՛ որպէս ի վերայ մարմնոյն լոկ ուրոջեցէք ասել զՅիսուս Քրիստոս միշտ, և կամ մի ուրեք կարիցէք ցուցանել սոսկ ի վերայ մարմնոյն: Իսկ թէ լսեցես՝ մարմինն Քրիստոս է. միթէ՛ աւտար իցէ այս ձայն յայնմանէ, որ ասէն թէ Բանն մարմին եղև, այլ բան. ոչ զանապան բարբառ: Եթէ՛ ոչ այնպէս կարծես, լուր զՔրիստոս զիտել մարմնով ասեն զիրք Քրիստոսի չարչարելն մարմնով. արդ եթէ՛ ըստ բոյ ասելոյդ Քրիստոս Յիսուս մարմնոյն ասիւր, նորին մարմնոյ այլ մարմին որպէս էր. արդեւք մարմին ի մարմնի եղեալ. մի՛ որով չարչարէրն, և միւս մարմին Քրիստոսն որ ի ներքսն: Եւ այսպէս իմանալն ի պառաւանց առասպելս ձգեալ տանի. այլ մի այդպէս լիցի իմանալ զբարոգութիւն առաքելոցն, զի որ ի ձէնչ կամեցեալ բանաձգել ի վերայ մարմնոյն զՅիսուս Քրիստոս անունդ, նոյն ցուցաւ ի մեծութեանն ականատեսից՝ Արդի Աստուծոյ և Բան Աստուծոյ. Այնչափ ինչ գրեցաւ ասէ, զի Հաւատայցէք թէ Յիսուս Քրիստոս է Արդի Աստուծոյ. և թէ՛ Ար փոխեացն զմեզ յարբայութիւն Արդւոյ սիրելոյ իւրոյ որով ունիմք զբաւուրութիւն արեամբ նորա, զթողութիւն մեզաց մարմնով նորա որ է պատկեր աներևութին Աստուծոյ. և թէ՛ Քրիստոս ի վերայ

ամենայնի Աստուած. և թէ՛ Որ էրն ի սկզբանէ զորմէ լուաքն, որում ականատեսն իսկ եղևար, ընդ որ հայեցարն, և ձեռք մեր շաւշափեցին զԲանն կենաց: Թողից ասել զլիութիւն այսպէս բանից որ ի նոր կտակարանս, վասն խաւսիցս բազմանալո՞ւ:

Եպա հաստազոյնս տեղեկացիր, եթէ Քրիստոս Յիսուս զԲանն Աստուած մարդկացեալ կոչեն գիրք, որպէս և սուրբ ժողովն որ ի Նիկիա ասացին, թէ՛ Ծնաւ կատարելապէս ի Մարիամայ հոգևով, ըստ այնմ, թէ՛ հոգի երեսաց մերոց Տէր Քրիստոս, և որովն հոգի և միտք և ամենայնն, այն մարդկայի՛նս: Եւ ծնեայն կոչեցաւ Յիսուս Քրիստոս: Եւ Պաւղոս ասէ, Ոչ զայլ ոք ի մտի եղի ձեզ գիտել, լայլ միայն զՅիսուս Քրիստոս. և զնոյն խաչեալ, ապա մի մեռեալ, և մի իմանալի ի ձէնչ, զի՛ առասպելարանի:

Բայց ևս առաւելազոյն տարաւրէնութիւն մեկնութեամբս արարեալ ի ձէնչ իմանի. թէ վասն երկուց և մի բնութեանն Քրիստոսի ի նախագրին աւրինակեցաւ. հրամայեցաւ, ասէ, երկուս հաւս առնուլ և աւան իւեցեղէն, և փայտ նոճի, և կարմիր զոպայ և զենուլ զմի հաւն յաման խեցեղէն, որ զուշակեցաւ ի ձէնչ, այն մարդոյն բնութիւն, և զմիւսն թացեալ յարին հաւուն սպանելոյ, զիցեն ի վերայ զփայտն և զսլանն. և արձակեցեն ի դաշտն, այն՝ զԱստուծոյ զբնութիւնն ասացէք: Եւ արդ այժմ քաջ միտ զիք ձերում մեկնութեանդ: Պաւղոս զրէ Երրայեցուցն, յիշեցուցանելով նոցա զխորանն և զնորին կահ, և զժողովուրդն, և զարեանն սրսկումն ի վերայ նոցին, և ասէ, թէ՛ Ամենայնքն արեամբն սրբէին, զի վասն մարբելոյ արիւնն անկանէր զնորաւք: Եպա ուրեմն ըստ ձեր ասելոյդ, բնութիւն Աստուծոյն Բանի ի մարդոյն բնութենէ սրբեցաւ, և նորա արեամբն թացեալ ի նմանէ պիտոյ եղև առնուլ զանապականութիւն և զհոգւոյն սրբոյ զմաքրութիւն. նմա՞ որ յէութենէն հաւր էր: Եւ այսպիսի բանք ո՛ւմ ոչ շարժիցեն արտասուս, զկարծիսդ տալ նմա որ զփրկութիւն ի մարդոյն հայցել: Նոյնպէս և վասն նոխալացն՝ թէ՛ որ զենաւն, մարդոյն բնութիւն էր, և կենդանոյն յորոյ ձեռս ի վերայ եղևալ և զանաւրէնութիւն և զմեղսն ի վերայն ասացեալ, և նորա յինքն առեալ, Բանին Աստուծոյ բնութիւնն էր: Եպա ուրեմն ըստ ձեզ աստուածութեանքն իւրով զմեղս մեր վերացոյց: Թէ ստեալ եղև Պաւղոս, որ ասաց,

Նա դմեղս մեր՝ մարմնով իւրով վերացոյց ի խաչափայտն, շրոյ պեռութիւնն ի վշտաց վերագոյն կամիք ասել քան զնոյն էութիւն, ընդմեղաւք և ընդ ամպարշտութեամբ անկեալ ասացէք, այլ քան և մի լիցի այդքն՝ զարհուրելիս իմանալ ի ղետականին զգրեալան։ Բանդի երկու հաւուրն ասելով նշանակեալ լինի Որդին Աստուծոյ մարդացեալ մահուամբն, որպէս վերագոյնն ասացաք. աւրեամբ նորա մեր թացեալ գտաք զփրկութիւն, և յայնժամ ի մեզ ստացաւ անապականութիւն՝ որ նոճի անփուտ փայտն. և զտպայն որ է Հոգւոյն սրբոյ ի մեզ մաքրութիւն, և կարմիրն զշնորհս զորդեպրութեանն Աստուծոյ, և կատարեցաւ ընդ մարդարէին, թէ Անդ եղիցի ուրախութիւն հաւուց, այսինքն մարդկանս։ Սոյնպէս և նոխայն՝ յորոյ վերայ վիճակ Տեառն էր, զենաւ ըստ իմ, որպէս ըստում անդամ ասացաք, և արձակման վիճակն անկաւ ի մեր վերայ, զի վիճակել մեզ ընդ ընտրեալսն մասն մեղաց թողութեանն, և առնու նոխայն զանաւրէնութիւն որդւոյն Իսրայէլի, առաքելովքն առաջնորդաւք եկեղեցւոյ, որչափ նոցայն շնորհեցաւ ընդ ոմանց համարս տալ և որոց կամին յետ մկրտութեանն թողուլ զմեղս։ Իսկ անապատն եկեղեցի հեթանոսաց աւազանաւն ծաղկեալ. զոր նսային ասէ. Տնծասցէ անապատ, և ծաղկեսցէ որպէս շուշան անապատն Յորդանանու։ Եւ այս ո՛չ թուեսցի բեզ առաքելական եկեղեցի յորում մկրտութիւն է։ Բայց թէ ի վերայ Բանին Մարմնացելոյ կամի որ ասել, մի և զնոյն պարտի իմանալ զՏէրն նշանակեալ վիճակաւն զննանի զիմն, և մի և զնոյն յյարուցեալն որ բարձիչն եղև զժողոցն խայթոցաւն և զընդ աշմէ Հաւր նստեալն։ Ապա ուրեմն երկուս իմանալ զնա, ըստ երկուց նոխապայն. յանաստուածիցն դասու կացուցանէ։

Բայց առաջիկայ ընտն թուի մեզ իմանալ յաւանդութենէ առաքելոցն ի բաց փոթումն, զի նշանակեալս ասէ այսպէս, թէ Ջսուրբ Հոգին զմիայն հչաւրն, զթագաւորն թագաւորաց, և զՏէրն Տերանց, որ միայն ունի զանմահութիւն ընկեալ ի լոյս անմատոյց, զոր ոչն որ ետես ի մարդկանէ, և ոչ տեսանել կարող է, ձեզ յայտնի լիցի, և մեր առանց չարչարանաց և մահու ասեմք։ Արդ՝ զսուրբ Հոգին, և զՀայր զԱստուած ոչ մարմնացեալ ասել քրիստոնէից, յայտնի է ամենեցուն՝ որպէս զուցաբն և թէ ասէ որ, նպովեալ է։ Բայց ձեզ զտոյր ասել՝ զի զԱստուածըն Բան է, առանց չարչարանաց և մահու զնա զուցանել զե-

կուցանէ արդ, որպէս ասէքդ, թէ ոչ երևեցաւ և ոչ չարչարեցաւ և ոչ մեռաւ: Է զի և ոչ մարդոյն, զոր ասէնքն ի կուսէ ծնելոյ, Աստուածն բան ի յառելու թիւն ինչ եղև, քանզի որպէս այն ո՛չ և այս ոչ, ապա զսուրբն զայն զկոյս Աստուածածին զի՛ ասէք, զի նորա՝ ուրեմն սոսկ մարդ լինի ծնեալ: Երեւի չարչարելի և մահկանացու, և Հրէիցն բարբառոյ առ ի ստուգել, թէ դու մարդ ես, և զանձն քո Աստուած առնես: Այլ և ուրեմն ի մահ մարդոյ մկրտիբ, քանզի ի նորա մահն մկրտիմբ: և զմարդ պաշտեն երկնաւորք և երկրաւորք և սանդարամետականք, ի ծունր կրկնելն Յիսուսի Քրիստոսի: Ստեցին ուրեմն առաքեալքն զնա գոյ ասելով Որդի Աստուծոյ, և մանաւանդ ի ձեր ասելոյդ, և Փիլիպպոս վրիպեցոյց զներքինին Եսայեաւ, թէ Իբրև զուխար ի սպանդ վարեցաւ, որոյ զազատո՞ճմ նորա ոչ որ կարէ պատմել: և նա զհաւատալն բարբառէր թէ Յիսուս Քրիստոս է Որդի Աստուծոյ և ինքն զնոյն այլոց քարոզէ: Բայց ոչ ստեցին մարգարէքն և առաքեալքն, այլ այնք որ ի ճմարտութենէն թիւրեալ են: Քանզի Որդին Աստուծոյ մարդացեալն ասէ, թէ՛ Գտայ այնոցիկ որ զիսն ոչ ինչեմն: յայտնի եղէ . . .

Թուղթք երկուք անկեալ զուրիւրինակին, պակասին աստէն աւարտն թղթոյն Աջրահամու առ Աղուան, և սկիզբն թղթոյն կոմիտասայ ի Միջագետոս:





## ՏԵՆՈՒՆ ԿՈՄԻՏԵԱՍԻ ՀԱՅՈՑ ԿԵԹՈՒՂԻԿՈՍԻ ՎԼԱՆ ՀԱԻԱՏՈՅ

..... անշրդիս, ծառս պտղակորոյսս կըրկ-  
նամուս, նիւթս կիլման հրոյն յաւիտենականի, որք վառեն ան-  
ձանց զհար զեհնին, սնուցանեն զորդնն անմահ: Արդ՝ ոչ ևս  
յամել ի նախերգութեանս, այլ պատրաստարար և խոհականա-  
ղոյնս յԱստուածայինսն վերաձգել զմիտսս:

Ես և հաւատացեալ ինձ հաւտս, այսպէս հաւատամք և  
խոստովանիմք, որպէս և հանդիտապատիւ սուրբն Գրիգորիոս  
հայրապետ սրբոյ եկեղեցւոյ Հայաստան աշխարհիս ուսոյց մեզ:  
Հաւատամք ի մի Աստուած ի Հայրն ամենակալ և ի Տէր, ա-  
րարիչ երկնի և երկրի, երեւելեաց և աներեւելեաց, Եւ ի Միւ-  
ծին Արդին Աստուծոյ որ ի Հաւրէ և առ Հաւր և ընդ Հաւր:  
Եւ ի սուրբ Հոգին՝ որ ի նորին յէութենէ, և նովաւ արար  
զամենայն, որ է մի տէրութիւն, մի զաւրութիւն, մի աստուա-  
ծութիւն: Հայր յանձնէ, Արդի ի Հաւրէ, Հոգին ի նոցունց ի  
նոսին իսկութեամբն, էութեամբն, աստուածութեամբն, երեք  
անձինք, մի կատարեալ կամք, հարթ հաւասար, հասարակ ի  
բարձրութիւնս, ի խորութիւնս, ի լայնութիւնս, ի յերկայնու-  
թիւնս: Մի բնութիւն աստուածութեանն, մի պահ՝ Ներբողու-  
թեանն, և լի են երկինք և երկիր փսոսաք նորա: Եյսպէս հա-  
ւատամք և խոստովանիմք, և երկրպագեմք սրբոյ Ներբողու-  
թեանն ի Միութիւն անդր, նոյնպէս և սրբոյ Միաւորութեանն  
յերբողութիւն անդր, անարարք, անխոռնք, անսկզբունք, հա-  
մագոյականք, զի որպէս անխառնելի է սուրբ Ներբողութիւնն,  
նոյնպէս և անբաժանելի անխառնելի յաղագս իւրաբանիւր  
յատուկ առանձնաւորութեանցն: Իսկ անբաժանելի, վասն զի  
ամենակալ է Հայր, ամենակալ Արդի, ամենակալ սուրբ Հոգի:  
մի բնութիւն աստուածութեանն, մի իշխանութիւն, մի զաւ-  
րութիւն մի պետութիւն: Եւ ի վերջին ժամանակս Միածին

Որդին Աստուծոյ կամաւը Հաւր և Իւր և սրբոյ Հոգւոյն, վասն մեր և վասն մերոյ փրկութեան խոնարհեցոյց զերկինս և էջ յարգանդ կուսին, և էառ մարմին ի Մարիամայ սրբոյ կուսէն Աստուածածնէն, և միացոյց զանմեռն ընդ մեռոտն. և զապականացուն և զմահականացուն ընդ անմահ աստուածութեան իւրոյ, խոռնեաց և միացոյց, և արար անապական, զի առանց ամենայն հակառակութեան, նուազն ի լաւէն աւրհնեսցի: Աստուածավայելչարար ծնաւ ի սրբոյ կուսէն, որոյ հետք կուսութեանն ոչ ապականեցաւ, և ի խանձարուրս պատեցաւ կաթնասուն լեալ. և յետ երկոտասան ամի եկն ի տաճարն, զի յայտնի արասցէ զիւր աստուածութիւնն: Ի վերայ երկրի երկւեցաւ և ընդ մարդկան շրջեցաւ միաւորութեամբ տնաւրէնութեան, քաղցեաւ և ծարաւեցաւ, ոչ սոսկ մարդկային բնութեամբ, այլ միաւորութեամբ տնաւրէնութեան աստուածավայելչաբար: Եւ յետ երեսուն ամի եկն ի մկրտութիւն, մկրտեցաւ ի Յովաննէ Յորդանիս, վկայեցաւ ի Հաւրէ՝ Գա է որդի իմ սիրելի, պահեալ զքառասուն տիւ և զքառասուն զիշեր՝ յետ այսորիկ փորձեցաւ ի սատանայէ: Բանն մարմնացեալ քաղցեաւ և ծարաւեցաւ: Բանն մարմնացեալ զկոյրս լուսաւորեաց, և զգիշերն ի տիւ փոխարկեաց, զչորեքաւրեայն զսիրելին՝ ձոյնին զուզընթաց արար: Բանն մարմնացեալ ապտակեցաւ, չարարեցաւ, ոչ սոսկ մարդոյն ասեմ զչարարանսն, զխաչն և զմահն, և ոչ զնշանագործութիւնսն միայնում Բանին Աստուծոյ, այլ միաւորութեամբ տնաւրէնութեանն. քանզի Բանին Աստուծոյ մարմնացելոյ են ամենայն բարձրագոյնքն և խոնարհագոյնքն: Եւ այսպէս կամաւը եկն ի խաչն, մեռաւ, և թաղեցաւ, և յերրորդ յաւուր յարեաւ ըստ գրոց, զի տիրեսցէ կենդանեաց և մեռելոց: Եւ յետ քառասուն տուրնջեան և քառասուն գիշերոյ համբարձաւ յերկինս, որպէս տեսին առաքեալքն, և նստաւ ընդ աջմէ Հաւր, որպէս ետես սուրբն Ստեփանոս, ի վկայելն իւրում ասէ. Տեսանեմ զերկինս բազեալ և զՅիսուս զի կայ ընդ աջմէ Աստուծոյ: Եւ գալոց է նովին մարմնով և փառաւը դատել զկենդանիս և զմեռեալս, որոյ թագաւորութեանն ոչ գոյ վախճան:

Եւ յետ այսորիկ, որպէս նազիանզունն Գրիգոր Աստուածաբանն ասէ. Մի է Աստուած Հայր կենդանի բանին էական իմաստութեան և զաւրութեան կերպարանին իւրոյ, կատարեալ

կատարելոյ ծնաւդ. Հայր Որդոյ Միածնի, մի Տէր միայն՝ միայնոյ, Աստուած յԱստուծոյ, կերպարան և պատկեր աստուածութեանն: Բանն գործաւոր իմաստութիւն պարառական ամենեցուն ընդ լինելութեամբ անկեղոցս, զաւրութիւն և բոլոր էիցս արարաւդ, Որդի ճշմարիտ անտեսանելոյն, անապական՝ անապականին, անմահ՝ անմահին, մշտնջենաւոր՝ մշտնջենաւորին: Մի սուրբ Հոգի Աստուծոյ զէութիւնն ունելով, և Որդւով երևեալ յայտնապէս մարդկան, պատկեր Որդւոյ կատարեալ ի կատարելոյ, պատճառ կենդանեաց, սրբութիւն՝ սրբութեանց շնորհաւդ, որով ծանուցանի Հայր՝ որ ի վերայ ամենեցուն և յամենեին, և Որդի Աստուած՝ որով ամենայնք: Երրորդութիւն կատարեալ փառաւք և մշտնջենաւորութեամբ և թագաւորութեամբ, անբաժանելի և անաւտարելի, ոչ ստեղծական ինչ և ոչ ծառայական յԵրրորդութեանն, և կամ ի ներքս ածական, որպէս թէ յառաջագոյն ոչ եղելոյ վկնի ի ներքս ածաւ և ոչ երբէք նուազեաց Որդի ի Հաւրէ, և ոչ յՈրդոյ Հոգի, այլ անփոփոխելի և անայլայլելի է միշտ Երրորդութիւնն: Եւ մեք երկրպագեմք Հաւր և Որդւոյ և սուրբ Հոգւոյ: Աստուած զՀայր: Աստուած զՈրդի, Աստուած զսուրբ Հոգի. մի բնութիւն երից առանձնաւորութեանցն իմանալեաց, կատարելոց ըստ ինքեանց էութիւնս, բաժանելոց թուով, ոչ բաժանելոց Աստուածութեամբն:

Ընդունիմ և զերկոտասան գլուխսն երանելոյն Յիւրդի որ ընդգէմ՝ Նեստորի ասացեալ է այսպէս: Թէ որ ոչ Հաւատայ թէ Բանն Աստուած չարչարեցաւ մարմնով, խաչեցաւ մարմնով, ճաշակեաց զմահ մարմնով, և եղև անդրանիկ ի մեռելոց, քանզի միշտ կենդանի է, և կենդանացուցանէ զամենեանս որպէս զԱստուած՝ եղիցի նոյովեալ: Եւ յետ այսորիկ որպէս Աստուածաբանն Գրիգորիոս, և Գրիգոր Նէոկեսարիայ, և Բարսիլիոս Վեսարու եպիսկոպոս, և Աթանասիոս և Յիւրիղղոս Հայրապետ աղեքսանդրի:

Եւ սուրբն Գրիգորիոս Պարթև Հայրապետ Հայոց Մեծայր, ուսումնասիրութեամբ և զիտութեամբ սոցա ճանաչելով զհին և զնոր կտակարանս, այսչափ Հասու եղեալ մի բնութեան աստուածութեանն երից առանձնաւորութեանցն: Ըստ որում ես և Հաւատացեալ ինձ Հաւատս այսպէս խոստովանիմք աներկբայեիք Հաւատովք և զարգարիմք Երիւք ժողովովք այսորիւք ի պա-

տիւ ամենասուրբ Երրորդութեանն. սահմանաւ զոր եղեալ է Յօ և Ը աստուածաշունչ սուրբ հարցն որ ի Նիկիա, որոց գլուխ սուրբ Արիստակէս հայրապետ Հայոց Մեծայ, Եւ ասացին այսպէս վասն Բանին մարմնացելոյ. թէ Աստուած է ի յԱստուծոյ, լոյս ի լուսոյ, Աստուած ճշմարիտ յԱստուծոյ ճշմարտէ, ծնեալ և ոչ արարեալ. իջեալ ի յերկնից, մարմնացեալ մարդացեալ ի սուրբ կուսէն Մարիամայ, չարչարեալ այսինքն խաչեալ, թաղեալ և յերիւր աւուր յարուցեալ, համբարձեալ յերկինս, և գայ դատել զկենդանիս և զմեռեալս, որոյ թագաւորութեանն ոչ է վախճան. Նոյնպէս և զամենայն աղանդոս նշովեցին և արտաքս ընկեցին ի կաթուղիկէ առաքելական եկեղեցւոյ.

Նախ առաջին զԱրիոս՝ որ զՈրդի արարած կուէ, և ոչ զԲանն մարմնացեալ ի սրբոյ կուսէն, այլ ասէ, նա է անդրանիկ ամենայն արարածոց, և նովաւ արար զամենայն.

Ըստ նմին և Ճ. և Ծ քն որ ի Կոստանդնուպաւիս ժողովեցան, որք մարտնչէին ընդ Հոգին սուրբ, նշովեցին և ի րաց ընկեցին.

Նոյնպէս և երկերիւրքն որ յԵփեսոս ժողովեցան, և զամպարիշտն Նեստոր նշովեցին և արտաքս ընկեցին ի կաթուղիկէ առաքելական եկեղեցւոյ, որ անդուռն բերանով ասէ, ոչ է պարտ և արժան զՄարիամ սուրբ կոյս Աստուածածինն խոստովանել՝ այլ մարդածին, և զխաչելեալն Քրիստոս՝ ոչ Աստուած, այլ տաճար եղեալ Աստուծոյ Բանին, և զԲանն ոչ խոստովանեալ մարմին եղեալ ըստ աւետարանին աւանդութեանցն, այլ ի մարմնի բնակեալ, այսինքն ի Քրիստոսին ի Մարիամայ ծնիցելոյ մարդոյն, զուգապատիւ զնա կամեցեալ ցուցանել, կամ նուազ ինչ, մեծագոյն միում ի սրբոց և ի հոգեկիր արանց, և րազում և այլ Հայհոյութիւնս խաւսեցաւ զի յորժամ զսորա աղանդակցաց րանս ի մէջ լերիցուք, պատմեսցուք զբովանդակին.

Նշովեցին և զԵւտիբոս, որ էր վանական ի Կուկլի կղզի, որ զմարմինն Տէրունական առ աչաւք խոստովանի, և ոչ ի մարդկային բնութենէս, այլ ինքն իսկ մարդ կերպացաւ, ասէ, յարգանդի կուսին և ծնաւ ոչինչ առնլով ի բնութենէ կուսին.

Նշովեցին և զՍարէլիոս Լիւբացի՝ որ զսուրբ Երրորդութիւնն մի դէմ խոստովանի, և ոչ երիս անձինս կատարեալս.

Նշովեցին զԱպողինարիս Լաւողիկեցի, որ մասն ինչ ա-

ոեալ, ասէ, Քրիստոսի՝ պսիւնըն մարմին միայն, և ոչ բովանդակ մարդ եղեալ, Աստուածորդին էր, ասէ, Հոգևորութեամբ Հոգիացեալ, և պէտք ինչ ոչ էին նմա մարդկեղէն Հոգւոյ:

Նշովեցին և զՄարկիոփն Պոնտացի, որ ասաց թէ, Աստուած որ զամենայն արար՝ չէ բարերար, և ոչ Հայր բարերարին Քրիստոսի. այլ, այլ ոմն է արգար, և ստոյգ Քրիստոս մարմին ի մէնջ ոչ ան:

Նշովեցին և զՄարկեղոս, և զՓոտինոս, և զՍոփիոնիոս, որ զԲանն ազդումն ասեն, և զազդումն ընակեալ յայնմ որ ի զաւակէն Նաւթի եղև, և ոչ էութիւն ինչ անձնաւոր:

Նշովեցին և արտարս ընկեցին ի կաթուղիկէ առաքելական եկեղեցւոյ զՊաւղոս Սամուստացի և զտումարն Լեոնի և զժողովն Քաղկեդոնի, զի ասացին երկուս ընութիւնս և երկուս կերպարանս ի Քրիստոս Եիսուս, յետ միաւորութեան տնաւրէնութեանն ի սուրբ կուսէն, որ լինի յայտնապէս երկու անձինր:

Նշովեցին և զՍեբրոս, որ ասաց թէ մարմինն Քրիստոսի ապականացու էր մինչև յյարութիւնն, և յետ յարութեանն արար զնա անապական:

Նշովեցին և զՄոնտանոս որ զինք Հոգի սուրբ անուանէ, և կախարդութեամբ և պոռնկութեամբ վարի:

Նշովեցին և զՄակեդոնիսս՝ որք զՀայր և զՈրդի խոստովանին և զՀոգին սուրբ ուրանան:

Նշովեցին և զՄելքիսեդեկիդոսն, որ զՄեքիսեդեկ Աստուծով ասեն թէ նա է Որդին Աստուծոյ:

Նշովեցին և զԲայինոսս, որ զմարդկային ընութենէ ասեն, զրի որպէս մոմ մասանեալ, և շուրջ գան ողիբ փոփոխմամբք, և ցանկութեամբք ի միմանս իջանեն:

Նշովեցին և զՀերովդիանոսն, որ ասեն թէ Հերովդէս էր Քրիստոսն, և արդ նմա մնան:

Նշովեցին և զԱրքանգելիտան որ զՏրիշտակապետն Աստուած գոլ ասեն, թէ նա մարմնացաւ ի սուրբ կուսէն:

Նշովեցին և զՆաւատիանոս, որ զապաշխարութիւն ոչ ընդունին:

Նշովեցին զՎաղենտինոն, և զՄանի, և զՎոմբրինոս, և զԷդոգորոս Տարսոնացի, և զԷդոգորիտոս որ եպիսկոպոս էր ի Սիրոս քաղաքի, և զԱկակ, և զԲարծումա Անձիւհնացի, որ զընութիւն Որդւոյ յերկուս բաժանեն և աստուածութեամբն

անչարչարելի ասեն, զխաչն և զմահն մարդոյն միայն կապեն, և ոչ միաւորութեան տնաւրէնութեանն խոստովանին:

Ըստ նմին նշովմամբ, ես՝ և հաւատացեալ ինձ ժողովուրդս, և արտաքս ընկե՛նումք ի սրբոյ եկեղեցւոյ զամենայն հերձուածողս, զորս նշովեալ է սուրբ և աստուածահաճոյ հարցն իմոց և վարդապետացն: Քանզի գրեալ է թէ, Զգոյշ եղերուք ի չար մշակացն, և դիտեսիք պայնպիսիսն՝ որ այնպէսն գնայցեն արտաքոյ վարդապետութեանն՝ զոր դուքն ուսարուք, և խորշեցարուք ի նոցանէ, զի այնպիսիքն Տեառն մերոյ Յիսուսի Քրիստոսի ոչ ծառայեն: Եւ ամենայն հաւտիդ՝ յորում եդ զձեզ Հոգին սուրբ տեսուչս հովուել զժողովուրդ Տեառն: Արդ՝ ես զոհացայ զԱստուծոյ ի վերայ այսոցիկ որ ասացանս յիմ նուաստիմաստ դիտութենէս. և աղաչեսցուք զմարդասէրն Քրիստոս, տալ մեզ զգուշութիւն առ ի պահել զոր ինչ լուարս և ծանեաք՝ զուղիոյ հաւատս, զի և մեր և դուք ուրախ լիցուք, և հերձուածողն զամաւթ զգեցցին: Խնդրեսցուք ի Տեառնէ զի ընդ հաւատոցս և վարս արժանաւորս շնորհեսցէ մեզ, զի ի նորա փառս կեցցուք, և մի աստեալքս վրիպիցեմք յաւիտենական հանգստեանցն, զորս պատրաստեալ է ընդրելոց իւրոց, այլ բարեխաւսութեամբ սուրբ Աստուածածինն եղիցուք նմանոյք այնոցիկ որք հաւատովք և երկայնմտութեամբ ժառանգեցին զաւետիսն Աստուծոյ:

Նմա փառք ամենատեառն որ վասն մերոյ փրկութեան մարդացաւ և մարդակերպ շրջեցաւ, եկեր իբրև զմեզ և արբ, տանջեցաւ, չարչարեցաւ, խաչեցաւ, բեկեցաւ, սպանաւ, թաղեցաւ, կենդանացաւ, յարեաւ և վերացաւ, և նստաւ ընդ աջմէ Հաւր ծնաւղին իւրոյ: Եւ Հայր կենդանացոյց զամենսին որ ի նա հաւատացին, և հաղորդեցան աստուածեղէն փառացն, և նորոգեցան ի փառս անապականս: Եւ իշխանութիւն ետ որդիս Աստուծոյ լինել, և եցոյց նոցա Հայր շնորհաց զծնաւղն իւր, և հրաման ետ մեզ կոչել Հայր զԱստուած:

Արդ ճշմարիտ Արդւոյն Աստուծոյ եղբարբ անուանեալ, զորս առեալ Արդւոյ առ Հայր մատուցէ, եթէ՛ Ահաւասիկ ես և մանկունք իմ, զոր ետ ինձ Հայր: Եւ դարձեալ ասէ, Պատմեցի պանուն քո եղբարց իմոց, ի մէջ եկեղեցեաց աւրհնեցից սրբել: Արպէս վասն բարիք զաւանտութեանն Պետրոս՝ զՔրիստոսն Արդի Աստուծոյ ծանուցեալ, ըստ որում և զերանութեանն անուն ժառանգեաց. և թէ՛ Դու ես վէմ, և ի վերայ այդք

վիժի շինեցից զեկեղեցի իմ, և զրունք զժոռոց զնա մի՛ յաղթահարեսցեն: Ընդ նմին և տուան նմա փականք արքայութեան երկնից, կապել և արձակելն յերկինս և յերկրի: Որոյ եղբրուքն զուր որդիք և ժառանգաւոր նորին աթոռոյ, ուղիղ հաւատով և բարիք խոստովանութեամբ: Կամրիշոյ մետրապոլիտ, Պաւղոս Արուստայ եպիսկոպոս, Գարրիէլ Տաճկաց եպիսկոպոս, Յովնան Հերթայ եպիսկոպոս, Սիմոն Նինուէի եպիսկոպոս, Սաբախոյ Վոհոնի հորական եպիսկոպոս, Գարրիէլ Քարմայ եպիսկոպոս, Բենիամին Մնգրի եպիսկոպոս, Ստեփանոս Արզն եպիսկոպոս: Եւ այլ ըստ ըմբի եպիսկոպոսք, եպիսկոպոսակցաւք և սարկաւազաւք և ուխտիւ սրբոյ եկեղեցւոյ, որ խնդրեցէք ըզհաւատ Քրիստոսասէր Հայոց որք ի դրան արքունի հասեալ կայիր:

Ի խնդրոյ ձերմէ, հրամանաւ տերանց, ես Կուստաս Մամիկոնից եպիսկոպոս, որ յաջորդեցայ ի կաթողիկոսութիւն Հայոց Մեծաց, ետու զյետկարս զայս բոլորով սրտիւ և աներկրայելի հաւատով, առաջի նախարարաց Հայոց և այլազգաց ազգաց բրիտաննէից, որք ի դրան արքունի հասեալ կային: Մանաւանդ առաջի մեծի տանուտեստն Խոսրովշնում կոչեցելոյ, որոյ ձանաչիւր անուն Սմբատ՝ յազգէ Բագրատունեաց, շինեալ՝ ես և իմս հաւատացեալ հաւտ, ի վերայ հիման առաքելոց և մարգարէից. և սրբոյ Գրիգորի՝ կենդանի մարտիրոսին Քրիստոսի, և որք ըստ նմանէ սուրբ Հարքն: Որով և մեք ոչ խոտորեսցուք քան զասացեալ հաւատս զսուրբ և զաստուածաշունչ հարցն, ո՛չ յաջ, և ոչ յահեակ: ԶՃշմարիտ գովելին Աստուծոյ միայն վայել է ասել, և որոց յայտն է սուրբ հարանցս, մարդկան՝ այլազգ զողել բանիւք անբաւ լայնութեան ծովու յիմաստութենէ: Սակայն ի մեզ մին և եթ պահեսցի զգուշութեամբ, ուղիղ հաւատով և առաքինիասէր գործովք հասանել ի նաւահանգիստն խաղաղութեան երկնից արքայութեանն, անշարժ կալ ի հնազանդութեան Հաւրն հաւատոց, և կամարար մարմնականաց, և ձայնակցելով մեզ ուղիղ հաւատով, մի հաւտ լիցուք Քաջ Հովուին, և կամ որդիք ըստ աւետարանին բանի, զի յերեւել Ճշմարիտ Հովուապետին արժանի եղիցուք ընդունել զմեզ յաթեանս և առնուլ զանթառամ փառաց զպսակն: Միանական և սուրբ երրորդութեանն փա՛ռք յանարժան բերանոյս, ամէն:

Աւրինակ գրոցս՝ որ լեալ էր Տէր Գրիգորիսի Վկայասիրին՝ մինչև ցայս վայր էր. և նա պսպէս էր գրեալ. ԶՎ.աչ-րամ որդի Գրիգորոյ Մագիստրոսի, յիշեսցիք յաղաւթս ձեր, ո՛վ երջանիկ դասք ուղղափառաց խմբիցդ Ազբանագեան սեռի: ՇԻԷ. Թուական:

ԶՏեղապարս, և զանաբնեայ Գրոզ լուսաւոր սուրբ աստիս, զՏուհաս անարժան քահանայ, և զԺնաւան ի՛մ և զամենայն ազգաբոհն զկենդանիս և զհանգուցեալսն, յեշեցէ՛ ի սուրբ աղաւթս չէք, ո՛վ սուրբ ընկերացոյց:







ացեալ որումն զաղծին վնասակարի նևստորի անիծելոյ: օոյ զիր արարեալ Տէր Բարդէն, սահման կապելով, թէ եալ խորեացեն զձեզ ընդ դոցա, քանզի մեր Հայր Արքր և Աղուանք մի խոստովանութեամբ եմք հասարիտ հաւատով ի լաւ անդր, զոր աւանդեցին

Հարքն յերիս ժողովսն, ոչ ընդունիմք զայդպիսի սոս հայհոյութեան. այլ նշովեմք միարան զնմանիս նորա. և ևս մանաւանդ որք կցորդին զկնի պիղծ աղանդոյն նոցա. նըզովեալ եղիցին, և ի սուրբ եկեղեցւոյ արտաքս մերժեցցին:

[ Ի սկզբան թուականութեանս Հայոց, Աեցերորդ ժողով արար Տէր Ներսէս Ի Գունի. ի չորրորդ ամի կաթուղիկոսութեան իւրոյ, և ի ԻՎ. ամի թագաւորութեանն Խոսրովու արքային Պարսից. և ի ԺՎ ամի Յուստինանոսի կայսեր: Չայս ժողով արար Տէր Ներսէս, հակառակ ժողովոյն Քաղկեդոնի. վասըն զի էր ախտ պղտորման խոստովանութեան Քաղկեդոնի յաճախապէս յաւելեալ ևս բան զևս յոյժ յոյժ երկարնակ հաւատն, և սկզբնաւորեալ Տէր Ներսէս սահմանադրութիւնս վճիռ տալով, և եղեալ միաւորութիւն խոստովանութեան. ] Հաստատելով նախ և առաջին զծննդեանն և զմկրտութեանն միաւորելով յոյժ ստիպմամբ հաստատութեամբ անխլելի, և անորոշաբար կանօնաւ վասն երկուց ընութեանցն միաւորելով զմիութիւն ունելով սրբեցին դարձեալ զխաչեցարն յերիս սրբասացութիւնս, ընդդէմ բաժանման նոցա վասն Քրիստոսի միաւորեալ ընութեանցն, զի թէպէտ և տեսար զնա մարդացեալ, այլ Աստուած էր, թէպէտ և ի տկարութիւն կամաւորաբար խոնարհեցաւ, այլ Տղաւր էր. թէպէտ զմահ ճաշակեաց կամաւորաբար, այլ անմահ էր: Իսկ յետ ժամանակաց ինչ առ թագաւորութեամբն Հերակլի, որ թագաւորեաց Հռոմոց ամս ԱԵ. առ սովաւ առաւ աստուածաշէն քաղաքն Արուսարէմ, և սուրբ Խաչն զերեցաւ ի Պարսից թագաւորէն Սա ի Ժե, ամի թագաւորութեանն իւրոյ սպան զԽոսրով արքայն Պարսից, և դարձոց զսուրբ Խաչն. իսկ ապա զկնի Էժ. ամի արար ժողով ի Պարսոյ քաղաքի, յաճախադոյն իմաստասիրաւքն Յունաց. Ածէ և զբաղումն ի հայրապետացն Հայոց հաւանել երկարնակ խոստովանութեանն նոցա, և զեղր՝ Հայոց կաթուղիկոս հաստատեն, և զսուրբ ժողովն որ ի Գունի, նշովիւր չափ ի բաց մերժեն, և զմիաւորութիւն Ծննդեանն և զՄկրտութեանն՝ և

Թենէն զողորմութիւն Տայցեմբ: Քանզի առաքելական եկեղեցի այս բարբառով և ձևով միշտ պարծի, զի ի ժամ պատարագի գովարանութեանն զգրուակս ի դէմս Հաւր արարեալ երիցս սուրբն ասելով միով տէրութեամբ ընդ Հաւր և Հոգւոյն սրբոյ, զեկեալն և զգալոցն ի բարձունս արբայ փառաւորեալ գոչէ: Եւ աստ թէ խաչ ասեմք մի՛ զարմանար. քանզի նա ըզչարչարանս իւր փառս կոչէր:

Իսկ յետ այլ բանից, այսպէս գրեալ էր թէ, մեր զմարմնոյն մեռանել ձեզ գրովք ցուցանեմք. թէ՛ Մարդ Յիսուս Քրիստոս որ մեռան, մանաւանդ թէ յարուցեալ իսկ է. թէ՛ զՅիսուս Քրիստոս զխաչելեալն խնդրէք, և թէ՛ Խաչեցաւ ի մերմտկարութենէ, և թէ՛ Մարդ Յիսուս Քրիստոս. և այլ այսպիսիս, ուր ինքն Յիսուս Քրիստոս ըստ խոնարհութեան մերոյ ցուցեալ լինի: Արդ՝ նախ զայս հարցանեմք, մինչ այդպէս զՈրդի, երկուս ասել սիրէք, և զԵրրորդութիւնն չորրորդութիւն ի մտաց ստեղծանէք: Յիսուս Քրիստոս անունդ, ո՛ւր ըստ մեզ կիրս նշանակէ, զի ըստ տնտեսութեանն կամ սքանչելագործութեանն, առ նմին այլ յոր Որդի Աստուծոյ, կամ Բան Աստուած գտանէք, և թէ որպէս ի վերայ մարմնոյն լոկ որոշեցէք ասել զՅիսուս Քրիստոս միշտ, և կամ մի ուրեք կարիցէք ցուցանել սոսկ ի վերայ մարմնոյն: Իսկ թէ լսեցես՝ մարմինն Քրիստոս է. միթէ՛ աւտար իցէ այս ձայն յայնմանէ, որ ասէն թէ Բանն մարմին եղև, այլ բա՛ւ. ոչ զանազան բարբառ: Եթէ ոչ այնպէս կարծես, լուր զՔրիստոս զիսուս մարմնով ասեն զիրք Քրիստոսի չարչարելն մարմնով. արդ եթէ ըստ քոյ ասելոյդ Քրիստոս Յիսուս մարմնոյն ասիւր, նորին մարմնոյ այլ մարմին որպէս էր. արդե՛ւր մարմին ի մարմնի եղեալ. մի՛ որով չարչարէրն, և միւս մարմին Քրիստոսն որ ի ներքսն: Եւ այսպէս իմանալն ի պառաւանց առասպելս ձգեալ տանի. այլ մի այդպէս լիցի իմանալ զբարոպութիւն առաքելոցն, զի որ ի ձէնչ կամեցեալ բանաձգել ի վերայ մարմնոյն զՅիսուս Քրիստոս անունդ, նոյն ցուցաւ ի մեծութեանն ականատեսից՝ Որդի Աստուծոյ և Բան Աստուծոյ. Այնչափ ինչ զրեցաւ ասէ, զի հաւատայցէք թէ Յիսուս Քրիստոս է Որդի Աստուծոյ. և թէ՛ Որ փոխեացն զմեզ յարբայութիւն Որդւոյ սիրելոյ իւրոյ որով ունիմք զբաւութիւն արեամբ նորա, զթողութիւն մեզաց մարմնով նորա որ է պատկեր աներևութին Աստուծոյ. և թէ՛ Քրիստոս ի վերայ

ամենայնի Աստուած. և թէ՛ Որ էրն ի սկզբանէ զորմէ լուսքն, որում ահանատեսն իսկ եղեար, ընդ որ հայեցարն, և ձեռք մեր շաւշափեցին զԲանն կենաց: Թողից ասել զիսութիւն այսպէս բանից որ ի նոր կտակարանս, վասն խաւսիցս ըստմանալով:

Ապա հաւաստագոյնս տեղեկացիր, և թէ՛ Քրիստոս Յիսուս զԲանն Աստուած մարդկացեալ կուէն գիրք, որպէս և սուրբ ժողովն որ ի Նիկիա ասացին, թէ՛ Մնաւ կատարելապէս ի Մարիամայ հոգևով, ըստ այնմ, թէ՛ հոգի երեսաց մերոց Տէր Քրիստոս, և որովն հոգի և միտք և ամենայնն, այն մարդկայի՛նս: Եւ ծնեալն կոչեցաւ Յիսուս Քրիստոս: Եւ Պաւղոս ասէ, Ոչ զայլ ոք ի մտի եղի ձեզ զիտելլ լայց միայն զՅիսուս Քրիստոս. և զնոյն խաչեալ, ապա մի մեռեալ, և մի իմանալի ի ձէնչ, զի՛ առասպելաբանի:

Բայց ևս առաւելագոյն տարաւրէնութիւն մեկնութեամբս արարեալ ի ձէնչ իմանի. թէ՛ վասն երկուց և մի բնութեանն Քրիստոսի ի նախագրին աւրինակեցաւ. Հրամայեցաւ, ասէ, երկուս հաւս առնուլ և աման իւնցեղէն, և փայտ նոճի, և կարմիր զոպայ և զենուլ զմի հաւն յաման խեցեղէն, որ զուշակեցաւ ի ձէնչ, այն մարդոյն բնութիւն, և զմիւսն թացեալ յարիւն հաւուն սպանելոյ, դիցնն ի վերայ զփայտն և զայլսն. և արձակեցնն ի դաշտն, այն՝ զԱստուծոյ զբնութիւնն ասացէք: Եւ արդ այժմ քաջ միտ դիք ձերում մեկնութեանդ: Պաւղոս զրէ Երրայեցուոցն, յիշեցուցանելով նոցա զԽորանն և զնորին կաշ, և զժողովուրդն, և զարեանն սրսկումն ի վերայ նոցին, և ասէ, թէ՛ Ամենայնքն արեամբն սրբէին, զի վասն մարբելոյ արիւնն անկանէր զնորաւր: Ապա ուրեմն ըստ ձեր ասելոյդ, բնութիւն Աստուծոյն Բանի ի մարդոյն բնութեանէ սրբեցաւ, և նորա արեամբն թացեալ ի նմանէ պիտոյ եղև առնուլ զանապականութիւն և զհոգւոյն սրբոյ զմաքրութիւն. նմա՞ որ յէութեանն Հաւր էր: Եւ այսպիսի բանք ըւմ ոչ շարժիցնն արտասուս, զկարծիսդ տալ նմա որ զփրկութիւն ի մարդոյն հայցելլ նոյնպէս և վասն նոխալացն՝ թէ՛ որ զենաւն, մարդոյն բնութիւն էր, և կենդանոյն յորոյ ձեռս ի վերայ եղեալ և զանաւրէնութիւն և զմեզսն ի վերայն ասացեալ, և նորա յինքն առեալ, Բանին Աստուծոյ բնութիւնն էր: Ապա ուրեմն ըստ ձեզ աստուածութեանքն իւրով զմեզս մեր վերացոյց: Թէ ստեալ իզև Պաւղոս, որ ասաց,

Նա զմեզս մեր՝ մարմնով իւրով վերացոյց ի խաչափայտն, շրոյ զէութիւնն ի վշտաց վերագոյն կամիբ ասել քան զնոյն էութիւն, ընդմիզաբ և ընդ ամպարշտութեամբ անկեալ ասացէք, այլ բա՛ւ և մի լիցի այսօր զարհուրելիս իմանալ ի ղետականին զգրեալսն: Քանզի երկու հաւուրն ասելով նշանակեալ լինի Որդին Աստուծոյ մարդացեալ մահուամբն, որպէս վերագոյնն ասացաք. արեամբ նորա մեր թացեալ գտաք զփրկութիւն, և յայնժամ ի մեզ ստացաւ անապականութիւն՝ որ նոճի անփուտ փայտն. և զոպայն որ է Հոգւոյն սրբոյ ի մեզ մաքրութիւն, և կարմիրն զշնորհս զորդեպրութեանն Աստուծոյ, և կատարեցաւ բան մարդարէին, թէ Անդ եղիցի ուրախութիւն հաւուց, այսինքն մարդկանս: Սոյնպէս և նոխայն՝ յորոյ վերայ վիճակ Տեառն էր, զենաւ ըստ իմ, որպէս բազում անգամ ասացաք, և արձակման վիճակն անկաւ ի մեր վերայ, զի վիճակել մեզ ընդ ընտրեալսն մասն մեզոց թողութեանն, և առնու նոխայն զանաւրէնութիւն որդուցն Իսրայէլի, առաքելովքն առաջնորդաբ եկեղեցոյ, որչափ նոցայն շնորհեցաւ ընդ ոմանց համարս տալ և որոց կամին յետ մկրտութեանն թողուլ զմեզս: Իսկ անապատն եկեղեցի հեթանոսաց աւազանաւն ծաղկեալ. զոր Եսային ասէ. Տնծասցէ անապատ, և ծաղկեցէ որպէս շուշան անապատն Յորդանանու. Եւ այս ո՛չ թուեսցի բեզ առաքելական եկեղեցի յորում մկրտութիւն է: Բայց թէ ի վերայ Բանին Մարմնացելոյ կամի որ ասել, մի և զնոյն պարտի իմանալ զՏէրն նշանակեալ վիճակաւն զննանի զիմն, և մի և զնոյն յյարուցեալն որ բարձիչն եղև դժոխոցն խայթոցաւն և զընդ աջմէ Հաւր նստեալն: Ապա ուրեմն երկուս իմանալ զնա, ըստ երկուց նոխապցն. յանաստուածիցն դասու կացուցանել:

Բայց առաջիկայ բանս թուի մեզ իմանալ յաւանդութենէ առաքելոցն ի բաց փոխումն, զի նշանակեալս ասէ այսպէս, թէ Ջսուրբ Հոգին զմիայն հչաւրն, զթագաւորն թագաւորաց, և զՏէրն Տեառնց, որ միայն ունի զանմահութիւն բնակեալ ի լոյս անմատոյց, զոր ոչն որ ետես ի մարդկանէ, և ոչ տեսանել կարող է, ձեզ յայտնի լիցի, և մեր առանց չարչարանաց և մահու ասեմք: Արդ՝ զսուրբ Հոգին, և զՀայր զԱստուած ոչ մարմնացեալ ասել քրիստոնէից, յայտնի է ամենեցուն՝ որպէս ցուցաբն և թէ ասէ որ, նշովեալ է: Բայց ձեզ զայդ ասել՝ զի զԱստուածուն ծըն Բան է, առանց չարչարանաց և մահու զնա ցուցանել զե-

կուցանէ արդ, որպէս ասէքդ, թէ ոչ երևեցաւ և ոչ չարչարեցաւ և ոչ մեռաւ: Է գի և ոչ մարդոյն, զոր ասէքն ի կուսէ ծնելոյ, Աստուածն բան ի յառելլութիւն ինչ եղև, քանպի որպէս այն ո՛չ և այս ոչ, ապա զսուրբն զայն զկոյս Աստուածածին զի՛ ասէք, զի նորա՝ ուրեմն սոսկ մարդ լինի ծնեալ: Երեւի չարչարելի և մահկանացու, և Հրէիցն բարբառոյ առ ի ստուգել, թէ դու մարդ ես, և պանձն քո Աստուած առնես: Այլ և ուրեմն ի մահ մարդոյ մկրտիք, քանպի ի նորա մահն մկրտիմք: և զմարդ պաշտեն երկնաւորք և երկրաւորք և սանդարամետականք, ի ծուներ կրկնելն Յիսուսի Քրիստոսի: Ստեցին ուրեմն առաքեալքն զնա զոյ ասելով Որդի Աստուծոյ, և մանաւանդ ի ձեր ասելոյդ, և Փիլիպպոս վրիպեցոյց զներքինին Եսայեաւ, թէ Իբրև զոչխար ի սպանդ վարեցաւ, որոյ զազատո՛ճ նորա ոչ որ կարէ պատմել. և նա զհաւատալն բարբառէր թէ Յիսուս Քրիստոս է Որդի Աստուծոյ և ինքն զնոյն այլոց բարոյէ: Բայց ոչ ստեցին մարգարէքն և առաքեալքն, այլ այնք որ ի ճշմարտութենէն թիւրեալ են: Քանպի Որդին Աստուծոյ մարդացեալն ասէ, թէ՛ Գտայ այնոցիկ որ զիսն ոչ ինչքէն. յայտնի եղէ . . .

Թուղթք երկուք անկեայ զԵղևորինակին, պակասին աստէն աւարտն թղթոյն Աբրահամու առ Աբուհան, և սկիզբն թղթոյն կոմիտասայ ի Միջագետս:



## ՏԵԼՈՒՆ ԿՈՄԻՏԵԱՍՈՒ ՀԱՅՈՑ ԿԵԹՈՒՂԻԿՈՍԻՒ ՎԱՍՆ ՀԱՒԱՏՈՑ

..... անչրդիս, ծառս պտղակորոյսս կըրկ-  
նամուս, նիւթս կիլման հրոյն յաւիտենականի, որք վառեն ան-  
ձանց զհոլըր զեհնին, սնուցանեն զորդնն անմահ: Արդ՝ ոչ ևս  
յամել ի նախերգութեանս, այլ պատրաստարար և խոհականա-  
ղոյնս յԱստուածայինսն վերաձգել զմիտսս:

Ես և հաւատացեալ ինձ հաւտս, այսպէս հաւատամք և  
խոստովանիմք, որպէս և հանգիտապատիւ սուրբն Գրիգորիոս  
հայրապետ սրբոյ եկեղեցւոյ Հայաստան աշխարհիս ուսոյց մեզ:  
Հաւատամք ի մի Աստուած ի Հայրն ամենակալ և ի Տէր, ա-  
րարիչ երկնի և երկրի, երեւելաց և աներեւելաց: Եւ ի Միա-  
ծին Արդին Աստուծոյ որ ի Հաւրէ և առ Հաւր և ընդ Հաւր:  
Եւ ի սուրբ Հոգին՝ որ ի նորին յէութեանէ, և նովաւ արար  
զամենայն, որ է մի տէրութիւն, մի զարութիւն, մի աստուա-  
ծութիւն: Հայր յանձնէ, Արդի ի Հաւրէ, Հոգին ի նոցունց ի  
նոսին իսկութեամբն, էութեամբն, աստուածութեամբն, երեք  
անձինք, մի կատարեալ կամք, հարթ հաւասար, հասարակ ի  
բարձրութիւնս, ի խորութիւնս, ի լայնութիւնս, ի յերկայնու-  
թիւնս: Մի բնութիւն աստուածութեանն, մի պահ՝ Երրորդու-  
թեանն, և լի են երկինք և երկիր փառաւր նորա: Եյսպէս հա-  
ւատամք և խոստովանիմք, և երկրպագեմք սրբոյ Երրորդու-  
թեանն ի Միութիւն անդր, Եղնպէս և սրբոյ Միաբոութեանն  
յԵրրորդութիւն անդր, անարարք, անխոռնք, անսկզբունք, հա-  
մագոյականք, զի որպէս անխոռնէ՛ է սուրբ Երրորդութիւնն,  
նշնպէս և անբաժանելի անխոռնելի յազգս իւրարանչիւր  
յատուկ առանձնաբոութեանցն: Իսկ անբաժանելի, վասն զի  
ամենակալ է Հայր, ամենակալ Արդի, ամենակալ սուրբ Հոգի:  
մի բնութիւն աստուածութեանն, մի իշխանութիւն, մի զաւ-  
րութիւն մի պետութիւն: Եւ ի վերջին ժամանակս Միածին

Որդին Աստուծոյ կամաւք Հաւր և Իւր և սրբոյ Հոգւոյն, վասն մեր և վասն մերոյ փրկութեան խոնարհեցոյց զերկինս և էջ յարգանդ կուսին, և էառ մարմին ի Մարիամայ սրբոյ կուսէն Աստուածածնէն, և միացոյց ցանմեռն ընդ մեռտոն. և զապականացուն և զմահականացուն ընդ անմահ աստուածութեան իւրոյ, խառնեաց և միացոյց, և արար անապական, զի առանց ամենայն հակառակութեան, նուազն ի լաւէն աւրհնեցի. Աստուածավայելչարար ծնաւ ի սրբոյ կուսէն, որոյ հետք կուսութեանն ոչ ապականեցաւ, և ի խանձարուրս պատեցաւ կաթնասուն յեալ. և յետ երկոտասան ամի եկն ի տաճարն, զի յայտնի արասցէ զիւր աստուածութիւնն: Ի վերայ երկրի երկւեցաւ և ընդ մարդկան շրջեցաւ միաւորութեամբ տնաւրէնութեան, քաղցեաւ և ծարաւեցաւ, ոչ սոսկ մարդկային բնութեամբ, այլ միաւորութեամբ տնաւրէնութեան աստուածավայելչարար: Եւ յետ երեսուն ամի եկն ի մկրտութիւն, մկրտեցաւ ի Յովաննէ Յորդանիս, վկայեցաւ ի Հաւրէ՝ Գո՛ւ է որդի իմ սիրելի, պահեալ զքառասուն տիւ և զքառասուն դիշեր՝ յետ այսորիկ փորձեցաւ. ի սատանայէ, Բանն մարմնացեալ քաղցեաւ և ծարաւեցաւ: Բանն մարմնացեալ զկոյրս լուսաւորեաց, և զգիշերն ի տիւ փոխարկեաց, զչորեքաւրեայն զսիրելին ձայնին զուզընթաց արար: Բանն մարմնացեալ ապտակեցաւ, չարարեցաւ, ոչ սոսկ մարդոյն ասեմ՝ զչարչարանսն, զխաչն և զմահն, և ոչ զնշանագործութիւնսն միայնում Բանին Աստուծոյ, այլ միաւորութեամբ տնաւրէնութեանն. քանզի Բանին Աստուծոյ մարմնացելոյ են ամենայն բարձրագոյնքն և խոնարհագոյնքն: Եւ այսպէս կամաւք եկն ի խաչն, մեռաւ, և թաղեցաւ, և յերրորդ յառուր յարեաւ ըստ գրոց, զի տիրեսցէ կենդանեաց և մեռելոց: Եւ յետ քառասուն տուրնջեան և քառասուն գիշերոյ համբարձաւ յերկինս, որպէս տեսին առաքեալքն, և նստաւ ընդ աջմէ Հաւր, որպէս ետես սուրբն Ստեփանոս, ի վկայելն իւրում ասէ. Տեսանեմ զերկինս բացեալ և զՅիսուս զի կայ ընդ աջմէ Աստուծոյ: Եւ գալոց է նովին մարմնով և փառաւք դատել զկենդանիս և զմեռեալս, որոյ թագաւորութեանն ոչ գոյ վախճան:

Եւ յետ այսորիկ, որպէս նազիանզունն Գրիգոր Աստուածաբանն ասէ. Մի է Աստուած Հայր կենդանի բանին էական իմաստութեան և զաւրութեան կերպարանին իւրոյ, կատարեալ



կատարելոյ ծնաւդ. Հայր Որդոյ Միածնի, մի Տէր միայն՝ միայնոյ, Աստուած յԱստուծոյ, կերպարան և պատկեր աստուածութեանն: Բանն գործաւոր իմաստութիւն պարտական ամենեցուն ընդ լինելութեամբ անկելոցս, զաւրութիւն և բոլոր էիցս արարաւը, Որդի Ճշմարիտ անտեսանելոյն, անապական՝ անապականին, անմահ՝ անմահին, մշտնջենաւոր՝ մշտնջենաւորին: Մի սուրբ Հոգի Աստուծոյ զէութիւնն ունելով, և Որդւով երեւեալ յայտնապէս մարդկան, պատկեր Որդւոյ կատարեալ ի կատարելոյ, պատճառ կենդանեաց, սրբութիւն՝ սրբութեանց շնորհաւ, որով ծանուցանի Հայր՝ որ ի վերայ ամենեցուն և յամենեանին, և Որդի Աստուած՝ որով ամենայնք, Երրորդութիւն կատարեալ փառաւք և մշտնջենաւորութեամբ և թագաւորութեամբ, անբաժանելի և անաւտարելի, ոչ ստեղծական ինչ և ոչ ծառայական յԵրրորդութեանն, և կամ ի ներքս ածական, որպէս թէ յառաջագոյն ոչ եղելոյ զկնի ի ներքս ածաւ և ոչ երբէք նուազեաց Որդի ի Հաւրէ, և ոչ յՈրդոյ Հոգի, այլ անփոփոխելի և անայլայլելի է միշտ Երրորդութիւնն: Եւ մեր երկրպագեմք Հաւր և Որդւոյ և սուրբ Հոգւոյ: Աստուած զՀայր, Աստուած զՈրդի, Աստուած զսուրբ Հոգի. մի բնութիւն երից առանձնաւորութեանցն իմանալեաց, կատարելոց ըստ ինքեանց էութիւնս, բաժանելոց թուով, ոչ բաժանելոց Աստուածութեամբն:

Ընդունիմ և զերկոտասան զլուխն երանելոյն Վիւրդի որ ընդդէմ Նեստորի ասացեալ է այսպէս: Թէ որ ոչ հաւատայ թէ Բանն Աստուած չարչարեցաւ մարմնով, խաչեցաւ մարմնով, ճաշակեաց զմահ մարմնով, և եղև անդրանիկ ի մեռելոց, քանզի միշտ կենդանի է, և կենդանացուցանէ զամենեսեան որպէս զԱստուած՝ եղիցի նյովեալ: Եւ յետ այսորիկ որպէս Աստուածաբանն Գրիգորիոս, և Գրիգոր Նէոկեսարիայ, և Բարսիլիոս Աեսարու եպիսկոպոս, և Աթանասիոս և Վիւրթղղոս հայրապետ աղբքսանդրի:

Եւ սուրբն Գրիգորիոս Պարթև հայրապետ Հայոց Մեծաց, ուսումնասիրութեամբ և զիտութեամբ սոցա ճանաչելով զհին և զնոր կտակարանս, այսչափ հասու եղեալ մի բնութեան աստուածութեանն երից առանձնաւորութեանցն: Ըստ որում ես և հաւատացեալ ինձ հաւատս այսպէս խոստովանիմք աներկրայելի հաւատովք և զարդարիմք Երիւք ժողովովք այսորիւք ի պա-

տիւ ամենասուրբ Երրորդութեանն. սահմանաւ զոր եղեալ է ՅԺ և Ը աստուածաշունչ սուրբ Հարցն որ ի Նիկիա, որոց զլուր սուրբ Արիստակէս Հայրապետ Հայոց Մեծաց, Եւ ասացին այսպէս վասն Բանին մարմնացելոյ. թէ Աստուած է ի յԱստուծոյ, լոյս ի լուսոյ, Աստուած ճշմարիտ յԱստուծոյ ճշմարտէ, ծնեալ և ոչ արարեալ. իջեալ ի յերկնից, մարմնացեալ մարդացեալ ի սուրբ կուսէն Մարիամայ, չարչարեալ, այսինքն խաչեալ, թաղեալ, և յերիւր աւուր յարուցեալ, համբարձեալ յերկինս, և գայ դատել զկենդանիս և զմեռեալս, որոյ թագաւորութեանն ոչ է վախճան, Նոյնպէս և զամենայն աղանդս նշովեցին և արտաքս ընկեցին ի կաթողիկէ առաքելական եկեղեցոյ:

Նախ առաջին զԱրիոս՝ որ զՌոզի արարած կոչէ, և ոչ զԲանն մարմնացեալ ի սրբոյ կուսէն, այլ ասէ, նա է անդրանիկ ամենայն արարածոց, և նովաւ արար զամենայն:

Ըստ նմին և Ճ. և Ծ քն որ ի Կոստանդնուպաւլիս ժողովեցան, որք մարտնչէին ընդ Հոգին սուրբ, նշովեցին և ի ըսպ ընկեցին:

Նոյնպէս և երկերիւրքն որ յԵփեսոս ժողովեցան, և զամպարիշտն Նեստոր նշովեցին և արտաքս ընկեցին ի կաթողիկէ առաքելական եկեղեցոյ, որ անդուռն բերանով ասէ, ոչ է պարտ և արժան զՄարիամ սուրբ կոյս Աստուածածին խոստովանել՝ այլ մարդածին, և զխաչելեալն Քրիստոս՝ ոչ Աստուած, այլ տաճար եղեալ Աստուծոյ Բանին, և զԲանն ոչ խոստովանեալ մարմին եղեալ ըստ աւետարանին աւանդութեանցն, այլ ի մարմնի բնակեալ, այսինքն ի Քրիստոսին ի Մարիամայ ծնիցելոյ մարդոյն, զուզուպատուս զնա կամեցեալ ցաւցանել, կամ նուազ ինչ, մեծագոյն միում ի սրբոց և ի հոգէկիր արանց, և ըսպում և այլ Հայհոյութիւնս խաւսեցաւ զի յորժամ զսորա աղանդակցաց բանս ի մէջ բերիցուք, պատմեսցուք զրովանդակն:

Նշովեցին և զԵւտիբոս, որ էր վանական ի Կուկի կղզի, որ զմարմինն Տէրունական առ աչաւք խոստովանի, և ոչ ի մարդկային բնութենէս, այլ ինքն իսկ մարդ կերպացաւ, ասէ, յարգանդի կուսին և ծնաւ ոչինչ առնլով ի բնութենէ կուսին:

Նշովեցին և զՍարէլիոս Լիւբացի՝ որ զսուրբ Երրորդութիւնն մի դէմ խոստովանի, և ոչ երիս անձինս կատարեալս:

Նշովեցին զԱպողինարիս Լաւողիկեցի, որ մասն ինչ ա-

ոեալ, ասէ, Քրիստոսի՝ պսխնըն մարմին միայն, և ոչ բովանդակ մարդ եղեալ, Աստուածորդին էր, ասէ, Հոգևորութեամբ Հոգիացեալ, և պէտք ինչ ոչ էին նմա մարդկեղէն Հոգւոյ:

Նշովեցին և զՄարկիոֆն Պոնտացի, որ ասաց թէ, Աստուած որ զամենայն արար՝ չէ բարերար, և ոչ Հայր բարերարին Քրիստոսի. այլ, այլ ոմն է արգար, և ստոյգ Քրիստոս մարմին ի մէնջ ոչ առ:

Նշովեցին և զՄարկեղղոս, և զՓոտինոս, և զՍտիոնիոս, որ զԲանն աղղումն ասեն, և զաղղումն ընակեալ յայնմ որ ի զաւակէն Նաթթի եղև, և ոչ էութիւն ինչ անձնաւոր:

Նշովեցին և արտաքս ընկեցին ի կաթուղիկէ առաքելական եկեղեցոյ զՊաւղոս Սամուստայի և զտումարն Լեոնի և զժողովն Քաղկեդոնի, զի ասացին երկուս ընութիւնս և երկուս կերպարանս ի Քրիստոս Եիսուս, յետ միաւորութեան տնաւրէնութեանն ի սուրբ կուսէն, որ լինի յայտնապէս երկու անձինր:

Նշովեցին և զՍեբրոս, որ ասաց թէ մարմինն Քրիստոսի ապականացու էր մինչև ցյարութիւնն, և յետ յարութեանն արար զնա անապական:

Նշովեցին և զՄոնտանոս որ զինք Հոգի սուրբ անուանէ, և կախարդութեամբ և պոռնկութեամբ վարի:

Նշովեցին և զՄակեդոնիսս՝ որք զՀայր և զՈրդի խոստովանին և զճողին սուրբ ուրանան:

Նշովեցին և զՄելքիսեդեկիդան, որ զՄելքիսեդեկ Աստուծով ասեն թէ նա է Որդին Աստուծոյ:

Նշովեցին և զԲայինոսս, որ զմարդկային ընութենէ ասեն, զրի որպէս մոմ մասանեաւ, և շուրջ զան ողիւր փոփոխմամբք, և ցանկութեամբք ի միմեանս իջանեն:

Նշովեցին և զՀերովդիանոսն, որ ասեն թէ Հերովդէս էր Քրիստոսն, և արդ նմա մեան:

Նշովեցին և զԱրքանդեղիտոսն որ զՏրեշտակապետն Աստուած զոլ ասեն, թէ նա մարմնացաւ ի սուրբ կուսէն:

Նշովեցին և զՆաւատիանոսս, որ զապաշխարութիւն ոչ ընդունին:

Նշովեցին զՎաղենտինոն, և զՄանի, և զՊումրիոնոս, և զԷդոգորոս Տարսոնացի, և զԷդոգորիտոս որ եպիսկոպոս էր ի Սիւրոս քաղաքի, և զԱկակ, և զԲարծուիմ Անծիւհնացի, որ զընութիւն Որդւոյ յերկուս բաժանեն և աստուածութեամբն

անչարչարելի ասեն, զխաչն և զմահն մարդոյն միայն կապեն, և ոչ միաւորութեան տնաւրէնութեանն խոստովանին:

Ըստ նմին նյովեմք, ես՝ և հաւատացեալ ինձ ժողովուրդս, և արտաքս ընկե՛նումք ի սրբոյ եկեղեցւոյ զամենայն հերձուածողս, զորս նյովեալ է սուրբ և աստուածահաճոյ հարցն իմոց և վարդապետացն: Քանզի գրեալ է թէ, Զգոյշ եղերուք ի չար մշակացն, և դիտեսլիք զայնպիսին՝ որ այնպէսն գնայցեն արտաքոյ վարդապետութեանն՝ զոր դուքն ուսարուք, և խորշեցարուք ի նոցանէ, զի այնպիսիքն Տեառն մերոյ Յիսուսի Քրիստոսի ոչ ծառայեն: Եւ ամենայն հաւտիդ՝ յորում եդ զձեզ չողին սուրբ տեսուչս հովուելի զժողովուրդ Տեառն: Արդ՝ ես գոհացայ զԱստուծոյ ի վերայ այսոցիկ որ ասացանս յիմ նուաստիմաստ դիտութենէս. և ազաչեսցուք զմարդասէրն Քրիստոս, տալ մեզ զգուշութիւն առ ի պահել զոր ինչ լուարս և ծանեար՝ զուղիղ հաւատս, զի և մեր և դուք ուրախ լիցուք, և հերձուածողն զամաւթ զգեցցին: Խնդրեսցուք ի Տեառնէ զի ընդ հաւատոցս և վարս արժանաւորս շնորհեսցէ մեզ, զի ի նորա փառս կեցցուք, և մի աստեալս վրիպիցեմք յաւիտենական հանգստեանցն, զորս պատրաստեալ է ընդրելոց իւրոց, այլ բարեխաւսութեամբ սուրբ Աստուածածնին եղիցուք նմանոյք այնոցիկ որք հաւատովք և երկայնատուութեամբ ժառանգեցին զաւետիսն Աստուծոյ:

Նմա փառք ամենատեառն որ վասն մերոյ փրկութեան մարդացաւ և մարդակերպ շրջեցաւ, եկեր իբրև զմեզ և արբ, տանջեցաւ, չարչարեցաւ, խաչեցաւ, րևեոեցաւ, սպանաւ, թաղեցաւ, կենդանացաւ, յարեաւ և վերացաւ, և նստաւ ընդ աջմէ շաւր ծնաւղին իւրոյ: Եւ Հայր կենդանացոյց զամենեսին որ ի նա հաւատացին, և հաղորդեցան աստուածեղէն փառացն, և նորոգեցան ի փառս անպականս: Եւ իշխանութիւն ետ որդիս Աստուծոյ լինելի, և եցոյց նոցա Հայր շնորհաց զծնաւղն իւր, և հրաման ետ մեզ կուէլ Հայր զԱստուած:

Արդ ճշմարիտ Որդւոյն Աստուծոյ եղրարբ անուանեալ, զորս առեալ Որդւոյ առ Հայր մատուցէ, եթէ՛ Ահաւասիկ ես և մանկունք իմ, զոր ետ ինձ Հայր: Եւ դարձեալ ասէ, Պատմեցի զանուն քո եղրարբ իմոց, ի մէջ եկեղեցեաց աւրհնեցից զքեզ: Որպէս վասն բարիք դաւանութեանն Պետրոս՝ զՔրիստոսն Որդի Աստուծոյ ծանուցեալ, ըստ որում և զերանութեանըն անուն ժառանգեաց. և թէ՛ Դու ես վէմ, և ի վերայ այդր

վիմի շինեցից զեկեղեցի իմ, և զրունք զժողոց զնա մի յաղթահարեացն: Ընդ նմին և տուան նմա փականք արքայութեան երկնից, կապել և արձակելն յերկինս և յերկրի: Արոյ եղբորսն դուք որդիք և ժառանգաւոր նորին աթոռոյ, ուղիղ հաւատով և բարիք խոստովանութեամբ: Կամրիշոյ մետրապոլիտ, Պաւղոս Արուստայ եպիսկոպոս, Գաբրիէլ Տաճկաց եպիսկոպոս, Յովնան Հերթայ եպիսկոպոս, Սիմոն Նինուէի եպիսկոպոս, Սաբախոյ Առհնի հորական եպիսկոպոս, Գաբրիէլ Քարմայ եպիսկոպոս, Բենիամին Մնգրի եպիսկոպոս, Ստեփանոս Արզն եպիսկոպոս: Եւ այլ բազում եպիսկոպոսք, եպիսկոպոսակցաւք և սարկաւագաւք և ուխտիւ սրբոյ եկեղեցւոյ, որ խնդրեցէք ըզհաւատ Քրիստոսասէր Հայոց որք ի դրան արքունի հասեալ կայիք:

Ի խնդրոյ ձերմէ, հրամանաւ տերանց, ես Կուստաս Մամիկոնից եպիսկոպոս, որ յաջորդեցայ ի կաթողիկոսութիւն Հայոց Մեծաց, ետու զյետկարս զայս ըտլորով սրտիւ և աներկրայելի հաւատով, առաջի նախարարաց Հայոց և այլազաց ազգաց բրիտոնէից, որք ի դրան արքունի հասեալ կային: Մանաւանդ առաջի մեծի տանուտեառն Խոսրովշնում կոչեցելոյ, որոյ ճանաչուր անուն Սմբատ՝ յազգէ Բագրատունեաց, շինեալ էս և իմ հաւատացեալ հաւտ, ի վերայ հիման առաքելոց և մարգարէից. և սրոյ Գրիգորի՝ կենդանի մարտիրոսին Քրիստոսի, և որք ըստ նմանէ սուրբ Հարքն: Արով և մեք ոչ խոտորեցուք բան զասացեալ հաւատս զսուրբ և զաստուածաշունչ հարցն, ո՛չ յաջ, և ոչ յահակ: ԶՃմարիտ գովելին Աստուծոյ միայն վայել է ասել, և որոց յայտն է սուրբ հարանցս, մարդկան՝ այլազգ զողել բանիւք անբաւ լայնութեան ծովու յիմաստութենէ: Սակայն ի մեզ մին և եթ պահեսցի զգուշութեամբ, ուղիղ հաւատով և առաքինիասէր գործովք հասանել ի նաւահանգիստն խաղաղութեան երկնից արքայութեանն, անշարժ կալ ի հնապանդութեան Հաւրն հաւատոց, և կամարար մարմնականաց, և ձայնակցելով մեզ ուղիղ հաւատով, մի հաւտ լիցուք Քաջ Հովուին, և կամ որդիք ըստ աւետարանին բանի, զի յերեւել Ճմարիտ Հովուապետին արժանի եղիցուք ընդունել զմեզ յաթեանս և առնուլ զանթառամ փառաց զպատկն: Միասնական և սուրբ երրորդութեանն փառք յանարժան ընդունոյս, ամէն:

Աւրինակ գրոցս՝ որ լեալ էր Տէր Գրիգորիսի Վկայասիրին՝ մինչև ցայս վայր էր. և նա պսպէս էր գրեալ. ԶՎ.աՅ. րամ որդի Գրիգորոյ Մագիստրոսի, յիշեսցէք յաղաւթս ձեր, ո՛վ երջանիկ դասք ուղղափառաց խմբիցդ Ազբանազեան սեռի. Շ.Ի.Է. Թուական.

ԶԵՂադարս, և զանարհեստ Գրոզ լոստար սուրբ աստիս, զԹուանս անարժան Գահանայ, և զԺնազան ի՛նչ և զանէնայն ողբարտհան զինդանիս և զհանգուցեալսն, յիշեցէ՛ք ի սուրբ աղբալս յէք, ո՛վ սուրբ ընթերցողք:



## ՅՈՎՀԱՆՆՈՒ ԻՄԱՏԱՍԻՐԻ ՀԱՅՈՑ ԿԱԹՈՒՂՈՍ ԿՈՍԻ ՍԱԿՍ ԺՈՂՈՎՈՑ ՈՐ ԵՂԵՆ Ի ՀԱՅՔ

**Ա**ռաջին ժողով արար երանելի Հայրապետն մեր սուրբն Գրիգոր, ի քսաներորդ ամի կաթուղիկոսութեանն իւրում, և յերեսուն և եւթն ամի թագաւորութեանն Տրդատայ. ի թագաւորարնակ քաղաքն յարքայութեանն Հայոց, յորժամ եկն Ռեստակէս ի Նիկիայ սուրբ ժողովոյն, ընդ ինքեան յղիւր կանոնաց թուեալ միահամար կարգաւ տունս ԾԱ, յորս նայեցեալ սուրբն Գրիգորի սուղ ինչ յաւելումն արարեալ յեղեալ կանոնսն սուրբ Հայրապետացն՝ որք ի Նիկիայն ժամանեալ ժողով:

Երկրորդ ժողով արար սուրբն Ներսէս, յորժամ դարձաւ ի Կոստանդնուպաւսի ժողովոյն ԾԾ. սուրբ Հարցն որք անդ գումարեցան ի կործանումն Մակեդոնի:

Երրորդ ժողով՝ արար սուրբն Սահակ և երանելին Մեսրոպ յԱշտիշատ, յորժամ հասին թուղթքն ի Կիւրղէ և ի Պրոկղէ որ յԵփեսոս երկու հարիւրքն հաւանեալ եղեն, յորժամ զՓառք ի բարձունսն կարգեցին, յաճախելով ի բանս հովուացն, պարսպելով ընդդէմ Նեստորի անիծելոյ:

Չորրորդ ժողով արար Յովսեփ աշակերտ Մաշդոցի և սրբոյն Սահակայ նորին տեղապահի ի Հահապուվանի ի Զ ամի իշխանութեանն Յակեբրտի, վասն կարգաւորութեան եկեղեցւոյ, ուր ժողովեցան եպիսկոպոսք Խ. և երիցունք բազումք և կանոնս յաւրինեցին սահմանեալ կարգաւ բանս քսան:

Հինգերորդ ժողով՝ արար Բաբգէն ի Քաղաքուգաշտի, ի յԵթ.երորդ ամի թագաւորութեանն Կաւատայ արքայի, յաղագս չար հերձուածոյն Ակակայ և Բարսումայի, որք պեղծ աղանդաւն վարժեալ անիծեալ ախաիւն Նեստորի, ջանային շիջուցանել զուղղափառ հաւատս կողմանց արեւելից, և տնկել

զժանդացեալ որոմն զաղձին փնասակարի Նեստորի անիծելոյ, Վասն որոյ զիր արարեալ Տէր Բարդէն, սահման կապելով, թէ ի՛նչ պատրեալ խարնսցեն զձեզ ընդ զոցա, քանզի մեր Հայր և Հոռոմբ, Վիրբ և Աղուանք մի խոստովանութեամբ եմք հաստատեալ ճշմարիտ հաւատով ի լաւ անդր, զոր աւանդեցին մեզ սուրբ Հարքն յերիս ժողովսն, ոչ ընդունիմք զպաշտիսի բանս հայհոյութեան. այլ նշովեմք միաբան զնմանիս նորա. և ևս մանաւանդ որք կցորդին զկնի պիղծ աղանդոյն նոցա. նըզովեալ եղիցին, և ի սուրբ եկեղեցւոյ արտաքս մերժեսցալն:

Ի սկզբան թուականութեանս Հայոց, Վեցերորդ ժողով արար Տէր Ներսէս Ի Դունի. ի չորրորդ ամի կաթուղիկոսութեան իւրոյ, և ի Ի՛Կ. ամի թագաւորութեանն Խոսրովու արքային Պարսից. և ի Ժ՛Ի ամի Յուստինանոսի կայսեր: Ձայս ժողով արար Տէր Ներսէս, հակառակ ժողովոյն Քաղկեդոնի. վասըն զի էր ախտ պղտորման խոստովանութեան Քաղկեդոնի յաճախապէս յաւելեալ ևս բան զևս յոյժ յոյժ երկաբնակ հաւատն, և սկզբնաւորեալ Տէր Ներսէս սահմանադրութիւնս վճիռ տալով, և եղեալ միաւորութիւն խոստովանութեան. հաստատելով նախ և առաջին զծննդեանն և զմկրտութեանն միաւորելով յոյժ ստիպմամբ հաստատութեամբ անխելիի, և անորոշաբար կանոնաւ վասն երկուց ընութեանցն միաւորելով զմիութիւն ունելով սրբեցին դարձեալ զխաչեցարն յերիս սրբասացութիւնս, ընդդէմ բաժանման նոցա վասն Քրիստոսի միաւորեալ ընութեանցն, զի թէպէտ և տեսաք զնա մարդացեալ, այլ Աստուած էր, թէպէտ և ի տկարութիւն կամաւորաբար խոնարհեցաւ, այլ Տղաւր էր. թէպէտ զմահ ճաշակեաց կամաւորաբար, այլ անմահ էր: Իսկ յետ ժամանակաց ինչառ թագաւորութեամբն Հերակլի, որ թագաւորեաց Հոռոմոց ամս ԱՆ. առ սովաւ առաւ աստուածաշէն քաղաքն Երուսաղէմ, և սուրբ Խաչն զերեցաւ ի Պարսից թագաւորէն: Սա ի Ժ՛Ե, ամի թագաւորութեանն իւրոյ սպան զԽոսրով արքայն Պարսից, և դարձոյ զսուրբ Խաչն. իսկ ապա զկնի ԲԺ. ամի արա, ժողով ի Վարնոյ քաղաքի, յաճախողոյն իմաստասիրաւքն Յունայ. Ածէ և զբազումս ի հայրապետացն Հայոց հաւանել երկարնակ խոստովանութեանն նոցա, և զԵ՛Ղ՝ Հայոց կաթուղիկոս հաստատեն, և զսուրբ ժողովն որ ի Դունի, նշովիւք չափ ի բաց մերժեն, և զմիաւորութիւն Ծննդեանն և զՄկրտութեանն՝ և



վխաչեցարն յերիս սրբասացութեանցն ի բաց մերժեցին. և հաւանեալ լինէր Եզր կաթուղիկոս, վասն նորընկալ իշխանութեանն իւրոյ, և ժառանգելոյ զաթոռ հայրապետութեանն մինչև ցեղիայ, որ եկաց ամս ԺԿ. Սոբա հնազանդեալք խոստովանութեանն Քաղկեդոնի անիծելոյ և ոչ ընկալան զսուրբ ժողովն Դունի, զաւանդեալն ի Տէր Ներսէսէ և ի Պետրոսէ Քերդողէ Սիւնեաց եպիսկոպոսէ, որ զմիաւորութիւն ճառեալ աւանդեցին Հայաստանեայցս ամենեցուն. զոր ընկալան Հայրապետն որ զկնի յառաջ բան զսոսա յայորդեալ էին յաթոռ հայրապետութեան սրբոյն Գրիգորի, որ են այստքիկ. Առաջինն Տէր Ներսէս՝ ամս Թ. առ որով ժողովն Դունի եղև. և Տէր Յովհաննէս ամս ԺԵ. և Տէր Սովսէս՝ ամս Լ. և Տէր Աբրահամ՝ ամս ԻԳ. և Տէր Կոմիտաս՝ ամս Ը. և Տէր Քրիստափոր՝ ամս Բ. Եյսորիկ են կաթուղիկոսք Հայոց, խոստովանութեամբ սուրբ ժողովոյն Դունի. որք են կարգեալ մինչև ցեղք կաթուղիկոս քաղկեդոնիկ, զոր ոչ ընդունի սուրբ եկեղեցի. վասն զի այս Եզր ընկալաւ զհայրապետութիւնն հրամանաւ Հերակղի թագաւորին Հոռոմոց, և ընդդէմ եղև սուրբ ժողովոյն Հայոց, վասն զի հաւանեալ ընկալաւ զժողովն Քաղկեդոնի, և բաժանեաց ի միմեանց զմիաւորեալ Ծոնունդն և զՄկրտութիւնն, և վխաչեցարն յերիս սրբասացութեանցն որոշեաց, և զկնի նորա կաթուղիկոսք Զ. կարգեալք մինչև ցեղիայ՝ որ էր աւանդութեամբ նոցա.

Արդ՝ զկնի Տեառն Եղիայի ի տուչութենէ ամենախնամ շնորհաց սուրբ Հոգւոյն, պարգևեալ ընձեռեցաւ աթոռ հայրապետութեան Սրբոյն Գրիգորի, ինձ Յովհաննիսի ներգևեալ տարապատկան փանաբէի, մեղաւոր և անարժան ծառայի Քրիստոսի Աստուծոյ, և ձեռնտու եղև ինձ շնորհք կամաց բարձրելոյն. ոչ ըստ իմոյ անարժան տկարութեանս ըստ դուզնաբեա, մեղսամակարդութեանս, ի յաստեաց ախտից երիկեան վայրահայեաց բնութեանս, այլ ըստ իւր ամենակարող զաւրութեանն առաջնորդ եղև մեզ ամենատէրն մեր Քրիստոս ըստ շնորհի \*) սուրբ կամաց իւրոց, և զայր հասանէր մեզ ի թիկունս հանդերձ Հարբ և Հոգւով սրբով, առ ի զաւրացուցանել զմեզ առնել սիւնհոգոս հաւատոյ ճշմարիտ ուղղափառութեամբ խոստո-

\*) Յօր. շնորհիւ.

վանել մեզ զսուրբ աւանդ միացեալ ընութեան բանին Աստուծոյ, միութիւն խոստովանելով, և ոչ երկու ընութիւնս, լինել մեզ վրէժխնդիր առաջնոցն որ նախ քան զմեզ հաստատեալ էին ի սուրբ հաւատ միութեան անապականաբար, ի ձեռն Տեառն Ներսէսի որ ի Դուին հաւաքեալը ընդ ձեռամբ նորա, և ջատադով լինել իմոյ անարժանութեանս առ ի խնդրել զվրէժ պարտուց հատուցման երկարնակ խոստովանութեանն Եզրի, որ քաղկեդոնական ախտին զմայլեալ կործանեցաւ յուղղափառ հաւատոյ սուրբ ժողովոյն Դունի, և վասն յաթոռնկալ տէրութեան իւրոյ հրապուրեաց զբալուսն վինի իւր, և առ զաթոռ տէրութեան իւրոյ ի ժողովոյն Վարնոյ ի թագաւորէն Հերակղէ, որ տիրելով թագաւորեաց Հայոց և Հոռոմոց, վասն զի սպան զԽոսրով արքայն Պարսից և երարձ զթագաւորութիւն նորա, քանզի ցայն վայր հնազանդեալ էին Հայք ընդ ձեռամբ Խոսրովու արքային Պարսից: Իսկ նորա հաստատեալ զաթոռ հայրապետութեան Եզրի զՀայք քաղկեդոնիկ արար, վասն զի կաթողիկոսք յԵզրէ նստեալք մինչև ցայժմ, նոյն խոստովանութեամբ Քաղկեդոնի վարեալ լինէին առ ի յաստեացս, որ էր չար պատառումն հերձուածոց՝ զորս ոչ ընդունի սուրբ եկեղեցի, այլ նզովելով արտաքս մերժէ զչփոթ և զերկաբնակ հաւատ նոցա: Վասն որոյ հրամայեցաք ժողով լինել ի բակումն և ի խլումն աղանդոյն Քաղկեդոնի և Եզրի և ի նորոգումն հաստատման սուրբ ժողովոյն Դունայ, որ աւանդեցաւ մեզ սուրբ և ճշմարիտ հաւատ ի ձեռն սուրբ խոստովանողացն Քրիստոսի Աստուծոյ մերոյ:

Արդ՝ շնորհիւ կամաց բարձրելոյն և ամենաչղղակ սիրոյ Հոգւոյն սրբոյ շնորհեցաւ ինձ Յովհաննէսի կաթողիկոսի առնել Է բրորդ ժողով ի Մանազկերտ գեաւղ ի սահմանազուխ վիճակին Հարբայ՝ բալմաւրեայ ժամանակաւ միատեղայք համաժողովք: Այս եղև ի ճէն, թուականիս հայոց. յ Է. Տրէ ամսոյ, որոյ ժողովեալ ի մի վայր յԱպահունեաց գաւառ ի գեղն Մանազկերտ, ամենայն եպիսկոպոսայ համաբնակ խոստովանութեամբ աշխարհիս Հայոց, և առաջնորդութեամբ քաջին և իմաստասիրի առն փիլիսոփայի Գրիգորիսի Արշարունեաց բորեպիսկոպոսի, ժողովեալ Քրիստոսասէր տեարք եպիսկոպոսք, որք են այսորիկ: Ադրէոս Հարբայ, Թադէոս Ոստան, Սահակ Մամիկոնենից, Յեսու Բասենոյ, Սարգիս Տայոց, Թէոգորոս Բյնունեաց,

Գրիգորէս քորեպիսկոպոս Արշարունեաց, հանդերձ ամենայն եպիսկոպոսաւր Հայոց, բահանայք և սարկաւազունք, և ուխտի մանկունք սուրբ եկեղեցւոյ, որք աւգնականութեամբ Հոգւոյն սրբոյ, ի մի վայր զուժարեալք, հաստատելով զհաւատս ուղղութեան տնաւրինական Բանին Աստուծոյ:

Եկին ընդ մեզ զարձեալ արք ուսանք եպիսկոպոսը Ջ. Ի Յակոբիկ տանէ, վասն միարաւութեան խոստովանութեան ընդ մեզ լինելոյ, որոց անուանքն են այսորիկ. Առաջինն Աոստանդին եպիսկոպոս, Երկրորդն Մետրապալիտ Առահայ բաղաքի, Երրորդն՝ Հմաւոն Խոստանու եպիսկոպոս, չորրորդն Թէոդոս Քարդմանից եպիսկոպոս, հինգերորդն Տէր Ամանաս Խիրկերտոյ եպիսկոպոս, վեցերորդն Թէոդոս Ամասիա \*) եպիսկոպոս: Սորա ամեներին հրամանաւ արքեպիսկոպոսին Անտիոքայ եկաւորեալ եղին առ մեզ ի միարանեալ ժողովն, և միարանեալք ընդ միմեանս հաւատով զմիութիւն խոստովանելով, կարգեցաք ճառս բազումս հակառակ երկարնակացն Քաղկեդոնի, և խլեցաք զորոմն ապականութեան, որ սփռեալ էր յԵզրայ ցայս վայր տարածեալ վասն որոյ բազումք կործանեցան յերկուրնակ հաւատն, և մերժեցաք զախտ ժողովոյն Քաղկեդոնի, և որք անկեալն էին ընդ խոստովանութեամբ նոցա, զայնս ևս յուղղութիւն ածելով, շինելով յայսմհետէ և յաւիտեանս ժամանակաց, զի այլ մի ևս կարասցեն հակառակել խախտել զուղղութեան գիր խոստովանութեանն որ ի Քրիստոս:

Վասն զի խոստովանիմք մի ընութիւն Բանին և մարմնոյն Աստուած կատարեալ և մարդ կատարեալ և միաւորեալ անբաժանաբար յստակ միացեալ ընութեամբ և անշլիթմ միութեամբ՝ անսկզբունն ընդ սկզբանն, Բանն ընդ մարմինն, ըստ այնմ թէ՛ Իսկզբանէ էր Բանն. և Բանն էր առ Աստուած. և Աստուած էր Բանն. Բանն մարմին եղև, և ընակեաց ի մեզ և ինքն Արդին ասէ, Աչ որ ել յերկինս, եթէ ոչ որ էջն յերկնից որդին մարդոյ որ էն յերկինս: Եւ Առաւարիչն մեր մեկնէ ասելով. Տեսանեմ իջեալն յերկիրս, և էն յերկինս, այս է առ ի զմարդն աստուածացուցանելոյ, զոր և ասէ իսկ դարձեալ թէ՛ Տեսանիցէք զՈրդի մարդոյ զի ելանիցէ, ուր էր զառաջինն, այսինքն զմարդն աստուածացուցանել կոչէ, և մի ընութեամբ հանգոյն Հաւար ի ծոց

\*) Այսպէս յօր.

էութեանն գերազանցէ զմարդկային ընութիւնս: Ահա ճշմարիտ մի ընութիւն աստուածութեան և մարդկութեանն, զոր և ասէ Յովհաննէս. եթէ՛ ԶԱստուած ոչ որ ետես երբեք, բայց Միաձին Որդին՝ որ ի ծոց Հաւր, նա պատմեաց մեզ: Այս է ելանելն ուր էր զառաջինն, և յառաջ քան զարե անուն նորա. վասն զի արգանդ և ծոց ասի ինքնին էութիւն Հաւր, զոր և Տէր, Աստուածորդին մեկնեալ ուսուցանէ մեզ, վասն երկուց ընութեանց միաւորութեան, որով յոյժ վստահացեալ առաւելապէս խոստովանիմք անորոշաբար միութիւն աստուածութեանն և մարդկութեանն ըստ վարդապետութեանն իւրում: Իսկ Աստուած Բանն յասելն՝ Ոչ որ ել յերկինս եթէ ոչ, որ էջն յերկնից որդի մարդոյ որ էն յերկինս, և՛ Որպէս Մովսէս բարձրացոյց զաւճն յանապատին, նոյնպէս բարձրանալ պարտ է որդւոյ մարդոյ. ահա որդին մարդոյ այս է. աղէ՛նայեա թէ զի՛նչ մեկնեալ զաստիարակէ իմեզ որդին մարդոյ: Վերագոյն որդի մարդոյ ասէ. իսկ ի ներքսագոյն ճառեալ՝ Աստուած միացեալ ի մարմնի և որդի Աստուծոյ: Քանզի ասէ թէ, Այնչափ սիրեաց Աստուած զաշխարհս մինչև զՈրդին իւր Միաձին ետ. ահա մեկնեաց զորդին մարդոյ, որ է մարդ և Աստուած ճշմարիտ, մի ընութեամբ, և՛ Որ հաւատայ ի նա ընդունի զկեանսն յաւիտենից: Արդ՝ աղէ՛նայեա և միտ դիր, վերագոյնն ասէ, Ոչ որ ել յերկինս՝ եթէ ոչ որ էջն յերկնից որդին մարդոյ որ էն յերկինս, և ի բացուստ ի ներքսագոյն ասէ տեսանիցէք զորդի մարդոյ զի ելանիցէ, ուր էր զառաջինն: Ահա ամփոփեաց միացոյց զԱստուածութիւնն և զմարդկութիւնն, և ընկղմեաց զմերայինս, խառնեաց յիւր Աստուածութիւնն, վասն զի անբակեցաւ ի մարմնի ընութեամբ և մեկնեալ պարզեաց ի մեզ զյստակութիւն միացեալ ընութեանն: Քանզի միութեամբ աստուածացոյց յասելն այսպէս, եթէ Հոգին է կենդանարար, մարմին ինչ ոչ աւգնէ, և դարձեալ թէ՛ Բանն զոր խաւսեցայ ընդ ձեզ Տոգի է և կեանք. և այլ վերագոյն ասէ. Հոգի է Աստուած, և երկրպագուաց նորա պարտ է Տոգով և ճշմարտութեամբ երկրպագանել: Ահաւասիկ բան, և Տոգի, և կեանք, և մարդ, և որդի մարդոյ միացեալ՝ Աստուած ճշմարիտ ուսուցանելով մեզ. քանզի ասէ դարձեալ եթէ՛ Ոչ կարէ որդի մարդոյ առնել յանձնէ և ոչինչ, եթէ ոչ տեսանիցէ զՀայրն զի առնէ, զի զոր նոյն առնէ, զնոյն և Որդի նմին նման դործէ. և դարձեալ թէ՛ Որպէս Հայր յարուցանէ զմե-

ռեալս և կենդանի առնէ, նոյնպէս և Որդին զորս կամի կեն-  
 զանի առնէ. և Որ զբանն իմ յսէ և Հաւատայ այնմ որ առա-  
 քեացն զիս, և որ ի կարգին է, և դարձեալ թէ, արդարև ասեմ  
 ձեզ, զի զայ ժամանակ և արդէն իսկ է, յորժամ մեռեալք լուի-  
 ցեն ձայնի Որդւոյն՝ Աստուծոյ, և որ ի կարգին է և որոշէ ի  
 կողմանս Երկուս, յարուժիւն կենաց և տանջանս դատաստանի.  
 Ահա պատշաճապէս դաստիարակեալ ճշմարտեաց զմիւթիւն  
 բնութեանցն, ասելով որդի մարդոյ վերագոյնն, և ընդ Հաւր  
 Համեմատեալ, միաւորէ յասելն, Տեսանիցէ զչայրն զի առնէ և  
 ի ներքսագոյն դարձեալ թէ՛ Յորժամ մեռեալք լուիցեն ձայնի  
 Որդւոյն Աստուծոյ, մեկնեաց ճշմարիտ զորդի ի մարդոյ, Որդի  
 Աստուծոյ կատարեալ, և դարձեալ անդրէն վերստին Հաստա-  
 տեաց միաւորելով զաստուածութիւնն և զմարդկութիւնն. բան-  
 զի ասաց դարձեալ թէ՛ Որդի մարդոյ է, ընդ այն զի՛ զար-  
 մանայք: Ասաց եթէ Որդի Աստուծոյ է և Աստուած բովանդակ  
 և ամենայնի ստացող և արարիչ, բանզի ինքն իսկ ասաց եթէ  
 Ես եմ յարուժիւն և կեանք. և Յովհաննէս ասէ, թէ՛ Սա է  
 Աստուած ճշմարիտ և կեանք յաւիտեականք, և ի կաթուղի-  
 կէական ի Յուդայեան թղթին ասէ, Միայն Աստուծոյ և Տեսան  
 մերոյ Յիսուսի Քրիստոսի վայելէ փառք յաւիտեանս սմն. և  
 Պաւղոս ի Գալատացոց թղթին ասէ ի սկզբանն թէ՛ Պաւղոս  
 առաքեալ ոչ ի մարդկանէ, և ոչ ի ձեռն մարդոյ, այլ ի ձեռն  
 Յիսուսի Քրիստոսի և ի ներքսագոյն ասէ, Յուցանեմ ձեզ եղ-  
 քարք զաւետարանն, զի ես ոչ ի մարդոյ առի և ոչ ուսայ յու-  
 մեքէ, այլ ի Քրիստոսէ Յիսուսէ և ի Հոռւմայական թղթին  
 ասէ, Ըստ մարմնոյ՝ որ է ի վերայ ամենայնի Աստուած աւրհ-  
 նեալ յաւիտեանս: Այս է ճշմարիտ միութիւն Աստուածութեան  
 և մարդկութեան անբարժանաբար, և ոչ երկութիւն բարժա-  
 նարար Հակասակ ի միմեանս, որոշելով զախտականն յանախտա-  
 կանէն ըստ անջատման ի միմեանս չար աղանդոյն Քաղկեդոնի,  
 որ զՆորորդութիւնն դաւանեալ չորրորդութիւն խոստովանին  
 ըստ անիծեալ տումարին Լևոնի, և Բ. բնութիւնս խոստովա-  
 նեալ ասնն, այլ որ յԱստուծոյ և այլ որ ի Մարիամայ, այլ  
 աստուածութիւնն, և այլ մարդկութիւնն, յատուկք և զանա-  
 զանք ի միմեանց: Վասն որոյ նկովեալ խոստովանութիւնն ին-  
 քեամբք Հանդերձ:

Իսկ մեք խոստովանիմք զմարմինն զախտական և զցանկա-

կան, զմեռոտ և զմաշական բնութիւնս մեր, խառնեալ զանախտականն ընդ ախտականիս և արարեալ անախտական, անմեռն ընդ մեռոտս և արարեալ զմեռոտն՝ անմեռ. միաւորեալ Աստուած բանն ընդ մարդկութեանս անախտարար, և անորիչ միշտ Աստուած և մարդ, և ոչ երկուութիւն, այլ միութիւն հանապազորդ: Այսպէս գրաւեալք եղիցուք խոստովանութեամբ, և կարգեալ դիցուք ճառս յաճախ և առաւել ըստ կարգի խոստովանութեանս մերում, զոր ես Յովհաննէս Հայոց հայրապետս կարգեցի ձեզ կէտ սահմանադրութեան, միութիւն խոստովանելով աստուածութեանն և մարդկութեան անապականաբար, վասն որոյ բարի ընկալ հաճութեամբ զայս խոստովանութիւն ընկալեալ հաճեցան հայրապետն Ասորոց, և ընկալեալ ողջոյն գնացին խաղաղութեամբ յաշխարհն իւրեանց, փառաւորելով զԱստուած յաւիտեանս ամէն:

Արդ կէտ եղեալ սահման կարգեցուք մերովք հաւատովքս սկիզբն առեալ, բախելով զապականութիւն խորհրդոյ բնութեանց, որով փրկագործութիւնս կատարի, այսինքն է մարմնոյ և արեան Տեառն, և բախեցուք այսպէս զապականացուն յանապականէն, զեմոր և զլուր յայսմհետէ արտաքս ընկեցուք, ի սուրբ և ի կենսատու խորհրդոյն, զի մի յայս նայելով առաջնորդացն որք զայցեն զկնի մեր, դարձեալ ապականութեամբ՝ որն խոտորեցին անկանել յերկարնակն Քաղկեդոնի, և այսու խոտորեցուցեն զվիճակս Հայոց, որպէս երբեմն ի ձեռն Եզրի սփռեալ տաբածեցաւ, զոր Տէր հրամայեաց մեզ բախել զորումն բարկութեան նորին անբարժանելի և անորոշ յաւրինելով, ցանկ հաստատելով, և խորահիմն հաստայատակ լայնապարիսպ ամրափակեալ բառասնաւրեայ պահաւք. Ե. աւրեայ առաջաւորարն: Եւ զշարժ և զկիրակէ որոշեցուք յուրախութիւն ճաշակման զաւշտացն, զի թերեւ հնարեցին ի հնազանդութիւն խոստովանութեան մերոյ, զի այսու ածցուք զբռամբ զարտաբինսն և զանհաւան ազգս մեր:

Դարձեալ յաւրինաւոր սուրբ Զատկին ի մեծի Հինգշաբթոյն, ոչ հրամայեմք հաղորդել ժողովրդեան մարմնոյ և արեան Տեառն, զի մի բաղկեդոնական ախտիւն շաղախեալ կործանեցին յուղիղ հաւատոց անտի, զի պէսպէս ախտիւր թածեալք այսոյն չարէ, և մի՛ անմաքրապէս հպեալք մերձեցին ի մարմնն Տեառն, ոչ խոստովանեալք զյանցանս անձանց իւրեանց,

երախայապէս առեալ զմարմին որդւոյն Աստուծոյ Հաղորդիցին  
 անմաքուր, սատանայապատիր և որովայնամոլ ըստ բաղկեգոնա-  
 կան հաւատոյ, որք ասեն, սուրբ մարմինն մերձենալով ի շրթու-  
 նըս մեր, մերժէ զանաւրէնութիւնս մեր: Եւ մանաւանդ զճա-  
 շակս իմն կերակրոց անխտրապէս զկնի Հաղորդելոյ նոցա ի մարմ-  
 նոյ և յարենէ Տեառն, և ապականեցին զլիւծին զամենայն  
 պահս քառասնորդացն: Եւ դարձեալ զի մի խափան լիցի ալա-  
 տութիւն Զատկին, այսինքն աւր աւետարեբ յարութեանն, յո-  
 րում պատմի զենումն գառինն անարատի եռաւրեայ յարու-  
 թեամբն, զի ի մեծ Հինգշաբաթին նուիրի մարմին և արիւն  
 Որդւոյն Աստուծոյ մեղ ի փրկագործութիւն, և տպաւորէ զպատ-  
 կեբ հացին ինքեամբ, և անուանէ զնա հաց կենաց, և կոչէ  
 մարմին իւր և արիւն, և իւր ընտրելոցն տայ զինքն կերակուր,  
 և աշակերտաւրն մեղ պատմիչ լինի և առ յապա աւրինակ և հը-  
 նոյն կատարումն, և նորոյս սկիզբն, պատուիրէ երկոտասանիցն  
 ասելով. զայս արարէք առ իմոյ յիշատակի. և յաւրճենն ճա-  
 շակէ ինքն Աստուածորդին, և ինքեամբ կերակրէ զերջանիկ ա-  
 շակերտսն, և մասնչին առեալ արտաքս ելանէ: Ի դարձողաց  
 հաւատացեալ ժողովորոց որ ի Տէր Յիսուս Քրիստոս, ոչ հպեալ  
 յայս խորհուրդ կենաց առ ի ճաշակել, և ոչ ի լուր պատմու-  
 թեան երախայիցն խորհրդոյ, ուրուք ի գրեհականացն հասեալ  
 և հասու եղեալ այսմ խորհրդոյ մեծի Զատկին: Յայս աւրինակ  
 և մեք տրոհեալ որոշեմք զժողովուրդն ի սուրբ խորհրդոյ մեծի  
 Հինգշաբաթին, զԷ թէպէտ և փրկագործութեան կատարի խոր-  
 հուրդն, այլ ալատութիւն երախայիցն չև ևս է կատարեալ. բայց  
 ի թարգմանութեան նստելով քահանայիցն պատմիչ լինե-  
 լով ժողովրդեանն, և հրաւիրելոցն զալատութիւն խոստանալով,  
 իբրև Աստուածորդին իւրայոցն, նոյնպէս և քահանայն իւրոյ  
 հաւտին: Եւ դարձեալ ևս, զի թիւ պահոց պասեբին չև ևս  
 կատարեալ, և յուժումն ալատութեան չև ևս եղեալ է ի ծա-  
 ույութենէ մեղսածին ախտիցն, յորում լինի թողութիւն ծա-  
 ույից, գեւղից և պարտուց, զի Տէր մեր Յիսուս Քրիստոս չև  
 ևս խաչեալ և զմաշ լուծեալ և անարգեալ, և ոչ ի գերեզմանի  
 եղեալ, և ոչ եռաւրեայ զյարութիւնն ի մեղ ցուցեալ և ոչ  
 զաւետիս յարութեանն ընկալեալ ուրուք յումեբէ. զայս ամե-  
 նայն ի Հինգշաբաթոցն ոչ գտանեմք այսպէս եղեալ, այլ ասեմք  
 ի Տեառնէ պատմիչ լինելով դեռ զկնի այնր ամենայնի, և ի Հին

Ձատկին ցիրկագործ խորհուրդն կատարեմք, և մեր Քրիստոսի մարմնովն սպասաւորեալք յարինակ Տեառն մերոյ Փրկչին իւրով աշակերտաւքն, որպէս և այժմ վերադիտողին միայն հրամայեմք քահանայիւր հաղորդել ահաւոր խորհրդոյն և զգոնհիկան արտաքսելանել:

Նա և ոչ զոր ի դպրաց կամ ի մանկանց ուսումնասիրաց հրամայեմք կալ յեկեղեցւոյ սակս վկայութիւն տալոյ, զի զատեալ որոշեսցուք ամենայն կարգաւր յերկարնակ ազանդոյն Քաղկեդոնի Քանչի նորա անխտրապէս և անխոստովանաբար ոչ լեալ մաքուր, մերձնեան յահաւոր խորհուրդն, իրրե ոչինչ համարելով, համարձակութիւն ետուն և մերոյ վիճակիս յոր սոսկալի և ահաւոր է մատչել երախայից, զի այսպէսն ոչ է բաժակ անմահութեան, այլ բաժակ այրման: Իսկ մեր նախ քան զսոսկալի խորհուրդն, երախայիցն պարզես շնորհեմք, և զազատութիւն խոստանամք, մուծանեմք ընդ դուռն արքունական պողոտային, և հրաւիրեմք յառազաստն լուսոյ ասելով, Այդ դուռն Տեառն է, և արդարք մտանեն ընդ սա. և յայնմ աւուր խորհրդոյ մարմնոյ և արեան Տեառն սրողեալ պատրուակեմք ցնոսա, և զերախայս զգուշացուցանեմք հրաժարելով ի նոցանէ, և ի խոստովանութիւն ուղղութեանց մերոց վերաբերիլ վարժիմք, և զերախայս և զպատեալ սիրտս նոցա զովացուցեալս սփոփեմք. և նուիրեալ հրաւիրեմք ցնոսա յուրախութեանն աւր աւետեաց, և զազատութիւն կենացն անվախձանից, որ է նոր արքայութեան սկիզբն, և տեսչութիւն էական փառացն և նկարագիր լուսոյն յաւիտենից, յորում ազատեալքն փրկագործեալ ցնծան: Անդանաւր աւարտումն յորեղինին, և ազատութիւն ծառայից, զիւղից, և պարտուց, իսկ աստ ազատութիւն երախայից, մերձումն ի սուրբ առազաստ, և հաղորդել ճաշակման ահաւոր խորհրդոյն, և բազմել յերկնաւոր փեսային հարսանիսն, և երանաւետեալք ի փառս Աստուծոյ. Արդ՝ այս աւուր յարութեան ճաշակի, գառն զենեալ, որ է նոր զատիկ աւետեաց յարութեան համասփռական, տիեզերատարած և լուսասփիւռ, հրեշտակաբարոզ և առաքելաբարբառ պատմի աւետաբեր երուրաւրեայ յարութիւնն: Աստանաւր արձակումն կապելոց ոգւոց ի յանդընդական բանդէն, և ուրախացեալք յանմահական ճաշական հոգեւոր կերակրոց հանդերձ մարմնովն, Տէր մեր Յիսուս Քրիստոս ինքե մր ճաշ կէ զմ բրե լսն հ նդիպմամբ ի



մարմնի. և արբեալք լինէին յուրախութեան լուսոյ անմահ բաժակին և լցեալ լինէին անսպառ փառաւք կենաց անմահ անեղին, զի ի հանդէպ արարչին սուրբ հոգւոյն, որք յԱդամայն ի փառս Աստուածորդւոյն ճաշակեալք լինէին, և անպրաւական կենացն հանդիպեալք մնային, զասագրեալք ընդ անմարմնոցն երամս, և ալատեալք ի վերինն Երուսաղէմ: Սոյնպէս և երախայիցն զայս աւրինակ դնելով, զի որպէս ոգւոցն հանդիպեալ մարմնացեալ Բանին անձառ փառաւք ճաշակեալ եղեն և ալատեալք ի բանդէն կապանաց: Մտ նմին աւրինակի և երախայիչն յաւուր սուրբ յարութեանն, հանդէպ սուրբ աւետեաց հրեշտակին քարոզման, և լուծման դառն դժոխոց, ի կապանաց լուծումն հրամայեմք, և ի Քրիստոս ճաշակումն հաղորդելոյ մարմնոյ և արեան փրկչին մերոյ, զի աստանաւր հանդիպելովք ի Քրիստոս ըտրորովմք հոգիացեալ ոչ ևս կոչին երախայք, այլ հոյլք աստուածարցոյլք, և տունկք աստուածածաղիկք, և ճրագունք յարալուցեալք, յորս Հոգին սուրբ հանապաղ բուրէ ի նոսա. զի աստանաւր լուծումն երախայութեան, և մոռանիլ յերկնաւետեալ առագաստն, և երկնաւոր փեսային փեսաւէրք, իբր տղայացեալք արդարութեամբ ի կատարեալ գուժ եկեալք: Եւ մանկունք հարսանեաց լցեալք պայծառ խորհրդովք հոգիացեալք և ի ճաշ մտեալ ընդ անմահ փեսային, ճաշակեն ի լուսոյ հարսանեայն, և լինին անմահացեալք. զի այսուհետև ոչ ևս երախայացեալք, այլ բրիստոսաւետեալք, և աստուածաբարբառ կրթեալք յաւետարեր քարոզութիւնն՝ աւրհնել զեկեալ փեսայն, և առագաստի երգել երգս, և յերգելն, աղաղակելն է այս. Աւրհնեալ որ եկիր յանուն Տեառն, աւրհնեալ որ գալոցդ ես, և Մյսաւր է զոր արար Տէր, եկայք ցնծացուք և ուրախացուք ի սմա, զի և նոր արարած ի Քրիստոս կոչեցաւ: Վասն այսորիկ ոչ հրամայեմք երախայացեալ ժողովրդոցն յաւուր մեծի հինդշարաթոյ հաղորդել մարմնոյ և արեան Որդւոյն Աստուծոյ, զի կարկեալ փակեսցի աղանդ երկարնակացն, և կալմիչ հաղորդելոյ ի սուրբ խորհուրդն եղիցի յաւուր յարութեանն, և աւետիբ հրեշտակին, և ընթացումն կանանցն ի ցնծութիւն:

Իսկ զնուիրական աւուրսն ի սուրբ քառասնորդսն կատարեալ յորեղինեն, այսինքն զշարաթ և զկիրակէ, յուրախութիւն պայծառութեան ի կրթոց կերակուրս հրամայեմք լուծանել զաւ-

չոտացն և որովայնամոլիցն, և այդու ընդդէմ հերձուածողացն ցանկս պարսպեմք և շրջափակեմք զպարսպեալ առագաստն, զի մի սպրդեալ մոեծցի ի ներքս չար աղանդն հերձուածոյն Քաղկեդոնի, որ սիռեալ տարածեալ էր ընդ բոլոր Հայք, և կանոն կարգեմք այսպէս. Զձու և զձուկն և զձէթ և զման և զեւղ և զպանիր և զղինի միաձաշակ կերակուր կարգեսցուք: Արդ՝ եթէ որ յայս աւրէհետէ և առ յապա ժամանակ զայս ամենայն բաժանէ ի միմեանց, նորովեալ եղիցի: Ահաւասիկ զայս գրեցաք կանոնս. ես Յովհաննէս Հայոց կաթողիկոս <sup>\*)</sup>), ամենայն եպիսկոպոսաւր և բահանայիւբ, և ուխտի մանկամբք եկեղեցւոյ սրբոյ <sup>\*)</sup>): Ո՛վ անհետեմ զզայարան. այդ իսկ նեստորի անխօսեցոյ աղանդն է, զի Բարսեղ Կեսարացին զձուկն գաղան ասէ, և առարեալն վկայէ այլ մարմին է ձկանց, Արդ առաքեալ մարմին ասէ, և հերձուածողն ջուր: Արդ՝ ի՛նչ իցէ ջուր, զի կենդանի է, և ահա յաւոք և ոսկերք, սիրտ և աղիք և ամենայն որ ինչ կենդանւոյ է. Ա՛ղէ բննեալ խորհրդիւ ի ձկունս և ի գաղանս որ ի ցամաքի են, առիւծ, իւնծ, արջ, վիշապ որ է աւձ, գիրք ասեն օրկղ և հիդրայն՝ ձովայինբ, սիկզն՝ շուն ասի երեքդիէի, և հիդրայն չար բան զնա. և զիւրեանց որդիսն ոչ ուտեն, իսկ ձուկն զմերձաւորս իւր ուտէ. և զիւրոք իցէ ջուր: Կան և հաւք ջրայինք և անասունք, և ո՛վ իցէ որ առանց ջրոյ սնանի: Եկ առ ձէթ. գիրք զեւղ և զձէթ մի ասեն. Եսայի ասէ՝ Փայտ եւղոյն, և Գաւթի՝ ծերութիւն իմ ի ձէթ պարարտութեան: Ե՛րթ առ աւետարանագիրն որ ասէ վասն կուսանաց, թէ՛ Ձէթ ոչ առին, և գարձեալ թէ՛ Տո՛ւք մեղ յեւղոյդ ձերմէ, և ահա յայտ է թէ եւղ և ձէթ մի են: Եւ Ադամ ոչ եթէ պանիր եկեր և ել ի դրախտէն: Գիրք ասեն թէ՛ Արեւոցողն չար է բան զգիւհաւար և առաքեալ ասէ, Մի՛ արեւնայք գինւով, յորում զեւթութիւն է. զի յորժամ կերակուր ուտեմք և ընումք, ի նմին կամք, իսկ իւրև գինւով ընումք, զայլ խորհուրդ խորհիւք: Եւ եթէ որ զկիրակէ իւրև չուրբաթ պահէ անհնարին մեղք են, և որք յուրբաթու և ի չորերշաբաթոյ յիշատակ աննեն մարտիրոսաց՝ մեղք են: Զի ի թէ կարգ էր, ապա Զատիկ յուրբութուն պարտ էր աննել, զի Քրիստոս Աստուած մեր յուրբութուն խաչեցաւ և ընթերցուածք և սաղ-

\*) Ի Լուսանցան.

մոսք և աւետարանք՝ այն աւուրն շատ են, և ամենայն մարդիկ յայնմ աւուր ալատեցան ի ծառայութենէ մեղաց. և դրախան յայնմ աւուր բացաւ աւազակին, և ամենայն կարգ եկեղեցւոյ զայն ուրբաթ պահել հրամայեն. և զայլ ուրբաթսն ի Զատիկէն մինչև ցՊնտեկոստն ուտել: Եւ որ զծնունդն յառաջ քան ըզՅայտնութիւնն առնեն, մեծ մեղք են. և յայտ յԱւետարանէ անտի է, որ ասէ, և Յիսուսի Քրիստոսի ծնունդն էր այսպէս. և ի սոյն դէմս աւրինակի փակեալ կայ զիր ընթերցուածովն. զորս կարգեալ են ուղղափառացն սրբոց: Մի՛տ զիր խոստովանութեանն՝ որ նախ քան զմեզ հայրապետը: Այս աւանդ կացցէ ի վիճակիս մերում և այս մատենագիր եղիցի ամենայն Հայաստանեայց, որք ընդ ձեռամբ մերով հաւանեալ կան ի պահեստի: Ահաւասիկ ես Յովհաննէս Հայոց կաթողիկոս, գրեցի ի մով ձեռամբ զայս կանոնս, հաստատութեամբ սուրբ հաւատոյ, յընդունելութիւն ուղղափառաց, ի պայծառութիւն ուղղակարգ եկեղեցւոյ, յընդունելութիւն հաւատացելոց, և ի գովութիւն բարեբանութեան համագոյ Երրորդութեանն՝ ամէն.

Գարձեալ հաստատութեամբ հիմնարկելով հրաման տամ մեծի փիլիսոփայիս Արշարունեայ քորեպիսկոպոսի, զի զառաջաւորսն ընդ սուրբ պահս քառասնեկին՝ մեկնումն արասցէ, որ ախեալ կնքեցաւ ի մէնջ և. աւրեայ առաջաւոր պահսցն, և պասեքին Բ. շարաթս լուծեալ բարեկենդան կոչին, և անխորաբար յամենայն կերակրոց: Արդ՝ ձեռնարկու լեր, սիրելիք Աստուծոյ, քաջդ յիմաստակս. և նախընդիրդ ի վարդապետս Հայոց, կարկիչդ Յունաց, և դադարեցուցիչդ աղանդոյն Քաղկեդոնի, և կորուսիչ ապականաբնակ հերձուածոյն Նեստորի անիծելոյ, բռնահարեալ զկամազն Աստուծոյ իրբ և հանդիսի նահատակ, կոչեալ քեզ ի թիկունս աւգնականութեան զմարմնացեալն ի մէնջ ճշմարիտ Աստուած Յիսուս Քրիստոս, առաջնորդ ունելով զՀայր արարիչ և անեղ անքննին յարարածոց, որպէս զի Հոգւովն սրբով, որ է ուղղեկից, սկզբնեալ ընթերցուածոց մեկնումն արարեալ բանաստեղծեսցես, որպէս զի թարգմանեսցես զամենայն կարգ ընթերցարանիս մերոյ, մանաւանդ զխորհրդածութեան ընթերցուածսն չորից յարմարմանցն, որ զանց առնէ զպասեքիւն և սկզբնեալ առաջաւորան հանդերձ: Իսկ դու ինքնին աշխատելով մատենագրեսցես, և ի լուր ականջաց բերելով տգիտաց ծանուցես զայս իր խորհրդոյ որ զան զա-

նեալ աստուածասբանչ խորհուրդ Տեանն ըարձրելոյ. և ընդ միոյ սակաւուդ՝ վարձս ընկալցիս յԱստուծոյ մերմէ. բիւրապատիկ հազարաւորեալ, բիւրաբաշխ և մշտալցոյց. և յանվբաւ ուրախութեան երախտաւորեալ, ծաղկաւէտ շահաւորեալ, փառաւք վպեղելով՝ ըերկրեսցիր ի Քրիստոս Յիսուս, յահեղ փառազոյս յայտնութեան նորա, որում փառք յաւիտեանս ամէն:



**ՆՈՐԻՆ ՏԵՍՈՒՆ ՅՈՎՀԱՆՆՈՒ ՀԱՅՈՑ ԿԱԹՈՒՂՈՍԻ ԸՆԴՈՍԻ ԸՆԴԴԷՄ ԱՅՆՈՑԻԿ ՈՐ ԱՊԱԿԱՆԵՆ ՋՍՈՒՐԲ ԽՈՐՀՈՒՐԴԻՆ Ի ՁԵՌՆ ԽՄՈՐՈՑ ԵՒ ՋՐՈՑ:**

**Ա**հա յառաջագոյն ծանուցեալ առաքելոցն զպատմաբուծիւն Հերձուածոյն ի Ճշմարիտ Հաւատոյն, եթէ այլայլեն զԽորհուրդ տնաւրէնութեանն Քրիստոսի, յառաջագոյն Հաստատեցին զդեղ բժշկութեան ի դիրս և ի զլուխս ընթերցարանաց, զի որք հակառակին ոչ զոլ Աստուածածին զկոյսն՝ զտաննն ի դիրս Ծննդեան և Յայտնութեանն որ նոյն ինքն է Մկրտութեանն, եթէ Ահա կոյս յղասցի և ծնցի որդի, և ծնեալն Սքանչելի՝ Աստուած՝ Հղաւր՝ Իշխան և Հայր: Իսկ ի դիրս չարչարանաց զտաննս, եթէ Աստուած էր որ չարչարեցաւ վասն փրկութեան մարդկան, զոր յայտնէ Եսայի, թէ նա զմեզս մեր վերացոյց և վասն մեր չարչարի: Եւ եթէ մարդոյ Համարի և ոչ Աստուծոյ, որպէս սովոր են գնալ ի Ճշմարտութենէն, այլ ոմն բեղ վկայէ ի դիրս չարչարանացն, եթէ՝ Եկեցէ Հասցէ Տէր Աստուած մեր, և ամենայն սուրբ ընդ նմա: Յազապ այնորիկ անխտիր մերձենան ի մարմին և յարիւնն Տեառն, զի սոսկ մարդոյ Համարեցան, և ոչ Աստուծոյ միաւորելոյ ընդ մարմնոյ, և ոչ պատկառեցան ի Հրամանացն, որ Պաւլոսին թաւաէր ընդ Հաւատացեալս թէ՝ Որ ուտէ և ըմպէ անարժանութեամբ, և որ այլն:

Գտանես յսկզբունն ընթերցականացն ճառ Հոգեպատումն, որք արմատաքի իլին զՀերձուածն, որ ապականացու խոստովանին զանապական մարմինն Քրիստոսի, և յաղազս այնորիկ արկաննն խմոր և ջուր պղծել և ապականել զանապական խորհուրդն, յանհետ առնել Հրամայեաց նոցա. յաղազս անխմոր աւրինաց նշանակէ և զեթն աւր ճաշակել առանց խմորոյ զբա-

դարչն՝ զնոյն բերէր աւրինակ, զի խմորեալն ոչ լինի կենդանի հաց, որպէս ասաց Աստուածարան ի Զատիկին ճառի. Իսկ յետ ելիցն յԵգիպտոսէ, յորժամ վասն այսորիկ աւրինադրէր Մովսէսի Աստուած, ոչ ապաբէն յերկնից զայր մանանայն, ուստի հրամայէր առնել զշաւթս և զնաշիկս զոճիցն և զհացն զառաջաւորութեան, որ բերէին զաւրինակս մարմնոյն Քրիստոսի, զի իւրեանց արմտիք ոչ գոյր և յաւտար աչգաց ոչ առնոյին զի պիղծ էր. և միւս վասն այնորիկ, զի աւրինակ էր մարմնոյն Քրիստոսի, ոչ կամեր Աստուած թէ ուտիցեն միս ընդ սուրբ հացին, մինչև երթիցեն յերկիրն աւետեաց. Եւ այս անտի յայտ է զոր ասաց Աստուած, թէ յորժամ մտանիցէք յերկիրն, եթէ ցանկանայցէք մտոյ յայնժամ կերիցիք միս. և վասն այսորիկ ասէ Գաւթ թէ՛ Ոչ անսացին խորհրդոց նորա, այլ ցանկացան զցանկութիւն յանապատի, և բարկութիւն Աստուծոյ էջ ի վերայ նոցա, այլ զխմոր ոչ էր պարտ գտանել. Իսկ անաւրէնք ասեն թէ յերկնից իշանէր խմորն ընդ երկնային հացին, և կամ եթէ զոր ասէ Տէրն, եթէ՛ Ես եմ հացն կենաց՝ որ ի յերկնից իշիարդեւք խմորեալ են կեանքս մեր. Բայց մի՛ լիցի ուսումնասիրաց զմտաւ ածել զպղծապիղծ կրանս նոցա, թող թէ գործով ի կիր արկանել. Բայց այսու հաւանեցուցանեն զպարզամիտսն, մանաւանդ եթէ զանմիտսն այսպէս ասելով, եթէ Տէր ասաց եթէ՛ Որ ուտիցէ ի հացէս յայսմանէ, մի ճաշակեսցէ զմա՛հ:

Եւ ասեն թէ հաց կատարեալ խմորեալն է, զայս ի մտաց ասեն և ոչ ի գրոց. Եւ եթէ չեն սուտ և անտի, ցուցցեն յաւրինաց կամ ի մարգարէից զաւրինակ մարմնոյն Քրիստոսի, եթէ արժան է ածել զապականեալ խմորն. այլ ոչ զգիրս գիտեն, և ոչ զլաւութիւն գրոց կամ թէ զոր ասաց Մովսէսիւ Աստուած, Որ ուտիցէ խմորեալ սատակեսցի, նշանակէ զյաւիտենական սատակումն, որ ճաշակեն ի սուրբ խորհրդոյն զխմորն. Եւ թէ և կամեր որ գտանել զխմորեալն յաւուրս զատկին յԵսրայէլի՝ ոչ գտանէր, բայց միայն ի տուն հեթանոսաց. Բայց դու նայեա՛ւ և քննեա՛ւ զխորհուրդ հինդարաթին. զի նմա կատարեաց Քրիստոս, պատառելով զխմոր և զչուր, զոր վասն ապականութեան խանեն թէ ապականացու է մարմինն Քրիստոսի և ոչ լուան մարգարէին, եթէ՛ Մարմին նորա ոչ ետես զապականութիւն, և կամ Պետրոսի եթէ՛ Զոր Աստուածն յարոյց, ոչ ետես զապականութիւն. Այլ ոչ գիտեն մոլորեալքն եթէ զի՛նչ է ապակա-

նութիւն: Այլ մեր ճշմարտապէս յաղագս պստրիկ իմաստասիրեսցուք յԱստուածաշունչ զրոց:

Կոչեն Աստուածաշունչ զիրք ապականացու զծառայն մեղաց. իսկ ով կարէ ասել զնմանէ թէ մեղս գործէր, որ յառաջ քան զտնաւորէնութիւնն քարոզեաց մարդարէն թէ՛ Առանց մեղաց ընթացայ, և ուղիղ է, և այլ ոմն եթէ՛ Անաւրէնութիւն ոչ գործեաց, և ոչ գտաւ նենգութիւն ի բերան նորա. և Պաւղոս ասէ զնմանէն՝ Սուրբ անմեղ, զատեալ ի մեղաւորաց, առեալ զխորհուրդս զայս և ասաց, թէ Ջայս արարէք առ իմոյ յիշատակի: Աղէ՛ցուցցեն թէ խմորեալ էր հացն կամ ջրով խառնեալ բաժակն, այլ ոչ կարեն ցուցանել ի գրոց այլ անձնահասնաճար իմաստիւր իրակերպին ընդդէմ ճշմարտութեանն: Ջի փըրկիչն ասէ, յետ աւրհնելոյն զբաժակն. Աչ ևս արրից ի բերոյ որթոյ. ուստի յայտ է, թէ որթն զինի և ոչ շուռ ծնանի, և այս ոչ յաւրինաց և ի մարդարէից այլ Աստուածային բերանոյն աւրէնք են: Եւ զայս ամենայն գեղեցիկ իմն յեղյեղուն, Քրիստոս Աստուածաբան և Յովհանն Ասկիբերան, որք համառատ բանիւր պատմեցին մեզ զառաքելական և զաւետարանական տառիցն միտս, և զայս ամենայն հաստատուն եկեղեցական կարգաց, ևս առաւել ընթերցականաց ծագեն պատմութիւնք: Արդ՝ եթէ հապտար ինչ ճարտարեն երկարնակ աղանդոյն պաշտաւնեայրն, և բարձրացեալ քան զերկինս ամբարտաւանութեամբ. Արդ՝ եթէ ի սերմանէ էր ծնեալ Քրիստոս, ապականացու էր մարմինն. իսկ եթէ ի Հոգւոյն սրբոյ, ապա մի՛ ոք իշխեսցէ ասել ապականացու: Բայց հացին անուամբ զարհուրեցուցանեն զպարզամիտսն, և ասեն հաց՝ կատարեալ խմորեալն է: Սուղ ինչ և յաղագս պստրիկ ասասցուք:

Հաց անուն՝ սովորական ի խաւսից է, և հասարակ անուն ի բերանս բաղմաց, այլ ոչ յատուկ ձայնի նշանակ, և զայսքան զհացարարութեան արուեստն հասկացն և շեղչիցն ի վերայ ասեմք: Այս անուն, ասեն, հաց շատ ժողովեաց, աղէ՛ ասիցեն անաւրէնքն, եթէ հասկք և շեղչք խմորեալ է: Իսկ մեր ի գրոց ցուցանեմք, եթէ զբաղարջն հաց կոչեն Աստուածային զիրք: Յորժամ քաղցեաւն Գաւթի, որպէս կայ ի թագաւորական մատենին, եթէ ի պահանջելն ի բահանայիցն հաց՝ պատասխանի տուեալ ասեն, Չիք աստ հաց. բայց առաջաւորութեան հաց, ահա զբաղարջն հաց կոչեն Աստուածային զիրք որպէս ասացար:

Եւ սուրբն Քրիզոստոմն զնոյն ուսուցանէ մեզ, զի ասէ նա ուրեմն ի հոգէապատումն վարդապետութեանն, եթէ Հացն առաջաւորութեան բերէր զաւրինակ մարմնոյն Քրիստոսի, Տես դու և զմի պատկառելի աւրինակն. զի ի ճաշակելն նոցա ասէ քահանայն. Եթէ սուրբ իցեն ի Լանանց մանկունքդ՝ մարթ է ճաշակել ի սուրբ Հացէն. իսկ ի պատասխանելն եթէ Յերեկէ և յեռանդէ, ապա համարձակեցոյց սուրբ Հացին: Արդ եթէ ի հնումն որ ստուերն էր հանդերձեւոց բարեացս Քրիստոսի, պատկառանաւք և երկիւղիւ էր ճաշակելն, որ աւրինակ բերէր զպոփոխ, եթէ արժանաւորս պարտ է կալ յահաւար խորհրդեանն. զի՞նք երկաքնակ աղանդոյն պաշտանեայքն անխտիր մերձենան. և զՈրդին Աստուծոյ առ ոտն հարկանեն, և զարիւն նորոյ ուխտին խառնակ համարելով, որով սրբեցաքն, և թշնամանեցին զշնորհաց հոգին: Այլ ես պատկառեմ յայնմանէ որ ասացն, Իմ են վրէժխնդրութիւնք և ես հատուցից: Վասն որոյ պատկառեսցուք ալաչեմ և մի յանարժան անձինս մատչեցիմք ճաշակել, այլ ապաշխարութեամբ մերձեսցուք ի կենդանութիւն ի Քրիստոս Յիսուս Աստուած մեր, որում փոքր յաւիտեանս:

Ի տաներորդն նիսան. արարին որդիքն Իսրայէլի զԶատիկն յԵգիպտոս, և ապա ելին յերկրէն Եգիպտացոց, և յաւրըն չորրորդ ընդ ծովն անցին, զոր առաքեալն մկրտութիւն կոչէ, աւրն միաշաբաթ, և մանանային աւրն միաշաբաթ. որ պառաջին պատարագն որթք \*) մատուցին երիտասարդքն Իսրայէլի Տեսնն Աստուծոյ, զի յայնժամ չև էր աւծեալ քահանայ. և նախանձեալ ընդ այն սատանայի՝ որթուն ետ երկրպագանել և ոչ եգիտ Ահարոն եթէ զո՞ր նման արասցէ զկուսն. ի տագնապել զնա ժողովուրդն. Եւ իբրև ել ոսկին ի հրոյն չունէր ինչ նմանութիւն որթու. ապա կոչեաց Ահարոն բանդակիչս և ետ մաքրել զնա ճշմարիտ որթ. Արջառ և ոչխար բազում ունէր ժողովուրդն յանապատին, ըստ միս ոչ ուտէին զի այնպէս աւրինադրեալ էր Աստուծոյ: Եւ պատարագ զոր առնէին՝ հուրն ճարակէր. և յայտ անտի է զի ասաց Աստուած. Յորժամ մտանիցես յերկիրն ժառանգել, եթէ ցանկաս մնոյ, յայնժամ ուտիցես միս, և զարիւն մի ուտիցես, այլ յերկիր հեղցես: Որով յայտ է թէ յԵգիպտոս զանսուրբն անխտիր ուտէին.

\*) Այսպէս յօր.



իսկ յանապատին աւրէնս ընկալան չուտել միս, վասն որոյ և մարդարէն ասէ, Յանկացան զցանկուծիւն յանապատին: Բայց առաջաւորութեանն բազարջ էր որ բերէր զաւրինակ մարմնոյն Քրիստոսի, և շաւթ էր նաչի՛՛՛ զո՛՛՛հիցն: Խնդրելի է մեզ եթէ ցորեան է, եթէ մանանա, զի իւրեանց արմտիս ոչ գոյր և յաւտար ազգաց չառնուին զի պիղծ էր. և զմանանայն յերկանի աղային և ի թոնրի եփէին, որ բերէր զաւրինակ մարմնոյն Քրիստոսի. զի թէ աւրինակն անխմոր էր, զի՛արդ ճշմարտութիւնն խմորեալ լինի: Փառք Քրիստոսի Աստուծոյ մերոյ յաւիտեանս:

ՁԵՂՍԱԿԱՐՔ ԳՐՈՂՔ ՂԹՈՒՏԱՍ Խ ԿԵՆԱՆՇՆՆ Ի՛՛՛ յԵՇՇԵԷԷ Ի ՔՐԻՍՏՈՍ:

ԿՐՈՍ:



## ՅՈՎ ՀԱՆՆՈՒ ՄԱՆԴԱԿՈՒՆԻՈՅ ՀԱՅՈՑ ԿԱԹՈՒՂՈՍԻ ՂԵԿՈՍԻ

**Ա**րդ՝ վասն զի ի պահոց քառասնորդան կոչի աւր Քուրբաթ՝ չարչարանք խաչելութեանն Տեառն, և առիթ կոչման չարչարելոցն յաշխարհիս, ունել յանձին զաւրինակ չարչարանացն Տեառն՝ առ ի փրկութիւն հոգւոց չարչարակցացն Տեառն, և առ ի պահպանութիւն անձանց պատուիրանապահացն Տեառն, առ ի լինելոյ չարչարակից խաչելութեանն Տեառն, փառակից յարութեանն, և առիթ կոչման մեղաւորացն յապաշխարութիւն. Արդ՝ յայսմ քառասնորդի, որպէս զի աւրէն է զշաբաթ և զկիրակէն որպէս զուրբաթ և զչորեքշաբաթ պահել զհետ աւրինացն առնլոյ, Եւ յայնմ՝ քառասնորդի որ կոչի կիրակէն կոչի աւր առաջին, և սկիզբն աւուրց յարութեան, և ուրախութիւն աշխարհի, և աւետիք արքայութեան, լի ամենայն ուրախութեամբ անձանց պատուիրանապահացն արդարութեան. աւրէն է զուրբաթն և զչորեքշաբաթի իբրև զկիրակէն և զշաբաթն ուտել. Քանզի զոր աւրինակ ի գատկէն մինչև ցվերացումն կիրակէ կոչի, այսպէս ի բարեկենդանէ մինչև ցգատիկն՝ ուրբաթ, Արդ՝ բեղէն ան զբեղ ի հաւան, և զուզեա զայս քառասուն բաւութեան և զայն քառասուն ուրախութեան. Յշոնա՛ զքառասուն ընդ քառասնի, և զուրբաթ և զչորեքշաբաթ՝ ընդ շաբաթու և ընդ կիրակէի. և գտանես հասարակ. ի սմա յագումն և ուրախութիւն. և ոչ ի նմա պահք և տխրութիւն, Այս քառասուն առիթ բաւութեան մեղաց տարուոյն, և այն քառասուն յաջորդ ուրախութեանց տարուոյն:

Արդ՝ աւրէն է զայս պահոց քառասնորդս հարթիկ պահել ի բարեկենդանէն մինչև ցգատիկն. այլ գինի և իւղի, ձու, ձուկն, պանիր, կոզի, կաղտի, բածին, շճուկ, կաթն, խեր, և ձկան մորէ, զայս բնաւ ամենևին չէ աւրէն, և ոչ զայել է ճաշակել ամենայն ումբ մեծի և փոքու, արդարոյ և մեղաւոր:

րի: Շատ են մեզ այլ կամարն քառասուն աւուրն, կանեփ  
հատ, կտաւատ, փոխինդ, հատ, սամթաջուր:

Արդ այսու քառասնորդաւ Տէրն ի լերինն փորձութեան  
տարաւ յետս զփորձիչն սատանայ, որ է աւրինակաբեր յաղթու-  
թեան ամենայն հաւատացելոց: Միթէ Աստուծոյ պահել ինչ  
պիտոյ էր ոչ ապաքէն վասն աւրինակի մարդկան առնէր զայն:  
Արդ եթէ զհանապազաւրն մեռանել ոչ կարեմք ըստ բանին  
Պաւղոսի, այլ զոնեա՛ քառասուն աւուրբքս լինել հաղորդ չար-  
չարանացն Քրիստոսի: Զի զբազանակեալ \*) մեղք տարւոյն, քա-  
ռասուն աւուրբքս ընկեսցուք յանձանց: Ոչ զիտես, զի որ միտեայ  
մտաւք չարչարակից լինին չարչարանացն Քրիստոսի, նոքա միայն  
կարեն լինել փառակից յարութեանն: Քանպի ասէ թէ ոչ միայն  
հաւատալ ի Քրիստոս, այլ վասն անուան նորա չարչարանս ըն-  
դունել:

Արդ՝ այս քառասունք չարչարանք խաչելութեանն Տեառն,  
և այն քառասունք յարութիւն կենդանութեան Տեառն: Այս քա-  
ռասուն քացախ և լեղի չարչարանացն Տեառն, և այն քառասուն  
խորիսխ մեղու, և ձկան խորովելոյ յարութեանն Տեառն: Այս  
քառասուն զինուորացն կնքով պահել զգերեզման Տեառն և այն  
քառասուն, հրեշտակացն զաւետիսն տալ Մարիամանցն զյա-  
րութենէն Տեառն: Այս քառասուն միջնորդ ապաշխարութեան,  
և այն քառասուն երաշխաւոր թողութեան: Այս քառասուն քա-  
ւիչ յանցանաց. և այն քառասուն թողիչ մեղաց: Այս քառասուն  
լայոյ և արտասուաց, և այն քառասուն ցնձութեան և ուրախու-  
թեան: Այս քառասուն սերմանելոյ ցաւովք և տրամութեամբ,  
և այն քառասուն ժողովելոյ փառաւք և զովութեամբ: Արդ՝ այս  
քառասնորդաւ մեծ մարդարէն Մովսէս ետ զաւրէնս ժողովրդ-  
դեանն, և այն քառասնորդաւ քաւեաց Մովսէս զյանցանսն Ա-  
հարովի և զյանցանս ամենայն ժողովրդեանն: Այս քառասնե-  
րորդաւ չոքաւ Եղիա ի լեառնն Սինէական առնուլ հրաման ի  
Տեառնէ զվերանալոյն իւրոյ յերկինս: Այսու պահաւք ապրե-  
ցան Լերբ մանկունքն ի բարձրարեւոյն տոջորական հրոյն սա-  
տակման: Այսու պահաւք լուծին նինուէացիքն զվճիռ մահուան  
զՏէրունական հրամանին առ ի լինելոյ ընդունելական պահք  
ապաշխարութեանն նոցա, և արագաթող լինելոյ մեղք յանցա-  
նաց նոցա:

\*) Այսպէս յօր. 'ի լուսանցս. զգարան.

## ԵՐԱՆԵՒՈՑՆ ԿԵԼԵՍՏԻԱՆՈՍԻ ԵՊԻՍԿՈՊՈՍԻ ՀՌՈՍԱՑ, ԹՈՒՂԹ ԸՌԱՋԻՆ ԱՌ ԿԵՍՏՈՐ

**Ո**չ գիտեմ ուստի ի մերս հասանէ լսելիս, իբր թէ հաւատ իմն հեղեալ ի բէն նորաձևս, որ է արտաքոյ բարեպաշտութեանն, այլ զլուր բոյոց հաւատոցդ անտես արար. ք, բանցի գարմացումն մերձ է առ մեզ, և թէ դու որ յիմաստութիւնսն մեծագոյնս խորհեցեալ, և վայելչիցս գիտութեան բարձրութիւն բարձրացեալ, զի՛արդ այդպէս վաղվաղակի յանգիտութեանց ընկղմեցար խորխորատ: Իսկ և թէ այսպէս, որպէս բանս հաստատէ, թշնամանեալ լինի ուրեմն ի բէն Երրորդութեանն համագոյութիւն: Ուրացեալ լինի և արժանաւոր պատիւ Աստուածածնին Մարիամայ, վասն որոյ պատշաճաբար համարիմ ըստ բեզ, և առ բեզ և ընդդէմ բո վասացեալն որ զոչևով աղաղակէ, եթէ՛ Բազում դպրութիւնբդ՝ զբեզ ի մոլորութիւն դարձուցին: Բայց ես ոչ դարձուցին միայն ասեմ, այլ և զանցուցին ևս: Քանզի ձգեցեր զձեռս քո առ ի Մասուածամարտութիւն, և զաւտի ածեալ տարեալ եղեր, ուր ոչն կամէիր և ոչ գիտէիր. զի թէ էիր գիտացեալ, ոչ արդեաւք զԱստուած խորհէիր բեզ ընդդիմամարտ, և կամ ընդդէմ խժանի արացել, որ ոչն էր բեզ կարողական:

Ուստի և վայելուչ կարծեմ յազազս քո ասնուլ զՄովսէսեանն ձայն փոթ, և սուղ ինչ այլարանելով ընդ քո յեղափոխութեան հաւատոցդ, մանաւանդ թէ յանհաւատութեանդ կամաց, ասեմ, Այս այր յիմար և ոչ իմաստուն. ոչ առ ինքն է հայրն քո որ ստացաւ, արար և ստեղծ զբեզ, և դու զձոյդ Տեսան հատուցանես, բանցի Աստուած գոլով ստացաւ զբեզ, և էած յանգոյութեանէ ի գոյութիւն: Իսկ դու անստացար զբազմագին մարգարիտն Քրիստոս, և ոչ նարովժայ արեանն գոչելով յերկրէ վնոյնգունակ ի բեզ բերելով նմանեցուցեր: Քանզի

նա ի հայրենի ժառանգութեանցն զրկել ո՛չ առնոյր յանձն, և զմահճադագս այնորիկ կրէր: Իսկ զու զհարցն նախասահմանեալ ի բեզ հաւատս ի ըաց մերժելով, զրկեցար և փախտական եղեր իբրև զամպարիշտն ոչ հալածեալ, Եւ այժմ մեր այսչափ աղաչելովս և նախագոչելովս զբեզ, ոչ կամիս զառնալ որպէս զնմանին: քո զԱսայէլ որ երբեմն հալածելով զԱրեններ յուսացեալ ի յիւրոցն արագութիւն ոտից, ոչ կամեցեալ լսել աղաչանացն մինչև զանլսաւորութեանն ժողովեաց զվարձ, նոյնժամայն խոցեալ կայր մեռեալ յերկրի հանդերձ մատնչաւքն իւրովք ոտիւք: Ասան որոյ և ես բեզ խրատ տամ, ոտիցդ բոց ոչ հաւատայ զբեզ, քանչի աւճն դարանակալ հարկանել զգարշապարսդ. այլ մանաւանդ զլիոյդ եթէ իցէ Քրիստոս, յորմէ ամենայն մարմինն յաւդիւք և խողալեաւք տարպրերի և խառնեալ աճէ զածունն Աստուծոյ:

Ապա երբ հաւանեցիս զառնալ յընդունայն յանսուրբ մոլորութենէդ, մեր ընդդէմ. . . . . շնորհին արտաձայնեցուք: Քանչի չէ պարտ զսրբութիւնս շանց տալ, և կամ զմարդարիտն առաջի խողից: Քանչի ո՛յր արդեւք զբեզ տեսանելով ի բարեպաշտութենէն յամպարշտութիւն հաստատեալն ոչ զարմուսցի. և կամ ո՛յր զայդպիսի լսելով համբաւ, և ոչ երկոքին հնչեցնեն ականջքն: Քանչի զիս. . . . \*)



\*) Աստանօր թերթ մի անկեալ է յօրինակէն և պակասին վերջն թըղ-  
 Լոյն Կելեստիանոսի, և սկիզբն առաջին թղթոյն Պետրոսի:

## ԱՌՆՋԻՆ ԹՈՒՂԹ ՊԵՏՐՈՍԻ ԱՌ. ԱԿԱԿ

. . . . . զոր սերմանեաց սատանայ ի մէջ եկեղեցեաց: Եւ մինչ զպղզ վամենայն լուայ ես կրտսերս Պետրոս, երկեայ յոյժ ի դատաստանէն Աստուծոյ, և ասեմ ցՅուլիանէ սարկաւազ իմ. թէ արա՛ ընդ իս Հաստատութիւն, և մի որ զիտասցէ զխորհուրդդ զպղզ, մինչև կատարեսցին կամք Աստուծոյ: Եւ երդուաւ ինձ: Յայնժամ վստահացայ և գրեցի թուղթ իմով ձեռնարկութեամբ, և ետու ցՅուլիանէ զնոյն բան զոր ասաց ցիս, թէ գրեա՛ քոյով ձեռնարկութեամբ: Եւ արձակեցի զնա և ասացի, թէ կոչէ զքեզ. և տայ թուղթ ի ձեռն մարդոյ որ քեզ հաւատարիմ թուի, տո՛ւր բերել, նոյնպէս և ես ի նորա ձեռն տամ բերել, և երդումն տուր նմա զի մի՛ պլ ումեր պատմեսցէ զխորհուրդդ զպղզ: Եւ ասէ ցիս սարկաւազն Յուլիանէ, և թէ է իմ ծառայ մի որպէս զիմ անձն հաւատարիմ: Եւ մոյժ զնա յեպիսկոպոսարանն իմ, և երդմնեցուցի ի սուրբ աւետարանիչն, և հրամայեցի ցսարկաւազն իմ Յուլիանէ, զի նստցի ի քաղաքն Վոստանդնուպալիս, և եղիցի միջնորդ թղթոցն զոր ես և նա գրեմք առ իրեարս ի ձեռն մանկանն իւրոյ Քէոզոսի. և կայեալ յաղաւթս արձակեցի զնա ի նմին ժամու, և եմուտ ի նաւ: Այն որ Աստուծոյ հաճոյ և մարդկան. գրեցաւ առ իս վաղվաղակի, և զթուղթն իմ ետու բերել առ քեզ կընքով. և ի վերայն չգրեցի մինչև ուսանիմ ի քէն, թէ որպէ՛ս են կամք քո առ իս, և կնքեցի զթուղթս իմ խաչիւ ի վերուստ:



## ԵՐԿՐՈՐԴ ԹՈՒՂԹ ՊԵՏՐՈՍԻ ԱՌ ԱԿՈԿ

**Պ**ետրոս Հայրապետ Աղեքսանդրացւոց առ Ակակ:

Յութսուն աւուրց կատարելոց ելանելոյ աստի Յուլիանէ սարկաւագին իմոյ, ետ բերել առ իս թուղթ ի ձեռն Քէոզոսի մանկան իւրոյ, որ 'ի ձէնջ գրեցաւ առ իս, և մինչ տեսի որպէս գրեալն էր ի վերայ, ոչ առի յանձն բանալ զնա և կարգալ՝ վասն գրոյն որ ի վերայն գրեալ էր: Քանզի գրեալ էր այսպէս. Տացի թուղթս այս առ երանելի եպիսկոպոս և Հայրապետն Աղեքսանդրացւոց Պետրոս, յԱկակայ եպիսկոպոսէ, որ է Հայրապետ ի Վոստանդնուպաւլիս: Ո՛ւմ կոչես Հայրապետ, ասա ինձ. այն որ յառաջպոյն լի էիր բարկութեամբ ի վերայ նորա: Քանզի Հայրապետ եմ որպէս ասացերն, եթէ կամաւ և եթէ աւամայ, քանզի Աստուծոյ պահեցի և պահեցից զՀաւատս իմ և ոչ ուրացայ. ըսցց դու զքեզ զի՛արդ Հայրապետ անուանեցեր, և ոչ ցաւեաց սիրտ քո թէ ո՛վ ես դու՝ որ այդպիսի չարիք կործանեցեր զերկիր, զայդ յիշեա՛նք մարդ, և գիտեա՛ յանձն քո, թէ զամենայն շարժումն Հաւատոյս ի ձեռաց քոց խնդրելոց է գատաւորն արդարութեան: Մինչև տեսի զթուղթն զայն որ ի քէն գրեցաւ, ոչ լուծի և ոչ կարգացի որ ի ներքս ի արդիսին գրեալ էր: Բայց ի նմին ժամու դարձուցի անդրէն քահնքովն որպէս և առ իսն եհաս:



## ԹՈՒՂԹ Ե. ԱԿԱԿԱՅ ԱՌ ՊԵՏՐՈՍ ՊԵՏՐԻԱՐԳ

**Խ**մաստունը ըժշկաց՝ զանդամս ապականեալս ի ձեռն երկաթոյ սրոյ սովոր են հատանել. նոյն աւրինակ և դու, հայր իմ իմաստուն, ի ձեռն հոգևոր սրոյ հափէր զկամս ամպարչտութեան և ցուցեր արդարութեամբ սկիզբն ըժշկութեան, վասն այսորիկ և ես աւելի ևս վստահացայ. և հաւատամ յԱստուած յայն՝ յոր հաւատացեր դու ի նա: Եթէ զամենայն ցաւս և վէրս խղիւթեալս սպեղանաւք կակղաւք աւծցէ ի ձեռն քո և ողջացուցէ Յիսուս Միածին Արդին Աստուծոյ, և զաւրացուցէ և կանկնեսցէ զանդամս կոտորեալս եկեղեցոյ իւրոյ, և նորոգեսցէ Տէր Աստուած միւսանգամ ի ձեռն քո, Հայր մեր, զայն հաւատ զոր էր յառաջագոյն, զոր ի մոլորութենէ լելւոյ իմոյ ուրացայ, և անգիտութեամբ նշովեցի զսրբութիւն քո, այժմ զղջանամ և դառնամ որպէս յայնժամ Պետրոս զլուիս առաքելոցն սրբոց, զուրացումն իւր որ եղև վասն Քրիստոսի, և ի ձեռն սրտմութեան վաղվաղակի դարձաւ:

Եւ այժմ խնդրեմ ի քէն, հայր իմ հոգևոր, եթէ հաղորդութեամբ ընդ ձեզ լինիցիմ, չարչարանաց խնդութեամբ համբերեցից, միայն այս աւտարութիւն բարձցի հարսինն եկեղեցւոյ Քրիստոսի: Քանչի պարտ է ինձ չարչարանս կրել իմով մարմնով, որպէս և գրեալ է, և զՔրիստոս շահեցայց, յորմէ ցայժմ զրկեցի զանձն: Զգեցիր այսու հաւատով Հայր, զողորմութիւն քաղցրութեան, և հեշտալի զառաքելոյն Պաւղոսի, և ասա առ մեզ ամենեսեան, Արդեակբ իմ զորս դարձեալ վերստին երկնեմ մինչև նկարեսցի Քրիստոս ի ձեզ:

Այլ բարիոք արարեր, որ ոչ բացեր և կարգացեր զառաջին թուղթն, բանչի որպէս ասացեր, չէր բարի ոք գրեալ ի վերայն, բայց ի ներքս այսպէս գրեալ էր: Ծագեցաւ լոյս ուղղափառութեան, որոց այժմ ծածկեալ էր, և լուսաւորեաց որք



**ՆՈՐԻՆ ՏԵԱՌՆ ՅՈՎՀԵՆՆՈՒ ՀՆՅՈՑ ԿԱԹՈՒՂՈՍԻ ԸՒԿՈՍԻ ԸՆԴԴԵՄ ԸՅՆՈՑԻԿ ՈՐ ԱՊԱԿԱՆԵՆ ԶՍՈՒՐԲ ԽՈՐՀՈՒՐԴՆ Ի ՁԵՌՆ ԽՄՈՐՈՑ ԵՒ ԶՐՈՑ:**

**Ա**հա յառաջագոյն ծանուցեալ առաքելոցն զապստամբութիւն Հերձուածոյն ի Ճշմարիտ հաւատոյն, եթէ այլայլեն զխորհուրդ տնաւրէնութեանն Քրիստոսի, յառաջագոյն հաստատեցին զգեղ բժշկութեան ի գիրս և ի զլուստ ընթերցարանաց, զի որք հակառակին ոչ զոլ Աստուածածին զկոյսն՝ գտանեն ի գիրս Ծննդեան և Յայտնութեանն որ նոյն ինքն է Մկրտութեանն, եթէ Ահա կոյս յղասցի և ծնցի որդի, և ծնեալն Սքանչելի՝ Աստուած՝ Հղաւր՝ Իշխան և Հայր: Իսկ ի գիրս չարչարանաց գտանես, եթէ Աստուած էր որ չարչարեցաւ վասն փրութեան մարդկան, զոր յայտնէ Խսցի, թէ՛ նա զմեզս մեր վերացոյց և վասն մեր չարչարի: Եւ եթէ մարդոյ չամարի և ոչ Աստուծոյ, որպէս սովոր են դնալ ի ճշմարտութենէն, այլ ոմն բեւ Վկայէ ի գիրս չարչարանայն, եթէ՛ Եկեցեք հասցէ Տէր Աստուած մեր, և ամենայն սուրբ ընդ նմա: Յազազս պնորիկ անխտիր մերձենան ի մարմին և յարիւնն Տեառն, զի սոսկ մարդոյ համարեցան, և ոչ Աստուծոյ միաւորելոյ ընդ մարմնոյ, և ոչ պատկառեցան ի հրամանացն, որ Պաւղոսին խաւսէր ընդ հաւատացեալս թէ՛ Որ ուտէ և ըմպէ անարժանութեամբ, և որ այլն:

Գտանես յսկզբումն ընթերցականացն ճառ հոգեպատումն, որք արմատաբի խլեն զհերձուածն, որ ապականացու խոստովանին զանապական մարմինն Քրիստոսի, և յաղազս պնորիկ արկանեն խմոր և ջուր պղծել և ապականել զանապական խորհուրդն, յանհետ առնել հրամայեաց նոցա. յաղազս անխմոր աւրինաց նշանակէ և զեթն աւր ճաշակել առանց խմորոյ զբա-

դարչն՝ զնոյն բերէր աւրինակ, զի խմորեալն ոչ լինի կենդանի հաց, որպէս ասաց Աստուածաբան ի Զատիկին ճատի. Իսկ յետ ելիցն յԵգիպտոսէ, յորժամ վասն այսորիկ աւրինադէր Մովսէսի Աստուած, ոչ ապաքէն յերկնից զայր մանանայն, ուստի հրամայէր առնել զշաւթս և զնաշիհս զոճիցն և զհացն զառաջաւորութեան, որ բերէին զաւրինակս մարմնոյն Քրիստոսի, զի իւրեանց արմտիք ոչ գոյր և յաւտար աշգայ ոչ առնոյին զի պիղծէր. և միւս վասն այնորիկ, զի աւրինակ էր մարմնոյն Քրիստոսի, ոչ կամէր Աստուած թէ ուտիցեն միս ընդ սուրբ հացին, մինչև երթիցեն յերկիրն աւետեաց. Եւ այս անտի յայտ է զոր ասաց Աստուած, թէ յորժամ մտանիցէք յերկիրն, եթէ ցանկանայցէք մտոյ յայնժամ կերիլիք միս. և վասն այսորիկ ասէ Գաւթ թէ՛ Ոչ անսացին խորհրդոյ նորա, այլ ցանկացան պանկութիւն յանապատի, և բարկութիւն Աստուծոյ էլ ի վերայ նոցա, այլ զխմոր ոչ էր պարտ գտանել. Իսկ անաւրէնք ասեն թէ յերկնից իջանէր խմորն ընդ երկնային հացին, և կամ եթէ զոր ասէ Տէրն, եթէ՛ Ես եմ հացն կենաց՝ որ ի յերկնից իջի. արդեւք խմորեալ են կեանքս մեր. Բայց մի՛ լիցի ուսումնասիրաց զմտաւ ածել զպղծապիղծ կրանս նոցա, թող թէ գործով ի կիր արկանել. Բայց այսու հաւանեցուցանեն զպարզամիտն, մանաւանդ եթէ զանմիտն այսպէս ասելով, եթէ Տէր ասաց եթէ՛ Որ ուտիցէ ի հացէս յայսմանէ, մի ճաշակեսցէ զմա՛հ:

Եւ ասեն թէ հաց կատարեալ խմորեալն է, զայս ի մտաց ասեն և ոչ ի գրոց. Եւ եթէ չեն սուտ և սնտի, ցուցցեն յաւրինաց կամ ի մարգարէից զաւրինակ մարմնոյն Քրիստոսի, եթէ արժան է ածել զապականեալ խմորն. այլ ոչ զգիրս զիտեն, և ոչ զլաւութիւն գրոց կամ թէ զոր ասաց Մովսէսիւ Աստուած, Որ ուտիցէ խմորեալ սատակեսցի, նշանակէ զյաւիտեանկան սատակումն, որ ճաշակեն ի սուրբ խորհրդոյն զխմորն. Եւ թէ և կամէր որ գտանել զխմորեալն յաւուրս զատկին յԵսրայէլի՝ ոչ գտանէր, բայց միայն ի տուն հեթանոսաց. Բայց դու նայեաւ և քննեաւ զխորհուրդ հինդաւարաթին. զի նմա կատարեաց Քրիստոս, պատառելով զխմոր և զչուր, զոր վասն ապականութեան խանեն թէ ապականացու է մարմինն Քրիստոսի և ոչ լուսն մարգարէին, եթէ՛ Վարմին նորա ոչ ետես զապականութիւն, և կամ Պետրոսի եթէ՛ Զոր Աստուածն յարոյց, ոչ ետես զապականութիւն. Այլ ոչ զիտեն մոլորեալքն եթէ զի՛նչ է ապակա-

նութիւն: Այլ մեր ճշմարտագէտ յաղագս պսոռիկ իմաստաստի-  
րեսցուք յԱստուածաշունչ կրօն:

Առջին Աստուածաշունչ գիրք ապականացու զծառայն մե-  
ղաց. իսկ ի՞նչ կարէ ասել զնմանէ թէ մեզս գործէր, որ յառաջ  
քան զանաւրէնութիւնն բարոյկեաց մարգարէն թէ՛ Առանց մե-  
ղաց ընթացայ, և ուղիղ է, և այլ ոմն եթէ՛ Անաւրէնութիւն  
ոչ գործեաց, և ոչ գտաւ նենգութիւն ի բերան նորա. և Պաւ-  
ղոս ասէ զնմանէն՝ Սուրբ անմեղ, զատեալ ի մեղաւորաց, ա-  
ռեալ զԹորճուրդս զայս և ասաց, թէ Զայս արարէք առ իմոյ  
յիշատակի: Աղէ՛ ցուցցեն թէ խմորեալ էր հացն կամ ջրով խառ-  
նեալ բաժակն, այլ ոչ կարեն ցուցանել ի գրոց այլ անձնահան-  
ճար իմաստիւք իրակերպին ընդդէմ ճշմարտութեանն: Զի փրո-  
կինն ասէ, յետ անաւրէնոյն զբաժակն. Աչ ևս արբից ի բերոց  
որթոյ. ուստի յայտ է, թէ որթն գինի և ոչ ջուր ծնանի, և  
այս ոչ յաւրինաց և ի մարգարէից այլ Աստուածային բերանոյն  
անաւրէնք են: Եւ զայս ամենայն գեղեցիկ իմն յեղ յեղուն, Քրի-  
զոր Աստուածարան և Յովհան Ասկիբերան, որք համառատ  
բանիւք պատմեցին մեզ զառարեւական և զաւետարանական տա-  
ռիցն միտս, և զայս ամենայն հաստատուն եկեղեցական կար-  
գաց, ևս առաւել ընթերցականսոց ծագեն պատմութիւնք: Արդ՝  
եթէ հազար ինչ ճարտարն երկարնակ ազանդոյն պաշտաւ-  
նեայքն, և բարձրացեալ քան զերկինս ամբարտաւանութեամբ.  
Արդ՝ եթէ ի սերմանէ էր ծնեալ Քրիստոս, ապականացու էր մար-  
մինն. իսկ եթէ ի Հոգւոյն սրբոյ, ապա մի՛ ոք իշխեսցէ ասել  
ապականացու: Բայց հացին անուամբ զարճուրեցուցանեն զպար-  
զամիտսն, և ասեն հաց՝ կատարեալ խմորեալն է: Սուղ ինչ և  
յաղագս պսոռիկ ասասցուք:

Հաց անուն՝ սովորական ի խաւսից է, և հասարակ անուն  
ի բերանս բազմաց, այլ ոչ յատուկ ձայնի նշանակ, և զպսքան  
զհացարարութեան արուեստն հասկացն և շեղչիցն ի վերայ ա-  
սեմք: Այս անուն, ասեն, հաց շատ ժողովեաց, աղէ՛ ասիցեն  
անաւրէնքն, եթէ հասկք և շեղչք խմորեալ է: Իսկ մեր ի գրոց  
ցուցանեմք, եթէ զբաղարջն հաց կոչեն Աստուածային գիրք:  
Յորժամ քաղցեաւն Գաւթ, որպէս կայ ի թագաւորական մա-  
տենին, եթէ ի պահանջին ի բահանայիցն հաց՝ պատասխանի  
տուեալ ասեն, Զիք աստ հաց. բայց առաջաւորութեան հաց, ա-  
հա զբաղարջ՝ հաց կոչեն Աստուածային գիրք որպէս ասացար:

Եւ սուրբն Քրիզոր զնոյն ուսուցանէ մեզ, զի ասէ նա ուրեմն ի հոգէապատումն վարդապետութեանն, եթէ Հացն առաջաւորութեան ըբերէր զաւրինակ մարմնոյն Քրիստոսի, Տես զու և զմի պատկառելի աւրինակն. զի ի ճաշակելն նոցա ասէ քահանայն. Եթէ սուրբ իցեն ի հանանց մանկուծքդ՝ մարթ ե՞ ճաշակել ի սուրբ հացէն. իսկ ի պատասխանելն եթէ Յերեկէ և յեռանդէ, ապա համարձակեցոյց սուրբ հացին, Արդ եթէ ի հնումն որ ստուերն էր հանդերձելոց բարեացս Քրիստոսի, պատկառանաւք և երկիւղիւ էր ճաշակելն, որ աւրինակ ըբերէր զայժմուս, եթէ արժանաւորս պարտ է կալ յահաւոր խորհրդեանն. զի՞արդ երկաքնակ աղանդոյն պաշտանեայքն անխտիր մերձենան. և զՈրդին Աստուծոյ առ ոտն հարկանեն, և զարիւն նորոյ ուխտին խառնակ համարելով, որով սրբեցաքն, և թշնամանեցին զշնորհաց հոգին, Այլ ես պատկառեմ յայնմանէ որ ասացն, Իմ են վրէժխնդրութիւնք և ես հատուցից, Վասն որոյ պատկառեսցուք ալաչեմ և մի յանարժան անձինս մատչիցիմք ճաշակել, այլ ապաշխարութեամբ մերձեսցուք ի կենդանութիւն ի Քրիստոս Յիսուս Աստուած մեր, որում փառք յաւիտեանս:

Ի տասներորդն նիսան. արարին որդիքն Իսրայէլի զԶատիկն յԵգիպտոս, և ապա ելին յերկրէն Եգիպտացւոց, և յաւրըն չորրորդ ընդ ծովն անցին, զոր առաքեալն մկրտութիւն կոչէ, աւրն միաշարաթ, և մանանային աւրն միաշարաթ. որ պառաջին պատարազն որթք \*) մատուցին երիտասարդքն Իսրայէլի Տեսան Աստուծոյ, զի ցայնժամ չև էր աւծեալ քահանայ. և նախանձեալ ընդ այն սատանայի՝ որթուն ետ կրկրպպանել և ոչ եգիտ Ահարոն եթէ զո՞ր նման արասցէ վկուան. ի տագնապել զնա ժողովուրդն. Եւ իբրև ել ոսկին ի հրոյն չունէր ինչ նմանութիւն որթու. ապա կոչեաց Ահարոն քանդակիչս և ետ մաքրել զնա ճշմարիտ որթ. Արչառ և ոչխար բազում ունէր ժողովուրդն յանապատին, ըսցց միս ոչ ուտէին զի այնպէս աւրինադրեալ էր Աստուծոյ: Եւ պատարազ զոր առնէին՝ հուրն ճարակէր. և յայտ անտի է զի ասաց Աստուած. Յորժամ մտանիցես յերկիրն ժառանգել, եթէ ցանկաս մնոյ, յայնժամ ուտիցես միս, և զարիւն մի ուտիցես, այլ յերկիր հեղցես: Որով յայտ է թէ յԵգիպտոս զանսուրբն անխտիր ուտէին.

\*) Այսպէս յօր.

իսկ յանապատին աւրէնս ընկալան չուտել միս, վասն որոյ և մարդարէն ասէ, Ցանկացան զցանկուծիւն յանապատին: Բայց առաջաւորուծեանն լրագորջ էր որ բերէր զաւրինակ մարմնոյն Քրիստոսի, և շաւթ էր նաչի՛հ զո՛հիցն: Խնդրելի է մեզ եթէ ցորեան է, եթէ մանանա, զի իւրեանց արմտիս ոչ զոյր և յաւտար ազգաց չառնուին զի պիղծ էր. և զմանանայն յերկանի աղային և ի թոնրի եփէին, որ բերէր զաւրինակ մարմնոյն Քրիստոսի. զի թէ աւրինակն անխմոր էր, զի՛արդ ճմարտուծիւնն խմորեալ լինի: Փառք Քրիստոսի Աստուծոյ մերոյ յաւիտեանս:

ՁԵՆՊԱՊԱՐԳ ԳՐՈՂՍ զԹՈՒՄԱՍ Խ ԿԵՆՈՒՄՆ ԻՄ յԵՇԵՅԷ Ի ՔՐԻՍՏՈՍ:

ԿՐՈՍ:



## ՅՈՎ ՀԱՆՆՈՒ ՄԱՆԴԱԿՈՒՆԻՈՑ ՀԱՅՈՑ ԿԱԹՈՒՂՈՍԻ ՂԻԿՈՍԻ

**Ա**րդ՝ վասն զի ի պահոց քառասնորդան կոչի աւր ժ ուրբաթ՝ չարչարանք թաշելութեանն Տեառն, և առիթ կոչման չարչարելոցն յաշխարհիս, ունել յանձին զաւրինակ չարչարանացն Տեառն՝ առ ի փրկութիւն հոգւոց չարչարակցացն Տեառն, և առ ի պահպանութիւն անձանց պատուիրանապահացն Տեառն, առ ի լինելոյ չարչարակից թաշելութեանն Տեառն, փոռակից յարութեանն, և առիթ կոչման մեղաւորացն յապաշխարութիւն: Արդ՝ յայսմ քառասնորդի, որպէս զի աւրէն է զչարաթ և զկիրակէն որպէս զուրբաթ և զչորեքշաբաթ պահել զհետ աւրինացն առնոյ, Եւ յայնմ քառասնորդի որ կոչի կիրակէն կոչի աւր առաջին, և սկիզբն աւուրց յարութեան, և ուրախութիւն աշխարհի, և աւետիք արքայութեան, լի ամենայն ուրախութեամբ անձանց պատուիրանապահացն արդարութեան. աւրէն է զուրբաթն և զչորեքշաբաթի իբրև զկիրակէն և զչարաթն ուտել. Քանզի զոր աւրինակ ի գատկէն մինչև ցվերացումն կիրակէ կոչի, այսպէս ի բարեկենդանէ մինչև ցգատիկն՝ ուրբաթ: Արդ՝ բեզէն ան զբեզ ի հաւան, զուզեա զայս քառասուն բաւութեան և զայն քառասուն ուրախութեան: Կշտեա զքառասուն ընդ քառասնի, և զուրբաթ և զչորեքշաբաթ՝ ընդ շաբաթու և ընդ կիրակէի. և գտանեա հասարակ ի սմա յազումն և ուրախութիւն. և ոչ ի նմա պահք և տիրութիւն, Այս քառասուն առիթ բաւութեան մեղաց տարւոյն, և այն քառասուն յաջորդ ուրախութեանց տարւոյն:

Արդ՝ աւրէն է զայս պահոց քառասնորդս հարթիկ պահել ի բարեկենդանէն մինչև ցգատիկն. այլ գինի և իւղի, ձու, ձուկն, պանիր, կոզի, կաղտի, բաժին, շճուկ, կաթն, խեր, և ձկան մորէ, զայս ընաւ ամենեկին չէ աւրէն, և ոչ վայել է ճաշակել ամենայն ումեք մեծի և փոքու, արդարոյ և մեղաւոր:

րի Շատ են մեզ այլ կամարն բառասուն աւուրն, կանեփ  
Հատ, կտաւատ, փոթինդ, Հատ, սամթաջուր:

Արդ այսու բառասնորդաւ Տէրն ի լերինն փորձութեան  
տարաւ յետս զփորձիչն սատանայ, որ է աւրինակարեր յաղթու-  
թեան ամենայն հաւատացելոյ: Միթէ Աստուծոյ պահել ինչ  
պիտոյ էր ոչ ապաբէն վասն աւրինակի մարդկան առնէր զայն:  
Արդ եթէ զհանապազաւրն մեռանել ոչ կարեմք ըստ բանին  
Պաւղոսի, այլ զոնեա՞ բառասուն աւուրբքս լինել հաղորդ չար-  
չարանացն Քրիստոսի: Զի զբազանակեալ \*) մեղք տարւոյն, բա-  
ռասուն աւուրբքս ընկեսցուք յանձանց: Ոչ զիտես, զի որ միտեալ  
մտաւք չարչարակից լինին չարչարանացն Քրիստոսի, նորա միայն  
կարեն լինել փառակից յարութեանն: Քանզի ասէ թէ յի միայն  
հաւատալ ի Քրիստոս, այլ վասն անուան նորա չարչարանս ըն-  
դունել:

Արդ՝ այս բառասունք չարչարանք խաչելութեանն Տեառն,  
և այն բառասունք յարութիւն կենդանութեան Տեառն: Այս բա-  
ռասուն բացախ և լեղի չարչարանացն Տեառն, և այն բառասուն  
խորիսխ մեղու, և ձկան խորովելոյ յարութեանն Տեառն: Այս  
բառասուն զինուորացն կնքով պահել զգերեղման Տեառն և այն  
բառասուն, հրեշտակացն զաւետիսն տալ Մարիամանցն զյա-  
րութենէն Տեառն: Այս բառասուն միջնորդ ապաշխարութեան,  
և այն բառասուն երաշխաւոր թողութեան: Այս բառասուն բա-  
ւիչ յանցանաց. և այն բառասուն թողիչ մեղաց: Այս բառասուն  
լալոյ և արտասուաց, և այն քառասուն ցնդութեան և ուրախու-  
թեան: Այս բառասուն սերմանելոյ ցաւովք և տրամութեամբ,  
և այն բառասուն ժողովելոյ փառաւք և զովութեամբ: Արդ՝ այս  
բառասնորդաւ մեծ մարգարէն Մովսէս ետ զաւրէնս ժողովրդ-  
դեանն, և այն բառասնորդաւ բաւեաց Մովսէս զ յանցանսն Ա-  
հարովի և զ յանցանս ամենայն ժողովրդեանն: Այս բառասնե-  
րորդաւ չորաւ Եղիա ի լեառնն Սինէական առնուլ հրաման ի  
Տեառնէ զվերանալոյն իւրոյ յերկինս: Այսու պահաւք ապրե-  
ցան Լերեք մանկունքն ի բարձրարերձ տոչորական հրոյն սա-  
տակման: Այսու պահաւք լուծին Նինուէացիքն զվճիռ մահուան  
զՏէրունական հրամանին առ ի լինելոյ ընդունելական պահք  
ապաշխարութեանն նոցա, և արագաթող լինելոյ մեղք յանցա-  
նաց նոցա:

\*) Այսպէս յօր. 'ի լուսանցս. զգարան.

## ԵՐԱՆԵԼՈՅՆ ԿԵԼԵՍՏԻՆՈՍԻ ԵՊԻՍԿՈՊՈՍԻ ՀՌՈՄԱՅ, ԹՈՒՂԹ ԱՌԱՋԻՆ ԱՌ ԵՆՍՏՈՐ

**Ո**չ գիտեմ ուստի ի մերս: Հասանէ լսելիս, իբր թէ հաւատ իմն հեղեալ ի բէն նորաձևս, որ է արտաքոյ բարեպաշտութեանն, այլ զլուր բոյոց հաւատոցդ անտես արար .ք, բանչի գարմացումն մերձ է առ մեղ, և թէ դու որ յիմաստութիւնսն մեծագոյնս խորհեցեալ, և վայելչիցս գիտութեան բարձրութիւն բարձրացեալ, զի՛արդ այդպէս վաղվաղակի յանգիտութեանց ընկղմեցար խորխորատ: Իսկ և թէ այսպէս, որպէս բանս հաստատէ, թշնամանեալ լինի ուրեմն ի բէն Երրորդութեանն համագոյութիւն: Աւրացեալ լինի և արժանաւոր պատիւ Աստուածածնին Մարիամայ, վասն որոյ պատշաճաբար համարիմ ըստ բեզ, և առ բեզ և ընդդէմ թո զասացեալն որ զոչելով աղաղակէ, եթէ՛ Բազում դպրութիւնքդ՝ զբեզ ի մտրութիւն դարձուցին: Բայց ես ոչ դարձուցին միայն ասեմ, այլ և զանցուցին ևս: Քանչի ձգեցեր զձեռս թո առ ի յԱստուածամարտութիւն, և զաւտի ածեալ տարեալ եղեր, ուր ոչն կամէիր և ոչ գիտէիր. զի թէ էիր գիտացեալ, ոչ արդեաւ զԱստուած խորհէիր բեզ ընդդիմամարտ, և կամ ընդդէմ խթանի աքսցել, որ ոչն էր բեզ կարողական:

Աւստի և վայելուչ կարծեմ յաղագս թո առնուլ զՄովսէսեանն ձայն փոթ, և սուղ ինչ այլարանելով ընդ թո յեղափոխութեան հաւատոցդ, մանաւանդ թէ յանհաւատութեանդ կամաց, ասեմ, Այս այր յիմար և ոչ իմաստուն. ո՛չ առ ինքն է հայրն թո որ ստացաւ, արար և ստեղծ զբեզ, և դու զմյգ Տեառն հատուցանես, բանչի Աստուած գոյով ստացաւ զբեզ, և էած յանգոյութենէ ի գոյութիւն: Իսկ դու անստացար զբազմազին մարգարիտն Քրիստոս, և ոչ նարովթայ արեանն գոչելով յերկրէ զնոյնգունակ ի բեզ բերելով նմանեցուցեր: Քանչի



նա ի հայրենի ժառանգութեանցն զրկել ո՛չ առնոյր յանձն, և զմահ յաղագս այնորիկ կրէր: Իսկ դու պհարցն նախասահմանեալ ի բեզ հաւատս ի բաց մերժելով, զրկեցար և փախտական եղեր իբրև զամպարիշտն ոչ հալածեալ, Եւ այժմ մեր այսչափ աղաչելովս և նախագոչելովս զբեզ, ոչ կամիս դառնալ որպէս զնմանին: քո զԱսայէլ, որ երբեմն հալածելով զԱրեններ յուսացեալ ի յիւրոցն արագութիւն ոտից, ոչ կամեցեալ լսել աղաչանացն մինչև զանլսաւորութեանն ժողովեաց զվարձ, նոյնժամայն խոցեալ կայր մեռեալ յերկրի հանդերձ մատնչաւքն իւրովք ոտիւք: Վասն որոյ և ես բեզ խրատ տամ, ոտիցդ բոց ոչ հաւատալ զբեզ, քանզի աւձն դարանակալ հարկանել զգարչապարսդ. այլ մանաւանդ զլիւյզ եթէ իցէ Գրիստոս, յորմէ ամենայն մարմինն յաւդիւք և խաղալիաւք տարպրերի և խառնեալ աճէ զաճումն Աստուծոյ:

Ապա երբ հաւանեցիս դառնալ յընդունայն յանսուրբ մոլորութենէդ, մեր ընդդէմ . . . . . շնորհին արտաձայնեայուք: Քանզի չէ պարտ զսրբութիւնս շանց տալ, և կամ զմարդարիտն առաջի խոյից: Քանզի ո՛յր արդեւք զբեզ տեսանելով ի բարեպաշտութենէն յամպարշտութիւն հաստատեալն ոչ զարմասցի, և կամ ո՛յր զպղպիսի լսելով համբաւ, և ոչ երկոբին հնչեցեն ականչքն: Քանզի զիս. . . . \*)



\*) Աստանօր թերթ մի անկեալ է յօրինակէն և պակասին վերջն թըղէ Լոյն Կելեստինոսի, և սկիզբն առաջին թղթոյն Պետրոսի:

## ԱՌՆՋԻՆ ԹՈՒՂԹ ՊԵՏՐՈՍԻ ԱՌ. ԱԿԱԿ

. . . . զոր սերմանեաց սատանայ ի մէջ եկեղեցեաց: Եւ մինչ զայդ զամենայն լուայ եւ կրտսերս Պետրոս, երկեսայ յոյժ ի դատաստանէն Աստուծոյ, և ասեմ ցՅուլիանէ սարկաւազ իմ. թէ արա ընդ իս Հաստատութիւն, և մի որ զիտասցէ զխորհուրդդ զայդ, մինչև կատարեսցին կամք Աստուծոյ: Եւ երդուաւ ինձ: Յայնժամ վստահացայ և գրեցի թուղթ իմով ձեռնարկութեամբ, և ետու ցՅուլիանէ զնոյն բան զոր ասայ ցիս, թէ գրեալ քոյով ձեռնարկութեամբ: Եւ արձակեցի զնա և ասացի, թէ կոչէ զքեզ. և տայ թուղթ ի ձեռն մարդոյ որ քեզ հաւատարիմ թուի, տո՛ւր բերել, նոյնպէս և ես ի նորա ձեռն տամ բերել, և երդումն տուր նմա զի մի այլ ումեք պատմուցէ զխորհուրդդ զայդ: Եւ ասէ ցիս սարկաւազն Յուլիանէ, և թէ է իմ ծառայ մի որպէս զիմ անձն հաւատարիմ: Եւ մոյժ զնա յեպիսկոպոսարանն իմ, և երդմնեցուցի ի սուրբ աւետարանիսն, և հրամայեցի ցսարկաւազն իմ Յուլիանէ, զի նստցի ի քաղաքն Կոստանդնուպալիս, և եղիցի միջնորդ թղթոցն զոր ես և նա գրեմք առ իրեարս ի ձեռն մանկանն իւրոյ Թէոդոսի. և կացեալ յազաւթս արձակեցի զնա ի նմին ժամու, և եմուտ ի նաւ: Այն օր Աստուծոյ հաճոյ և մարդկան. գրեցաւ առ իս վաղվաղակի, և զթուղթն իմ ետու բերել առ քեզ կընքով. և ի վերայն չգրեցի մինչև ուսանիմ ի բէն, թէ որպէս են կամք քո առ իս, և կնքեցի զթուղթս իմ խաչիւ ի վերուստ:



## ԵՐԿՐՈՐԴ ԹՈՒՂԹ ՊԵՏՐՈՍԻ ԱՌ ԱԿՈՎ

**Պ**ետրոս Հայրապետ Աղեքսանդրացուց առ Ակակ

ՅուԹսուն աւուրց կատարելոց ելանելոյ աստի Յուլիանէ սարկաւագին իմոյ, ետ բերել առ իս Թուղթ ի ձեռն Քէոզոսի մանկան իւրոյ, որ ՚ի ձէնջ գրեցաւ առ իս, և մինչ տեսի որպէս գրեալն էր ի վերայ, ոչ առի յանձն բանալ զնա և կարդալ՝ վասն գրոյն որ ի վերայն գրեալ էր. Քանչի գրեալ էր այսպէս. Տացի Թուղթս այս առ երանելի եպիսկոպոս և Հայրապետն Աղեքսանդրացուց Պետրոս, յԱկակայ եպիսկոպոսէ, որ է Հայրապետ ի Աոստանդնուպաւլիս: Ո՛ւմ կոչես Հայրապետ, ասա ինձ. այն որ յառաջպոյն լի էիր բարկութեամբ ի վերայ նորա. Քանչի Հայրապետ եմ որպէս ասացերն, եթէ կամաւ և եթէ ահամայ, բանչի Աստուծոյ պահեցի և պահեցից զՏաւաոս իմ՝ և ոչ ուրացայ. բայց դու զբեկ զիարդ Հայրապետ անուանեցեր, և ոչ ցաւեաց սիրտ բո թէ ո՛վ ես դու՝ որ այդպիսի չարիք կործանեցեր զերկիր, զայդ յիշեա՛ ռ՛վ մարդ, և զիտեա՛ յանձն բո, թէ վամնայն չարժումն Տաւաոոյս ի ձեռաց քոց ինդրելոց է գատաւորն արդարութեան. Մինչև տեսի զԹուղթն զայն որ ի բէն գրեցաւ, ոչ լուծի և ոչ կարդացի որ ի ներքս ի շարժսն գրեալ էր. Բայց ի նմին ժամու դարձուցի անդրէն բո կնքովն որպէս և առ իսն եհաս:




## ԹՈՒՂԹ Ա. ԱԿԱԿԱՅ ԱՌ ՊԵՏՐՈՍ ՊԱՏՐԻԱՐԿ

Եմաստունը ըժշկաց՝ Կանդամս ապականեալս ի ձեռն երկաթոյ սրոյ սովոր են հատանել. նոյն աւրինակ և դու, հայր իմ իմաստուն, ի ձեռն հոգևոր սրոյ հաբէր զկամս ամպարշտութեան և ցուցեր արդարութեամբ սկիզբն ըժշկութեան, վասն այսորիկ և ես աւելի ևս վստահացայ. և հաւատամ յԱստուած յայն՝ յոր հաւատացեր դու ի նա: Եթէ զամենայն ցաւս և վէրս խղիւսթեալս սպեղանաւք կակղաւք աւծցէ ի ձեռն քո և ողջացուցէ Յիսուս Միածին Որդին Աստուծոյ, և զաւրացուցէ և կանկնեսցէ Կանդամս կոտորեալս եկեղեցոյ իւրոյ, և նորագեսցէ Տէր Աստուած միւսանգամ ի ձեռն քո, Հայր մեր, զայն հաւատ զոր էր յառաջագոյն, զոր ի մոլորութենէ լելլոյ իմոյ ուրացայ, և անգիտութեամբ նյովեցի զսրբութիւն քո, այժմ զղջանամ և դառնամ որպէս յայնժամ Պետրոս զլուս առաքելոցն սրբոց, զուրացումն իւր որ եղև վասն Քրիստոսի, և ի ձեռն տրտմութեան վաղվաղակի դարձաւ:

Եւ այժմ խնդրեմ ի բէն, հայր իմ հոգևոր, եթէ հաղորդութեամբ ընդ ձեզ լինիցիմ, չարչարանաց խնդութեամբ համբերեցից, միայն այս աւտարութիւն բարձցի հարսինն եկեղեցոյ Քրիստոսի: Քանչի պարտ է ինձ չարչարանս կրել իմով մարմնով, որպէս և գրեալ է, և զՔրիստոս շահեցայց, յորմէ ցայժմ զրկեցի Կանձն: Զգեցիր այսու հաւատով, Հայր, զողորմութիւն քաղցրութեան, և հեշտալի զառաքելոյն Պաւղոսի, և ասա առ մեզ ամենեսեան, Որդեակբ իմ զորս դարձեալ վերստին երկնեմ մինչև նկարեսցի Քրիստոս ի ձեզ:

Այլ բարիոր արարեր, որ ոչ բացեր և կարգացեր զառաջին թուղթն, քանչի որպէս ասացեր, չէր բարի որ գրեալ ի վերայն, բայց ի ներքս այսպէս գրեալ էր: Ծագեցաւ լոյս ուղղափառութեան, որոց այժմ ծածկեալ էր, և լուսաւորեաց որբ

ի խաւարի և ի ստուերս մահու նստէար. ապա ուրեմն առ մեզ  
 աղաղակէ երանելին Գաւիթ թէ՛ Ամենբեան խոտորեցան ի  
 միասին և անպիտանացան, ոչ որ է որ առնէ զբարի, և չէ որ  
 մինչև ի մի. Այն որ ասաց թէ՛ ըսյց մի ասաց մարգարէն, առ  
 քան ասաց, պսինքն առ Աստուծոյ մերոյ: Բայց թուի ինձ այժմ  
 ասել ի վերայ սրբութեան բում, բանզի դու միայն արդարու-  
 թեամբ պահեցեր զճշմարտութիւն ի մէջ բահանայից. զի ամե-  
 նայն քահանայք, ըստ բանի Եղիայի մարգարէին, թողար զԱս-  
 տուած և դնացար զՏեա ամպարիշտ թաղաւորաց: Քանզի զյոյս  
 ուղղափառութեան, որ հանապաղ լուսաւորէ ի փոռս, անպիտա-  
 նութեամբ փոխեցար, և արդ ի ներդութիւն և ի չարչարանս  
 կամբ: Այլ յայտնեա զանձն բո, ճառագայթ ծածկեալ ուղղափա-  
 ռութեան, և լուսաւորեա ի վերուստ. որք ի խաւարի և ի ստուե-  
 րըս մահու նստէին: Լապտերդ բազմալոյս ուղղափառ առաքի-  
 նութեան, լեր նման Ստեփանոսի առաջին մարտիրոսին, և դո-  
 չեա առ Աստուած փոխանակ մեր զի հալածեցար զբեզ, և ա-  
 սա. Հայր թո՛ղ նոցա, զի ոչ զիտեն զի՛նչ զործեն:



## ԵՐՐՈՐԴ ԹՈՒՂԹ ՊԵՏՐՈՍԻ ԱՌ ԵԿԵԿ ՀԱՅ- ՐԱՊԵՏ:

**Պ**ետրոս Հայրապետ Աղեքսանդրացւոց առ Ակակ:

Զգրեալսդ որ ի ձէնչ առ մեզ ետուր բերել, տրտմութիւն ի վերայ տրտմութեանց յաւելին յանձն իմ, բանչի մինչև ցայժմ մի տրտմութիւն էր անձին իմոյ թրպէս արժանացայց հրաժարել յայսմ աշխարհէս ուղղափառութեամբ և արդարութեամբ, և առից զպսակն ուղղափառութեան. և ամբիժ և անսրատ կացից առաջի ահաւոր բեմինն Աստուծոյ մերոյ Յիսուսի Քրիստոսի Այժմ, թ՛վ սիրելի, զի՛նչ կոչեցից զքեզ ոչ զիտեմ, զի ի շղթայս՝ ուստի ոչ եմ՝ զերծանելոց փակեցեր զիս: Եւ արդ զի՛նչ զործեցից ոչ զիտեմ, նենգել ո՛չ կարեմ, քանչի ոչ եմ՝ նենգաւոր Քրիստոսի Տրտմութիւն որ եղև ձեզ՝ ձեր կամաւորութեամբ լժշկել չեմ արժանի, բանչի ԱՅ, ամ զհաւտն Քրիստոսի անողորմաբար սպանէր անհաւատութեամբ ձերով, զի որբ ոչն եղեն ձեզ կամակից, զնոսա սրով և ալզի ալզի չարչարանաւր ամպարիշտ թագաւորացն զրկեցէր յայսմ կենաց, և զգեղեցկութիւն եկեղեցւոյն որում փոխանակ Քրիստոսն մեռաւ՝ մինչ էրն ընդ հաւրն և առ հաւր՝ ուրացայք, և ձեռնարկութեամբ տումարին Անոնի ապականեցէր, երկու բաժանեալ ընութեամբքն, նմանելով առիւծոյ անողորմի, և որպէս կերակուր յատամունս ձեր զհաւտն աւձտեալ պատառեցէր: Քանչի բաժանեցէր ամպարըտութեամբ ձերով զանրարժանելին Աստուած, Եւ արդ՝ զի՛նչ զործեցից ոչ զիտեմ: զի տրտմութիւնդ ձեր ոբ եղև կամաւորութեամբ լժշկել ոչ կարեմ, քանչի պր մի մեղաւոր եմ ես և մահկանացու, բայց խնդրուածս մատուցէր Աստուծոյ, յորմէ ուրացարուքն, և մի դաղարէր որպէս զի դարձցի և ողորմեսցի և փրկեսցէ զձեզ:

Սո՛ւկ առցեն ընդ մեզ ամենայն դասք սրբոցն: Սո՛ւզ առ-

ցեն ընդ մեզ բայմութիւնք երկնաւորացն զի մերկացար զփառըս նոցա: Սո՛ւգ աոցէ ընդ մեզ և դրախտն որ վասն մեր տընկեցաւ, այն որ ոչ ընդունի զմեզ վասն մերոյ թերահաւատութեան: Սուգ աոցէ արեգակն, այն որ ոչ կամեցաւ տեսանել զչարչարանս Տեառն իւրոյ, ըստ խաւար փոխանակ լուսոյ զգեցաւ, զի յանդիմանեցէ զթերահաւատսն որք յայնժամ էին: Եւ այժմ սո՛ւգ աոցեն ընդ մեզ ամենայն ժողովք արդարոց երեւելիք և աներեւելիք: Սո՛ւգ աոցեն ընդ մեզ ամենայն զաւրք վերնայիւք, և խնդրուածս մատուցեն Աստուծոյ մարդասիրի Գարբիէլ և Միրայէլ զլուիք վերին պաւրացն Տրեշտակաց, խնդրուածըս մատուցեն փոխանակ մեր Քերովբէք և Սերովբէք ըստ մահայնագր. կառք աւետեաց, այն որ վերրորդութիւնն սուրբ փառաբանեն զանսկզընականն Աստուած. զի զոգորմութիւնն իւր սրսկեցէ ի վերայ մեղուցեալ ժողովրդեանս: Այլ այսու ամենայնիւ խրատել զձեզ ոչ զադարիմ զի զԱստուած՝ զոր ուրացայրն, նմա աղաչանս և խնդրուածս մատուցեալ մի զադարէք, մինչև դարձցի առ ձեզ և ողորմեսցի:



## ԹՈՒՂԹ ԵՐԿՐՈՐԻ ԱԿԱԿԱՑ ԱՌ ՊԵՏՐՈՍ

**Յ**Ակակայ առ Պետրոս Տայրապետ Աղեքսանդրացուց:

Ես այժմ ինձ արդար հասցիմ զանձն իմ, բանյի տեսի զբեզ զի յանձն առեր զտրտութիւնս մեր, և զտուրը զաղաւանսդ զոր մատուցանես փոխանակ մեր առ Աստուած, որ ոչ ուրացար ի նմանէ: Արդ ես երանեցից իմ անձինս զի խրատեսցայց ի բո բարի վարդապետութենէդ, և այժմ ծանեայ եթէ աշակերտ ես սեպհական Յիսուսի Քրիստոսի. զի ըստ յանցաւորութեանս մերում ոչ արարեր մեզ, այլ խրատիչ բարի ամենայն մարդկան երևեցար յԱստուծոյ: Քանզի բարիքը ուսուցանես թէ առ այն Աստուած զոր Գուրն ուրացարուք, վայել է ձեզ անդադար խնդրուածս մատուցանել զի դարձցի և ողորմեսցի և փրկեսցէ զձեզ: Այլ զտուժար այնր ամպարշտին այսինքն Լևոնի, կամակից եղեն հարբն մեր որ յառաջ բան զմեզ էին ամպարշտի արբային Մարկիանոսի, նոյնպէս և մեր որ յետ նոցա եղար, ուրացար զրով ի միածին Արդւոյն Աստուծոյն ի Տեառնէ մերմէ Յիսուսէ Քրիստոսէ: Այլ զտուժարն զայն ամպարշտութեան առաջի երկնաւորաց և երկրաւորաց և սանդարամետականաց նչովեմ ի թղթիս յայսմ զոր զրեաց ձեռն իմ:

Այլ այժմ, ի՞՞վ հայր սուրբ, նայեաց յողորմութիւնն որ տուեալ է բեզ յԱստուծոյ, եթէ բարկանայցես և մատնեսցես զմեզ, և եթէ հատուցանիցես փոխանակ չարի չար, այլ հօտո՛ բարիս փոխանակ չարի որպէս հաւատարիմ Քրիստոսի. եթէ թողուցուս զմեզ յայսմ կապանս ուրացութեան, եթէ ոչ ընդունիցիս զայնոսիկ որ ապաշխարիցեն, եթէ ոչ լուծցես իշխանութեամբ որ տուաւ բեզ յԱստուծոյ՝ զպս կապանս որ ի վերայ մեր է, այլ ձեռնարկութեամբ իմով նչովեցի զամպարշտին տուժար, յայսմ թղթի զոր զրեաց ձեռն իմ: Եւ այժմ լրոնեցի մինչև խնդրուածս մատուցից Աստուծոյ մարդասիրի և վարդապետութեան բուժմ:

---



## ԹՈՒՂԹ ՉՈՐՐՈՐԴ ՊԵՏՐՈՍ ԿՆՏՐԵՊԵՏԻ ԱՌ ԱԿԱԿ

**Պ**ետրոս հայրապետ Աղեքսանդրացուց:

Լոնա, սիրելի, Թրչափ աշխատ առնես զանձն իմ: Լոնա՛ պն որ ցայժմ դատապարտէիր զանձն իմ. բանդի որպէս զամպարիշտ ի մահ մատնէիր զիս, և զսուր թաղաւորին հանէիր ի վերայ իմ: Բայց այժմ տեսնեմ զքեզ զի պատերազմող երևիս. յառաջագոյն յապականիչ մարդկան ի նեղութիւն և ի չարչարանս կամէիր ընկենուլ այլ այժմ որ Աստուծոյ աղաչանս մատուցանես վասն իմ՝ ի հոգեոր սուրն պն՝ որ զանձն և զմարմին կարէ սպանանել՝ ընկեցեր զիս: Այլ ինձ բաւ լիցի հատուցանել չար փոխանակ չարի, այլ փոխանակ չարին զբարի, և եթէ թողից, և եթէ յամեցից, և եթէ ոչ ընդունիցիմ զպնոսիկ որ ապաշխարեն: Այլ այժմ զիտեա, ո՛վ սիրելի, եթէ ամենայնիւ աւտար համարիմ զքեզ: Այլ ինձ բաւ լիցի հատուցանել փոխանակ բարոյ չար: Եթէ Աստուած ղո՛ք տայ ինձ ոչ յամեցից և ոչ թողից, այլ ընդունիմ զպնոսիկ որ ապաշխարեն: Այլ ես մինչ կարգացի վթուղթն զպն՝ որ ձեռնարկութեամբ ձերով զրեալ էր, որ նյովեցեր ի նմա զտումար ամպարշտին, զարմացայ և ի զարմանալոյ ոչ դադարեմ, եթէ ո՛չ զիտես ո՛վ մարդ եթէ ո՛չ զիտեմ զի՛նչ արարեր, բանդի յորժամ նյովեցեր զտումարն, նյովեցեր յհարսն բո զպնոսիկ որ ի տումարին ձեռնարկ արարին, որք և զքեզն բահանայացուցին: Քանզի նյովեցան նորա ի բէն, և Գրչաքի նյովեցեր, բանդի դու ի նոցանէ բահանայացար: աւտար ես այսուհետե յեպիսկոպոսութենէդ, և զի մի սրտմտեցուցանիցեն զքեզ բանքս այսորիկ, բանդի զարդար խաւսել ոչ ամաչեմ, եթէ հատցէ ռք զզուխս իմ:



## ԹՈՒՂԹ ԵՐՐՈՐԴ ԵԿԵԿՅՑ ԱՌ ՊԵՏՐՈՍ

Յ

Ակակայ առ Պետրոս հայրապետ Աղեքսանդրացւոց:

Մի ժամ ասացից, և այլ ոչ յաւելից խաւսել այսուհետև: Ո՛վ հայր սուրբ. նայեաց ի շնորհս որ տուեալ են բեզյաստուծոյ, եթէ յամիցես և եթէ թողուցուս, եթէ ոչ ընդունիցիս զայնոսիկ որ ապաշխարենն, եթէ այժմ որ նյովեցի զրով ըզտումար ամպարշտին, և զիս նյովեցի, և խնդամ զի ոչ խնայեցի յանձն իմ, զի այսպէս զՔրիստոս շահեցայց: Այսուհետև զանձն իմ Աստուծոյ մարդասիրին և վարդապետութեան բոււ յանձնեցի: Բայց նայեալ յողորմութիւնն որ յԱստուծոյ տուեալ են բեզ փոխանակ եկեղեցւոյ իւրոյ: Եթէ և ամենայն եպիսկոպոսքն նյովեն որպէս զիս զամպարշտին զտումար, գտանին և նոքա ընդ նյովուբ լինել: Ո՛ւր իցեն աղբիւրք ողորմութեանն Աստուծոյ մերոյ, զի՛արդ և զգիրն ընդունիցիմք խոստովանեալ զմեզս բո, զի արդարասցիս. ապա ուրեմն գտանի սա, եթէ ոչ վասն թողութեան լինի ապաշխարութիւնս այս, այլ կործանումն ամենայն ժողովրդեան: Սեղանք՝ որ արհամարհեալ են ի բազմութենէ բահանայիցս այսոցիկ, մինչ տրտմին վասն որդուց մարդկան ապականութեան՝ որ յանկարծ որբ մնային ի նոցանէ և բազմութիւն բարբարոսական ժողովրդոց խառնակեցին, և հերետիկոսք ծաղր արասցեն զհարանն Քրիստոսի. և եղիցին վերջինքն՝ չար բան յառաջնան: Բայց այժմ լուր ինձ, հայր իմ, և կայ զաւրութեամբ մինչև հաշտեցուցանես զԱստուած, որ ոչ ուրացար ի նմանէ, զի ջնջեսցէ ի մէջ ի բահանայիցս որ ապաշխարեմք զձեռնարկութիւն ուրացութեան մերոյ և զարձուսցէ առ մեզ զուղղափառութեան պսակն:

Գոչեա՛ և դու, ո՛վ հայր, առ Աստուած, այն որ ոչ ուրացար ի նմանէ, որպէս զերանելին Մովսէս որ ասէր՝ Եթէ թողուցուս դոցս զմեզս թո՛ղ, թէ ոչ և զիս ջնջեա՛ ի դպրութենէ

քումմէ, Նոյնպէս և Ահարոն բահանայապետ ընդ ժողովրդեանն մեղաւ, բանչի պաշտեաց ընդ Նոսա զկուռսն. բայց ի խնդրուածոց երանելոյն Մովսէսի ուրախացաւ ի բժշկութեանն որ յԱստուծոյ եղև նմա ի նմին ժամու, և ոչ աւտարացաւ ի բահանայութենէն այլ եկաց և նովիմբ պաշտեաց զԱստուած մինչև ցմահ: Նոյնպէս և զու, հայր մեր, նմանեա երանելոյն Մովսէսի, և զոչեա առ Աստուած, որ ոչ ուրացար ի նմանէ. և ասա. Եթէ թողուս դոցա զմեզս՝ թողլ եթէ ոչ և զիս ջնջեա ի դպրութենէ քումմէ. այսպէս ասելով հաշտեցուցես ընդ մեզ զՔրիստոս, եթէ կամեսցիս, միայն բուռն հարկանել կորուսելոցս ի ձեռն բո, և մի ամենեին կորիցուր. Եջ առ մեզ վաղվադակի և յափշտակեա զմեզ ի թերահաւատութիւն դժոխոցս, և կայո զմեզ ի վերայ վիմին հաստատութեան որ է Յիսուս Քրիստոս, որպէս ասէ սուրբ առաքեալն. Թէ Վէմն է ինքն Քրիստոս, այն որ ոչ յաղագս այլ ինչ իրաց մարդացաւ, այլ զի փրկեսցէ զազգս որդւոց մարդկան:

Եւ այժմ հաստատուն կաց, ռվ հայր, բանչի հաւատացի յայն, որ այժմ հաւատամ յԱստուած զի ոչ արդելու զբեզ: Մի դադարեր այսուհետև փոխանակ մեր յանցաւորացս խնդրուածըս մատուցանել, բանչի տուան բեզ շնորհք յԱստուծոյ մինչև ընկալցիս շնորհս յԱստուծոյ փոխանակ մեր, բանչի՝ Զկամս երկիւղածաց իւրոց առնէ Տէր, ասէ սաղմոսարանն, և զխնդրուածս նոցա լսէ և փրկէ զնոսա: Վասն այսորիկ զաղաչանս զայս Աստուծոյ մարդասիրի և ողորմութեան բում մատուցի: Նայեա այսուհետև, ռվ հայր, յողորմութիւնն որ տուեալ են բեզ փոխանակ եկեղեցւոյ իւրոյ սրբոյ, միանգամ ասացի և այսուհետև լռեմ և ոչ խաւսիմ. բայց զի մեղալ, թող ինձ:



## ԹՈՒՂԹ ՀԻՆԳԵՐՈՐԿ ՊԵՏՐՈՍԻ ԱՌ ԵԿԾԿ

**Պ**ետրոս հայրապետ Աղեքսանդրապոլոս առ երանելի Ա-  
կակ հայրապետ որ ի Կոստանդնուպոլս:

Նեղութիւն է ինձ յամենայն կողմանց՝ և որոգայթք մա-  
հու սփռեցան ի վերայ իմ, զի յայդպիսի յեղբաւրէ զապաշխա-  
րութիւն լուսյ, որ ի վեր է քան զորդոց մարդկան: Եթէ ոչ  
կայից ընդ ձեզ և չարչարեցայց և կեցից ընդ ձեզ, և ընդ ձեզ  
մեայց, զի կեցից ընդ ձեզ, և ընդ ձեզ թագաւորեցայց. և թէ  
փակեմ զդուրս առաջի այնոցիկ որ ապաշխարեն, յորոպայթս  
ամպարչտին Լևոնի անկանիմ, այլ ընդրեմ ինձ պիժմ, եթէ ընդ  
բազումս որ ապաշխարեն մեայց, զի ուրախ եղէց յողորմութիւ-  
նքս Աստուծոյ մերոյ:

Լուր պատահեաւ Հայր, լուր զետրհուրդս Աստուծոյ մերոյ,  
զբառասուն աւր պահեսցուք ես և դու մինչև այլ ոք ոչ զիտէ,  
բայց միայն Աստուած, որ յիմ ձեռն հրամայեաց բեզ. Այլ զայդ  
բառասուն աւուրս մի՛ զիտասցեն քահանայք և ժողովրդականք,  
զպատճառս հիւանդի ընկալցիս, և մի՛ մտանիցես ի սուրբ սե-  
ղանն Աստուծոյ մինչև ցլնուլ հրաման կանոնին, և փոխանակ  
ամենայն ժողովրդեանն ուղղափառաց աւրհնութեան արժանի  
եղիցիս. որպէս զի փոխանակ ամենայն մարդկան արգեցիս. զի  
փոխանակ ամենեցուն ընկալցիս զթողութիւն: Քանզի զամենե-  
սեան դու զայթակղեցուցեր, քանզի թափանցեր յաւուրս Բա-  
սիլիսկոսի լինել միաւորութիւն եկեղեցեաց: Այլ զայդ զն՝ ա-  
ւուրս կանոնի, զոր Աստուած ամենայնի Յիսուս Քրիստոս, յիմ  
ձեռն հրամայեաց բեզ, պահեսցուք խորհրդիւ ես և դու միայն,  
փոխանակ ամենայն ժողովրդեան եկեղեցւոյ սրբոյ: Հաց ըստ կա-  
մաց ոչ կերիցուք, և իւղով ոչ աւծցուք, զգինի և զեաւղի մի՛  
արբոցուք, բայց յընդոց ինչ երկրի, և լալով և արտասուաւք

լուսացուք զմարմինս մեր մեղաւոր զցայդ և զցերեկ, և անդադար խնդրուածս մատուցուք Աստուծոյ մերոյ, զի նայեսցի Ք խնդրուածս մեղաւորիս փոխանակ բո, և փոխանակ ամենայն քահանայից որ ապաշխարեն, և փոխանակ ամենայն ժողովրդեան. զի Աստուած ողորմութեամբ իւրով զարչուցէ զքահանայան որ ապաշխարեն ՚ արբութիւն աւծման առաջին ուղղափառութեան, և Հոգին սուրբ որ ի Հաւրէյիս ընակեալ զան ողորմութեան իւրում ի վերուստ. իչցեն ի վերայ բո, և ի վերայ քահանայիցդ որ ապաշխարեն:

Այլ յայն նվովից, որ դու զբեկ նվովեցեր, և զքահանայութիւն բո, ես վասն ողորմութեան Տեառն Աստուծոյ մերոյ Յիսուսի Քրիստոսի, այն որ հրամայեաց ինձ Հոգւովն սրբով, արձակեմ զբեկ, և եղիցիս արձակեալ, և այսք ամենայն նոյնպէս եղեն, և կատարեցաւ Հոգւով սրբով ամէն:

Այլ յորժամ Աստուած ժեծ և Հզար հրամայեաց ինձ, զի կանոն եզից բեկ զպայտափ աւուրս. մինչև ես մարդ մահկանացու զԱստուած աղաչեցից, զի ողորմեսցի ի վերայ իմ փոխանակ ամենայն ժողովրդոցս, կամ վազվազակի ջնջեսցէ զիս յառաջ քան զձեզ: Այլ այժմ ահիւ և զողութեամբ ընկալցիս զկանոն, բանչի հաւատամ յողորմութիւն նորա, թէ ընդ ձեզ ամենեսին կեցից. զի ինքն ի սուրբ Աւետարանին իւրում աղաղակէ և առաքէ: Եկայք առ իս ամենայն աշխատեալքդ, և ես հանգուցից զձեզ:

Այլ վասն այնոցիկ որ յուրացութեան մեռան տուժարին հաւանեալք. և ոչ ապաշխարեցին, մի՛ իշխեսցես դու, և ոչ ես, և ոչ այլ որ վասն նոցա պատարագ մատուցանել, բանչի ոչ ընդունի Տէր Աստուած մեր զպատարագսն վասն նոցա, զի ուրացան ի նմանէ, այլ դնէ ընդդէմ նոցա զղորունս արքայութեանն՝ Յիսուս Քրիստոս Աստուածն ամենայնի, այն որ ասաց իւրով ըրեանովն, Ամէն ամէն ասեմ ձեզ, եթէ որ ուրացի զիս առաջի մարդկան, ուրացայց և ես զնա առաջի Հաւր իմոյ որ յերկինս է: Բայց ևս առաւել ասեմ բեկ վասն այնոցիկ որ զպատարագս նոցա արարեր ապիրատութեամբ, այսինքն Մարկիանոսի և Պողոբերայ թագաւորաց հերետիկոսաց, և Պողինայ և Անտեղիսեայ և Եզնադիտեայ՝ որ յառաջագոյն եպիսկոպոսք էին հերետիկոսք, և Հմաւոն վանաց երիցու, և այլոց սարկաւազաց և անապատաւորաց: Այլ զայդ ամենայն պարտ էր բեկ ծանուցանել ինձ վասն

Նոցա առաջի Աստուծոյ. զի վասն Հաւատոց ասեմ զոր ինչ ասեմն, մի՛ եթէ Թողացեալ ինչ որ քննիցեմք զայդ ամենայն և անկանիցիմք: Քանզի ոչ չարչարեցաք ինչ վասն Հաւատոց, զուցէ լինիցիմք տգէտք և Հաղորդիցիմք ի պատարագս Հերետիկոսաց: Ո՛ղջ լեր Տերամբ եղբայր իմ սիրելի:



## ԹՈՒՂԹ ԶՈՐՐՈՐԴ ԵԿԵԿԵՑ ԵՒ ՊԵՏՐՈՍ

**Ա**կակ հայրապետ որ է ի Աոստանդնուպալիս, առ Պետրոս հայր իմ և հայրապետ Աղեքսանդրացոց:

Ամենայն ինչ ըստ աղաւթից իմոց կատարեցաւ առ իս, և այժմ յանձն իմ դիտեմ թէ կոչիմ ես ի փառաւորելոյն որ յերկինս է յողորմութենէն Աստուծոյ մարդասիրի, որ հրամայեաց բեկ խոնարհել և խնդրել ի նմանէ փոխանակ մեր՝ որ էար ի մոլորութեան: Այլ վասն նշովիցն այնոցիկ որ զիս նշովեցի, յուծումն կատարեալ ընկալայ ի Յիսուսէ Քրիստոսէ որ ի ձեռն բժխաւեցաւ հոգեով սրբով: Եւ վասն պահոցն զոր խորհրդիւ ի ձեռն քո հրամայեաց ինձ Աստուած, եթէ կամեսցի Տէր, կատարեցից որպէս սահման եղբր աւուրց բառասնից ըստ բուժ հրամանի, Այլ վասն այնոցիկ որ ձեռնարկ արարին ի տոմարին, և ոչ ապաշխարեցին, եթէ ոչ մատուցից փոխանակ նոցա պատարագ, ոչ կարեմ առնել:

Քանցի ահա եպիսկոպոս Գնադիոս, որ յառաջ քան զիս էր, մեծապէս մատուցանէր զպատարագս փոխանակ նոցա, մանաւանդ Շմաւոնի երիցու և վանականի Լուարդ ես զիարդ կարիցեմ յետ այսչափ ամաց արգելուլ զժողովուրդս զայս, քանզի թէ արգելում ի նմին ժամու հրով այրիմ ի նոցանէ, այսինքն ի թագաւորաց և յեպիսկոպոսաց և յերիցանց և ի ժողովրդականսոց: Քանցի ասեն ցիս այսպէս. եթէ այն ամենայն ժողովուրդք կորեան, եթէ ամենայն ժողովուրդ որդւոց մարդկան որք յառաջադոյն ննջեցին ի Մարկիանոսէ մինչև ցայս աւր կորնչել ասեմք, լինի խոնակութիւնք մեծ ամենայն եկեղեցեաց, Բայց զգուշացիր և բննա, ճվ հայր, զուցէ անդէն դարձցին ամենայն ժողովուրդքս ի տոմար ամպարշտին Լեռնի, որպէս յայնժամ Իսրայէլն դարձաւ յԵզրիպտոս. և որպէս յառաջագոյն ասացի. լինի յետինս չար քան զառաջինն: Բայց որպէս այժմ վասն

մեր եցողց բեզ Աստուած որ կենդանիբս եմք, սոյնպէս և վասն այնոցիկ որ մեռանն, յայտնեսցէ բեզ, որք ձեռնարկ արարին ի տուամարին ամպարշտին Առնի: Նայեաց այսուհետև, ո՞վ հայր, ի շնորհան որ տուեալ են բեզ յԱստուծոյ փոխանակ եկեղեցւոյ իւրոյ: Վասն այսորիկ առողջութեամբ պահեցար մինչև ցայժմ ի մարդասիրէն Աստուծոյ, զի ի ձեռն բո լուծցէ զամենայն բահանայս իւր Տէր Աստուած բո, և զամենայն ժողովրդեանս զուրացութիւնս: Քանզի այն որ կարողն է արձակել և ազատեցուցանել ի կապանաց, զիւրաւ կարող է արձակել զայնոսիկ որ ի կապանս իցեն: Այլ նայեաց այսուհետև, ո՞վ հայր, յողորմութիւնն որ տուեալ է բեզ յԱստուծոյ փոխանակ կաթուղիկէ եկեղեցւոյ իւրոյ սրբոյ:





## ԹՈՒՂԹ ՎԵՑԵՐՈՐԴ. ՊԵՏՐՈՍԻ ԱՌ ԱԿՆԿ

**Պ**ետրոս Հայրապետ Աղեքսանդրացւոց առ Ակակ Հայրապետ որ է ի Կոստանդնուպաւիս:

Քանչի գամենեսեան որ Աստուծոյ Հաճոյ են և ընդունելի ընկալայ, այսինքն զապաշխարութիւն բո և զայլոց բահանայից որ կենդանի են և ամենայն ժողովրդեան բժշկութիւն վաղվազակի ընկալայ. վասն որոյ յայտնելոց են ի ձեզ: Այլ վասն այնոցիկ որք մեռան անաւրէն ձեռնարկաւ տումարին Հրէականի, այն որ երևեցաւ յամպարշտէն Աեոնէ, չէ պարտ մեզ, եթէ զպատարագս նոցա առաջի Աստուածութեանն մատուցուք, զի մի և մեր ընդ նոսին կորնչիցիմք: Եթէ երանելին Մովսէս, Հեցն բան զամենայն որդիս մարդկան, մատոյց երբէք պատարագս փոխանակ Կորինա, և Գադանա, և Արիւրովի, ապա և մեզ պարտ է փոխանակ նոցա պատարագս մատուցանել: Եւ վասն առաքելոցն սրբոց զիւրոզ ոչ ստեմք, եթէ Պետրոս գլուխն առաքելոցն սրբոց՝ Սիմոնի մոգի որ մկրտեցաւն և անդրէն դարձաւն, մատոյց երբէք պատարագ նորա փոխանակ, ապա ուրեմն և մեր պարտիմք մատուցանել: Եթէ երանելին Պաւղոս փոխանակ Հիւնո, և Աղեքսանդրոսի, այնորիկ որ ի Ճշմարիտ Հաւատոցն ուրացան, մատոյց երբէք պատարագ, ապա և մեր պարտիմք փոխանակ նոցա մատուցանել պատարագ: Եթէ ամենայն ժողովք առաքելոցն սրբոց, փոխանակ ամենայն Հերետիկոսաց որ մեռանն, այսինքն Պրոտէի կամ Աւղոսի մատուցին պատարագս, ապա ուրեմն և մեր պարտիմք մատուցանել: Եթէ ամենայն ուղղափառ Հայրապետք և եպիսկոպոսք զպատարագս Հերետիկոսաց ընկալան, այսինքն Արիանոսաց Պոտէի\*),

\*) Ա. յապէս յօր.

ապա և մեր պարտիմք ամենեին զՏեո Հարցն մերոց գնալ եթէ կամաւ և եթէ ակամայ: Եւ վասն այսորիկ ոչ կարես ինձ ցուցանել, ո՛չ Սատուածային պատուիրանաց, և ո՛չ յառաքելոց սրբոց, եթէ մատուցին պատարագս առաջի Աստուածութեանն փոխանակ Հերետիկոսաց:

Այսուհետև լուր յինէն կրտսերոյ Հրամանի բեզ յԱստուծոյ, զոր ինձ՝ որպէս թէ Հաւատամ յողորմութիւնս նորա՝ ի շինութիւն յանձնեաց եկեղեցւոյ իւրոյ: Եւ վասն այնորիկ զոր ասացեր թէ ոչ կարեմ չառնել զպատարագս նոցա վասն ժողովրդեանս, զի մի եղիցի աղաղակ և խառնակութիւն եկեղեցեաց սրբոց: Պարտ է մեզ այսուհետև Հրամանաւ Աստուծոյ պատուէր տալ սրբութեան բում, եթէ յորժամ առնիցես զպատարագս նոցա, այսինքն Մարկիանոսի և Պողոբերայ ամպարիշա թագաւորաց, և Պեղինեայ, և ԱնՏեղիսեաՅ և Գնադիսեայ, որ յառաջ բան զբեզ եպիսկոպոսք էին Հերետիկոսք, և Շմաւոնի երիցու և վանականի, և այլոց բահանայից և անապատականաց, յորժամ սարկաւազն զանուն միոյ ի նոցանէ քարոյէ ի պատարագամատուցին, յայնժամ դու Հայրապետդ ի պատարագին յայնմ զոր մատուցանես՝ գոչնա խորհրդիւ առ Աստուած որքնէ՛ զծածկեալս: Տէր Աստուած ամենակալ մի՛ արհամարհեր զպատարագս վասն անուանցն որ բարոկեցաւ ի սարկաւազէն, զի անունն այն յիւր մասն գնայ, զի առաջի արդար դատաստանի բո մարդ ոչ կարէ կալ այսուհետև ընկալ Տէր Աստուած մեր զպատարագս զայս սուրբ, ի վերայ սուրբ սեղանոյ բո յերկինս, փոխանակ այնոցիկ որ ուղղափառութեամբ ննջեցին, վասն անուանդ բո սրբոյ և մարգասիրի: Այսուհետև փոխանակ Պողինէի եպիսկոպոսի Հերետիկոսի, մատո՛ զպատարագն բո առաջի Աստուածութեանն վասն Գէոսկորոսի Հայրապետի որ էր յԱղեքսանդրիա, այն որ վկայեաց յաւուրս Մարկիանոսի թագաւորի Հերետիկոսի: Եւ փոխանակ Անտեղիսեայ եպիսկոպոսի Հերետիկոսի, արա զպատարագն երանելոյն Թէոդոսի եպիսկոպոսի Երուսաղէմի, այն որ վկայեաց յաւուրս Մարկիանոսի արքայի Հերետիկոսի: Եւ փոխանակ Գնադիոսի եպիսկոպոսի Հերետիկոսի, արա զպատարագն երանելոյն Տիմոթէոսի Հաւատարիմ Հաւր մերում Հայրապետի Աղեքսանդրացւոց: Եւ փոխանակ Շմաւոնի վանայ երիցու Հերետիկոսի, արա զպատարագն երանելի եղբաւրն Տիմոթէոսի այսինքն Անտեղիս երիցու՝ այն որ վկայեաց ի Քանգրա

յաւուրս Լեւոնի արքայի հերետիկոսի, Եւ փոխանակ Մարկիանոսի արքայի հերետիկոսի, արա զպատարագն էրանելոյն: Եւսեբի երիցու եղբաւր մերում որ վկայեաց յԱղեքսանդրիա: Եւ փոխանակ Պողքերայ թագուհոյ հերետիկոսի, արա զպատարագն երանելոյն Եւդոկիայ թագուհոյ ուղղափառի: Եւ փոխանակ ամենայն ժողովրդեանն և հերետիկոս եպիսկոպոսաց որ մեռանն, արա զպատարագն ամենայն ժողովրդեան փոխանակ որ կենդանի են այժմ, և ուղղափառ եպիսկոպոսաց, և բաճանայից, և անապատականաց և շինականաց:

Այլ զայդ ամենայն, ո՛վ սուրբը Աստուծոյ, մինչ խորհրդիւ կատարես, զամենայն ժողովուրդը անարատ պահես և ամբիժ, և փրկես ի ձեռաց հերետիկոսաց, և պատարագն այն որ ի բէն Տեառն Աստուծոյ մատչի, սուրբ անարատ և անխտիր ընդունի: Եւ սուրբ պատարագն որ ի բէն մատչի մարդասիրի Աստուծոյ մերում, վասն այնր զի զանուանս հերետիկոսացն ոչ յիշեցեր. ո՛չ բարկանայ: Եւ՛ր այսուհետև առ Տեառն Աստուծոյ մերում յահեղ ժամուն յորժամ զաւրբ ամենայն վերնայինք աչիւ և դողութեամբ շուրջ զբև կան. և նային ի Յիսուս Քրիստոս Որդին Աստուծոյ որ ի բէն հայրապետէ պատարագի փոխանակ կաթուղիկէ առաքելական եկեղեցւոյ իւրոյ սրբոյ: Գոչեա՛ այսուհետև խորհրդիւ ի սրտի բում առ Աստուած ամենայնի շնորհաւ որ տուեալ են բեզ, և ասա. Ոչ յիշեցից զանուանս նոցա ի շրթունս իմ. ըայց յիշեցից զայնոսիկ որ վասն անուան բում ուղղափառութեամբ մարտիրոսացան, զի և մեր ընդ նոսա արժանաւոր լիցուք ժառանգաւոր լինել արքայութեան բում: Եւ Հոգին սուրբ լուիցէ բեզ և իջցէ ի վերայ պատարագի բում, և իւրով Աստուածային զաւրութեամբն սրբեսցէ զբեզ բաճանայ, և զայնոսիկ որ շուրջ զբև կան զաւրբ երկնայինք, այնր որք յառաջագոյն շուրջ կային զբև, և զամենայն բաճանայս, և զամենայն ժողովուրդս որ ի խնդրուածոց բոց կան, բանզի հանգեաւ Հոգին սուրբ այն որ հաւասար է զաւրութեամբ և իշխանութեամբ ընդ Հաւր և ընդ Որդւոյ. նոյն Հոգին սուրբ զաւրութեամբ Աստուծոյ, իջցէ և լլցցէ զամենայն խորանն, այսինքն զսուրբ սեղանն յորոյ վերայ Քրիստոս ի բէն բաճանայէ պատարագի, բաշխի կոչեցելոց և ընտրելոց: Ինքնին իսկ Հոգին սուրբ իջցէ ընդ քեզ բաճանայապետի և ծածկեսցէ զամենայն խորանն և մեծաւ իշխանութեամբ և կարողութեամբ

իւրով դարձուցէ և արասցէ զՏացն զայն մարմին Որդւոյն Աստուծոյ Յիսուսի Քրիստոսի. նոյնպէս զրաժակն՝ զգինին արկեալ՝ դարձուցէ և արասցէ իւրով Աստուածային իշխանութեամբն արիւն Տեառն մերոյ Յիսուսի Քրիստոսի Միածին Որդւոյն Աստուծոյ, այն որ ել և Հեղաւ յԱստուածային կողիցն ի բաւուրութիւն և ի թողութիւն մեղաց: Քանզի յայնմ Աստուածային արեան լուացաք և սրբեցաք և փրկեցաք, և թագաւորէ կաթուղիէ առաքելական սուրբ եկեղեցի իւր մինչև ի տիեզերս երկրի: Այսպէս ճշմարիտ հաւատովք ուղղափառութեան, բահանայք Տեառն ամենակալին զամբիծ և զանարատ առնուցումք զմարմին և զարիւն Տեառն մերոյ Յիսուսի Քրիստոսի, այլ նմա փառք և պատիւ և յաղթութիւն և արքայութիւն յաւիտենից ընդ Հաւր և ընդ կեցուցիչ Հոգւոյն այժմ և միշտ և յաւիտեանս ամէն:

Այլ վասն այնոցիկ որ ի բազում եկեղեցիս ուղղափառ եպիսկոպոսք, և այլ բահանայից սրբոց որոց պատարագ առնեն, այնորիկ ձեռնարկ արարին ի յամպարչտին տումարին և անպաշար մեռան, քանզի ոչ կարէ ամենայն մարդ խելամուտ լինել պատուիրանին Աստուծոյ՝ յորմէ ոչ լինի աղաղակ և խառնակութիւն, վասն զի չեն արժանի խորհրդեանն Աստուծոյ, այն զոր ասաց Աստուած ի մէջ երկուց վկայից . . . . . սին և զաւրութեամբ Հոգւոյն սրբոյ անքննելի Աստուծոյ ամենակալի՝ երեւելեաց և աներեւելեաց, եթէ ընդունիմ այսուհետև զայս ամենայն որ յայսմ թղթի գրեալ են: Եւ մինչ զու ձեռնարկ առնես ի ներքս, տուր բերել վաղվաղակի առ իս, զի և ես յորժամ տեսից զձեռնարկն քո որ ի նմա գրեալ ի, փառաւորեցից զԱստուած, զի այսուհետև ընկերակից եմ ես: Այլ յորժամ ընդունիմ զթուղթն քո զուղղափառութեամբ որ վկային յամենայն ուղղափառ եպիսկոպոսաց և բահանայից և յանպատականաց, և առաքեմ ի նմին ժամու խնդրուածս և աղաչանս մատուցանել արքային Զինոնի. քանզի այսուհետև յայտնապէս ամենայն մարդկան նյգովեցի պտուժար ամպարչտին զի եղիցի միաւորութիւն եկեղեցեաց:

Այլ դու, ի վ սիրելի, պատրաստեալ զանձն քո, զի յորժամ ի թագաւորէն կոչեսցիս, զի արդ պատասխանի արասցես հեղութեամբ և հանդարտութեամբ, որպէս թէ ոչ գիտիցես զիրազայս, զի մի անկանիցիս ի փորձութիւն: Եթէ գիտիցէ զիր-

Հուրդս մեր ամենեին և ասիցէ ցբեզ, ցայժմ և զիս մոյորեցուցանէիր և զժողովուրդս, բանցի ասէիր ամենայն մարդոյ, թէ Պետրոս Աղեքսանդրացի Հերետիկոս է, զիա՛րդ այժմ ուղղափառ Համարիս դու զնա, վասն այսորիկ հրամայեմ սրբութեան բուժ, եթէ բազում իմաստութեամբ խաւսեսցիս ընդ արքայի, միթէ անկանիցիս և ի բանից քոց դատապարտեսցիս: Այլ Աստուած որ յուսացար ի նա, այն որ ընկալաւ զապաշխարութիւն քո, նա տացէ զաւրութիւն և իմաստութիւն սրբութեան բուժ, և եղիցի միաւորութիւն եկեղեցեաց անշարժ և հաստատուն հաւատոյն: Այսուհետև եթէ ընդունի արքայ զաղաչանս մարդկան, սրբասէրք որ այդր կան և կամեսցին ընդ ուղղափառութիւն մեր, յայնժամ և դու այնուհետև աներկիւղ խնդրուածս և յայտնապէս աղաչանս մատոյ արքայի. զի արասցէ իւր ձեռամբ զիր, զի դարձցի և նզովեսցէ զամենայն Հերետիկոսս, և զամպարիշտ կործանաւղն ամենայն ժողովրդոց, որ կոչեցան Պոտէ Լեւնի եպիսկոպոսին Հոովմայ հրէական տումարն, այն որ ի Քաղկեդոնի ամպարշտութեամբ եղև ընկալեալ վասն թերահաւատին Եւտոլբոսայ: Եւ զթողթն թագաւորին մինչ ուղղափառութեամբ լինի գրեալ յարքայէ Զենոնէ և ի սրբասիրութենէդ բուժմէ, տուր բերել առ իս և կարգացից զնա, եթէ նմանիցէ հաւատոյ առաքելոցն սրբոց, և հարցն մերոց սրբոց որ ի Նիկիա ՅԺԸ. և որք յետ նոցայն ժողովեցան ԾԾ. որ ի Վոստանդուպաւլիս և Մ. բն որ յԵփեսոս ժողովեցան վասն ամպարշտին Նեստորի, ապա և ես ի նմին ժամու ձեռնարկ արարից ի զիրան, և յայտնեցից զանձն իմ: Եթէ կամք իցեն Տեառն Աստուծոյ մերում, դարձայց անդրէն յաթոռ սրբոյ աւետարանչին Մարկոսի. և առից զհարցն իմոց, զոր Աստուած ինքնին ետ ինձ որպէս և ես հաւատամ ի նա, և այնուհետև լինի միաբանութիւն եկեղեցեաց սրբոց և հաւտք Քրիստոսի արածեսցին ի միասին խաղաղութեամբ և խնդութեամբ, զմին կեցուցանող ճարակ ի մէջ որ յԱստուծոյ ընդրեցաք հովիւք, և խնդութիւն կատարեալ, և ուղղափառութիւն թագաւորէ ի մի միաբանութիւն սուրբ և կաթողիկէ առաքելական եկեղեցւոյ: Յորժամ մեր աղաւթք կատարին վասն ամենայն հովուաց և հաւտից, այսինքն զքառասունսն զայն որ հրամայեցաւ բեզ Ակակայ հայրապետի յինէն կրտսերոյ հայրապետէ Պետրոսէ Աղեքսանդրացւոց, ի Հաւրէ և յՈրդւոյ և ի Հողոյն սրբոյ միասնական Աստուծոյ մերոյ, մինչև կատարես

ցուր խորհրդիւ որպէս և հրամայեաց ինձ Տէր Աստուած զպահս զայս սուրբ ապաշխարութեան և փրկութեան ի կատարել Խաւարց յաւուր կիւրակէի, յայնժամ ինքն Յեր Աստուած յայտնապէս եկեացէ, որպէս և յայտնեաց ինձ ի գիշերի, և հաւատամ ի նա, ինձ աստ, և բեզ այդր ժողովրդեամբ հանդերձ ի նոյն կիւրակէի, յերրորդ ժամու, մինչ մատուցանեմք զսուրբ նշխարսն զանապական և զանքննելի, և փառաւորեմք զսուրբ զԵրրորդութիւնն ընդ զաւրս երկնային և բազմահայեաց սերովքէք և բրովքէք. յայնժամ երեւացի բեզ այդր, և ինձ աստ, ինքնին Աստուած Յիսուս Քրիստոս, սուրբ և զարմանալի նշան որ լինիցի այսպէս. Զի զՄիածին Որդին Աստուծոյ տեսանիցես փառաւր իւրովք յայտնապէս, ի կերպարանս մանկան, որ զգեցեալ է պարեգաւտս կտաւի, և բազմեալ ի վերայ սկհոյն և մաղվմային որ ի վերայ սրբոյ սեղանոյն եղեալ է. Եւ ձգեսցէ զձեռն իւր ի վերայ քո, և բարձցէ ի քէն զահ և զերկիւղ, և ասիցէ բեզ այդր, և ինձ աստ. Քաջալերեցարուք, բանչի ջնջեցի ի ձէնջ բահանայիցդ որ ապաշխարիցէք, և յամենայն ժողովրդոց որ ապաշխարեցին զխափանումն, և զուրացութիւն որ ի ձէնջ եղև վասն իմ ի տուարին հրէականի, և այսուհետև մի՛ տեսցես դու զնա, մինչև յերկրորդ անգամ գալուստն:



## ՉԵՌՆԱՐԿ ԶՈՐ ԱՐԱՐ Ի ԹՂԹԻՆ ԱԿԱԿԻՈՍ ՀԱՅ- ՐԱՊԵՏ, ՈՐ Է Ի ԿՈՍՏԱՆԴՆՈՒՊՈԼԻՍ

Երգաչի և ընդունիմ զամենայն որ ինչ յառաջագոյն գրեալ էր, և յայսմ թղթի, զոր գրեաց ձեռն քո Պետրոս Հայր և գլուխ եպիսկոպոսաց և հայրապետ Աղեքսանդրացւոց, ուղղափառ և հաւատարիմ, և խնդամ և փառաւորեմ զԱստուած որ ի բեկ բնակեցաւ, Հայր իմ սուրբ: Ի նմին թղթի զոր գրեաց ձեռն քո, գրեցի և ես իմով ձեռնարկութեամբ և հաւատամ յանուն Հաւր և Որդւոյ և Հոգւոյն սրբոյ: Այսպէս հաւատամ զամենայն աւուրս կենաց իմոց, և այսպէս հաւատ պահեմ զսահմանս զայս՝ զոր եզի, մինչև եկեսցէ Յիսուս Քրիստոս Աստուած մեր դատել զաշխարհ արդարութեամբ, այն որ խաւսեցաւ ի ձեռն քո զայդ ամենայն ուղղափառութիւն մինչև յաւիտեան. զի նմա վայել է փառք և մեծութիւն, և երկրպագութիւն ընդ Հաւր, և ընդ Հոգւոյն սրբոյ, այժմ և միշտ և յաւիտեանս յաւիտեանից. ամէն:



## ԹՈՒՂԹ ՀԻՆԳԵՐՈՐԴ ԱԿԱԿԱՅ ԱՌ ՊԵՏՐՈՍ

**Ա**կակ հայրապետ որ է ի Կոստանդնուպաւլիս եպիս-  
կոպոս, ցՊետրոս հայր իմ և հայրապետ Աղեքսանդրացոց:

Որպէս զճարտարապետ իմաստուն ընկալար յԱստուծոյ  
հիմն ապաշխարութեան հաստատուն և անշարժ յանձն առեալ  
զչինութիւն եկեղեցեաց սրբոց, ոչ եթէ քարամբք և երկրաւ  
և կրով հաստատեցեր յերկրի զհիմն հաւատոյ, այլ ընդ  
հոգեորաւք լցար յերկնից յԱստուածային իմաստութենէն, այն  
որ ինքն միայն է Աստուած իմաստուն: Քանզի ուղղափառ խոս-  
տովանութեամբ զամենայն մարդ իրատեցեր որպէս Մովսէս  
եղև յայնժամ, որպէս Պաւղոս զհեթանոսս. զի ընդ ամենեսին  
ամենայն եղեր և զամենեսին շահեցար: Եւ ոչ գիտեմ զինչ  
կոչեցից զքեզ. քանզի այլ երկրորդ Պետրոս կոչեցից զքեզ. այն  
մեծն և առաջինն առաքելոցն յորժամ առաքեցաւ յԱստուծոյ  
առ Կուռնելիոս զայս ասէր. Եւ ինձ Աստուած եցոյց ոչ զոք ի  
մարդկանէ խառնակ ինչ կամ անսուրբ ասել: Նա զլուի էր ա-  
ռաքելոցն դասու սրբոց և դու զլուի ես ուղղափառաց և բա-  
հանայից որ նորոգեցան, քանզի և դու արարեր զայն զոր նա  
արարն. զի ընկալար զյանցաւորս յապաշխարութիւն: Քանզի  
որպէս Պետրոս զՍիմոն մոգ, աղաւթիւք կործանեալ ջնջեաց,  
նոյնպէս և դու, մզ հայր, աղաւթիւք և արտասուաւք և խնդ-  
րուածովք գոչեցեր առ Աստուածն վասն մեր և ջնջեցեր զԼե-  
ւոն և զտումարն զոր եհան ամպարիշտ բերանովն, զոր նզովե-  
ցին հարքն մեր: Այսուհետև և դու, մզ հայր և բահանայ, ո-  
ղորմութեամբ զամենայն որ ընկալար, զամենեսին փրկեցեր:  
Բայց յողորմութիւն կոչեմ զԲանն Աստուած, այսինքն զՔրիս-  
տոս, այն որ ի ձեռն բո խաւսեցաւ զապաշխարութիւն բահա-  
նայից, և ամենայն ժողովրդոց: Վասն այսորիկ ընդունիմ զամե-  
նայն զոր ինչ ի թղթի աստ գրեաց ձեռն բո, Հաւատամ և  
ընդունիմ զամենայն որ ինչ գրեալ է ի թղթիս, և խնդամ և



ուրախանամ և փառաւորեմ զԱստուած, զայն որ բնակեաց է ի քեզ, հայր իմ սուրբ, այն որ երևեցոյց քեզ զգարմանալիս որպէս և հաւատայիր, նշնպէս և ինձ անարժանիս ասաց թէ ցուցանեմ:

Եւ որպէս զայդ ամենայն ընդունիմ և հաւատամ, գրեցի ի ներքս ի թղթիս ձեռնարկութեամբ իմով, և հաւատամ յամենասուրբ Երրորդութիւնն զամենայն աւուրս կենաց իմոց, և այնպէս պահեցի որպէս հրամայեցեր ինձ մինչև եկեսցէ Յիսուս Քրիստոս Աստուած մեր դատել զաշխարհս արդարութեամբ: Եւ ետու բերել առ սրբութիւնդ քո զթուղթն քո յորժամ արարի ի նմա զձեռնարկն քո: Այլ որպէս ի սուրբ թղթին ձեռ ասացէք առ մեզ ի նմին ժամու առաքեցէք զուղղափառ և զսուրբ հարսն առ բարերար արքայ Ջենոն, զի աղաչանս և խնդրուածս մատուցեն վասն միաւորութեան եկեղեցեաց սրբոց, զի այսուհետև և յայտնապէս նշովեսցի յամենայն մարդկանէ գրով տոմար ամպարշտին: Քանզի յուսամ Աստուած իմ զի բանայ զբերան իմ զաւրութեամբ Հոգւոյն սրբոյ, զի զամենայն ինչ որպէս Աստուծոյ հաճոյ է՝ խաւսեցայց ընդ թագաւորին Ջի որպէս և զձեր հրամանն և զգիրն արասցէ արքայն Ջենոն, և ես ըստ նմին, և վաղվաղակի տաց ներել սրբութեանդ քո: Բայց զայս խնդրեմ ի Տեառնէ զի հանապաղ յիշեսցես զիս, որ պաշտանակիցս և կամակիցս եմ քո:



## ԹՈՒՂԹ ԵՒԹՆԵՐՈՐԻ ՊԵՏՐՈՍԻ ԱՌ ԱԿԱԿ

**Պ**ետրոս հայրապետ Աղեքսանդրացւոց առ Ակակ զլուծեպիսկոպոսաց որ ենն ի Վոստանդնուպաւլիս:

Զթուղթն իմ զոր ետուր բերել ցիս, զոր իմով ձեռնարկութեամբ գրեալ էր, յորժամ ընկալայ յերանելի Թէոդոսիս մանկանէ, փառաւորեցի զմարդասէրն Աստուած մեր, զի տեսի և կարգացի, և ընդունիմ ի նմա զձեռնարկն քո, այն որ ամենայնիւ հաւասար է ուղղափառութեան: Ոչստի արդիւք իցէ այս, զի կամակից և պաշտանակից եղեր դու ինձ առաջի Աստուծոյ, ըստ զերանելիսս որ ընդ իս են եպիսկոպոսունք և երիցունք, և որք ընդ Աստուծոյ խաւսին անապատականք, առաքեցի զի աղաչանս մատուցեն առ բարերարի արքայի Զենոնի վասն բակման ամպարշտին տումարի և վասն միաւորութեան եկեղեցեաց սրբոց: Այլ վաղվսդակի գրեալ առ իս, թվ երանելի, և զգիրն որ գրեալ է ուղղափառութեամբ յարքայէ Զենոնէ, և ի սրբութեանէ քումմէ, աացես ինձ բերել, և աղաթեա վասն մեր սուրբ և սրբասէր ընկերակից և պաշտանակից հայր իմ Ակակիոս:



## ԹՈՒՂԹ ՎԵՑԵՐՈՐԴ ԸԿԸԿԱՅ ԱՌ ՊԵՏՐՈՍ

**Ա**յլակ հայրապետ եպիսկոպոսաց որ ենն ի Կոստանդ-  
նուպաւլիս, ցՊետրոս հայր իմ, և հայրապետ Աղեքսանդրոս-  
ցւոց:

Յորժամ եկին յայս բաղաբ թագաւորութեան, երանելիք  
և սրբասէր եպիսկոպոսք և քահանայք և անապատականք. զա-  
մենայն ինչ սքանչելապէս արար Աստուած գարմանալիս. քան-  
զի ի նմին ժամու արքայ Ջենոն երանելի ետ զանձն իւր և  
զմարմին յուղղափառութիւն, և ի նմին ժամու առաքեաց և կո-  
չեաց զիս, զորս մի մի ի մէնջ չէ՛ պարտ ասել. քանզի ուսանիս  
զամենայն ինչ ի սրբասէր արանցդ՝ զորս առաքեցերդ առ իս  
Զի ի նմին ժամու հրամայեաց առնել զգիրն, այն որ ի նմա  
նշովեաց գտումար ամպարշտին, և զամենայն հերետիկոսս և  
զամպարիշտն Եւտիքէս, և խոստովանի զհաւատս ուղղափառու-  
թեան զոր յանձնեցին մեզ սուրբ առաքեալքն: Եւ վաղվազակի  
գալոց են առ ձեզ, նոյն սուրբ հարբն զոր առաքեցեր այսր, և  
պայծառացեալ մեծութեամբ իւրով Պրեզմիոս Ազատդիոս մեծ  
բաղաբի Աղեքսանդրիայ, այն որ զգիրսն Երանելոյ արքայի  
Ջենոնի յիմ ձեռաց էառ, զի բերցէ վաղվազակի առ բո սրբու-  
թիւնդ: Այլ զայն գիր մինչ ընդունիս, թ՛վ երանելի, ի նմին ժա-  
մու ձեռնարկ արասցես ի նմա և զի յայտնեցի այսուհետե  
ճաւագայթ ուղղափառութեան որ ծածկեալ էր, և լուսաւո-  
րեսցէ զամենայն մարդ՝ յորժամ արձակես զմեզ յուրացմանն  
կապանաց, որ ի խաւարի և ի ստուերս մահու նստեաք, և  
առցես յԱստուծոյ գաթոռ բո և զհարսն բո՝ զսիրելի զսուրբ  
զեկեղեցին Աղեքսանդրացւոց:

Ընկալ այսուհետե զհաւատարիմ Աստուծոյ զպսակն ուղ-  
ղափառութեան որ տուաւ բեզ յԱստուծոյ ի դատաւորէն ուղ-  
ղութեան ի Հաւրէ և յՈրդւոյ և ի Հոգւոյն սրբոյ, այն որ նմա  
վայել են փառք և պատիւ յաւիտեանս յաւիտենից. ամէն: Եւ  
աղաւթս արա՛ ի վերայ իմ ընկերակից և պաշտաւնակից հայր իմ

**ՄԻՈՒՌՈՒԹԵԱՆ ԳԻՐ՝ ՈՐ ՏՈՒՍԻ ԲԵՐԵԼ Ի  
ՉԵՌՆ ԵՐԱՆԵԼՈՅՆ ՊԵՐԳՄԻՆՈՍ ԱԳՍՏԵՂԻՈՍԻ  
Ի ԲԱՐԵՐԱՐ ԱՐՔԱՅԷ ԶԵՆՈՆԷ, ԵՒ ՅԱԿԱԿԱՅ  
ԳԼՈՒԽ ԵՊԻՍԿՈՊՈՍԱՅ՝ ՈՐ ԵՆ Ի ԿՈՍՏԱՆԴ-  
ՆՈՒՊՈԼԻՍ, ԱՌ ԵՐԱՆԵԼԻՆ ՊԵՏՐՈՍ՝ ԳԼՈՒԽ  
ԵՊԻՍԿՈՊՈՍԱՅ ԵՒ ՀԱՅՐԱՊԵՏ ՀԱՒԱՏԱՐԻՄ  
ՔԱՂԱՔԻՆ ԱՂԵՔՍԱՆԴՐԱՏԻՈՑ**

**Ի** նքնակալ կայսր Զենոն բարեպաշտ և յաղթող և նը-  
շանաւոր մեծ և միշտ բարի և Աւգոստոս աշխարհակալ, որք  
յԵգիպտոս և յԱղեքսանդրիա և ի Լիբիոս, և ի Պենտուպալ-  
լիս, երկիւղածաց եպիսկոպոսաց և ուխտաւորաց միայնակեցաց  
և այլոց ամենեցունց ի Տէր խնդալ: Զիշխանութիւնս և զըն-  
դիմութիւնս, զաւրութիւնս և զզէնս անկողելիս մերոյ թա-  
գաւորութեանս:

Գիտացէք զի է՛ ճշմարիտ ուղղափառ Հաւատն, զոր ի  
ձեռն Աստուածային զալստեանն եղին որք ի Նիկիա ժողո-  
վեայք ՅԾԸ, սուրբ Հարքն, և Հաստատեցին դարձեայ ճԾ քն  
նժանապէս սուրբ Հարքն որ ի Վոստանդնուպալիս ժողովեցան:  
Ի տուէ և ի գիշերի ամենայն աղաւթիւք և փութով և աւրի-  
նաւք խնդիր առնեմք բազմանալ և աճել ի ձեռն Հաւատոյս  
այսորիկ ամենայն ուրեք զսուրբ և զկաթուղիկէ եկեղեցի ա-  
ռաբերական. զանապական և զանմահ մայրն մերոյ զաւազա-  
նիս ի Խաղաղութեան, և առ յԱստուած միաբանութեան զբա-  
րեպաշտ ժողովուրդս կալ և մնալ, ընդունելով ի թագաւորու-  
թենէս մերմէ Հաստատական աղաչանս, զոր մատուցանեմք Հան-  
դերձ ճշմարիտ եպիսկոպոսապետեաւքս և Աստուածապաշտ  
ուխտաւորաւքս և վանականաւք և անապատականաւք, Փրկչաւն  
մերով Յիսուսիւ Քրիստոսիւ, որ ի սուրբ և յԱստուածածին


կուսէն Մարիամայ մարմնացեալ և ծնեալ. զի միաձայնական փառաբանութիւնս և զպաշտանն գովելով պատրաստեմք յընդունել, զի հակառակորդացն ալզ փշրեսցի և ի բաց ջնջեսցի: Ամենեցուն աստուածութեանն զիւրաքանչիւր պարանոց խոնարհեցուցեալ ընդ մերով իշխանութեամբ զի խաղաղութիւն և բարութիւն ի սմանէ եղիցի, աւոյց բարեխառնութիւն, պտղոց բարեբերութիւն, և այլ ինչ որ եթէ աւգտակար իցէ մարդկան մեծապէս շնորհեսցի:

Արդ՝ այսպէս ամբիժ և անարատ հաւատոյս, զմեր և ըզհոռումոց զիրս ապրեցուցանել աղաչանք և պաղատանք մեզ մասուցանել յԱստուածասէր վանականաց և անապատականաց և յայլ պարկեշտ մարդկանէ, հանդերձ աւտասուաւք աղաչել զմիաւորութիւն սուրբ եկեղեցեաց առնել, և ժողովել զանդամս առ իւրաքանչիւր անդամս, զոր բարիատեսաց բանսարկուն ի բազում ժամանակս որոշել և բարժանել փութացաւ: Գիտասացն զայս, զի եթէ որ ընդ միարան և ընդ ողջանդամ մարմնոց սուրբ եկեղեցոց մարտիցէ, ի պարտութիւն մատնեսցի: Վասն զի դիպեցաւ յայսպիսի իրաց ազգաց անբաւից և անհամարից փեսասք մեծամեծք, յորքան ժամանակս, յայսքանս սմս կենաց մերոց որ անցին, զոմանս ի փրկական և ի վերստին ծննդենէն զրկեալս. և զոմանս յԱստուածային աւրինացն և ի հաղորդութենէն ոչ ընկալեալ, առ մարդկային անխնայ պառակտի վախճանն հասանել մահունս բազում անդամ իշխեսցեալ գործել հեղմամբ արեամբ պղծեալ զերկիր, և ոչ զերկիր միայն, այլ և զաւոյց:

Արդ՝ զայս ո՞ որ ոչ աղաւթիցէ առ բարին փոփոխել, և զմիաբանութիւն տեսանել: Յաղագս այսոցիկ ծանուցանել ձեզ փութացաք զի ամենայն ուրեք ուղղափառ և սուրբ եկեղեցոց միաբանութիւն եղիցի: Բայց այլ հաւատ կամ բուսումն կամ սահման հաւատոց, բան զասացեալս յառաջագոյն սուրբ հաւատն, ՅժՎ սուրբ հարանցն, զոր հաստատեցին ճԾ. սուրբ հարքն, ժողովեալք յառաջագոյն իշխեցեալքն որ ի Աոստանդինուպաւլիս. ո՛չ ունէաք և ոչ ունիմք և ոչ կայցուք: Եւ ոչ եթէ ունիցի որ և գիտեմք, և թէ ունիցի որ, աւտար զնա ի մէնջ համարիմք: Այսու միայն քաջալերիմք, որպէս յառաջագոյն ասացաք, և այսու համարիմք կենդանի պահել զմեր թագաւորութիւնս, և միարան զամենայն ժողովուրդս, որ փրկա-

կան մկրտութեանն արժանաւորք եղեն, զմի և զնոյն ընկալեալ նովին լուսաւորին մանաւանդ, որք յԵփեսոս ժողովեցան: Որոց և զՏետ իսկ չողան ամենայն սուրբ Հարքն որք լուծին և ի ըաց Տերքեցին զանաւրէն նեստորիոս, և որք յետ նորա զնորայն խորհին և ունին, զոր և մեր զնեստորիոս միանգամայն ընդ Եւտիքեայ Հակոռակս իրերաց մտածեալս, և որք զնոցայն խորհին և մտածեն, և կամ մտածեսցեն, նպովե՛մք: Ընկալեալ զԹԲ. զլուխն, զասացեալն յԱստուածասիրէն Կիւրղէ, այն որ եղև զլուխ եպիսկոպոսաց սրբոյ եկեղեցւոյն Աղեքսանդրացւոց:

Քանզի Հաւատամք եթէ Միածին Որդին Աստուծոյ, Աստուած է ճշմարտութեամբ. այն որ մարդացաւ Տէր մեր Յիսուս Քրիստոս, այն որ ի բնութենէ Հաւր յԱստուածութեան իւրում, և ի բնութենէ մերմէ եղև մարդկութիւն իւր. այն որ էջ և մարմնացաւ ի սուրբ կուսէն Մարիամայ Աստուածածնէ Հոգւովն սրբով, քանզի մի է որդի և ոչ երկու: Խոստովանիմք զի մի է Միածին Որդին Աստուծոյ, և նորա է սբանչելագործ զաւրութիւնքն և չարչարանքն, զոր կամաւորութեամբ կրեաց մարմնով իւրով: Այլ զայնոսիկ որ բաժանեն, և կամ փոփոխելի ասեն, կամ այլայլելի, զայնպիսին ոչ ընդունիմք: Քանզի ճշմարիտ մարմնաւորութիւն, անապական և առանց մեղաց որ յԱստուածածնէն եղև, յաւելուած որդւոյ ոչ արար, այլ եկաց մնաց Երրորդութիւնն՝ Երրորդութիւն, մինչ կամեցաւ և մարդացաւ մի յԵրրորդութենէն Բանն Աստուած:



## ԹՈՒՂԹ ՈՒԹԵՐՈՐԻ ՊԵՏՐՈՍԻ ԱՌ ԵԿԵԿ

**Պ**ետրոս Հայրապետ Աղեքսանդրացւոյ առ Ակակ սիրելի իմ և զլուսե եպիսկոպոսաց որ են ի Կոստանդնուպաւլիս:

Ի տասն և ինն ամսոյն որ կոչի Փիբոն, և ըստ Հռովմայեցւոց համարոյ ի տասն և չորս ամսոյն Միայիս, որ կոչի ասորերէն Իյար. և ըստ Հայերէն բարբառոյ կոչի Մարգաց ամիս: Մինչ եկին առ իս որ առաքեցանն ի Կոստանդնուպաւլսոյ, ընկալայ զնոսա, Տէր, զսուրբ և զպաշտաւնակիցս իմ եպիսկոպոսս և զքահանայս զպաշտաւնեայս և զսուրբ Հարսն առապատականս, որ ընդ Աստուծոյ խաւսին. Եւ մինչ տեսի զնոսա փառաւորեցի զԱստուած մեր մարդասէր. որ զարթոյց զերանելի արքայ Զենոն, զի արասցէ ի ձեռն սրբութեան բողոքիս զայս, զոր ընկալայ ի ձեռն երանելի Պրեզմիտի Ազատիոսէ, և զայդ մինչ առի և կարգացի զիտացի զի նզովէ զամպարշտին տուժար որ եղև ընկալեալ ի Քաղկեդոնի. և զամպարիշտն Եւտիբոս և զամենայն Հերետիկոսս: Տեսի թէ ամենայնիւ հաւասար է զիրս այս հաւատոյն ՅԺԸ եպիսկոպոսացն որք ի Նիկիա ժողովեցան սուրբ Հարբն, և ՃԾԻցն որ ի Կոստանդնուպաւլիս ժողովեցան, յաղագս այնոցիկ որ ընդդէմ Հոգւոյն սրբոյ մարտնչէին: Եւ սուրբ ժողովն որք յԵփեսոս ժողովեցան, Մ.քն ընդ սուրբ Հաւրն մերոյ Կիւրղի, զլուսե եպիսկոպոսաց և Հայրապետի մեծին եկեղեցւոյն Աղեքսանդրացւոց: Այսուհետև փառաւորեցիք զԱստուած մինչ ընկալայ և ձեռնարկ արարի ի զիրս, և խնդամ և ուրախանամ և երկրպագանեմ Հաւր և Որդւոյ և Հոգւոյն սրբոյ. էական Երրորդութեանն անձնաւորութեանց, և միաւորեալ Աստուածութեանն: Եւ առի յողորմութենէն Տեսառն զաթոռ իմ զսրբոյ աւետարանելին Մարկոսի, և Նստեմ ի վերայ սորա ընդ Հարս հոգևորս, յանընդու-

նակ պղծութեան սուրբ եկեղեցւոյս Աղեքսանդրիայ, այլ յաւուրս ուրբաթու, ի տասն և ինն ամսոյն Փիքոն, և ըստ Հոռովմայեցւոց ի տասն և չորս ամսոյն որ կոչի Միայիս, և յասորերէն Իյար և ըստ Հայոց Մարգաց:

Ընկալ այսուհետեւ, ի վերանելի, ահիւ և դողութեամբ ի Հաւրէ և յՈրդւոյ և ի Հոգւոյն սրբոյ, այն որ յիմ ձեռն կրտսերոյ Հրամայեցաւ բելլ, ընկալ այսուհետեւ զսահման քառասնից աուրցն պահոց որ տուաւ մեզ խորհրդաբար, այն որ լինի փոխանակ բո, և փոխանակ ամենայն բահանայից որ ապաշխարեն, և փոխանակ ամենայն ժողովրդեան որ ապաշխարեն յաղագս թողութեանս Վասն որոյ սրբութեամբ ընկալցիս զաւրհնութիւն և զկրկին նորոգումն և զաւծութիւն և զգեղեցկութիւն որ էր յառաջագոյն հաւատարիմ բահանայութիւն, այն զոր յառաջագոյն յանձնեաց մեզ Միածին Որդին Աստուծոյ Յիսուս Քրիստոս Աստուածն ամենայնի ի ձեռն առաքելոցն և հարցն սրբոց, Եւ արդ սկիզբն առնեմք ի սուրբ պահսն ըստ մեր համարոյ ի վեցերորդ աւուր ամսոյն որ կոչի Թովթ և ըստ Հոռովմայեցւոց ի յԱ ամսոյն յերեքն որ կոչի Սեպտեմբեր, և Ասորերէն Իլուլ, և Հայերէն Վթոց, և կատարեսցուք զսուրբ պահսն մինչև ցարեք շարաթի աւր զգուշաւոր խորհրդիւ Եւ յաւուր կիւրակէի ի մեր համարուէ ի տասն և հինգ ամսոյն Փոպի, և ըստ Հոռովմայեցւոցն ի տասն Հոկտեմբեր, և Ասորերէն Թշրին կտիմ, և ըստ Հայոց Տրեկանի. այսպէս կատարեսցուք զսուրբ պահսն ես և դու, ի վ սիրելի, փոխանակ մի մարմնոց սրբոյ եկեղեցւոյ:





## ՎԵՏՏԵՐՈՐԻ ԵՎՈՎԱՅ ԱՌ ՊԵՏՐՈՍ \*

**Ա**կակ զլուր եպիսկոպոսաց որ են ի Կոստանդնուպոլիս, ցՊետրոս Հայր իմ և Հայրապետ Աղեքսանդրացւոց:

Սուրբ և հաւատարիմ, բանչի Պետրոս կոչեցից զբեզ զբարոյիչդ ուղղափառութեան, բանչի ի պարմանայոյ ոչ դարեմ: վասն զաւրութեան և տեսութեան և գիտութեան որ յԱստուծոյ տուաւ բեզ, հայր իմ, այն որ ի վեր է բան զորդուոց մարդկան: Եւ արդ զինչ կոչեցից զբեզ՝ ոչ գիտեմ. զգովութիւն բո ոչ կարեմ ասել զի կամակից ես սիրելի Աստուծոյ. բանչի ճշմարտութեամբ գիտացի այժմ զի սրբութեամբ և արդարութեամբ պաշտես, և մատուցանես պատարագ առաջի Աստուծոյ, և տեսանող լինիս մեծութեան զաւրութեան նորա: Քանչի տեսի և ես, տեսի զամենայն ինչ՝ զոր ասացեր, թէ հայր սուրբ, յայնժամ յորժամ կատարեցան Խ աւուրբ պահոյն, որ ի բէն հրամայեցաւ ինչ(ձ) խորհրդաբար, և կատարեցաւ որպէս հրամայեսց սուրբ բանք մարգարէութեան բո յաւուր կիրակէի, մաւտ յինն ժամն, որպէս և ասացէք, մինչդեռ կայի աշիւ և դողութեամբ, և մատուցանէի զսուրբ պատարագն Տեսոն Աստուծոյ ի վերայ սեղանոյ նորա, և մինչդեռ փառաբանէի զսուրբ Վերորդութիւնն. յանկարծակի ծագեաց ինձ լոյս, այն՝ զոր ոչ երբէք տեսի՝ լոյս մեծ և անճառելի, և ծածկեաց զիս ընդ սուրբ սեղանովն, և տեսի ճշմարտութեամբ և արդարութեամբ: Եւ տեսի զՏէր մեր Յիսուս Քրիստոս ի մանկան կերպարանս, և զգեցեալ էր պարեզաւտ սպիտակ կտաւի: Տեսի ի նմա և ցնշան ըւեռացն, և բազմեալ էր որպէս ի գահոյս ի վերայ սկհոյն և մազվմային, որ ի վերայ սուրբ սեղանոյն էր եղեալ: Եւ եբարձ յինէն զահ և զերկիւղ ի նմին ժամու, և ելից զիս խնդութեամբ, և այնպէս կարծէի թէ չեմ ի

\*) Պարտ է ուղղել եօթներորդ.

Պերկրի. և լուսյ զձայնն որ ասէր ցիս, որպէս ինքն Աստուած  
 գիտէ, քաջալերեցարո՛ւք քահանայք, քաջալերեցարո՛ւք ժողո-  
 վուրդք իմ: քանզի բարձի ի ձէնջ զնախատինս ուրացման ձեռ-  
 նարկութեան ամպարչտին տումարի Լևոնի անիծելոյ, և այլ  
 ոչ տեսի զնա, և ոչ զձայն նորա լուսյ. և զլոյսն պայծառացեալ  
 ոչ ևս տեսի: Եւ վասն այսորիկ փառաւորեմ զսքանչելագործ  
 Աստուածն մեր. և ծանուցի զայդ ամենայն սրբութեան բում,  
 զի յամենայն ժամ աղաւթս մատուցանիցես վասն իմ, այնմ զոր  
 սիրեցեր, և ոչ ուրացար ի նմանէ, այսինքն յԱստուծոյ: Քան-  
 զի խոստովանեցար զնա առաջի դատաւորաց և իշխանաց զԱս-  
 տուած մեր Յիսուս Քրիստոս: Այնմ որում ոչ էի արժանի, տե-  
 սի զնա ճշմարտութեամբ և արգարութեամբ. զի նմա վայել է  
 փառք և թագաւորութիւն յաւիտենից, ընդ Հաւր և ընդ Հոգ-  
 ւոյն սրբոյ. այժմ և միշտ և յաւիտեանս յաւիտենից, ամէն:



## ԹՈՒՂԹ ԻՆՆԵՐՈՐԴ ՊԵՏՐՈՍԻ ԱՌ ԱԿԱԿ

**Պ**ետրոս Հայրապետ Աղեքսանդրացւոց առ Ակակ պաշտաւնակից իմ և ընկերակից, և Հայրապետ եպիսկոպոսաց որ են ի Կոստանդնուպաւլիս:

Ահա արժանի եղեր, սուրբ Հայր իմ, տեսանել զփառօ Տեսողն մերոյ. և լսել զբանս յԱստուծոյ մարմնացելոյ, զոր և ես ի կատարման պահոցն խորհրդեան յաւուր կիւրակէի ի մաւտ յերրորդ ժամն մեծ, մինչդեռ մատուցանէաք յեկեղեցւոջն զսուրբ պատարագն Աստուծոյ մերոյ մարգասիրի, նոյնպէս և ես տեսի, և նոյնպէս լուսյ որպէս և գրեցեր առ իս ի թղթին որ քոյով ձեռնարկութեամբ գրեալ էր, և ոչ աւելի և ոչ պակաս ինչ տեսի կամ լուսյ, որպէս ինքն իսկ Աստուած գիտէ: Այսուհետև պահեա խորհրդիւ զուղղափառութիւն վասն որոյ տեսաք զՅիսուս Քրիստոս Աստուած մեր, այն որ վասն ազգի որդւոց մարդկան անփոփոխելի և անյլայլելի և անբաժանելի, ինքն միայն մարմնացաւ և եկն ի ծնունդ ահաւոր և զարմանալի, եկն ի ծնունդ Աստուածածնին Մարիամայ, չարչարեցաւ և խաչեցաւ և թաղեցաւ, և յարեաւ ի մեռելոց յաւուր երրորդի, և զաւուրս քառասունս ընդ սուրբ աշակերտս իւր շրջեցաւ, և հաղորդեցաւ ընդ նոսա և ապա վերացաւ յերկինս և նստաւ ընդ աջմէ Հաւր ի բարձունս, և դարձեալ ի վախճանի աշխարհիս այսորիկ գայ յերկնից, փառաւք զաւուրութեան իւրոյ դատել զկենդանիս և զմեռեալս: Զի նմա վայել է փառք և պատիւ և յաղթութիւն և թագաւորութիւն այժմ և միշտ և յաւիտեանս յաւիտենից. ամէն:



## ԹՈՒՂԹ ԶՈՐ ԱՐԱՐ ԱՆԱՏԱՍ ԹԱԳԱՒՈՐՆ ԸՆԴԴԵՄ ԱՄԵՆԱՑՆ ՀԵՐՉՈՒՆԺՈՂԱՑ

**Ք**անցի մի է սահման հաւատոց զոր ունիմք յ. ՅԺԸ սուրբ հարցն որք ի նիկիա ժողովեցան. այն որ ցուցանէ մեզ թէ մի ի սուրբ Երրորդութենէն էր Տէր մեր Յիսուս Քրիստոս Բանն Աստուծոյ, այն որ մարմնացան ի սուրբ և յԱստուածածին կուսէն Մարիամայ և մարդ եղև. Չայս սահման ընկալան և սուրբ Հարքն ՃԾ.քն, որ ի Կոստանդինուպաւլիս ժողովեցան վասն սրբոյ Հոգւոյն. Ըստ նմին և երանելի ժողովն որ յԵփեսոս ժողովեցան և նշովեցին զՆեստորիոս հերձուածոց և զամենայն որ ըստ նմա խորհին և հաւատան, որպէս և թուղթն որ կոչի Հենատիկոն Ջենոնի ուղղափառ թագաւորի, նոյնպէս և թուղթն երանելոյն Յովհաննու եպիսկոպոսապետին Աղեքսանդրի՝ որ ցուցանեն այսպէս. Երբում նշովէ զտումարն Լեւոնի և զժողովն Քաղկեդոնի, որ անցին ընդ նոյն սահման, և երկուս ընութիւնս զկնի միաւորութեանն սահմանեցին վասն Քրիստոսի:

Եւ մեր որպէս ընկալաք ՚ի սուրբ Ճշմարիտ հարցն, ոչ ասեմք երկուս ընութիւնս, ըստ յերկուց մի ընութիւն որ մարմնացաւ Աստուածն բանն խոստովանիմք, և նշովեմք զժողովն Քաղկեդոնի և ընդ նմին և զԼեւոն և զտումարն նորա և զպնոսիկ որ երկուս Քրիստոս և երկուս որդիս ասեն, մի յառաջ բան յյաւիտեանս. և միւս՝ որ ի վերջին ժամանակս. Եւ որք ասեն զկնի խոստովանելոյ զմիաւորութիւնն երկուս ընութիւնս, և երկուս դէմս, և երկուս աւրինակս, և երկուս յատկութիւնս, և երկուս զանազանութիւնս, և կամ երկաբանչիւր ընութեան գործք, խոսեմք և նշովեմք, վասն զի ընդգէմ երանելոյն Պիլարի երկոտասան զլիոցն զտանին:

Նշովեմք զՊաւղոս Սամուտացի, և զԴէոդորոս, և զԹէո-

դորիոս, և զնեստորիոս, և զԹէոդորիտոս, և զԼուծարիս, և զՆնդրէաս, և զՀիրաս, և զԿիւրէ, և զՅոհան Եգեացի, և զԲարձուամ, և զԱկակ պարսիկ, և զԱպողինարիս, և զԵւտիբոս, և զՍարելիոս, և զԱրիոս, և զԵւնոմիոս, և զՄակեդոնիս, և զՄանի, և զՄարկիոն, և զԲարդէժան, և զպիղծ ուսմունս նոցա, և որք որպէս գնոսայն հաւատան՝ եթէ ոչ ապաշխարիցեն, և գամնայն աղանդս որք մարտեան և որք մարտնչին ընդդէմ ուղիղ հաւատոյ կաթողիկէ առաքելական եկեղեցւոյ, և զամենայն որ ոչ խոստովանին եթէ Աստուածածին է Մարիամ սուրբկոյսն, և ի նմանէ մարմնացաւ և եղև մարդ անփոփոխելի և անմեկնելի, այն որ հաւասար և Որդի է էութեանն Աստուծոյ Հաւր, և Որդի ընութեան մերոյ նոյն ըստ մարմնաւորութեան: Եւ մի է որ յառաջ քան զմարմնաւորութիւնն, նոյնպէս և զկնի մարմնաւորութեանն, որպէս յառաջն ասացաք. մի ընութիւն մարմնացելոյ Աստուծոյ Բանին խոստովանիմք: Չարչարեյաւ որպէս զմարդ, և իւր չարչարանաւքն եբարձ զչարչարանամբ. և մեռաւ, և մահուամբ իւրով սպան զմահ, և մնաց անչարչարելի և անմահ որպէս զԱստուած: Նմա և Հաւր որ առաքեաց զնա, և սուրբ հոգւոյն փառք յաւիտեանս յաւիտենիցամէն:

Ձեզապարք գրողս զԹումաս և զԺնաւոյն ի՛մ յեջեջէ՛ք ի Քրիստոս Աստուած. ո՛վ դաստ ուղղութեամբ:



Ի լուսանցս գտանի գրեալ:

Մինչդեռ գրեցաւ թուղթս այս զՄաւրկայ ԳԺաներորդ ամն թագաւորութեանն ՁԹ ամ է. և ի Քաղկեդոնի ժողովոյն ճԽԳ ամ էր. ի հայրապետութեան Հայոց Գէորգեայ, և ի թուին ՅԻ իշխանայ իշխա. . . Ա. . .

# ՊԸՏՃԷՆ ԹՂԹՈՅՆ ՀԱՅՐԵՊԵՏԻՆ ԿՈՍՏԱՆԴ- ՆՈՒՊԵԼԼՍԻ ՓՈՏԱՅ ԸՌ ԵԶՈՏ ԻԶԽԵՆՈՑ ԻԶ- ԽԱՆՆ

**Ք**աջայայտդ բարեստոհմութեամբ, հպաւրագոյնդ ճո-  
խութեամբ, բարձրագոյնդ ի համասեռս Աշտո ի շխանդ Հայոց  
մեծաց. Փոտ, շնորհիւն Աստուծոյ գլուխ եպիսկոպոսաց Նոր  
Հոռովայ և պատրիարզ հանուրց:

Մեր փոյթ յանձին ունիմք վարդապետելով ձեզ զճմար-  
տութիւն, մանաւանդ իմացեալ զաշխարհս ձեր ի վերնական  
շնորհացն պահպանեալ, և լծակից եղեալ հանրական սուրբ ե-  
կեղեցւոյ յամենայնի, ըստ ի միոյն որ է այս. Քանզի ընդդէմ  
Աստուծոյ և հակառակ ճմարտութեան զչորրորդ ժողովն սահ-  
մանէք, որ հաստատեաց զանկումն և զտարամերժումն Նեստո-  
րի և զբարձումն գարշելի նորա խոստովանութեանն. Ո՛վ որ  
արդեաւ որ իմացի եթէ ոչ ընդունողքն զժողովն Քաղկեդոնի  
անզգամբ են. միտս ունելով հանգոյն այնոցիկ որք զՏէրն մեր  
և զփրկիչն պառարակէին, հայհոյելովն որ հալածականն առնէր  
զգէս. զի չիք ինչ որոշումն ընդ զլիսաւորսն դիւաց, և ընդ  
այնոսիկ որք հայհոյեն զորս հալածական զգէսն առնէր ի  
մարդկանէ. Արդ վասն զի սուրբ ժողովս այս նպովեաց զնես-  
տոր և արտաքս ընկէց հանդերձ հեւեոզաւքն իւրովք. ո՛վ որ  
գեռ ևս անգիտացի սատանայի գըլ զնեստոր սպասաւոր, որ  
թշնամանեաց զժողովն սուրբ, որ յԵփեսոս գումարեցան, որ և  
զոմանս մոլորեցոյց ի նոցանէ զկնի իւր. Արդ քանզի չորրորդ  
ժողովս երրորդիս միաբանեաց, զի՛արդ յանձին ունիք հայհոյել  
և չարահամբաւել: Եւ արդ վասն զի հաստատագոյն ունիմք  
զգիտութիւն Աստուծոյ գոլ մեծութեանդ ձեր ի վերնական

զաւրուածեանցն պահպանեալք և ժողովուրդ Աստուծոյ ազգդ ձեր և արտաքոյ անվայելուչ կարծեաց, այլ վասն զի ժամանեցին առ մեզ վասն ասացելոյս ի մէնջ անընդունակ պատճառք ի ձէնջ ի ձեռն գրոյ: Եւ արդ՝ յորժամ ի միջոյ բարձցի կարծիրս այս, և չորրորդ սիւնհոգոսն ի թիւ երկնց ժողովոյն ի ձէնջ խոստովանեալ փառաւորեսցի, այնուհետեւ բարձեալ զըտանի ամենայն որ ըստ ձեզ անուղղայ կարծիք:

Վասն զի Հոռոմն առաջին այսպէս պատուէ զժողովն չորրորդ, ըստ որում և մեր զերիս ժողովն յառաջագոյն բանս գաս եղեալ: Սպաէս պատուակցութեամբ ընդունի և մեծ ամթոռն Աղեքսանդրի, և ամթոռն Երուսաղէմի, և ոչ կրեն հակառակութիւն վասն ժողովոյս այսմիկ սրբոյ: Այլ և ժողովք հետեւեալք սմին, այսինքն չորրորդին՝ հինգերորդ և վեցերորդ և եւթնեւորորդ: Արդ ռժ որ իշխեսցէ ընդդէմ կալ հաւատոյն, որ սրբոնեալն և տարածեալն է ընդ ոլորտս երկրի, վասն որոյ Տէրն այսպէս ասէ թէ, Դրունք դժոխոց զնա մի յաղթահարեսցեն: Ապա ուրեմն ոչ է պարտ հետեւի զուր բանից որք անուամբ միայն են որիչ ի դերաբրիստոսէն, որք արուցանեն զգեղն մահացու և ապականիչ . . . . .ոյն որոշելով ի վարդապետութենէ սուրբ Հոգւոյն և ի նշանաց տուելոց: Եւ կամ զի՛արդ ոչ ասի դարձեալ եթէ որք հիւանդութեամբ մտաց իւրեանց պատարագն զՏէր մեր Յիսուս Քրիստոս զԱստուածն և զմարդն. այսինքն յԱստուածային և ի մարդկային ընութենէն, և զկնի տե սութեանն միասին ընութիւն, զի որք զայն բարբաջն այնպիսիքն ուրացան զերկաբանչիւր զընութիւնսն: Զի եթէ զմինն զայն զընութիւնն զոր ասեն՝ սոսկ ասեն, ապաքէն զմիւսն ուրացան: Եւ եթէ յերկուց պարզագունից խառնեալ, յայտ է եթէ ոչ մին եկաց մնաց յիւրայութեանն, այլ իւրաբանչիւրքն դատարկացան:

Արդ՝ զի՛արդ, թերևս ասիցեն եթէ այս խառնեալ որ ինքն ընութիւնս որ ի Հայր և ի Հոգին սուրբ յատկացեալ է, եթէ նորին հակառակն է: Արդ եթէ ասիցեն եթէ ոչ է յատկացեալ, հայհոյութիւն նոցա եղիցի ի վերայ զլից իւրեանց. զի ընութիւն Հաւր իմանի խառնեալ: Իսկ եթէ յատկացեալ ասիցեն, իմանի Արդի ոչ ունել զընութիւն Հաւր: Արդ որ զայդ համարձակին ասել քաջայայտ է թէ յորպիսի հրաւիրին տեղի: Եւ ռժ որ բաւականացի առ ի զրովանդակն պատմել զորբա-

նույն թիւն այսպիսեաց բանից զհանդէսս ի ձեռն գրոց, զոր և Հոգին սուրբ ի ձեռն չորրորդ ժողովոյն բացայայտեաց որոց հետեւեցին իսկ նշանակք հաւատարմագոյնք առ ի հաստատութիւն հաւատոյն և ի խորտակումն հակառակողացն, և յեղծումն խաւարային նոցա խորհրդոցն:

Գարձեալ զի թէ թուղթս մ.ր առ ոմն ի հասարակականաց մարդկան էր, թերևս յոլովագունից էր պէտք բանից առ ի բացայայտել զճշմարտութիւնն: Այլ բոյր մեծութեան և հանձարեղ իմաստիցդ և ցանկացողի ճշմարտութեանն և սիրոյն կապակցութեանն ախորժողի. բաւական ուրեմն են ասացեալքս, մանաւանդ զի բազում անգամ գրեցաք յառաջնորդդ ձեր և բահանայապետդ յոլովակի բանիւք, զոր և այժմ դարձեալ աղաչեմք զբոյր մեծութիւն հաստատել ի ձեռն սրբոց ժողովոցն յամբիժ հաւատն, և ոչ խոտորել ի թագաւորական շաւղացն, այլ ընդ նոցայն գնալ ուղիղ ճանապարհ, զի որք համարձակին ասել ի Քրիստոս մի բնութիւն, ածէ ի վերայ անձին իւրոյ զԵւտիբեայ դատապարտութիւնն, և զհաւատն զոր ունին Սալասահիկք բազմագլուխ գոլ, և ոչ մի ունել գլուխ. նաև Մանեայ ևս լինի ձայնակից: Գարձեալ եթէ այլ ոչ խոստովանեսցի ոչ որոշեալս, և ոչ յատկացեալս յերկուս բնութիւնս, և յերկուս անձնաւորութիւնս, այնպիսին նեստորին է արժանաւոր պատժոց: Վասն որոյ եկեղեցին Աստուծոյ հերքեալ զերկաքանչիւրսն մերժեաց, լուծանելով զնոցա չարափառութիւնն յիւրոց աստուածային յարկաց, և խոստովանեցաւ մի դէմ Տեառն մերոյ Յիսուսի Քրիստոսի, երկուս անուանելով բնութիւնս յատուկս անշփոթս, հակառակս սահմանելով ընդդէմ որոց զկիրսն և զչարչարանսն աստուածութեանն դնեն:

Արդ՝ մի հեղգասցիս, ո՞վ վսեմագոյնդ, ուսուցանել զժողովուրդն Քրիստոսի և ածել ի ճշմարիտ խոստովանութիւն հաւատոյ, զի չիք ինչ հաճոյագոյն Աստուծոյ բան զճշմարտութեամբ ձանաչել զնա և ուղղակի խոստովանութեամբ փառաւորել, և սիրով առաւելեալ և հաստատեալ և ոչ երբէք խոտորեալ, որով ևս քան զևս հանդիպիս ճոխութեան, նաև յԱստուծոյ. պահպանական շնորհիւն ամրացեալ ի թշնամեաց և յորոգայթիցն պահպանեալ պատահմանցն, զկնի և յոր Թէոդոսաց սուրբ թագաւորացն զերկաքանչիւրսն ժառանգելով զայժմուս և զհանդերձեալսն, ի ներկայուսդ ասեմ և յապառնիսն,



բարեխաւսութեամբ փառաւորելոյ տիրուհոյն և Աստուածածնին, հանդերձ ամենայն սրբովք:

Առաքեցաք քաջատոհմութեան և մեծանձնութեանդ քո յիշատակ աւրհնութեան ի պաշտպանեալ Աստուածընկալ պատուական խաչէս:



## ՊԱՏԱՍԻՆՆԻ ԹՂԹՈՅՆ ՓՈՏԱՅ. ԳՐԵԱԼ ՍԱ- ՀԱԿԱՅ ՀԱՅՈՑ ՎԱՐԴԱՊԵՏԻ ՀՐԱՄԱՆԱԻ ԱԶՈ- ՏԱՅ ՀԱՅՈՑ ԻԶԽԱՆԱՑ ԻԶԽԱՆՆԻ

**Ք**աջանայապետ զգաւնացեալ պարկեշտ և առաքինա-  
սէր որ ի Քրիստոս վարուք <sup>\*)</sup>, Փոտ. վերագրիտող թագաւո-  
րական մեծ բաղարիդ, Նոր Հոռմայ պատրիարգ, Աշտ իշխա-  
նայ իշխան Հայոց Մեծաց:

Զգիր հանձարեղ խոհականութեանդ ձերոյ, թ՛վ Աստուա-  
ծարեալդ, ընթերցայ, և յոյժ ուրախութեամբ լարեբանեցի  
զերկնաւորն զՔրիստոս, զփրկիչն մեր և զկեցուցիչ յաւէտ կեն-  
դանութեամբ, զսրբութիւնդ ձեր տեսանելով պաշտպանեալ,  
այլ և զնստեանդ առ միմեանս զսիրոյն կապակցութիւնս,  
յորս ներբողակն բանիւ յիշատակեալ էիք: Հնորհ բազում ու-  
նիմ և կալայց ձերում սրբութեանդ, այլ ես ստորերկրայս որ  
Քշտ ի խոնարհ ունիմ աշխարհական խորհրդածութեամբ ըմ-  
բռնեալ և ի նիւթականիս ցանկ, անվարժ գոլով առ տեսու-  
թիւն երկնային գեղեցկութեանն և պայծառութեան արուսե-  
կին վասն բնաբար ունելով զ'ի վայր նկատումն այլ բոյժ  
մաքրատեսակ առաքինասէր անձն, հետեեալ քննութեանց աս-  
տուածային գրութեանցն, և պատուիրանին՝ որ մեզն աւանդե-  
ցաւ, եթէ՛ Յայսմ ծանիցեն իմ գոլ աշակերտք եթէ՛ զմիմեանս  
սիրեսչիք: Յիրաւի պսքան յորդորական և հանձարեղ բանիւք  
առ սիրոյն դաստիարակես կապակցութիւն, զոր եթէ՛ ոչ ու-  
նիցիմք, ամենայն ձև պատկերին շրջեալ փոխեցաւ, նաև ա-  
ռանց աշխատութեան ամբարին սորայս առաքինութեան մա-  
տուէք, որոյ գրուատիբն ոչ ի մարդկանէ, և ոչ ի ձեռն՝ մար-  
գոյ, այլ ի նոյն ինքնաւոր զաւրութեանցն: Սէր զԱստուած

<sup>\*)</sup> Յօր. վարիւք.

իմագեալ որում ոչինչ յէիցս համեմատի այնմ բարձրութեան, և անպուզական շնորհացն զոյ հայրորդ սիրոյն ունակութեամբ. և երանի թէ հաւատով ևս, զոյր կապել զկապակցութիւն խոստովանութեան սուրբ և ճշմարիտ հաւատոյս, և ի միասին պայծառանալ, և միակրանք ի տան Աստուծոյ ընակեալք:

Այլ վասն զի ոմանք հետեցին սուրբ և ճշմարիտ ուղիղ խոստովանութեանն, աւանդեալ ի սրբոց առարկելոյն և զարգացեալ յերից սրբոց ժողովոյն, զոր գումարեցին երջանիկ և սուրբ թաղաւորքն ի լուծումն Արիսի և Մակեդոնի և Նեստորիանոսի. . . . ստուռաձային ամրիժ հաւատոյն լինել վրէժ-խնդիր, զոր ոչ հանգոյն նոցա Մարկիանոս խորհեցաւ. այլ թագաւորասաստ հրամանաւ գումարեաց զչորրորդ ժողովն ի կնոջէն իւրմէ Պողբերէ հրապուրեալ, որ երեսն ջատագովն էր Նեստորի. յորոց ոմանք յերկիւղէ և այլր ակնատութեամբ թագաւորին հաւաքեցան, զոր ոչ է պիտի ըստ երկայնութեան բանից ասել, մանաւանդ թէ մասն ինչ ծանուցանել բոլոր սրբութեան՝ ոչ զանխուլ ի մէնջ զոյ պատաճաստ ժողովոյն: Եւ վասն զի ի թղթի աստ նախակարգեալ էր բոլոր սրբութեան զչորրորդ ժողովոյն յիշատակ, և ի թիւ երից սրբոց ժողովոյն կարգեալ, և զնոյն և ի մէնջ խնդրեալ զընդունելութիւն, զոր ոչ ընկալան հարրն մեր և վարդապետքն. ծանուցեալք զնոցա աւտարաձայնութիւնս. և զլուծումն սահմանաց ժողովոյն զոր աւանդեցին ընդհանուր մի Տէր և Արդի զՔրիստոս բարոզելով աշխարհի, միացեալ յերկուց ընութեանցն անշփոթ և անբակ միաւորութեամբ, զոր սոքա յերկուս բաժանեցին ընութիւնս և ներգործութիւնս և կամս. նեստորական մոլորութեանցն հետեւեալք: Բայց զոր միաւորեալ ասացին և այնու զպարզամիտոն հրապուրելով ի բաց լինել ինքեանց ի նեստորական աւանդիցն, զոր և առնութեւր բանիս կարգեսցուք զսահմանս երկաքանչիւր դաւանութեանցն, զնեստորին ասեմ և զՔաղկեդոնին հանդերձ և անական տումարիւն, յորոյ վերայ կառոյցն իսկ ժողովն Քաղկեդոնի զսահմանս աւտարոտիս և խորթաբարոյ իւրոյ խոստովանութեանն:

Գրէ նեստոր յիւրում զլիաւորագոյն տրամաբանութեան հաւատոյն բանի պայպէս. Ես անփոփոխելի և անայլայլելի բանին Աստուծոյ երկուս ընութիւնս խոստովանիմ: Աստուած ճշմարիտ յԱստուծոյ ճշմարտէ, և մարդ կատարեալ ի զաւակէ

Գաւթի և Արրահամու: Գրէ Լեոն յիւրում տուճարին. Աստուած խոստովանիմ ըստ այնմ ըստ որում ի սկզբանէ էր Բանն, և Բանն էր առ Աստուած, և Աստուած էր Բանն. և մարդ խոստովանիմ ըստ այնմ ըստ որում՝ Մարմին եղև և տաղաւարեաց ի մեզ:

Գրէ Նեստոր. Ոչ բանն Աստուած Հանդերձեցաւ պատանաւր ի Յովսեփայ, այլ մարմինն ի Յովսեփայ: Գրէ Լեոն. Մինն փայլէր նշանագործութեամբն, և միւսն ընդ չարչարանաւքն ստոր անկեալ:

Գրէ Նեստոր. Բանն մարմին եղև և տաղաւարեցաւ ի մեզ: Գրէ Լեոն, Իմաստուն շինողին իւր տուն. զի բանն մարմին եղև և տաղաւարեաց ի մեզ:

Գրէ Նեստոր. Ջերկակսն առ Քրիստոս որոշեմքնութիւն, զի կրկնակ ահա բնութեամբ, իսկ արժանաւորութեամբ մի: Գրէ Լեոն, քաղցնույն և ծարաւելն, վաստակելն, ննչելն, խոստովանարար է մարդոյ, այլ ի Հինգ Հացէ վճիւնգ Հապարսն յագեցուցեալ, և սամարուհւոյն զկենդանական ջուրն շնորհեալ, և ի վերայ մկանանց ծովուն ձեմելն, և զկոհակս պյտմանց ծովուն զերասաստելով մրկին խաղաղագուցանել, աներկբայապէս է Աստուծոյ:

Տեսե՛ր, ո՞վ սիրելութիւն, զհամաձայնութիւնդ Նեստորի ընդ Լեոնի, առ բնութեանցն զանապանութիւն և ներգործութեանցն յատկութիւն: Արդ՝ զի՞նչ աստանաւր իմասցուք, որ ստիպիմ ի քոյդ սրբութենէդ ընդունել զժողովն Քաղկեդոնի: Տեսան մերոյ ասացեալ է, Որ սիրէ զհայր կամ զմայր առաւել թան զիս, չէ ինձ արժանի: Արդ ո՞չ կարեմք զՔաղկեդոն օրել զրաժանողն յերկուս զմի Քրիստոսն, և զՔրիստոս ատել, որ իւրովն փրկեաց զմեզ պատուական արեամբն:

Յիշատակեցից դարձեալ նոյն ինչ և ի Քաղկեդոնական սահմանացն հաւատոյ, և առնթեր զսրբոյն Կիւրղի, և տեսցուք թէ ունի՞ն ինչ առ միմեանս զհամեմատութիւնս: Գրէ ժողովն Քաղկեդոնի, եթէ՞ Ոչ երարձ զբնութեանցն զանապանութիւնս վասն միանալոյն. այլ առաւել ողջ պահեաց զյատկութիւն երկաքանչիւրոցն բնութեան: Գրէ սուրբն Կիւրեղ յառաջնում թղթոյն Սիւնկիտոսի. Մի ասեմք Որդի որպէս և հարբն ասացին, մի է բնութիւն բանին մարմնացելոյ: Արդ՝ զի՞նչ հաղորդութիւն կայցէ Քաղկեդոնի ընդ Կիւրղի, զի զոր

նա մի ընտւթիւն միաւորեալ յերկուցն սահմանեաց ըստ սուրբ ժողովոյն Եփեսոսի, Քաղկեդոն յերկուս ընտւթիւնս որոշեալ սահմանեաց, Եւ վասն զի ոչ ի թղթի աստ փոյթ վարդապետացն և հարցն ընթերցաք զպիտառութիւնս, և ոչ մեք կարգեցաք յորոց ունէաք զրազումս. այլ միայն ըստ բոյին Խընդրոյս, ո՞վ սիրելութիւն, կարգեմք զպատասխանիս:

Արդ՝ վասն զի գրեցաւ ի բոյդ սրբութեանէդ առ մեզ, Եթէ՝ Որք մի ասեն ի Քրիստոս ընտւթիւն՝ Եւտիբեանք են, և զնորայն ընկալցին զհատուցումն. աստանաւր ո՛չ ուղիղ դատեցար, վասն զի ամպարիչոն այն Եւտիբէս մի ընտւթիւն ի Քրիստոս ըստ փոփոխմանն ասաց, տալով աւրինակ պոպիսի ինչ. Որպէս անգործ ոսկի ի պատկեր ի ձեռն գործաւորութեանն երկաթոյ ձևացեալ, և զնկարագրութիւնն միայն յերկաթոյն ընկալեալ յինքն. այլ ոչ ի նիւթոյ երկսթոյն ընկալեալ յինքն. այսպէս և ոչ Տեառն մերոյ յԱստուածածին կուսէն Մարիամայ ընտւթիւն մարդկային ինչ ընկալեալ, այլ մատով յորովայնի կուսին փոփոխումն միայն աստուածային ընտւթեանն ի մարդկութիւն գործեաց: Տեսե՛ր զամպարիչո մտացն զհարաչար խորհուրդն և զգաւածանող խորամանկութիւնն. թէ յորպիսի հայհոյութեան յանդունդս զլորեցաւ: Արդ զի՛արդ հաւանեալ բո ամենահատար գիտութիւնդ ի մեզ յարել զպոպիսի աւտարոտի խորհուրդ զրարանութեան առ ի չարահամբաւել զմեզ, զոր ոչ վայել է քո սրբութեանդ, զոմն նզովեալ և յաստուածային ընկեցեալ յարկացն ի մեզ յարելով: Վասնորոյ և ասեմք, եթէ որք պոպիսի խորհրդածութեամբ ասեն ի Քրիստոս մի ընտւթիւն, և կամ ընդունին զնորա վարդապետութիւնն, ընդ նովին նզովիւք փակեալ մնասցեն յաւիտեանս ժամանակաց:

Եւ արդ՝ ընդարձակագոյն բանիւ ասասցուք զմեր գաւանութիւն, ըստ որում Մի ասեմք ի Քրիստոս ընտւթիւն, որ և ամենեցուն բաջայայտ է: Ապաքէն մի ընտւթիւն յերկուս դէմս իմանի և ասի. բանզի է՝ որ ըստ պարզութեանս է մի՝ որ ոչն յաւդական, որպէս Գաբրիէլ և Միքայէլ. և է՝ որ ըստ յաւգաւորութեանն է մի, որպէս Ադամ և Նոյ: Արդ եթէ ըստ այնմ ասէաք ի Քրիստոս մի ընտւթիւն ըստ որում պարզն է, ոչ էր ի դէպ ասել նմա Աստուած մարդացեալ: Իսկ եթէ ըստ այնմ ասասցուք, ըստ որում յաւդականն մի ընտւթիւն, ոչ

լինի բարձունքն Աստուածային կամ մարդկային բնութեանն: Արդ եղիցի մեզ աւրինակ մարդս. որպէս ի վերայ սորա ասի որ ինչ անկ է մարմնոյ, և որ ինչ մարթ է հոգւոյ: Բայց մարդն զի ասի երկու բնութիւնք՝ այլ մի: Իսկ եթէ որ ընդդէմ եկեալ երկու ասիցէ բնութիւն Քրիստոսի, երիս լինի հաստատեալ. երկուք մարդկային և մի աստուածային: Արդ զոր յեւրիցն զմինն կամին բառնալ՝ երկուսն ասելով ըստ այսմ բնութեան, զի եթէ զմարմինն, այնպիսին Եւտիբեան է: Իսկ եթէ զհոգին մարդկային, Ապողինարիս է: Իսկ եթէ զԱստուածայինն, նման է Հրէիցն որք ասէին դու մարդ ես. և զանձն բո Աստուած առնես:

Եւ արդ ի հանդիսի անցուցաք զոր ասեմքս մի բնութիւն ըստ միաւորութեանն երկուց անշփոթ բնութեանցն: Եւ վասն զի յորժամ զմարդոյն զգոյացութիւնն ի կիր առնու աստուածային պատմութիւնն. երբեմն զհոգին յիշէ միայն՝ ասելովն՝ ի պատկեր Աստուծոյ արար զմարդն, և երբեմն զմարմինն միայն՝ ասելովն, Հող էիր և ի հող դարձցիս. և այն՝ վասն երկուց բնութեանցն զմիաւորութիւն ունելոյ: Դարձեալ զի երբեմն զհոգին յիշելով, զմարմինն նշանակէ, որպէս յորժամ ասէ, Մի հոգայք վասն հոգւոց ձերոց թէ զինչ ուտիցեն կամ զինչ զգեցցին. զհոգիսն յիշելով, զմարմինն նշանակեաց, Եւ դարձեալ ասէ. Ոչ գիտէք թէ մարմինք ձեր տաճար են Աստուծոյ. զմարմինսն յիշելով զհոգիսն նշանակէ. զի ի հոգիսն բնակէ Աստուած: Դարձեալ ասէ. Եւթանասուն և հինգ ոգի մտին յԵզրիպտոս. զհոգիսն յիշելով զբոլոր մարդիկսն նշանակեաց: Եւ դարձեալ թէ, Առ բեզ ամենայն մարմին եկեսցէ. զմարմինսն յիշելով, զբոլոր մարդիկն նշանակեաց:

Այսպիսի աւրինակաւ գիրք սուրբք և ի վերայ Քրիստոսի Աստուծոյ միաւորեալ բնութեանցն ասեն, որպէս յորժամ գրէ առաքեալն, Քրիստոսիւ եղև ամենայն որ ինչ յերկինս, և որ ինչ յերկրի, զաստուածութիւնն միայն նշանակելով: Դարձեալ գրէ ասելով. Մի է միջնորդ Աստուծոյ և մարդկան, մարդ Յիսուս Քրիստոս, զմարդկութիւնն նշանակելով: Եւ այսորեկ և վասն յերկուց բնութեանցն անորիշ զմիաւորութիւնն ունելով. Դարձեալ զի զաստուածութիւնն յիշելով՝ զմարդկութիւնն նշանակէ, և զմարդկութիւնն յիշելով՝ զԱստուածութիւնն նշանակէ, որպէս Յովհաննէս ասէ. Որ էրն ի սկզբանէ զորով

յոււաքն, որում ականատեսն իսկ եղար. և ձեռք մեր շաւշափեցին ի վերայ Բանին կենաց. գտեսեալն և զշաւշափեալն ասելով, գաստուածութիւնն նշանակեաց, զի առ Հաւր, և ընդ Հաւր Բանն էր. և շաւշափեալն սարմինն: Դարձեալ ասէ, Ոչ որ ել յերկինս՝ եթէ ոչ, որ էջն յերկնից որդին մարդոյ որ էն յերկինս. գորդին մարդոյ յիշելով՝ զՈրդին Աստուծոյ նշանակեաց: Զայս ամենայն գործէ անձառ միաւորութիւնն:

Արդ՝ ոչ ի վերայ սոսկ մարդոյ ասեմք, որ ինչ ի ծննդենէն մինչև ցհամբարձումն, և ոչ ի վերայ մերկ աստուածութեանն, զի մերկ Աստուած ոչ տեսնի, և ոչ շաւշափի, և սոսկ մարդ ոչ կարէ ասել թէ՛ Յառաջ քան զլինելն Աբրահամու եմ ես: Եւ ոչ եթէ զփառսն՝ զոր ունէի յառաջ քան զլինելն աշխարհի, այլ ասեմ զայսոսիկ ի վերայ բանին մարմնացելոյ: Որովք հետեին նմա երկուք նշանակութիւնքն. այլ ոչ որոշին կիրքն և ներգործութիւնքն երկուց բնութեանցն, զի յորժամ որոշեմք զբնութիւնսն. գան ընդ նոսա և երկաքանչիւրքն յատուկքն բնաւորաբար ըստ նեստորի մոլորութեանն:

Դարձեալ վասն որոյ գրեաց սրբութիւնդ քո թէ՛ Հիւանդամիտք են, որ զկնի պատարագելոյն զփրկիչն մեր Յիսուս Քրիստոս և ականատեսք լինելոյ, մի ասեն բնութիւն: Մեր յորժամ մատուցանեմք զպատարագն կենսաբեր, ոչ իբրև լուկոյ ի մէջ մարդոյ մարմին և արիւն գոլ ասեմք. զի լոկ մարմինն կենդանութիւն տալ ոչ կարէ, որպէս ասաց Փրկիչն թէ՛ Մարմին ինչ ոչ աւգնէ, հոգին է կենդանարար: Այսու իմանի և է կենդանարար. որպէս փրկիչն ասաց, թէ՛ Որպէս առաքեաց զիս կենդանին Հայր, կենդանի եմ ես վասն Հաւր, և Որ ուտէ զիս և նա կեցցէ վասն իմ: Իմաստութեամբ նայեացուք ի խորհուրդ բանիս, վասն զի ի Հաւրէ առաքեալ Բանն է, և կերեալ յերկրի մարմինն: Արդ եթէ բաժանեալ են բնութիւնքն որպէս ասէք, յայտ է եթէ ճաշակողքն զԲանն ուտեն, զկենդանի զառաքեալն ի Հաւրէ, ըստ որում ասացն թէ՛ Որ ուտեն զիս. զոր սարսափելի է իմանալ. իսկ եթէ զմարմինն ուտեն, և մարմինն կենդանարար է, յայտ է թէ միաւորեալ է ընդ առաքելոյն ի Հաւրէ, և ոչ ունի բաժանումն:

Դարձեալ ոչ փոքր ինչ հիացայ վասն որոյ գրեցէք ի թղթի աստ, եթէ յորժամ խառնումն ասիցէք ի վերայ Քրիստոսի երկուց բնութեանցն, յայտ է թէ և ոչ մինն եկաց մեաց

յիւրութեանն, այլ լուծեալք ի միմեանց ղատարկացան. զի եթէ այս խառնեալ բնութիւնս ի Քրիստոս, որ ի Հաւրէ և ի Հոգւոյն սրբոյ է, յայտ է թէ Հաւր և Հոգւոյն բնութիւնն զխառնումն ունի ընկալեալ. Իսկ եթէ յատկացեալ է Որդւոյ բնութիւն առանձնաւորութեամբ և խառնեալ, յայտ է թէ ոչ ունի Որդի զՀաւր բնութիւն: Լի են բանքս աղտեղութիւնամբ, զի եթէ ապականութեան խառնումն ասէաք ի վերայ Քրիստոսի բնութեանցն, որպէս ջուր ընդ զինի խառնեալ և երկոքին ի միմեանց լուծեալ, և կամ որպէս այլասեռ Տրահայքն, զոսկին ասեմ և զարծաթն, և ի միմեանց ապականեալք, թերևս ի դէպ էր գոր ասէիրդ: Իսկ եթէ արտաբոյ սորին է զոր ասեմք, զի խառնումն Բանին Աստուծոյ ընդ իւրոյ մարմնոյն, որպէս լոյս ընդ աւզ՝ կամ Տուր ընդ ոսկի՝ կամ Տոգի ընդ մարմին, անխփոխք և անանջատք գոլով ուրեմն ի զուր չարահամբաւէք զմեզ՝ պախարակելով զճշմարտութիւնն: Սմին և մեծ և Տոչակաւոր Տոտորն Աստուածարան վկայէ ասելով. Ո՛վ նոր խառնմանս, ո՛վ սքանչելի խառնուածոյս, արդարև նոր իսկ՝ է աստուածութեանն ընդ մարդկութեանն խառնումն, և սքանչելի խառնուած անեղի ընդ եղականի: Գարձեալ նոր իմն գրէ երանելիս. քանզի մաքուր զնորա զաստուածութիւնն բերել ոչ է Տնար, ի լինելութեան և յապականութեան է բնութիւնս. վասն այնորիկ և զանխառնելիսն խառնէ: Գրէ և սքանչելագործ այրն Աստուծոյ և Տաւատարիմ ծառայն սուրբն Գրիգոր Լուսաւորիչն Հայոց. Այս է ճշմարիտ խոստովանութիւն, խոնարհեցաւ և խառնեաց զաստուածութիւնն ընդ մարդկութիւնս, և զանմեռն ընդ մեռոտս: Եւ դարձեալ ասէ. Կորոյս զչարն և պարտաւորեաց զմեզս աստուածախառն մարմնովն: Եւ դարձեալ ասէ, Խառնեաց միացոյց զմարմինն ընդ աստուածութեանն:

Տեսե՛ր, ո՛վ պատուական գլուխ, ո՛րպէս վկայեաց յաստուածականիցն խառնումն և անշփոթ միաւորութեանն բնութեանցն որ ի Քրիստոս, ըստ որում և բազումն ունէի առ այս դրել, այլ բոյոյդ կատարելութեանդ բաւական Տամարեցաք ըստ իմաստնոյն խրատո՛ւ թէ տրամամիտն պատճառաւն բաւականացի:

Գարձեալ խնդրելի է, թէ ընդէր սուրբ Տարքն, երկուք այսմ վարեցան ձայնիւք, երբեմն խառնումն ասելով և երբեմն միաւորութիւն: Այլ վասն զի խառնումն ոչ ունի բաժանումն, և միաւորութիւնն ոչ ունի բախտումն, վասն այսորիկ երկորումքս



այսորիւք վարեցան բանիւք: Քանզի որպէս որոշմունքն ոչ ունին խառնումն, այսպէս և ոչ խառնումն՝ ասի բաժանումն: Եւ որպէս երկուութիւնն զմիութիւնն բառնայ, այսպէս և միաւորութիւնն բառնայ զերկուութիւնն: Վի եթէ ոչ էր խառնեալ անշփոթաբար ընդ մարմնոյն, ընդէր՝ ասեն՝ Մարմնացաւ: Եւ եթէ ոչ էր միաւորեալ ընդ մարդկութեանն, զի՛արդ ասեն՝ Մարդացաւ զի մարմնանալ և մարդանալ անմարմին էութեանն ասի, զի մարդն ոչ ևս կարէ այլազոյ լինել, քան եթէ մարմնով:

Նա և այլ իմն հրաշալի ընթերցաբ ի թղթի աստ, եթէ ժողովն Քաղկեդոնի մի գէմս և երկուս բնութիւնս վասն այսորիկ ասաց ի Քրիստոս, զի մի ի Բանն Աստուած ընթացիկն չարչարանքն: Ծաղու ուրեմն արժանաւոր են բանք նոցա թե՛րահաւատութեանցն: Վասն զի զնոյն զայս բան և պիղծն նեստոր ախտացաւ, այսպէս ասելով ընդդէմ մեծին Վիւրղի: Եթէ յորժամ ասիցես բնութեամբ զմիութիւնն՝ ապա ի Բանն իսկ բնութեանն վիշտքն: Իսկ երանելին Վիւրեղ այսպէս պատասխանեաց. եթէ վնասեացի ուրեք բնութիւն մարդոյ կամ անդամին ինչ յանդամոց, կամ կուրացի ակն, կամ հարցի այլ ինչ անդամ երկաթով, կամ ժանեաւր դադանի. խեղեացի՛ն արդե՛ք և ողբն: Եւ ո՛չ, ասէ, երբէք: Արդ՝ եթէ զսա միացոյց Աստուած ի մարմնի միաւորութեամբ բնութեանն, և առանց վշտանալոյ և թեղութեան եկաց մնաց յիւրում բնութեանն, վշտանայր արդեք Բանն Աստուած յիւրում բնութեանն, զիտաչէն ասեմ և զամենայն վշտացն: Գրէ դարձեալ և նոյն ինքն Վիւրեղ՝ Որպէս հրացեալ ոսկին և կոանահարեալ նիւթ ոսկւոյն ընդունի զկոանահարութիւնն, այլ ոչ և ընդ նմա միաւորեալ հուրն, սակայն ոչ որոշի և ոչ բաժանի յիւրում նիւթոյն. այլ յերեւել ոսկւոյն երևի և հուրն, և յազգել հրոյն, ազգէ և ոսկին, և զտանին ամենեւին մի, թէպէտ և ժամանակաւր զտանին յարեալ ի միմեանս: Այսպէս և աստուածութիւնն ընդ մարմնոյն իւրոյ, մանաւանդ թէ առաւել քան զայս: Այլ և զայս ևս ծանփէ բոյգ թոհականութիւն, Վասն զի աւրինակն մասն ինչ նմանէ զճշմարտութիւնն: Զի եթէ ըովանդակ ճշմարտութիւնն յաւրինակին զտանէր, նաև ոչ էր այնուհետև աւրինակն, այլ նոյն ինքն ճշմարտութիւնն վասն որոյ աւրինակն:

Ասասցուք դարձեալ ընդդէմ միւս ևս անընդրոզ բանիցն զոր ասեն, որպէս ընթերցաբ, զբնութիւնն բաժանեալ և ըլլ

դէման միաւորեալ անտեղի խորհրդով: Զի թէ բնութեանցն միաւորութիւն խառնակումն է, որպէս ասեն, որումն և դիմացն \*) պարտի յինել, զոր մինն ասեն. վասն զի Առաքեալն երկուս դէմս գրէ, Որ ի կերպարանս Աստուծոյ էր, զկերպարանս ծառայի առ, կերպիւ և կերպ ասաց: Արդ զոր յերկուցն ախորժեն քառնալ դիմաց, ըստ որում մինն ասեն. զի թէ աստուածութեանն, զՍաբեթի ախտն ախտանան, իսկ եթէ գմարդկութեանն, զինչ այն որ ի ճշմարիտ կերպարանս մարդոյ գՏէրն տեսանէին: Արդ՝ կամ եղիցի դէմն ըստ միաւորութեանն մի՝ արտաքոյ շփոթման, որպէս էն ճշմարտութեամբ, այսպէս և բնութեանն միաւորութիւն մի՝ անշփոթարար, և կամ բաժանելով զբնութիւնսն, բաժանեալ իմասցի և դէմքն, զի և ոչ ուրեք երբէք իմացողացն իմանի և ասի երկուք կատարեալ անձնաւորութիւնք ի մի դէմ: այլ իմացեալք թէ ըստ երկուսն ասելով բնութիւնս և ներդործութիւնս և կամս. երկուս և զդէմսն ևս ասելով, երկու որդիք իմանին կատարեալք զանազանեալք ըստ նեստորի շարափառութեանն. մինն ի Հաւրէ բնութեամբ Արդի, և միւսն ի մաւրէ շնորհիւ յարելութիւն և ճոխութիւն պատուոյ միայն ընկալեալ մարմնոյն ի Բանէն Աստուծոյ. որով իմանի Քրիստոս ինքն իւր Տէր և իւր ծառայ, այսինքն աստուածութեամբն՝ Տէր, և մարդկութեամբն՝ ծառայ:

Արդ զիմարդ կամ որպէս երկրպագեն ծառային ընդ Տեառնն, և պաշտեն զարարածն ընդ արարչին, լուծանելով զսահմանս հաւատոյ սուրբ Երրորդութեանն՝ յոր մկրտեցանն, և կամ պախարակեն զայն՝ որ գնեացն զնոսա իւրով պատուական արեամբն: Եւ վասն զի ընդ հմտաղոյն և կատարելագոյն սրբութեանդ քո է բանս, բաւական գասացեալս վարկանիմբ, և զայս միայն կամիմք ծանուցանել հեղահայեաց քոյդ տեսողութեան, թէ յիսկզբան մերոյ սքանչելագործ Հաւրն և նախաշար վարդապետին Լուսաւորչին մերոյ սրբոյն Քրիզոստի ուղղակի սահմանադրութեան ամբիժ հաւատոյն, որովք աշակերտեացն զՀայաստան աշխարհս, հանելով յաղճամղչին խաւարէ կոնպաշտութեանն ի լոյս Աստուածգիտութեան, նշանագործ և հրաշայի զաւրութեամբբն, զոր կատարէր բազմաւրինակ հրաշագործութեամբբն, որ ոչ անհմուտ զքոյդ վարկանիմ ճոխութիւն, ոչ կարաց երբէք ուրեք

\*) Երեւի. որում ի դիմացն.

մտանել հերձուած յաշխարհս հայոց, այլ ի նմին ամբիժ հաւատըս հաստատեալք անշարժ և անփոփոխք կացին մնացին զոր շինեաց սուրբն այն ի վերայ առաքելական վիմին, զոր ոչ կարաց երբէք դուռնք դժոխոց յաղթահարել ըստ բանին Տեառն մինչև ցայսաւր ժամանակիս, ոչ խոտորեալ յաջ կամ յահեակ, ուստի և ոչ պէտք եղեն նորաձայն վարդապետութեանց և ժողովոց ի տեղիս տեղիս գունակ գունակ, որոց զիտեմք առ ի նորաձեւութեան կարգաց և սահմանաց հաւատոյ որ կարգեցաւ ազգեցութեամբ սուրբ Հոգւոյն, ընդ որ այժմ առաջի կայ անցանել դուզնաբեայ բանիւ առ ի բացայայտել զոր ուսաք ի Քրիստոս փրկողն մեր զբարիոք դաւանութիւնն:

եղիցի Եւտիքիանոսացն յաւէտ ըրացակայութեամբ պիղծ աղանդոյն լինել հեռաւորագոյն, որով կարծէք զմեզ չարահամբաւել:

Խոստովանիմք զՈրդին Աստուծոյ զԲանն Աստուած զէակից Հաւր և փառակից սուրբ Հոգւոյն, խոնարհեալ կամաւ Հաւր և սուրբ Հոգւոյն, ընակելով յորովայնի Աստուածածնին և միշտ կուսին, առեալ կատարելապէս զմերս ընութիւն, զհոգի և զմարմին և զմիտս, ոչ փոփոխելով զմարմինն յանմարմնութիւն, և ոչ Բանն Աստուած փոփոխեալ յանփոփոխելի յիւրմէ ընութենէն, այլ միաւորեալ ի մարմնի անշփոթապէս և անխժանարար, կրելով կամաւորաբար զամենայն կիրս մարդկայինս՝ ըրաց ի մեղաց, սուրբ և միաւորեալ իւրով մարմնովն, ըստ որում աւետարանականքն պատմեն ճշմարտապատում ճառքն. նորա իւր զուրով բարձրագոյնք կրիցն և խոնարհագոյնքն, իւրացուցանելով զմարմինն և որ ինչ մարմնոյն սովիմք անշփոթ և անբակ մարմնով, խոստովանիմք զորդին Աստուծոյ զՔրիստոս կամաւորաբար չարչարեալ և մեռեալ, և իշխանաբար յերիւր աւուր յարուցեալ: Քրիստոս մեռաւ, ասէ, ըստ մեղաց մերոց ըստ գրոց, և դարձեալ եթէ՛ Միայն ունի զանմահութիւն ընակեալ ի յոյս անմատոյց: Մի Քրիստոս բարուկեաց աշխարհի և ոչ երկու, մինն մեռեալ և միւսն անմահ մնացեալ: Չայս ինքն իսկ առաքեալն բացայայտեալ կնքէ. Մի է Տէր Յիսուս Քրիստոս որով ամենայն: Եւ՝ Յանուս Յիսուսի Քրիստոսի ամենայն ծունր կրկնեացի երկնաւորաց և երկրաւորաց և սանդարամետականաց: Եւ եթէ՛ Յիսուս Քրիստոս երկէ և այսաւր՝ նոյն ինքն է և յաւիտեանս: Եւ՝ ոչ երկուց ընու-

Թեանց բաժանեցելոց և շարընթացելոց, և զուզաճանապարհացելոց, իբրև հանգանակաւ բաշխել զբարձրագոյնսն: Այլ միոյ Տեառն և իրկողի զմեզ Յիսուսի Քրիստոսի, իւրով անզուգական արեամբն զմերս դաւանելով փրկութիւն, զի մի՛ այլոյ պաշտաւնեայք լինիցիմք և մի ասիցեմք թէ՛ ի բաց լեր ի մարմնոյդ Բանդ Աստուած, զի երկրպագեցից բեզ՝ այլ ճշմարիտ աստուածապաշտը, ըստ որում միաւորեաց զՏոգի և զմարմին և զմիտս, և եղև ճշմարիտ մարդ առանց փոփոխման և այլայլման, և ոչ ղեկուսն մերոյ էակի: \*) սոսկացեալ մարդոյն ասեմ ըստ բաժանմանն Նեստորի, և ոչ զգրախտն բանալ մերկ աստուածութեանն, զի և ոչ այլ ոմն կախեմ զփայտէն, և այլոյ լեզուն որ զգրախտն աւաղակին խոստանայ, այլ մի և նոյն ինքն մարմնացեալ և մարդացեալ Աստուածն Բան, որպէս յորժամ ասաց, Որ ետես զիս ետես զՀայր և յայտ է թէ մարմնոմն տեսաւորեցաւ աշխարհի, այլ ոչ յատուկ աստուածութեամբն: Արդ՝ յայտ է թէ ոչ Հայր մարմին ունի, և ոչ զՈրդի մերկ աստուածութեամբն տեսին, այլ զՀայրենի բնութիւնն, ի մայրենի բնութեանն միաւորեալ ցուցանէր աշխարհի: Ըստ որում և Յովհաննէս վկայէ թէ՛ Որ է՛ն առ Հաւր՝ երեւեցաւ մեզ, ըստ որում և Թումայի շաւշափեալ և զգինահարեալ կողմն՝ անորոշաբար Տէ՛ր և Աստուած վերակոչեաց, Որում և մեր հետեալք առաքելական ճշմարիտ վարդապետութեանն: Խոստովանելով զՔրիստոս անշփոթ և անբաժանելի մարմնով՝ մի Որդի և Տէ՛ր և փրկի՛չ կեցուցի՛չ և ազատիչ զմեզ իւրով անապական մարմնով և արեամբն: փառաւորեալ ընդ Հաւր և ընդ Հոգւոյն սրբոյ, յամենայն յանսպառ յաւիտեանս:

Յաւէտ հեշտութեամբ ընկալայ, ո՛վ պատուական զլուխ և Հայր սուրբ, զառ ի բէն գրեալսդ, անխախտելի կալ մնալ մեզ ի սպասաւորական հնազանդութեան, սուրբ և աստուածապարգև թագաւորութեանդ, ըստ աստուածային գրութեանցն որ մեզ աւանդեցաւ, յորմէ ոչ երբէք խոտորեալ, քան եթէ միշտ ի նոյն խոկալով հնազանդութեան և սպասաւորութեան խորհուրդս, ցանկ սպասելով ազդեցեալ ինչ ի մեզ հրամանի ինքնակալ թագաւորութեանդ, զորս անսայթար և առանց հեղգայոյ զփոյթ յաւժարութեանն արդիւնաւորիմք խորհրդով և երկիւղիւ վեր-

\*) Ի լուս. այլով բռնաւ մերունակի.

նական շնորհացն ազդեցութեամբ: Այլ և զբոյժ պատուական սիրելութիւնդ անընդմիջարար ի խորհուրդս իմ յաւէտաբար կրեմ, զսիրոյն կապակցութիւն ըստ արժանաւոր բոյժ մեծութեան, և պարկեշտ և նայելի և մաքուր վարուց, ըստ որում հայցեմ ի նուիրական և մշտահայց յընդունակ քո աղաւթս և զմեզ յիշատակել՝ հայցելով յապէնիպն Աստուծոյ զի և ի մեզ կանխեսցէ զառատապարգև շնորհացն իւրոց զողորմութիւնս Եւ խղաղութիւնն Աստուծոյ վերահովանացի ձերում սրբութեանդ պահպանելով անվրդով յամենայնի զբոյժ արժանաւոր և պարկեշտ գլխաւորութիւնդ:

Աւրհնութեանս զոր առաքեալ էիք յաստուածընկալ և յամենայաղթ նշանէդ, խոնարհ երկրպագութիւն մատուցի և շնորհակալութիւն յաւէտ մտաւս ևս վայելչական ողջունիս:



# ԹՈՒՂԹ ԳԵԳԿԵՑ ՎԱՍԳՈՒՐԵԿԵՆԻ ՀԱՅՈՑ ԹԱԳԱՒՈՐԻ, ԱՌ ԿԱՅՄՐՆ ՅՈՒՆԵՏԻՈՒՆԻ ԻՌՈՄԱՆՈՍ, ՎԱՍՆ ՀԱՒԱՏՈՑ:

Հովուականի հանդարտի և զգաւնագելոյ, ցածուն և պատուական վարուք ի Տէր, զլուխ եպիսկոպոսաց Նոր Հոռմայ, պատրիարքի յընթանուրս, Գաղիկ ի ծննդաբանութենէ Սենքերիմայ, երկրպագող սուրբ խաչից, և ծառայ սուրբ հայրապետիդ, ի Տէր խնդալ:

Գրել առ սրբութիւնդ ձեր դանդաղելի է, և չգրելն զըրկանք մեծ, այլ յաւժարութիւնս ստիպեաց զերկոսեանն ի բաց բառնալ՝ զգանդաղունն և զլրկանս, զի չէ փոքր զըրկանք մերժել հեռանալ ի սուրբ հայրապետական խնամարկութենէ, և յարդիւնաւոր աւրհնութեանց և սրբամատոյց աղաւթից: Չնոյն համարձակութիւն առ ի գրել առ սուրբ և քրիստոսապսակեալ թագաւորն և զընդունելութիւնն առ սուրբ հայրապետդ ապաստան արարի, զոր յալն առեալ ձեր հեղաբար՝ զիս ծառայ սուրբ և բարձրագահ արքեպիսկոպոսիդ, և առաքելաժառանգ պատրիարքիդ, և սուրբ թագաւորիդ քրիստոսեան աթոռաժառանգ աւանդապահի, զի բնաբար ունէաք աշխարհս Հայոց զհնազանդութիւն կայսերական աթոռոյդ, և հայրապետական զահակալութեանդ: որպէս ցուցանեն զիրք պատմագրացն: Զի ոչ միայն սիրողաբար հարկս հարկանէաք կայսեր, այլ և առ սուրբ հաւատոյն միաւորութիւն խոստովանութեան հաղորդս և հաւասարս գտանէաք: Որպէս և մեծն Առիստակէս որդի մեծի սրբոյն Գրիգորի ի սուրբ ժողովին ՅԺԸ. սուրբ հայրապետացն որ ի Նիկիա Բիւթանացոց ժողովեալք առ ի կործանումն Արիոսի մոլորութեանն, Նոյնպէս և մեծն Ներսէս յերկրորդ ժողովին ՃԾ. սուրբ հարցն որ ի Նոր Հոռմ, աճապարեալ փութացան վասն պեղծ կատաղեալ Մակեդոնի յամառութեանն: Գարձեալ որք յմիսեսո

Ասիա ժողովեցան Մ. սուրբ Հարքն վասն Նեստորի յիմարութեանն, որ թէպէտ ոչ որ էր ի մերմէ աշխարհէս անոր հասեալ, սակայն երանելոյն Կիւրդի և Պրոկդի և առ Ահակայ զգուշացոյցանող թղթովք փութացան հասին առ մեծն Սահակ և երանելին Մաշդոց, և միաձայնութեամբ ի մի ուղղափառ խոստովանութիւն վերագրեցան ընդ սուրբ Հայրապետսն՝ ժողովեալք յնփեսոս ծովահայեաց:

Իսկ վասն չորրորդ ժողովոյն՝ որ ոչ զմիաձայնութիւն յանձին ունին վարդապետքս Հայոց հաղորդել ընդ ժողովոյն ՈԼՁ. եպիսկոպոսմցն, հարցի յառաջնորդաց մերոց, թէ ընդէր և վասն որոյ պատճառանաց մեկուսի գոյով ի նոցանէ, և այնու պատճառանաւ ի հայրապետական և ի թագաւորական խնամարկութենէն և յընտանեալ գթասիրութենէն աւտարացեղութիւն ի մէջ արկեալ լինի, և այգր աղագաւ ոչ ուղղակի սուրբ Հայրապետքն, և սուրբ թագաւորքն զնայեցածսն առ աշխարհս Հայոց բացակարգեալ զլիաւորեն: Պատասխանի տուեալ ասեն, Վասն զի ընդդէմ երից ժողովոցն գտաք զվարդապետութիւնն նոցա և բացեալ զգիրս ամբաստան լինէին, ասելով թէ Նեստորաբար իմացմամբ սահմանեցին յետ անձառ միաւորութեան Բանին և մարմնոյն՝ երկու ընութիւնս բաժանաբար ի մի Տէր Յիսուս Քրիստոս խոստովանեցին, և երկուս կամս, և երկուս ներդործութիւնս, և զխաչն և զմահն մարդոյն միայնոյ սահմանեցին, և ոչ Աստուծոյ մարդեղելոյ ի սուրբ կուսէն Աստուածածնէն, զոր ոչ աւանդեաց մեզ Լուսաւորիչն մեր սուրբն Գրիգոր հանգերձ այլաւք վարդապետաւք, զորս եզ Աստուած յեկեղեցւոյ, զոր սակաւ ինչ ի բաղմաց գրեմ՝ զսացեալս վարդապետաց մերոց ի գրոց սրբոց, Նախ՝ վասն ընութեանցն, միաւորութեանց, և ապա՝ խաչի խորհրդոյ:

Գրէ Յուլիոս Հոռոմայ հայրապետն առ Գրիգորէսիոս այսպէս. Քանզի հարկ է զնոսա որ երկուսն ասեն ընութիւնս, ըզմիւսն երկրպագելի. իսկ զմիւսն ո՛չ յԱստուածայինսն մկրտիլ. իսկ ի մարդկայինն ոչ մկրտիլ. իսկ եթէ ի մահ Տեառն մկրտեցաք, մի խոստովանիմք ընութիւն զանախտակիր աստուածութիւնն, և զխտակիր մարմնոյն, բանչի ի մահ նորա մկրտութիւն՝ ի մարմնոյն յարութիւն և թողութիւն մեզաց տուեալ լինի Ասէ և Երինոս հետեողն առաքելոց. Որ եկն և մի ընութիւն Աստուծոյ և մարդոյն գործեաց, մեր ոչ կարացելոյ այլ:

աւրինակարար ինչ կողորդութիւն ընդունել զանապականութեանն, եթէ ոչ նորա էր եկեալ առ մեզ Ասէ և սուրբն Մե-  
լիտոս Անտիոքու եպիսկոպոս. Մի ընտելիւն խոստովանիմք և  
երկու գոյացութիւնք, բանզի իմացեալ, և որպէս ճառեմք,  
զԱստուած Բանն, որ խաչեցեալ, որ Հաւրն անապական Որդին՝  
ի ձեռն անապական ժաճուանն իւրոյ, զառ ի մեզ զմահն խա-  
փանեաց: Առուցանէ և Լուսաւորին մեր սուրբն Գրիգոր. Հա-  
ւատք ճշմարիտ այս են. խոնարհեցաւ աստուածութիւնն, և  
խառնեաց զմարդկութիւնն ընդ իւր աստուածութիւնն: Եւ  
զարձեալ ասէ. Խառնեաց միացոյց ընկղմեաց զմարմինն յաս-  
տուածութիւնն: Եւ զարձեալ ասէ. Քանզի միացաւ ի մարմնի  
ընտելեամբ, և խառնեաց զմարմինն ընդ իւր աստուածու-  
թեանն: Եւ այլ յօրովագոյնս զննն առաջի իմ ճառս վարդա-  
պետականս Յունաց և յԱղեքսանդրացոց վարդապետաց:

Հարցի զարձեալ վարդապետացս մեր. եթէ ընդէր դուք  
զԽաչեցարդ յերիս սրբասացութիւնսն սահմանէք. թերևս սուրբ  
Երրորդութեանն ախորժէք զխաչն կազմել, որով յիրաւի՝ խոր-  
շին և մերժին ի մէնջ իմաստունքն Յունաց: Պատասխանի ե-  
տուն և ասեն. Քա՛ւ մի լիցի. ոչ Երրորդութեանն զփառաբա-  
նութիւնս զայս վերածայնեմք, այլ Որդւոյ միայնոյ. որպէս ըզ-  
մարդանայն ի կուսէն Որդւոյ միայնոյ Հաւատամք. այսպէս  
զխաչն և զմահն Որդւոյ խոստովանիմք: Քանզի մեծն Եսայի  
զՈրդի ետես նստեալ ի վերայ աթոռոյ բարձրացելոյ, և նմա  
սերովբէքն աղաղակէին զերիս սրբասացութիւնսն. որպէս ա-  
ւետարունին Յովհաննէս վկայէ. Ասան այսորիկ, ասէ, Աչ կա-  
րէին Հաւատալ ի Յիսուս, զի գրեալ է, կուրացոյց զաչս նոցա  
և ափշեցոյց զմիտս նոցա. զայս ասաց Եսայի զի ետես զփառս  
նորա և խաւսեցաւ վասն նորա: Եւ այսր աղաղաւ երիս սըր-  
բասացութեամբ զՈրդի փառաւորեմք խաչին խորհրդովք: Եւ  
ասեն եթէ վարդապետքն Յունաց, վասն զի ոչ ախորժեն զմար-  
մինն Քրիստոսի ի փառս Երրորդութեանն բարձրացուցանել, և  
ոչ զԱստուած ասեն խաչեալ վասն աշխարհի, այլ մարդ սոսկ,  
և յարելութեամբ առ Բանն մերձեցուցեալ որպէս Նեստորի և  
Թէոգորիտէ և Պաղէ սամուստացոյ և այլոց Հաճոյ թուի.  
Ասան այսորիկ մերձեցուցանել Հաճոյ Համարին առ Հերձուած,  
զոր ոչ է ծանուցեալ մեր, և ցուցանեն ի գրոց սրբոց այսպէս,  
առ ընտելեանսն միաւորութիւն, որով ոչ սոսկ մարդ զխաչեալն



խոստովանիմք, այլ Աստուած մարդ լեալ: Եւ մատուցին առաջի իմ գիրս Սոկրատայ պատմագրի եկեղեցական շարածի, և ունէր յիշատակարանն այսպէս. եթէ Յովհանն Ոսկերեբան ընդդէմ Արիանոսացն կարգէ դասս պաշտաւնէից մի փառաբանութիւն և պատիւ տալով Հաւր և Որդւոյ և Հոգւոյն սրբոյ, Իսկ յերեկոյս և ի վաղորդեան զերիս սրբասացութիւնսն միոյ անձնաւորութեանն սահմանեալ ի վերայ Որդւոյ ի կուսէ մարդեղելոյ, որ խաչեցաւն վասն մեր, և երգէին ՍՊԷՐՐ Աստուած, սՊԷՐՐ և Տրուար, սՊԷՐՐ և անմահ, որ խաչեցա՞ր վասն մեր, ողորմեա՞ մեզ: Եւ ասէ կարգեալ զայս յԵզնատիէ Անտիոքացւոյ. որ ասի լինել յեւթանասուն առարեւոյն: Տեսանէ, ասէ, սուրբն Իդնատիոս զվաւրս երկնայինս՝ որ երիս սրբասացութեամբ զսուրբ Երրորդութիւնն փառաբանէին: Չնոյն դարձեալ և ի վերայ Որդւոյ զերիս սրբասացութիւնն ընծայեցուցանէին: Եւ սուրբ Լուսաւորիչն մեր ի կարգադրութեան սուրբ պատարադին զերիս սրբասացութիւնսն ի վերայ Որդւոյ կանոնեաց:

Չնոյն յարեն, և զառ ի վարդապետաց առաջնոց բանս առ ի հաւատարմութիւն իւրեանց աւանդեն մեզ. Գրէ Յուլիոս Հոռոմայ Հայրապետն ի Պոստոլիոն թղթին. Որ միւս փառաբանութիւն ի ներքս ածէ բան զՀայր և զՈրդի և զսուրբ Հոգին, և որ յաւելլու միւս փառաբանութիւն բան զձայն սերովբէիցն. և որ զի Մարիամայ մարմինն ոչ խոստովանեսցին ներմարմին, Աստուած համազոյ Հաւր, և անախտակրին ախտակրութիւն. նյովեալ եղեցի. Գրէ և Երինիոս հետևողն առաքելոց այսպէս. Որ որ զատանէ զՅիսուս ի Քրիստոսէ, զոր և անչարչարելին ասեն, Բ. անձինս յայտնեն, բանչի ոմն չարչարեցաւ, և ոմն անչարչարելի մնաց ո՛չ մի, այլ երկու. բայց մի է ծնունդն և չարչարեալն, և նոյն միածին Որդին Աստուծոյ, զոր ետ Հայր վասն անբաւ մարդասիրութեան իւրոյ աշխարհի: Եւ դարձեալ Պաւղոս զայլ որ ոչ զիտէ բայց զխաչեցեալն և զչարչարեալն և զմեռեալն, և զյարուցեալն, զոր և մարդ իսկ ասէ: Եւ Կիւրեղ Երուսաղէմի այսպէս ասէ. Ոչ եթէ մարդ որ էր դուզնաբեայ որ չարչարեցաւն այլ Աստուած որ մարմին զգեցաւ: Արդ՝ եթէ մի է Քրիստոս, և ոչ երկու, ապա Աստուած է որ խաչեցաւն, և ոչ մարդ սոսկ. յաւետ յիրաւի՞ փառաբանեմք երիս սրբասացութեամբն որ խաչեցաւն վասն մեր: Եւ Գրիգոր սքանչելագործն այսպէս ասէ. Ոչ եթէ այլ որ է

որ խաչեցաւն և այլ որ ոչ խաչեցաւն. և որ ոչ խոստովանի պառանց չարչարանաց Բանն իւրով մարմնովն չարչարեալ. նորովեալ եղիցի. Եւ Գրիգոր Նազազացի Աստուածաբան ասէ. Որ ոչ խոստովանեցի զխաչելեալն գոլ Աստուած, նորովեցի. և կարգեցի ընդ աստուածասպանն: Ի վերայ բերէ նոյն և ասէ. Յի՛մ մերժէք ի լինելոյ Աստուած ճշմարիտ, զայն որ ի կուսէն Աստուած ճշմարիտ և չարչարեալ. զի եթէ ոչ է Աստուած որ ի կուսէն, և այլ ոմն է և այլ. ապա մինն միւսումն տէր Հանդիպանայ և միւսն ծառայ, և արդ տեսցուք թէ ո՛վ է տէր և ո՛վ ծառայ:

Գրեալ է, թէ Հանէր Յիսուս զգիշերն ի զլուի յաղաւթան Աստուծոյ, որ մերձ ի խաչելն արգելք մարմին Բանին առ ինքն Բանն աղաւթէր ի միում զիմի և անձնաւորութեան, զի մի մատնեցին խաչին, և մի դէմն՝ նոյն դէմի ծառայ և Տէր յարմարի, և ինքն զինքն աղաչեցէ, բանզի ահա խոստովանութիւն ժողովոյն յայտ է, մի դէմ և մի անձն և Բ. բնութիւն, բաժանաբար անհաղորդս ի միմեանց ունել Քրիստոսի. Բայց արդ՝ զի՛արդ մի դէմ և մի անձն ապտակի և խաչի և Բ. բնութիւն: Արդ՝ զանձն և զդէմն, որո՛ւմ բնութեան պարտ է խոստովանել. աստուածութեանն, եթէ մարդկութեանն: Զայս Հարցեալ վարդապետքս մեր ի տարակոյս արկին զիս:

Գարձեալ ասէ Գրիգոր Աստուածաբան. Աստուած խաչեալ և երկիր շարժեալ և դարձեալ պարտ էր արարչին չարչարակից լինել արարածոցս: Գարձեալ ասէ. Կարաւտացար Աստուծոյ մարդանալոյ և մեռանելոյ. Եւ դարձեալ ասէ, Արիւն Աստուծոյ և չարչարանս և մահ. Այսպէս և Աթանաս Աղեքսանդրացի . . . . ի խաչին բանի այսպէս, ԶՊեղատոս այնպանելոյ ինչ էր, այլ Հաւատալոյ, եթէ ոչ զգատելոյն գոլ Աստուած. Եւ այլ անթիւ Հոյովք գրոց եղին առաջի իմ, զոր աւելորդ Համարեցայ յերկարաբանել ի թղթի աստ, զի ոչ յուսուցանել կամ ի վարդապետել ձեզ առաջի արկի զոր ինչ գրեցիդ, այլ բննել և ի միտ առնուլ զերկպառակութիւն որ ի մէջ երկոցունց ազգացս Հաստատեալ կայ:

Ասնն դարձեալ. թէ նորա ասնն, թէ երից սրբասացութեամբ ոչ վայել է փառս տալ միոյն անձնաւորութեան, բայց միայն սուրբ Երրորդութեանն, և Քրիստոս մի է յԵրրորդութեանէն, և Երրորդութեանն միայն յարմարական գոլ սրբասացու

Թիւնքն: Ապա ուրեմն այլ է Քրիստոս և այլ Բանն Աստուած, եթէ այդպէս է, ապա ո՛չ՝ Մի Տէր Յիսուս Քրիստոս, որով ամենայն արարաւ, և ոչ Բանն մարմին եղև, և ոչ՝ ՉՏէրն փառաց ի խաչ Տանին, այլ զմարմինն Տեառն փառաց, և ո՛չ փառացն և զաւրուձեանն անուն Քրիստոս, այլ կամ յատուկ Բանն Տէր փառաց և ըստ բնութեանն սոսկ Աստուածութեանն խաչեալ և չարչարեալ, և կամ սոսկ մարդն Տէր փառաց և Քրիստոս որ խաչեցաւն վասն մեր, և նմա կրկնեացի ամենայն ծունր երկնաւորաց և երկրաւորաց, ապա և ամենայն մարդիկ երկրպագեալ եղիցին, և յաւելցի այլ փառարանութիւն որով փառաբանի խաչելեալն, և այլ որով փառաբանի Բանն յԵրրորդութենէն որ ոչ ունի Տաղորդութիւն բնութեամբ առ Բանն:

Գարձեալ Համառուտն զբանն ասելով, թէ ոչ միայն մեր Հայք ոչ ընկալաք զսահման չորրորդ ժողովոյն, այլ նախ ինքեանք յինքեանս բաժանեալ այպանեցին զխոստովանութիւնն: Աղեքսանդրացիքն յինքեանս բաժանեցան և ընդդէմ կացին ժողովոյն: Գիոսկորոս և Պետրոս և Տիմոթէոս և Անատոլիս և այլք յորովագոյնք, և Երուսաղէմացիքն՝ թէպէտ և առ փոքր մի ունկընդիր եղեն Յորնաղի, այլ յետոյ և նորա բամահեալ յետս ընկեցին զսահման ժողովոյն, մինչև յաւուրս Յուստիանոսի կայսեր, որ թագաւորասաստ հրամանաւ հաւանեալ հնազանդեցոյց: Անտիոք ասորոց և որք ընդ նորաւք՝ նոյնպէս և նորա մերժեալ յետս ընկեցին զժողովն, մինչև ցայսաւր ժամանակի: Հայք և Վիրք և Աղուանք միաձայն խոստովանութեամբ, ի ժամանակս Քարգէն Հայոց կաթողիկոսի, ժողովեալ ի սուրբ կաթողիկէն Հայոց, ընդ որս Գաբրիէլ Վրաց կաթողիկոս, և ընդդէմ ժողովոյն միախորհ յեղին ընդդիմակս: Մինչև ցԿիւրիոն Վրաց կաթողիկոս: Զենոն կայսր Յունաց բամահեալ զժողովն Հենատիկոն թղթովն, յաւարագոյն զբոլոր թագաւորութիւն Հռովմայեցոց միաւորեաց ի բաց կալ ի սահմանէ ժողովոյն, և սահմանեալ շինեաց ի վերայ ԲԺ. գլխոցն Կիւրղի Աղեքսանդրացոց վարդապետութեանն, յորոյ յաւուրս Ակակ Կոստանդնուպալսի հայրապետն խնդրեաց ի Պետրոսէ Աղեքսանդրացոց զուսումն ուղղափառութեան, որ և ընկալեալ ի նմանէն, զոր ինչ և խնդրեաց ժ. թղթովք և ժ. պատասխանաւք: Անաստաս և Յուստիանոս և Յուստինոս կայսերք, և Նորա ի բաց բարձին զաւանդութիւն տուժարին Լեոնի և զկանոն ժողովոյն: Ազգաթոն

Հոռույ հայրապետ և Մաքսիմոս Կոստանդնուպուլսի մոնաշն, որ ծայրատեալ ի ձեռս և յոտս լուծին զնա ի կենաց որպէս զընդդիմակ ժողովոյն, զի հակառակս լեալ միմեանց յաւելին ի սահման հաւատոյն ըստ իւրեանց մտացն հաճութեան, և ապա ի վերայ սպանմանն Մաքսիմիոսի ընկալան զյաւելադրութիւնն: Արդ եթէ ուղղակի խորհեցաւ Մաքսիմիոս, ի զուր եղև ի մահ դատապարտեալ, և գտանին պարտականք արեան սպանելոյն. և եթէ ոչ բարիոք իմացաւ, ընդէ՛ր ապա զոչ ուղղագոյնսն յետոյ ի զղջումն եկեալ յանձն առին և տեղի ետուն բաջ ախորժելով:

Արդ բազում անգամ գրեալ է իմ ի թղթի աստ, ոչ փորձողականս կամ վիճողականս, այլ պատմողական և ցանկացող կապակցութեան սիրոյ, և ծառայական հարկատրութեան առ բարեպաշտ թագաւորդ և առ սուրբ հայրապետսդ հաւատարմացուցանել, եթէ արդե՛ր հնարաւորել, ի բաց բառնալ զկրճիմն որ կայ ի միջի ըստ առաքելոյն Պաւղոսի, զցանկն բակել և զմիջնորմն յատակել, և զերկուսինն հաստատել ի մի նոր մարդ, յոր կոչեցաք ծննդեամբ սուրբ աւագանին. Եւ յայնժամ կատարեսցին ասացեալք փրկչին ի կտակի աւուր նորոյ ուխտի, յորժամ տնտեսարար ընդ Հաւր միակամութեամբ աղերսէր. Որպէս ես ի բնզ Հայր և դու յիս, կամիմ զի և սոքա ի մեզ եղիցին Ես ի սոսա և դու յիս, կամիմ զի և սոքա ի մեզ եղիցին. Ես՝ ի սոսա և դու յիս, զի եղիցին կատարեալք ի մի, և ոչ վասն սոցա միայն աղաչեմ, այլ և վասն ամենայն հաւատացելոց բանիւ սոցա յիս:



**ՏԵՆՈՒՆ ԽԱՉԿԱՅ ՀԱՅՈՑ ԿԱԹՈՒՂԻԿՈՍԻ, ԲԱՆ  
ԽՈՍՏՈՎԱՆՈՒԹԵԱՆ, ՊԱՏԱՄԽԱՆԻ ՅՈՒՆԱՑ  
ԳՐՈՑՆ՝ ԶՈՐ ԱՐՉԱԿԵԱԼ ԷՐ ԱՌ ՆԱ ՄԵՏՐՈՅ-  
ՊԱԻԼԻՏՆ ՄԵԼԵՏԻՆՈՑ**

*Ի ԼՈՒՍԱՆՅՍՆ ԹՈՒՂԹ ՍԱՄՈՒԻԷԼԻ ԿԱՄԱՐ-  
ՋԱՅՁՈՐԵՑՈՑ ՀԱՅՈՑ ՓԻԼԻՍՈՓԱՅԻ, ՊԱՏԱՄ-  
ԽԱՆԻ ԹՂԹՈՑՆ ԹԷՈՒՌՈՐՈՍԻ ՄԵՏՐՈՅՊԱԵԼ-  
ՏԻ ՄԵԼԻՏԵՆՈՑ, ԳՐԵԱԼ ՀՐԱՄԱՆԱԻ ԽԱՉԿԱՅ  
ՀԱՅՈՑ ԿԱԹՈՒՂԻԿՈՍԻ*

**Բ**երաւ զիր ողջունարեր աուցեալ իմաստայեղձ բնու-  
թեամբ, և բազմահանձար խոհականութեամբ: Գիր մեղադրա-  
կան և հաւատաբանութեան, և հրաւիրականի ի ձերմէ Սբէ-  
րէնէդ: Սիրելի եղբայր և պատուական զուե՛ք եպիսկոպոսաց,  
Տէր Թէոդորոս մետրոպոլիտ մայրաքաղաքիդ Մելետինոյ. առ  
մեզ Հայաստանեայս՝ ի հայրապետական Աթոռ սբբոյն Գրիգո-  
րի, և սրբոց առաքելոցն Բարդղիմէոսի և Թադէոսի, առ իմ  
նուաստութիւնս որ շնորհաւրն Աստուծոյ եմ տեղապահ առա-  
քելական աթոռոյս, նոցին աշակերտ և որդի կրտսեր, ոլոր-  
մութեամբն Աստուծոյ կաթուղիկոս Հայոց Մեծայ:

Ընթերցեալ վերահասու եղար ռովանդակ գրելոցս ի  
սմա և յ՛յժ ուրախացար ընդ ձեր բարեմտութիւնդ, որ տի-  
րաբար մտաւք կամիր, զի ամենեքեան կեցցեն, և ի գիտութիւն  
ճշմարտութեան եկեցցեն. զի իբրև զբաշ հովիւ զհետ ընթա-  
ցեալ որպէս մուրեղոց, հրաւիրեալ էք զմեզ թղթովս ընդ այլ  
հեթանոսս ի կաթուղիկէ եկեղեցի՝ ի հաւատս ճշմարիտս՝ և առ  
զաւազանն երկաթի որ մանրէ պաշխարհս: Բարի է հրաւէրդ,  
եղբայր սիրելի, բայց անաղան է յ՛շժ. այլք նախ քան զքեզ և  
քան զբազումս հասին առ մեզ հրաւիրակր ի սուրբ Հոգւոյն,

առաքելք և մարգարէք և աւետարանիչք և նոցուն աշակերտք Տրաւիրեցին զմեզ կանխաւ, և մուծին ի հարսանիսն երկնաւոր առ փեսայն Քրիստոս՝ յեկեղեցիս Աստուծոյ կենդանւոյ, ի հաւատս ամրիծս և անարատս, և ի գաւազանն որ յառաջ բան զարե բուսաւ յանեղ լուսոյն և յարմատոյն Դաւթի, զարծեալ շառաւիղեաց ի վեր բան զբնութիւնս Քրիստոս թագաւորն, նա հովուէ զմեզ յեկեղեցւոյն իւրում, և հովուեացէ մինչև յաւիտեանս Այլ և յերկաթի գաւազանէն մեք ոչ եմք ապստամբք, այլ ընդ նովաւ եմք նուաճեալք, և զաւրութիւն մեծ գաւազանին զոր կոչես երկաթի, է՛ ալգս Հայոց, և սովաւ վանէ զաշխարհս: Բայց դու ոչ բարիորդ դարձես, չի ոչ միայն ի մտասաններորդ ժաման ըստ աւետարանին, այլ ընդ երեկս կամ թէ ի մէջ զիշերի տաս զՏրաւերդ, որ թէ և փութասցուք ի կոչդ բո՛ հասանել, ոչ ժամանեմք յաւթեանսն. զի մերձեալ է ժամանակ դատաստանին, և դատաւորն առ դուրս հասեալ կայ, այսուհետև հանդիսից և բրտանց, և ոչ հրաւիրման է ժամանակ. Գաղարեան, ո՞վ սիրելի, յայդմ խնդրոյ, թո՛ղ զմեզ և երթ յեր աւետարանիչ բարոյ և հրաւիրակ այնոցիկ, որ ոչ ճանաչեն զԱստուած, և ոչ հազանդին աւետարանի փառաց Տեառն մերոյ Յիսուսի Քրիստոսի, զի զբարեացն առցես զհաստուցումն, և մի՛ ջանար շինել ի վերայ այլոյ հիման, զի մի՛ անվարձ մնասցես:

Ասան զի մեք վաղ ուրեմն ընկալաք զլոյս զիտութեան սրբոյ Երրորդութեանն, և հաւատովք Որդւոյն Աստուծոյ կընքեցաք ի մի յոյս կուսման մերոյ, միով հոգւով ի Քրիստոս միացեալ, միոյ Աստուծոյ ընծայեցաք յորդեգրութիւն ի ձեռն սրբոյն Գրիգորի, որ երբև զարեգակն ծագեալ յարեւմտից՝ առաքելաջան հանդիսիւ լուսաւորեաց զարեւելայս Երրորդութեանն ճառագայթիւք. յինրն լցեալ զպակասութիւն նեղութեանցն Քրիստոսի, Երկնաւոր նահատակութեամբն ետ զձայն իւր ընդ ծագս երկրի. և զրոտումն բանին կենաց ի մեզ հնչեցուցեալ՝ տեղալով զանձրև քաղցրութեան հոգւոյն սրբոյ, ելոյժ զամպարշտութեանն կռապաշտութիւն՝ զչար ձմեռն, և փարատեաց զխաւար մեղացն, ծագեաց ի մեզ զբաղցր ճառագայթ տիեզերածաւալն լուսոյ աւետարանին, և ետ մեզ պարզև զպաշար ճանապարհին կենաց, զբաղցրուսոյց վարդապետութեանն իւրոյ զբանսն. որ միարանի առաքելոց և մարգարէից և ամենայն տիեզերախաւս վարդապետաց եկեղեցոյ սրբոյ, նա շինեաց զե-

կեղեցի Հայաստանեաց ի վերայ հիման առաքելոց և մարգարէից, և լցոյց աստուածեղէն կրաւնիւք առաւել ևս բան զպլոց ազգաց հաւատացելոց: Բազում ինչ աւանդութիւնս և կրաւնս աստուածայինս առաքելաբար հրաման ետ պահել իւրում եկեղեցւոյ. ինքն գոյով վկայ ճշմարիտ՝ խոստովանող, և առաքեալ և աւետարանիչ Միածնին, առ ի ն՛խանէ՛ լուսաւորեալ մեր: Ընկալաք դարձեալ զնոյն հաւատ առաքելական ի սուրբ հարցն յերեք հարիւր և տասն և ութիցն որ ի Նիկիա ի ձեռն սրբոյն Առիստակէսի նորին որդւոյ, զոր ունիմք առանց յաւելման և պակասութեան: Նոյնպէս և զՃ. և Ծ. սրբոց հարցն որ ի Կոստանդնուպաւլիս ի ձեռն սրբոյն Ներսէսի, և զերկու հարիւրոցն որ յԵփեսոս ի ձեռն աշակերտացն սրբոյն Սահակայ և Մեսրոպայ: Զայս երից սրբոց ժողովոց խոստովանութիւն և զհաւատ ընդունիմք և բարույնմք, հաւատար սրբոյն Գրիգորի և սրբոց առաքելոցն հրեղէն լեզուացն աստուածախաւսութեան: Եւ աւելի բան զայս որ առաքս, թէ և հրեշտակ յերկնից աւետարանեացէ. նպովե՛մք և ի բաց բառնամք:

Գուք եղբայրասէր մտաւք ջանայք վասն՝ միութեան եկեղեցւոյ և կապակցութեան հոգևոր սիրոյ և միաբանութեան առ միմեանս. վասն այնորիկ շատ ջանիւ և մեղադրութեամբ յայտնեալ էիք ի թղթի աստ զամենայն սրտից ձերոց զծածուկս: Ուսուցանելով զմեզ մի ըստ միոջէ, թէ որպէս հովիւքն առաջինք եղեն բարոյք և աւետարանիչք, մշակք բաջր, որ սերմանեցին ընդ տիեզերս զբանն կենաց և լցին անուշահոտ պտղովք զտիեզերս ամենայն՝ ջնջելով զգայթակհութիւն թըշնամւոյն յերկրէ, հաստատեցին զտիեզերս ի հաւատս ճշմարիտս: Թուեալ էիք ի թղթի աստ և զպզս հեթանոսաց, ըզթուրքս, զԱլյանս, զՃիկս, զԼախուարոս և զպլլս նման սոցա. և վկայեալ էք թէ ամենեքեան սորա ի մի բերան փառաւոր առնեն զԱստուած յեկեղեցւոյ. հնազանդեալք ընդ երկամի գաւազանաւն, որ է տէրութիւն Հոռոմոց և ոչ որ հերձաւ ի կաթ. Լղիկէ եկեղեցւոյ. Հոգացեալ էիք և զմեզ զՀայաստանայս որպէս աւտարս գոյով յեկեղեցւոյ Աստուծոյ, ախմարս և տրգէտս բանիւ և իմաստութեամբ, և մեղադրեալ՝ թէ զարատաւորն ոչ ծանաչէք, զի ոմանք յառաջնոցն անտի սերմանեցին ի ձեզ զորոմն չարին, զչարտելով զհարսն մեր ի բանս սուտս՝ զոր ոչ նոցա. և վասն այնր ոչ ընդունիք զժողովն Քաղկեդոնի,

Հաւանեալք Գիոսկորոսի, որ մի ընուծիւն ասաց զՔրիստոս եւ յայտնի աստուածաբանական արտաճառութեամբ իմաստասիրեալ էիք մեզ զխորհուրդ բոլոր անաբէնուծեան Աստուածն Բանի, թէ ո՞րպէս անմարմինն Բանն մարմնացաւ առանց սերման ի կուսէն և ի Հոգւոյն սրբոյ, և ընդ ամենայն կիրս ընուծեանս մերոյ անցանելով իւրով մարմնովն, յանձն էառ կամաւորութեամբ զխաչն. և թաղեցաւ, յարեաւ և համբարձաւ, նստաւ ընդ ալմէ Հաւր, զալոց է միւսանգամ դատել զաչն սրճս. և թէ կերպարանակից լինելոց է մարմին խոնարհութեանս մերոյ նմանութեան մարմնոյ փառաց նորա ըստ Պաւղոսի ձայնին: Զի զայս եկն ցուցանել, առեալ յապակնայցու մարմնոյս, զգեցուցեալ աստուածութեանն և ցուցեալ զսա անապական և անմահ: Զայսոսիկ յայտնապէս մեզ ատենարանեալ:

Գրեալ էիք զարձեալ, եթէ երկու ընուծիւն խոստովանիմք ի վերայ միոյ Քրիստոսի, որպէս ասաց ժողովն Քաղկեդոնի, և հաստատեաց զհաւատս առաքելական, և մեզ մեղադրեալ էիք թէ, Տէոսկորոս ընկեցիկ եղև ի ժողովոյն Քաղկեդոնի, մոլորեցոյց զձեզ ի բանս սուտս, զրպարտելով զժողովն Քաղկեդոնի, այլ նորա ուղղապէս խորհեցան ի վերայ այսր ամենայնի: Առ իս զրեալ էիք ցաւակցարար, թէ ի բաց կաց ի Հայաստանեայց գրոց և ի ձայնից, ապաշխարութեամբ և զըզմամբ գրէ՝ առ կայսր և պատրիարզն ի թաղաւորեալ քաղաքն, և միացի՛ր ի սուրբ հաւատս, և կեցցես: Արդ ըստ ամենայն զրելոց առ ի քէն, եղբայր սիրելի, հարկաւորիմ պատասխանի աոնել բեզ կարճ ի կարճոյ համառաւտ բանիւ, ոչ ճարտարութեամբ և մնտի փիլիսոփայութեամբ, զի մի՛ ընդունայն լիցի խաչին խորհուրդն, որ խափանեաց զիմաստութիւն աշխարհիս. և յիմարութեամբ քարոզութեանն ապրեցուցանել զհաւատացեալս. զի հաւատ քրիստոնէից ոչ իմաստութեամբ մարդկան է, այլ աստուածային հոգւովն շնորհիւ վերածայնաբար քարոզել ընդ տիեզերս աշխարհալուր աւետիք:

Արդ թէպէտ և ոչ իցեմք հմուտ և տեղեակ պղատոնական պերճարանութեամբ բարձրայունակ վարժից և կրթութեանց, սակս ոչ ուննելոյ նմա հաղորդութիւն ընդ աւետարանին, մեր Հայաստանեայքս, նուազ և փոքունք, աղքատք և տգէտք արհեստից և մակացութեանց, այլ սակայն շնորհիւ զաւրուութեամբ Հոգւոյն սրբոյ լիով ունիմք յանձինս զվարդապետութիւն սըր-



րոց առաքելոցն և մարգարէից, հանդերձ կենսաբեր աւետարանաւն Քրիստոսի, զսուրբ և զտիեզերական երից ժողովոցն զխոստովանութիւն և զհաւատս, զվարդապետութիւն սրբոյն Գրիգորի՝ որ է սիւն և հաստատութիւն ճշմարտութեան. զաստուածաբանութիւն տիեզերախաւս երիցս երանեալ պայծառ և մեծ սրբոց հայրապետացն զասուց, զԴիոնէսիոսի և զԵրիւնիոսի հետեւողի առաքելոցն, զՎղեմայ և զմիւս Դիոնէսիոսի, զՊետրոսի վրկայի, զԱթանասի սրբոյ և զՎիւրղի Աղեքսանդրացոց հայրապետաց, զՄակարայ երանելոյ և զՎիւրղի և զՅովհաննու որ յերուսաղէմ, զսրբոյն Սեղբեստրոսի և զՅուլիայ երանելոյ, զԳամասոսի և զԿէլէստիանոսի որք ի Հռոմ. զԵւսեբի ժամանակագրի որ ի Կեսարիա Պաղեստինացոց, զԵւսեբի Եմեսու, զՍեբերիանոսի, և զԵփրեմի խորին ասորոց, զԳրիգորի զսքանչելագործի որ ի Նիուկեսարու, զԳրիգորի աստուածաբանի Նազապացոց, զսրբոյն Բարսղի և զԳրիգորի նորին եղբաւր, և սրբոյն Եպիփանու Կիպրացոյ, զԱղեքսանդրի և զՅովհաննու ոսկերբանի, զՆեքրատեայ, և զՊրոկղի երանելոյ որ ի Աոստանդնուպաւլիս:

Սորա են սիւնք հաւատոյ և լուսատուք տիեզերաց, աշտանակք կենդանիք՝ վերամբարձեալ ունելով զլոյս եւթնարփի շնոյհացն ի պայծառութիւն և ի փոռս սրբոյ եկեղեցոյ, որք են կնիք հաւատոյ մերոյ և ճանապարհ խոստովանութեան մերոյ, ի Հայր և յՈրդի և ի Հոգին սուրբ, որք յայտ յանդիմանութեամբ վարդապետեալք ուսուցին մեզ սուրբ Հոգւովն վասն մշտնչենաւոր աստուածութեան Երրորդականութեանն, և զծածկեալ խորհուրդ տնաւրէնութեան Աստուածորդոցն ընթանուր մեզ բարուցալ լուսաւորեցին զմեզ լուսով ճշմարտութեանն, և արտաբոյ աւանդութեան սոցա ոչ հարքն մեր և ոչ մեր ուսաք այլ ինչ նորաձայնութիւն հաւատոյ և կրանից, ո՛չ դու և ո՛չ այլ որք ի մարդկանէ կարէ յայտնել այլ որպէս ընկալաք զլոյս ուղղափառութեան հաւատոյ սոցա և կրանից՝ պահմբ հաւատով յանձինս մեր, աներկմիտ և անվրդով յեցեալ և հաստատեալ ի վէմն կենդանի, որ է գլուխ անկեան Տէր մեր Յիսուս Քրիստոս: Թէպէտ և հալածեալք յամենայն աղգաց, այլ ոչ երբէք լքեալք ի հաւատս, միշտ պատերազմ ունելով ընդ հեթանոսաց՝ Պարսից՝ Տաճկաց և բարբարոսաց, զերեալք, կողոպտեալք, նեղեալք, ձանձրացեալք յանաւրինաց յարուցելոյ ի վերայ մեր,

այլ կաւրութեամբն Աստուծոյ Հաստատուն է յոյս մեր կենդանի, և սին հաւատոց մերոց որ երբէք շարժեցաւ ի հիմանէ նախաճառեալ սրբոց աստուածազգեստից հարցն, զորոց վերագրեցի զանուանն, այլ վարդապետութեամբ նոցա որ ի միջի մտրում հաստատեալք ի հաւատս Ճշմարիտս, փառաւորեմք զսուրբ Երրորդութիւնն յեկեղեցիս սրբոցն, ակն ունելով յուսոյն յաւիտեանից: Արդ, դու, եթէ աւտար ասես զմեզ յԱստուծոյ եկեղեցւոյ, նախ ասա՛ աւտար զոտսա զամենեսեան, զի սորա են վարդապետք մեր. և ուսուցիչք, և զայլ որ բնաւ ոչ գիտեմք, և աւտար զոտսա ասելով, աւտարանաս և դու ի յուսոյն բումմէ: Տես քաջ, մի գուցէ զուր նախատես զժողովուրդ Աստուծոյ՝ զոր գնեաց արեամբ իւրով:

Գրեալ էիք, թէ Ուր քարոզեացն Պետրոս և այլ առաքեալքն, ոչ որ երևեցաւ անդ հերձուածող, և եթէ՛ Դուք առ անզիտութեան մոլորեալք զարատաւորն ոչ ճանաչէք, որ զհաւատս պղտորեցին, և զրպարտէք զժողովն Քաղկեդոնի՝ հաւատեալք Քեսոկորոսի Սիրելի հաւատարիմ: Ար քարոզեաց Պետրոս և այլ առաքեալքն, ոչ ապաքէն ի Հրէաստանի, ի Սամարիա յԵզրիպտոս, յԱսորեստանի, ի Միջագէտս, յԱսիա, ի Յոյնս, և ի Հռովմ: Արդ եթէ ոչ որ գտաւ անդ հերձուածող, ասա ինձ, ուստի էին սորա: Նախ և առաջին Սիմոն Սամարացի, Մենանդրոս, Կարպոկոստէս, Սատառնիւղոս, Կորնթոս, Դովսիթէոս, Վաղէնտիանոս, Մարկիոն, պեղծն Արտեմոն, Կարգոն, Մանի անիծեալ, Մոնտանոս պեղծ, Արտեմոն, Փոտինոս, Պաւլոս սամուստացի, Սարել Լիբացի, Ապաւղինարէս լաւոդիկեցի, Աբիոս Աղեքսանդրացի, Եւնոմիոս, Ղուկիանոս, Նաւատիանոս հոռմայեցի, Մակեդոն, Նետորիոս, Եւտիբէս Բիւզանդացի, ամենեքեան սորա ոչ ապաքէն յառաջասացեալ աշխարհացոյ էին՝ ո՛ւր քարոզեցին առաքեալքն: Դու զի ասես թէ ոչ որ երևեցաւ անդ հերձուածող: Ումնք ի սոցանէ, և թագաւորեալ քաղաքիդ առաջնորդք իսկ էին և այլոց մայրաքաղաքաց ձերոց, որպէս Մակեդոն և Նեստոր և Պաւլոս Սամուստացի որ յԱնտիոք, որք յայտնապէս երևեցան, սերմն ժանդ, որդիք անաւրէնք, շառաւիղք չարին, և արմատ անիծից, զոր թոյնք մահաբեր աւձին բուսուցին, զի ոչ ասեմ եթէ առաքեալքն եղեն պատճառք կորուստեան նոցա, այլ ի սերմանէ չարին ի մէջ ցորենոյն բուսաւ որումն ընդ ամենայն աշխարհս, որք անշէջ հրոյն յաւիտեանից գանա

ձեռք կան, զորս երանելի հարքն մեծաւ աշխատութեամբ և բրտասրբ վանեալ հերքեցին ի դարս իւրաքանչիւր:

Արդ թէպէտ և դուք ոչ զոր ընդունիր ի սոցանէ, այլ նշովէք, ըստ ի վիճակի ժառանգութեան սրբոյն Գրիգորի և ոչ երբէք երեկեցաւ յայլ աղանդից անտի, վասն զի փոքր իսկ է փարախս, սակայն ի գայլոց անկոփելի է զաւրուութեամբ յուսոյն մերոյ Քրիստոսի Աստուծոյ: Այլ դու որ ասես թէ՛ զարատաւորն ոչ ճանաչել արատաւորք ոչ ապաքէն սորա են զորոց զրեցի զանուանս: Ճանաչեմք և նշովեմք զամենայն հերետիկոսս, զառաջինսն և զմիջինսն և զվերջինսն, զորոց զիւրաքանչիւր աղանդոց և զհայհոյութեանց ասել մի ըստ միոյն, ոչ է ժամ: Թողից բեզ որպէս զիտողի զամենայն, զի աւելորդ է զպստոսիկ զրել առ քո աստուածսիրութիւնդ:

Այլ որ Դէոսկորոսիւ ստեպ ստէպ թշնամանես զմեզ իւրաւաբանելով, հարցանեմ զքեզ, ասս ինձ, ո՞վ է Դէոսկորոսն այն, ոչ ապաքէն հայրապետ քո է, զբուխ և առաջնորդ երկրորդ ժողովոյն որ յնփեսոսս, զորոյ ոչ գիր խոստովանութեան, և ոչ սահման հաւատոյ և ոչ այլ ինչ աւանդութիւն ունի աշխարհս Հայոց: Միայն լսեմք թէ ոչ հաղորդեցաւ համահոհից անիծելոյն Նեստորի, և Փղարիանոսի ասեմ և Թէոդորիտեանց և Յովհաննու Իզուացւոյ. և վասն այնորիկ արտորեալ ընկեցին զնա Մարկիանոս և ժողովն. այնր աղաղաւ ոչ նշովեմք զնա, այլ ընդունիմք զի չար ինչ զնա մեք ոչ գիտեմք: Արդ նա եթէ արժանի հաւատարմութեան է, ընկալեալ լիցի. և եթէ աւտար ինչ խորհի, մեզ չէ ինչ փոյթ, վասն զի քո է: Բայց վասն ոչ ընդունելոյ մեր զժողովն Քաղկեդոնի, զոր ասես դու սուրբ և հաւասար երից ժողովոցն, զայդ ոչ ի Դէոսկորոսէ: Ուսաք մեք, այլ ի նոցունց սահմանադրութեանցն, և ի տոմարէն Աւոնի Հոռոմայեցւոյ, որ էր առ թ և պատճառ ժողովոյն Քաղկեդոնի, որք ոչ միարանին խոստովանութեան առաջին սրբոց հարցն, զոր ընկալաք մեք: Վասն զի իշխեցին ասել յեանձառ միաւորութեան Աստուծոյ Բանին՝ երկու բնութիւնս և երկու ներգործութիւնս և երկուս կամս, շինելով չարապէս ի վերայ հիման Նեստորի: Գողանալով զպարզամիտսն, ասացին մի անձն է մի դէմ և երկու բնութիւնս, և առանձնապէս զկիրս նոցա, պատճառելով զանիծեալն Եւտիբէս, թէ նա ասաց մի բնութիւն. շփոթեալ խառնակութեամբ, յեղաշրջեալ

գրանն ի մարմին, և Աստուածային բնութեամբն իւրով անտակրեալ և մեռեալ, այնր աղագաւ հաստատեալ աւրինադրեցին ի Քաղկեդոնի հաւաքեալքն, երկու բնութեանց յայտարարութիւնք առ ի զԵւտիբէսն պապանձեցուցանել:

Ո՛վ վատթար յաղթութեանն, չարիւ զչար բժշկել կամելով. և թիւրուութեամբ զթիւրութիւն ուղղել, զի ասացին այսպէս, թէ Խոստովանիմք մի Տէր զԹիսուս Քրիստոս զՈրդին Միածին երկու բնութիւնս անշփոթելիս, անխառնակելիս, անորոշելիս, անժեկնելիս ծանուցեալ: Ոչ երբէք ի բաց բառնալով զբնութեանցն զանապանութիւնսն յաղազս միաւորութեանն, այլ առաւել ամբողջ պահելով զիւրութիւնն երկաքանչիւրոց բնութեանցն, ի մի դէմ և յանձնաւորութիւն ենթակայեալ: Համաձայնարար այսոցիկ գրէ Լեոն յիւրում տոմարին ասելով, Ապրեւից այսուհետեւ, և յատկութեամբ երկաքանչիւրոցն բնութեանց և ի մի դէմ էակցելոց, ամբարձաւ յաստուածութենէն նուաստութիւնն, նոյնպէս և ի նուաստութենէն աստուածայինն: Եւ գարձեալ թէ ներգործէ իւրաքանչիւր բնութիւնն միւսոյն հաղորդութեամբ, և որպէս ոչ ի բաց բառնայ զծառային կերպ՝ Աստուծոյն կերպ, այսպէս և ծառային կերպ՝ զԱստուծոյն կերպարան ոչ բացարանայ. զներգործութիւն և զկերպն յաւել ի սահման ժողովոյն: Այսորիկ ոչինչ ընթատ երեկն մեզ ի նեստորի չար իմացմանցն, զի և նա զբնութիւնսն խոստովանի անորոշելիս և անխառնելիս ասելով. մի զանգցես զբնութիւնն և մի գարձեալ զարժանաւորութիւնն այսր անզր կորզիցես, զի անորիշ է շարայարութիւնն և անխառն: Ահա ասաց նեստոր յայտնապէս բնութիւնս անորոշելիս և շարայարութիւնս անխառն, որպէս ասաց ժողովն և Լեոն, և գտաւ համախորհ նոցա:

Արդ՝ զի հարկաւորես զիս հաղորդել նեստորի անիծելոյ, զի և ես ոչ ուրանամ զբնութիւնն՝ որպէս Եւտիբէս, և ոչ բարձրանեմ՝ որպէս նեստորիոս, այլ մի բնութիւն ասեմ անշփոթելի: Բայց միութիւն յորժամ առեմ, ոչ փոփոխուեմ այնր բնութեան յայս, և ոչ այսր յայն, այլ միացեալ մի՛ յետ անձառապէս և ի վեր քան զքան, որպէս ասաց սուրբն Յովհան Ոսկեբերան ի մեկնութեան թղթին Փիլիպեցւոց. Քանզի ըստ ճշմարտութեանն մարդ եղև և տնաւրինաբար Աստուծոյ Բանն, և անտեսանելին եղև տեսանելի մնացեալ անյկղի բնութեանն: Արդ որք բարձրանն զբնութիւնսն յետ միաւորութեանն յայտո

Նապէս երկուս որդիս բարոզեն ըստ Նեստորի, և ոչ կարեն մկրտել ի մա՛հն Տեառն, որպէս ասաց երջանիկն Կիւրեղ Տայրապետն Աղեքսանդրացոց առ Սեկունդոս, Թէ յետ միաւորութեանն ոչ ի բաց հատանեմք զբնութիւնսն և ոչ որոշեմք յերկուս, զի մի՛ երկուս որդիս ի ներքս ածցուք: Եւ մեծն Յուլիոս Տայրապետն Հռոմայ վկայէ թէ, Հարկ է զնոսա որք երկուս ասեն բնութիւնս, զմինն երկրպագելի, և զմինն ոչ, զմինն մարդկային, իսկ զմիւսն. աստուածային, և յաստուածայինն մկրտել, իսկ ՚ի մարդկայինսն ոչ մկրտել: Իսկ՝ եթէ ի մա՛հն Տեառն մկրտեցար, որպէս ասաց առաքեալն, մի խոստովանիմք բնութիւն անախտակիր աստուածութեանն և ախտակիր մարմնոյն, զի այսպէս յԱստուած իցէ մկրտութիւնն մեր և ի մա՛հն Տեառն կատարեալ Վասն այնորիկ ոչ հաւանիմք նորաձայնութեան ժողովոյն Քաղկեդոնի և տումարին Լեոնի ասելովն երկու բնութիւնս ի մարմնացեալն Աստուածն բանն, այլ խոստովանիմք զՔրիստոս ոչ Աստուած մերկ, և ոչ մարդ սոսկ, և ոչ Աստուած և մարդ որոշեալ հակառակ, այլ Աստուած մարդացեալ, և որպէս Միածին չաւրէ, նոյնպէս միածին ի մաւրէ, մի որդի. և որպէս մի որդի՝ մի Քրիստոս, և որպէս մի Քրիստոս՝ մի անձն, և որպէս մի անձն՝ մի դէմ, և որպէս մի դէմ՝ մի կամբ, և որպէս մի կամբ՝ մի ներգործութիւն, և որպէս մի ներգործութիւն՝ մի բնութիւն, որպէս և է մի բնութիւն:

Արդ եթէ բարժանես զբնութիւնն, բարժանին ընդ նմին և երկարանչիւրբն, զի ոչ այլ ինչ է բնութիւն մարդկային, այլ կամբ և ներգործութիւն, անձն և դէմ, որ է մարդ կատարեալ: Իսկ եթէ այլ է բնութիւն մարմնոյն, և այլ է բնութիւն Բանին, այլ է կատարեալ մարդն, և այլ Աստուածն Բան, որպէս ասաց Նեստոր, զոր նյովեցին սուրբ հարքն ասելով, եթէ ասացէ որ մարդ կատարեալ զՔրիստոս բարժանելով, և զԱստուածն Բան բարժանելով, և ոչ խոստովանեցի մի Տէր զՅիսուս Քրիստոս, նյովեալ եղիցի: Եթէ այլ բնութիւն է մարմնոյն անախտակի ի Բանն, ապա այլ է և կամբ բնութեանն, այլ և ներգործութիւն կամացն, այլ է և անձնիշխանականն՝ որ իշխէ կամացն և ներգործէ, այլ է և դէմք իշխանական անձինն՝ որ է մարդ կատարեալ, արտաքոյ Բանին զաւրացեալ ի Բանէն, և զայս Նեստոր ասաց, զոր նյովեցին դարձեալ սուրբ հարքն ասելով. Եթէ որ ասացէ մարդ զաւրացեալ յԱստուծոյ Բանէն

յՅիսուս, և ի Միածինն՝ փառս մերձեցեալ, որ արտաքս բան չկա իցէ, նյովեալ եղիցի:

Ասէք, երկու բնութիւն ի Քրիստոս և անձն և դէմ մի. առ սեմք և մեք, մի բնութիւն ի Քրիստոս. նոյնպէս և անձն, և դէմ մի. Արդ եթէ շփոթես զբնութիւնն, վասն միանալոյն, զի՛նչ արասցես և զգիմացն միութիւն, զի և դու ասես դէմ՝ և անձն մի, և բնութիւնս երկու. զի մի՛ շփոթեսցի, և թէ շփոթեալ է բնութիւնքն վասն միութեանն, շփոթեալ է ըստ բեզ և կերպարանն վասն միութեանն, զի ճշմարտապէս կերպարանն Աստուծոյ, կերպարան ծառայի եղև ըստ գրոց: Եթէ բարժանես զբնութիւնսն զի մի՛ շփոթեսցին, բարժանեա՛ դարձեալ և զդէմնն, զի մի՛ ի բաց բարձցէ զծառային կերպ՝ Աստուծոյն կերպ ըստ Աւոնի առ սելոյն, և որ ասաց յայտնապէս երկուս դէմս, որպէս ասաց Նեստոր, զոր նյովեցին դարձեալ սուրբ Հարքն ասելով Եթէ որ զմի Տէր Յիսուս Քրիստոս բարժանեսցէ յերկուս դէմս յետ միանալոյն՝ և միայն մերձաւորութիւն և պատիւ, և ճոխութիւն տացէ նմա՝ և ոչ միութիւն բնութեամբ, նյովեալ եղիցի: Եթէ ոչ ի բաց բառնայ բնութեանցն զանազանութիւն վասն միանալոյն, այլ առաւել ամբողջ պահի իւրութիւն երկաբանչիւր բնութեանցն ըստ Քաղկեդոնի սաՀմանին, և ըստ Աւոնի տուժարին ասելոյն, ապրի՛ իւրաբանչիւր բնութեանն յատկութիւն. ապա իւր առանձինն է մարդկային բնութեան յատկութիւն՝ յղանալ և ծնանել, սնանել և զարգանալ, ներգործել և կրել, չարչարել և մեռանել: Արդ՝ եթէ ոչինչ յայսցանէ կրեաց Բանն զի ամբողջ պահեսցէ զիւրութիւն իւրոյ բնութեանն, ապա զի՛արդ ասէք՝ յղանալ և ծնանիլ Աստուծոյ Բանին, սնանիլ և զարգանալ, ներգործել և կրել, չարչարել և մեռանել իւրով մարմնովն, զի այսոքիկ առանձին իւրութիւնք են մարդկային բնութեան, արտաքոյ Բանին բնութեան, զի բնութիւն Բանին առանձին՝ է անմարմնութիւն, անփոփոխութիւն, անայլայլութիւն, անախտութիւն, անմահութիւն: Եւ եթէ պահեսց զիւրութիւն իւրոյ բնութեանն, ապա ոչինչ յայսցանէ կրեաց բանն, այլ մարդ սոսկ ըստ ասացելոյդ կրեաց զայս ամենայն, և փրկեաց զմեզ զայդ և ոչ Նեստոր իշխեաց յանդգնել:

Արդ տես, սիրելի, զասացողսն երկու բնութիւնս այլ և այլս, եթէ որպէս ի՛հարկէ Հաղորդին Նեստորի Վասն զի ասաց Աւոն յայտնապէս յիւրում Հաւատարանութեանն այսպէս. Եւ է

իմաստութիւն շինողին իւր տանն, Բանն մարմին եղև, և տա-  
 զաւարեաց ի մեզ. այս է յայտմ ի մարմնի զոր էառ ի մարդոյ,  
 և զոր հոգևով կենդանութեան բանականի անձնաւորեաց: Տա-  
 դաւարիլ ասաց Լևոն ի Մարիամայն մարդ զԱստուածն Բան, այլ  
 գոյով բան զի կուսէն ծնիցեալ Փրկիչն Քրիստոս Տէր: Գրէ և  
 Ննատոր նման սմին ասելով. Խոստովանեա, ասէ, զբազինն այլ  
 Ներբնակեցելումն շարայարել: Թող Աստուծոյ Բանին շարայա-  
 րել ի բազին յընտանի, մի՛ զրնակեալն Աստուած յիւրմէն մեր-  
 կսցուցանես բազնէ, և մի՛ զբազինն ի բնակեցելոյն աւտարա  
 ցուցանես յաստուածութենէն: Եւ դարձեալ գրէ Բանն մարմին  
 եղև, և տաղաւարեաց ի մեզ. բանզի տաղաւար ընկալաւ Բանն  
 զմարդկութիւնս: Գրէ և Պաւղոս Սամոստացի հանգոյն սմին ա-  
 սելով. Բնակեաց իմաստութիւնն ի մարդն որպէս հնար գոյ բը-  
 նակել անմարմին ի մարմնի: Այսպէս բնակէ, որպէս զի մի ի  
 Գաւթայն աւծեալ աւտար իցէ իմաստութիւնն. և մի իմաստու-  
 թիւնն ի յայլում այսպէս բնակեցէ: Եւ դարձեալ թէ՛ ի միւս  
 տան՝ իշխանապէս բնակէ բանզի և ի մարգարէսն էր, այլ ա-  
 ռաւելապէս ի Քրիստոսի. որպէս ի բազնի Աստուծոյ, Ահա ա-  
 սացին Նեստոր և Պաւղոսն Սամոստացի, բազին և բնակիչ, տուն,  
 և զիմաստութիւնն շինող, և զբանն տաղաւարեալ յիւրում մար-  
 նին, որպէս ասացն Լևոն, և զտաւ համախորհչ և միաձայն նե-  
 տորի և Պաւղոսի Սամոստացոյ. բանզի տուն ասաց զի Մարիա-  
 մայ առեալն, բնակել զԱստուած Բանն ի տանն աւրինադրէ,  
 որպէս թուեցաւ հերձուածողացն առաջնոց, զի մի՛ Աստուած  
 բանն՝ զոր կոչեաց իմաստութիւն՝ թափեալ զինքն գտանիցի  
 վասն մեր, ըստ առաքելոյ ասելոյն, և մի տունեալ վասն մեր ի  
 Հաւրէ ըստ գերազանցութեանն սիրոյ. Զի այնպէս սիրեաց Աս-  
 տուած զաշխարհս, ասէ աւետարանիչն, մինչև զորդին իւր միա-  
 ծին ետ, այլ և զի մի Տէրն փառաց, այլ Տեառն փառաց տուն  
 ասացի ի խաչելեալ. Քանզի եթէ տուն իւր շինեաց ըստ Լևո-  
 նի ասելոյն, և յայնժամ բնակեաց ի հարձնի, ամենայն ի Մարիա-  
 մայ մաշդ՝ Աստուծոյ բանն՝ արտաբոյ ի շինեցելոյ տանէ, մինչ  
 զի ինձամեայ ժամանակաւ զնա շինեցէ, այլ գոյով բան զի կու-  
 սէ ծնեալն: Ապա ուրեմն ոչ յղացաւ անձառաբար յարգանդի  
 Աստուածն Բան, և ոչ մնաց Աստուածածինն կոյս: Քանզի ոչ  
 բանն բնութեամբ ծնաւ, այլ զտաղաւար բանին, և ըստ այսմ  
 զիմանի Քրիստոս ինքն իւր տէր, և իւր ծառայ. բազին և բնա-

կարան, տուն և որ շինէ զտունն, տաղաւար և որ բնակէ ի տաղաւարին:

Բայց ոչ այսպէս ուսուցին մեզ աստուածային գրութիւնքն, այլ զինքն զԲանն մարմին եղեալ քարոզեն, մնալով Աստուած անփոփոխելի, տաղաւարեալ կամ բնակեալ ի մեզ ի մարդկութեան: Քանզի բնակեցայց, ասէ, ի նոսա, և գնայից. և Քնակել զՔրիստոս ի սիրտս մեր, աղաւթէ երանելին Պաւղոս. և Աստուծոյ միայն բնակել ի մարդկան: Իսկ Քրիստոս՝ իւր ոչ տուն և ոչ բնակիչ ասի յաստուածային գիրս: Թէպէտ և ուրեք մարդկային վարի ձայնիւ վասն հաւատարմութեան. զի մի երեւոյթ կարծիցի մարմնաւորութեան իւրոյ խորհուրդ: Քանզի մնալով Աստուած եղև անյեղապէս և անխառնակաբար մարդ. և նոյնպէղ չաւր և Հոգւոյն սրբոյ՝ և յորժամ եղևն ըստ մեզ: Իսկ մարմնաւորութեան և ծնելութեան նորա խորհուրդ անձառելի է և անիմանալի ամենեցուն, որպէս միայն գիտէ ինքն միածինն Աստուած ըստ իւրումն Հաւր և Հոգւոյն սրբոյ. զի թէպէտ և զմարմին իւր ասաց տաճար յաւետարանին իւր, իբրև աւծեալ տնաւրինաբար հոգւով սրբով՝ ունելով յանձին զՀայր և զՀոգին սուրբ, զի և մեր ցնա ընդունելով՝ մարմին նորա լիցուք ի մեզ բնակեցուցանելով զՀայր և զՀոգին սուրբ. զի Անդամք եմք մարմնոյ նորա, և ի յրութենէ նորա մեր ամենեքեան առաք, և բնակութիւն նորա եղեաք: Այլ ոչ եթէ ուրոյն առանձնապէս արտաքոյ աստուածային էութեանն ասաց տաճար գոյ զմարմինն, իբր զի բնակից է ինքն այլ յայլում, որ զմարմինն իւր, ասէր, հաց կենաց յերկնից իջեալ և աշխարհի կեանս տայ: Այլ ինքն Աստուած Բանն մարմնացեալ, որպէս մեղք կոչեցաւ վասն մեր՝ որ զիմն երարձ զմեղս, և անէճք՝ որ զիմն ելոյժ զանէճան. և ծառայ՝ որ զիսն ապատեաց. նաև տաճար զինքն ասաց տնաւրինաբար վասն իմ, միաւրեա քակեալ, և երեք աւրեա յարուցեալ, և մնացեալ յաւիտեան, զի և ես զնա առընկալայց, և տաճարացայց նովաւ Հաւր և Հոգւոյն սրբոյ, զի ոչ այլ էր զոր քակեցին, և ոչ այլ որ յարոյց զքակակալն, այլ ինքն Աստուած Բանն մարմնով իւրով կատարեաց զամենայն, զի որ խաչեցաւ և թաղեցաւ, այն է որ յարեաւն: Ոչ այլ որ և այլ ինքն Աստուած և ինքն մարդ. նոյն ինքն ճշմարտապէս մեռեալ որպէս մարդ, և միշտ կենդանի որպէս Աստուած, որպէս ասաց սուրբն Եպիփան կպիս-



կոպոս Կիպրացւոցն ի զիրն հաւատոյ. եթէ ինքն Աստուած և ինքն մարդ, ոչ շփոթութիւն գործելով՝ զերկուսինն ի միասին խառնելովն, ոչ գոյութեամբ, այլ ի մի վաւրացուցեալ զերկրայինն ընդ Աստուածութեանն, և ի մի աստուածութիւն զաւրացեալ. և մի աստուածութիւն ժողովեաց: Ոչ երկու բրիստոսք և ոչ երկու որդիք, ոչ այլ որ և այլ, ի նոյն մարմին հոգեորական, ի նոյն աստուածութիւն անհասանելի, չարչարեալն ոչ ապականեալ, անապականելին՝ անապականելի, անապականութիւն ամենայն: Աստուած Տէր նստեալ ընդ աջմէ չաւր:

Արդ ըստ այսմ ամենայնի, իմաստութիւնն Աստուծոյ որ շինեաց իւր տուն, և բնակեաց ի նմա, ո՛չ ըստ ասելոյն Աւոնի, Բանն շինեաց տուն զմարմինն և տաղաւարեաց ի նմա, այլ ինքնին մարմնացեալն Աստուած շինեաց իւր տուն հոգեկան՝ զմեզ ի նա հաւատացեալքս, և բնակեաց ի մեզ, վասն այսորիկ և զկամաւորն համբերեաց թափումն, անթափին զընութիւն իրրև զԱստուած, և զաղբատութիւնս մեր զամենայն իւր արարեալ զի մեր փարթամասցուք ի ձեռն ի նա հաւատոցն, և բնակութիւն նմա եղիցուք սրբով մկրտութեամբն. սակս որոյ և ընդ մեզ է մինչև ի սպառել յաւիտենիս: Զի նա է ճշմարիտ Աստուած և կեանք յաւիտենականք, որ և ի սիրտս հաւատացելոց բնակէ հանդերձ Հարրն և սուրբ Հոգւովն: Քանզի մի է Միածինն Աստուծոյ, որպէս Աստուած, և անդրանիկ ի մէջ եղբարց բազմաց. ըստ որում եղև մարդ տնաւրինաբար զոլով, և այսպէս ըստ բնութեան Աստուած՝ և մարդովն ըլլաւարդ:

Արդ թէպէտ և հարքն առաջինք ի մարտս հերձուածողացն յիշեցին ուրեք բնութեան հետս, միայն վասն հաստատելոյ զտնաւրէնութիւնն, եթէ ճշմարտապէս մարդ եղև Աստուծոյ Բանն և մարմնով իւրով կրեաց զամենայն. այլ ոչ ուրեք սահման հաւատոյ զընութիւնսն կարգեցին երբեք. իսկ ժողովն Քաղկեդոնի, հաւանեալք Աւոնի յայտնապէս կարգեցին սահման հաւատոյ երկուս բնութիւնս առանձնացեալս, և շփոթեցին և բարժանեցին զեկեղեցիս տիեզերաց: Իսկեանք իսկ պարտաւորեցին զանձինս, զի ասացին յԵփեսոսի երկրորդ ժողովն. Եթէ որ ասէ ի վերայ միոյ Քրիստոսի երկուս բնութիւնս, նպովեալ եղիցի: Եւ նովին դարձեալ ի Քաղկեդոնի,

նպով եցին զպնոսիկ՝ որք ոչ ասեն ի վերայ Քրիստոսի երկուս բնութիւնս. զոր ոչ ընդունիմք զսահմանադրութիւն Տաւատոյ նոցա. և ոչ ասմք երկուս բնութիւնս զանազանաբարս ի Քրիստոս. այլ մի խոստովանիմք բնութիւն բանին մարմնացելոյ, ոչ շփոթեալ և ոչ անխառն մնացեալ, այլ և խառնեալ և միացեալ բնութեամբ, անշփոթաբար և անբաժանաբար ի վեր է քան զմիտս: Ոչ երկուս բնութիւն աստուածութեանն և մարդկութեանն, և ոչ շփոթումն, այլ միութիւն անշփոթաբար: Վասն զի առ Աստուածն Քան միացաւ, և նորին փառաց և բնութեան գտաւ Տաւորդ, որպէս անձինն և կերպարանին: Ոչ իբր ոմն առ ոմն՝ Տամապատուարար լծակցեալ, այլ իբրև քնար իմն ընդ բնարհարաւ եղեալ առ նորայն յարմարեցաւ շարժութիւն կամաց. և կամ որպէս լոյս ճրագի յարեգական միացեալ ճառագայթից, առանց ի բաց բառնալոյ ոչինչ կարէ զիւրն ներդործել ճառագայթիցն զանազանութիւն. այսպէս և մարդկային էութիւնն ընդ աստուածայնոյն միացեալ անիրացբառնալի, ոչինչ առանձնապէս զիւրն ներգործէ զաւրութիւն: Քանզի յաղթէ զաւրաւորագոյնն տկարագունին. ընդ ինքեան զնա միաւորելով և աստուածացուցանելով, որպէս ասաց Գրիգոր Աստուածարան ի ճառին որ յաղագս Որդոյ. եթէ՛ խառնեցաւ ընդ Աստուածութեանն և եղև մի, վե՛հագունին յաղթելով: Եւ դարձեալ ի Զատիկի ճառին ասէ, Որպէս աւծելոյ Աստուածութեամբն, և ելելոյ որպէս որ էաւծն, և Տամարձակիմ ասել զոյդ Աստուած:

Յետ այսպիսի անձառ և անհաս միաւորութեան, ո՛չ որ իշխէ երկուս բնութիւն ի ներքս խառնել իմաստս, զի մի՛ որիչ իցէ յերկուս դէմն և յերկուս որդիս ըստ նեստորի, այլ միայն զի մարմին յառաջն և մարմնացեալ յերկրորդումն կատարեալ ի կատարելումն, և ի մի կատարեալ կենդանի, որպէս ասաց սուրբն Բարսեղ առ Ապողինարէս: Քանզի Քանն մարմնացեալ և միացեալ նոյնպէս մարմինն աստուածացեալ և ոչ փոփոխեալ յանմարմնութիւն, որպէս ասաց սուրբն Սերբրիանոս. զի թէպէտ և ծածկեցաւ, ասէ, մարմինն աստուածութեամբն և ներկաւ անմահ արմատովն, և եղև ամենեկին անմահութիւն, չկորոյս զնկարագիր մարմնոյն, այլ կայ և մնայ նկարագիր մարմնոյն, ներկեալ և ընկղմեալ ի կենաց անտի: Քանզի յորովայնի կուսին, զանփոփոխելի լուսոյն ճառագայթ, զփոփոխականաւն

փայլատակեաց գնիւթով, և կայծակ իմն անշուշտ նոյնակերպ հրաշաբուսեալ զլեւաորիւր յըմբռնել զնա լուսոյն անապակա- նութեան յանհարմնացեալ յարգանդին: Սակս որոյ մի դէմ և անձնաւորութիւն միով էականութեամբ, և մի է նորաբանու- թիւն. ըստ որում Աստուածածին ծնաւոյն, և ծնեալն ի նմանէ Աստուած մարմնացեալ, և նոյն բնութիւն Հաւր և մարմնա- ցելոյ Որդւոյն: Քանչի բնութիւն Բանին կերպացաւ բնութիւն մարմնոյն, և եղև բնութիւն Աստուծոյ՝ մնալով մարմին անա- պական, և մնաց Երրորդութիւնն պարզ և անշարագիր, զի մի է յԵրրորդութենէն մարմնացեալ Բանն, և մի է նորա բնու- թիւն, զի Երրորդութիւնն պարզ է, և առանց ի բազմաց գոյա- ցեալ, և ոչ որ յԵրրորդութենէն ծառայ և աւտար, որպէս ա- սէ Աստուածաբանն, և մարմնացեալ Բանն ընդ Հաւր և ընդ Հոգւոյ թուեալ երեք անձինս ասի, և մի բնութիւն, ապա ոչ ուրեմն ի Քրիստոս բնութեանց զանազանութիւնը, այլ մի է բնութիւն բանին մարմնացելոյ, որպէս և խոստովանիմք մեր, ուսեալք ի սուրբ գրոց և ի վարդապետաց եկեղեցւոյ:

Քանչի երանելի առաքեալն Պաւղոս, զմարմնացեալն Աս- տուածն բան հանդերձ իւրովն մարմնով Քրիստոս անուանեաց, և Աստուծոյ զաւրութիւն և իմաստութիւն զնա բարոյեաց ընդ երկնաւս, և զնա ասաց ի խաչ հլեալն: Մեր բարոյեացաբ, ասէ, զխաչելեալն Քրիստոս. զնա, ասաց, ի Հրէից ըստ մարմնոյ՝ Քրիստոս՝ ի վերայ ամենայնի Աստուած աւրհնեալ յաւիտեանս, և զնոյն՝ մեռեալ վասն մեր, Քրիստոս մեռաւ վասն մեղաց մե- րոց. զնա ասաց մեծատուն երկնաւոր, և զնոյն՝ աղքատ վասն մեր: Վասն ձեր աղքատացաւ ասէ, մեծատունն երկնաւոր: Չնա ասաց Որդի Աստուծոյ, և զնոյն եղեալ ի կնոջէ: Առաքեաց, ասէ, Աստուած զՈրդին իւր որ եղև ի կնոջէ: Չնա ասաց, ի- ցեալ ի ստորինս, և զնոյն ելեալ գեր ի վերոյ երկնի. Որ էյն, ասէ, նոյն է, և որ ելն ի վերոյ բան գերկինս: Չնա ասաց, անդրանիկ արարածոց, և զնոյն հաստիչ բոլորից. Նովաւ, ասէ, հաստատեցան որ ինչ յերկինս և որ ինչ յերկրի: Չնա ասաց, կերպարան Աստուծոյ և զննքն թափեալ ի կերպ ծառայի. Հնազանդեալ մահու խաչի, և զնոյն բարձրացեալ Առեալ ա- նուն՝ որ ի վեր է բան զամենայն անուն, որ է Աստուած. և Ամենայն ծունր կրկնեսցի թափեցելուն վասն մեր, և Ամենայն լեզու խոստովանի, թէ Տէր է Յիսուս Քրիստոս ի փառս Աս-

տուժոյ Հաւր, Զնա ասաց, Որդի որով Հայր խաւսեցաւ ժառանգ ամենայնի եւ յյաւիտեանս արարող. եւ նորա մահուամբն ասաց, հաշտել մեզ ընդ Աստուծոյ. Հաշտեցարուք, ասէ, ընդ Աստուծոյ՝ մահուամբ Որդւոյ նորա Զնա ասաց, Ճառագայթ փառաց եւ նկարագիր էութեան նորա, եւ զնոյն Անդրանիկ ի մէջ եղբարց բազմաց: Զնա ասաց, Աստուած՝ ամօռ ունելով ընդ Հաւր յաւիտեան, եւ զնոյն Աւծեալ ի Հաւրէ Աւծ զբեզ, ասէ, Աստուած բո իւղով ուրախութեան: Զնա ասաց, Ամենայնի Տէր, իբրև Որդի երկրպագեայ ի հրեշտակաց, եւ զնոյն Բուռն հարեալ զգաւակէն Աբրահամու, եւ հաւասարեալ մեզ արեան եւ մարմնոյ: Զնա ասաց, Կրող զամենայն բանիւ զաւրութեան իւրոյ՝ սրբութիւն մեղաց մերոց արարեալ, եւ զնոյն՝ Առաքեալ եւ քահանայապետ խոստովանութեան մերոյ, եւ զինքն մատուցեալ պատարագ: Զնա ասաց, Յարուցեալ ի Հաւրէ եւ ամբարձեալ, եւ զնոյն զինքըն յարուցանէ եւ համբարձնայ, Յարեաւ, ասէ, Քրիստոս ի մեռելոց փառաւք Հաւր, եւ թէ՛ Համբարձաւ փառաւք: Զնա ասաց, Միջնորդ Աստուծոյ եւ մարդկան մարդ ասաց զնա, եւ զնոյն Յայտնեալ փառաւք Աստուած եւ փրկիչ: Յայտնութեան ասէ, փառաց մեծին Աստուծոյ եւ փրկչին Յիսուսի Քրիստոսի:

Արդ՝ ո՛ւր են ընութեանցն զանազանութիւնքն, ըստ սահմանի ժողովոյն Քաղկեդոնի եւ Լեոնի, զի ահա մի է եւ նոյն, եւ ոչ այլ որ եւ այլ՝ որ կրեաց զիս, այլ ինքն մարդացեալ Բանն Աստուած որ է Քրիստոս: Ինքն զաւրութիւն ասի Աստուծոյ եւ իմաստութիւն, եւ ի խաչ ելեալ, եւ ոչինչ յայտնի ընութեանց զանազանութիւնք, այլ ինքն ի վերայ ամենայնի Աստուած ասի, եւ մեռեալ վասն մեղաց մերոց: Ինքն միժատուն եւ վասն մեր աղբատացեալ, Որդի Աստուծոյ, եւ եղեալ ի կնոյէ, անդրանիկ արարածոց եւ հաստիչ ըլլորից, ի կերպարանի Աստուծոյ եւ թափեալ ի կերպ ծառայի: Որդի եւ ժառանգ, եւ յաւիտեանցն արարող. եւ իւրով մահուամբն զմեզ հաշտեցուցեալ, բացածագումն էութեանն Հաւր եւ անդրանիկ ի մէջ եղբարց բազմաց: Ընդ Հաւր յամօռ Աստուած յաւիտենական եւ աւծեալ ի Հաւրէ, կրող զամենայն բանիւ զաւրութեամբ, եւ առաքեալ եւ քահանայապետ եւ պատարագ: Ամենայնի Տէր, իբրև Որդի, եւ երկրպագեայ ի հրեշտակաց, եւ հաւասարեալ մեզ արեան եւ մարմնոյ. միջնորդ Աստուծոյ եւ մարդկան, մարդ եւ յայտնեալ փառաւք Աստուած մեծ եւ փրկիչ: Ապա ուրեմն մի է ընութիւն բանին մարմնացե-

լոյ, և իւրոյ Աստուծոյ Բանին են աստուածաժալպայելուչքն և մարդկայինքն, որպէս առաքեալ յայտնեաց, և ստուգագոյնս զիտէ Պաւղոս քան զԼեոն: Պաւղոս զՔրիստոս զոր յինքեան ունէր խաւսուլ այլ և աւետարանիչն Յովհաննէս զի սկզբանէ Աստուած բանն, առ Աստուած՝ որով ամենայն, մարմին լեալ բարոյեաց՝ մնալով Աստուած անփոփոխելի: Բանզի եղեալ անդրանիկ ի մէջ եղբարց, և տեսեալ յասացելոցն վկայէ, փառս ունելով իրեւ զՄիածնի առ ի Հաւրէ, լի շնորհաւք և ճշմարտութեամբ. և զէն ի սկզբանէ Աստուած Բանն կենաց՝ տեսաք, ասէ, աչաւք, և վկայէ զտեսեալն և զշաւչափեալն ձեռաւք՝ ճըշմարիտ Աստուած և կեանք յաւիտենականք: Ըստ ասացելոցս մի է բնութիւն բանին մարմնացելոյ, և ինքն Աստուած Բանն մարմնով իւրով կրեաց զամենայն, և ոչ բարժանեցաւ ի բնութիւնս այլ և այլս, որպէս ասաց ժողովն և Լեոն, այլ և աստուածափառ նախամարգարէն, զի փայտէ կախեալն, կեանս կոչեաց, Տեսանիցէք ասէ զկեանս ձեր կախեալ առաջի աչաց ձերոց: Սերովբէից տեսանող մարգարէն Եսայի, Աստուած ասաց զի կուսէ յղացեալն և ծնեալն և յերկրի երևեալն, և ոչ յայտնեաց բնութիւնս, այլ թէ՛ Ահա Աստուած մեր հատուցանէ զդատաստան, ինքնին եկեացէ և փրկեցէ. և թէ՛ Ահա Աստուած, ահա Տէր գայ զաւրութեամբ, և բազուկն տէրութեամբն: Եւ զնոյն աւաց, Այր մի ի հարուածս, վիրաւորեցաւ վասն մեղաց մերոց, և թէ՛ Ահա կոյս յղացի և ծնցի որդի, և կոչեցցեն զանուն նորա ընդ մեզ Աստուած. և թէ՛ Պոչեսցի անուն նորա, մեծի խորհրդոյ հրեշտակ, Աստուած հլաւր: Եւ Երեմիա մարգարէ. զԱստուած ընդ որում ոչ համարիցի այլ, որ եղիտ զճանապարհս իմաստութեան, զնա յերկրի երևեալ, ասէ, և ընդ մարդկան շքեցեալ: Եւ Գալիթ զերևեալն մեզ Աստուած խոստովանի և Տէր, ասելով, Տէր Աստուած մեր երևեցաւ մեզ: Ահա առաքեալք և մարգարէք և աւետարանիչք մի ասացին զմարմնացեալ Բանն Աստուած, միով բնութեամբ, կամաւք և զաւրութեամբ, և նմա ետուն զբարձրագոյն և զխոնարհագոյն զձայնսն, որպէս միոյ Աստուծոյ մարմնացելոյ, և հետս բնութեանց ոչ յայտնեցին, զի մի է բնութիւն Բանին մարմնացելոյ: Եւ ահա սնտոի երևեցաւ Լեոնի Աստուածաբանութիւնն, որ այլ և այլ զովմ իմաստաբանէ:

Այլ և երանելի հարքն որք ի նիկիա զի զգյուծենէ Հաւր:

Աստուածն յԱստուծոյ, զլոյսն ի լուսոյ, որով արար զամենայն զնա՝ վասն մեր մարդկան, ստոր իջեալ և մարմնացեալ և մարդացեալ և ախտակրեալ և յարուցեալ ասացին, որպէս առաքեալք և մարդարէք և աւետարանիչք ասացին. և ոչ ետուն երկաբանչիւր բնութեանցն զպն ինչ, զոր ժողովն և Լեւոն ասացին. այլ յայտնապէս զլոյսն ի լուսոյ, զԱստուածն ճշմարիտ՝ յԱստուծոյ ճշմարտէ, մարդացեալ և մարմնացեալ՝ խաչեալ և թաղեալ և յարուցեալ ասացին: Եւ զնոյն Աստուած անփոփոխելի և անպլայլելի ընդ հաւր և ընդ սուրբ Հոգւոյն իւրով մարմնովն. Եւ արդ՝ ըստ այսմ ամենայնի հետեւելով մեր աստուածային գրոց. Աստուած մարմնացեալ՝ զծնեալն յԱստուածածնէ կուսէ խոստովանիմք, զնոյն ներգործաւղ և զնոյն կրաւղ՝ ըստ մեզ կենցաղաւարութեամբ՝ զաւետարանական զձայնս, վասն զի ներգործէ Աստուած որպէս և կրէ տնաւրինաբար, և սակայն յաստուածայինսն մարդկայնովն, վասն զի աստուածացաւ և ի մարդկայինսն աստուածայնովն, զի ո՛չ ըստ բնութեան կամ յախտից. ճշմարտապէս մարդկայնովն աստուածայինք՝ վասն զի տեսար ճշմարտապէս աստուածայնովն մարդկայինք՝ վասն զի փրկեցաք. որպէս մարդկայնովն հրաշագործեալ Աստուածն Բանի, աստուածայնովն տնաւրինեալ հրաշագործի, ըստ այսմիկ և աստուածայինքն՝ մարդկայնովն, և մարդկայինքն աստուածայնով անխորապէս առգրեցան: Վասն զի զնոյն զմերս շողացուցեալ Աստուածութեամբն սպեղանի վիրաց մերոց առնէր:

Արդ այսպէս իմանաւր ի վերայ ամենայն կրիցն, ճշմարտապէս զիւրբանչիւր որ ի մերոցս կրեաց, զբաղցն, զծարաւն, զվաստակն, զտրնութիւնն, զերկիւղն, զանգիտութիւնն, զտրտմութիւնն, զարտասուսն, զհոգսն՝ ճշմարտապէս և ոչ կարծեաւք, անապական և աստուածախառն մարմնովն. ո՛չ զճշմարտութիւնն ստուեր համարիմք ի մերմէս երկնչելով ապականելի կրից, զի ոչ հարկաւորարար, այլ ինքնիշխան կամաւորութեամբ կրեաց: Քանզի Աստուած էր բովանդակն ի խնդիր ելեալ մեզ մահացելոցս՝ և որ զմեզն ապականէին, ի ձեռն առեալ այլանման սոքաւք վարեցաւ, վասն զի աճեաց կատարեալս զմեզ առնելով: Վարաւտացաւ, զկարաւտութիւն ի մէնջ ի բաց բառնալով՝ արտասուեաց, և եհատ զարտաւար յամենայն երեսաց. անգիտացաւ, զի ի մեզ դարձուցէ զյառաջգիտութեան զշնորհսն. երկեաւ, աներկիւղս զմեզ առ ի կոթել զաւձս

և զկարիճս յորդորելով մեռաւ, և մահուամբն զմահ մեռոյց: Քանզի մեռաւ անմահականն, և տակաւին անմահ ի նմին մեռելութեանն մնաց: Վասն այսորիկ զխորհուրդ խաչին, Հրէից գայթակղութիւն և հեթանոսաց յիմարութիւն, ասաց Պաւղոս: Զի թէ երեւայն ի վերայ երկրի Աստուած ո՛չ է, ոչ ևս գայթակղեցաւ Հրէայն, և եթէ մեռեալն անմահ ի նմին մեռելութեանն ո՛չ մնաց, ապա ոչ յիմարի հեթանոսն: Արդ՝ ասեմք կրեալ Հաստատապէս, ոչ զայլոյ ուրուք զկիրս, այլ զմերս: Վասն զի ճշմարտապէս մարդ եղև ասեմք: Գարձեալ գեր ի վելոյ մնացեալ կրիցն. վասն զի Աստուած էր: Ոչ զանդիտեմք յայսցանէ, վասն զի ոչ յաղթահարի ի կրից. անապական և աստուածախառն մարմինն, այլ յաղթութեան զէնս զնոսա մեզ յաւրինէ, ոչ յիմս հայելով ճշգրտեմ զնորայսն. բանզի ես ոչ ի կուսէ և ի Հոգւոյն սրբոյ ծնայ, այլ ի սերմանէ առն և ի ցանկութենէ կնոջ, և ոչ միացեալ ի Բանն, եղև մարմին Աստուծոյ, և ոչ անպարտական մահու, որպէս նորայն, այլ մարմին եմ մեղաց ընդ մահուամբ գրաւեալ: Այնր աղագաւ յապականութիւն ի վայր քարշեալ Հարկաւորապէս զիմն կրեմ կիրս, և պատժապարդ լեալ մահու մեռանիմ:

Այլ նա ի Հոգւոյն սրբոյ և ի զաւրութենէ բարձրելոյն անապականաբար յարդանդի Վուսին յղացաւ, ուր նախ տիրեաց մեզ ապականութիւն, անդր կանխաւ ժամանեալ զապականութեանն քակեաց զհիմն. սկիզբն ծննդեան ունելով, ոչ սերմն ապականացու այլ զՀոգին սուրբ, և զաւրութիւն բարձրելոյն, զդատապարտեալ և զապականացուն ի կուսէն առեալ մարմին մարդկային՝ ճշմարտապէս անընդմիջաբար ինքեան միացոյց. որպէս լոյս ընդ արեգակն, եղեալ երկնաւոր հաց, առիթ անապականութեան աշխարհի, և աղբիւր անմահութեան, լուծեալ զապականութեան բնութիւն, ծնաւ ի կուսէ ոչ ըստ ապականեալ բնութեան ծնաւդին, այլ ըստ զաւրութեան ծնեցելոյն բնութեան, և բակտեցան աւրէնքն բնութեան: Վասն զի . . . . . առմանդ անտեսեալ, և Աստուածածին կոյս բարբառնեալ, մանուկ ընդ մաւր եղեալ, և Աստուած ընդ մեզ բարոյեալ: Եւ ըստ այսմ ստուգապէս Աստուածածին ծնաւդն, և ծնեալն անապական և անմահ, որ ելոյծ զապականութեան բնութիւն, և շիջոյց զխայթոց մահու: Վասն որոյ և զմարմինն իւր ասաց Հաց կենաց իջեալ յերկնից, մի զինքն ցուցանելով

իւրով մարմնով յերկնից՝ որպէս Աստուած, և ի կուսէն՝ որպէս որդի մարդոյ: Երկրորդ Ադամ, և տէր յերկնից, որ զսուրբ և զանմեղ մարմինն իւր, զոր ասաց հաց կենաց երկնաւոր և աշխարհի կենաց պատճառ, զայն որպէս անիծից և մեղաց պատժապարտ և մահու պարտական կամաւորապէս և տնաւրինաբար ընդ ապականութեան արկեալ կրիւր, [ԹՅ] Լ Ետ յինքն ձգել զհրացեալ նետս շարին, զի շիջուսցէ իւրով ապականալոյց՝ կրաւորութեամբն, և ընդ ամենայնս մեր ճանապարհորդեալ հոգեկան և մարմնականս, յամենայնի իրամս չարին ընթացեալ՝ ցանկ արկեաց, իւրով մարմնով սպանեալ զթշնամութիւն, և դատապարտեալ զմեզս ի մարմնի: Եւ յոյժ զբռնութիւն մահու, անպարտական իւրով մահուամբն մարմնով ազատ ի մեղաց. եղեալ անդրանիկ ի մեռելոց, առաջին պտուղ ննջելեալոց, նստաւ. ընդ ալմէ զաւրութեան ի բարձունս: Այսպէս ըստ բնութեանն Աստուած գողով և մարմնով: Այս են կիրք մարտնացելոյ Բանին զոր կրեաց ոչ այլ որ և այլ բնութիւն, այլ ինքն մարմնացեալ Բանն Աստուած, մարմնով իւրով կրեաց զամենայն կամաւորութեամբ, և ազատեաց զմեզ յապականութենէ մահու և մեղաց, որպէս Աստուած սուրբ, հլաւր և անմահ զոր միշտ խոստովանեալ փառաւորէ եկեղեցի Աստուծոյ, զի Աստուծով լիցի մեզ փրկութիւն. և մի յուսասցուք ի մարդ, այլ յԱստուած որ կենդանի առնէ զամենայն:

Վասն զի սրբութիւն մեղաց մերոց արարեալ, և պատուական արեամբն իւրով զմեզ փրկեալ, մշտնջենաւոր նստաւ ընդ ալմէ Աստուծոյ. Աստուած մարմնացեալ մերով բնութեամբս, կամաւր և զաւրութեամբ և էականութեամբ, և միշտ նոյնագոյ շաւր և Հոգւոյն սրբոյ, վասն զի մի՛ է բնութիւն սուրբ Երրորդութեանն երից անձնաւորութեան ցոյցք, և մի յերից անձնաւորութեանցն մարմնացեալ Բանն Աստուած՝ որ է Քրիստոս, և մի՛ է նորա բնութիւն: Այս է մեր հաւատ. Զայս վարդապետեալ ուսուցին մեզ զիրք սուրբ սուրբ Հոգւովն, և ունիմք, և պահեմք յանձինս մեր, մինչև հասցուք առ այն՝ յոր հաւատացարն:

Գո՛ւ եղբայր սիրելի և պատուական, զբարեկամութիւն սիրոյ խաղաղութեան, և զգութեալ եղբայրական խնամոց կայցիս ընդ մեզ, որպէս մեր ընդ բեզ, և այլ ինչ աւելի ի մէնջ մի՛ պահանջեր, զի աւելի ինչ բան զոր գրեցաքդ, այլ ինչ ոչ կա-




րեմք աննել որպէս Աստուած վկայէ, զի ոչ եթէ միայն մեր ոչ Հաղորդիմք ժողովոյն Քաղկեդոնի, այլ առաւել ևս բան զազգուն զոր բո ի թղթի աստ զրեալ էիր, են և այլ ևս բազմութիւնք ազգաց, որք ոչ ընդունին զժողովն Քաղկեդոնի, որպէսիք ամենայն Հայք, Ադուանք, Լիւիւք, Սալպիք, Սիրղք, Ասորեստաննայք՝ որք են Յակոբիկ, ամենայն Եգիպտոս, Եթիոպացի մեծ, Արարիա, Արապիւնար, և ամենայն աշխարհն Հնդկաց. ամենեքեան սոքա ոչ ընդունին զժողովն Քաղկեդոնի, այլ ընդ մեզ մի բնութիւն ասեն բանին մարմնացելոյ. թէպէտ և ունին ինչ բաժանմունս և կրանս իւրաբանչիւր:

Այլ մեք ոչ եթէ ապստամբ ինչ եմք, կամ անհնազանդ առ կայսր և պատրիարք, այլ սիրով հնազանդութեամբ մտերմարար ծառայեմք, մեր և թագաւորք և իշխանք աշխարհիս մերոյ: Եւ նորա ի մէնչ չեն երբէք պահանջել զայն ինչ, զոր չեմք ձեռնահաս աննել: Ասան զի ո՞վ որ ոչ զիտէ թէ այս Շամ է բարժանմանս մերոյ, աւելի կամ պակաս, և բազում անգամ թագաւորքն առաջինք, Հայրապետք և իմաստասէրք և վարդապետք՝ ջան եղեալ մեծաւ պնդութեամբ հոգ տարան և ոչ կարացին զմիանգամ բակեալն վերստին շինել: Մեր զինչ կարասցուք աննել փորունքս և նուազքս և երեկոյացեալքս և տղէտքս, հասեալքս ի դունն դատաստանի: Եւ եթէ վասն էր այս այսպէս դործեցաւ, և կամ էր ետ Աստուած թոյլ այսմ մեծի բարժանմանս լինել, այլ թողի՞ է զիտողին զամենայն, որպէս և զայլսն անբննելեաց նորա դատաստանաց, և միայն զայս ասել ըստ առաքելոյ. Ո՞վ խորք մեծութեան և իմաստութեան և զաւրութեանն Աստուծոյ, զի առանց բննելոյ են դատաստանք նորա, և առանց զննելոյ են ճանապարհք նորա: Քանզի ո՞ր զիտաց զմիտըս Տեառն, կամ ո՞ր եղև նմա խորհրդակից. զի ի նմանէ և նովաւ, ի նոյն ամենայն, նմա փառք յաւիտեանս ամէն:

ԶԵՂԱԿԱՐԱՔ ՔՐՈՂՆ ՂԵՌՆՈՒՄ ԽՈՍՏՈՎԱՆ ԻՆՉԻՆՉԷՆ ԱՆՆԵԼԻՆՆԷ Ի ՔՐԻՍՏՈՍ ԱՍՏՈՒԾ, Ո՞Վ ԴՐՈՍԷ ՈՂՉԻՄԻՄԱՅ:



# ՄՏԵՓԱՆՆՈՍԻ ՄԻՒՆԵԼՑ ԵՊԻՍԿՈՊՈՍԻ, ՄԵԾԻ ԻՄԵՍՏՈՍԻՐԻ, ՊՏՏՈՍԻԱՆԻ ԹՂԹՈՅՆ ԱՆՏԻՈ- ՔՈՒ ԵՊԻՍԿՈՊՈՍԻ ԶՈՐ ՎԱՍՆ ՀԱՒԱՏՈՑ ԳԸ- ՐԵԱԼՆ ԷՐ

երաբունեղ, առաւել իմաստութեամբ Աստուածային գիտութեանն, որ իւրով Աստուածային արարչական ողորմութեամբն զամենայն, անձն կամի զի կեցցեն, և ի գիտութիւն ճշմարտութեան եկեսցեն: Ուսեալ է ձեր ի Տեառնէ սիրելի զՏէր և զընկերն իբրև անձն, զոր մանաւանդ հոգ տարեալ էիք վասն Արեթեան բնակչաց Հայաստան աշխարհիս, որ ի վերայ մեր եղև հեղումն արեան առաքելոյն Բարթողոմէոսի և Թադէոսի, որ վասն այսմ աշխարհի լուսաւորութեան աղաւթս արարին գալ ի հաւատս ճշմարիտս, որ և զնոյն Սուկաւեանքն՝ որ են վկայք Քրիստոսի երեք հարիւր և վաթսուն և հինգ, ամաւ յառաջ ըստ Հոգւոյն սրբոյ աղբմանն ասէին: Աստուած տեսցէ իւր մշակ զաւրաղոյն քան զմեզ, որպէս եղև իսկ: Որպէս ի գալն Անակայ ի Հայք, աւթեան եղև ի վկայարանի սրբոյ առաքելոյն Թադէոսի, և ի ննչեյն ընդ կնոջն իւրում եղև ընծայումն յղութեան մերոյ Լուսաւորչին, և ըստ շնորհաց Հոգւոյն սրբոյ որդի սուրբ առաքելոյն Թադէոսի, և փոխանորդեաց զնորին առաքելական աթոռ երիցս երանելին Գրիգորիոս, մեծն պարթևս Պալհաւ՝ Արշակունի յաղղէ, զերատեսակ փառաւր զարդարեալ, որ և եղև ծնաւղ մեր ըստ Աւետարանին և երաց մեզ զգուռն յուսոյ ճշմարիտ Աստուածգիտութեան, որ և նորին ձգնողական աղաւթիւքն անարատ և ուղիղ մնաց հաւատս մեր, և ոչ ուստեր յաղթեաց բռնութիւն հերձուածողացն, ոչ հայրապետ որ կարաց զնել նոր կարգ ինչ և ոչ թագաւոր, և ոչ յայլ ումեր լուարաւտար ձայն ի սակաւ հաւտիկս և փոքր փարախիկս, անկոխելի եղեալ ի զայլոց ըստ երանելոյն Աստուածաբանի, զի մեր

զոր ինչ լուար և ուսար ի մերոյ Լուսաւորչէն, զնոյն պահեցար և պահեմք հաստատուն և ուղղափառ հաւատով և այլ զարամք ելանելով ի յանձանց ոչինչ յաւելար, զոր և լսեսք զձէնչ եթէ բազում ինչ ասէք զմէնչ ոչ լինել ի հաւատս ուղիղս։

Ըստ գրոց սակաւ բանիւք ցուցից քեզ զգրեցելումն \*), թէ իմաստնոյն մի բան ըաւական է, և որ հակառակին կամի մեր զԲաւթայն անծմբ զմտաւ թէ՛ Ի հակառակին անզգամին լուռ եղէ, և՛ Ոչ բացցէ զբերան իւր։ Նա և առաջին սուրբ հաւատոյս մերոյ խոստովանութիւն որ ի Հայր և յՈրդի և ի սուրբ Հոգին այս է։

Սոստովանիմք զՀայր անսկիզբն և անժամանակ. և զՈրդին Բան և ծնունդ Հաւր անժամանակ և անսկիզբն ծնունդ. և զՀոգին սուրբ ելողութիւն ի Հաւրէ, և ընդ Հաւր անսկիզբն Երրեակ Միութիւն, թուով և անձամբ և անուամբ որիչ. իսկ աստուածութեամբ և փառաւք մի, հարթ հաւասար, անբարձանելի միութիւն, մինն ի յերիսն և երեքն ի մի Աստուածութիւն. և մինն ի յերիցն Բանն Հաւր որ յառաջ բան զյաւիտեանսն ծնեալն ի Հաւրէ վասն հաշտեցուցանելոյ զարարածս ընդ Հաւր՝ իջեալ յերկնից աւետաւք հրեշտակապետին, եկեալ ի սուրբ յանարատ կոյսն մարմնանայ ճշմարտապէս և եղանի Աստուած և մարդ, և որպէս էր ճշմարիտ Աստուած նոյնպէս և ճշմարտապէս մարդ, մինն յերկուց բնութեանց անշփոթ և անբարձանելի, թէպէտև մարմնացեալ, այլ ի Հաւրէ անմեկնելի, զամենայն մարդկային կիրս կրեալ ըաց ի մեղաց, բաղցեալ, այլ զհինգ հազարսն կերակրեալ, այլ և յազնցուցիչ է տիեզերաց։ Մարաւեալ, այլ ասէր, եթէ որ ծարաւի իցէ՝ եկեսցէ առ իս և արբցէ, Աստակեալ, այլ ասէ, Եկայք առ իս ամենայն աշխատեալք և բեռնաւորք. և ես հանգուցից զձեզ։ Եւ զինչ ասացից. ընդ նմին զբարձրութիւն աստուածութեանն տիտակիր եղեալ անչարչարելի Աստուածութեամբն, Չարչարեալ, չարչարելի մարդկութեամբն, առեալ չարչարելի մարմին, և ի չարչարելովն չարչարեալ անչարչարելին. ինքն չարչարելի, և ինքն անչարչարելի. զի իւր ինքեան էր մարմինն որ չարչարէր. և այսպէս բնութիւն աստուածութեանն անչարչարելի, ըպց ինքն Աստուած միացեալ էր ընդ չարչարական մարմինն իւր.

\*) Այսպէս յօր.

ոչ չարչարելի աստուածութիւն, բայց չարչարակից լինի մարդ-կուժեանն զչարչարանսն՝ իւր համարի, և ինքն մնայ առանց չարչարանաց անմահ՝ զի ինքն է կենդանութիւն. և կենդանութիւն ոչ մեռանի ըստ Պաւղոսի. եթէ Քրիստոսի չարչարելն մարմնով: Արդ ըստ այսմ բանի Յուդա՝ աստուածավաճառ, և Հրեայք՝ աստուածասպանք, և խաչն՝ Աստուծոյ խաչ, և մեր՝ Աստուծոյ արեամբն փրկեալք: Եւ առ սուրբ սեղանն զհացն. և զբաժակն ճշմարտապէս խոստովանիմք մարմին և արիւն Որդւոյն Աստուծոյ: Առ այսքան՝ այս բաւական լիցի:

Գարձեալ ասէք եթէ զԱւետիսն ի մարտի ի քսան և հինգն ոչ կատարէք, և ոչ զԾնունդն ի դեկտեմբերի ի քսան և հինգն: Աղաչեմ զի ուսուցես մեզ, թէ յոր զիրս կայ, յառաքելոց, թէ յուզղարհառ վարդապետաց. կամ որով պատճառանաւք երեալ էք զպաղոսիկ յայդմ տեղւոջ: Եթէ զԱրտեմանին ասէք, ո՛չ ընդունիմք. զի մեք յԵրուսաղէմէ գիտեմք զսկիզբն հաւատոյ, և առաքեալքն յԵրուսաղէմ կարգեցին զկանոնսն, և Յակոբոս Տեառն եղբայրն յԵրուսաղէմ կարգեաց զընթերցուածն. և Կիւրեղ Տայրապետն զնոյն դաւանեաց: Բայց որպէս ասացի ձեզ մտերմաբար սիրով, ցուցէք մեզ ի գրոց, և մի իշխանաբար հպարտութեամբ: Այլ մեք ի ձեր գրոց գիտեմք զի զկնի ԼԳ. ամաց վերանալոյն Քրիստոսի, ապա աշակերտեցաւ Արտեմոն Յովհաննու ամիսս եւթն, և ելեալ ի նմանէ նորաձև կարգս դնէր ընդ հակառակս ինչ Աւետարանչին: Ասան որոյ և ասէր իսկ յիւրում առաքելական թղթին, թէ առ ի մէջ յիւրն, այլ ոչ էին նորա ի մէջ, զի թէ ի մէջ էին առ մեզ էին մնացեալ: Եւ դարձեալ թէ՛ Արդէն իսկ նեոխնք բազումք երկեալ են. զայս զԱրտեմոնէ ասէր և զնորին նմանեաց: Արդ մի թէ կարէք ասել, եթէ Յակոբոս տգէտ էր ծննդեանն Քրիստոսի, որ առաջին եպիսկոպոս նա էր յԵրուսաղէմ, և ոչ մեկն էր ի տաճարէն, որոյ ծունկքն իբրև զուղտու էին խտացեալ յանդադար աղաւթիցն և ի տքնութենէն. և նա ի Տիբէթա ամսեանն ի քսանուակն տաւն էր, որ է ըստ Հոռոմին ի յուսուարի ի վեցն, և այլ առաքեալքն ի նմանէ ուսեալք տաւնէին զաւր ծննդեանն և զմկրտութեանն ի միում աւուր, որ է վեց Յունուարոյ, որպէս և ի կանոնքն իւրեանց իսկ կայ: Եւ զի ինքն Յակոբոս ընդ Յովսեփայ էր յաշխարհագիրն, և ինքն էր սպասաւոր ծննդեանն Քրիստոսի յայրին, որ և ընդ նմա իսկ

փախչէր յԵզիպտոս, և ընդ նմա դառնայր, և ընդ նմին շրջէր զամենայն աւուրս որչափ և եկաց Փրկիչն յաշխարհի, և զհտէր ստուգապէս զաւրն և զամիս ծննդեան նորա, և զմկրտութեանն, և կարգէր և հաստատէր զընթերցուածն ի միում աւուր, և ինքն տաւնէր ի վեցն յունուարի: Իսկ անիծեալն Արտեմոն, որ ոչ ծննդեանն էր սպասաւոր և ոչ մկրտութեանն և ոչ խաչելութեանն, և ոչ ինքն ծնեալ իսկ էր յայնմ ժամանակի, նա ուստի զհտէր զաւր ծննդեանն Յեառն կամ զմկրտութեանն: Արդ եթէ առաքելոցն հրամանաւ էր գրեալ, ցուցէր մեզ. և եթէ յանձնէ, ոչ ընդունիմք, զի ոչ է հաճոյ Աստուծոյ: Զինչ կարգ է այն զառաքելոցն և զՅակոբայն թողուլ և զձերդ որ յԱրտեմոնայ է սահմանեալ և յամպարշտէն Յուստիանոսէ՝ զայդ ընդունել, և զհաւատոյ հիմն որ ի սրբոցն է հաստատեալ՝ զայն ընկեցիկ առնել: Առ այսորիկ դուք զիտասջիբ: Թէ Արտեմոն ընդունելի է, տաւն ընդէ՛ր ոչ կատարէք նմա՝ որպէս և Յակոբայ, և ընդէր զամենայն սրբոց անուանս դնեն քրիստոնէայք զաւակաց իւրեանց, բայց յաղագս նորա չարափառութեանն՝ ոչ որ Արտեմոն անուն զնէ որդւոյ իւրում: մանաւանդ զի ընդ հակառակս գնաց առաքելոյն Յակոբայ և աւետարանչին Յովհաննու: Դարձեալ Կիւրեղ Երուսղեմացի տրտունջ բառնայ և ասէ. թէ յայլ քաղաքս ծնունդ առնեն. յայտ առնէ եթէ երուսաղեմացիքն յայսմ կարգի էին՝ որ Յակոբայ առաքելոյ էր եղեալ, և զայս ասէր Կիւրեղ զգուշացուցանելով. այլ ինքն ոչ ընկալաւ: Եւ եթէ ծնունդ յայսմ աւուր էր, նա զիարդ իշխէր զԴաւթի և զՅակովբայ տաւն կատարել:

Դարձեալ ոմանք ի ձէնջ ասեն ցմեզ թէ զինչ է որ երեսնամեայ այր մկրտէք, և դարձեալ զկնի ութաւուր թլիփատութեան տաւն կատարէք նմա: Ծաղու և կատականաց արժանի են բանքդ, զի թէ մեք զծնեալն և զմկրտեալն ի միում աւուր թլիփատեմք, զծննդեանն զկնի ութ աւուր դուք ընդէր ի յունուարի մկրտէք, և յետ Ի և հինգ աւուր ի փետրուարի ի տաճարն ածէք, և զերեւայի կարգս տայք նմա ի գիրկնս Սիմեոնի: Արդ մեք կարգեմք զծնունդն և զմկրտութիւնն ի միում աւուր, զի ըստ երեսուն ամի շրջաբերութեանն դարձեալ ի յունուարի ի վեցն հանդիպեցաւ, և ըստ ծննդեանն համարիմք և ութաւրեա զթլիփատութիւնն առնեմք, որպէս քառասնաւրեա

գալն ի տաճարն: Վասն զի բովանդակ գաւրինացն զամենայն կատարեալ ասեմք ՂԳրիստոսի, քանզի ինքն է տուհին աւրինացն, որպէս Լուսաւորին մեր սուրբն Գրիգոր ասէ, թէ Աւուրք ութ համարեալ թլփատի յառաջ քան զարուսեակ որդին աւետաւր խոստացեայ զաւակն Աբրահամու, զոր և մեծն Պաւղոս ասէր. թէ Քրիստոսի սպասաւոր թլփատութեանն լինել, առ ի հաստատունն աննյոյ զաւետիս հարցն: Եւ եթէ այդ այդպէս է, որ մեր զերեսնամեայ մկրտեալն թլփատեմք, դուք զերկոտասանաւրեայ տղայ ըստ ձերոց աւրինաց ծննդոց ընդէր մկրտէք. զի աւետարանիչն երեսուն ամ ասէ. արդ եթէ ըստ գրոց կամիր առնել, լուռ լերուք մինչև ցերեսուն ամն, և ապա տաւնեցէք, կամ արարէք ըստ կարգի այսպիսի. Ի քսանուհինգն զեկտեմբերի զծնունդն ձերոյ Արտեմոնադիր կանոնովդ, և զկնի ութաւրեայ ըզթլփատութիւնն, և ի փետրուարի յերկուքն զքառասնաւրեայ գալն ի տաճարն, և յետ երեսուն ամի զմկրտութիւնն. և ապա յետ երից ամաց զգալուստն յերուսաղէմ ի կամաւոր չարչարանն, ապա զթաղումն և զյարութիւնն, և այսպէս մոռացմամբ ի վայր հոսեալ յուղիղ հաւատոյս: Բայց մեր զտէրունական տաւնս ի միում աւուր տաւնեմք, որպէս ի ծնունդն՝ զմկրտութիւնն. և եթէ ի կիրակէ դիպի, ապա և զյարութիւնն. և չէ ինչ հակառակ միմանց. զի տէրունական տաւնք են, որպէս և այլակերպութիւն փրկչին յարութեանն հանդիպեցաւ, և ի նմին միում աւուր տաւնեմք:

Բարձեալ ասէք և վասն կուսական աւետիսացն, եթէ մեք ոչ տաւնեմք, այս տաւնեմք և կարի քաջ. որպէս զծնունդն և զմկրտութիւնն ի միում աւուր, նոյնպէս զյարութիւնն և զաւետիսն, և եզև այսպէս: Ջի յապրիելի ի չորսն լրումն տէրունական չարչարանացն, և ի հինգն թաղումն, ի վեցն յարութիւն: Արդ նոյն հրեշտակն որ յապրիելի ի վեցն զաւետիսն ետ կուսին, նոյն դարձեալ յապրիելի ի վեցն զաւետիս յարութեանն: Յագագս որոյ Աստուածածնին զմեծացուցէն ի յարութեան աւուր խորհրդարար ասեմք: Այլ թէ ընդէր ոչ կարգեաց Յակորոս յընթերցուածին տաւն աւետեացն, նաև ոչ Կիւրդի փոյթ եղեալ: Ջի բազում անգամ դիպէր ի սուրբ պահս չարչարանացն յապրիելի ի վեցն, վասն այսորիկ բազում անդամ յամենայն կիրակէ հրամայեցին ընդ յարութեան տաւնել զաւետիսն: Բայց եթէ և տաւնէար յաղուհացսն, ոչինչ փնաս էր, զի տէրունական տաւն է, այլ զի սրբոցն երկուցեալ ի յուծեմ

նելոյ զպահանջսն, ո՛չ կարգեցին. և որ յետոյ կարգեցաւ յԱրտեմոնէ և Յորնաղէ և ի Մարկիանոսէ և Յուստիանոսէ, զայն ոչ ընկալաք, զի մեր զինչ լուաք ի սուրբ Հարցն և յուզղափառ վարդապետացն զնոյն պահեցաք և պահեմք ճշմարիտ Հաւատովք. Եւ այր զարամբ ելանել ոչինչ յաւելաք որպէս թագաւորքն ձեր և հայրապետքն, որք վասն իւրեանց յիշատակ սնափառութեանն, իրս իրս ջանացան յանձանց կարգեալ հակառակ սուրբ Հաւատոյս. որպէս Մարկիանոս նախանձեալ ընդ սրբոյն Վոստանդիանոսի և երկուց Թէոդոսացն, և ընդ Ջեննոնի և Անաստասայ բարեպաշտ թագաւորացն զորս ընդունիմք և տաւն կատարեմք նոցա. նոյնպէս և դուք, որ վասն աւգտի եկեղեցւոյ և ուղղափառ Հաւատոյ արարին ժողովս. Բայց որք զանապան փառաց զհետ ընթացան, զնոսա ոչ դուք ընդունիք, և ոչ մեր: Արդ Վոստանդիանոս՝ վասն Արիոսի արար զժողովք. որ արարած ասէր զՈրդի և ոչ ի բնութենէ Հաւր, այլ ստացական և ի ներքս ածական: Եւ մեծն Թէոդոս վասն Մակեդոնի, որ զհոգին սուրբ նուաստ ասէր քան զՀայր և զՈրդի. Եւ միւս Թէոդոս վասն Նեստորի, որ զՄարիամ Աստուածածին ոչ ասէր, և առ ծննդեանն երկուս բնութիւնս և երկուս որդիս ասելով, զմինն յԱստուծոյ Հաւրէ, և զմինն ի Մարիամայ: Արդ սորա վասն այսր հլրճուածողաց արարին ժողովս, և բազում կարգս ուղղափառս և կանոնս կարգեալ յարինեցին: Իսկ Մարկիանոս վասն ո՛յր հերձուածողի արար ժողովս, և զո՛ր կանոնս գրեաց, եթէ ոչ վասն հակառակի և յիշատակի վասն իւրոյ անուանն, և զեր ի վերոյ կամեցաւ լինել սրբոյն Վոստանդիանոսի, և Թէոդոսացն, վասն որոյ և կրկին քան զնոսայն արար ժողով. որ զ Ա և զ Լ և Ջ շեպիսկոպոսացն զերեսպաշտիցն և ոչ զՔրիստոսասիրաց, և շիութումն մեծ արար յեկեղեցի Աստուծոյ: Վասն որոյ և զառաջին սուրբ Հարսն և զղլխաւորս սուրբ ժողովոյն խոտեաց և զյոռոսն մեծարեաց, և նորա վասն պատուի թագաւորին նշովեցին զմեծն Դիոսկորոս՝ որ յառաջին յերկրորդ սուրբ ժողովք զլխաւոր էր, և զՄարկոսի աւետարանչի ունէր զաթոռն, և զսուրբն Պետրոս Աստիորացի հանդերձ նորին սարկաւագաւքն սպանին սրով, և ո՛յլ բազումս սուրբ փախստականք եղեն ի ժողովոյն. որք միւսբան աղաղակէին թէ այդ նեստորին աղանդն է, զի զկոյնս Աստուածածին ոչ ասէր, զերկուս որդիս ի ներքս ածելով. զոր ճարտարիմացութեամբ Յորնաղ ի մէջ կացեալ զդառն զեղ թա-

բէութեանն ծածկեաց. երկուս ընութիւնս ասելով ի խաչին. զմինն Աստուածութեանն տալով և զմինն մարդկութեանն. Ջնեատոր նշովեաց, և ինքն զնոյն դաւանեաց զփառաց զՏեա ընթացեալ: Եւ զսուրբն Յուլիոս Աղկորնացին, և զԱնատոլիս, և զՍտեփանոս, և զՏիմոթէոս, Տանդերձ այլ Հայրապետաւրն նշովեաց. Այս ամենայն ի չարափառ Հայրապետացն, և ի սնոտի փառասէր Թագաւորացն եղև, որ մինչև ցղահեկանս և ցյոււայան՝ զիւրեանց զանուանսն կարգէին, զոր և Թշուառականն այն Վաղանդէոս, զմահն իւր անփոյթ արարեալ, ի տարեգլուխ և ի խաչս տայր դնել զանունն իւր: Արդ վասն այս սնոտի պարծանացս նախանձեալ ընդ միմանս, և առ սակաւ սակաւ Համարձակեցան ձեռն արկանել ի սուրբ Հաւատս, և զառաջին սրբոցն եղծանել զսահմանս ճշմարիտս և զիւրեանցն Հաստատել: Վասն որոյ զայս ամենայն տեսեալ մեր, և յարեցեալ յամենաթագաւորն Քրիստոս, և յառաջին սուրբ կանոնսն, և ի բաց կացաբ ի բաշմադիր կանոնացդ:

Արդ նախ և առաջին մեծն Կոստանդիանոս յանձին կալաւ ի սուրբ ժողովն Նիկիա, նախ յառաջին գլուխ կանոնացն գրեալ Հրամայեաց բառնայ զներքինսն յեկեղեցւոյն Քրիստոսի, զոր սուրբն անաստուած Թագաւորքն, վասն իւրեանց գարչելի ախտիցն որ ի պատերազմու \*) . . . . մանէին պեղծ ցանկութեանն, զնոսա Հնարեցան առնել, վասն զի քուրմքն՝ որ զկուուսըն պաշտէին, ոչ տային զպարանայ յարուամուլութիւն զոր սուրբա առնեն, զի եղծումն լինէր ի ընութիւն մարդկութեանս. զախտս զայս առաւել խոտեցին և անարգեցին Հեթանոսք: Իսկ սատանայի ի մէջ արկեալ, ուսոյց կտրել, որպէս և առ սկախերն զարուագիտութիւնն և ի Սողոմ և ի Գոմոր, նոյնպէս և աստ ուսուցին կտրել և չէզոք առնել ասելով, Թէ դա չէ որ, այս ոչ այր է և ոչ կին, և զախտ ցանկութեան իւրեանց անխտիր կատարեալ անցուցին ընդ նոսա իբրև ընդ կանայս, զոր սուրբ ժողովն Նիկիա գրեցին զայս: Եթէ որ կրճատեսցի կամայ կամ ակամայ, կամ յաւազեաց կամ ի բժշկաց կամ յայլ զիպուածոյ իմերէ, մի իշխեսցէ զալ ի կարգ բահանայութեան, եթէ յանդգնեսցի, նշովեալ եղիցի: Եւ զայս ոչ ի յանձանց սահման եղեալ, այլ ուսեալ ի մեծ մարգարէէն Մովսէսէ որ յԱստուծոյ

\*) Յօր. եղծեալ էին բանքս.



աւրէնսդրեալ զրեաց. թէ Մի մատուցանես Աստուծոյ զմոլեկանն, և մի զկրճատականն, և մի զմիորձին և մի որ բնաւսուրն \*) է. Եւ դարձեալ ասէ, թէ մի եղիցի ի ձեզ ամլութիւն և սի անսերմնութիւն, զի նպոխ կարգեալ է այն գոր և դուք քաջ զիտէք, և ի մէնջ չէ ի ծածուկ եթէ կուրտր յախտ ցանկութեան քան զուղտ առաւել մոլէկանք են, Զի ջերմութիւն աստի ի բնութենէն եոպ և ոչ կարէ ելանել, և նա պարէն աւձի ունի, որ մինչև ի ջերմանալ աւուրն յար ի զազանութիւնն. և ի ցրտին աւուրն կաղուեալ իրրե զմեռեալ լինի: Սոյնպէս և սոքա զցայց և զցերեկ այրեցեալք ի պիղծ ախտէն անհանգիստ կան: Եւ դուք ընդդէմ դարձեալ աւրինադրին Մովսիսի և մեծին Աոստանդիանոսի և սուրբ Ժողովոյն Նիկիա, դարձեալ այսպիսի պիղծք յեկեղեցի մուծանէք, զոր եթէ նոքա չեն արժանի հաղորդութեան, զսոսա պատրիարդունս և քահանայս կացուցանէք, մանաւանդ եթէ բնաւ ժողովաւորս եկեղեցւոյ կացուցանէք զնոսա, զոր եթէ բնաւ չեն արժանի կոթել զսեմս եկեղեցւոյ Քրիստոսի: Արդ մեք զայսպիսի չարիք և զյանդգնութիւնս տեսանելով ի ձեզ, ասացաք եթէ բնաւ չունիր առաջնորդ, և ամենայն ինչ ձեր ի հիմանէ խաթուտ թուեցան, զի հիմն հաւատոյ քահանայութիւնն է, և մինչ հիմն չլինի, շինուած յոյր վերայ հաստատի: Արդ մեր հիմունք առաքեալն էին, և ի նոսա կուրտ ոչ գոյր: Յայսմ ամենայնէ սրտարեկ եղաք ի ձէնջ, և ձեզ այլ ոչ զիցուք միտ, այլ զկարգս և զկանոնս զոր ուսար, բնաւ այլ ոչ յաւելար:

Լսեմք դարձեալ եթէ ասէք զմէնջ եթէ մեր զխաչեցարն Որդւոյ վասն անարգանաց ասեմք. եթէ մեր զխաչեցարն Որդւոյ՝ վասն անարգանաց ասեմք, և դուք զուրանայն գովեստ համարիք: Արդ մեք ոչ ասեմք վասն անարգանաց, այլ վասն առաւել պատուոյ և պարծանաց: Եւ ասէք դարձեալ ցմեզ եթէ յուժմէ ուսայր, զոր բազում ինչ ունէի ասել, եթէ բերան ի բերան էր. բայց այդ սակաւուք ցուցից ձեզ ըստ գրեցելումն, առէք ընթերցիք զձեր ժամանակագիրն զոր Սուկրատն կոչէք, եթէ յառաջնումն ձայնի ոչ նուազէին զՍուրբ Աստուածն խաչեցարիւն յեկեղեցւոյ եկեղեցի երթալով՝ զոր երանելոյն Ոսկերեանի՝ ընթերցեալ զգիրս Որոգիւնէի, կարգէր յուրում ժամանակին. Եւ Թէոփիլեանն արգելուին զնա ասելով, եթէ

\*) Ա. յսպէս յօր.

զՈրոգինին խորհի, Եւ ի ժողովն Եփեսոսի Կիւրեղ Աղբքանդ-  
րացի ընդդէմ նոցա ասաց ձայնիւ. Միածին Արդի և Բանդ Աս-  
տուած, և անմահ էութիւն, որ յանձն առեր մարմնանալ ի  
սուրբ Աստուածածնէն և ի միշտ կուսէն, անփոփոխելի մարդ-  
եղեայ և խաչեցար Քրիստոս Աստուած. և որ ի կարգին է ա-  
սացեալն, Վասն զի զՍուրբ Աստուած խաչեցարիւն ի Հոգւոյն  
ազգամանէ կատարեցին զսրբասացութիւնն, զոր և այժմ Ասորիք  
ստոյգ ունին ընդ մեզ մինչև ցայսաւր: Չայս Դէոսկորոս ասաց-  
որ էր զուրի յերկրորդ ժողովին Եփեսոսի. և զՓղարիանոս և  
զԵւտիքէս արտաքսեաց նգովիւր: Դարձեալ յառաջինսն երթի-  
ցուր: Գրեալ է ներտառիոս Հոովմայեցի, թէ չեղև Հնար Յու-  
սիփայ իլուցանել զՏէրն ի խաչէն, զի փորուած ձեռաց փրկչին  
փայլատակունք հատանէին, և նորա ոչ ժուժկալեալ ճառա-  
գայթիցն. զձեռս ի վեր տարածելով ասէր աղաւթիւր արտա-  
սուելով, Սուրբ Աստուած, սուրբ և հզաւր, սուրբ և անմահ,  
որ խաչեցար վասն մեր ողորմեա՛մեզ: Եւ ի շեռն այսր ճշմա-  
րիտ խոստովանութեան համարձակեալ, և առեալ ջուր ցանեալ  
ի իլուցանէր, պատեալ և թաղեաց, Իսկ ի ժամանակս առաքելոցն  
յաւուր չորեքշաբաթու և ուրբաթի սկսեալ ի ժամ պատարա-  
դին նախ զայս ասէին, Եւ ապա ի փոխման Աստուածածնին  
ազդ եղև առաքելոյն Քուլմայի ի Հոգւոյն սրբոյ, և ասայեալ  
զՓառաւորեալն զաղաւթսն, զոր և այլ առաքեալքն միարանեալ  
և զկնի Սուրբ Աստուածին եղեալ՝ զՓառաւորեալն զմիշտ  
կոյսն, որ է ստոյգ վկայ խաչեցարին. Արդւոյ առ ընթեր րա-  
րեթաւս կայով մայր նորին: Դարձեալ քննեսցուք, թէ այսմ  
չհաւանիք, և տեսցուք թէ զերեք Սուրբ Տէրն՝ Երրորդու-  
թեանն ասացին Սերովբէրն, եթէ Արդւոյ միայն Ասէ մարգա-  
րէն, տեսի զՏէր նստեալ յաթոռ բարձր և սերովբէրն ասէին  
զերեքսուրբն և մի Տէր: Մի տէր ասացին, իբրև ի մի երեսաց  
և ոչ Տեարք: Եւ զարձեալ իբրև ի միոջէ բերանոյ. Ա՛վ երթի-  
ցէ առ այն ժողովուրդն, և դարձեալ. Լի են երկինք և երկիր  
փառաւք նորա. և այս ի միոյ երեսաց է, և զայս որդւոյ ետես  
Եսայիաւ. Ակայէ մեզ աւետարանիչն Յովհաննէս զի ասէ. եթէ՛  
Ետես զիստոս նորա և խաւսեցաւ վասն նորա. Արդ՝ աթոռ բարձր  
և վերացեալ խաչն է, նոր սեղան, և սերովբէրն սրբասացք, զոր  
և այժմ պարեն շուրջ զսեղանովն յաներևոյթս՝ աղաղակեն և  
ասեն, Սուրբ, սուրբ, սուրբ Տէր զաւրութեանց լի են երկինք

և երկիր փառաւք բո, աւրհնութիւն ի բարձունս, աւրհնեալ որ երկիր և գալոց ես անուամբ Տեանն, աւրհնութիւն ի բարձունս: Տե՛ս թէ՛ ո՛ր ասացին զերեքսուրբն կամ զերեքաւրհնութիւնն. Երրորդութեանն է, թէ՛ որ եկն և գալոց է: Արդ դուք և մեր զերեքսուրբն և զերեքաւրհնութիւնն՝ Որդւոյ միայն ասեմք: Եւ դարձեալ ի Փառք իրարձունսն, երեք անգամ որդւոյ ասաց ժողովն Եփեսոսի, զԱւրհնեալ Տէր ուսոյ ինձ պարտութիւնս բո. և ի կիւրակէ զկնի աւետարանին երեք անգամ ասելով, Ոչ դադարեցից Քրիստոս աւրհնել զքեզ, և այս որդւոյ միայն է:

Արդ եթէ կամիսցիս ցուցից բեզ զԱստուածն և զհպաւրըն: Եւ եթէ երեք են սրբասացութիւնն վասն էր յաւելումք, Սուրբ Աստուած որ յառաջ քան զյաւիտեանս ի Հաւրէ և ի կուսէ ծնեալ և խաչեալ և թաղեալ անբակ աստուածութեամբն և անբարժանելի մարմնաւորութեամբն. մինչև ի մտածութիւնս անգամ սուրբ և հպաւր. զի թէպէտ և տեսաք ի տկարութիւնս մեր խոնարհեալ, այլ հպաւրեղապէս մեղաց յաղթեալ և զգոթս աւերեալ. սուրբ և անմահ. զի թէպէտ և կամաւորաբար կրեաց զմահ, այլ անմահ էր: Եւ եթէ խաչեցարն դժուար թուի ումեք, մեր գիտեմք որ անգունդք սարսեն յորժամ որ զխաչեցարն յիշէ, և եթէ դուր ոչ կամիր հաւանիլ այսմ, մեր այլապէս ասեմք, Սուրբ Աստուած որ ապտակեցար և թուր ընկալար, և զանեցար և զեղարդեամբքն խոցեցար, և վասն մեր հեղեր զարիւն բո սուրբ և մեր բո արեամբդ ալատեցար, ողորմեա՛ մեզ: Եւ չէ ինչ պարսաւանք զաւրհանապալ զայս ասել, զոր աւրինակ որդի թաղաւորի երթեալ ի վերայ ապստամբ ծառայի իւրոյ, որ զիշխանութիւն նորա զերեալ էր, և զնախարարսն բանդարգել արարեալ, և նա երթեալ ի վերայ նորա յաղթեաց նմա, և զորս ընդ ձեռամբ նորա էին եհան և զնա սպան, և ինքն վէր առեալ և արեամբ թաթաւեալ և զերիքն առաջի կացեալ ամենայն աւուր աղաղակէին, և ասէին թէ՛ Մեր բո արեամբդ եմք ալատեալք և վասն մեր խոցեցար ողորմեա՛ մեզ: Արդ ասա ինձ նախատինս համարէր թագաւորն որդւոյ իւրում թէ՛ ոչ Արդ զիւրդ ամաւթ համարիմք զկամաւոր խոցումն նորա որ վասն մեր զսպիսն սո, և դեռ ևս ունի առ Հաւր, առ ի յանդիմանութիւն Հրէիցն և յերախտիս հաւատացելոց, զի թէ Աստուծոյ արեամբն եմք զնեալք, մեր զնորա խաչելութիւնն մեզ պարծանք

Համարիմք: Իսկ այդ ոչ է ճշմարիտ յայտնապէս: Գիտեմք զի նեստոր կապմէ ձերոյ խոստովանութեամբդ, զոր նա ի կոչսն թեորաճաւատէր, և ուրանայր զՄարիամ Աստուածածին ոչ ասելով. թուի մեզ ասել ձեզ՝ եթէ չէր խաչն Աստուծոյ այլ սոսկ մարդոյ, արդ եթէ այդ այդպէս է, ապա և նեստոր չէ ինչ աւելի մեղուցեալ քան զձեզ. և վասն այսորիկ զԴէոսկորոս և զՊետրոս արտաբսեաց Մարկիանոս, որ զխաչեցարն ասէին: Եւ մեր ի Սարակինոսացն վասն խաչեցարից եմք զատեալք, զի նորա Բան Աստուծոյ և հոգի կոչեն զՔրիստոս, և զտիեզերական դատաստան նորա ասեն առնել, և զՄարիամ լուսոյ մայր խոստովանին և Ողոս անարատ, բայց Աստուածածին ոչ. և յաղագս այնորիկ գերիմք և սրախոխողք լինիմք ի նոցանէ, զի ասեն ցմեզ, թէ Աստուած ասէք զայն՝ որ ի Հրէիցն խաչեցաւ, և նորա փայտին երկիրպագանէք, վասն որոյ և փայտապաշտ կոչեն զմեզ:

Դարձեալ ասէք ցմեզ եթէ Երրորդութեանն ասէք զուր զխաչեցարն. զի՛արդ ոչ գիտեմք եթէ զամենայն փառաբանութիւն՝ զոր ինչ որդւոյ ասեմք, զայն Հաւր և Հոգւոյն արժան է ասել, բաց ի խաչէն, զսուրբն և զհաւարն և զանմահն, և զփառսն և զերիս երկրպագութիւնս Հաւր և Որդւոյ և Հոգւոյն սրբոյ բաց ի խաչէն: Իսկ եթէ Որդւոյ. միայն ասեմք, և նորա խաչին զերիս սրբասացութիւնս և զերիս երկրպագութիւնն, ասա՛ ինձ փնաս է թէ ոչ. և այսպէս. Սուրբ Աստուած՝ որ ծնար ի կուսէն որպէս զԱստուած, Սուրբ և հաւար որ ըզդժոխս աւերեցեր. Սուրբ և անմահ որ ի մահու անմահ մնացեր, և զմեզ բո խաչիւղ և արեամբդ աղատեցեր. ողորմեա՛ մեզ: Արդ՝ եթէ փնաս է զայդ ասել, զուր ձեզէն տեսէք:

Այլ վասն Առաջաւորի պահոցն զմեզ զի՛ հայհոյէք: Առէք զզիրս մերոյ Լուսաւորչին, ընթերցէք. զի նա է մեր լուսաւորութեան աւուրբ առաջինք, զնա եմք պահել ծոմաջան և անսուաղ մինչև յանասունս անգամ. զի յորժամ ել նա ի վիրապէն, ետես զաշխարհս մեր զամենայն՝ զիււամոլեալ. և ամենեքեան անկեալ առ ոտս նորա լային, մինչև ինքն ընդ նոսին յարտասուս եղեալ, և զհինգ աւրն անսուաղ պահեաց ինքն հանդերձ թաղաւորաւն և ամենեքումրք, և ապա սկսաւ ի վարդապետութիւն աւուրս վաթսուն, և դեռ չէին մկրտեալք, և իրրև մկրտեցան ամենեքեան ի միասին, վասն յիշատակի մերոյ լուսաւորութեանն կրկին անգամ պահեցար և պահեմք մինչև ցայժմ:

Եւ ապա զինի զբառասներորդ զպահան հրամայեաց պահել, որպէս Իսրայելեանքն այն, զելիցն զփրկութիւնն ի փարաոնէ, կամ զնինուէացուցն՝ որ դարձան և ապրեցան, Արդ մինչ առաջին մեր զայս պահեցաք, դուք Սեղրեստրոսի և Կոստանդիանոսի տաւն կատարէիք, և Կոստանդիանոս զիւր լուսաւորութեան աւուրսն պահէր, և տաւն Գրիգորի և Տրդատայ տաւնէր. բառասուն և չորս ամ Հոռովմ և Եգիպտոս պահեցին ընդ մեզ և ընդ ձեզ, և մինչև ցայժմ Ասորիք պինդ պահեն. Իսկ անաւրէնն Մարկիանոս զարթոյն Կոստանդիանոսի զլուսաւորութեան աւուրցն զպահան երարձ, և պանդրուտոյս կարգեաց հակառակ այնմ, և փոխանակ այնմ շարաթու պանիր ուտելոյ, զբառասներորդ պահան զամենայն ապականեաց. ձուկն և ձէթ և զինի անխտիր ուտելոյ և ըմպելոյ. զոր մեր և ամենայն սուրբ զիրք անջ և հաց կոչեն, և Պաւղոս զձուկն՝ միս ասէ, և մարգարէն զզինին՝ արիւն, և աւետարանիչն զձէթն՝ իւղ: Միւսն ասէ, Իւղ ի լրացտերս նոցա, և դարձեալ ասէ. Ձէթ ամանաւր ընդ ինքեանս ոչ բարձին. և Լուկաս \*) ասէ, թէ Տուր մեզ յիւղոյդ ձերմէ: Յայտ է յայսցանէ, թէ ձէթ և իւղ մի են, և վասն ձկան Պաւղոս ասէ, Միս մարդկան և միս ձկան, և միս անասնոյ, և միս թռչնոյ. և մարգարէն ասէ, թէ Լուսացէ յարեան խաղողոյ զպատմուճան իւր: Եւ վասն ձկան ջուր զի՛ ասէք, միթէ ոսկր մեծ և արիւն չունի՝ բան զամենայն կենդանի. կամ ո՞ր զպան է բան զնա ապականիչ, վասն զի սիդոն շուն է երեբզլիւսն ի ծովու գազան, և զիւր ծնունդն ոչ ուտէ, ըսցց ձուկն ուտէ: Եւ մեծն Բարսեղ զպան ասէ ըզձուկն և զմարդ կյանէ: Եւ արդ զայս շիտթումն և զպղտորմունս Մարկիանոս արար: Իսկ մեր պահք աղ և հոց միայն է, այլ ոչ լուր ընկոյց, ո՛չ չամիչ, ո՛չ զինի, ո՛չ բացախ, և զամենայն ինչ ի բերոյ որթոյ մինչև ցբին անգամ ոչ ճաշակել: Արդ դուք ձեզն ընտրեցէք զարժանն, և մի՛ ակն առնոյք ի Բաղկեդոնէ, զի մի ընդ նոսին ժառանգիցէք զանվախճան տանջանն:

Ձմեղապարտ Գրողս և սպառչ լուսաւոր ասին զթուճաս, և զճնաւոյն ի՛նչ յեղեցէ՛ աշխարհի ի Բրիտանոս Աստուած ո՛վ զաստ ուղղախոսաց:

\*) Լուկաս Եօր.

# ՏԵՆՈՒՆ ԳԷՈՐԳԵՆՑ ՀԱՅՈՑ ՎԵՐՄԻՏՈՂԻ ԵՒ ՀՈԳԵՂՆՈՐՀ ՓԻԼԻՍՈՓԱՅԻ, ՊԱՏՄԻՍԵՆԻ ԹԸՂ- ԹՈՅՆ ՅՈՎ ՀԱՆՆԻՍԻ ԸՍՈՐԻՈՑ ՊԱՏՐԻԱՐԳԻ

**Չ**առ ի յԱստուածուստ պարգևեալ Տեառն Յովհաննու Ասորոց Տոլուապատի և մեծապատիւ պատրիարքի. զգիծ սիրոյ և ցնամակ ողջունի վերժանեայ նուաստ ծառայս Աստուծոյ Տէր Գէորգ Հայոց վերադիտող, և զարծարծումն սիրոյ տեսեալ զուարթացեալ բերկրեցան միտք իմ, և աւրհնեցի զբարեխնամն Աստուած, որ ոչ պակասեցուցանէ զողորմութիւն զբնութեան երկիւղածաց իւրոց, այլ միշտ հեղու որպէս ցաւ զաղորդեան, և իբրև զլոյս արեգական որով սրբեալ պայծառանան անձինք ի նա հաւատացելոց, և բերկրին բոլոր բանալք բանականաց, և կատարին կամք սիրոյ արարչին յարարածս, որ և զձեռք շարժէ բորբոքումն սիրոյ առ ի հաստատութիւն հաւատոյ և լրումն կամայ կենարարին, որ ասացն թէ Սիրեցէք զմիմեանս, որպէս ես սիրեցի, և դարձեալ եթէ՛ Ար սիրէ զիս զպատուիրանս իմ պահեսցէ: Եւ պատուիրանք նորա այն իսկ են զի զմիմեանց հոգասցեն անդամքն հոգևոր սիրով և հաւանութեամբ մինչև հասցուք ամեներևան ի չարի հասակի կատարմանն Քրիստոսի Արդւոյն Աստուծոյ որ ել ի Հաւրէ կամաւ և հաճութեամբ ծնաւդին, միածին Բանն Աստուծոյ, որ եկն սերմանել ի սիրտս որդւոց մարդկան զգիտութիւն Հաւր, որպէս ասէրն թէ Ծանուցի զանուն քո մարդկան:

Արդ զառ ի բարի սերմանողէն սերմանել սերմանս սուրբ հաւատոյ յանդաստանս հոգւոց ձերոց զուղիղ խոստովանութիւն սիրոյ Երրորդութեան, զի ի և զանթերի զաւանդ սրբոց հարցըն և վարդապետացն ձերոց՝ պատուեմք և ընդունիմք: Իսկ ի վերայ եկամուտ կարգացդ և աւտարախորհ թերի կատարմանցդ յոժ հեծեմք տրտմազին, զոր ոչ ի սրբոյն եփրեմէ, և ոչ ի նորին

նմանողաց ուղղափառ վարդապետաց, և ոչ ի կանոնական հրամանաց առաքելոց և սրբոց հարցն ընկալեալ ունիք, այլ յամանց չարափառաց և ապականչաց զգեղեցիկ սերմանց սուրբ հաւատոյ, որք ջանացան մտանել և եղծանել զգեղեցկութիւն հարսինդ Աստուծոյ և կեղեցւոյդ Աստուծոյ, որք թէպէտև ոչ զաւերեցին զիւրոյ ուղիղ խոստովանութեանդ, սակայն աւելորդ և անպատուական կարգաւորդ ոչ թողին գոյ գեղեցիկս զոր ծանեաք զարդարապէսն ի ձերոց գրութեանցս:

Զի գրեալ էիք յաղագս խմորելոյ և աղելոյ և համեմելոյ և ձիթելոյ զկեցուցիչ մարմին Որդւոյն Աստուծոյ, և յիշեալ զստեղծուածն առաջին մարդոյն հող յերկրէ, և ըստ ստեղծմանն Ազամայ ի չորից նիւթոց ասէք կատարել զմարմինն Քրիստոսի, և արկանել ի խորհուրդ ջրոյն՝ ջուր, և ի խորհուրդ հողոյն՝ ալեւր, և ի խորհուրդ աւգոյն՝ խմոր, և ի խորհուրդ հրոյն՝ աղ. և առնէք մարմին մարդոյ մահկանացուի և ոչ Աստուծոյ անմահին, զի ապականելով խմորով և ձիթով և աղիւ աւրինակ մարմնոյն Քրիստոսի, ծածկապէս ցուցանէք կրել զապականութիւն՝ մարմնոյն Աստուծոյ. վասն զի խմորունն, ոչ կարէ գոյ հաց կենդանական, որպէս ցուցանէ երանելին Աստուածաբան ի ճառին որ յաղագս Պասեքին, թէ Աստուստ բարձունն խմորոյն եւթնաւերեայ՝ զի խորհրդականագոյն է թուոցն և աշխարհիս պսորիկ քաջայարմար. այսինքն ի հնմէն \*) և ի քացախուտ չարութեանէն, որ են մեղք առիթ մահու և ապականութեան, զոր անպատշաճ է յարել ի մարմինն Քրիստոսի, զի զմեղս ոչ արար, և Ոչ գտաւ նենգութիւն ի բերան նորա. թէ քի ձէնջ յանդիմանեսցէ զիս վասն մեղաց, և եթէ, Գայ իշխան աշխարհիս պսորիկ և յիս ինչ ոչ զտանէ, եւ ուր ոչ մեղք, զիւրդ և ապականութիւն, զի սկիզբն ապականութեան մեղք են, և որ ի վերայ քան զմեղս, արտաբոյ ապականութեանց. զի ապականութիւն ոչ ի բնութենէ՝ այլ յայլայլութենէ բնութեանցն, զոր երարձ ի բնութենէ արարիչն, զոր դու խմորոյ խառնուածովդ ասես ախտակրել մարմնոյն Քրիստոսի, և առնուս պսոցիկ վկայ զբան աւետարանին թէ, նմանեցաւ արքայութիւն երկնից խմորոյ. Արդ եթէ զաւրինակ արքայութեան կամ զընթացից աւետարանին առցես ի խորհուրդ մարմնոյն Քրիստոսի, ոչ պարտիս

\*) Այսպէս յօր.

անտես առնել և պայսն, զի նմանեցաւ և ուսկանի և զանձի ծածկելոյ և մարգարտի և մանանխի, առցես և ի սոցանէ, զի և պստոցիկ նմանեցաւ: Եւ զի ասէք, թէ պարտ է աղ արկանել, զի ասաց Տէրն առաքելոցն թէ, դուք էք աղ երկրի, և թէ պատուիրեաց Մովսէս ընդ զոհսն աղ խառնել, զի ի հնումն զբաղարջն ձիթով աճառէին, և յաշտանակսն ձէթ արկանէին, և զաւանին տերև ձիթենոյ եբեր: Ո՛հ մեծի մտակուրութեանդ, ասել թէ աղաւնին տերև ձիթենոյ եբեր, մեզ պարտ է ի Քրիստոսի մարմինն ձէթ արկանել, և կամ ասել թէ արժան է ձէթ արկանել զի ի հնումն զբաղարջն ձիթով աճառէին, և կամ ի մանալդ, թէ Յոր ասաց, թէ Աւտիցի հաց առանց աղի, պարտ է աղ արկանել: Եւ զի՞նչ պստոցիկ խորհուրդ մարմնոյն Քրիստոսի, ճրագ, տերև, և կամ ոստ ձիթենոյ, և կամ չրէական զոհիցն աղն, և կամ բաղարջին ձէթն, որք են մանկանց անմտաց իմացուածք և ապշելոյ իմացմունք, թողեալ զճշմարիտ բանն, որ առեալ զհացն ասաց, Այս է մարմին իմ: ի զտակին մեծին երեկոյին, յորում ամենայն աւելորդքն հետակորոյսք, և միայն բաղարջաւ և դառնձաւ կերակրեալք: և ի սեղանոյ անտի առեալ զբաղարջն ետ և ասէ. Չայս արարէք:

Իսկ եթէ ասէք, զառեալ հացն խմորուն լինել, յաղագս ժամանակին և իշխանութեանն ասէք բարձեալ զտաւնսն և խափանեալ զաւրէնսն: Արդ եթէ ըստ ձերում կարծեացդ խափանեալ էին տաւնքն, և բարձեալ էին աւրէնքն. զի՞արդ ինքն Տէրն ասէք, Մի՛ համարիք թէ եկի լուծանել զաւրէնս, այլ ընու՛ զի զո՞ր ոչ լուծանէր զլուծեալն, կամ զո՞ր ընոյր զոր ոչ գոյին, կամ զի՞արդ ասէք ց՛րէայսն, թէ Յաթոնն Մովսէսին նստան դպիրքն և փարիսեցիքն, և եթէ ոչ իշխանութիւնք, զի՞արդ և աթոռք, և եթէ ոչ գոյին տաւնք, զի՞արդ և ինքեանք Հրեայքն իսկ ասէին, թէ Մի՛ ի տաւնի աստ, զի մի՛ խոսովութիւն լիցի ժողովրդեանս. և եթէ ոչ գոյին տաւնք, զի՞արդ և Պիղատոս ինքն ասէք ց՛րէայսն, թէ Ե՛ ձեր սովորութիւն արձակել ձեզ զմի որ ի տաւնի աստ. և եթէ խափանեալ էին աւրէնքն, զի՞արդ ասէք դարձեալ, եթէ Առէք ի ձեզ, և ըստ ձերում արիւնաց դատեցարուք. և եթէ խափանեալ էին տաւնքն, զի՞արդ աւետարանիչն Յովհաննէս յովովակի զտաւնից պատմէ. եթէ Տաւն էր Հրէիցն և ել Յիսուս յերուսաղէմ, և դարձեալ թէ, Իրրև տաւնն ընդմիջեցաւ. և դարձեալ թէ, Ի



վերջնում առուր մեծի տաւնին կայր Յիսուս. և դարձեալ զժամ չարչարանացն ցուցանելով ասէր թէ՛ Եր ուրրաթ մեծի զատկին, և դարձեալ զՀրէիցն ասէր, թէ Նորա ոչ մտին յապարանսն զի ուտիցեն զգատիկն Իսկ և թէ վասն Հերովդի զիշխանութիւնն ունելոյ, որ ի Հեթանոսաց էր, կարծես խափանեալ գարէնսն, այլ ոչ կեայր իբրև զհեթանոս, այլ իբրև ըզՀրեայ, և ոչ իբրև զհակառակ աւրիւնացն, այլ իբրև զյոյժ աւրիւնապահ, որ առ ի կարծել պահել զարէնսն. զկին եղբաւրն զկենդանուոյն առնոյր, զոր աւրէնքն յետ մահուն հրամայէին, և զանգաւակն մնացեալ. և վասն խառնելոյ զազգ տանն Իսրայելի, բազում ազգահամար ազգին Հրէից պրեաց, զի թերևս հնար լիցի առ անգիտութեան համարել ազգին նորա յազգ տանն Իսրայելի Իսկ եթէ Պիղատոս ի հեթանոսաց, այլ և նա իբրև դատաւոր և հարկապահանջ, և ոչ իբրև հակառակ կամ լուծիչ, այլ պատուաղիր ևս, և վկայ աւետարանիչն Յովհաննէս, որ ասէ, թէ Ի չարախաւսել զնմանէ Հրէից առ Պիղատոս ոչ մտին յապարանսն, մինչև Պիղատոս ել առ նոսա, և ոչ զնոսա ի ներքս առ ինքն տարաւ արհամարհելով զարէնսն, այլ ինքն աւրիւնապահացն հնազանդեցաւ, և ոչ յաղագս իշխանութեանն իւր հնազանդեցոյց, և դարձեալ ասելն, թէ Առէր ի ձեզ, և ըստ ձերոց աւրիւնաց դատեցարուր: Եւ դարձեալ Հրէայքն, որք ասէին թէ Մեր աւրէնս ունիմք ոչ սպանանել զորք: Եւ արդ պարտ էր ձեզ որպէս ասաց Տէր բննել զգիրս սուրբ մտաւորութեամբ թէ զոյին աւրէնքն և ոչ էին լուծեալ, կային և տաւնքն և ոչ էին խափանեալ ըստ մարգարէութեանն Գանիէլի մինչև ցաւծեալն առաջնորդ, և իւր Տեառնն՝ որ ասաց, թէ Լմենայն աւրէնք և մարգարէք մինչև ցՅովհաննէս մարգարէացան:

Արդ ի մէջ բերցուր որ ինչ յաղագս հացին, զի ասէր և թէ բաղարջ՝ հաց ոչ ասի, և ոչ հացն՝ բաղարջ: Գրէ երանելի աւետարանիչն Մատթէոս. թէ յառաջնում առուր բաղարջակերացն մատեան առ նա աշակերտքն և ասեն, ո՛ւր կամիս զի պատրաստեսցուր բեկ ուտել զգատիկն. և նա ասէ, Երթայր ի բաղարն առ այս անուն. և իբրև պատրաստեցին, կայր բազմաւ Երկելոյին երկոտասանիւրն հանդերձ, և մինչդեռ ուտէին ասէ ցնոսա, Մի ոմն ի ձէնջ մատնելոց է զիս: Եւ վճարեալ զիրս մատնելն, դարձեալ առնու և ասէ, թէ մինչդեռ ուտէին զյառաջասացեալ բաղարջն՝ կուլեաց հաց, զոր առեալ ետ նոցա:

Նոյնպէս և Մարկոս պատմէ թէ յառաջնում աւուր՝ բաղարջակերացն յորում զզատիկն զենուին, ասեն ցնա աշակերտքն, Ուր կամիս երթիցուք պատրաստեցուք զի կերիցես զզատիկն, և առաքեաց երկուս յաշակերտաց իւրոց, և իբրև երեկոյ եղև, զայ երկուսասանիւքն Հանդերձ, և իբրև բազմեցաւ և դեռ ուսէին, ասէ, ամէն ամէն ասեմ ձեզ զի մի ոմն ի ձէնջ մատնելոց է զիս. և ապա վերստին առնու և ասէ, Եւ մինչդեռ ուտէին առ Յիսուս Հաց գոհացաւ, երեկ և ետ նոցա և ասէ, այդ է մարմին իմ և վասն այնորիկ կրկին յիշէ աւետարանիչն զուտելն, զի դու մի այլազ Հաց կարծիցես, այլ զայն ասէ Հաց զբաղարջն, զոր ըստ աւրինացն ուտէին, և զայն իսկ առեալ ետ նոցաւ Իսկ Ղուկաս ասէ, թէ եկն աւր բաղարջակերացն, և ապա ասէ, թէ Իբրև բազմեցան ասէ ցաշակերտսն իւր, Յանկանալով ցանկացայ, զայս պասեք ուտել ընդ ձեզ, և ընկալեալ բաժակ գոհացաւ և ասէ, Առէք զայդ՝ և բաժանեցէք ի ձեզ, այսուհետև, թէ ոչ ևս արբից ի բերոյ որթոյ, մինչև եկեցէ արքայութիւնն երկնից, Արդ յայտնապէս ցուցանէ աւետարանիչն զբաղարջն առեալ Հաց, զոր ի պասեքին ուտէին ըստ աւրինացն. և զայն առեալ Տեառնն ասաց, Այս է մարմին իմ, և ապա թախանձանաւր ասէ, թէ Ոչ կերայց ի սմանէ, Արդ պարտ է հաւատալ հաւատարիմ վարդապետացս այսոցիկ որք ասեն զառեալ Հացն բաղարջ, զոր յընթրինն ուտէին, զի զրեալ է թէ, յերկուց և յերից վկայից հաստատեցի ամենայն բան, և ոչ հակառակասիրութեամբ ընդդէմ յառնել աւետարանչացն որք զժամանակն և զժամն ճշգրիտ ցուցանեն զբաղարջակերացն, և իւր Տեառնն՝ որ ի սեղանոյն առեալ զառաջի եղեալ բաղարջն և ասէ, Այս է մարմին իմ:

Ապա թէ տկարանաս տակաւին մտաւրդ և ոչ հաւատաս գոլ զասացեալ Հացն՝ բաղարջ. և ինդրես ցուցանել թէ, ուր կոչեցաւ բաղարջն Հաց. ինքն Տէրն տացէ բեզ վկայութիւն, որ պատուիրեաց Մովսէսի և ասէ, թէ մի՛ պակասեցէ Հաց ջերմ յերեսաց իմոց, որ և յոյժ տխմարաց յայտնի է թէ զբաղարջն կոչեաց՝ Հաց ջերմ: Եւ դարձեալ իւր Տեառնն յաւետարանին յորժամ մեղադրէին աշակերտացն վասն ի շաբաթու հասկ կորզելոյ Հրէայքն, տայ նոցա պատասխանի. թէ Զիցէ ընթերցեալ ձեր զոր արարն Դաւիթ յորժամ քաղցեաւն, զի՛արդ եւ մուտ ի տաճարն Աստուծոյ, և յՀացն զառաջաւորութեան եկեր

և ետ այնոցիկ որ ընդ նմայն էին. Ահաւասիկ յայտնի և հաստատուն վկայութիւն զի ի հնունձն և ի նորումս զբաղարջն ասաց հաց, Եւ արդ՝ չէ արժան ձեզ հակառակ կալ Աստուծոյ և աւետարանչացն, և յանդգնութեամբ ասել, թէ հացն խմորուն էր, և զի՛արդ կարէ որ խմորուն ասել, զի այրն յորոյ տանն էր Հրեայ էր, և ոչ յաննշանից և ոչ աւրինազանց որ, այլ յոյժ արդար էր, որպէս Ղուկաս ցուցանէ, եթէ Ահա այր մի Յովսէփ, որ էր նախարար. նախ զիշխանութիւնն՝ թէ չէր ի ռամկաց որ, և ապա զարդարութիւնն՝ թէ Այր բարեգործ և արդար, և եթէ ասանչականն այսպիսի որ էր, և նորա որ հիւրքն էին արք Հրեայք, և աւուրքն բաղարջակերաց, զի՛արդ յանդգնի որ ասել խմորուն, և կամ ո՛ւստի բերէին զխմորունն. Ապա թէ ասիցես ի բաղարջն բերին, զի՛արդ արդեւք, զի ընակիչքն Հրեայք էին և աւրէնք այսպէս ունէին, որ մինչև ի ծակս մըկանց խուզէին, և եթէ գտանէր առ որ բարկոծ լինէր ի ժողովրդեանէն. Իսկ եթէ ասես եթէ հեթանոսք էին ի բաղարջն. ո՛չ գոյր այլ որ բայց միայն Պիղատոս և իւր զաւրականքն, և այն եկր, և գնալոյն սպասողք. և չէր ինչ փոյթ հացարտութեան, այլ առաւրեայ զպէտս վճարէին, և զայն գրեթէ ի Հրէիցն իսկ. Ապա եթէ եղիտ յումերէ խմորուն զի ըստ բուժկարծեացդ ասացից և ոչ ըստ ճշմարտութեանն, և զայն առեալ եկեր նախ ինքն ի մեծի երեկոյի զատկին, յորում առաւել պարտ էր զգուշանալ, և նա անց զաւրինաւրն և նոցա հարկ առնէր անցանել թէ, առէր կերպք այս է մարմին իմ, ապա արդարացեալ գոյ մատնիչն զի զաւրինազանց մատնեաց, և ոչ մատնիչ իսկ, այլ նախանձախնդիր որպէս զԵղիայն. և Հրէայք՝ ոչ աստուածասպանք, այլ աստուածասէրք, զի զյուժիչ աւրինացն սպանին. Եւ եթէ այդ այդպէս էր, Յովսէփ ոչ արդար այլ յանցաւոր, զի զայնպիսին յաւուրս տանին ի տուն իւր ընդունէր, և ոչ լինէր վրէժխնդիր աւրինացն. Այլ ոչ այսպէս. և վչայ աւետարանիչն, զի արդար կոչէ և յոյժ արդար, և Տէրն՝ զի եղուկ կոչէ զմասնիչն, թէ Ա՛՛՛՛յ մարդոյն այնմ յոր ձեռն որդին մարդոյ մատնեսցի. և զՀրեայան՝ սպանողս. Զի ասէ Խնդրէք զիս սպանանել, որ զճշմարտութիւնն ձեզ խաւսեցայ:

Ապա թէ բո ոչ է իմանալ զճշմարտութիւնն, ծառայ ես զրոյն, և կերակրիս անգործ կերակրով զաւրէն անբանից, և

ասես Հաց գիմորունն, Հարցից զբեզ թէ անունն ի բնութենէ է թէ յեղելութենէ: Եւ գիտեմ զի ոչ կարես ասել յեղելութենէ զանունն, զի յետոյ բան զբնութիւն է եղելութիւն. որպէս մարդ բանաւոր ի բնութենէ անուն. իսկ եղելութեան՝ մարդ բար է և մարդ փայտ է: Այսպէս բնական անունն Հաց բնութեամբ, բաղարջին Հացդ է, որպէս զանգործ ցորեան իսկ Հաց անուանեն, և ոչ եղելութեան խմորոյն, զի խմոր եղելութիւն է, և այլալուութիւն և ապականութիւն բնութեան, զի ոչ ի բնութենէ և ոչ ի զաւրութենէ խմոր, այլ ի վատախանութեանց, որք են ապականութիւն բնութեանց և զաւրութեանց, որ յոյժ հեռի են ի մարմնոյն Քրիստոսի, Իսկ եթէ ասացես ըստ յառաջասացեալ տարերցդ կատարել բեզ զմարմինն Քրիստոսի ի յալերէ և ի ջրոյ և ի խմորոյ և յաղէ, մի՛ անտես եղիցի բեզ և որակութիւնք տարերցդ, այլ առցես չորս այլս այլանմանս և խառնեացես յայդոսիկ, զի կատարեալ եղիցի ըստ բեզ մարմինն Քրիստոսի: Իսկ եթէ ասես ըստ պատահման զորակութիւնսն, և ոչ այլս առանձնականս, ապա աւելորդ եղիցի բեզ և ի խորհուրդ հրոյ՝ աղն, և ի խորհուրդ աւդոյ՝ խմորն, զի հուրն և աւդ նուրբք են և մերձ յորակութիւնսն, և բաւական լիցի բեզ այլք և ջուր ի խորհուրդ հողոյն և ի խորհուրդ ջրոյն, ապա թէ ոչ և ըստ չորիցն արասցես մարմին Քրիստոսի, առցես և ըստ այլ որակութեանցն այլանմանս, և միաւորեցես զոչ միաւորեալսն, ապա արկցես և զձէթն բո, զի նշանակ է սիրոյն, և արասցես ոչ մարմին Աստուծոյ և կեցուցչի, այլ մարմին մարդոյ մահականացուի և ոչ Աստուծոյ անապականի:

Արդ արժան է հաւատացելոց և ճշմարիտ քրիստոնէից՝ ոչ մարդկեղէն մտաւք լինել արարիչ մարմնոյն Քրիստոսի, թէ Ադամ ի չորից էր ստեղծեալ, զոր և ոչ պարզ զիւրաբանչիւրան ցուցանել, զի Մովսէս հող միայն ասէ առեալ, թէ Առ Տէր Աստուած հող յերկրէ, և զայլսն լռեաց: Այլ արժան է հաւատալ աւետարանչացն որք ստուգապէս զժամանակն և զաւուրսն և զժամըն ցուցանեն: Զժամանակն թէ յետ գարնանային հասարակաւորութեանն յառաջնում ամսեան ի չորեքտասաններորդ լուսնին՝ յորում զգառն զենուին, և զաւուրսն զբաղարջակերացն, և զժամըն զերեկոյ պասեբին, և զտաւնն Հրէից, և զինքեանս զՀրէայսն, յորում կարի անմարթ էր այլազունակ հացի ի խնդիր լինել և լուծանել զաւրէնսն, զոր ոչ խաչահանունքն յանդգնէին այսպէս,

Թո՛ղ թէ արք արդարք, զոր բաւական համարեալ թողցուք:

Եկեսցուք ի զրպարտեայն ի ձէնջ ի բանն Պաւղոսի թէ Հինն անց ասաց, ապա ո՛ւր մնաց բո բաղարջն, որ ոչ նորեցաւ: Խնդրես թէ ո՛ւր մնաց, և արդ Կու ասացեր թէ ուր մնաց բո աղն, որ ի հնումն ընդ զոհսն, զոր դու առեալ ի Քրիստոսի մարմինն խառնես և ասես, թէպէտ ոչ յայտնի, թէ Քրիստոսի մարմինն անհամո՛ անկատար էր, և ես կատարեալ առնեմ: և կամ ո՛ւր մնաց բո ձէթն՝ որ ի հնումն. և կամ ո՛ւր մնաց բո Հրէական անխտիր՝ խառնակութիւնքդ ազգայնոց: Եւ արդ զի յոյժ թանձրամիտ ես՝ սիրով ըստ բեկ զիջեալ մեկնեցից զբանն: Գիտեն զիրք սովորութեամբ՝ հին գմեղսն կոչել վասն զմեկ հնացուցանելոյ, և այսպէս յորովակի մարդ հին, և Ադամ հին զմեղսն կոչէին, որպէս ասէր նոյն ինքն առաքեալ թէ Չայս գիտասջիք զի հին մարդ մեր խաչակից եղև նմա, նոյնպէս և աստ, որ ասէ, թէ Հինն անց, զիշխանութիւն և գծառայութիւն մեղացն ասէ, որպէս և ասէր իսկ թէ՛ շնորհք Աստուծոյ, զի էիք ծառայք մեղաց, և դարձեալ թէ՛ Ապատեալք ի մեղաց՝ ծառայեցէք արդարութեանն: Ապա եթէ ըստ արիւնացն իմանաս զբանն, ոչ ասաց անցանել նոցա, զոր աստուածային ձեռքն փորագրեցին՝ զորոյ Տէրն լնուլ ասացն զինքն, և ոչ լուծանել, այլ անցանել ասագ առաքեալ զորս յաւրինացն, այսինքն է զշարաթապահութիւնն, զթղփատութիւն, զզոհքն, զձենձերքն, զխորութիւն աւուրցն, զտառարեայ լուացմունն, զծերոց և զզարաց մարդկային աւանդութիւնն, զառտն վրէժխնդրութիւնն, զակն ընդ ակն և զատամն ընդ ատամն, այսորիկ որ յաւրինացն՝ զոր ասէ անցանել, և ոչ զմեծամեծ պատուիրանս. զսիրել զԱստուած և զընկերն, չսպանանելն, չցողանայն, չչնալն, չերդնուլն, պատուել զծնաւզսն, և եթէ որք զայստիկ պատուեն և պահեն՝ հրեայք, որք ոչն պահեն զայստիկ՝ հեթանոսք և Աստալտեայ երկրպագուք:

Եկեսցուք արդ ի ջուրն զոր խառնէք սուտ կարծեալք յանապակած արիւնն Քրիստոսի, և ասէք թէ աւետարանիչն Յովէ հաննէս յիշէ ի խաչին, թէ Ել ի կողից նորա արիւն և ջուր, և յեկեղեցիս յիշատակ մահուն կատարի, որպէս ասաց, թէ՛ զայս արարէք յիմ յիշատակ: Ո՛հ անտեղի անբանութեանդ. արդ ասա ինձ, ո՛ւր ասաց թէ Չայս արարէք. ի խաչին եթէ ի վերնատան. կամ զոր առաքեալ ասաց թէ Չայս արարէք, փի՛մ:

ջուր ասաց թէ զայս արարէք և յաւետարանչացն ծածկեցաւ, և բեց միայն յայտնեցաւ, և Պաւղոս անգիտացաւ, որ ասաց թէ Տէր Յիսուս Քրիստոս ի գիշերին յորում մատնէր առ Հաց գոհացաւ, նոյնպէս և զբաժակն և ասէ, այս է արիւն իմ, եւ կամ դու զո՞ր խորհուրդ կատարես յիշատակ մահուն Տեառն. զասացեալն ի նմանէ ի վերնատանն զՀացն և զբաժակն, թէ զոչ աւացեալսն ի խաչին զջուրն և զարիւն, զի ի խաչին շասաց թէ, զոր յիս տեսանէք զայս արարէք. և ի վերնատունն ուր ասաց ջուր ոչ առ, այլ զՀացն առեալ մարմինն իւր ասաց, և զբաժակն ի բերոյ որթոյ արիւն իւր, եւ դարձեալ զի զայդպիսի կարծիս բառնալ կամելով վերստին ասէ, թէ՛ Ոչ ևս արբից ի բերոյ, որթոյ, զոր Բերանն ոսկի Յովհանն Կոստանդինու եպիսկոպոսապետն մեկնէ, թէ Ասելովն ի բերոյ որթոյ զմիւս չար Հերձուածն յանդիմանէ, որ ի սուրբ խորհուրդն ջուր ի կիր արկանեն, և Քրիզոստոմոս Երևասցի եղբայր Բարսղի կրպակաւորս կոչէ զայնպիսին որ զջուրն խառնեն և ոչ խորհրդազգածս, և մեծ մարգարէն Եսայի ի վաղընջուց ամբաստանէ, թէ Վաճառականք ձեր խառնեն ջուր ընդ գինի, Իսկ եթէ բեց աւելի յայտնեցաւ քան աւետարանչացն և առաքելոցն և սրբոց Հարցն, և թեթեւացար մտաւքդ և ընդ Պաւղոսի ի դրախտն մտեր և անդ այսոքիկ բեց աւանդեցաւ ի Տեառնէ, թէ պարտ է ի Հացն խմոր և աղ և ձէթ խառնել և ի բաժակն ջուր, զի իմ մարմին՝ բացախեալ խմորն է, և արիւն՝ ջուրբ ապականեալ բաժակն, զոր յայնժամ ոչ կարացի ասել:

Արդ եթէ այսոքիկ բեց յայտնեցան, և դու Հասու եղեր անհաս խորհրդոցն Աստուծոյ, ոչ պարտի բեց անգէտ լինել և այլոց բազմաց անճառելեաց Աստուծոյ: Ասա՛ զի՞նչ զանապանու թիւն է դատաստանաց Աստուծոյ, Հետազաւտեա և զճանապարհս նորա զանհետազաւտելիսն, պատմեա՛ և զաւր գալստեանն, զի այդ ի նոցանէ ծածկեցաւ, ապա թէ այսոքիկ բեց ոչ, և դու կամացդ քոց Հետեւելով և ոչ Աստուծոյ, և կատարես զայն որ ի խաչին և ոչ զայն որ ի վերնատանն ասաց, և ասես զբաժակն ըստ խորհրդոյ ապականել, որպէս և զՀացն, արդ դու լեր նախ զինուոր և առցես սուր, թերևս և գեղարդ իսկ ըստ խորհրդոյ ժամանակին, և խոցեսցես խստութեամբ զՔրիստոս, և արկցես նախ ջուր ի սկին, և ապա զգինին, զի անդ այսպէս նախ ջուր, և ապա արիւն, թէ՛ ե՛լ ի կողից նորա ջուր և արիւն, և ապա որք

ուստնն ի քաւութիւն կամ ի դատապարտութիւն, իսկ քեզ բոլորովին դատապարտութիւն, զի զինուոր՝ և ոչ քահանայ, անարգող զՔրիստոս՝ և ոչ պատուող:

Արդ ի մէջ առեալ զբան աւետարանչացն լուծցուք թէ ել ի կողիցն Տեառն ջուր և արիւն, ոչ զխորհուրդ ջրոյն տպաւորելով թէ, պարտ է ջուր արկանել, այլ պարտ է որ յիսն հաւատան նախ մկրտել ջրով աւազանին, և ապա արեամբս կերակրել, եւ դարձեալ ցուցանելով յայտնապէս զմեռանելն մարմնով և կենդանի մնալ աստուածութեամբն, կշտամբելով զայնոսիկ ոյր ասենն կրել մարդկութեանն զչարչարանսն ոչ հաղորդեալ աստուածութեամբն, որոց և դու իսկ աշակերտիս խորհրդոցդ կատարմամբդ, զի ջուր արկանելով ոչ զմահ նորա պատուելով, այլ ապականացու զմարմին նորա խոստովանիս, որպէս և հացին խառնակութեամբ զմարմնոյն ապականութիւն, և այսպիսի կատարմունք ոչ ուղղափառի են, այլ մարդադաւան երկարնակ խոստովանողի որք ասեն մարդ լոկ չարչարեալ, և ոչ Աստուած չարչարակցեալ, զոր թէ տացուք, ոչ Ադամ փրկեալ և ոչ մեղք լուծեալ, և ոչ անէծք բարձեալ, և մեր անդրէն ի մեղս և յանհաւատութեանն:

Այլ յաղագս ժողովոյն Խառանայ զոր ասէիք թէ նորա բաժակ միայն անէին ի խորհուրդն, և քննեալ ոչ համարեցաք պատշաճ, այլ հրամայեցաք արկանել ջուր: Արդ նորա զայնոսիկ ոչ եթէ ի դոյնն ումերէ էին ուսեալք, այլ ի սրբոյն Եփրեմէ, և յայլոց ուղղափառ վարդապետացն, և յաղագս հաւատարիմ և զգաստ վերակացուացն պահելով մինչև առ ձեզ, զոր դուք ձերով տղիտութեամբդ և զայն ևս եղծէք, քաղկեդոնականացն հետեւելով կատարմանց. զոր սերմանեաց ի ձեզ զիշերագող որոմնացանն այն, դարձան և դառնազոյն բղիւմանց աղբիւրն Բարսուա, նախ եղեալ աշակերտ Նեստորի, և յաղագս այնորիկ հալածական յԱնտիոք և ի Հոռոմ, և ի Հոռոմայ յԵգիպտոս, և շրջեալ ընդ երկիր, և յածեալ ամբարտաւանութեամբ ընդ երեսս երկրի, հասեալ առկայացաւ ի ձերում սահմանի, և անդէն հարեալ հողմով հերձուածոյն իւրոյ զհաստատուն հիմնահաւատոյն և կարգաց և կատարմանց եկեղեցւոցդ սրբոյ, և եղծեաց զաւանդութիւն վարդապետաց ձերոց, զոր բազում աշխատութեամբ պահեալ, և մեծաւ ջանիւ մինչև ի ժամանակս երանելի եպիսկոպոսին Աբդիշոյ, եւ ապա յետ նորա անընդորդ

ովանք և ուսմանտեացք զկնի միմեանց տողելով, ոչ զգուշացան գեղեցիկ գանձու եկեղեցւոյդ Ասորոց և կատարմանցդ որ ի դմա, այլ առ սակաւ սակաւ գտաւ գողացեալ ի վնասակար գաղձուէ դանակած գայլոյն զոր յառաջն յիշեցաք:

Եւ արդ դարձցուք առ Հարցուածն ձեր. զոր վասն խաչ աւրհնելոյ, զի ասէք թէ աշակերտացն Հրամայեաց մկրտել, և որդիս արքայութեանն լինել, և առարեալն Պաւղոս, թէ որք ի Քրիստոս մկրտեցարուք զՔրիստոս զգեցեալ էք. արդ խաչ և ժամահար զՔրիստոս զգեցեալ են և կամ որդիք արքայութեանն են. Արդ ասա, զ՞՞՞ վ ասաց Տէրն մկրտել, և կամ առարեալ որո՞ց զՔրիստոս զգենուլ. ոչ ապաքէն մարդկան մտաւորաց և բանաւորաց, և ոչ անշունչ նիւթոց բարի կամ փայտի. նոյնպէս և որդիք արքայութեանն ասեմք լինել ոչ զանշունչ նիւթս, այլ զորդիս մարդկան որք ի ջրոյ և ի հոգւոյ ծնանին: Այլ զխաչ. զի աւրհնեմք և հեղումք ի վերայ ջուր և զինի, ոչ եթէ որդիս արքայութեանն առնեմք զբարն կամ զփայտն, այլ զաւրինակ խաչին Քրիստոսի ի նմա տպաւորեմք, որպէս յայնժամ սուրբ փայտն առիթ մահուն բեռելով ի նմա Բանին Աստուծոյ և բանայով զաղբերն կողի իւրոյ, և հեղ ի վերայ նորա ջուր և արիւն ի մարմնոյ իւրոյ, և ապա անսուրբն սրբեցաւ, և պատճառն մահու եղև պատճառք կենաց, նոյնպէս և մեք առնելով զաւրինակ խաչին Քրիստոսի, տպաւորեմք ի նմա և զխորհուրդ նորա. զի մի յոկ բարի և փայտի լիցի երկրպագութիւն Հաւատացելոց Աստուծոյ, և հեթանոսական և դիւական, զի որք առանց խորհրդոյն Քրիստոսի ի նմա կատարելոյ երկրպագանեն, արդարև արարածոյ երկրպագանեն, և ոչ Աստուծոյ արարչի: Եւ զի՝ անարժան թուի բեզ զմեռոնն ի խաչն մերձեցուցանել. զի եթէ Քրիստոս ի խաչին բեռեցաւ և ոչ անարժան Համարեցաւ, այլ զնա սրբեաց և ետ պահապան Հաւատացելոց, զինչ վնաս է թէ մեռոն մերձեցուցանեմք ի խաչն: Ապա թէ դու բաւական Համարիս զմին խաչն և զմին պատարագն, և ամենայն խաչաձևքն աւրհնեցան և պաշտելիք են, ապա և միանգամ ասաց Քրիստոս, Այս է մարմին իմ, եղիցի բեզ ամենայն հաց՝ մարմին Քրիստոսի: Միանգամ ասաց ցՊետրոս, դու ես վէմ, և ի վերայ այդր վիմի շինեցից զեկեղեցի իմ, եղիցի բեզ ամենայն տուն՝ եկեղեցի: Միանգամ ետ զիշխանութիւն երիցութեան առարեւոյն, եղիցին բեզ ամենբեան առանց ձեռնադրութեան երի-



ցունք և ևսկսկոպոսունք, Եւ զի միանգամ պատարագեցաւ և սրբութեցաւ, եղիցին բեզ ամենայն զոհք հրէականք և հեթանոսականք՝ պատարագ: Եւ զի միանգամ պատարագեցաւ և սրբեաց զեաշն. եղիցի բեզ ամենայն խաչաձեք պաշտելիք, նախ կառք Եղեկիէլի և չորք անիւքն որ ի նմա զի խաչաձեք, և ապա աշխարհս իսկ, զի չորքեկուսի, աւղ և տարբերս, և մարդ իսկ զի խաչաձե: Պաշտեսցին բեզ և բազմութիւնք աստեղաց զի խաչաձեք են, ևրկրպագես և ձկանց և թռչնոց զի խաչաձեք, պատուեսցուք և զնկարակերտ նիւթս աւղոց կամ հանդերձից. զի նշան խաչին գրոշմեալ է: Պաշտեսցին ի բէն և ազգ իշոց վայրենեաց և տնականաց, զի յայտնապէս զնշան խաչին կրեն ի վերայ թիկանց, և ապա եկեսցես յանտառս տնկոց վայրենեաց և կամ տանց դարաստանաց, զի բազումք են խաչանմանք, և պաշտեսցես և պատուեսցես զնոսա ոչ իբրև զեաշ Քրիստոսի, այլ իբրև զկաղնին Արամպոյայ: Ապա եթէ ասիցես ի ձեռն արուեստաւորի ի ձեանայն սրբել, ապա պաշտելի է նախ արուեստաւորն և ապա զործին, թէ ուրազ և եթէ այլ ինչ, և ապա յետոյ խաչն, և եթէ քո արուեստաւորն և արուեստն խաչ կատարէ պաշտելի և պատուելի, զի՞նչ փնաս է իմ յիշելն զԱստուած՝ որ յայնժամ ի վերայ խաչին, կամ յեղու ջուր յաւրինակ ջրոյն, և կամ զինն՝ յաւրինակ արեանն Քրիստոսի, և մեռոն յաւրինակ Քրիստոսի, և եթէ ես զայդոսիկ յառաքելոցն և ի կանոնաց ոչ ունիմ, և մեղադրելիք են, դու զաղելի և զհամեմելի կամ զծիւղ վմարմինն Քրիստոսի, իբրև զփտեալ և զապականեալ վէր, յորոյ առաքելոց կամ յորոյ կանոնաց առեալ ունիս, և եթէ այդորիկ բեզ արդարութիւն և ինձ մեռոնելն զեաշն՝ ոչ մեղք:

Արդ եկեսցուք որ ինչ յազազս սկզբնաւոր և երիցուցանելոյ զգիշեր քան զտիւ, և զխաւար քան զլոյս, և ասելոյ սկիզբն զերկկոյն. և ասէք թէ մեր ուսար ի Բանէն Քրիստոսի որ ասաց թէ, Արպէս եղև Յովնան ի փոր կիտին զերիս տիւս և զերիս գիշերս, նոյնպէս պարտ է լինել որդւոյ մարդոյ ի սիրտ երկրի զերիս տիւս և զերիս գիշերս: Ահաւասիկ բերանդ քո կշտամբեալ յանդիմանեսցէ զբեզ, և բանդ քո հակառակ կայ բեզ. զբանդ յառաջ հանելով և ոչ իմանալով: Զի զո՞ր ասաց Տէրն առաջին, ոչ ապաբէն զտիւն քան զգիշերն. զոր քո այլ ընդ այլոյ առեալ վարդապետես ի փնաս անձինդ և ի կորուստ աշակերտելոցդ: Իսկ եթէ զլինելն ի սիրտ երկրի իւրնդ-

րես նախ զայս ասա, թէ ինձ և բեզ չէ արժան Աստուծոյ բննիչ լինել և դատաւոր: Թէ դու որպէս ասացեր, եղեր ի սիրտ երկրի գերիս տիւս և զերիս գիշերս թէ ոչ. զի Աստուծոյ միայն հաւատալ պարտ է և ոչ բննել, զի կամք նորա կատարեալք են և ոչ կարաւտին ումեր: Ասաց Աստուած նոյի հարիւր և քսան ամյերկարել զչրհեղեղն, և ոչ յերկարեաց, այլ ի հարիւր ամին ան, յորժամ զայն յաւզուտ դատեցաւ: Ասաց Աբրահամու պանդխտանալ զաւակի նորա ամս չորերհարիւր, այլ յերկերիւր և ի հնգետասան ամին ելին յեգիպտոսէ: Սահմանեաց և ծառայութեան ժողովրդեանն ի Բաբելոն ամս եւթանասուն, այլ փութով ի հասարակել ամացն ելին: Ասաց և աստ վասն մարմնոյն իւրոյ ի սիրտ երկրի լինել զերիս տիւս և զերիս գիշերս և եղև. զի ի հինգշարաթին ետ զմարմինն աշակերտաց իւրոց. և ուրբաթին իւր գիշերաւն, և շաբաթն իւր գիշերաւն, և ի լուսանալ միաշաբաթին յարեաւ և կատարեցան երեք աւուրքն որպէս ասաց Տէրն: Իսկ եթէ անհաւատիս պսոցիկ և ասես պակաս գոյ զտիւն հինգշաբաթին, և ըստ բուժ գգիշերն դնելով սկիզբն ոչ կարես ցուցանել. զի զերեկոյն ուրբաթին և իւր տիւն. և երեկոյն շաբաթին, և իւր տիւն, և երեկոյն միաշաբաթին և առաւատուն յարուցեալ, ահաւասիկ պակասեաց տիւն միաշաբաթին: Թէ որպէս խնդրես և կատարես, արժան է բեզ զյարութիւն Տեառն երկշաբաթի ասել, և սուտ առնել զաւետարանիսն որք ընդ առաւատս և ընդ արեւագլն ասեն լինել յարութեանն: Այլ պարտ է մեզ հաւատալ աւետարանչացն և սուրբ հոգեկիր հարցն՝ որք ասեն զյարութիւնն ի միաշաբաթուոյ եղեալ, և զերիս աւուրս կատարեալ որպէս ասէ Եփրեմ զուրբաթին յերկուս բաժանեալ խաւարմարն և կրկին լուսաւորելովն: Եւ դարձեալ փութացուցանել ասէ Տեառն զյարութիւնն վասն տկարութեան աշակերտացն, զի Յուդա խեղդեցաւ, և Պետրոս ուրացաւ, թերևս այլք կրելոց էին ասպիսիք, վասն այնորիկ կանխեաց զժամ յարութեանն: Իսկ Յովհանն Ասկեբերան, և այլք ի մեկնչացն ասեն զկանխագոյն յառնելն Տեառն, յաղագս հաւատարիմ ցուցանելոյ զյարութիւնն և առանց կարծեաց, զի մի յամելովն կարծիցեն գողանալ զմարմինն, և ժխտիցեն զմեծասքանչ զարութիւնն վասն այնորիկ մինչ պահպանքն մերձ էին և զգոյշ թ պահպանութեանն, և կնիքն ի վէմն նորոգ, և կանայքն տրրա

մեալք հանդեպ նստէին, և հրեայքն խոկային լինել զյարու-  
թիւնն, արար վաղվազակի զյարութիւնն իւր, զի առ հասա-  
րակ ամենեքեան եղիցին վկայք յարութեանն յառաջ քան ըզ-  
ժամադրութեանն ժամանել ժամ, և պահապանք որք մերձ, և  
կանայք որք կանխադոյն տեսին, և հրեայքն՝ որք լուեալ ի  
պահապանացն արծաթ խոստանային տալ, և շարժել երկրին  
և թաւալեցուցանել վիմին, և աւետել հրեշտակին առ կանայսն,  
և երևումն Տեառն, և ի Գալիլեա, փութացուցանել զաշա-  
կերտսն, և անդ նոցա երևեալ: Արդ եթէ այսքան ամենայնք  
յառաջ քան զկատարումն երից աւուրցն եղև. և բահանայա-  
պետքն և դպիրքն ի մէջ այսչափ վկայից ստացուցանել ջանա-  
յին զյարութիւնն, և համբաւէին զողանալ աշակերտացն, որք  
և անձանց իւրեանց չէին բաւական յապահով լինել յերկիրդէն.  
զի՞նչ ապա հանդերձեալ էին ասել թէ յամելով, և յետ դնա-  
լոյ պահապանացն եղեալ էր այս վասն լինելոյ ի սիրտ երկրի:

Իսկ յաղագս սկզբան աւուր, թէ երեկոյն եթէ առաւու-  
տըն, ոչ է արժան մեզ յանձն ապաստանել և ի մէջ յառաջ  
բերել բան. այլ երթիցուք ի սկզբան արարութեան և ի մեծ  
մարգարէն Մովսէս որ ասէ, Ի սկզբաննէ արար Աստուած զեր-  
կին և զերկիր: Ահաւասիկ զերկինն վերին ասաց, որ է լոյս,  
բանզի հուր ասի. զի ընակեալքն ի նմա հրեղէնք որպէս ասէ  
մարգարէն, թէ Ջպաշտանեայս իւր հուր կիպելոյ. և կայանս  
ունին ինքեանց զարփին վերին: Ապաքէն ցուցաւ առաջին լոյսն  
և ոչ յետին. զի երկրորդս իրին երկիր գոյացեալ և առագաս-  
տեալ աւղոյդ խոտութեամբ միջոցն երկնի, երկրի ստուերք  
գործեցան ի վերայ արարածոց. վասն այսորիկ դարձեալ ասէ  
աստուածայինն Մովսէս թէ, Եղիցի լոյս: Եւ եղև լոյսն թա-  
փանցիկ ի մէջ աւղոյ, և ստուերք տարերց չբաւորեցան. բան-  
զի ոչ եթէ ի ստուերէ գոյացան արարածք, որպէս ոմանք բար-  
բանջեն, այլ լուսով զարդարեցան. զի թէպէտ և ոչ էր գոյա-  
ցեալ արեգակն մինչև ի չորրորդ աւրն, սակայն փոխանակ ա-  
րեգական, հեղեալ լոյսն տարածանէր զճառագայթս իւր մինչև  
յերկոտասան ժամս տուրնջեան, և ապա տեղի տուեալ ամփո-  
փէր յեթերն վերին և յառաջիտաղացեալ ստուերացն գիշեր  
գործէր: Վասն այսորիկ ասաց Մովսէս, թէ կոչեաց Աստուած  
զլոյս տիւ, և զիսաւարն գիշեր, և ոչ ասաց աւր, մինչև ցլնուլ  
երկոտասան ժամու գիշերոյն, և վերաբերեաց առաւաւտուն

զսկիզբն երկրորդ աւուրն. ապա ասաց աւր առաջին՝ Արդ եթէ զիշերն է սկիզբն աւուրն. ընդէր յետ երեկոյին անցանելոյ ոչ ասաց աւր երկրորդ, այլ մի. բանչի վկնի նորին ասաց թէ, արար զհաստատութիւնսն զերկինդ որ երեւի և ամենեցուն յայտնի՝ թէ երկրորդին է ստեղծուած աւուր: Բայց Աստուածային բանն լուսաւորչ անուն, մինչև ցկատարուան երկրորդ գիշերոյն, և սկիզբն երրորդ տուրնչեանն, ապա ասաց զնա աւր երկրորդ: Եւ յետ սորա պատմէ զժողովուան համատարած ջրոյն, և զերևումն բուսոց և տնկոց, և զգաշտաց դալարաբերութիւն, և այսոքիկ երրորդ աւուր ստացուածք, զորոյ պանունն առնութեւր ոչ զրոշմեաց մինչև ցժողովն երրորդ գիշերուոյն, և ի մուտս չորրորդ տուրնչեանն, ապա անուանէ զնա աւր երրորդ: Եւ յետ սորին զեղելութիւն լուսաւորացոյ թէ, Արար Աստուած զլուսաւորն մեծ յիշխանութիւնսն տուրնչեան և զլուսաւորն փոքր յիշխանութիւնսն զիշերոյն. և պատեղս, որ և յոյժ տխմարաց է յայտնին՝ թէ ի չորրորդ աւուրն են գոյացեալ տարր լուսաւորացոյ, զորոյ պանունն ոչ բացայտեաց մինչև ցկատարուան չորրորդ երեկոյին, և ի սկիզբն հինգերորդ տուրնչեանն, ապա կոչէ աւր չորրորդ: Եւ առ ետեղ պատմէ զեղելութիւն թոչնոց և ջրդաւղակ զեռնոց և զծովային կենդանեաց, և այս հինգերորդ աւուրն է գործ, զորոյ զանունն ոչ ակնարկեաց մինչև յաւարտումն հինգերորդ գիշերուոյն սկիզբն վեցերորդ աւուրն, ապա ասաց զնա՝ աւր հինգերորդ: Եւ աստանաւար ասէ զլինելութիւնսն զպապանաց և սողնոց, և անասնոց կենդանաստեղծութիւն և զմարդն ըստ պատկերի Աստուծոյ եղեալ: Արդ ո՛ւմ ոչ է յայտնի ի վեցերորդին ստեղծեալ զմարդն ձեռամբ Աստուծոյ, սակայն ոչ ունի զանունն առնութեւր տիւն, յորում վայրի և իշխանութիւնսն տուեալ ասի նախաստեղծ մարդոյն ի վերայ ամենայն երկրածին կենդանեացս, և զաւղական զեռնոց և ջրաթոխ թոչնոց, և ի վերայ հողածին տնկոց և մրգաբեր փայտից, և հասեալ առ երեկն, և զանց արար մինչև առաւաւտն սկիզբն եւթներորդի տուրնչեանն, ապա ասաց զաւրն վեցերորդ ի հաւարել զիշերային մասանց, և ի նմին վայրի ասէ, թէ Կատարեցան երկինք և երկիր և ամենայն զարդ նոցա, և Կատարեաց զամենայն զգործ իւր զոր արար. և հանգեաւ յաւուրն եւթներորդի յամենայն գործոց իւրոց, զոր սկսաւ առնել Աստուած: Արդ

ժւր իցէ երիցութիւն գիշերոյն ո՛վ իմաստունը յաւէտ եթէ յիմաբք:

Եւ դարձեալ նոյն ինքն աստուածայինն Մովսէս ի պատուհասական հրամանին և ի համաջինջ նաւակոծութեանն գրէ թէ, Եղև անձրևն զբառասուն տիւ և զբառասուն գիշեր. և աստանաւր ոչ փոխեաց զկարգն, թէպէտ և ոչ աստեղը երեւէին: Եւ Աստուած յանցանել ջրհեղեղին ուխտադէր նոյի զանցեալ կարգն, ասելով թէ Յուրտ և տաւթ, ամառն և զարուն, զտիւ և զգիշեր մի՛ դադարեսցեն: Եւ Մովսէս վասն տալոյ կտակի աւրինացն գրէ այսպէս. թէ, Եղև յետ բառասուն տուրնջեան և բառասուն գիշերոյ, ետ ինձ Աստուած զերկոսին տախտակս բարեղէս. և դարձեալ եթէ Զբառասուն տիւ և զբառասուն գիշեր հաց ոչ կերայ և ջուր ոչ արբի. և յայտոսիկ և մի գիշեր ոչ յառաջեաց բան զտիւ: Իսկ Յովբայ մատենագրութեանն, թէ եկեալ ըրբեկամքն նստէին շուրջ զնովաւ զինն տիւ և զինն գիշեր, և մարգարէն Դաւիթ իսկ զբան սաղմոսին, երանելով զայնոսիկ որ զաւրէնսն Տեառն խորհեացին ի տուէ և ի գիշերի. և թէ Արար զարեգակն յիշխանութիւն տուրնջեան և զլուսին իշխան գիշերոյ, և դարձեալ թէ, Ի տուէ կարդացի և գիշերի առաջի բո. և թէ՛ Արեգակն ի տուէ բեզ մի մեղիցէ և լուսինն ի գիշերի: Իսկ համարձակախաւսն Եսայի ազաղակէ ի գիմաց Աստուծոյ և ասէ. Ես եմ Աստուած որ արարի զլոյս և հաստատեցի զխաւար դարձեալ ի վերայ արգարացեալ ժողովրդեանն ասէ, Աչ եղիցի բեզ արեգակն ի լոյս տուրնջեան և ոչ լուսինն ի փայլումն գիշերոյ: Իսկ նորագոյն մարգարէն Երեմիա Տէր Տէր զաւրութեանց որ ետ զարեգակն ի լոյս տուրնջեան և զաստեղս և զլուսին ի լոյս գիշերի: Դարձեալ թէ զլոյս տուրնջեան ոչ հաստատեցի, ապա անարգեսցի պետութիւն զաւակին Դաւթի: Եւ երջանիկ Մանուկունքն զաժնայն արարածս յաւրհնարանութիւն ածելով, նախ զերկինս և զերկնայինսն, և ապա խոնարհեալ ի ստորակայս, նախկին ասացին տիւ և ապա գիշեր. և դարձեալ լոյս և ապա խաւար: Իսկ ի նորումս աւետարանիչքս յայտնի ցուցանեն սկիզբն աւուր զլոյս և ոչ խաւար: Նախ Մատթէոս զի յետ մկրտութեան գրէ վասն Տեառն, թէ պահեալ զբառասուն տիւ և զբառասուն գիշեր ապա բազցեաւ Իսկ Յովհաննէս զձանապարհորդութիւնսն Եւ եղև նմա անցանել ընդ Սամարիա, և էր ժամ

իբրև վեցերորդ, և Յիսուս վաստակեալ նստէր ի վերայ աղբւրըն: Եւ դարձեալ նոյն ինքն Տէրն ասէր առ Քովմաս յորժամ երկնչէր ի Հրէաստան գնալոյն. թէ ոչ ապաքէն երկոտասան ժամ է աւուրն, որ գնայ ի տուրնչեան ոչ զայլթակղի, իսկ որ գնայ ի գիշերի գայլթակղի Եւ դարձեալ զժամ չարչարանացն Տեառն ասէ, թէ Էր ուրբաթ գատկին և էր ժամ վեցերորդ, և Հանին զնա ի խաչ. դարձեալ թէ՛ Ի վեցերորդ ժամու խաւար եղև ի վերայ երկրի: Արպէս դու կարծես, և ետեկոյն է սկիզբն աւուրն, և ժամ խաւարին վեցերորդ էր աւրն, ապա զի՛արդ ի մէջ գիշերի խաւարն, կամ ո՛րպէս խաւարեցաւ արեգակն, զի ի մէջ գիշերի արեգակն ոչ երևի և ոչ խաւարի: Իսկ ի պատմել սրբոց աւետարանչացն զաւետիս Միածնին յարութեանն՝ յայտնապէս ցուցանեն զորոշումն աւուրն, զի ասէ Մատթէոս, թէ Յերեկոյին շարաթին յորում լուսանայր միաշարաթին տես. զերեկոյն շարաթին ասաց, և զլուսանալն միաշարաթին: Իսկ Մարկոս, ևս յայտնի, թէ Իբրև անց շարաթն, պատրաստեցին խունկս եւղս, և ընդ առաւաւտս միաշարաթին գան ի գերեզմանըն: Նոյնպէս և Ղուկաս ասէ: Իսկ Յովհաննէս յետ յարութեան ժամուն զգալն առ աշակերտսն դրաւքն փակելովք ասէ, թէ Էր երեկոյ միաշարաթուչ աւուրն, և դրաւքն փակելովքն եկն, ուր էին ժողովեալ աշակերտքն, տես զի զերեկոյն միաշարաթին ասաց, և ոչ երկշարաթի: Արդ՝ ուր իցէ երիցութիւն զիշերուոյն յետ այսքան վկայից մարգարէից և աւետարանչաց: Արդ անոպայ ասացին յեղուբ ստախաւսացն, և ըմբերանեսցին Հակառակամարտ խոհականութիւնք ընդդէմ սրբոյ Հոպուոյն և Հրամանայ Աստուծոյ, որ ի Հին և ի նոր կտակարանս ցուցանեն առ առաջին արարչութիւն զլոյս, և սկիզբն աւուրն զտիւն և զգիշեր, և յաղագս այսորիկ այսչափ շատ լիցի:

Իսկ վասն Հարցմանդ զմեզ թէ զճնունդ և զյայտնութիւն ի մի կատարէք, որպէս առաջին հարքն որք յառաջ քան զժողովն Քաղկեդոնի: Արդ թէ այնորիկ խոտելիք են՝ զոր նոքայն ուսուցին կամ կանոնեցին, արժան է բեզ և զուղիղ խոստովանութիւն՝ զոր ունիմ ի ժողովոյն Նիկիայ ՅԺԸ. իցն, և կամ զճԾ. իցն, որ ի Կոստանդնուպայլիս, և զՄ. ոցն որ յԵփեսոս թողուլ, և դաւանել ժողովոյն Քաղկեդոնի, և լինել մարդսպաշտ փոխանակ աստուածապաշտի: Իսկ զբնութիւն կամ զտովորութիւն կամ զուսումն զոր ասես դու, ի վերայ արարածոց ասի, և ոչ ի վերայ

արարչի: Եւ զհարգ ոչ հաւատաս դու Գարրիէլի որ ասաց առ կոյսն թէ, Հոգի սուրբ եկեսցէ ի բեզ, և զաւրութիւն Բարձրելոյն հովանասցի ի բեզ, և թէ Որ ծնանելոցն է սուրբ է, և որդի Բարձրելոյն կոչեսցի և դարձեալ առ Յովսէփ ասէ թէ, Մի երկնչիւր առնուլ առ բեզ զՄարիամ կին բո, զի որ ի նմա ծնեալ է ի Հոգւոյն սրբոյ է: Արդ՝ ոչ ասաց յղացեալ կամ ստեղծեալ, այլ թէ ծնեալ, վասն զի աստուածային էր գործն, և ոչ բնութեան կամ սովորութեան ծնունդ, զի թէ սովորութեան կամ բնութեան կիրք գոյին անդ, պարտ էր ասել հրեշտակին, թէ որ ի նմա սաղմն ստեղծանի, զի ի վեց աւրն սաղմն արիւնանայ և յետ բառասուն աւուր ապա գոյացեալ բոլոր անդամաւր մարմնոյն շնչանայ, որ է սովորութիւն բնւթեան և ոչ աստուածային տնտեսութիւն: Իսկ Քրիստոսի պսոթիկ ոչ պսպէս, այլ անդէն ընդ ասել հրեշտակապետին թէ Հոգի սուրբ եկեսցէ ի բեզ, բոլոր անդամաւր և շնչով գոյացեալ եղև Բանն Աստուած:

Ելլ զի գրեալ էիք թէ ոչ թէ անդիտութեամբ եդան տաւնքս այս յեկեղեցիս Հոռովմոց և Յունաց և Եզիպտացւոց և Ասորոց, այլ ի կանոնաց և իմաստուն վարդապետաց, արդ ասացից բեզ թէ յորո՞ց վարդապետաց ընկալան Յոյնք, որոց յետոյ և դու աշակերտեցար: Արտեմոն ոմն սուտանուն աշակերտ Յովհաննու աւետարանչի, ի վերայ գեղեցիկ սերման աւետարանչացն և առաքելոցն որոմն սերմանելով որպէս ի սկզբանն բանսարկուն յԱզամ յոյս աստուածանալոյն, և վասն պսոթիկ դիւրալուր եղեալ որք ընկալան, ոչ վասն տաւնասիրութեան կամ առաւել փառս վարկանելոյ բաժանեցին զմի տաւնն յերիս՝ յԱւետիս և ի Ծնունդ և ի Մկրտութիւն, այլ վասն հեշտասիրութեան և որովայնամոլութեան: Եւ վասն պսոթիկ ասեն լինել զյուլութիւն Եզիպտոսի յեկեղեցիորդ ամսեանն թշրինի տասն, ի քաւութեան տաւնին, և սեպտեմբերի ի քսան և հինգն, և անտի մինչև ի քսան և հինգն մարտի թուեն ինն ամիս և հինգ աւր, և անդ ասեն զաւետիս կուսին և անտի մինչև ի քսան և հինգն դեկտեմբերի ինն ամիս և հինգ աւր ժողովն յգութեան կուսին և ծնունդ կատարեն և յետ երկոտասան աւուր ի վեցն յունուարի յայտնութիւն: Արդ՝ ոչ է արժան ճշմարիտ և ուղղափառ բրիստոնէից հաւանել խոտոր հերձուածոյն Արտեմոնի, որ հակառակաբար սրբոց աւետարանչացն ասաց զյղութիւն Եզիպտոս-

բեթի ի տասն թշրին յաւուր քաւութեանն. որ յոյժ է անտեղի: Զի զիւրոք մարթ էր քահանայապետին յետ այնպիսի սոսկալի տեսեան, և ի սրբութիւն սրբութեանցն մտանելոյ, ի կին իւր գնալ. զի ամենայն Խորայեղ, յամենայն քաղաքաց Հրէաստանի և Գալիլիայ վասն գլխաւոր տաւնիցն քաւութեան և տաղաւարահարաց յՆՐՈՍաղէմ ժողովէին նուիրաւր և պատարագաւր, և նուիրիչ ընծայից և պատարագացն ինքն Չաքարիա էր՝ զիւրոք զամենայն արտաքս ընկեցեալ, առ կին իւր զնայր: Զի թէ որդիքն Հեղեայ յանխորհուրդ յաւուրսն յաղագս պղերգութեանն ի պաշտաւնն, այնպէս անրուժելի դատաստանաւ պատժեցան. զի նչ ակն ունէր կրել Չաքարիա, թէ ի քաւութենէ տաւնին, յորում միանգամ ի տարուջն ի սրբութիւն սրբութեանցն մտանէր յաւրինակ Քրիստոսի միանգամ պատարագին, յայսբան խորհրդական աւուրս խորհրդածուն ի կինն մերձ գնայր: Եւ դարձեալ զեւթնաւրեայ տաղաւարահարացն զպատարագս և զնուէրսն յաւրինակ եւթնաւրեայ աշխարհիս տաղաւարահարաց. և ի գաղթականութեանս թողեալ զայնպիսի նշանաւոր տաւն ի կինն իւր զնայր: Հանդերձ այսու դարձեալ և տունն Չաքարիայ ոչ էր յՆՐՈՍաղէմ, այլ ի լեռնակողմն վիճակին Յուդայ, որպէս վկայէ աւետարանիչն Ղուկաս, թէ Յաւուրսն յայնոսիկ յարուցեալ Մարիամ փութանակի գնաց ի լեռնակողմն քաղաք մի Յուդայ ե եմբւտ ի տուն Չաքարիայ, և ևտ ողջոյն Եղիսաբեթի. և դարձեալ ասէ, թէ յետ կատարելոյ աւուրցն այնոցիկ գնաց ի տուն իւր Չաքարիա, և դարձեալ թէ Իբրև լցան աւուրք պաշտաման նորա:

Արդ՝ աւուրք պաշտաման կոչէ աւետարանիչն զքաւութեան տաւնն և զտաղաւարահարացն զոր ի միասին տաւնէր ամենայն Խորայեղ յեւթներորդում ամսեան ի թշրինի տասն սկսանէր աւր քաւութեանն և կատարէր ի հնգետասան նորին ամսոյ, և տաղաւարահարացն ի հնգետասան թշրին ամսոյ սկսանէր, և կատարէր ի քսան և երկուսն նորին ամսոյ, և ապա արձակէր ժողովուրդն յիւրաքանչիւր տունն: Վասն այսորիկ զրէ աւետարանիչն Ղուկաս, թէ յետ աւուրցն այնոսիկ, որ են երկոտասան աւուրք երկուց տաւնիցս այսոցիկ, ապա գնաց ի տուն իւր Չաքարիա, և եղև յոութիւն Եղիսաբեթի ի քսան երեքն թշրին ամսոյ, որ լինի ի հոկտեմբերի յինն, և աստի մինչև յաւետիս կուսին ի նիսան ի տասն և հինգն, և յապրիելի յեւթն՝



վճց ամիս ըստ Գաբրիէլի ձայնին, մինչև ցնոյնդ յունուարի ի վեցն՝ ինն ամիս և հինգ աւր, ըստ անդրանկածնութիւնն, և յորում աւուր բանիաւնութեան ամուոյն յունուարի ծընաւ, ի նոյն բանիաւնութեան ամուոյն և մկրտեցաւ ըստ վկայութեան Ղաւկայ աւետարանչի որ գրէ թէ, Կնքն Յիսուս էր ամաց իբրև երեսնից սկսեալ Արդ սկսեալ ասելով զերեսներորդ ամն ցուցանէ, յայտնապէս ՚ի վեցն յունուարի լինել մկրտութեանն, զի ըստ տոմարական արհեստի յետ քսան և ինն ամի անցանելոյ երեսներորդ զնոյն ունի հանդիպուած, որպէս սքանչելին Անդրէաս ցուցանէ, յերկերիւրեակ ըլլորին յերրորդ կանոնին զաւր արարչութեանն, և տաւնել աւետացն և զծննդեանն ամենայն ամի ըստ որքանութեան ամսոցն, զնիսան զտաւն և զհինգն, և զապրիէլի զեւթն, զյունուարի զվեցն, զմի և զնոյն պատկեր բերելով աւուրն, Այսպէս և զծնունդն և զմկրտութիւնն յորքանիս ամսոյն ծնաւ, ի նոյն և մկրտեցաւ ի Յորդանան ի Յովհաննէ, որ ի վերուստ վկայէ Հայր, Դա է որդի իմ սիրելի, և Հոգին ալաւնակերպ ի վերայ իջեալ փառակցին իւրոյ, ցուցանէր զաւն Աստուծոյ և բարձող մեղաց աշխարհի, Ասան այսորիկ և եղբայր Տեառն Յակովբոս և Կիւրեղ ամոռակից նորա ի միում աւուր ի վեցն Յունուարի կանոնեցին զծնունդն և զմկրտութիւնն զի մի բաժանեցի խորհուրդն սքանչելի Եւ վկայ հաւատարիմ Աստուածաբան՝ ի վարդապետութեան Երաթայիցն ասացեալ, թէ Երիս ծնունդս գիտէ մեզ բանս որ ի մարմնոյ և ի մկրտութեանէ և յարութեանէ, և զայս ամենայն ինքեամբ պատուեալ իմ Քրիստոս երևի:

Եւ արդ տես զԴարդ բաժանէ, զմին փչմամբ առաջնովն և կենդանականաւ, և զմիւսն մարմնանալովն և մկրտութեամբն, իսկ զմիւսն յարութեամբն՝ զոր ինքն սկսաւ Արդ առաջին ծնունդ Քրիստոսի այս է, յորովայնի կուսին ի Հոգւոյն սրբոյ, որ է փչումն առաջին և կենդանական, զի յաւելն Գաբրիէլի, թէ Հոգի սուրբ եկեցցէ ի բեզ, յառաջեաց Բանն շարառեաց իւր մարմին, բանչի և ոչ ըստ բնութեան մարդկան և յառաջանալոյ առ սակաւ սակաւ ստեղծագործիւր մարմինն տէրունական այլ իսկ և իսկ իբրև զբառասնաւրեայ գոյացեալ եղև, զոր ծնունդ առաջին կոչէ: Եւ վկայ հրեշտակն, որ յառաջ բան զծնանելն ըստ երևութի ի մարմնոյ ծնեալ ասաց, թէ Յովսէփ որդի Դաւթի մի երկնչիւր առնուլ առ բեզ զԴարիամ կին բո, զի որ ՚ի նմա

ծնեալ է ի Հոգւոյն սրբոյ է, որպէս և Բասիլ կեսարացի մեկնէ  
զբան հրեշտակին, թէ վասն է՛ր ծնեալ ասաց և ոչ ստեղ-  
ծեալ: Իսկ երկրորդ ծնունդ՝ զմարմնանալն այսինքն զմարմնով  
յառաջ գալն ի կուսէն, և զմկրտութիւնն առանց բարժանման  
ասէ պայտսիկ:

Արդ ամաչեսցէ Արտեմոն, յամաւթ լիցի և ժողովն Քաղ-  
կեզոնի, զի ոչ կարեն ցուցանել առանձնական տաւն մկրտու-  
թեանն Քրիստոսի, ոչ ի Յակովբայ եղբաւրէ Տեառն և ոչ ի Պիւր-  
ղէ, և ոչ գտանէ որ յընթերցուածագիրն, զի թէպէտ և զրե-  
ցին աւետարանք և առաքեալք և պրակք առաքելոցն, Ղուկա-  
սու զմկրտութիւնն Քրիստոսի, այլ ոչ հրաման սահմանեցին  
կատարելոյ որպէս ծննդեանն, վասն ի ծնունդն լինելոյ մկրտու-  
թեանն, և ոչ բաժանելոյ: Եւ վկայ մեծն Բարսեղիոս՝ որ ի Հա-  
ւատոց գիրն այսպէս ասէ թէ Մեծքն և կարեորագոյնքն բրիտ-  
տոնէութեանս ոչ զրեցան, այլ աւանդութեամբ ունիմք ի կա-  
տարմանէ նոցա և յաւրինակէ. և ոչք են պտորիկ ընդ արեւելս  
յաղաւթս կալ, մկրտութիւնն, և իւղն սրբութեան զոր միւռոն  
անուանեմք, ձեռնադրութիւնք ամենայն աշտիձանաց, և որ այլն  
Արդ գիտեմք թէ յայտնեցաւ ի մկրտութեանն, բայց ի ծննդ-  
դեանն ընդէր թաքեաւ. ո՞վ բարժանողք, ոչ ապաքէն ի ծննդ-  
դեանն յայտնեցաւ երկնաւորաց և երկրաւորաց, ի յերկինս հրեշ-  
տակաց յայտնեցաւ. և ի հրեշտակացն հովուացն յայտնեցաւ և  
յաստեղէն մոգուցն յայտնեցաւ, որ և անրանիցն յայտնեցաւ ի  
մարի և ի բարայրի, և այս է տաւն ծննդեան և յայտնութեանն  
Քրիստոսի, ըստ բարձրաձայնութեան մեծին Գրիգորի Աստուա-  
ծաբանի ի Ծննդեան ճառին, Այժմ, ասէ, Աստուծոյ յայտնու-  
թեանս տաւն է, բանչի երեւեցաւ Աստուած՝ մարդ ծննդեամբ:  
Եւ զարձեալ նոյն ինքն վերագրէ զճառն ի յայտնութեանն Քրիս-  
տոսի, և սկսանի ի ծնունդն թէ, Քրիստոս ծնեալ լինի և ի  
միոլմ աւուր ասէ մկրտութեան ճառին, թէ Մկրտութեան է աւ-  
րրս, և պարտ է վաստակել, և ոչ ասաց թէ յայտնութեան է  
աւրս, թէպէտ է, զի զծնունդն գիտէ յայտնութիւն. Եւ Բասիլիոս  
ի Քրիստոսի ծնունդն յիւրականն, և՛ս յայտնագոյն ասէ մերձ ի  
կատարումն ճառին, թէ Անուն գիցուբ տաւնիս մերոյ Աստուա-  
ծայայտնութիւն. Եւ արդ զի բազում են յայտնութիւնք ի հարցն  
սրբոց և ի վարդապետաց, բայց մեր զչափաւորութիւն սիրեալ  
դադարեսցուբ զբանս:

Եկեսցուք յուզիղ խոստովանութիւնդ որով ընդ մեզ միաբանիք, և եղծեալ կարգաւքդ Քաղկեդոնականացն Հետեիք կատարմանց, յորմէ ոչ աւգուտ և փրկութիւն: Զի զինչ աւգուտ բերանով խոստովանել, և գործովք ուրանալ զի Հաւատք առանց գործոց մեռեալ են, որպէս և գործք առանց Հաւատոց: Եւ արդ պարտ է մեզ Երեմիական հոգւովն հառաչել ի վերայ անզգայ հիւանդութեանդ և անզիւտ կորստեանդ, զի երկնեաց երկիր, և ծնաւ ազգ մի ողջոյն, զոր կորոյս տգիտութիւն, և հնացեալ սովորութիւն հին հերետոտացն: Արոց իմաստունն անգուտ ի վերուտ աղաղակէր, թէ Հայեաց ի բեզ մի գուցէ շաւիղ ուլուց իցէ երեւալն. որում անընտրող եղեալ Հետեիք զընդարձակն գնալով պողոտայ բազմացդ ուղեկցութեամբ զի բազումք են կոչեցեալք, և սակաւք ընդրեալք: Զինչ աւգուտ է բեզ ի բազմութենէ ուլուցն, և կամ որ շահ ի բազմութենէ ձախակողմանցն: Արդ ընդրեալ դու զսակաւութիւն յորենոյ, և մի զյաճախութիւն յարդին, զնիւթ յաւիտենական հրոյն զթեթեւացեալն հողմով ամբարտաւանութեամբ յունական յոթորտանաւքն, որք և արգարե են որդիք անհաւանութեան, որք զուղիղ խոստովանութիւն հաւատոյ առաքելոց և վարդապետաց սրբոց եղծին, և ոչ կացին յուխտին Տեառն. և ըստ պատուիրանացն Աստուծոյ ոչ կամեցան գնալ, այլ եղեալ իմաստունք յինքեանս և յաչս անձանց խորհրդականք, ոչ հնազանդեցան Արդւոյ ասաւղին թէ, Ար ոչ հաւատայ Արդւոյ, ոչ տեսցէ զկեանս, եթէ բարկութիւնն Աստուծոյ մնայ ի վերայ նորա: Կարծեցեալք պատուել աւելի տաւնիւք և կատարմամբք, գտան անկեալք ընդ նզովիւք առաքելոյ որ ասացն Թէ որ աւետարանեսցէ ձեզ աւելի բան զոր առնէքն, նզովեալ լիցի: Արդ զիբեզ և նոցայն աւրինակ տաւնից և կատարմանց, որ հպաւրտպէս փախչիս ի մարդադաւան խոստովանութենէ նոցա, ընդէր կատարմամբ խորհրդոյդ հաղորդիս ապականեալ խառնուածով զանապական մարմինն Քրիստոսի, և մարդ մահկանացու ցուցանել զանմահն Աստուած, ապաստանել ի մարդ և ոչ յԱստուած, ուստի անէծք և ոչ արհնութիւն, զի գրեալ է թէ, Անիծեալ որ եղ յոյս իւր ի մարդ, որոց սպառնայ փողն տարսովնացի թէ Արհամարհեալ ուրուք զաւրէնսն Մովսէսի, առանց ողորմութեան երկու կամ երեք վկայիւք մեռանէր, իսկ որչափ սաստիկ պատժոց արժանի համարեսցիք զայն՝ որ զորդին Աստու-

ժող առ ոտն եհար, և զարիւն նորոյ ուխտին խառնակ համարեցաւ, որով սրբեցաւ, և զհոգին շնորհաց թշնամանեաց. և դարձեալ թէ, Իմ են վրէժինդրութիւնք, ասէ, Տէր, և եթէ Ահ մեծ է անկանելի ի ձեռս Աստուծոյ կենդանոյ: Երկիցուք, սիրելիք, աղաչեմ փութացարուք զերծանել յայնպիսի ահագին սպառնալեաց. զի թէ որ կամակից լինին՝ դատին ըստ Պաւղոսի, որչափ ևս որ առնեն զնոյն և յարգեն և պատուեն և ընդունին, որոց լիցի մեզ արտաբոյ լինել: Եւ մարգարէն աղաչակէ, թէ որդն նոցա ոչ մեռանի, և հուր նոցա ոչ շիջի, և եղիպին տեսիլ ամենայն մեղեաց:

Այլ եղիցի ձեզ ամենեցուն հիւսկացդ և հաւտիցդ Տերաւոր և կարողութեամբ նորա՝ փախելի ի նոցայոցն և ի մահացու և յաւտար արաւտէ. ի վայրի դալարւոյ ընակելլ և ի ջուրս հանգստեան սնանել, ի վարս ուղիղս և ի գործս արդարութեան ըստ կամացն Աստուծոյ Հաւր մերոյ, և ի փառս միածնին: Որով և ընդ որում Հաւր, և կենդանարարի Հոգւոյն սրբոյ, փառք պատիւ և իշխանութիւն, այժմ և միշտ, և յաւիտեանս յաւիտենից:

ԶԵՂՊՊԱՐԳ Խ զՍՈՒՊՈՒՆԻ ԿՐԱՆԱՌՈՐԱ, Խ ԱՊՈՅՈՂ ԵՌԱՌՈՐ  
 ՍՈՒՐՔ ԳՐԱՌԻՍ ՎԹՈՒՄԱՍ, Խ ԳՅՆԱՌԱՆ ԻՄ ԵԻՇԵՅԷ՛ Ի ՍՈՒՐՔ Խ  
 Ի ՏԵՂՍՈՒՄԻՆ ԳՐԱՊԱՐԱԳԻՆ, ՎՄԱՆ ՍԻՐՈՅՆ ՔՐԻՍՏՈՍԻ. Խ ՔՐԻՍՏՈՍ  
 ԱՍՏՈՒՄԸ՝ ՂՅԵՂ ԵԻՇԵՅԷ՛:



**ԹՈՒՂԹ ՀՈՌՈՄՈՑ Ի ՀԱՅՍ, ՉԱՅՆԱԿԻՑ ԵՒ ՀԵՄՄԱՆՈՒՄ ԺՈՂՈՎՈՅՆ ՔԱՂԱԿԵՂՈՆԵՒ ԵՒ ՏՈՄԱՐԻ ՀԱՅՀՈՅՈՒԹԵԱՆՆ ԼԵՒՈՆԻ, ԶՈՐ ԵՐԵՐ ԸՍՏՈՒՆԺԱՊԱՏԻ ՏԷՐ ՍՏԵՓԱՆՆՈՍ ՍԻՆԵՆՑ ԵՊԻՍԿՈՊՈՍ, ՅԱՌԱՋ ՔԱՆ ԶԵՊԻՍԿՈՊՈՍՈՒԹԻՒՆՆ ԻԻՐ, ՈՐ ՎԱՍՆ ԹԱՐԳՄԱՆՈՒԹԵԱՆ ՀԱՍԵԱԼ Ի ԹԱԳԱՒՈՐԱԿԱՆ ՔԱՂԱՔՆ Ի ԿՈՍՏԱՆԴՆՈՒՊՈԼԻՍ. ԻՍԿ ՆՈՑԻՆ ՅԱՂԱԳՍ ՄԻՆԲԱՆՈՒԹԵԱՆ ՀԱԻՆՏՈՑ՝ ԸՆԴ ԶԵՌՆ ՆՈՐՈԳՐԵԱԼ, ԵՒ ԱՌԱՔԵԱԼ ՀԱՅՐԱՊԵՏԻՆ ԿԱՊԱՐԵԱՅ ԿՆՔՈՎ՛, ԶՈՐ ՈՉ ԸՆԿԱԼԵԱԼ ԶՆՈՑԱՅՆ ՀԱՅՀՈՅՈՒԹԻՒՆ ՄԵՐՈՑ ԱԶԻՄԻՅԻՍ, ԱՅԼ ԱՐՉԱՆԱՑԵԱԼ Ի ՀԱԻՆՏՍ ՍՈՒՐԲ ԱՌԱՔԵԼՈՑՆ, ԵՒ Ի ԽՈՍՏՈՎԱՆՈՒԹԻՒՆ ԵՐԻՑՍ ԵՐԱՆԵԼՈՑ ԱՐՐՈՑՆ ԳՐԻԳՈՐԻ, ԱՄԵՆԵԻՒՆ ԱՆՂԱՐԺ ՄՆԱՑԵԱԼՔ ՈՉ ԵՏՈՒՆ ՏԵՂԻ ԳՐԳՈՒԵԼՈՎ Ի ՂԱԻՂԱՑ ՈՒՂՂԱՓՍՈՒԹԵԱՆ**

**Ք**րիստոս է խաղաղութիւն մեր, որ արար զերկոսինն մի, և զմիջնորմն ցանկոյն բակեաց, զթշնամութիւնն ի մարմնի իւրուս: Քանզի այսուիկ առաքելական ձայնիւ վարիլ ի սկսանել զրոյս մերոյ առ սէրդ ձեր՝ բարիոր գոլ համարեցաք, վասն զի և բոլոր գիտումնս մեր, և նորին զրոյս հնթադրութիւն, խաղաղութեան է ուղղութիւն, և խաղաղութեան ասեմք, ոչ որպէս աշխարհս տայ, որպէս տէրն ասաց, այսինքն առ համեմատութիւն երկրայնոց իրաց տեսեցելոց, այլ զոր ինքն յերկնից երբր մեզ խաղաղութիւն, և ի հրաժարելն իւրուս շնորհեաց իւրոց աշակերտաց, յանձինս մեր ունել մեզ ախորժ է

առ Աստուած և Հայր, որպէս աղաւթիւք ասացեալ Արդ՝ զայս ոչ յաղագս սոցա աղաւթիւ միայն, այլ և վասն ամենեցուն որ հաստատան ի ձեռն բանի սոցա յիս, զի ամենեքին մի եղիյին, ըստ որում դու Հայր յիս, և ես ի բեյ, զի և սորա ի մեզ եղիցին, զի և աշխարհ հաւատասցէ, եթէ դու առաքեցեր զիս նկարագրական գոլ իւրութեան ի նա հաւատացելոց, նորին Տեառն համարեալ համամութեամբ և խաղաղութեամբ առ միմեանս կապին մեզ Որք գնորայն վարդապետութիւն պատուել գիտացին, ոչինչ պատուականագոյն բան զխաղաղութեանն բարին համարեսցին, և ոչինչ անարգագոյն բան զհակառակ նորին իմացուածս անշատողականաց բանից և մտածութեանց գիցեն, գիտելով եթէ ոչ նշանաց ցուցումն, և ոչ ճրմարիտ վարուց ուղղութիւն տարածանմամբ մարմնոյ և բախմամբ ընչից մինչև մարտիրոսութեամբ չափ, ստացողացն զազատակարութիւն առաջի դնէ՝ առանց սիրոյ եղելոցս այսոցիկ՝ Իսկ սէր, որպէս ասէ այսորիկ արուեստաւորն նկարագրող աստուածայինն առաքեալ, զչար ոչ համարի, այլ խնդայ ընդ ճշմարտութիւնն, Իսկ զոր յաղագս ընկերաց չարս մտածութիւնս, և մանաւանդ որովք յաղագս Աստուծոյ բանիւք՝ ամենին ի բաց մերժէ, որպէս խափանիչս իւրոյն ուղղութեանց գոլ զայսոսիկ համարեալ:

Արդ և մեր աղաւթելով աստուածայնոյն խաղաղութեան գոլ բարոյք, և ոչ խառնակութեամբ յոչ բարի կարծեաց յանձն առեալ ըմբռնիլ, և ոչ է տեղականաւք մեկուսութեամբք ըզբրիստոնէից համամութեանն վայելուչս ընդ նմին ի բաց հատանիլ ներեալ, զպժուուս առ ի մէնջ սիրովն Աստուծոյ ճառեմբ բանս առ ձեր աստուածասիրութիւնդ, զնկարագիր Քրիստոսի աշակերտելոյն այուրիկ լնուլ փութացար, և զհաւանումն բարեպաշտիկ և աւրինաւոր, յաղագս ի մեզ յուսոյն որ ի Քրիստոս և հաստոց ցուցանել կամեցեալք: Քանզի թէ և զատելիս եղբայրս կոչել և համարել մարգարէականն զմեզ խրատէ բանն, զի՛արդ ոչ եղբայրարար առ որ ոչ այսպէս են առ մեզ բանիւ և հոգւով սիրով, որպէս զմտաւ ածեմք, վարիլ մեզ է իրաւացի: Բայց հաւատամք յԱստուած որ յամենայնի գիտակն է զործոց մերոց և մտածութեանց. թէ զմարուր խորհրդովս մերով՝ վասն մերձակայ բանիս յուշ առնելոյ առաջի վիշախից զիւտընկալ ներգործեսցէ յանձինս ձեր, բանզի գնորին Տեառնն, և ոչ

զանձին պիտոս խնդրեմք: Քանզի զայս խորհել է իրաւացի ամենեցունց որք ի հոգեորականի պարույր եկեղեցւոյ՝ առ ի բարեաց գործոց երկրագործութիւնն վարձկանեցաւ, որոց զլուխ ուղղափառութեանն յաւրինեցաւ Բանն, զոր և փայտ կենաց անուանեալ զմեզ Աստուածաշունչ զիրք, այսու անուամբ կոչելով յորդորէ պարզարե իմաստութիւնն: Զինչ արգեւր իցէ իմաստագոյն բան զխորհելն առողջարար յաղագս Աստուծոյ և աստուածայնոցն, և անսուտ զէիցն փառս և կարծիս ըստ Աստուածաշունչ գրոց աւանդութեան ստանալն, զոր ճշմարտացէս և ի մէջ գրախօսին առ ի յԱստուծոյ տնկեալ հաւատամբ, որ առթէ և սողել ձեռնարկէ հանապազ չարութիւն աւձն, և զպատրանս բանի աստուածսիրութեան ձեով արկանէ առաջի, որպէս և ի սկլրանն աստուածահաւասար խոստմամբ նախաստեղծիցն եղ առաջի, արգելեալ լինի առ ի պահողէն բոցեղէն սրոյն զայնպիսին ծառ, այսինքն ի Հոգւոյն շնորհէ. որով անգործ լինել նորին վիշապին խորհրդոց, և ոչ զոյ արգել որ որ կամեսցի ուղղութեամբ սրտի զճշմարտութեան պտուղս, ոչ ճաշակել միայն, այլ և առատագէս վայելել, եթէ բնախն ըզձեռս ձգիցեն այսինքն զործաւորապէս և աշխատութեամբ ըզխուղողականն ճշմարիտ գիտութեամբ ի մտածութիւնս շարժեսցեն, զի յայտոսիկ հպեսցին, կեցցեն յաւիտեան:

Արդ և մեք աղաւթս առնելով համանդամայն, և փութացելք ընդ հովանեաւ պսպիսոյս իմացականի ծառոյ հանգչել հանապազ ի սորայոցս պտղոց առարել՝ ոչ մերձաւորացս միայն, այլ և հեռաւորաց փոյթ յանձին ունիմք, զոր և առ ձեր աստուածապաշտութիւնդ առնել յաւժարեցաք՝ բարիոր համարեցաք ոչինչ իրաց ի պատճառս պսպիսոյս պարզեատուութեան ունել:

Քանզի Ստեփանոս աստուածասէր բահանայ, եղեալ յայսմ աստուածապահ և ի թագաւորական քաղաքիս, ծանուցաւ մեզ եթէ ի մեր սուրբ եկեղեցիսս հաղորդել ոչ առնու յանձն, զոր ըստ աստուածայնոց աւրինաց հեղութեամբ կոչեցաք և հարցաք, թէ զի՛արդ խորհիս, և վասն զինչ պատճառի ոչ կամիս հաղորդել ընդ մեզ. և խնդրեալ գրով խոստովանութիւն ի դմանէ առաք մինչև յառաջինն որ լնփեսոս սուրբ Ժողովն արարեալ զխոստովանութիւնն: Իսկ որ ի Քաղկեդոն զսուրբ և զտիեզերական Ժողովն, և զորս յետ նորայն յիշուեմք

և ոչ բնաւ արարեալ, յուղիւք յաղագս այսորիկ հաւանակա-  
նաւք առ դա վարեալ բանիւք, և իբր զի լուսցողական աճա-  
ռաւք ներգոյիդ ի դմա կարծեաց ոչ արւեստական հնարիւք,  
այլ պարզութեամբ բարոյից, և յստակ սիրով ի մէնջ յառաջ  
բերեալ արարաք առ դա բանս: Սակայն մեզ հաղորդ լինել  
առանց ձեր ոչ հաւանեցուցար, զոչ առանց ձեր խոստովանակ-  
ցութեան առ այս գոյ դմա իրաւամբք պատճառ առաջի ար-  
կեալ, ուստի որպէս ի նորին յասա:ելում սրբասիրի առնդ զձեզ  
զամենեսեան տեսեալ. ոչինչ նուազ արարաք ըստ արժան գո-  
լոյ առ ձեզ բանս ի ճշմարտութիւն հաւանեցուցանելով, և ի  
ձեռն գրոյս խաւսից բարբառել առ ձեզ պարժանն. այսինքն  
որպէս աստուածայինն առարեալ ասէ զլաւագոյնն. և զփրկու-  
թենէ բուռն հարեալ, առաւել կարևոր համարեցար յայս ա-  
սել յառաջագոյն, բանցի և պիտանի իսկ նախ անգործ առնել  
զմտածութիւնս առ ի յանջատումն հայելոյ մեզ Քրիստոսի  
խորհրդոյն, և այնպէս որպէս ի հերկս արդարութեան ի բաց  
խլելով զգայթակղութեանն փուշս, զմերոյս իմացուածոյ ընկե-  
նուլ գսերմանիս:

Ա. Եթէ որ ոչ խոստովանի Աստուած գոլ ըստ ճշմար-  
տութեան զՅովմանուէլ, և վասն այսորիկ Աստուածածին զսուրբ  
կոյսն, բանցի ծնաւ մարմնապէս մարմին եկեալ Աստուծոյ  
Բանին, նզովեալ եղիցի:

Բ. Եթէ որ ոչ խոստովանի ընդ մարմնի ըստ անձնաւո-  
րութեան միաւորիլ յԱստուծոյ Հաւրէ Բանին մի գոլ Քրիս-  
տոս ընդ իւրոյն մարմնոյ, յայտ է զի վնոյն աստուած համան-  
գամայն և մարդ, նզովեալ եղիցի:

Գ. Եթէ որ ի վերայ միոյն Քրիստոսի որոշեսցէ զանձ-  
նաւորութիւնս յետ միաւորութեանն միայն հպեցուցանելով  
զնոսա ըստ յարակցութեան՝ որ ըստ պատուոյ, այսինքն ըստ  
իշխանութեան կամ զաւրութեան և ոչ յաւէտ ժողովմամբ ըստ  
միաւորութեան բնաւորականի, նզովեալ եղիցի:

Դ. Եթէ որ երկուց դիմաց, այսինքն անձնաւորութեանց  
զորս յաւետարանականն և յառաքելականն գրեալ բաժանէ  
ձայնս, կամ ի վերայ Քրիստոսի առ ի սրբոցն աստեղալս կամ  
ի նմանէ յաղագս իւր, և է ինչ որ մարդոյ առանց Աստուծոյ  
Բանին յատկապէս իմացելոյ հպեցուցանէ, և է ինչ զորս,



որպէս աստուածվայելուչս միայնոյ Աստուծոյ Բանին, նշուովեալ եղիցի:

Ե. Եթէ որ յանդգնեսցի ասել աստուածազգեստ մարդ զՔրիստոս, և ոչ յաւէտ Աստուած գոլ ըստ ճշմարտութեան, որպէս մի որդի ընութեամբ, ըստ որում եղև մարմին Բանն, և հաղորդ եղև միւզ մերձաւորապէս արեան և մարմնոյ, նշուովեալ եղիցի:

Զ. Եթէ որ ասիցէ Աստուած կամ Տէր գոլ Քրիստոսի զառ ի յԱստուծոյ Հաւրէ Բանն, և ոչ յաւէտ զնոյն խոստովանի Աստուած համանկամայն և մարդ, որպէս մարմին եղելոյ Բանին ըստ գրոց. նշուովեալ եղիցի:

Է. Եթէ որ ասէ, որպէս մարդ ներգործիլ առ ի յԱստուծոյ Բաննն զՅիսուս, և ի Միածնին փառաւորութիւն հպիլ, որպէս այլ գոլով բան զնա. նշուովեալ եղիցի:

Ը. Եթէ որ յանդգնեսցի ասել, առեալ մարդ երկրպագակից պարտ գոլ լինել Աստուծոյ Բանին և փառաւորակից, և ընդ նմա երեկ Աստուած, որպէս այլ յայլում, և ոչ յաւէտ միով երկրպագութեամբ պատուէ զնմանուէն. նշուովեալ եղիցի:

Թ. Եթէ որ ասէ, զմի Տէր Յիսուս Քրիստոս փառաւորիլ առ ի Հոգւոյն, որպէս այլոյ զաւրութեամբ ինչ ի ձեռն նորա փառաւորեալ և առ ի նմանէ առեալ զներգործելն կատարել ի վերայ այսոց պղծոց, և կատարիլ ի մարդիկ զաստուածային նշանս, և ոչ յաւէտ իւր նորա զհոգին ասէ, որով և ներգործեաց զաստուածայինն նշանս. նշուովեալ եղիցի:

Թ. Գահանայապետ և առաքեալ խոստովանութեան մերոյ զՔրիստոս լինել ասէ աստուածայինն գիր, և մատոյց վասն մեր զինքն ի հոտ անուշից Աստուծոյ և Հաւր. Արդ եթէ որ քահանայապետ և առաքեալ մեր լինել ասէ, ոչ զինքն յԱստուծոյ Բանն յորժամ եղև մարմին, և ըստ մեզ մարդ, այլ որպէս այլ բան զնա յատկապէս, կամ եթէ որ ասիցէ և վասն իւր մատուցանել նմա զպատարագն, և ոչ յաւէտ վասն մեր միայնոյ, բանզի ոչ արգեաւր լինէր կարաւտ պատարագի որ ոչն գիտաց զմեզս, նշուովեալ եղիցի:

Թ. Ա. Եթէ որ ոչ խոստովանի զՏեառն մարմինն կենդանարար գոլ, և իւր նորա յԱստուծոյ Հաւրէ Բանին, այլ որպէս այլոյ ուրուր բան զնա ընդ նմա զոլով ըստ արժանաւորութեանն, այսինքն, որպէս միայն աստուածային ընակութիւն ունելով, և

ոչ յաւէտ կենդանարար որպէս ասացի, զի եղև իբրև Բանին զամենայն կենդանագործել կարողին, նչովեմալ եղիցի:

ԺԲ. Եթէ որ ոչ խոստովանի զԲանն Աստուած չարչարեալ մարմնով, և խաչեալ մարմնով, և զմահ ճաշակեալ մարմնով, եղեալ անդրանիկ ի մեռելոց, ըստ որում կեանք և կենդանարար որպէս Աստուած, նչովեմալ եղիցի:

Արդ ամենայն նեստորական չարամտածութեան ի ներքոյ ընթացք ի ձեռն այսոցիկ նչովիցս նախ քան զարմատանայն ի բաց խի, և առաջի արկելովքս նորա ըստ ճշմարտութեան բանի, անգայթակղութեան առիթ լինի ամենեցուն, որք զուղղափառութիւնն ախորժեն և ոչ ի նանիր պատառել ձեռնարկեն ի վերուստ անկեալ պատմուածանն Քրիստոսի, այսինքն զնորս հաւատոցն ողջանդամութիւն: Քանզի եթէ զայն նեստոր զԸՂԸ մարտապէս դժնդակն աւճ փախուցեալ, որպէս Նսպյի ասէ, այսինքն զճշմարտութեանն պատճառս ի բաց ընկենուլ ի նստել կարթիւ զլորմամբ, այսպիսեաց բանից միայն որ ասաց մեծն Վիւրեղ. յոր ոչ կարաց զզանազանախոհ չարութիւնն իւր ցուցանել, այսինքն հնարել ինչ առ ճշմարտութիւնն, զիարդ այլովք յամենեցուն այսոցիկ խոստովանութեամբ ոչ զանպարտաւորութիւն յամենեցունց տարցի, քանզի և իւր նեստորի, եթէ զայսոցիկ ձայն խոստովանութեան էր ընկալեալ, ոչ արդեք լինէր ի բաց ընկեցեալ յեկեղեցոյ, այլ և հարդրակից զնա և եպիսկոպոսապետ համարէր Վիւրղոս ըստ որում և յիւր թուղթն գրեաց:

Այլ մեր ի խորհուրդս մեր սրբազան հիմն կառուցեալ զայսոցիկ ուղղափառ գիտոցս զաւրութիւն զամենայն աւրինաւոր ձայն ի միտս ի մէնջ յառաջ բերեալ շինել ի վերայ նորա ճեպիմբ, և երկուս ընտրութիւնս խոստովանելով ի վերայ Միածնի Որդոյն Աստուծոյ Տեսան մերոյ Յիսուսի Քրիստոսի, յետ ըստ ամենայնի նմանելոյ նորա մեզ առանց մեղաց ոչ այլ ինչ ասեմք կամ իմանամք: Բայց միայն զի Աստուած զու վ և Հաւր համադոյ, մարդ եղև ճշմարտապէս մարդկան համադոյ, այսինքն միջնորդ Աստուծոյ և մարդկան, յինքն միաւորեալ մարդկային ընտրութիւն, այսինքն ընդ իւրոյ Աստուածութեանն, ոչ ի բաց բարձեցելոյ այսոցիկ տարբերութեանց և յետ միաւորութեան, այլ մի դէմ մեզ և մի անձնաւորութիւն ցուցեալ Աստուած ըստ ճշմարտութեան մարմնացելոյ և կատարելապէս մարդացելոյ,

քանզի նախ քան զմիաւորելն, այսինքն միանալն Միածնի Բանին Աստուծոյ ընդ մերոյս ընութեան, միով և միայնով ընութեամբ զոլ զնա Հաւատամբ, այսինքն աստուածութեան էութեամբ, ըստ որում Հաւր և Հոգւոյն սրբոյ Համազոյ, Իսկ երկու ընութեամբ՝ յետ առնլոյն զոր ի մերոյս զանգուածոյ, այսինքն որպէս Աստուածութեամբն կատարեալ, այսպէս մարդկութեամբն կատարեալ և զիտեմբ զնա և քարոյցեմբ, որպէս ի նոցունց յայսցանէ յերկուց ընութեանցս մի որդի և Քրիստոս զնոյն ծանուցեալ։ Ուստի և զմի ընութիւն ասել Բանին Աստուծոյ մարմնացելոյ, որպէս նորին զոլով մտածութեան, նոյնպէս ընդունիմք և խոստովանիմք։ Քանզի ի ձեռն ասելոյն մարմնացեալ՝ այլ էութեան քան զԲանին բնութիւն յայտնումն՝ ըստ սրբոյն Կիրդի մուծանեմք, քանզի ոչ երկուս ընութիւնս մարմնացեալս ասեմք, այլ մի նորին բանին, այսինքն զնոյն Աստուածն Քան մարմնանալ մարմնով Հոգի ունաւդ և բանականիւ իմանալի։ Եւ ընութեանցն իւրութիւնսն խոստովանելով. ոչ այլ ինչ ժողովիլ յայսմանէ ախորժեմք, ըսպց զի մարմին առեալն յԱստուծոյ էութենէն ոչ աստուածութեան բնութիւն եղև, և ոչ զզոլն մարմին ի ըսպ եթող։ Եւ աստուածութիւնն մարմին Հոգեւոր, Հոգի բանական և իմանալի յինքն միաւորեալ ըստ անձնաւորութեան, ոչ ի մարմնոյն փոխադրեցաւ ընութիւն, և ոչ բնաւին ինչ յիւրոց փառաց Էն եղծ կամ փոխադրեցաւ, քանզի այսպէս խորհել մեզ յաղագս նորա ասել սրբոց Հարցն ուսուցանեն բանք։

Եւ նախ քան զամենեսին իմաստունն Կիրեղ յիւրութեանն որ ըստ ընութեանն ասելով մնացելոյ երկաբանչիւրին, այսինքն աստուածութեանն և մարդկութեանն զոլ միաւորութեան և ասաց զայս ուսուցանելով մեզ, թէ ոչ փոխադրութիւն ինչ միաւորեցելոյ ի ձեռն միաւորութեանն եղև, այլ մնաց իւրաքանչիւր ի նոցանէ զիւրոյն ընութեան անփոփոխութիւն պահելով։ Նոյնպէս և Կիրդի ուսուցիչն և վարդապետ մեծն Աթանասիոս զնոյն ճանապարհ ունի այսպիսեաց բանից և մտածութեանց, որոց զվկայութիւնսն զկնի այսորիկ զիցուր։

Արդ երկու բնութեամբք ասել զմիածին Բանն Աստուած Տէր Յիսուս Քրիստոս ի Քաղկեդոն ժողովեցելոցն ՁՃ. և Լ. ից Հարց ըստ այսմ մտածութեան իմանալ նոցա և զնել խորհիմք և Հաւատամբ, ըստ որում և խոստովանիմք զնոյն ինքն Փրկիչն

մեր և Տէր, և աստուածութեամբն կատարեալ, և մարդկութեամբն կատարեալ, վասն զի և երկուց բնութեանցն զմի և զնոյն խոստովանելով յաստուածութենէ և ի մարդկութենէ ասեմք: Եւ վկայէ մերոյս բանի յազգս պսորիկ որ յես նոցս յայսմ յաստուածապահ և յարբունական քաղաքի եղեալ. Ե. երրորդ սուրբ ժողովն, յիւրումն սահմանի գրեալ պսպէս. Եթէ որ երկուս բնութիւնս խոստովանելով, ոչ որպէս աստուածութեամբ և մարդկութեամբ զմի Տէրն մեր Յիսուս Քրիստոս ճանաչել խոստովանեսցի, զի ի ձեռն պսորիկ նշանակեսցէ զվանազանութիւն բնութեանցն, յորոց անշիւթարար անպատմելի միաւորութիւնն եղև, ոչ Բանին ի մարմնոյ փոխադրեալ բնութիւն, և ոչ մարմնոյն առ Բանին բնութիւն տարեալ եղեալ, բանյի մնայ յերկաքանչիւրսն որ ինչ են բնութեամբ, և եղեալ միաւորութեանն ըստ անձնաւորութեանն, այլ ըստ անշատման որ ըստ մասին, զպսպիսիս առնու ձայնս Քրիստոսի խորհրդոյն, կամ զթիւ բնութեանց խոստովանելով և ի վերայ նորին և միոյն Տեառն մերոյ Յիսուսի Քրիստոսի Աստուծոյ Բանին մարմնացելոյ, և ոչ տեսութեամբ միայնով զվանազանութիւն պսոցիկ տեսանելով, յորոց և շարադրեցաւն. ոչ ի բաց բարձեցելոյ վասն միաւորութեան, քանզի մի յերկաքանչիւրիցն, և միով երկաքանչիւրքըն, այլ որ պսոցիկ վարի թուով որպէս որոշեալս, և առանձին անձնաւորութեամբ զոլ զբնութիւնսն, այնպիսին նյովեմալ լիցի:

Արդ Հանրական ձայնիւ մեկնեալ զմիտս զերկու բնութեամբք խոստովանելով զՏէր մեր Յիսուս Քրիստոս, յորոց ի Քաղկեդոնն ժողովեալք, ոչ կարեմք հաւանեցուցանել զմիտս մեր, առանց դատապարտութեան լինել առ ի յԱստուծոյ, առ պս ընդդիմաբանութեանն որք ոչն ընդունին և խոստովանին անյերկուարար զպսպիսի ձայնս: Քանզի ոչ պարզարար ասացին սուրբ հարքն երկու բնութեամբ ճանաչել զՔրիստոս, այլ ամենայն ուստեք փակեալ զմիտսն Նեստորի զՄիածինն Աստուած Բանն պսորիկ ճանաչել ասացին, զի մի որ ըստ նորա ամպարըշտութեանն ասել ձեռնարկիցէ, եթէ Քրիստոսք և Տէրզ անուն ըստ իրիք համանունութեան և արժանաւորութեան հաւասարութեան Բանին Աստուծոյ և որոյ ի զաւակէն Դաւթի ըստ անշատման կոչի: Այլ ասելով զՄիածինն Աստուծոյ Բան երկուք բնութեամբք ճանաչել, զնորա չարափառութեանն մտածութիւն

ոչ փոքր ինչ ելլոյժ, որ և յորս յառաջադոյնն բաւականապէս զգուշացեալք զբարեպաշտութեանն անբատութիւն նախ բան զյաւիտեանս ծնանելոյն նորա ի Հաւրէ, ըստ աստուածութեանն յստակ խոստովանիլ, և ի սրբոյ կուսէն և Աստուածածնէն Մարիամայ զնոյն ինքն ըստ մարդկութեանն: Ջորս ձայնս որպէս պատերս զմիջս իւրոցն կարծեաց, և ոչ սուղ ինչ ի լսելիս իւր երբեք ընդունել յանձն էառ նեստոր, այլ խցեալ զականչս իւր առաւել, քան զորս ի վերայ Ստեփանոսի նախավկային սպանողարար ժողովեալքն, յաւելտ որպէս իժի քարի խցեալ զականջըս իւր զթովչին ճարտարի գաստուածայնոյ առնն զփրկական աւանդութեանցն ձայն ոչ լուեալ քանզի արդար և երանելի պրն այն յառաջնունն թղթին որ առ նոյն նեստորիոս գրեալ ի նմանէ, զայս խնդրէր առ ի նմանէ պսպլս ասելով. քանզի թէ և ճառեցաւ բան ի ժողովուրդ ընթացեալ, այլ ուղղեցի պացելութեամբք. և արժանաւորեա՞ շնորհել բան զայթազղեցելոցն Աստուածածին անուանելով զսուրբ կոյսն, զի ուրախացուցեալ գտրտեալսն, և ուղիղ փառս ունելով առ ի յամենեցունց խաղաղութեամբ և Համաձայնութեամբ ժողովրդոց կատարեսցուք զտաւնս: նոյնպէս և ի թղթին որ առ արևելեանսն ասէ պսպլս, նոյն երանելիս Սիւրեղ. քանզի պարտ էր նոցա զմտաւածել, զի գրեթէ ամենայն որ յաղագս Հաւառոյ Հանդէս մեր ժողովի Հաստատելով թէ Աստուածածին է սուրբ կոյսն:

Իսկ եթէ բնաւին երկուս բնութիւնս ասելն, որպէս մինչ նեստորի պսպլսեաւ ձայնիւ վարեալ զայթազղութիւն առնէ բազմաց, որ զայսն ածէ զմտաւ՝ իմասցի նախ ի սրբոցն Հարցող զձայնս զայս, և եթէ ոչ է պարտ վասն որոց չարաչարն իմանան զբարեպաշտութեամբ ասագեալն, զայսոսիկ ուրանալ զուղղափառութեանն բանս, վասն զի և Արիանոսացն բառս ինչ ի գրոց սրբոց առ իւրեանց չար մտածութիւնն առեալ, և ի ձեռն այսոցիկ փորձեալ զառողջութիւն Հաւատոյն որ ի սուրբ Երորդութիւնն շարժել, ոչ ուրուք որք յետ նոցայն ի բանս իւրեանց յառաջաբերելոյն զայն Հրաժարեցին: Այլ և Սիւրեղ, որ առ նոյն նեստորիոս պատերազմն էր յեփեսացոց ժողովին, յորս ջատագովն էին նմա ի Հայրականսն վարդապետութիւնս, զմեֆին Գրիգորի Աստուածարանի երեք բանս յառաջ, որ են այսոքիկ. Եթէ ոք ի ներքս բերէ երկուս որդիս, առաջին՝ զոր յԱստուծոյ և ի Հաւրէ. իսկ երկրորդ՝ զոր ի Մարիամայ, և ոչ մի

և զնոյն յորդեգրութենէն արտաքս անկցի, զոր խոստացաւ ուղիղ հաւատացելոցն: Բնութիւնք երկու, քանչի Աստուած և մարդ, վասն զի հոգի և մարմին, բայց որդիք ոչ երկուք և ոչ աստուածք, զի և ոչ աստանաւր երկու մարդք, թէ և այսպէս Պաւղոս զներքին մարդոյն և զարտաքին անուանեաց: Եւ ոչ այս միայն, այլ և առ Սեկունդոս յառաջին թղթին հաւաստեալ երկու բնութիւնս ի վերայ Քրիստոսի խոստովանեաց ասելով, Ապա ուրեմն որքան եկն ի մտածութիւն և է միայն տեսանել հոգւոյ ակամբ, թէ զինչ եղանակաւ մարդացաւ Միածինն:

Երկու բնութիւնս գոլ ասեմք միաւորեալս, բայց մի Քրիստոս և Որդի և Տէր զԲանն Աստուծոյ, մարդացեալ և մարմնացեալ, ոչինչ ի ձեռն այսպիսոյս բանի ուսուցեալ մեզ, բայց միայն զոր ինչ ի հինգերորդ սուրբ Ժողովն ուսաք ըստ միայն տարբերութեան միաւորեցելոցն իմանալ, զայսոսիկ խոստովանել, որպէս և ինքն իսկ ի թղթին սո Ղէզգէոս ասաց, եթէ Նեստորիոս յասելն երկու բնութիւնս, զզանազանութիւն նշանակելով մարմնոյն և աստուածութեանն, քանչի այլ է Բանին և այլ մարմնոյն բնութիւնն, ոչ ևս և զմիաւորութիւնն խոստովանելով ընդ մեզ, ստուգադոյնս եբեր ի վերայ, եթէ մեք զայսոսիկ միաւորեալ մի Որդի, մի Տէր, և մի Քրիստոս խոստովանիմք. և որպէս հարքն ուսուցին մի բնութիւն քանին Աստուծոյ մարմնացելոյ, քաջայայտ և առանց ընդդիմաբանութեան, եթէ միաւորութիւնն զզանազանութիւնն ոչ ի բաց եբարձ. վասն որոյ և երկուս ասեմք բնութիւնս, իսկ մի բնութիւն քանին Աստուծոյ մարմնացելոյ. յայտ է զնորին բնութեան միածնին միաւորելն յինքն ըստ անձնաւորութեան բնութեան մարմնոյ, յայտ է զի հոգւորի և իմանալոյ:

Արդ բազում ինչ և այլ բանս յաղագս այսոցիկ ունել ասելով առ ի հաւանութիւն մեզ ուղիղ և անարատ հաւատոյս, և յանդիմանութիւն առ որոց ոչ առողջապէս, և ոչ բարիօք անձանց իւրեանց զանչատումն եկեղեցւոյ Աստուծոյ հնարին առնել՝ այսոքիւք շատասցուք, խոյս տուեալ յերկայնութենէ զրոյ և Սողովմոնի հաւանեալք ասելոյն, եթէ Տո՛ւր պատճառս իմաստնոյն, և իմաստնագոյն լիցի:

Իսկ և յաղագս ներգործութեանց և կամաց կամաւորապէս արկանել ի ձեզ հոգւորականդ սեղանաւորս զհաւատացեալն մեզ տաղանդ բանի փութասցուք, զի անցեալ Տէրն ի

ձէնչ խնդրեսցէ հանդերձ տոկոսեաւք զիւրն, իսկ զմեզ ոչ իբրև զվատ ծառայս դատապարտեսցէ: Ասեմք այժմ ի վերայ Քրիստոսի երկուս ներգործութիւնս, նշանակելով զմինն և ըզնոյն ներգործել, և որպէս զմարդ, և որպէս զԱստուած, որպէս զԱստուած՝ զԱստուածայինսն, և որպէս զմարդ զմարդկայինսն. զերկաքանչիւրսն ընդ միւսոյն կցորդութեան և ոչ որոշարար և անջատապէս, այլ ի ձեռն եղելոցն որ ինչ էրն հաւատարմացուցեալ. այսինքն թէ Աստուած ճշմարիտ և մարդ անսուտ, և ոչ ըստ ցնորից ցուցեալ: Քանզի վասն ոչ հաւատալոյն ի նա հրէիցն և ասելոյ, Վասն էր դու մարդ ես և առնես զանձն բո Աստուած, և զղերաբունսն աստուածային նշանս ցուցանելով ասէր, Եթէ ոչ գործեմ զգործս Հաւր իմոյ մի հաւատայք յիս, իսկ եթէ գործեմ, թէ և ինձ ոչ հաւատայք սակայն գործոցս հաւատացէք, զի գիտասցիք և հաւատասցիք եթէ Հայր յիս, և ես է Հայր: Իսկ առ որս յետ այնորիկ հանդերձեալ էին երևել հերձուածողս և արհամարհել ըզանաւրէնութեան նորա խորհուրդ, յառաջագոյն զգուշանալով ճշմարտութեանն. թոյլ տայր մարմնոյն ներգործել զիւրսն յորժամ և կամէր, որպէս և սուրբն Գրիգորիոս ասաց նիւսացուցն եպիսկոպոս, այսինքն զանանդոսնելի գործս մարմնոյ և կիրս, ի հաւատարմութիւն անընդդիմանալի, ճշմարտապէս անդրանիկ լինելոյն նորա ի բազում եղբարս, և մերձաւորապէս հաղորդ լինել մեզ մարմնոյ և արեան: Ուստի և յետ անապականութեամբ յարութեան մարմնոյ նորա զնորին ընութիւնն հաւատարմացուցանելով ըստ մեծին Բարսղի ի կերակուր հպել արժանաւորաց:

Արդ Աստուած յաւիտենական որ միահամուռ ունի զծագս երկրի, որպէս Եսայիաս գոչէ, ոչ քաղցիցէ և ոչ ծարաւեսցի. առ և՛ քաղցեաւ և՛ ծարաւեսցաւ մարմնով իւրով: Եւ դարձեալ ասեսեալ մարդ զաստուածութեանն գործէր գործս, զի այս իսկ էր ըստ իմանալոյն, և զայս իմաստունն Նիւրեղ խրատէ զմեզ թ զանձին այսպիսի ինչ ասելով. մի Քրիստոս բարոյսն աստուածային գիրք. բանզի մի է Աստուած Հայր, և մի Տէր Յիսուս Քրիստոս, բանզի ի գործոց յորքան ինչ վայել է միայնոյ Աստուծոյ ճանաչի Աստուած: Իսկ վասն զի մարմին եղև Բանն, ըստ որում զրեալ է, պարտ էր և մարդ երևիլ, և ոչ էր այլուստ տեսանելի այսպիսի. բայց միայն ի մարմնոյն անբամբա-

սեցեալն կրից և բանից կարևորապէս, և զմարդկան վայելուչն գործէր և խաւսէր, զի արդարև ցուցցի և մարդ ելեալ և յետ սակաւուց. Քանզի Աստուած էր ճշմարիտ մարմնով և մարմին ճշմարիտ Աստուածութեամբ:

Արդ՝ որովք պարտն էր ճանաչիլ Աստուած, զայնոսիկ աստուածաբար ներգործէ, և յորոց էրն կարևոր արդարև մարդ երևիլ, զայնոսիկ գործէ և խաւսի տնաւրինելով զխորհրդոյն ճշմարտութիւն: Արդ մի որ զմեզ այսինքն ՂԱստուծոյ եկեղիցիս ձեռնարկեսցէ ըամբասել, որպէս այսպիսեաւք վարեալ ձայնիւք, ի հասարակաց խոստովանութեան հաւատոյս զմտաւածելով թէ որպէս ի ձեռն Արիանոսացն չարամտածութեան, և զուղիղ բանն առ իւրեանց գրել հերձուած, որք ի նիկիա ժողովեալ սուրբ հարքն մեր, որպէս մեծն ասաց Աթանասիոս, հետարննին եղեալք զհամագոյն եղին բառ, յաղագս որոյ հարազիւտ ինչ լինել Արիանոսացն, ոչ ուրեք եղև կար: Եւ դարձեալ զհաւատոյս նշանակ որ միշտ յեկեղեցւոյ Աստուծոյ ասի. խոտորեալ մտածութեամբ առեալ նեստորի, սրանչիլին Կիւրեղ զբոս անձնաւորութեանն միութիւն եմոյծ ի ներքս: Այսպէս և որ ի Քաղկեդոնին, և Հոսովյեցւոցն առաջնորդ երանելին Առն, չարախոհ ծերոյն Եւտիբեայ ի վեր երևեալ, և մերոյս բնութեան գոլ զՏեառն մարմին ասել ոչ առեալ յանձն, այլ յետ միաւորութեանն. մի բնութիւն մարմնոյն և աստուածութեանն զանդաշեալ, կարևորապէս առ ի բաց բարձումն նորայոցն ցնորական, և երկուք բնութեամբք ճանաչել զՄիածին Աստուծոյ Քանն՝ ուսուցին, և զերկարանչիւրն բնութիւն ներգործել ընդ միւսոյն կցորդութեան, զոր ինչ իւրն ունէր՝ ընկալան, զի ի զանապանութենէ ներգործութեանցն, զանապանութիւն բնութեանցն միոյն Տեառն մերոյ Յիսուսի Քրիստոսի ծանիցի: Քանզի ի ներգործելոյն բնութիւնն ճանաչի, որպէս երանելիքն Կիւրղոս և Նիւսացոցն Գրիգորիոս ուսուցին ի բանն իւրեանց:

Իսկ և վասն կամաց զճշմարտութիւնն ասել ոչ է զանդաշելի, որպէս, և ոչ զայն պարզաբար և առանց բննելոյ իրաւացուցաբ զերկուց կամաց ձայնն. ի ժամանակս մեր այսպիսի խնդրոյս շարժեցելոյ. յորժամ լուել առաջնորդաց եկեղեցւոյ Աստուծոյ ոչ էր կարողութիւն, այսպիսոյս ձայնի հրապարակագրութեամբ եղելոյ, յունայնավայելուչս աւձտել զմարմինս



եկեղեցւոյ Աստուծոյ կարողի՛ Սյլ նախ զի և ոչ սրբոց հարցն է անկուռ ճանապարհ երկուց կամաց ճառումն, և ապա վասն որոյ ձեռնարկեցինն, մի ներգործութիւն ասել Քրիստոսի, և ըստ գանձութեան նմին ի ներքս բերեալ յառաջին և զգլխաւորն ներգործութիւնն մարգոյ, զիմացողականն ասեմ և կամեցողական, ոչ տեսանիլ ի նմա յառաջին զմերս ի Բանին Աստուծոյ առ ի բժշկութիւն և վերաստեղծումն, զոր պարտ էր և նախ քան զայլսն առնուլ նմա՛ Որպէս յառաջագոյն ախտացեալ զմեղացն հիւանդութիւնն և զբոլորն մարգ ժանդացուցեալ, քանզի բնութիւն անմեղ և կամ անձնիշխան արար զԱդամ։ Իսկ զբնուսան Աստուած, որպէս սքանչելին Աթանասիոս ասաց։ Արդ կամեցողական զնոյն զմի Տէրն մեր ըստ երկաթանչիւրին բնութեան գոյ բարոյել ախորժելով, և ցուցանել թէ և զկամելն առեալ ըստ մարդկային մտաց, ոչ հակառակ իւր ստացաւ պայն, այլ այն բոլորն աստուածացաւ, անշեղելի գոլով առ մեղս բոլորովին. և աստուածանալոյն ոչ ի բաց բարձումն մուծեալ բնաւորականին կամաց, այլ պայն ի յայտնի կացուցեալ հաւաստեաւ, զոր ինչ և վասն նորին Փրկչին մարգարէն ասէ, թէ նախ քան զգիտել մանկանն զբարի կամ զչար՝ անհասանելին ի չարութիւնն ընդրելով զբարին վասն փրկութեան ազգիս մերոյ զմահն կամաւորութեամբ հաճեցաւ։ Բայց ունէր բնաւորապէս և զչկամելն մեռանել վասն հրաժարելոյ մարմնոյն, ըստ ի սկզբանէ եղելոյ ի նմա ստացողէն զբնութիւնն զահն բնաւորապէս։ Զայսպիսիս ձայն, որպէս ասացի, ի հարցն իջեալ առ մեզ ընկալաք ոչ ընդդիմացումն ինչ խորհրդոյն ի ձեռն այսորիկ մուծանել ախորժեալք, մի լիցի, քանզի թէ և տրտմեցաւ և անզիտացաւ, և առ մահն զչկամելն եցոյց ի ժամանակի չարչարանացն, այլ ըստ հաճութեան Բանին բնակեցելոյ ի մարմնին այսորիկ կամեցողականեաւ որ ի նորին մարմինն գործիւր, յորժամ ըստ որում մինչև կամէր տայր մարմնոյն զիւրսն ներգործել, որպէս և գրեալ է։ Քանզի բնութեանն բանիւ ստացեալ է զկալումն չկամելոյն զմահն բնաւորապէս, կազմեաց զնա երկիւղած ի մահուանէ, քանզի ոչ արդեւք էր ասացեալ ցնա սպառնալեաց բանիւ. եթէ Յաւուր յորում ուտիցէք ի նմանէ մահու մեռանիցիք. եթէ ոչ էր կազմեալ ի նմա զմահն ահագին գոլ։

Արդ և Տեսոնն հոգի ըստ բնութեանն՝ զչկամելն ունէր

առ մահն. իսկ ըստ տնաւրէնութեանն Բանի ամենեւին կամեցողապէս և յարձակողաբար, ուստի և իւրոց աշակերտացն ասէ, Յանկանալով ցանկացայ ընդ ձեզ ուտել զզատիկս նախ քան զչարչարել իմ, այսինքն զվախճան խորհրդոյն: Եւ առ չարչարանան վկամաւորութեամբն զալ յայտնելով. և դարձեալ եթէ, Բաժակ մի ունիմ ըմպել, և զի՛նչ փութամ մինչև արբից զնա, և մկրտութիւն մի ունիմ մկրտել, և զի՛նչ փութամ մինչև կատարեցայց: Արդ ի ձեի այսոցիկ ուսանիմք ըստ իմաստնոյն Կիւրդի թէ զբնաւորապէս չկամելն աստուածավայելչաբար ըստ մեզ զբնութիւնն ի Քրիստոսի կամեցողական արար:

Արդ՝ գասացեալս ամենայն վերստին ի ձեռն առեալ, և համառաւտ զմերոյս ասացուածոյս յայտնումն արարեալ, ասեմք, թէ Աստուած մարդ եղև, ոչ մարդ էառ. որպէս Նեստորի թուեցաւ. քանզի Բանն մարմին եղև և բնակեաց ի մեզ, ոչ ցնորիւք երևեալ և ոչ ստուերի տեսակաւ արարեալ զցուցումն, այլ բնութեամբ և ճշմարտութեամբ եղև մարդ, զի ի ձեռն պտղոյն բոլորն սրբեսցի մարդկանոյս ազգի զանգուած. և ունի զոր մատուցանէ վասն մեր, որպէս մեծ առաքեալն ասաց: Ուստի անչարչարելի գոլով Աստուած, ոչ անարժան համարեցաւ չարչարելի լինել մարդ. և անմահ գոլով ընդ մահու աւրինակաւք լինել, զի իցէ նոյն ինքն չարչարեալ և ոչ չարչարեալ: Չարչարեալ, զի իւրն նորա մարմին, զոր յարգանդի սուրբ կուսին և Աստուածածնին էառ, զբնութեանն անանգոսնելիս եցոյց կիրս, և զորս ի ժամանակի փրկական չարչարանացն ի խաչահանուացն ընկալաւ տանջանս: Իսկ ոչ չարչարեալ, զի ոչինչ յաստուածութեանն բնութիւն կրէր, և ի չարչարելն կամաւորութեամբ սրբոյ մարմնոյ նորա Արդ և ի խաչին էր մարմնապէս, և եղեալ զանձն իւր յինքննէ ըստ իշխանութեան իւրոյ, որպէս և ինքն Տէրն ասաց, և մեռեալ ելեալ մարմնոյն, և ոչ միոյ ի նոցանէն որիչ էր աստուածութիւնն, այլ և բոլոր էր յանշունչ մարմնին որ կայր ի նոր գերեզմանին. և բոլոր էր ի հոգւոյն որ կայր ի սիրտ երկրի. որով և որոց ի պահեստի հոգւոցն երթեալ բարոյեաց, որպէս գլխաւորն առաքելոցն ասաց:

Արդ՝ մի՛ որ գայթակղեսցի ի մեզ պատճառելով զպատաճառս մեզաց և մի զեկեղեցի Աստուծոյ որ ի մեզ հեգնեսցէ, որպէս անջատումն և որոշումն աւանդելով Քրիստոսի խորհրդոյն,

և բառս ինչ ի սրբոց հարցն մերոց հատանելով և գողանալով լարակամաբար, ժողովեսցէ որ ինչ ճշմարտութեանն բան ոչ կացուցանէ յանդիման և առաւելապէս որովք զերանելին Լեւոն Հոռմայեցւոցն եղեալ նախագահ, և զնորայսն բանս ոմանք ընդ գայթակղութեամբ առնել ի նանիր և ոչ իրաւացի, զհնի պատրիկ Թղթոյ գնոցա վկայութիւնս կատարեալ իմացուածով յառաջ բերցուք, որովք և ուղղափառութիւն նորա յայանի լիցի, և որովք ախորժեն նեստորի համախոհ ցուցանել զնա՝ ամաչեսցեն: Իսկ եթէ ինչ ի Բրիտոս սէրդ ձեր ընդդիմացի գրեցելոցդ ի մէնջ, մի՛ գանդաղիցիր ի ձեռն Թղթոյ և զթուեցեալսն ձեզ բարւոք գոլ ընդունել: և յաղաքս երկբայեցելոյն խնդրել բարւոք ընդդուութեամբ պատասխանատուութիւն, քանզի պատրաստ եմք առ այս ըստ առաքելականի վարդապետութեանն: Վասն զի և մեծն Աթանասիոս ասէ, Որք մեկնեն զոր ինչ ասենն, ոչ ընկենուլ ի բաց, այլ և ընդունել արժան համարեցաւ, բանզի պսպէս ասաց ի Թղթին իւրուժ որ առ Եւսեբիանոս և Ղուկիփերա, և առ որս ընդ նոսայն: Արդ այսոցիկ պսպէս խոստովանելոցս աղաչեմք զձեզ, զոր պսպէս խոստովանին և մեկնեն զբառսն զոր ասենն մի՛ դատապարտել, և մի՛ առանց բննութեան ի բաց ընկենուլ, այլ յաւէտ աղաչելով և աղերսելով յանկուցանել: Արդ գիտելով եթէ յաճեղ ատենին Բրիտոսի, ուրանաւր ամենայն բանք և զորժք, այլ և որ ինչ ի մտածութիւնս մեր են, բննեցին բանքս մեր այսորիկ:



**ՊԸՏԱՍԽԱՆԻ ԹՂԹՈՅՆ՝ ԶՈՐ ԳՐԵԼՑ ՏԷՐ ԱՏԵ-  
ՓԸՆՆՈՍ ՍԻՒՆԵԼՑ ԵՊԻՍԿՈՊՈՍ, ԸՌ ՏԷՐ ԳԵՐ-  
ՄԱՆՈՍ ԿՈՍՏԱՆԴՆՈՒՊՈԼԻՍԻ ՀՏՏՐԸՊԵՏՆ,  
ՈՐՔ ԵՐԿՈՒ ԲՆՈՒԹԻՒՆՍ ԵՒ ԵՐԿՈՒՍ ՆԵՐ-  
ԳՈՐԾՈՒԹԻՒՆՍ ԵՒ ԵՐԿՈՒՍ ԿԸՄՍ ԽՈՍՏՈՎԸ-  
ՆԻՆ ՏԵԼՈՆ ՄԵՐՈՑ ՅԻՍՈՒՍԻ ՔՐԻՍՏՈՍԻ, ԵՒ  
ՈՐՔ Ի ԿԵՆԴԱՆԱՐԱՐ ԽՈՐՀՈՒՐԳՆ ԶՈՒՐ ԽԱՌ-  
ՆԵՆ, ՀԵՏԵՒԵԼՔ ԺՈՂՈՎՈՅՆ ՔԱՂԿԵԳՈՎՆԻ:**

**Յ**որնպատիւ հռչակելի փառաւորութեամբ յառաքելա-  
կանդ ժամանեալ ծայրագոյն նախագահութիւն, Տէր Գերմանոս,  
վերատեսուչ հոգևոց մեծանուն և թագաւորական բաղաբիդ Կոստանդնուպալսի և տիեզերական հայրապետի:

ԶՔրիստոսի խղաղութիւնն առերելով մեզ աւրինակ  
բարեպաշտութեան և առ միմեանս կապակցութեան հոգևոր սի-  
րոյ և միաբանութեան հաւատոյ ներգրաբար բացայայտութեամբ  
ի ձերմէդ ընկալար մեծանձնութենէ, որպէս մոլորելոց զհետ  
ընթացեալ մեզ, ըստ աւրինակի բաջ հովուապետին ի վերայ  
լերանց զկորուսեալն խնդրելով. և յաւէտ յիրաւի Զի զսիրե-  
լոյն ի ճշմարիտ սիրողէն՝ փոխանորդեալ զաթոռ հայրապետու-  
թեանդ հետեաբար զնորին աւրինակ սիրոյ հազարապետու-  
թեանդ, և՛ ունել ճշմարտապէս և՛ քարոզել ձեզ հաւատամբ ոչ  
միայն նամեսական և մերձակայիցդ, այլ և բացականաց տարա-  
կացելոցն, նաև ուր ոչ անուանեցաւ Քրիստոս, զի դոյն իսկ կո-  
չեցարուք հաշտեցուցանել Քրիստոսի զամենեսեան ընդ Աստու-  
ծոյ ի պարծանս ձեր յաւուրն Քրիստոսի, զի յերեւել ճշմարիտ  
հովուապետին գտանիցիք անթառամ պսակացն հաղորդա Իսկ  
մեր նուազունք յազգ բացագոյն տարորոշեալք յողորսս հիւսի-  
սային ալեաց, և ոչ յոյով դեգերանաւք տեղեկացեալ իմաստու-  
թեանն ներանձնական կրթութեանն մակաճութեամբք, և ոչ

բարձրաշունական վարժից գործական և տեսական ճարտասանութեանն ճեմարանին ներհունը, նաև վերջացեալք ի գործանութենէ երկասիրութեանն, և զանխլացեալք կոչողին ձայնի ի հողևորականն պգի, զրկեալք ըստ ժամանակին և յառանձնական տառիցն զծագրութենէ՝ որով զանպեալսն մարթէաք գիտել և զնեակայսս ապագայիցն թողուլ առ ի յիշատակ, անճաճանչ աղջամղջաւ և անլոյս ստուերաւ պարփակեալ նստէաք ի խաւարի դիւցազանցն տաւնից և ջաշանցն հեթանոսականաց, հնազանդեալ ծառայէաք արարածոց և ոչ արարչի, դառնաշունչ հողմովն ձմեռայնւոյ պաղեալք անհաւատութեամբ, անբաժք ի պըտոյոյ աստուածային արգասաւորութեանն: Իսկ յորժամ քաղցրութիւնն և մարդասիրութիւնն Աստուծոյ կաթեցաւ ծագեաց ի մեզ զարդարութեանն արեգակն և զհարաւ քաղցրուայց վարդապետութեան Բանին կենաց ծաւալեցոյց, Ելոյծ վկարծութիւն սառամանեացն ի սրտից մերոց, և վարձկանեցոյց զմեզ թէպէտ հազիւ և անազան ուրեմն, սակայն մետասաններորդ ժամուն հաղորդեալք, կոչեցաք ի կոչումն սուրբ ի ձեռն խոստովանողին Քրիստոսի սրբոյն Պրիգորի, որ սքանչելագործ պարութեամբն Աստուծոյ ընդ ամենայն երկիր ետ զբարբառ իւր, և մեծաւ հանդիսիւ չարչարանաց զպակասութիւն նեղութեանն Քրիստոսի ի մարմնի իւրում ելից, և իբրև զորդիս սիրելիս վերստին կոչեաց զմեզ ի մահուանէ ի կեանս, ընծայելով երկըրպաղուս սրբոյ Երրորդութեանն, զոր ի դէպ է ասել, եցոյց մեզ զբանն կենաց, ընդ որ հայեցաք և տեսաք և խոստովանիմք և երկրպագեմք:

Եւ յետ այսորիկ յաստուածարեալ մեծի ժողովին նիկիայ որ ի բակունն Արիոսի ՅԺԸ. իցն գտեալ խոստովանակիցն ժեր սուրբն Առիստակէս, շառաւիղն ըստ մարմնոյ և հողւոյ սրբոյն Պրիգորի, առեալ յԱստուծոյ զլուրն կենաց ետ մեզ գնոյն սահմանաւոր գրով զոր ունիմքս առանց յաւելման և պակասութեան: Եղոյնպէս և զժողովն որ ի Վոստանդինուպաւլիս որ ի կործանումն Մակեդոնի, և զԵփեսոսին որ ի լուծումն նեստորի, ընկալաք որպէս հիմն կենաց և առաջնորդ ճանապարհի առ Աստուած, և այսպէս ներփառական առասութեամբ ըստ տիեզերական երիցն ժողովոց ի մի բերան փառաւոր առնեմք զԱստուած: Իսկ զժողովն Քաղկեդոնի, վասն զի ոչ ըստ սրբոց նախեղելոց վարդապետացն տեսանեմք ասացեալ, ոչ ընդունիմք:

Եւ վասն զի ընկալար մեղադրութիւն ի ձէնչ ի ձեռն Ստեփանոսի բահանայի բանիւ և գրով, եթէ ընդէր զտնաւրէնութեանդ պատառէք պատմունճան, որ է մի հաւատն ի Քրիստոս, զոր համարձակագոյն ասասցուք, եղիցի գործողացն վարձն ի Տեառնէ, և վախճան նոցա յայրումն ր որ և իցէ: Եւ վասն զի երգմանցուցէք զմեզ թէ զոր արժանի ընդունելութեան համարիմք ի գրեցելոցդ խոստովանեցէք, և զոր հակառակ ճշմարտութեան կարծիցէք գրեցէք առ մեզ: Արդ թէպէտ և ոչ գեղեցկադիր յարմարութեամբ ստորագութեան կարացար շարագասել ըստ ձերում արհեստագիւտ վսեմախոհ վերաառութեան, սակայն զանտեսանելի մեր սրտի խորհուրդ մակերեւապէս ընթադրութեամբ յանդիման կացուցուք գերագոյնդ ձեր վարդապետութեան՝ որ ունի այսպէս:

Ձնախկարգեալ ի մատենիս ձերում, զերկոտասան գլուխըս բանի զերանելոյն Կիւրդի Աղեքսանդրացոյ, ըստ սրբոց առաքելոցն հրեղէն լեզուաց աստուածխաւսութիւնսն նախապատուեմք և խոստովանիմք: Իսկ առ ի ձէնչ ասացեալս, վասն զի զանխլարար յինքեան բերէ զնեստորի չար մտածութիւնս, ասելով երկուս ընութիւնս և երկուս ներգործութիւնս և երկուս կամս, և զի պատճառէք եթէ Եւտիբէս մի ընութիւն ասաց շրփութեալ խառնակութեամբ, հարկաւորապէս գրեաց Լեոն Հոռմայեցի առ ժողովն Քաղկեդոնի, ասել երկուս ընութիւնս, և առանձնապէս կիրս նոցին: Զինչ բան զայսոսիկ անտեղագոյն յաղթութիւն, չարիւ զչար բժշկել կամելով, և թիւրութեամբ զթիւրութիւն ուղղել. որ ոչ յաջ և ոչ յահեակ առաք հրաման խոտորել, այլ զմիջինն գնալ արբունական պողոտայ: Եւ ոչ զի Սաբելիոս և Եւտիբէս շրփարար միաւորեն, հարկ է զի արիստաբար և նեստորաւրէն բաժանեցուք, այլ զերկոտեսանն ի բաց վարել կողմանս իբր զապականիչս հաւտին Քրիստոսի, և զնոյն ինքն զաւանդիչս երկուց ընութեանց, և ընդդէմ գնել նոցա զասացեալսն ի սրբոց վարդապետացն, որ և զԵւտիբէսին պապանձեցուցանեն զրաբանութիւն, և զերկուցն ժողովումն մի ընութիւն սահմանեցին: Քանզի սուրբն Աթանասիոս Աղեքսանդրացոց եկեղեցոյն վերատեսուչ յառ Ապողինար թղթին, մի ընութիւն Աստուծոյ բանին մարմնացելոյ՝ ասաց: Զսոյն և հետևող նորին մեծն Կիւրեղ յորժամ եհարց ցնա Սուկենոս եպիսկոպոս Դիոյկեսարիայ բողաքին, թէ պարտ է երկուս ընութիւնս ա-

սել Բանին մարմնացելոյ թէ մի. և նա յայտնապէս զրով պատասխանի առնէ թէ, յետ միաւորութեան ոչ անջատեմք զընութիւնսն ի միմեանց, և ոչ յերկուս որդիս հատանեմք զմին և անբաժանելին, այլ մի ասեմք, և որպէս հարքն ասացին, մի բնութիւն Աստուծոյ Բանին մարմնացելոյ. Ահաւասիկ յայտնապէս, որք երկուս ասեն բնութիւնս որոշեն զբնութիւնսն և յերկուս որդիս հատանեն, որպէս յայտ է ի հարցմանէդ և ի պատասխանւոյդ: Եւ դարձեալ յերկրորդ թղթին առ նոյն Սոկենոս. Այլ ասեն, ասէ, հակառակորդքն թէ մի բնութիւն է մարմնացելոյ բանին Աստուծոյ, հարկ է ամենայնիւ շփոթումն ընդունել և խառնակումն, որպէս ծախեցելոյ և ի ներքս զողացելոյ մարդկայնոյն բնութեան. և անգիտացան դարձեալ որք զուղիշն թիւրեն, և թէ ըստ ճշմարտութեան է մի բնութիւն բանին մարմնացելոյ. Եւ դարձեալ նոյն Վիւրեղ զրէ առ Եւզուիոս բաճանայ. Արդ եթէ ասեմք, ասէ, միաւորութիւն, խոստովանիմք թէ մարմնոյն հոգևորի իմանալոյ և Բանին, սակայն զմիութիւնն խոստովանեցելոյ, ոչ ևս մեկուսին ի միմեանս միաւորեալքն, այլ մի որդի այնուհետև, և մի բնութիւն նորա. Եւ դարձեալ զրէ առ Թէոդոս լժազաւորն բարեպաշտ, Թէպէտ և ի վանալանից, ասէ, և յաննմանից եկեալ առ միմեանս բնութիւնք, մի Քրիստոս, մի Որդի, մի բնութիւն խոստովանելի հանդերձ առեցելովք: Քնոյն գրելով և առ Ակակիոս եպիսկոպոս Մելիտինեայ, Հետեւելով, ասէ, ամենայն ուրեք աստուածայնւոյն գրոց՝ ի սրբոց կուսէն առնուլ զմարմինն հաստատեմք այսուհի. յորոց ենն մինն և միայն որդի և Տէր Յիսուս Քրիստոս երկուս բնութիւնս միաւորեալ ասեմք. իսկ յետ միաւորութեանն որպէս ի բաց բարձելոյ յերկուս հատմանս մի զոյ հաւատամք զՈրդւոյ բնութիւն: Ահա ցոյցք յայտնիք, թէ հակառակաբար ունին ի ձէնչ ասացեալքս առ սրբոցն հարանց դաւանութիւն:

Դարձեալ տեսցուք և յաղագս երկուց ներգործութեանցդ, զոր համբաւէք, թէպէտ և նախ զկամսն ասելի է, և ապա զներգործելն, այլ վասն զի այս կարգեալ էր ի մատենիս ձերով ըստ այսոցիկ և զպատասխանիս ընկալարուր: Ասէք սահմանել Ղևոնի, Ժողովոյն Քաղկեդոնի, զոր և գրեցէքս առ մեզ, թէ և ներգործէ երկաբանչիւր բնութիւնն ի նոյն հաղորդութեամբ: Եւ անուանեալն ի ձէնչ վեցերորդ Ժողովն, դարձեալ հաստատեն զնոյն սահման թէ երկաբանչիւրն բնութիւն կամի և ներ-

գործէ, զկամելն յաւելին յասացեալն Ղևոնի ևւ այժմ դարձեալ գրէք թէ, մի և նոյն երբեմն որպէս մարդ ներգործէ, և երբեմն որպէս զԱստուած, որովք դրեթէ, մարտ եղեալ ընդ միմեանս պատերազմին ասացեալ թէ ի ձէնչ, քանզի այլ է ըստ երկաբանչիւրոյն ներգործել, և այլ երկաբանչիւրի զիւրաքանչիւրան, զի մին հակառակիցէ և երկուց իշխանականաց կամ դիմաց, և միւսն միոյ, և որպէս կամեսցի միով իշխանութեամբ ներգործել:

Արդ տեսցուք և յաղագս պսոտիկ զառ ի սրբոց հարանցն ասացեալ վարդապետաց: Ասէ երանելին Աթանաս ի չորոգ ճառին առ Արիանոսն, ևւ բանն զմարմնոյն բարձեալ ունէր զտկարութիւնս որպէս զիւրոյ, քանզի նորա էր մարմինն, և մարմինն գործակից աստուածութեանն գործոց զի նովաւ լինէր. զի Աստուծոյ մարմին էր, ևւ յետ սակաւուց. Քանզի թէ Աստուծոյ Բանին գործք ոչ ի ձեռն մարմնոյն էին եղեալ, ոչ արդէր էր աստուածացեալ մարդ: Եւ յետ այլոց. Քանզի զգործս հաւր ի ձեռն մարմնոյն գործէր: Եւ դարձեալ նոյն գրէ առ Գեղիոս եպիսկոպոս և խոստովանող. Քանզի զձեռն ձգեալ, ասէ, Բանին յարոյց զոր ի ջերմութենէն էր ըմբռնեալ. ձայն արձակեալ յարոյց զՎապարոս: Եւ Գրիգոր Նիւսացուցն եպիսկոպոս յերրորդ ճառին որ ընդդէմ Եւնոմիոսի, Քանզի ներգործէ, ասէ, որպէս ճշմարիտ Աստուած ի ձեռն իւրոյն մարմնոյ զամենեցունց փրկութիւնն, որպէս զի ձայնին կամ գործոյն մարդկաւրէն եկեղջ յանաջ. իսկ ի ներքուստ թագուցեալն իմանի զաստուածութիւնն ցուցանել: Գրէ և Յուլիոս եպիսկոպոսապետն Հոռոմայ, ասէ, Ոչ մի անշատումն Բանին և մարմնոյ նորա, բերի յաստուածային գիրս այլ է մի՛ անձնաւորութիւն, մի ներգործութիւն, մի դէմ, բոլոր Աստուած և բոլոր մարդ: Նոյն ինքն և Յովհան Ոսկեբերան ի ճառին յորում եթէ՛ եկաց յաղաւթս ի լերինն, և ի կոչումն առաքելոցն ասէ. Միոյ զաւրութեամբն ներգործութեամբ զրազմատեսակ ախտս չարութեանն բժշկեաց և յետ սակաւուց ասէ, Ջանապան զսքանչելիսն ի ձեռն միոյ ներգործութեանն ընլով: Եւ Նիւրեղ Աղեքսանդրացի ի Մատթէոսի աւետարանին մեկնութեան պայպէս գրէ. Ընդ իւր միաւորեաց զմարմինն որպէս ոչ է ասել ընդ Հաւր և ի Հաւրէ Աստուած բանն, և յիւր կազմեալ զնա ներգործութիւն բնաւորական, և մարմին պահեաց վասն ծնանելոյն ի մարմնոյ, և լցոյց. աստուածավայելուչ ներգործութեամբ և յիւրն եհան փառս



Նորին յերկուս կոչոյսն. Եւ բժշկէ ձեռին մերձաւորութեամբ և ներգործութեամբ լի գոյ զիւր մարմինն ցուցանէ: Նորին ի բժշկութիւն զորանչին Սիմովնի. Քանչի բժշկեաց որպէս զԱստուած, զիւրոյ ձեռինն հպումն շնորհեալ անկելոյն ի մահիճսն. և վասն զի՛նչ պատճառի, զի զիւրոյ բնութեան աստուածութեան ասեմ միապաւր ցուպցէ զիւրն մարմին ի ներգործութիւնսրն: Դարձեալ ասէ, Կարող գոյ զամենայն ինչ բանիւ ներգործել, վարի և թքովն, զի ծանիցուք թէ և մարմին նորա զամենայն ունէր զներգործութիւն զկենդանարար Բանին, և լուսաւորութեան առիթ լինի ի ձեռն սուղ ինչ մերձաւորութեան, բանչի մարմին էր լուսոյն ճշմարտի. Եւ նոյն Կիւրեղ ասէ ի գիրս պարապմանցն. Եւ միաւորեալ միանգամայն մի համարեալ ընդ մարմնոյ իւրացուցեալ զնորայսն միաւորեալ և իւր ընդ նմա զիւրոյն բնութեանն ներգործութիւն: Եւ արդ բաւական համարիմք զասացեալսս առ ի յանդիմանութիւն որ զերկուսդ բարոզեն ներգործութիւն հակառակ սրբոց վարդապետացն. զի ահաւասիկ զաստուածագործութիւնսն և զմարդկաւրէնագոյնսն միոյ և նորին Բանին Աստուծոյ ներգործութիւն ասեն հանդերձ մարմնովն:

Դարձեալ զերկրորդս առ ի ձէնչ զրեցեալ աոցուք բան՝ Ասէք երկուս ունել կամս Քրիստոսի՝ աստուածային և մարդկային, և զարձեալ ասէք եթէ, զբոլորն աստուածացեալ ասեմք, զմարմինն և զհոգին և զմիտսն, և առնուք զասացեալսն ի սրբոյն Կիւրղէ, եթէ յորժամ կամէրն տայր թոյլ մարմնոյն զիւրսն կըրել, որ անհնար է այսոցիկ՝ ի միում լինել անձին, զի եթէ հարկաւորապէս զնէք երկաքանչիւրն բնութեան, կամել և ներգործել զիւրաբանչիւրսն, ապա ոչ էր աստուածացեալ բոլորն, այլ տակաւին ևս թշնամութիւն ունէր ի մարմնին, զի յորժամ առնէար զկամս մարմնոյ և զմտաց, էար արդարև որդիք բարկութեան որ ոչ և Պաւղոսի ծառայական բնութեանն հաւասարեցուցանէք զպատն որ փոփոխմամբ զմիտս Քրիստոսի ստացաւ. Իսկ եթէ աստուածացեալ ասէք զբոլորն և ի մեր փրկութիւն անաւրինաբար միով իշխանականաւ թողացուցանէր մարմնոյն զիւրսն կրել զանանգոննելի կիրս, յայտ է թէ զաստուածայինն միայն յայտ առնէք զկամս, զվեհագունութեամբ յարթոն:

Արդ տեսցուք յաղագս այսոցիկ զասացեալսն ի սրբոց վար-

դպպետացն: Ասէ յաղթող սպառապէնն Քրիստոսի Աթանասիոս ի ճառին որ յաղագս յայտնութեան Փրկչին, Վասն այսորիկ եկն Բանն՝ Աստուած գոլով և առաջնոյն մարդոյ արարչագործ, լինել մարդ ի կենդանագործութիւն մարդկան, ի բաց բարձունն անիրաւի թշնամւոյն, և ծնաւ ի կնոջէ, յառաջին ստեղծուածն զմարդկայինս կերպարան ինքեամբ Հաստատեալ ցուցմամբ մարմնոյ առանց մարմնականաց կամաց և խորհրդոց մարդկայնւոց. ի պատկեր նորոգութեան, քանզի կամքն աստուածութեանն միայնւոյ, վասն զի և բնութիւնն բոլոր բանին ցուցմամբ կերպի մարդկայնւոյ մարմնոյ, Եւ դարձեալ Անուրիոս եպիսկոպոսապետն Հռովմայ գրէ, Քանզի թէ էր, ասէ, ծանուցեալ ոչ արդևք զՏէր փառացն ի խաչ Հանէին, որ և յայտ է թէ աստուածութեանն ոչ ի խաչ ելանել էր Հնար, և ոչ զչարչարանացն զմարդկայնւոց զփորձ առնուլ. թէ զայստոսիկ կրէր, այլ վասն անպատմելոյն միաւորութեան, մարդկայնւոյն և աստուածայնւոյն բնութեան, վասն այնորիկ և Աստուած ասի չարչարել և մարդկութիւնն յերկնից իջանել ընդ աստուածութեանն, ուստի և մի կամս խոստովանիմք Տեառն մերոյ Յիսուսի Քրիստոսի. Ծորին յետ այլոց: Քանզի կամք այլ և այլ Հակառակ ոչ եղեն Փրկչին. Վասն զի ի վեր քան զաւրէնս մարդկայնւոյս բնութեան ծնաւ, թէ և գրեալ է, Աչ եկի առնել զկամս իմ, այլ զառաքչին իմոյ, և ոչ որպէս ես կամիմ, այլ որպէս դու կամիս Հայր: Աչ են այս, այլ և այլ կամաց, այլ ըստ առեցեղոյն մարդկայնւոյն տնաւրէնութեան, այսորիկ վասն մեր ասացան, զոր ետ աւրինակ բարի վարդապետն զի զՏեո շաւղաց նորա Հետեւեցուք, և ոչ ընդ իւրն իւրաբանչիւր որք, այլ յամենայնի յաւէտ Տեառն նախապատուեցին կամք, և այսորիկ այսք են: Իսկ զանձառ միաւորութիւնն և զաստուածանայն մարմնոյն զնոյն ինքն ի ձեռն առեալ զգիրս Պարապմանց սրբոյն Վիւրդի, զի առաւելն նմա փոյթ եղև զայստոսիկ բննել ընդդէմ Նեստորի և նմանից նորա, և զգիրս Փանձուն զառաջինն և զերկրորդն, և զոր թէ մի է Քրիստոս, և զԹուղթմն որ առ բարեպաշտ թագուհիսն, և ի բազում յայլ թուղթս զոր յառաջագոյն նշանակեցաք վկայութեամբք, յորում զանխառնունսն խառնեալ անչիոթարար ցուցանէ, և մի բնութիւն սահմանեալ բանին մարմնացելոյ. Եւ Գրիգոր Նիւսացի յերկրորդում գիրսն որ ընդդէմ Եւնոմիոսի. Քանզի մեր, ասէ, զմարմինն որով զչարչարանսն ընկալաւ, ընդ

աստուածային բնութիւնն խառնեալ. զայս ասեմք արարեալ ի ձեռն միաւորութեանն, որ ինչ է առողն բնութիւն. Եւ նոյն գրէ առ Թէոփիլոս եպիսկոպոսապետն Աղեքսանդրի. Թէ ամենայն որ ինչ տկար և մահկանացու բնութեանն էր խառնեալ ընդ աստուածութեանն, եղև որ ինչ է աստուածութիւնն. Եւ Գրիգոր Աստուածաբան ի Պասեքին ճառի. Վատարեալ, ասէ, զՔրիստոս ոչ Աստուածութեամբն միայն, քան զոր ոչինչ է կատարելագոյն, այլ և վասն մարդկութեանն աւծելոյն աստուածութեամբն և եղելոյ որ ինչ էաւծն. Եւ Բարսեղ Վեսարացի զքսաններորդ երրորդ սաղմոսն մեկնելով ասէ, Վարդակից արար զմարմինն հողեղէն աստուածութեանն, ի մի կաւրութիւն միացոյց, և ի մի աստուածութիւն ժողովեաց.

Իսկ զի՛արդ է ծննդեանն յեղանակ, կամ սրպէս ունին առ միմեանս իրր յաստուածային իրազորութենէ յաղթեալ, ոչինչ յանդգնեցան հարցափորձել, առաւել քան զոր Հոգին սուրբ ետ բարբառել, միայն զաստուածային ծնունդն խոստովանելով, և զորպէսն սքանչելագործին թոյլ տուեալ զիտել իբրև զԱստուծոյ խորհուրդ. ընդ որ և զարմացեալ Աստուածաբանն Գրիգոր, ասէ, Ո՛վ նոր խառնմանն, նորաձև առնեն բնութիւնքն. Իւ Գրիգոր Նիւսացոց եպիսկոպոս ընդգէմ Եւնոմիոսի յերկրորդ զիրսն ասէ. Անձանաւթ բնութեան ծնունդ ի վերայ ինքեան ի ձեռն կուսին նորաձևեաց, զոր ոչ որ յայսքան ազգս մարդկան զիտաց, բանլի ոչ ի ձեռն ծանաւթից և սովորական բնութեամբ ճանապարհաց երևեցաւ ի մարդկանս կենցաղումս, այլ այլանման իմն և առանձնապէս. Եւ Գիոնեսիոս Արիսպագացի աշակերտն Պաւղոսի զորոյ աշաւք տեսեալ զՓրկիչն, ասէ պատմութիւնն, առաջին եղեալ եպիսկոպոս Աթենացոյն, գրէ առ Գայիոս սպասաւորն Պաւղոսի. Զառ ի Թագնութենէ դերագոյին ի մերս երևոյթ, մարդկաւրէն լինելով զալն. Թագուն է և յետ երևելոյն. կամ զի և աստուծոյն ազոյնս ասացից գերեւելն, քանլի և այս Յիսուսի անյայտ է, և ոչ մերոյ բանի կամ մտաց է հպելի խորհուրդ նորա, այլ ճառելով անձառելի մնայ, և գիտելով անգիտելի. Եւ զարձեալ ի չորրորդ թղթին որ առ նոյն Գայիոս գրէ, Եւ զի միանգամայն ասացից, ասէ, ոչ մարդ էր Քրիստոս. ոչ որպէս ոչ մարդ, այլ որպէս ի մարդկանէ, անգր քան զմարդիկ և գերագոյն մարդ. Ճմարտապէս եղեալ մարդ, և ապա ոչ ըստ Աստուծոյ

գաստուածայինսն ներգործեալ, և ոչ զմարդկայինսն ըստ մարդոյ, այլ պրացելոյ Աստուծոյ. նոր իմն աստուածայրական ներգործութիւն ընդ մեզ կենցաղավարեաց:

Արդ՝ ո՛ր, ո՛վ նախապատուեալք բնական և պիտախոհութեամբ առլցեալք, խոնարհեցարուք վասն Քրիստոսի և առ մեր նուաստութիւնս, զի և զանտոհմս և զարհամարհեալս և զոչինչս ընտրեաց Աստուած: Ետուք մեզ բանս, ընկալարուք յդարձուածս բանիս, և տուք տեղի պատասխաննոյ զի՛նչ արժան է. ձեզ լսել, թէ աստուածային խորհրդածուցս այսոցիկ: Եւ ո՛րք այսոցիկ, Հրեշտակապետն Գարրիէլ որ Մարիամայն աւետարանեաց, Ար ծնանելոցն է ի բէն, ասէ, սուրբ է, և որդի բարձրելոյն կոչեսցի, ոչ եթէ բնութիւնն որ ի նմա, այլ որ ծնանելոցն է ի բէն, նա փրկեսցէ զժողովուրդ իւր ի մեղաց իւրեանց: Առ հովիւսն, Ծնաւ, ասէ, պսաւր ձեզ՝ փրկիչ, ոչ եթէ բնութիւնն ի ծնիցելումն, այլ որ ծնաւն: Մեծն ի ծնունդս կանանց Յովհաննէս, որ հրաժարէր ի չիշխելն մարձնեալ և դնել զհողեղէն աջն ի վերայ ամենակատար գագաթան նորա, զոր հուրն ճանաչէր՝ անմերձեալի հրեշտակաց, յոր մատամբ ցուցանէր՝ թէ Ահա Քրիստոս գառն Աստուծոյ, որ բառնաց զմեղս աշխարհի. ոչ եթէ բնութիւնն որ ի սմա, այլ զոր տեսանէքս: Պետրոս՝ զլուծ առաքելոցն, որ հարցմանն պատասխանի, զՈրդին ես Աստուծոյ դաւանեաց, ոչ եթէ բնութիւն՝ որ ի բեզ, այլ թէ, դու ես որդի Աստուծոյ, որում վերկայեաց փրկիչն, թէ Հայր իմ որ յերկինս է յայտնեաց բեզ զայդ, և երանեաց զնա: Պաւղոս, Ըստ մարմնոյ՝ որ է ի վերայ ամենեցուն Աստուած: Աշակերտն՝ զոր սիրէրն Յիսուս տայ աւետիս աշխարհի, թէ Ընդ որ հայեցաքն և տեսաքն, նա է Ճմարիտ Աստուած, և կեանք յաւիտենականք, ոչ եթէ բնութիւն՝ որ ի սմա, այլ սա զոր շաւշափեցաք ձեռաւք մերովք: Քովմաս զկողսն շաւշափէր և զձեռս և զոտս, և գտեղիս ըւեռացն տեսանէր, ոչինչ միջոց արկ վիրաւորեալ մարմնոյն և աստուածութեանն, այլ համանգամայն Տէր և Աստուած խոստովանեաց զնա, ոչ բնութիւն ի նմա, այլ զոր շաւշափէր: Եւ Փիլիպպոս՝ որ զտեսութիւն Հաւր պահանջէր ի Տեսառնէ, լուաւ, թէ Ար ետես զիս՝ ետես զՀայր: Եւ զի՛նչ ասեմք թէ մարգարէք և առաքեալք, որև նոյն ինքն առանձնաւորութիւն դիմաց սրբոյ Երրորդութեանն Յորդանան երևեալ:

ցուցանեն զճշմարտութիւնն: Որդի մարմնացեալ մկրտի, *Հողին սուրբ իջանէ և հանդէի ի վերայ փառակցին իւրոյ՝* զոր մկրտուէրն Յովհաննէս, Հայր ի վերուստ ճշմարտէ, *Թէ Դած է որդի իմ սիրելի, ոչ եթէ բնութիւնդ որ ի դմա, այլ թէ դա, ար առաքեցիդ ի նմանութիւն մարմնոյ մեզաց, որ երևեցաւդ անարգ նուազեալ, որոյ վիրաւքդ բժշկեցայք, որով ընկալայք զփրկութիւն ի ձեռն արեան դորա, և զթողութիւն մեզաց մարմնով դորա Դած է Մհաճինն իմ, զոր վասն փրկութեան աշխարհի ետու. ոչ եթէ զբնութիւնդ որ ի դմա, այլ թէ դա՝ զոր տեսանէքդ:*

Եւ արդ: ո՛ւստի ձեզ այդ, և ո՛վ եզև գտակ նորոգ և անգիր բնութեանցդ, կամ առժամայն Աստուծոյդ. *Թէ պարտ իցէ ասել, զոր փորձէքդ ի ներքս մուծանել, երկրպագակից առնել համագոյի և սրբոյ Երրորդութեանն, զոր ոչ առնուն յանձն եկեղեցիք Քրիստոսի, որք համարձակութեամբ քարոզեմք մարմին և արիւն Աստուծոյ, որով և փրկեցաք իսկ. զի ոչ պատգամաւոր որ և ոչ հրեշտակ, այլ ինքնին Տէր փրկեաց զմեզ, զոր դուք այլոյ իմն բնութեան համարիք, զհացն կենդանարար զմարմինն Քրիստոսի, զոր ետ վասն կենաց աշխարհի Արդ եթէ ձեզ այլ իմն յայտնեցաւ այժմ ծածկեալ խորհուրդ և բազմապատիկ իմաստութիւն Աստուծոյ, արարէք և զմեզ խելամուտ, թէ արդարև մոլորեալ իցեմք, զի զայստօիկ գիտել մեզ իրր ափով զջուրս ծովու չափել, և թզաւ զերկինս՝ հանդիպի, և ափ ի բերան եղեալ ընդ արդարոյն Յովբայ առ հարցաւոյն առ նա զանճառելիսն: Ասացէք մեզ, զճննդեանն յեղանակ. զի՞արդ խառնեցան տնժամանակն և ընդ ժամանակաւն. զի՞արդ բոլորն ընդ Հաւր և յորովայնի կուսին, զի՞արդ մարմինն սուրբ որ ի Մարիամայն յոսկերաց և ի ջղաց կարծրացեալն շարագրեցաւ և միացաւ, և թուեցաւ ի պարզ և ի նուրբ և յանյաւդ բնութիւնն սրբոյ Երրորդութեանն, ոչինչ արարեալ յաւելուան կամ թիւ, յոր ոչինչ խառնի եղական բնութիւն ամենեին. կամ զի՞արդ քանակութեամբ չափեալ մարմնովն աթոռակից Հաւր ափ և զերկինս և զերկիր ընուլ, Ձկտիցի՞ արդեւք մարմինն ընդ աստուածային անբաւութեանն, կամ թէ անփոփեցիք աստուածութիւննն ընդ մարմնոյն պարունակութեամբ. կամ թէ որպէս մեք յաստուածային ճառագայթիցն մասամբ վայելեալ յաստուածային զաւրութենէն փառաւորիցի:*

Ջայսսօսիկ ստոյգ գիտակաւ յանդիման կացուցէր մեզ:

Իսկ եթէ դանդաղութիւն խոստովանիք, իբրև ի խորոց Աստուծոյ յաղթեալք: յայլ փոխեցայց հարցումն: Զինչ իցէ այժմ երկաբանչիւր բնութեանն, զոր ասէք, ներգործութիւն և կամօ. զի թէ այժմ ոչ ունիցի, աւելորդ և գաւտարի ուրեմն ունէր, և այժմ եկն ի կատարելութիւն, զի ընկէց յիւրմէ և կամ ըստ Մարկեղեայ Գաղատացւոյ ի յարեզակն եդ և կամ յաւդ ցնդեցաւ և յուծաւ, և գտաւ փոփոխելի: Այլ ինքն իսկ Տէրն ասէ, թէ Ծս նոյն եմ, և ոչ փոփոխեցայց, զի որով ծընուն չարչարեցաւ, և նովիմք նստաւ ընդ աչմէ Հաւար, որով և գալոցն է: Իսկ եթէ ունիցի և այժմ ըստ երկաբանչիւրումն կամլ և ներգործել, անդանաւր և հակառակութիւն և շփոթումն, որում պէտք երթայ և յուծումն. ի ներքս մտանէ և անկարգութիւն և առասպելարան աստուածաստեղծ վիպասանութիւնն հեթանոսաց. զոր յաղագս Գիտսի և Ապողոնեայ և Հերակղեայ զրարանին. և ծննդոց նոցին: Ապա ո՛ւր տանիցիր զառ ի ձէնչ ասացեալ այլ բնութիւնն առանձնացեալ կամաւր և ներգործութեամբ, զի անհնար է ծառայ բնութեանն՝ համապատիւ լինել պատին ըստ բնութեան: Եւ զայսորիւկ զանց արարեալ տեսցուք և ի ձերոցդ պանծալի բանաստեղծիցդ որք ճոխաբանեն զբնութեանցդ առնել զգատողութիւն:

Ի չորից ասացին բաղկացեալ ի տարերց. զմահկանացու կենդանին: Իսկ յերկուցս հակառակից յանդիման տեսանի խառնումնս, զոր և աստուածային գիրք զկատարեալ բնութիւն մարդոյս ասացին առեալ Բանին: Արդ՝ զոր արդեւք ի բաց բանայցէք ի բնութեանցն, զմարմինն, թէ զհոգին, թէ զաստուածութիւնն. զի եթէ երկուս խոստովանիք բնութիւնս, ի բաց բարձ զհոգին ըստ Ապողինարի, թերակատար եղիցի ապա և փրկութիւնն մեր, և կամ ի բաց առ զմարմինն և հետեւեալ Եւտիբեայ առ աչաւք և ցնորիւք ասել զմարմնաւորութիւնն Տեառն, կամ որոշեալ զաստուածութիւնն, և սոսկ մարդ գնա խոստովանեա ընդ նեստորի. զի թէ զթիւ բնութեանցդ առցես ի վերայ Քրիստոսի, հարկաւորապէս մղիք յայսսօսիկ, կամ երկուս ասել բնութիւնս, կամ ի ներքոյ անկանել յառաջասացելոցդ աստուածամարտից, և կամ փոփոխելի ասել. ապա թէ ոչ հաւանել պարտիք ձերոց ճարտարաց, զի ի կենդանւոյն զայլութեամբ զանապանեալսն տարբերապէս՝ սեռս և տեսակս

անուանեցին, և զսեռն հասարակ մի բնութիւն. և անհատն թուով ի բազումս կոտորեալ: Իսկ ոմն յերկուց անձնաւորեալ, մի ասացաւ բնութիւն, որպէս մեկնէ Յիւրիպիգէս Աթենացի, զպարզն անուանն զսերմանեալսն յԱրիստոտելէ, ասացեալ եղջերուաբաղս ի ստորոգութիւնն, ոչ միայն ի վերայ պարզիցն ասէ, այլ և զշաղաշարաբար կապակցեալսն մի ասելի բնութիւն. զի այլ է ըստ բնութեանն միութիւն, և այլ ըստ անձնաւորութեանն. զի ըստ անձնաւորութեան միացեալքն թէ բաժանին ապականի կենդանին: Որպէս մարդ ի հոգւոյ և ի մարմնոյ, որպէս և ոչ տնաւրէնութիւն մարմնացելոյ Բանին Աստուծոյ կացցէ՝ եթէ բաժանեցես: Իսկ ըստ բնութեանն մի, ըստ անձնաւորութեանն բաժանել՝ ոչինչ է արգել. որպէս միութիւն սրբոյ Երրորդութեանն՝ յերիսն կատարեալ անձինս. այսպէս և ըստ երկրորդ գոյացութեանն՝ տեսակն մի բնութեամբ, ի բազումս կոտորեալ անհատ:

Եւ դարձեալ ասէք թէ հակառակ նեստորի ասեմք զերկուսդ բնութիւնս. զի նա զՔրիստոս և զՏէրդ անուն, ըստ իրիք համանունութեան և արժանաւորութեան առ հաւասարութեան Բանին Աստուծոյ, ըստ անջատման կոչեաց. իսկ մեր երկու բնութեամբք մի որդի ասեմք: Այսոցիկ պատասխանի տայցէ սուրբն Վիւրեղ, զոր յառաջագոյնն ասաց առ Սուրբնոս, թէ Մի ասեմք զՈրդւոյ բնութիւն, այլ զձերդ՝ և ոչ նեստոր յանդգնեցաւ ասել. զի նա թէպէտ և չարաչար ժողովմամբ միաւորէր զաստուածութիւնն և զմարմինն իւր, սակայն միակամ և նոյնագործս ասէր զյարակցեալսն: Իսկ դուք և ոչ այսքան ներեցէք լինել զմիաւորութիւնն, զի ուր երկաքանչիւր բնութիւն կամի և ներգործէ ի բաց բարձեալ լինի նոյնաթոհութեան իւր: Եւ զոր զրեցէր առ մեզ զասացեալսն ի սրբոցն Վիւրեղէ, նորին իսկ բաւական են առ ի յանդիմանութիւն ի ձէնջ ասացելոցս մանաւանդ զոր ասեն եթէ երկուց բնութեանց, այսինքն անձնաւորութեանց՝ զոր յաւետարանականսն կամ յառաքելականսն գրեալ բաժանէ ձայնս, կամ ի վերայ Քրիստոսի զառ ի սրբոցն ասացեալսն, կամ ի նմանէ յազազս իւր և է ինչ՝ որ մարդոյ առանց բանին յատկապէս իմացեալ հպեցուցանեն. և է ինչ՝ զոր որպէս մարդոյ միայնոյ Աստուծոյ բանին. նպովեալ եղիցի Ահաւասիկ բաժանէք զձայնս ասացելոցն, և է ինչ՝ զոր Բանին հպեցուցանէք. և է ինչ՝ զոր

մարդոյ, զի երկուց բնութեանց երկաքանչիւր կամք, և ներգործութիւնք՝ հարկաւորապէս այսպէս բաժանին ըստ Թէոդորիտեայ ձերոյ խոստովանակցին. թէ ոմն բացափայլեալ սքանչելեաւք, և ոմն ընդ թշնամանաւք ստոր անկեալ. Գանդի թէ պնտաատագոյնսն ներգործութիւնս միայն բնութեան մարմնոյն տայցէք, զի՞նչ նուատագոյն և ծառայական կիրք, քան զծնունդ ի կնոջէ, և զմահ խաչի Վասն որոյ ասացէք, և ոչ Աստուած ծնաւ Կոյսն, և ոչ Տէր փառաց խաչեցաւ որպէս նեստորի թուի. տպա ուրեմն ոչ ետ Հայր զՄիածինն փրկանս, և մարդ սոսկ փրկել ոչ կարէ. թէ արդարեւ կիրք կրելոցն յատուկ են, որպէս ձեզ թուեցաւ ասել, զոր մի լիցի Ճշմարիտ հաւատացելոց Քրիստոսի այսպէս՝ խոստովանել, այլ զսորին հակառակն, զի յԱստուած յուսացաք, և ոչ ի մարդ:

Եւ դարձեալ զոր ասէրդ երկուս ներգործութիւնս կամեցեալ հաւատարիմ առնել և խաբել զպարզամիտս, առնուք վկայութիւն ի սրբոյն Կիւրղէ, զոր յառաջին գիրս Գանձուն ասէ, թէ ոչ ուրեք մին տացուք բնաւորական ներգործութիւն Աստուծոյ և արարածի. Արդ ընդէ՛ր բռնադատիք յայլ բարշէլ մտածութիւնս զուղղապէսն ասացեալս. Գանդի Եւնոմիոս ոչ ասէր զՈրդի ի բնութենէ Հաւր, իսկ սուրբն Կիւրեղ մարտնչելով ընդ չար ակոյտեանն ասէ, Ապա թէ ոչ ի բնութենէ Հաւր Որդի, զիմարդ զոր ինչ գործէ Հայր՝ գործէ Որդի, վասն զի ոչ է մի ներգործութիւն Աստուծոյ և արարածի. Արդ նա յաղագս աստուածութեան և մարդկութեան հարակաց ասաց. Իսկ թրոնաւորու . . . . . եալ զայսոսիկ ընդ կրուկն դար . . . . . Բանին Աստուծոյ և մարմնոյն իւրոյ հպե . . . . . էք: Ահա երկուս ասաց ներ . . . . . սուրբն Կիւրեղ, իբր կապտեալ իմն . . . . . ութիւնս զձերդ ջանայք փայ . . . . . . . . . . խրութիւնս ըստ Ուղղափանու . . . . . անութեանն, զիշերատեսակ հաւ . . . . . նսն այլոցն պերճացեալ թեաւք, որոյ վախճան զամաւթալին ածէ ի վերայ ծաղը, զի յանգիմանեալ այսորիկ ի սրբոյն Կիւրղէ ոչ առնու յանձն վկայ լինել ասացելոցդ ի ձէնչ երկուս ներգործութիւնս:

Եւ դարձեալ երկուց կամացդ՝ զոր ասէք, առնուք վկայութիւն ի սրբոյն Աթանասէ, զոր յաղագս մարմնաւորութեան ճառին ասէ, թէ՛ Աստանաւր երկուս կամս ցուցանէ, զմին՝ աստուածային և յաւժար, և զմիւսն՝ ընդդէմ կացեալ, որպէս տը-



կարութեամբ հասարակաց մարդոյ՝ Արդ զպս զրէք և զյեա  
այսորիկն լռէք, զոր ի վախճանի թղթիս ասէ. թէ՛ Զիւրն Աս-  
տուծոյ կամ ասաց, և զՊետրոսին հասարակաց մարդոյ, որպէս  
և Աստուածաբան Գրիգոր մեկնելով զասացեալսն, Զկամս իմ,  
և զառաքելն իմոյ. Ոչ որ ըստ Փրկչին իմանի ասէ, քանչի նո-  
րա կամեին ոչ ընդդէմ Աստուծոյ է, զի Աստուած է բովան-  
դակն, այլ ըստ մեղս իբրև մարդկային ախորժակացս, որ ոչ ա-  
մենայն իրաւք զհետ երթայ աստուածայնոյն, այլ ընդդէմ կոց  
և մարտնչի. ահաւասիկ մի կամս յայտ արարին Քրիստոսի՝ աս-  
տուածային միայն, և միւս զմարդկանս հասարակաց:

Եւ դարձեալ զոր գրեցէքս յաղագս տնաւորենութեան Բա-  
նին. մասն ինչ յասացելոցն սրբոցն Աթանասի և Վիւրղի և Նմանից  
նոցին, և առ ընթեր եղիք հատակոտորս յասացելոցն Ղևոնի  
Հոովմայեցոյ և ասէք, ի զուր բամբասել մեզ զՂևոն և զտոմար  
նորա, զի յասացելոցդ, ասէք, երևի համաձայն Աթանասի և այլոցն  
ուղղափառացն ասացեալ. Եւ այսոցիկ նոյն ինքն Աթանասիոս  
տպցէ պատասխանի. Ոչ ասէ, յամենայնէ՛ զոր ասեն հերձուա-  
ծողք փախելի է, քանչի բազում ինչ և նորա ընդ մեզ խոստո-  
վանին, զի ոչինչ ամենևին չարն կարէ հաստատուն կալ. բայց  
թէ ունիցի ինչ յինքեան կարծիս բարոյ. Արդ՝ ոչինչ սքանչելի  
է թէ ունիցի Ղևոն սուղ ինչ կարծիս ուղղութեան, զի զիւրն  
չինել կարասցէ առաջարկութիւն առանց հիման, իբրև պղնձով  
զխարէութիւն շուրջ եղեալ:

Եւ դարձեալ զառաջին լինելութիւն մարդոյն յառաջ բե-  
րեալ նախատէք զմեզ անգիտութեամբ, և ասէք եթէ, ունէր Աս-  
դամ ի բնութեանն զկամսն և զերկիւղն. և յայտ է կամքն՝ ո-  
րով մեղան, և երկիւղն՝ սպառնալովն Աստուծոյ, Թէ ուտիցէք  
ի պտղոյն՝ մեռանիցիք. Արդ թէ ասէք առեալ Քրիստոսի զբո-  
լոր բնութիւնն Ադամայ, ունէր ապա և զկամսն, զի կամք հոգ-  
ւոյ են ծնունդ, և եթէ ոչ ունէր զկամսն, և ոչ հոգի, և ի  
հարկէ ասէք հետևել ձեզ Ապողինարի, որ մարմին առանց հոգ-  
ւոյ ասէր՝ առեալ Բանին. Արդ նոյն ինքն Բանին Հաւր յաղա-  
գըս որոյ բանս է, տացէ մեզ բան՝ ի բանայ բերանոյ մերոյ.  
Ասասցուք և առ այս. Քանչի իբրև հաստատեցաւ յարարչէն  
նախահայրն պատուեալ բանաւորութեամբ՝ իմաստութեամբ, ի  
բնութեանն ունելով զգիտութիւն բարւոյ և չարի, և զնախանձն  
ի բարի, և զերկիւղ Տեառն՝ որ է կենաց, և այլ այսպիսի ինչ,

զի արարածական ընդ իշխանութեամբ, և ծառայ ընութեանս  
 Հարկաւորք եղնս պտորիկ, պլ ամենայն ինչ ի բարի եղև, զի  
 արարաւ ասէ մարդն յուղղութիւն, և կարգեցաւ ի միջասահա  
 մանս վայրի կենաց և մահու, և ի ձեռս տուաւ անձնիշխանու  
 թեանն իբրև կառավարի յոր կոյս և միտիցի կամաւր վիճակեալ,  
 եթէ կենաց և եթէ մահու Իսկ իբրև շեղեցաւ յաստուածային  
 պատուիրանապահութեանն ըսա ակորժակաց իւրոց, յեւթնից  
 պարունակութեանց դասուցն հոգեղինացն, հեռագոյն բացորո  
 շութեամբ եւթնից աշտիճանաւ ի վայր կործանեալ ի փառացն  
 զրաւեցաւ, ի հոգւոյ՝ մարմին եղև, և զպատիժ պատուհասին  
 զուզաթիւ ըստ յանցանացն տուժեցաւ թափուր եղեալ ի հոգ  
 ւոյ, յիմաստութենէ, ի հանձարոյ, ի խորհրդոյ, ի պարտութենէ  
 ի գիտութենէ, յաստուածպաշտութենէ, ինքերքոյ անկեալ երկու  
 զի աւտարին՝ ստուենգանելով պատուիրանին Տեառն, Ի բաց ե  
 կաց հոգւոյն շնորհն՝ կնոջն լսելով խրատու, Կորոյս զտիրական  
 վերինն իմաստութիւնն՝ ոտիցն հնազանդեալ զլիցոյն անհան  
 ձարարար Իբր գեղեցկագոյն և բաղցրաճաշակ բան զպատուի  
 րանսն աստուծոյ, զմահաբերն դատեցաւ պտուղ Թանմահականն  
 վայելից տարագիր եղև՝ անխորհրդապէս կորուսեալ զբոցածա  
 ճանչ լուսափայլ զարդարանսն, Հակառակարար հայթայթանաւ  
 քնն ջանայր ծածկել զամաւթալին իւր մերկութիւն պատառա  
 տուն տերևով, անյուսացեալ ի վաւրութիւն ամենակալին կար  
 ժեաց թաքչել յամենատեսչութենէ նորա, Ի ներքոյ անկեալ  
 երկեւղին մահու, ձայնելով Տեառն յապաշխարութիւն, տգիտա  
 ցեալ անվղջութեամբ՝ արտաքս անկաւ ի փափկութենէն կե  
 նաց, իբրև անծանալ Ստուծոյ՝ ամպարշտութեամբ յարարին  
 գարձուցեալ զպատճառսն որպէս ի հաղորդ յանցանացն, թէ  
 Կինս զոր ետուրս ընդ իս, զանիծից և ցաւաղին ժառանգեաց  
 կենցաղ, Իսկ մի և նոյն մարդկութեանս արարիչ, որ իսկզբանն  
 և որ յետ այնորիկ, յայնժամ առեալ հոգ յերկրէ զմարդն ստեղծ,  
 գարձեալ առեալ ի կուսէն հոգ, ոչ պարպաբար մարդ ստեղծ,  
 այլ զինքեամբ շրջաստեղծեաց, յայնժամ Բանն մարմին արար,  
 իսկ յետ այնորիկ բանն՝ մարմին եղև, ընդ նոյն ճանապարհ ե  
 կեալ մարդկութեանս յսկիզբն և յարմատ ծննդեանս հասեալ  
 հասարակաց, սրբոյ Երրորդութեանն լեալ ներգործութիւն,  
 Հայր կամակեաց, Հոգին սուրբ հովանացաւ, և Արդին՝ որպէս  
 հուր միացուցիչ նիւթոյ ի բովս, կամ իբրև զմակարթ ինչ կարծ

րացուցիչ կաթին, յորովայնի կուսին մածոյց զինքեամբ մարմին՝ ի ճշմարիտ կուսական արենէ: Եւ ոչ ըստ ինքեան ինչ ենթադրանքով մարմին, այլ աստուածային շարառութեամբն շարժեցաւ մարմինն ի գոլ մարմին, և բնութեամբ բանին կերպացաւ բնութիւն մարմնոյն, և բնութիւն մարմնոյն եղև բնութիւն Աստուծոյ, զի նովաւ էառ սկիզբն և գոլ բնութիւն յանապահանացուէն սկսեալ և վասն այնորիկ անապական մարմին, զի որպէս լոյս ընդ արեգական անընդմիջարար հանդէս ընկացեալ անապականութիւնն, ընդ յղութեանն ի րաց փախեալ խաւար ապականութեանն, յըմբռնել զնա լուսոյ անապականութեան ի սուրբ արգանդին. և առեալն եղև այն՝ որ ինչ առաւղն բնութիւն, նշնպէս և կամք առեցելոյն, և որ ինչ զհետ երթայ բնութեանն՝ իբրև ճառագայթ ճրագի առ արեգականն հասեալ պայծառութիւն, առանց ի րաց բառնալոյ ոչ ուրեք մնաց յիւրսըն անձնաւորութիւնս, այլ հզաւրագունին յաղթեալ յինքն փոխարկէ զպատարագոյն նշոյսն, և ոչինչ ընտրութիւն կամ միջոց կամ տեսութիւն ճառագայթիցն մնայ:

Այսպէս և ոչ ի մարմնական բնութեանն, կամ կամաց կամ ներգործութեան թիւ մնաց ի մարմնացելոյ Բանին Աստուծոյ, բանպի բոլորն Աստուած և Աստուծոյ կամք և ներգործութիւն ասի, զի մնասցէ Երրորդութիւնն պարզ և անվանազանապէս, անխառն ի նիւթականացս, որպէս Գրիգորի Նիւսացոյ թափասել հարցման պատասխանի Բասլի եղբար իւրում: ասէ, Ո՛չ մի անապանութիւն Բանին և մարմնոյն իւրոյ. պատասխանի առնէ, լծէ Զանապանութիւն ասէ՝ աննմանութիւն, եթէ աննմանութիւն՝ ոչ պարզութիւն, և եթէ ոչ պարզութիւն՝ ի բազմաց դրութիւն. և զի մի այդպիսեալ որդի վարկցի համբարձեալ յերկինս, և այսպէս աստուածագործ խառնմամբն ճշմարտապէս մարմին առեալ յոսկերաց և ի ջլաց հաստատեալ և հոգի մտաւոր և բանական կամեցողական զաւրութեամբն, և որ ինչ մարմնոյ առանց մեղաց: Թէպէտ և զապականացուէն բուռն հարեալ զգաւակէն Արրահամու, իսկ և իսկ յանապականութիւն փոխեալ, զի նոյն ինքն Բանն անձնիշխանութեամբ զկամսն իւր գործ կատարեալ ունէր, զի Աստուած էր բովանդակն: Եկն ի խնդիր նախաստեղծին ազգակցին ըստ մարմնոյ, դիմեալ յնդովմայ՝ եգիտ զնա ընդ իշխանութեամբ բանսարկուին, և զիւր սուրբ և անապական մարմինն իբրև զանիծից և զապականա-

ցու, բարձր և ծարաւով, և զմարդկայինն ոգի՝ իրրև զանգիտացեալ և զերկուցեալ առաջի արկանէր: աւրինաւոր մարտիւ թոյլ ետ յինքն ձգել զհրացեալ նետս մուխս չարին, զի շիջուցէ յինքեան, ոչ ունելով ի նորայոցն զոր սերմանեացն յԱզաւ յուսով աստուածանալոյն, զի էր արգարութիւն ածեալ ընդ մէջ իւր, և ճշմարտութեամբ պատեալ զկողս իւր: Փորձի աւուրս բառասուն պահովք, ապա բաղցնու, և սակայն յայտ առնէ, թէ յորժամ կամեցան, որպէս ասէ սուրբն Կիւրեղ ի զիրս Գանձուհն, Զի ոչ եթէ բնութիւնն զնա հարկեցուցանէր, այլ ինքն շարժէր զբնութիւնն իւր: Ասէ. Այժմ անձն իմ խռովեալ է և այժմ յայտ առնէ, թէ յորժամ կամեցաւ. որպէս ասէ սուրբն Աթանասիոս առ Ապողինարիս: Անգիտանայ զթղեկն յանպտղութիւն և երկնչի ի մահուանէ, զի ի ձեռն նորին ուռկանի ըմբռնօսցի քանսարկուն, և հրաժարմամբ բաժակին անգիտացեալ ի վերայ արձակեցցի ժպրհութեամբ, որպէս նախաստեղծին երկուցելոյ, և անգիտութեամբ ի թղեկն պապականեցելոյն, զնոյն գտցէ Աստուած անպարտելի Զաւարացեալ լինի ի հրեշտակէ փոքր մի խոնարհեայն քան զհրեշտակս, ըստ տեսչութեանն տաւնակից առնել կամելով բնութեանս մերոյ զվերին բնութիւնս: Աղաւթէ ի խաչին: Աստուած իմ ընդէր թողեր զիս, որպէս զմի ի թողեցելոցս հաշուեալ զինքն, վասն հաղորդ լինելոյն մեզ արեան և մարմնոյ մեզ բան հնազանդութիւնն, և զինքնակատար կամացն ներգործութիւն, ի հնազանդութիւն կրթելով՝ ասէ, Ես զկամս հաւր իմոյ կատարեմ, և զհաճոյսն առաջի նորա առնեմ, զի զհաւրն լսելի մեզ խոնարհեցուցէ, զոր ի բացն զարձոյց անհնազանդութիւնն Ազամայ: Եւ այսպէս թագաւորն փառաց հչաւրն ի պատերազմի, ել ի բարձունս հպարտացելոյն, կապեաց զհսկայն, աւերեաց զյաւիշտակեալ գանձն նորա՝ զարքունեանս պատկեր: եմոյծ ի դրախտն զԱզամ՝ ուստի անկան և զեւթնակին շնորհսն զոր կորոյս եւթնակին յանցանաւք: ի վերայ ծննդոց նորին կոչէ, ոչ ի վերայ ինքեան, զի ի նմա էր ամենայն լրումն աստուածութեանն: Այլ շինեաց իմաստութիւնն հաւր զտունն: զխորանն Գաւթի՝ զհասարակաց բնութիւնս, յորում ընակիլ ասի Աստուած, կանգնեալ վերստին զկործանեալ սիւնն եւթն: Եւ վասն լինելոյն իւր ծաղիկ յարմատոյն Յեսայ, հանգչել ասի, ինքեամբ ի մեզ Հոգի Աստուծոյ, հոգի իմաստութեան և հանձարոյ, հոգի խորհրդոյ, և զաւրու-

Թեան, հոգի գիտութեան և աստուածապաշտութեան, Իսկ միւսն պատեալ զեւթամբն, կրկնապատկեալ զշնորհսն ըստ աւուր յարութեան իւրոյ յուրթորդն կատարեաց, որ է աւուրց կատարումն. լցաւ Հոգւով երկիւղի Տեանն և սկիպն յարաձգական յաւիտենի, զի ուր երկիւղ Տեանն՝ անդ պատուիրանին պահպանութիւնն, և ուր պահպանութիւնն՝ և՛ ոչ յանցանք: Բարձաւ և միջնորմն, տեղի ետ և բրովբէիցն բոցեղէն շրջապատեալ սուրն՝ պահողացն զճանապարհ ճշմարիտ կենացն, զի ընդ մեզ դտաւ ճանապարհն և ճշմարտութիւնն և կեանք. անցոյց զմեզ ի վեր ընդ դրունս երկնից, եհան յանմահական յերկնաւորն ճոխութիւն, և նստոյց գեր ի վերոյ իշխանութեան և պետութեան և զաւրութեան, և խրախոյս տուեալ՝ Բաղվերեցէք, ասէ, ես յաղթեցի մահու: Եւ ետ իշխանութիւն հաւատացելոց իւրոց, գնալ ի վերայ իժին և քարրին, և պարծելով ասել, Ո՛ւր է մահ յաղթութիւն քո:

Արդ՝ զպսրան և զպսպիտի առատ մարդասիրութեան և աստուածագործ զաւրութիւն, զի՛արդ որ իշխեցէ աւտար բնութեան, և ոչ յաւէտ Աստուծոյ համարել, ուր մարգարէքն աղաղակեն, թէ՛ Ինքնին Տէր փրկեցէ զմեզ, և առաքեալքն, թէ՛ Կեանքն յայտնեցան, և տեսար և վկայեմք. թէ սո՛ւ է ճշմարիտ Աստուած և հետևողք ճշմարտութեանն նոցին դաւանեցին մեզ Հոգւովն սրբով ի նիկիացոց քաղաքին ժողովեալքն Աստուած յԱստուծոյ իջեալ, ասացին, ճշմարտապէս մարդ, իսկապէս մարմնացեալ ի սրբոյ կուսէն հոգւով և մարմնով և մտաւք, և նովին մարմնով խաչեալ և թաղեալ և յարուցեալ յաւուր երրորդի, և նովին մարմնով վերացեալ յերկինս, նստաւ ընդ աջմէ՛ շաւր. նովին մարմնով գալոց է դատեր զկենդանիս և զմեռեալս, և ոչ ուրեք թիւ բնութեանց կամաց յիշատակեցին ուրեք, որ և ոչ վայել է իսկ Աստուծոյ:

Արդ՝ ցուցէք մեզ այլ մարգարէս, և առաքեալս և վարդապետս, նա և Աստուած մարմնազգեստ, հաւատարմագոյնքան զպսոսիկ, և եթէ իցէ արդեւք, զոր և ոչ դեք անգամ յանգզնին զայս ասել: Զարմացան երկինք ի վերայ պսոսիկ, ասէ մարգարէն, զի՜ զգրեալսն լո՛ւք, և զոչ գրեալսն յերգ արկեալ հնչեցուցանէք, զի փրկութիւն հասարակաց մարդով և ոչ Աստուծով ասէք եղեալ: Ո՛վ խորամանկութիւն չարին, անբուն ակամբ երկնեալ սերմանեաց զայս բանակուութիւն ի կոր-

Ծանուցի լսաւոյց, հակառակատիպն Պաւղոսի վատաշուէր Սամուստացւոյն և առողեաց Նեստորիոս, և աճեցոյց սկզբնագիւտ չարին բանսարկուն, զոր ծածկարար ի ձեռն ժողովոյն Բաղկեղովի գիշերային մտածութեան, ի վերայ ցորենոյն զորոմն սերմանեաց, ի ճշմարտեաց յսելիս, որոց եղաւ ժամագրութիւն ի հունձն՝ ընդունելով ի փրկէն զհասուցումն: Մի ոք զմեզ իբրև զյանգգնախաւսս պարսաւիցէ, և կամ իբրև զանհանձարարար թշնամանողս, զի սէրն Բրիտտոսի ստիպէ զմեզ քննել զայս ամենայն, և խաւսել առանց ամաւթոյ զվկայութիւնս Տեառն առաջի թագաւորաց:

Թողում ասել, որ յաղագս հաւատոյս զինիք ընդգէմ և հակառակ Յիսուսի առնել և ուսուցանել ջանայք, այլ և ի վերայ այսոցիկ փոխեցէք զսահմանն յաւիտենական ի հարցն հաստատեալ, կուրացուցէք զհաւան Տեառն՝ զոր գնեաց արեամբն իւրով սրբով: Ընդէ՛ր փակէք զմեղուցելոցն ապաշխարութեան դրունս, և ծածկեցէք զկանոն աւրինաւոր ամուսնութեանն, որ հապիւ և զերկրորդն թողացուցանէ մարմնասիրացն: Ի բաց բարձէք զպահոցն նշմարանս՝ զոր Տէրն աւրինադրեաց: Զինչ ունիք ասել և առ բանսն առաքելոյ՝ Արհամարհութեանն կոչել զմարմնոյ պղծալից ցանկութեանն կատարաւզս, զոր և այժմ գրեթէ առ ձեզ բարաւելով Պաւղոս՝ զՀոռոմայեցիսն և զԿորնթացիսն նախատէ, յաղագս պոռնկութեան խառն անկողնոց և պղծութեան, և զծածուկան գործելով զանց առնէ ասելով, զոր մայր մեղացդ թեթեազոյնս կապմէք կարճամտացդ, ի նոյն յուղարկել կորստեան խորխորատն, ընդ որոց զժրեհեղին ընկալան արկածս. և զհրակիպութիւնն Սողոմ, և զԻսրայելի խրատեալ յանապատին, և զՋամրի սատակելով՝ զիշատակ արդար լթեանն հաստատեալ Փենեհեսի, Հեղի և որդիքն և բազմահազարքն սատակեալ ժողովուրդքն. զոր և համարձակիմք ասել, վասն աստորիկ աշխարհ ձեր հրձիգ, բաղաք ձեր աւերեալք յապագաց աւտարաց, դարձուցեալ զաւգնութիւն ի սրոյ ձերմէ, խոնարհեցուցեալ զթագաւորութիւնդ, փոխանակ զաւրացելոյ հերձուածիդ և անասնական անարգել ախտաւորութեանդ:

Զինչ ևս զբահանայիցդ ասացուք զանկարգ սովորութիւնդ, զի սուրբ հարքն և ոչ զտոյնսարեալսն ընդունէին ի բահանայութիւն կամ ի սարկաւազութիւն իբրև զանկեալսն ի

շնորհացն Գրիստոսի. իսկ ձեր պսոցիկ և ոչ հետք ուրեք երևին, այլ ըստ իւրաքանչիւր կամաց վարեցեալք բազում ամուսնութեամբք և յետոյ խորհրդապգածք աստուածայնոյն բեմի, և կարգեալ խորհրդածուր պյոց: Միայն թէ զարտաբին բաժակին և զսկաւառակի բարիոր իցէ յուացեալ, և քաջագոյնս ի թափչաց ողորկեալս ագանիցեն պարեզաւտս, և մանաւանդ թէ զՊղատոնական պերճաբանութիւնսն վարժեցեալք հեգնեացնն ըսյս, քաջ քաջ համարձակագոյնս քան սերովբիմն ունելեալք յաւրինակն. սորա ձեռաւք ի ճշմարտութիւնն՝ առ կայծակն աստուածային հրոյն՝ յանդգնագոյնս մերձեցեալք ինքեանց ընդելլով \*), և զմեղուցեալսն հաղորդեցուցանեն. Եւ զարմանք թէ զիարդ ոչ աստուածային հրովն ծախիցին ընդ նարագայ և Արիուգայ. զորոց ամբաստան լինի Աստուած ի ձեռն մարգարէին Սոփոնիայ. թէ՛ Բահանայքն պղծեն զսրբութիւն իմ և ամպարշտեն յաւրէնս իմ. և ի ձեռն միւսոյ մարգարէին ասէ, Մի՛ մտանէք ի սրբութիւնս իմ, ասէ, և կոխել զգաւթիթս իմ մի՛ յաճախէք:

Զի՛նչ և զհեթանոսական անուանեալ ամուսնութիւնսդ ասասցուք, զի հարաչառաց որդիք և դստերք միաւորին յամուսնութիւն, և ամուրիք և պրիք զուգաորեալք երկրորդ ամուսնութեամբն, և զպլլմէ ծնունդս իւրեանց առ միմեանս զուգաւորեն, և ոչ ուստեր երկիւղ և ոչ վրէժիւնդրութիւն:

Զի՛նչ զանիրաւ դատաստանսդ և զկուրացուցիչ կաշառակրծութիւնսդ ասասցուք, ընդ որ և մարգարէն զարմանայ, թէ՛ Առաջի իմ եղև դատաստան, և դատաւորն առնոյր կաշառ. Զի՛նչ և զագահութեանցդ և ի կշիռս մեղանչելով վաճառաշահ աւգտածարաւութեանցդ ասասցուք, զոր կռապաշտութիւն կոչէ խորհրդակիրն Գրիստոսի. Զի՛նչ և վասն սուտ երգմնաճարութեանցդ՝ որոց Զաբարիաս սպառնայ թռուցեալ գերանդեաւն. Զի՛նչ զսուտ վկայութեանցդ՝ ընդ որոյ ի Դանիէլէն պատուհասեցան ծերբն. Զի՛նչ և զարեանցդ հեղլոյ անողորմաբար՝ ընդորոյ պատժեցաւ Վայէն նախահայրն սպանողաչ. Զի՛նչ և զթագաւորացդ արհամարհութիւն, որոց իբրև Աստուծոյ անհնապանդից դատաստան ասաց ընդունել Պաւղոս:

Եւ զպստսիկ ասելով առ ձեզ, ոչ որպէս փարիսեցիք ո-

\*) Այսպէս յորինակին.

մեք զանձինս արդարացուցանեմք, զի որովք ստգտանեմք ըզ-  
 ձեզ՝ թերեւս և մեք ի գաղտնի զնոյն գործեմք: Այլ նախ այս,  
 զի ոչ ըստ հնգից տաղանդի պահանջեմք տոկոսես: Քանզի պա-  
 տուեցայք յարարէն բահանայութեամբ՝ թագաւորութեամբ՝  
 գործական և տեսական իմաստութեամբ, և նախկին զբանն ըն-  
 կալեալ քարոզութեան իբրև զանձրև՝ բազում անգամ խրա-  
 տեալ յաւրինաց և ի մարգարէից, վարդապետ կարգեալ տղայոց,  
 լոյս և աղ աշխարհի լինել: և դէտ կարգեալք, և ոչ ստուգա-  
 պէս պահողացդ զարիւնն՝ ի ձեռաց ձերոց խնդրել ասաց մար-  
 գարէն Եզեկիէլ, սպառնալով Աստուծոյ: Իսկ ըստ մերում աղ-  
 քատութեանս ի վեր երևեալ մեղք ուրուք՝ յանդիմանեմք,  
 սաստեմք, և միխթարեմք, արտաքոյ եկեղեցւոյ և սրբոյ խոր-  
 Տըրդոյն կացուցանեմք, նշաւակեալ զայնպիսին ըստ Պաւղոսի  
 և այլ սրբոցն կանոնի, զոր դուք և ոչ ի լսելիս անգամ ձեր  
 յանձն առնուք:

Եւ զիմարդ ոչ պատկուէք ի մտանել ձեր ի հրաշագործդ  
 սրբարան անուանեալք Սուրբ Սոփի, ոյ արդարև իսկ հիմե-  
 ցաւ վերին իմաստութեամբն խորհրդարար յինքեան բերելով  
 զլինելոցդ ձեր անպեղ յանդգնութիւն, և զմոռացումն Աստու-  
 ծոյ պատուիրանացն, իբրև զմեղսն Յուդայ գրեալ անշարժ  
 զյանդիմանութեանդ կանոն՝ առաջի աչաց ձերոց սահմանաւ  
 տպացուցեալ: Քանզի յարեւելից կրկին սրահիւրդ, և արծաթա-  
 պատ դրամբքդ, և երեքկին գաւտաւրդ, կապուտակեայ բա-  
 րամբք պատուականաւք յատակի եկեղեցւոյդ անջինջ գծագրու-  
 թեամբ, եւ թնեկին աշտիճանաւք մինչև ի մուտս բահանայա-  
 րանիդ, զպաշխարողսն ըստ ժամանակի արժանաւորեալ հա-  
 ղորդութեան երևեցուցանէ. զոր դուք այժմ իբրև զծաղու ար-  
 ժանի առասպելս և ցնորս համարիք անիրաւաբար կոխելով.  
 զոր և ոչ Մովսէս թողացուցանէր յստուերի պաշտամանն մա-  
 նել յեկեղեցի Աստուծոյ, զպողակն ճայրոտեալ՝ առ արդարու-  
 թեանն արեգակն ոչ կարացեալ հայել ուղիղ հաւատով, և  
 կարճունչն՝ ոչ արժանաւորեալ ընդունակ լինել անուշահոտու-  
 թեան Հոգւոյն սրբոյ հաստոփ: Չորձս երկդիմիս արկեալ,  
 զգեցեալ զՔրիստոս մկրտութեամբն, և զաւտարին կերպարանս  
 ըստ հեթանոսացն ի վերայ արկեալ, զարիւն ոչ զոհել ի վե-  
 րայ խմորոյ զնորոյ ուխտիս արիւն ըստ մարգարաւանն փա-



րիսեցեաց հին խմորոյն խոստովանելու Եզն և էշ ի միասին վարեցեալ, անուանեալ ուղիղ վարդապետութեամբ ընդ հեթանոսականն խառնակ գնացիւք անյուսուութեամբն յծակցեալ մալխան յերկոցունց զաւրութենէ, ի բաց անկեայն ի հոգւոյն աւղղութենէ և ի մարմնոյն սրբութենէ. սապատողն՝ ոչ ուղղական տեսակաւ հայեցեալ ի վերկոյս յաստուածայինն պատուիրանս և յերկնից բարութիւնսն, այլ ըստ անասնոցն ի վայր խոնարհեալ զերկրաւորս միայն, որ ինչ որովայնի և ընդ որովայնիւ է հոգայցէ. մասնեալ զծառայ տեսուն իւրոյ զվախեցեալն յիշխանութենէ խաւարի առ կործեցեալ լոյսն, իբրև զեկամուան՝ արարեալ սրտի զեհնին՝ կրկին ևս քան զինքեանս, մասնեալ անդէն մեղաց իւրոց, Այսոքիկ Մովաբացիք և Ամոնացիք, պիղծք և արատաւորք, մտանն ի աուն Աստուծոյ, և ձեր թողալուցեալ այսոցիկ գնալ իւրաքանչիւր ումեք զհետ սրտի իւրոյ չարի Ի բաց բարձէք զկարգ և զխորութիւն հովուի և հաւտի. բժշկի և վիրաւորեցելոյ, ծառայելոյ Տեսուն և Բահաղիմանցն, որոց այսպէս գործողացն՝ զորդն ոչ մեռանել և հուրն ոչ շիջանել, Եսայի սպաննայ:

Վասն որոյ երկնչիմք աւտարածայն և պէս պէս ուսմանցդ ձերոց հաղորդել, յորմէ և Պաւղոս հրաժարեցուցանէ, զի մի խոնարհեցիմք ի տեղի չարչարանաց և ծածկեսցեն զմեզ ստուերք մահու. Այլ զհետ սրբոց հարցն հետևեսցուք խոստովանելով ընդ նոսին զԱստուածն Բան մարմնացեալ ամենայնիւ՝ որ ինչ մարդոյ բայց ի մեղաց, և ընդ ամենայնս ուղեւորեալ կենցաղոյս անարատապէս և աստուածային խառնումն, անմեկնելի է ի մարմնոյն իւրոյ, յարգանդէ կուսին մինչև ցաւախտեան. Եւ առի բոլորն Աստուած անմահ. Տէր փառաց խաչեալ, և որով ծնաւն, նովին մարմնով և հոգւով, կամաւք և ներգործութեամբ ունի զփառան զոր ունէր ընդ Հաւր, յառաջքան զիւնեյն աշխարհի յԵրրորդութեանն երկրպագեալ որպէս նմին Տեսուն, և այժմ հանդերձ առեցելովն Եւ մնաց Երրորդութիւնն՝ Երրորդութիւն առանց յաւելման և պակասութեան, և նովին բնութեամբ, մի և նոյնն գայ հատուցանել ըստ իւրաքանչիւրոցն. Ուստի ուղղելով զգնացս մեր ի հաճոյս նորա պսու խոստովանութեամբ յանգելով զաստիս խաղաղութեամբ, հաւատամք և յաւիտենիցն հասանել կենաց Քրիս-

տասիւ Յիսուսիւ Տերամբ մերով: որ կոչեացն զմեզ ի մասն  
 վիճակի սրբոցն ի լոյս. որում՝ փառք պատիւ և զաւրու-  
 թիւն և իշխանութիւն, այժմ և միշտ և յաւիտեանս յաւիտե-  
 նից, ամէն:

ԶՏեղապարս Գրոյս զԹուսուս և զՔնաւչն իճ  
 յեշեյէ+:



**ՍՐԲՈՅՆ ԿԻՒՐՂԻ ԵՊԻՍԿՈՊՈՍԻ ԱՌ ՆԵՍՏՈՐ.  
ՋԻ ՏԱՅՐ ՆՄԱ ՏԵՂԻ ԱՊԱԶԻՍԱՐՈՒԹԵԱՆ ՅԱ-  
ՌԱԶ ՔԱՆ ԶՄԵՐԺԵԼ ՆՈՐԱ, ԶԻ ՉԵՒ ԵՒՍ ԷՐ  
ԼԵԱԼ ՍՈՒՐԲ ՍԻՆԵՂՈՊՈՍՆ ՈՐ ԿԱՄԱԿՆ ԱՍ-  
ՏՈՒԾՈՑ ԺՈՂՈՎԵՑԱՆ ՅԵՓԵՍՈՍ:  
ԹՈՒՂԹ ԿԻՒՐՂԻ ԱՌ ՆԵՍՏՈՐ:**

**Ա**ռ սուրբ և աստուածապաշտ և պաշտաւնակից մեր  
Նեստոր. Կիւրղոս և ամենայն որք ժողովեալ են ընդ մեզ յԱղեք-  
սանդրիւսյ՝ ի կողմանց և ի ընակութենէ Եզիպտացւոց, ող-  
ջոյն:

Փրկչին մերոյ ասացեալ է յայտնապէս, եթէ՛ Որ սիրէ  
զՏայր իւր կամ զմայր առաւել քան զիս, ոչ է ինձ արժանի.  
Զի՛նչ արասցուք մեր որ յաստուածաշտութենէդ բուժմէ պա-  
հանջեմք առաւել սիրել զբեզ՝ քան զփրկիչն ամենայնի Յիսուս  
Քրիստոս. Ո՛ կարասցէ փրկել զմեզ յաւուր դատաստանի, և կամ  
ո՞րպիսի պատասխանի գտանիցեմք, որ այսչափ յերկարեցաք որ  
ի բէն չայհոյութիւն լինէր զնմանէ. զի թէ միայն յանձն բո լի-  
նէր մեղանչականութիւնն այսպիսի մտաց և վարդապետութեան,  
փոքր ի՛նչ էին հոգքն արդեաւք. այլ վասն զի զամենայն եկե-  
ղեցիս զայթակղեցուցեր, և իբրև խմոր հերձուածոց վնասակար  
և աւտարաւտիս արկեր ի ժողովուրդս, և ոչ առ այնոսիկ միայն՝  
որ մերձաւորք էին բո, այլ յամենայն տեղիս հասին սուտ պատ-  
մութիւնք գրոց քոց. Զի՛արդ ևս հնար լիցի լռել մեզ և ոչ ի  
հարկէ յիշել զասացեալսն Տեառն Քրիստոսի, եթէ՛ Մի համա-  
րիք եթէ եկի արկանել խաղաղութիւն յերկիր, ոչ եկի արկանել  
խաղաղութիւն յերկիր, ոչ եկի արկանել խաղաղութիւն՝ այլ  
սուր, եկի բակել զայր ի հաւրէ և զդուստր ի մաւրէ. Զի ե-  
թէ վնասել հաւատոյն ընդունայն և անաւգուտ է, պատիւ ծնաւ-  
ղաց և երկիւղ, դադարեալ են՝ և աւրէնք զթոյ և խնամոյ առ

եղբարս և սիրելիս, և աստուածապաշտից լաւ համարեալ է մահ քան զկեանս, զի առաւելութեանն արժանի լիցին հասանել, որպէս և գրեալ է:

Եւ ահա մեծ սիւնհոգոսն որ եղև, որ ժողովեցան ի Հոռմէ, յորում էր սուրբ և աստուածապաշտ եղբայրն մեր և պաշտաւանակից Կելեստինոս եպիսկոպոս. արդ երրորդեմք զայս ըան և դնեմք վկայութիւն և գրեմք և լինիմք բեզ խորհրդակից, ուղղել բեզ ի վրիպեալ մտացդ և ի գայթակղեցուցիչ կրանիցդ. զոր իմանասդ և ուսուցանեսդ, և զալ բեզ յուղիղ հաւատս որ տուեալ ի սկզբանէ յեկեղեցիս, ի սրբոց առաքելոց և յաւետարանչաց, որ ինքնատես և սպասաւորք եղն Բանին. Զի եթէ զայդ ոչ արասցէ աստուածապաշտութիւնդ բո, որպէս սահմանեցաւ բեզ ժամագրութիւն ի թուղթմն զոր յառաջագոյնն յիշեցաք, և սրբոյ և աստուածապաշտի եպիսկոպոսի Կելեստիանոսի գործակցի մերոյ, զի գիտասցես զանձն բո, եթէ՛ ոչ ունիս ընդ մեզ բաժին և ժառանգութիւն ի բահանայութեան Աստուծոյ և յեպիսկոպոսութեան. Զի ոչ է հար մեզ անտես առնել զխոտվութիւնս եկեղեցւոյ և զգայթակղութիւնս ժողովրդոց և զանարգութիւնս ուղիղ հաւատոյ, և ի գերութիւն մատնիլ ի բէն հաւտից՝ որ պարտ էին կենաց, զոր պարտ էր բեզ ընդ մեզ ուղիղ փառաւորութեան լինել ցանկացող, և գնալ զկնի սուրբ հարցն ընդ շաւիղս աստուածապաշտութեանն:

Արդ զայս գիտասջիր, որ միանգամ մերժեցանն և անարգեցանն ի բէն վասն հաւատոցն, ի ժողովրդոցն կամ ի բահանայութենէն, ամենբեան նոքա ընդունելի են, և մեզ հաւասարորդ համարիմք. զի ոչ է մարթ թէ որ միանգամ ուղիղ մտաւք և ճշմարտութեան խոստովանութեամք կացին, թէ անարգեսցին և խոտեսցին ինչ բո վկայութեամք այնորիկ՝ որ բարիքն արարին և ընդդէմ կացին բո, վասն որոյ և գրեցերն իսկ դու ի մեծ քաղաքն Հոռոմ, և ցուցեր թղթովն բով սրբոյ եպիսկոպոսակցին մերոյ Կելեստինոսի. Զի ոչ եթէ այնչափ միայն պիտոյ է աստուածապաշտութեանդ. բում զի խոստովանեսցիս ընդ մեզ, այլ և նշանակ հաստատութեան հաւատոցն ունել յանձին, որ եղաւ ժամանակաւ սուրբ Հոգւովն յընդրեալ և մեծ սիւնհոգոսին որ ժողովեցան ի քաղաքն Նիկիայ, զոր դուն թիւր իմացար և անարժան թարգմանեցեր. Զի թէպէտ և խոստովանիս լոկ զբարբառն բանիւք, այլ պարտ է բեզ ըստ կարգի աւ-

ըինացն գրով տալ զխոստովանութիւն, զի նպովեսցես պապականեայն և զանարժան կրանս վարդապետութեան քո, և իմասցիս ուղիղ և ուսցիս իբրև զմեզ ամենսեանս: Որպէս յարևմտաւ և յարևելս եպիսկոպոսք և վարդապետք, և առաջնորդք ժողովոցոց, որպէս և կարգեցին ի Հոռոմ սուրբ սիւնհոգոսն, և մեք ամենքեան, որպէս ուղիղ և անվրէպ և անսխալ գրեցաւ ի թուղթսն առ աստուածպաշտութիւնդ քո յեկեղեցւոյն: Աղեքսանդրացւոց, կարգեցաք ի թուղթսն մեր թէ զիմարդ աւրէն է ուսուցանել, և յորմէ՝ հեռանալն պարտ իցէ: Զի այս են կաթուղիկէ և առաքելական եկեղեցւոյ հաւատք, որոմ միաբանին ամենայն արևմտեայք և արևելեայք, որ թէ սիւնհոգոսք:

Հաւատամք ի մի Աստուած, ի Հայր ամենակալ, ամենայն երևելեաց և աներևութից արարիչ, Եւ ի մի Տէր Յիսուս Քրիստոս, Որդի Աստուծոյ ծնեալ ի Հաւրէ, Միածին, պսի՛նքն է ի բնութենէ Հաւր, Աստուած ճշմարիտ. յԱստուծոյ ճշմարտէ, ծնեալ և ոչ արարեալ, ընակից Հաւր՝ որով ամենայն եղև յերկինս և յերկրի: Որ վասն մեր մարդկան և վասն մերոյ փրկութեան էջ և մարմնացաւ և մարդացաւ, մեռաւ և յարեաւ յաւուր երրորդի, և ել յերկինս, և գայ դատել զկենդանիս և զմեռեալս: Եւ ի Հոգին սուրբ: Եւ որք ասենն թէ էր երբեմն զի չէր, և թէ յոչնչէ եղև, կամ յայլմէ զաւրութենէ և ի բնութենէ, կամ փոփոխելի և պլայլելի զՈրդին Աստուծոյ, զայնպիսիսն նպովէ կաթուղիկէ և առաքելական եկեղեցի:

Արդ ամենայնիւ երթամք զհետ խոստովանութեան սըրբոց հարցն՝ որովք խաւսեցաւ սուրբ Հոգին, և զկնի մտաց նոցա արասցուք զնայեցուածս զնացից մերոց, իբրև զարքունի ճանապարհ զնասցուք և ասասցուք, թէ նոյն ինքն Միածին Աստուծոյ Բանն, որ ի նոյն Հաւր բնութենէ իսկ է ծնեալ Աստուծոյ ճշմարտէ ճշմարիտ Աստուած, զլոյսն ի լուսոյ, որով ամենայն եղև յերկինս և յերկրի: Որ վասն մերոյ փրկութեան էջ և ունայնացոյց զանձն իւր, մարմնացաւ և մարդացաւ, պսի՛նքն մարմին ի սուրբ կուսէն՝ իւր միացոյց, և յարգանդէ ըստ մերում նմանութեան ծնաւ, և երևեցաւ մարդ ի կնոջէ, ոչ անկեալ ի բնութենէ իւրմէ որ էրն, այլ թէպէտ և եղևն հաւասար մարմնոյ և արեան, սակայն և այնպէս կայ մնայ որ էն Աստուած, յայտ է, եթէ բնութեամբ և ճշմարտութեամբ: Եւ ոչ զմարմնոյ ասեմք եթէ փոփոխեցաւ ի բնու-

Քիւն աստուածութեանն, և ոչ ի բնութիւն մարմնոյ զանձառ Քանին Աստուծոյ իջուցանել զբնութիւն. զի անշարժ է և անփոփոխելի ամենայնիւ: Նոյն կայ մշտնջենաւոր ըստ գրոց: Երեցաւ տղայ և ի խանձարուրս պատեցաւ և ի գոգ ծնաւզին իւրոյ սրբոյ կուսին, և յերևելն մանուկ, սակայն շու զամենայն արարածս իբրև Աստուած, և ամթոռակից է ծնաւդին զի աստուածութիւնն անչափ է և անսահման. և սահմանել չընդունի: Միացեալ ի մարմնի բնութեամբ՝ Հոգևով բանաւորութեամբ խոստովանիմք զՔանն. միում Որդւոյ երկիրպագանեմք՝ Տեառն Յիսուսի Քրիստոսի, և ոչ զստանեմք և բաժանեմք մարդ յԱստուծոյ մերձաւորութեամբ. ի միմեանս պատուով և յարգանաւք ինչ միութեան. զի պսպիսի միտք և բանք՝ ընդունայնութիւնք են և ոչ այլ ինչ: Զի ոչ ուրոյն անուանեմք Քրիստոս. որ յԱստուծոյ բանն, և ուրոյն գարձեալ Քրիստոս՝ որ ի կուսէն, այլ մի միայն գիտեմք Քրիստոս որ յԱստուծոյ Հաւրէ Բան իւրով մարմնով, և յորժամ մարդկաւրէն աւժանիւր ըստ մեզ, և սակայն սրբոց իւրոց նոյն իսկ գոյ. զՀոգին և ոչ չափով, որպէս ասէ երանելի աւետարանիչն Յովհաննէս Այլ և ոչ զայն ասեմք, եթէ բնակեաց Բանն որ յԱստուծոյ իբրև ի լոկ մարդ՝ որ ի կուսէն ծնեալն, զի մի իբրև աստուածագրեւստ մարդ իմանայցի Քրիստոս: Զի թէպէտ և բնակեաց ի մեզ Բանն, ասի և ի Քրիստոս բնակեալ ամենայն լրումն աստուածութեանն մարմնապէս, այլ պսպէս իմանամք թէ մարմին եղև: Ոչ եթէ որպէս և ի սուրբն բնակել ասի, ըստ նմին Հաւասար և ի նմա ասիցեմք զբնակելն, այլ միութիւն բնութեամբ, և ոչ ի մարմին փոխել, պսպէս ասի բնակութիւն, որպէս ինչ ասի և վասն ողւոյ մարդոյ ի մարմնի իւրում:

Այսուհետև մի է Քրիստոս՝ Որդի և Տէր, ոչ իբրև մերձաւորութիւն ինչ լոկ պատւոյն միութեան, և կամ իբրև Համարձակութիւն ունել մարդոյ առ Աստուած. զի ոչ կարէ միացուցանել զընտրութիւնսն Հաւասարապատուութիւնն: Զի ահա Պետրոս և Յովհաննէս Հաւասարապատուութիւն են միմեանց. զի առաքելաւք և աշակերտք. սակայն չեն մին երկուքն. և ոչ յառելութեան մերձաւորութեան կարգաւք ինչ իմանալ Զի չէ մարթ պսպիսի իրաւք իմանալ բնութեամբ միութիւն. և ոչ ընդունելութիւն խնամոց, որպէս մերձեանամք առ Տէր, որպէս և զրեալն է, և լինիմք մի Հոգի ի նա: Մանաւանդ ի մերձա-

ւարութեանդ անուանէ ամենեկին Տրաժարիմբ, զի չէ բաւական նշանակել զմիութիւնն: Այլ և ոչ Աստուած կամ Տէր Քրիստոսի անուանեմք զԲանն որ յԱստուծոյ Հաւրէ, զի մի դարձեալ յայտնի յերկուս բաժանիցեմք զմի Քրիստոս զՍրբի և զՏէր, և ի Հայհոյութիւն պարտաւորութեան անկանիցիմք, յորժամ Աստուած՝ Տէր իւր անուանիցեմք զնա: Այլ որպէս յառաջագոյն ասացաք, միացաւ Բանն Աստուած՝ մարմնի ընութեամբ, և է ամենեցուն Աստուած, և տիրէ ամենայնի, և ոչ ինքն իւր ծառայ է, և ոչ ինքն իւր տէր: Այլ անմարթ և անարժան է և լի Հայհոյութեամբ իմանալ զայս և ասել. զի թէպէտ և ասէ Աստուած իւր զՀայր, սակայն Աստուած է ինքն ընութեամբ, և ի ընութենէ նորա: Այլ ոչ եթէ անգիտացաք ինչ այնմ, զի Հանդերձ աստուածութեամբն և մարդ եղև և որ ընդ Աստուծով իցէ ըստ մարդկութեան կարգացն ընութեան, այլ ինքն իւր տէր իրր լինիցի Աստուած կամ Տէր: Այսուհետև իբրև զմարդ, որչափ վայել է ըստ ունայնանալոյն կարգաց ընդ մեզ, զինքն ընդ Աստուծով ասէ, պսպէս, Եղև ընդ աւրինաւք, և սակայն զաւրէնքն ինքն խաւսեցաւ, և աւրէնսդիր իրրև Աստուած: Հրաժարեմք դարձեալ, և զայն ասել վասն Քրիստոսի, եթէ վասն զգեներոյն զգեցեալն պաշտեմ, և վասն աներևութին երկրբպագանեմ երևելոյն: Արհաւիրք և զողումն են, և զարձեալ լի վերայ այնորիկ և զայս և ս ասել. թէ որ առան, վասն առնլոյն Աստուած յորջորջի, զի որ զայն ասէ, բաժանէ դարձեալ յերկուս Քրիստոս, և մարդ ուրոյն անուանէ, և Աստուած դարձեալ ուրոյն և ո՛ր ունի զխոստումն միութեանն: Վասն զի մարթ իսկ է եթէ ընկեր յընկերէ երկրպագիցի որ, և ոչ յորջորջի Աստուած, այլ մի իմանալի է Աստուած Քրիստոս, Միածին Որդի, միով երկրպագութեամբ պատուի Հանդերձ մարմնով իւրով:

Եւ խոստովանիմք եթէ նոյն ինքն որ յԱստուծոյ Հաւրէ ծնեալ Որդի և Աստուած Միածին, որ իւրով ընութեամբն անվիշտ էր, մարմնով իւրով մեռաւ վասն մեր ըստ գրոց, և էր ի խաչ ելեալ ընդ մարմնին իւրում, և անվշտութեամբ իւրացոյց զվիշտս մարմնոյն, շնորհաւք Աստուծոյ, վասն մեր զմահ ճաշակեաց: Ետ մահու զմարմնն իւր՝ այն որ ընութեամբն է կենդանի, և նա ինքն է յարութիւն, զի անհաս զաւրութեամբն կոխեսցէ զմահ, և իւրով մարմնովն ելիցի անդրանիկ ի մեռելոց և պտուղ ննջեցելոցն, և արասցէ ճանապարհ ընութեան՝

մարդկան յանապականութիւն վերանայ և որպէս այժմ ասացաք, շնորհաւերն Աստուծոյ վասն ամենեցուն զմահ ճաշակեսցէ, և յարեալ յաւուր երրորդի, և առ յաւարի զգոհոս: Արդ թէպէտև ասի թէ ի մարդոյ եղև և յարութիւն մեռելոց. այլ իմանամք զԲանն Աստուծոյ որ եղև մարդ և լուծաւ նովաւ զաւրութիւն մահու: Գայ դարձեալ ի ժամանակի իւրում մի Որդի և Տէրն փառաւր Հաւր, զի դատեսցէ զտիեկերս արդարութեամբ իւրով, որպէս և գրեալ է: Յիրաւի և զպն ևս յաւելցուր թէ պատմեմք և աւետարանեմք զմահն Միածնի Որդւոյն Աստուծոյ, այսինքն Յիսուսի Քրիստոսի, և զյարութիւնն ի մեռելոց և զվերանայն յերկինս:

Խոստովանիմք զպատարագս աւրհնութեան կատարեալ յեկեղեցիս այսպէս. մերձենամք ի խորհուրդն աւրհնութեան, և սրբիմք յորժամ կցորդիմք սուրբ մարմնոյն և պատուական արեանն փրկչին ամենայնի Քրիստոսի, և ոչ եթէ իբրև զլոկ մարմին ընդունիմք, բաւ լիցի, և ոչ իբրև զմարդոյ սրբեցելոյ և մերձեցելոյ ի բանն իբրև ի պատիւ միութեան, և կամ իբրև զաստուածութիւնն ընակիչ ունել յինքեան, այլ իբրև զկենդանարար ճշմարտութեամբ և Բանին մարմին, զի կենդանի է բնութեամբ իբրև զԱստուած, և վասն զի միացաւ ի մարմին իւր՝ կենդանատրեցոյց ցնա: Զի թէպէտ և ասիցէ ցմեզ, եթէ՛ Արդարև ասեմ ձեզ, եթէ՛ ոչ կերիցէք զմարմին Որդւոյ մարդոյ և ըմպիցէք զարիւն նորա ոչ իբրև զմարդոյ՝ որ իբրև զմի ի մէջ չամարիցիմք: Քանզի զԽարդ էր հնար եթէ մարդոյ մարմին՝ որ բնութեամբ իբրև զմեզ իցէ, եթէ՛ կարիցէ լինել կենդանարար, այլ ճշմարտութեամբ միացոյց իւր վասն մեր մարմին և եղև մարդ, և յորչորջեցաւ Որդի մարդոյ: Եւ յաւետարանի փրկչին մերոյ ի բարբառս ոչ յերկուս զաւրութիւնս և ոչ յերկուս երեսս բաժանեալ տեսանեմք, և ոչ է իսկ մին. մինաւոր Քրիստոս յերկուս բաժանեալ: Զի թէպէտ և յերկուց ի բաց երևի, այլ ի միութիւն յանբաժին միացեալ, որպէս մարդ իմանալի՛ է ի շնչոյ և ի մարմնոյ, և ոչ կրկին որ ասի, այլ մի յերկոցունց: Այլ ըստ մարդկութեանն և ըստ աստուածութեանն իբրև զմիոյ՛ է իմասցուր ուղղութեամբ. զի յորժամ աստուածաբար ասիցէ զինքենէ ասէ, թէ՛ Որ ետես զիս՝ ետես զՀայրն իմ, և թէ՛ Ես և Հայր իմ մի եմք, զաստուածութենէ և զանհասութենէ նորա իմանամք. զի մի է առ Հայրն իւր, վասն նոյն



էութեանն բնութեան, զի պատկեր և կերպարան և ծագումն փառաց նորա է:

Գարձեալ և յորժամ զմարդասիրութեան կարգս ոչ անարգէ և խաւսի ընդ Հրեայսն ասէ. Այժմ ինդրէք զիս սպանանել, այր՝ որ զճշմարտութիւնն ձեզ խաւսեցայ: Գարձեալ ոչինչ նուազագոյն երևի ի ճշմարտութենէն և ի հաւասարութենէն Հաւր Աստուածն Բան, յորժամ ի կարգս մարդկութեանն տեսանիցեմք: Եւ յիրաւի և հաւատալի է թէ որ Աստուածն էր բնութեամբ՝ եղև մարմին, այսինքն մարդ, հոգևով և մտաւր բանաւորութեամբ: Եւ զի՞նչ մարթ իցէ արդևք ամալթ համարել ուրուք զբարբառոս նորա, թէ ասասցի որպէս մարդկան վայել է, զի եթէ հրաժարեալ էր յայնմանէ որ ըստ մարդկութեան վայել էին բանքն, ո՞վ էր որ ստիպէր զնա լինել իբրև զմեզ մարդ, այն՝ որ ինչոյց զանձն իւր կամաւր ի խոնարհութիւն վասն մեր, վասն որոյ պատճառանաց հրաժարէր յայնցանէ՝ որ ըստ խոնարհութեան իրացն վայել էին բանքն:

Այսուհետև միում երեսաց և միում զաւրութեան զբարբառոն աւետարանի վայել է դնել, այսինքն Բանին մարմնացելոյ, զի մի Տէր է Յիսուս Քրիստոս ըստ գրոց: Զի թէպէտ և անուանի առաքեալ և բահանայապետ խոստովանութեան մերոյ, իբրև զբահանայանալ Աստուծոյ և Հաւր, որ վասն մեր Հաւրն իւրոյ մատուցանէ զհաւատս խոստովանութեան մերոյ: Եւ ի Հոգին սուրբ դարձեալ զնոյն ասեմք որ յԱստուծոյ բնութենէն ծնեալ է Որդի Միածին, և ոչ իբրև զմարդոյ ուրոյն համարիմք զբահանայութեանն անուն, այլ նոյն ինքն եղև միջնորդ Աստուծոյ և մարդկան և փրկանք, ածել ի խաղաղութիւն, տալ զանձն իւր ի հոտ անուշից Աստուծոյ և Հաւր: Քանզի և ասէ, Զոհս և պատարագս ոչ կամեցար, զողջակէզս և զվասն մեղաց ոչ հաճեցար, մարմին հաստատեցեր ինձ, յայնժամ ասացի ահաւասիկ գամ ես, ի գլուխս գրոց գրեալ է վասն իմ առնել զկամս քո Աստուած: Մատոյց զմարմին իւր ի հոտ անուշից վասն մեր և ոչ վասն իւր: Որպիսի զոհից և պատարագաց կարաւտ էր արդևք նա, այն որ հեռին և ի վեր է քան զմեզս, իբրև զԱստուած: Զի թէ ամենեքին մեղան և նուապեալ են ի փառացն Աստուծոյ որով գայթակղեալ անկան ի վիշտս, և ախտացաւ բնութիւն մարդկան ի մեղս, այլ նա ոչ այսպէս, և մեր նուազեալ եմք ի փառաց նորա: Եւ զի՞արդ ասիցի արդևք ե-

Թէ զԵՆԱԼ գառն ճշմարիտ. եթէ ասիցէ որ արդեաւը եթէ մատոյց զանձն իւր վասն իւր, և ոչ վասն մեր: Ոչ երբեք կարեն խաւսել ի պարտաւորութենէ ամպարշտութեանն իւրեանց, զի և ոչ իւրիւր իրաւը գտանի յանցողեաց, զի և ոչ արար մեղս: Արդ՝ որպիսի պատարագաց լինէր կարաւտեալ, յորում ոչն էին մեղք՝ կարաւտ պատարագացն ի քաւութիւն: Եւ յորժամ ասիցէ վասն սրբոյ Հոգւոյն, եթէ՝ նա զիս փառաւոր առնէ, իմացուը ուղիղ, զի ոչ եթէ նա փառաց ինչ կարաւտ է յայլմէ առնուլ, մի Որդի Քրիստոս և կամ ի Հոգւոյն սրբոյ փառս գտանել, զի ոչ եթէ ի վեր քան զնա գտանիցի Հոգի նորա, այլ վասն յայնտութեան աստուածութեանն իւրոյ, և վասն Հանդիսի մեծամեծ գործոցն որ իւրով Հոգւոյն ցուցանէր, փառաւորել ի նմանէ ասի: Ջոր աւրինակ և ըստ մեզ իսկ, յորժամ ասիցէ որ վասն զաւրութեան իւրոյ կամ իմաստութեան թէ որովք փառաւորիմն ես, զի թէպէտ և Հոգին առանձինն անձնաւորութեամբ և իմանի յանձն իւր և ի Հոգի սուրբ, և ոչ Որդի, այլ ոչ է աւտար ի նմանէն, զի Հոգի ճշմարտութեան անուանի, և Քրիստոս ճշմարտութիւն, և երեւի նովաւ, որպէս յԱստուծոյ ի Հաւրէ:

Ազգէր և Հոգին ի ձեռն սրբոց առաքելոցն և առնէր փառաւորեալս, և յետ վերանալոյն Տեառն մերոյ Յիսուսի Քրիստոսի յերկինս, և փառաւորէր զնա զի Հաւատարիմ է թէ Աստուած էր բնութեամբ: Դարձեալ և ինքն ազգէր Հոգւոյն իւրով վասն որոյ և ասէն իսկ թէ, Յիմմէն առնու և պատմէ ձեզ, և ոչ ևս ասեմք թէ իբրև առնուլ Հոգին ընդունիցի զիմաստութիւն և զզաւրութիւն, զի կատարեալ է ամենայնիւ, և անկարաւտ ամենայն բարութեանց, վասն զի ի Հաւր զաւրութենէն և յիմաստութենէ Որդւոյ, Հոգին ինքն իմաստութիւն էր և զաւրութիւն: Եւ վասն զի Աստուած միացեալ ի մարմնի բնութեամբ, սուրբ կոյսն ծնաւ ըստ մարմնոյ, զսա և Աստուածածին ասեմք, ոչ եթէ բնութեան և էութեան բանին սկիզբն ունիցի ի մարմնոյն, զի էր ի սկզբանէ, և Աստուած էր Բանն, և նա ինքն արարածոց արարիչ մշտնջենաւորակից Հաւր և արարիչ ամենայն արարածոց, այլ որպէս յառաջագոյն ասացաք, վասն զի բնութեամբ միացոյց իւր զմարդկութիւնն, և առ յանձն ծնանիլ յարգանդէ ըստ մարմնոյ, ոչ իբրև կարաւտեալ ինչ յիւր բնութիւնն՝ և ընդ ժամանակաւը և ի վախճանի ա-

ւորոց ծնանիլ, այլ զի զծննդեանն մերոյ աւրհնեսցէ զսկիզբն։ Եւ ի ծնանելն նորա ի կնոջէ միացեալ մարմնոջն, այնուհետեւ լոնցուցէ յամենայն ազգացս մարդկութենէ զերկրաւոր մարմինս մեր, և որ ի տրտմութեանն որդիս ծնեալ ասացաւ, նստիմա խափանեսցի։ Եւ ճշմարտեսցէ զբարբառ մարգարեութեանն՝ որ ասէ, Զաւարացաւ մահ և եկաւ։ Եւ դարձեալ։ Եւ հատ Աստուած զամենայն արտաւար յամենայն երեսաց։ Ասան այսպիսի պատճառանաց ասեմք զտեսչութիւն նորա։ Եւ զի կոչեսցի սրբովք աշակերտաւքն հանդերձ և երթիցէ ի հարսանիս ի Կանա Գալիլեացւոց և աւրհնեսցէ զհարսանիսն։ Զայս ուսուցանել ուսար ի սրբոց աւետարանչացն և առաքելոցն, և յամենայն աստուածաշունչ գրոց և յերանելի հարգն ի ճշմարիտ խոստովանութենէն։ Այսմ ամենայնի պարս է և բուժ երկիւղածութեանդ հաւասարել և վկայել առանց ամենայն նենդութեանց, և զոր ինչ պարտ է նշովել երկիւղածութեանդ բուժ կարգեալ է ի թղթիդ մերում։

Ա. Եթէ ոք ոչ խոստովանեսցի Աստուած ըստ ճշմարտութեանն զԵմմանուէլ, և վասն այսորիկ և Աստուածածին զսուրբ կոյնն, ծնեալ ըստ մարմնոյ զմարմնացեալ Բանն Աստուած՝ նշովեալ եղիցի։

Բ. Եթէ ոք ոչ խոստովանեսցի բնութեամբ միանալ ի մարմնի Բանին Աստուծոյ Հաւր, և մի Քրիստոս հանդերձ մարմնոջն իւրով զնոյն Աստուած միանգամայն և մարդ նշովեալ եղիցի։

Գ. Եթէ ոք զմի Քրիստոս բաժանեսցէ յերկուս դէմս յետ միանալոյն, և միայն մերձաւորութիւն յառելութեան ասիցէ իբրև պատուով, և կամ ճոխութիւն և զաւրութիւն գտեալ, և ոչ միութիւն բնութեամբ։ նշովեալ եղիցի։

Դ. Եթէ ոք յերկուս երեսս և կամ յերկուս զաւրութիւն զաւետարանացն և զառաքելոցն զգրեալսն և զբարբառան բաժանեսցէ, և կամ զՔրիստոսի ասացեալսն սրբովք իւրով, և կամ զոր իւր իսկ վասն իւր իցէ ասացեալ, և զմանս իբր արդոյ ուրոյն ի բանէն Աստուծոյ՝ իբր յարելութեամբ իմանայցէ, և զմանս դարձեալ աստուածարար միայն՝ որ ի Բանէն Աստուծոյ Հաւր։ նշովեալ եղիցի։

Ե. Եթէ ոք իշխեսցէ ասել մարդ աստուածազգեաց ըզՔրիստոս, և ոչ Աստուած ճշմարիտ՝ իբրև զմի Որդի բնու-

Թեամբ, որ եղև Բանն մարմին և հաւասարեաց մեզ արեամբ և մարմնով նզովեալ եղիցի:

Զ. Եթէ որ ասիցէ եթէ, Աստուած և Տէր է Քրիստոսի որ յԱստուծոյ Հաւրէ Բանն, և ոչ խոստովանեցի զնոյն Աստուած և մարդ միանգամայն ի լինել Բանին մարմին ըստ գրոց. նզովեալ եղիցի:

Է. Եթէ որ ասիցէ իբրու մարդ զաւրութիւն գտանէր ի յԱստուծոյ Բանէն Յիսուս, և զՄիածնին փառս մերձեցուցանէ իբրև յայլ որ քան զնա, նզովեալ եղիցի:

Ը. Եթէ որ իշեեսցէ ասել եթէ վերացելոյ մարդոյն արժան է երկրպագութիւն առնել ընդ Բանին Աստուծոյ, և փառաւորակից լինել և անուանակից ընդ Աստուծոյ իբրև այլ յայլում. զի յորժամ ընդ ումեք ասիցէ ի հարկէ երկուս իմացուցանէ, և ոչ միով երկրպագութեամբ պատուեսցէ զնմմանուելն, և մի փառաւորութիւն տացէ նմա՝ որով եղև ըանն՝ մարմին, նզովեալ եղիցի:

Թ. Եթէ որ ասիցէ զմիոյ Տեառնէ Յիսուսէ Քրիստոսէ եթէ փառաւորեցաւ ի Հոգւոյն իբրև յաւտար զաւրութենէ, և նովաւ առաւելութիւն զաւրութեան ի վերայ այսոց պղծոց կատարել ի մարդիկ զնշանս աստուածագործ, և ոչ նորին իսկակից զՀոգին՝ որով ունէր զԱստուածագործ նշանս, նզովեալ եղիցի:

Ժ. Առաքեալ և Քահանայապետ խոստովանութեան մերոյ լինել ասեն զՔրիստոսէ աստուածաշունչ զիրք, և մատուցանել զանձն իւր վասն մեր ի հոտ անուշից Աստուծոյ Հաւր. Արդ՝ եթէ ասիցէ որ, առաքեալ և քահանայապետ խոստովանութեան մերոյ, ոչ զայն որ յԱստուծոյ Հաւրէ Բանն էր, եղև մարմին և ընդ մեզ մարդ. այլ ուրոյն ի նմանէ մարդ ի կնոջէ, և կամ եթէ ասիցէ որ եթէ վասն իւր մատոյց զանձն իւր պատարագ, և ոչ միայն վասն մեր, զի ոչ էր կարուս պատարագի, որ ոչ զիտէր զմեզս. նզովեալ եղիցի:

ԺԱ. Եթէ որ ոչ խոստովանեցի զմարմինն Տեառն կենդանարար, և իւր իսկ Բանին որ յԱստուծոյ, այլ որպէս այլոյ սուրումն արտաքս քան զնա մերձեցելոյ ի նա պատուով, և կամ որպէս բնակեցելոյ ի նա աստուածութեամբն, և ոչ կենդանաբար, որպէս ասացի, զի եղև իւր Բանին մարմին՝ որ զամենայն կարող է կենդանացուցանել. նզովեալ եղիցի:

ԺԻ. Եթէ որ ոչ խոստովանեսցի զԲանն որ յԱստուծոց  
չարչարեալ մարմնով, խաչեալ մարմնով, և զմահ ճաշակեալ  
մարմնով, և լեալ անգրանիկ ի մեռելոց, որ է կենդանարար,  
որպէս զԱստուած. նպովեալ եզիցի:



**ԵՐԱՆԵԼԻՈՑՆ ՄԱԿԱՐԱՑ ՍՐՐՈՑ ՔԱՂԱՔԻՆ  
ԵՐՈՒՍԱՂԷՄԻ ՀԱՅՐԱՊԵՏԻ, ԿԱՆՈՆԱԿԱՆ  
ԹՈՒՂԹ Ի ՀԱՅՍ ՎԱՍՆ ԿԱՆՈՆԱԳՐՈՒԹԵԱՆ  
ԿԱԹՈՒՂԻԿԷ ԵԿԵՂԵՑԻՈՑ ԲԿԱՐԳՆՈՑ, ԶՈՐ  
ՉԷ ԱՐԺԱՆ ԸՆԴ ՍԱՀՄԱՆՋԵՒԻ ԸՆԴ ԿԱՐԳ  
ԱՆՑԱՆԵԼ. ԳԼՈՒԽՔՅԻՆՆ:**

**Ա**հա վասն ահի և երկիւղին Աստուծոյ և ի փափաք սիրոյ բարեպաշտութեան ձերոյ փութացայ զարթուցանել ըք բարեսէր և զպարզամիտ սիրտս ձեր ի ենդիր ուղիղ բարեպաշտութեան ճշմարիտ կանոնադրութեան կաթուղիկէ եկեղեցւոյ, և կարեոր կարգաց Աստուծոյ, զոր պարտ է բազում զգուշութեամբ ստանալ, և աներկեան հաւատով պահել ամենայն երկիւղածաց Աստուծոյ, Յորս և դուք ոչ յապաղեալ հեղգացուցիչ ինչ դանդաղանաւք ծուլացարուք, այլ փութացեալ շնորհաւք սուրբ հոգւոյն, ջերմութեամբ, և աստուածային սիրոյն բաղձանաւք, որ ոչ միայն ի մերձաւորացն յաւժարեցուցանէ ժառել խնդրել զհոգեոր աւգտութիւնն, այլ և ի տար աշխարհ փութացուցանէ հասանել մեծաւ փափագանաւք, և ըզձալի տենչանաւք յաղազս աստուածահաճոյ խնդրոյ և հոգւոյ փրկութեան, զմտաւ ածելով զասացեալսն, **Թէ՛ Մի՛** դանդաղեցիս երթալ հեռի ճանապարհ, **Թէ՛** պիտանացու ինչ ուսուցանել օր խոստանայցէ: Որ և զօրոյն փափաք հոգեոր վաստակոց յանձինս ձեր երեւեցուցեալ, վասն մեծաշահ աստուածային գանձուցն հոգեորաց, առաքեցէք գիր ի հեռաքնակ աշխարհէ, ի կողմանցդ արեւելից ի սուրբ քաղաքս Երուսաղէմ, որ ի ձեռն երկիւղածաց բահանայից մատուցաւ առաջի բազմութեան եպիսկոպոսացս, որք մի մի ժողովեալ յիւրաքանչիւր քաղաքաց, որոց առաջի անկեալ հոգեոր մաղթանաւք խնդրեցին զգրոյն պատասխանիս, զոր **Թէպէտ** և ոչ կամէք ծանրացեալ տկարութեամբ

Տրամանատուութեանս մեծամեծ կրանիւք եկեղեցւոյ, սակայն հոգևոր ժտութիւն, և փոյթ աստուածասէր քահանայիցս հարկաւորեաց զմեզ գրել և տալ ձերում կամայաւժար բարեպաշտութեանդ, զգլուխ կարևոր կարգաց եկեղեցւոյ, զհաստատութեան հաւատոյ, ոչ մի ինչ երկբայութեամբ, և զամենայն կանոնադրութիւնս սրբոյ ժողովոյն, որ վասն հերձուածողացն եղև, զորս կարևոր է ընդունել ամենայն բարեպաշտաց, որ եղև վասն դրութեան կարգաց եկեղեցւոյ: Այլ և տեսեալ զբազմազգուշալի կենարար մկրտութեան սրբոյ քաղաքիս՝ հիացեալ զարմացան, թէ կողմանք արևելից թերի են զգուշութեամբ յայսպիսիս բազում ինչ իրաւք, զի ի տեղիս տեղիս աւագան կարգաւոր ոչ ունին, և յորպէս ամանի մկրտեն, և է որ սարկաւազունք մկրտութիւն առնեն, և եպիսկոպոսք և քահանայք առանձնակ ձէթ աւծման աւրհնեն, և զձէթ կնքոյ որ յառաքելոցն և այսր պահի, յաւելուածով ոչ ունին, և զբոլոր զգայարանս մանկան ոչ աւծանեն: Եւ է զի զժողովոյն կարգեալսն ոչ ասեն, ուրեք ուրեք քահանայքն ի ժամ մկրտութեանն, Եւ ձեռնադրութեամբ ժառանգաւորքն միապատիւ հաւասարին, և ոչ ընդ աւելեաւքն հնազանդին: Եւ բազում և այլ շփոթութիւնք հպարտութեամբ և ծուլութեամբ, զոր ի կարգս եկեղեցւոյ մուծեալ են մարմնասէրք, զոր ծանուցին մեզ եկեալքս:

Ընդ որ հիացեալ մեծապէս զարմացաք և վասն երկիւղին Աստուծոյ ոչ հեղգացաք գրել փութանակի, ես Մակարիոս Արքեպիսկոպոս Երուսաղէմի և ամենայն բազմութիւն եպիսկոպոսաց՝ որ ընդ իս են, առաքել ի կողմանսդ արևելից, առ Քրիստոսասէր և երկիւղած եպիսկոպոսապետդ Տէր Արթանէս, և առ համաւարէն եպիսկոպոսս և քահանայս Հայոց բազում զգուշութեամբ, և երկիւղիւ կատարել զկարգաւորութիւն մեծի խորհրդոյն Աստուծոյ, որ կատարի ի կաթուղիկէ եկեղեցւոյ, որով պարզելի ի շնորհաց Հոգւոյն՝ մեղաց լճողութիւն և ոգւոց փրկութիւն մկրտելոցն ի սուրբ աւագանին, և Հոգին սուրբ ոչ արհամարհէ զցանկացաւոց բարեպաշտութեանն, այլ խնարհեալ իջանէ և սրբէ ուղիղ դասնութեամբն ի ձեռն քրբոյ ջրոյ աւագանին: Եւ յայսմ ամենայնի չէ պարտ ծաւլանալ և դանդաղել եպիսկոպոսացն և երիցանցն ի մկրտել զայնոպիկ, որ կամին մտնանալ ի բարեպաշտութիւն աստուածապաշտութեան, զի այն է փոյթ քահանայից և գործ կարևոր առաջնորդաց եկեղեցւոյ,

վկամաւղն բարեպաշտութեան խրատել և ուսուցանել բանիւ վարդապետութեամբ, մերժել ի սատանայէ և ընծայեցուցանել Աստուծոյ սրբոյ աւազանին լուսաւորութեամբ և մի՛ ումեք լինել պատճառք կորստեան, անհնապանդութեամբ, և թերակատար ինչ կարգաւք մկրտութեան, վասն դանդաղութեան իւրոյ առ ոչ ածել զամենայն կարգաւորութիւն ի վերայ մատուցելոցն ի մկրտութիւն սուրբ աւազանին, զոր՝ բազում զգուշութեամբ և ցնծալից դողութեամբ առանց դանդաղելոյ կատարէ ընդհանրական եկեղեցի Աստուծոյ:

Ա. Թէ արժան իցէ սարկաւազաց մկրտութիւն առնել և կատարեալ իցէ խորհուրդն:

Գիտութիւն լիցի Քրիստոսասէր եղբայրութեան ձերոյ զի եպիսկոպոսաց և բաճանայից միայն է իշխանութիւնս այս, և սարկաւազաց զայս առնել չէ արժան, բանպի սպասաւորք են և խափանեալ է այս առ ի նոցանէ, և աւելի է խնդրելն թէ կատարեալ է առ ի նոցանէ մկրտեալն: Բայց պարտ է նախ քննել թէ սովորութիւն իցէ գաւառին այնմիկ սարկաւազացն մկրտել. և եթէ գտցի որ արարեալ, ընդ անմեղութեամբ է վասն անգիտութեան կարգաց եկեղեցւոյ, զի սովորութեան գաւառին զհետ չըբաւ: Իսկ եթէ գիտէր զկարգս եկեղեցւոյ, և անց ցնորբաւք, եղիցին ի վերայ նորա պատիժք ըստ կարգի յանցանաց:

Բ. Եթէ աւազան սրբեալ ոչ ունին և յանպէտ ամանի մկրտեն:

Ջի եթէ ոչ էր մերձ եկեղեցի շինեալ ի փառս Աստուծոյ և ի մուտս ժողովրդաց, առանց մեղադրելոյ արդեւք էր, և եթէ եկեղեցիս ունիմք, պարտ է և մկրտատունս առնել և աւազան, յորում մկրտէ որ գայցեն յուղիղ հաւատս բարեպաշտութեան: Ապա եթէ դիպեցի որ հիւանդ՝ ուր ոչ իցէ եկեղեցի և կարգաւոր աւազան, չէ արժան արգելուլ որք կամիցին մկրտել, այլ կատարել զմկրտութիւնն առանց կարգաւոր աւազանի, վասն զի հարկ է պիտոյիցն, զի մի՛ գտցի պարտական փրկութեանն, խափանելով զմկրտութիւն՝ զի Հոգին տուրք ըստ մաղթողին տայ զշնորհն, և ըստ ամանին ոչ լինի արգելեալ, և յամենայն ժամ փափաքեալքն բաւականանան շնորհիւ հոգւոյն: Եւ ոչ ի գլխաւոր տաւանն միայն է կատարելութիւնն, զի առաքեալքն ոչ ըստ ընտրութեան տաւանիցն մկրտէին, այլ ըստ բաւականի եկելոցն լուսաւորէին ի ջաւրցն վերստին ծնանելովի Եւ երեքիկն ընկըղ-



Հրամանատուութեանս մեծամեծ կրաւնիւք եկեղեցւոյ, սակայն  
 հոգեւոր ժողովիւն, և փոյթ աստուածասէր քահանայիցս հար-  
 կաւորեաց զմեզ գրել և տալ ձերում կամայաւժար բարեպաշ-  
 տութեանց, պղուժ կարևոր կարգաց եկեղեցւոյ, զհաստատու-  
 թեան հաւատոյ, ոչ մի ինչ երկրայութեամբ, և զամենայն կա-  
 նոնադրութիւնս սրբոյ ժողովոյն, որ վասն հերձուածողացն ե-  
 դև, զորս կարևոր է ընդունել ամենայն բարեպաշտաց, որ եղև  
 վասն դրութեան կարգաց եկեղեցւոյ: Այլ և տեսեալ զբազմա-  
 զգուշալի կենարար մկրտութեան սրբոյ քաղաքիս՝ հիացեալ  
 պարմացան, թէ կողմանք արևելից թերի են պուշուութեամբ  
 յայսպիսիս բազում ինչ իրաւք, զի ի տեղիս տեղիս աւա-  
 րան կարգաւոր ոչ ունին, և յորպէտ ամանի մկրտեն, և է որ  
 սարկաւազունք մկրտութիւն առնեն, և եպիսկոպոսք և քա-  
 հանայք առանձնակ ձէթ աւժման աւրհնեն, և զձէթ կնքոյ որ  
 յառաքելոցն և այսր պահի, յաւելուածով ոչ ունին, և զբոլոր  
 զգայարանս մանկան ոչ աւժանեն: Եւ է զի զժողովոյն կար-  
 գեալսն ոչ ասեն, ուրեք ուրեք քահանայքն ի ժամ մկրտութեանն:  
 Եւ ձեռնադրութեամբ ժառանգաւորքն միապատիւ հաւատարին,  
 և ոչ ընդ աւելեալսն հնազանդին: Եւ բազում և այլ շփոթու-  
 թիւնք հպարտութեամբ և ծուլութեամբ, զոր ի կարգս եկե-  
 ղեցւոյ մուծեալ են մարմնասէրք, զոր ծանուցին մեզ եկեալքս:

Ընդ որ հիացեալ մեծապէս պարմացաք, և վասն երկիւղին  
 Աստուծոյ ոչ հեղգացաք գրել փութանակի, ես Մակարիոս Ար-  
 քեպիսկոպոս Երուսաղէմի և ամենայն բազմութիւն եպիսկոպո-  
 սաց՝ որ ընդ իս են, առաքել ի կողմանսդ արևելից, առ Քրիս-  
 տոսասէր և երկիւղած եպիսկոպոսապետդ Տէր Արթանէս, և  
 առհամարէն եպիսկոպոսս և քահանայս Հայոց բազում զգուշու-  
 թեամբ, և երկիւղիւ կատարել զկարգաւորութիւն մեծի խոր-  
 հրդոյն Աստուծոյ, որ կատարի ի կաթողիկէ եկեղեցւոյ, որով  
 պարզեի ի շնորհաց Հոգւոյն՝ մեղաց թողութիւն և ոգաց փր-  
 կութիւն մկրտելոցն ի սուրբ աւազանին, և Հոգին սուրբ ոչ ար-  
 համարժէ պցանկացաւոս բարեպաշտութեանն, այլ խոնարհեալ  
 իջանէ և սրբէ ուղիղ դասնութեամբն ի ձեզն զսրբոյ ջրոյ ա-  
 ղազանին: Եւ յայսմ ամենայնի չէ պարտ ծուլանալ և զանդա-  
 ղել եպիսկոպոսացն և երիցանցն ի մկրտել զայնոպիկ, որ կամն  
 մերձենալ ի բարեպաշտութիւն աստուածապաշտութեան, զի այն  
 է փոյթ քահանայից և գործ կարևոր առաջնորդաց եկեղեցւոյ,

վկամաւղան բարեպաշտութեան խրատել և ուսուցանել բանիւ վարդապետութեամբ, մերժել ի սատանայէ՛ և ընծայեցուցանել Աստուծոյ սրբոյ աւաղանին լուսաւորութեամբ. և մի՛ ումեք լինել պատճառք կորստեան, անհնազանդութեամբ, և թերակատար ինչ կարգաւր մկրտութեան, վասն դանդաղութեան իւրոյ առ ոչ ածել յամենայն կարգաւորութիւն ի վերայ մատուցելոցն ի մկրտութիւն սուրբ աւաղանին, զոր՝ բազում զգուշութեամբ և ցնծալից դողութեամբ առանց դանդաղելոյ կատարէ ընդհանրական եկեղեցի Աստուծոյ:

Ա. Թէ՛ արժան իցէ՛ սարկաւագաց մկրտութիւն առնել և կատարեալ իցէ՛ խորհուրդն:

Գիտութիւն լիցի՛ Բրիստոսասէր եղբայրութեան ձերոյ զի եպիսկոպոսաց և բաճանայից միայն է իշխանութիւնս այս, և սարկաւագաց զայս առնել չէ՛ արժան, բանցի սպասաւորք են և խախտեալ է այս առ ի նոցանէ, և աւելի է խնդրելն թէ՛ կատարեալ է առ ի նոցանէ մկրտեալն: Բայց պարտ է նախ քննել՝ թէ՛ սովորութիւն իցէ՛ գաւառին այնմիկ սարկաւագացն մկրտել. և եթէ՛ գտցի՛ որ արարեալ, ընդ անմեղութեամբ է վասն անգիտութեան կարգաց եկեղեցւոյ, զի սովորութեան գաւառին զհետ չորաւ: Իսկ եթէ՛ գիտէր զկարգս եկեղեցւոյ, և անց զնորաւք, եղիցին ի վերայ նորա պատիժք ըստ կարգի յանցանաց:

Բ. Եթէ՛ աւաղան սրբեալ ոչ ունին և յանպէտ ամանի մկրտեն:

Ձի եթէ՛ ոչ էր մերձ եկեղեցի շինեալ ի փառս Աստուծոյ և ի մուտս ժողովրդոց, առանց մեղադրելոյ արդեւք էր, և եթէ՛ եկեղեցիս ունիմք, պարտ է և մկրտատունս առնել և աւաղան, յորում մկրտէ՛ որ գայցեն յուղիղ հաւատս բարեպաշտութեան. Ապա եթէ՛ դիպեսցի՛ որ հիւանդ՝ ուր ոչ իցէ՛ եկեղեցի և կարգաւոր աւաղան, չէ՛ արժան արգելուլ որք կամիցին մկրտել, այլ կատարել զմկրտութիւնն առանց կարգաւոր աւաղանի, վասն զի հարկ է պիտոյիցն, զի մի՛ գտցի՛ պարտական փրկութեանն, խափանելով զմկրտութիւն՝ զի Հոգին սուրբ ըստ մաղթողին տայ զշնորհն, և ըստ ամանին ոչ լինի՛ արգելեալ, և յամենայն ժամ փափաքեալքն բաւականանան շնորհիւ հոգւոյն: Եւ ոչ ի գլխաւոր տանան միայն է կատարելութիւնն, զի առաքեալքն ոչ ըստ ընտրութեան տանիցն մկրտէին, այլ ըստ բաւականի եկեղոցն լուսաւորելին ի ջուրոցն վերստին ծնանելովի եւ երեքէկին ընկրղ-

մամբն թաղեալ ի ջուր սուրբ աւազանին, գերեքաւրեայ թաղումն Տեառն նշանակեմք յանձինս մկրտելոցն զոր և աստուածային առաքեալն յայտնապէս ցուցանէ ասելով, **Թէ՛ Թաղեցաք ընդ նմա մկրտութեամբն, նմանողք եղիցուք նմանութեան մահու նորա, զի նորոգութեամբ յարութեանն Հաղորդ լինիցիմք նմա ի կեանսն յաւիտենից: Եւ այսպէս ուղիւ դաւանութեամբ ձեռս ի վերայ գնելով պարգևեալ լինի Հոգին սուրբ ի փրկութիւն մեզ լուսաւորել զկոչեցեալսն յորդէգրութիւն: Եւ Հաւատովք աւծանիմք յիւր սրբութեան և այսպէս ըստ իւրաքանչիւր եղեալ մասանց կարգք սրբոյ եկեղեցւոյ յաւրինին, ոչ ելանելով ըստ եղեալ սահման և գլխաւորեալք ըստ երկնաւորացն գասուց, որպէս ուսաք ի Հարցն Հոգևորացն յաշակերտացն առաքելոցն սրբոյ:**

Գ. Եւ զհարգ կարգք եկեղեցւոյ սրբոյ յաւրինին.

Վերատեսուչք ըստ կարգեալ կայենիցն ընկալցին ի շեանութիւն, ուղղել ի բարին որոց կոչեցան ի վերակացութիւն, և առեալ ի նոցանէ մի փքացին ամբարհաւաճութեամբ զանձինս առ իմաստունս ունելով և անկցին յիմարութեամբ, և անկցին ի չարութիւն: Զի թէպէտ միապէս տուեալ շնորհքն ի հաւատացեալքն, այլ ոչ միապատիւ ամենեքեան: Եւ թէպէտ և փոքր կացոյց զինքն անբաւն, այլ զփառս աստուածութեանն ոչ ընդ նմին կորոյս, և առաքելոցն ամենեցուն յետ յարութեանն երևեալ կենարարին, այլ զոմանս գեր ի վերոյ կարգէ, և նոյն սկզբնաւորեալ ի մեզ հաստատեցաւ, զոր և Պաւղոս ոչ հրամայէ զմիմեամբք ելանել, ասելովք, Իւրաքանչիւր ոք յոր կոչումըն կոչեցաւ ի նմին կացցէ:

Դ. Եւ որպէս հրամայիցի բաւականանալ իւրաքանչիւր յեղեայն կարգի:

Արդ միաբանութեամբ ժառանգաւորացս և եպիսկոպոսաց և բահանայիցս և սարկաւագաց. ես Մակարիոս Արքեպիսկոպոս սուրբ բաղաբիս Երուսաղէմի, աւանդեմ զկանոնադրութիւնս զայս ձեզ, ուսեալ յառաքելոցն պատմութեանց, և աւանդութեամբ հարցն առ մեզ հաստատել Հիմնանայ: Զի զսուրբ մեկրտութեանն ձեռնագրութիւնն, որպէս յառաջագոյն ասացաք, եպիսկոպոսաց և բահանայից միայն է կատարել, և զիւզ սրբութեանն եպիսկոպոսապետն աւրհնեսցէ, և վասն հեռաւորութեան և կարևոր պիտոյից հրամանաւ արքեպիսկոպոսին եր-

կու և երեք միաբանեալ եպիսկոպոսք և սարկաւազունք սպասաւորք սրբութեանն, Եւ զիւղն աւծման մեռելոցն և հիւանդացն և մկրտելոցն առանձնակ աւրհնեսցեն քահանայքն և եպիսկոպոսքն, Զայս սահմանեցին սուրբ հարքն մեր, և մի ոք իշխեսցէ փոխել զուղիղ եղեալ սահման, զի մի զնոցին կապանք նցովիցն ընկալեալ սրոշեսցի յԱստուծոյ:

Եւ Եւ սրբալս մերձեսցուք առ սեղանն սուրբ և կենդանաբարն խորհուրդ:

Առ այդ անմահութեան վիճակ, մի՛ որ երկմտութեամբ և մի՛ թերահաւատութեամբ և մի՛ գործովք անարժանութեամբ մերձ լինել յանդգնեսցի, զի մի զկամս Աստուծոյ բարկութեանն յամենայն երկիր շարժեսցէ, և ինքն լուիցէ զասացեալսն, Գու ընդէր բնաւ պատմես զարդարութիւնս իմ, զի ատեցեր զիւրատ իմ. այլ ուղիղ գնացիւք և ճշմարիտ հաւատով մատուցեալ լուսաւորեսցի՝ և այլոց ինքեամբ գործեսցէ փրկութիւն:

Զ. Եւ զհարգ է արժան զխորհուրդն կատարել, զփրկականն խորհուրդ մարմնոյ և արեանն Տեառն:

Պարտ է երկիւղիւ, և զգուշութեամբ կատարել և ուղիղ գաւանել խոստովանութեամբ՝ ուրոյն ի հերձուածողացն փորձիչ խորհրդոց, զի մի՛ Արիանոսացն մերձ լինելով ըստ առաքելոյն՝ անուռն Աստուծոյ և ճշմարտութիւնն հայհոյեսցի:

Է. Եւ սրբալսի աւրինակաւ նուէր սրբութեանն յաւրինեսցի:

Հանեալ ի սեղանն զհացն սուրբ, ջերմ ըստ առաքելոցն աւանդութեան, և բաժակ անապական առանց իրիք խառնման, զի ոչ ապականացու իւէք, այլ անապական մարմնով և արեամբ ամբիժ և անարատ գառինն, և զայս մինչ ի սեղանն սարկաւազունք յաւրինեսցեն, և զկատարելն ի վերայ, քահանայքն կատարեսցեն:

Ը. Եւ զհարգ եկեսցէ ի ձե սեղանն խորհրդոյն, և այլ ևս Գ. կարգքն:

Սեղանն քաւութեան ընդ վարագուրաւն, յորում Հոգին սուրբ իջանէ, և աւագանն յետոյ առ նմին տամբ և պատուով հաստատեալ յաջմէ, և ժառանգաւորքն իւրաքանչիւր աշտիճանաւ պաշտեսցեն, և ժողովրդականքն արտաքոյ վարագուրին, և երախայքն առ դրունսն ունկնդրութեամբ, զի մի ընդ միմեանս

ելանելով եղծցին կարգքն, այլ իւրաքանչիւր կայանիւ անարատ մնացէ:

Թ. Զայս աւանդեմ ձեզ պատուիրան հաւատոյ և կարգաց եկեղեցւոյ, ըստ խնդրոյ աղաչանաց ձերոց, և նշովեմք ի վերայ պսոցիկ զայլաձևսն խորհեցեալսն, զի ի միմեանց ընկալեալ ձեռնադրութեամբ զշնորհս, ոչ բերեմք պակասութիւն, և միապատիւ ոչ իրաւունս վարկանիմք զկարգեալսն ուղղապէս եկեղեցւոյ, և զփառամոլ անձինս կշտամբեմք, որք խորհին հակառակ որպէս պատմեալ եղև մեզ զՏուրգեայ Բասենոյ և Բագրեւանդայ եպիսկոպոսաց, որ սակաւուք ընդ Արիանոսս միաւորեալ է \*), և դարձեալ խղճեալ, և արդև այլ ևս յանդգնագոյնս խորհի. եպիսկոպոս միայն աթոռաւ, և ընդ արքեպիսկոպոսին ինքեամբ անձին տայ պատիւ, զոր չէ արժան ընդունել; զի և ոչ հարքն աւանդեցին այսպիսի ինչ հակառակութիւնս յեկեղեցի մուծանել, և անվայելուչ է համարել հաւասար, մինչև կոչմամբ ի պատիւ աթոռոյն ժամանեսցէ: Եւ արդ պարտ է զայնպիսին քաղցրութեամբ ի հնազանդութիւն կոչել, և եթէ ի նոյն մնացէ, խորշել իբրև յաւտարէ:

Ողջոյն տան ձեզ ամենայն եկեղեցիս: Ողջ լերուք ի Տէր հաստատուն և ուղիղ հաւատով, ամէն:



\*) Այսպէս յօրինակին.

**ԲԱՑԱՅՈՑՏՈՒԹԻՒՆ ՀԱՄԱՉՈՅՆ ԱՍՏՈՒԱԾԱԲԱՆՈՒԹԵԱՆ ՀՈԳԵԼԻՑ ՀԱՐՑՆ ՍՐԲՈՑ ԸՍՏ ԱՌԱՔԵԼԱՍԱՀՄԱՆ ԱՒԱՆԴԻՑՆ ԵԿԵՂԵՑԻՈՑ ԳՐԻՍՏՈՍԻ, ՀԱՆԴԵՐՉ ՀԱՒՏԱԲԱՆՈՒԹԵԱՄԲ ՃԸԶՄԱՐԻՏ ՈՒՂՂԱՓԸՌ ԴԱՒԱՆՈՒԹԵԱՆ ՀՅՈՍՏԱՆԵՑՑ, ԱՍՏՑԵԸՍՍ ՍՐԲՈՑ ՎԱՐԴԱՊԵՏԻՆ ՍՈՒՆԿԱՑ ՀԱՅՈՑ ԿԱԹՈՒՂՈՍԻ ԵՒ ՄԵԾԻԹԱՐԳՄԱՆՉԻ ԸՆԴԴԵՄ ԵՐԿԱՐՆԱԿԱՑ ՆԵՍՏՈՐԱԿԱՆՆԱՑՆ:**

**Ա**ստուածային իմաստութեամբն միայն զաւրացեալ Հայաստանեայք, պարզաբար ստուգութեամբ ընկալեալ Հաւատք ճշմարիտք ի ծագմանէ փրկչին. իսկ նախ քան զայն պերճաբանութիւն հոետորական արհեստիցն ըստ Պղատոնական վարժիցն ոչ երբէք ստորագրեալ ոտնառեաց ի կողմ Հայկազնեայց, և ոչ յալով մակածութեամբ դեգերեալ հինքն մերայնեայք ի հրահանգս հելլենական ճարտասանութեան ըստ իմաստնոցն Յունաց առ ունակութիւն եղելոց գիտութեանց, որ է առաջին մասն իմաստութեան. նաև և ոչ տեղեկագոյնք բարձրալանակ իմաստիցն ճեմարանին ներանձնական հմտութեանցն գործական և տեսական ներհմանց. նախ քան զճանաչելն մեր վեհ իմաստութեամբ, այլ և ոչ առանձնական վայելումն գծագրական տառիցն վաղագոյն հարստացեալ մեր, առանց որոյ ոչ է հնար զանցեալսն իմանալ, և ոչ զներկայս ապագայիցն թողուլ առ ի յիշատակ, այլ այնպէս պարզական իմաստիւք վարել զկենցաղս, մինչև հապիւ բանականաւն ընդրեալք յանասնականէն, մինչև ի ծագումն մեծի և ճշմարիտ լուսոյն՝ որ լուսաւորէ զամենայն իմաստ գիտութեան մարդկան սեռի եկեալ յաշխարհ: Սակս որոյ անբաժացեալ մտաւորական տեսութիւն Հայազնեացս յամենայն

դժընդակ գծից արտաքին փիլիսոփայական հանձարոյն, որպէս նախ ասացաք, այնպէս պատրաստք գտեալք ի գծումն հաւատոյ հոգեգէն իմաստիցն:

Եւ վկայ բանիս արքայն մեր Արգար, որ թարգմանի Աւագ Այր յաղագս հեգութեանն անուանեալ, զի նախ քան զչորեքծագեան ոյրոտս հեթանոսաց ըստ մարգարէին ձայնի յառաջագոյն ձեռնատու լեալ առ Աստուած առանց ակնբերակի, միայն ի լուր բանից պլլոց՝ հաւատաց ճշմարտութեանն, ըստ պնմթե, Երանի որ ոչն եցէ տեսեալ և հաւատասցէ յիս: Եւ վաղվաղակի թողթս պաղատանաց յղեալ առ Փրկիչն մեր և Աստուած, զի եկեալ ողորմութեամբ բժշկեսցէ զնա և զնորայսն հոգեպէս և մարմնապէս: Իսկ բարերարն Աստուած՝ որ գիտէ զամենայն յառաջ քան զլինելն իւրեանց, ընկալեալ զաղաչանս նորա ի ձեռն թղթոյն, և արժանի առնէ զնա պատասխանական թղթոյ, և խոստանայ յետ կենարար խաչին և ամբառնալոյն յերկինս, առաքել զմի յաշակերտաց իւրոց առ նա, զոր և արար իսկ, զԹագէտս առաքեալ, որ զփոփոխումն անուանն ընդ Պետրոսի և ընդ Որդւոցն Որոտման ընկալաւ յայնմանէ, որ նորն առնէ և փոփոխէ զամենայն որպէս և կամի: Որոյ եկեալ սերմանեաց զրանն ճշմարիտ հաւատոց յաշխարհս մեր, և ինքն զընթացս առաքելութեանն ըստ հաւատոցն ի սմին աշխարհի կատարեալ՝ փոխեցաւ առ այն որ առաքեացն զնա, թողեալ զթմոր կենագործակ երկնային արքայութեանն ի սմա, զի մասնաւորաւն բոլորն խմորեսցի: Եւ զկնի նորա Բարթոլղիմէոս ընկեր նորին զխորհուրդ առաքելութեանն ի սմին աշխարհի աւարտեալ, զի ի ձեռն երկուց աստուածային արանց հաստատեսցի ի մեզ վկայութիւն ճշմարիտ հաւատոյն բանի, անխախտելի մնալ մինչև իսպառ, որ և եղև իսկ: Եւ յետ սոցա ի ձեռն երիցս երանեան և ճշմարիտ վկային և խոստովանողին Քրիստոսի սրբոյ Լուսաւորչին մերոյ ընդրելոյ մեծին Գրիգորի, ծաւալեաց զճշմարիտ զլոյս գիտութեան իւրոյ միասնական սուրբ Երրորդութիւնն ի բոլոր ազգս Հայաստանեաց, և խմորեաց զամենայն կենսականաւն ի ըստ նմանութեան երից գրուոցն, զմիտս և զշուռչ և զմարմին մեր, մարմնանալով Որդւոյ խմորեաց զմեզ ստոյգ և ճշմարիտ և սեռն հաւատով, խարսխեալ զմեզ Երրորդութիւնն սուրբ ի վերայ վիմին հաստատնոյ անշարժ, յորոյ վերայ խոստացաւ միածինն շինել զեկեղեցի իւր սուրբ, զի ան-

յաղթ մնացուք ի դրանց գժոխոց, ոչ վլթարեալք մինչև յա-  
 փտեան:

Եւ արդ ըստ որում ասէ Յովհան Ոսկեբերան, թէ տգի-  
 տութիւն յոյժ պատրաստական աւգտակարութիւն ունի յընդու-  
 նելութիւն հաւատոյ, Վասնորոյ թուի ճմարիտ լինել ռանիս  
 այսմ յարդեանց որ առ մեզ, զի յառաջագոյն ոչ գծեալ միտք և  
 հոգիք Հայաստանեացս արտաքին արհեստիւք ճարտասանիցն,  
 վասն այսորիկ դիւրընկալ եղև ի մեզ հաւատոյն բան. իբրև  
 յանգիծ տախտակի ի խորոջ սրտին դիւրագիծ նշանեալ և ան-  
 վթար մնացեալ մինչև ցայսաւր: Զի ոչ էին վաթար գիծք յա-  
 ռաջացեալք առ ի բնդորել զգեղեցիկ գիրս գրեալս շնորհաւք  
 վերնոյն, և զի առաջին և վեհին \*) իմաստութիւնն իջեալն ի  
 վերուստ ի Հաւրէն լուսոյ, և յՈրդւոյ նորա միածնէ և փառա-  
 կցէ, և ի Հոգւոյն կենագործողէ և էակցէ, յառաջեաց կալաւ  
 զխորհուրդս մեր, և խարսխեալ հաստատեցաւ ի սիրտս մեր և  
 ըմբռամբ ձգեաց առ ինքն զիմաստս մերապնեացս, և տիրապե-  
 տեալ բնութեան մերում և շրջապատեալ աստուածային հրովն  
 պարսպեաց զտկարութիւնս մեր, և զտգիտութիւն մտաց մերոց  
 ինքեամբ պաւրացոյց, և ի բաց մերժեաց արտահոսեաց զամե-  
 նայն աղանդս չարութեան հերետիկոսացն յազգէ մերմէ, և ոչ  
 որ ի նոցանէ յամառեաց մտանել յեկեղեցի Աստուծոյ որ է յոր-  
 դիս Թորգոմայ, և ոչ կարաց պղտորել զյստակ բղիճումն ջուրցն  
 կենդանի ճմարիտ հաւատոցն՝ որ ի մեզ ըղիւեաց Հոգւովն Աս-  
 տուծոյ կենդանւոյ:

Ոչ Արտեմոն ամպարիշտն որ ասաց մարդ զՈրդին Աս-  
 տուծոյ իբրև զհրէայսն: Եւ ոչ դիւուսոյցն Կերինթոս Ասիացի,  
 որ մարմնական վայելումն կարծեաց լինել զարքայութիւնն ար-  
 դարոց՝ վասն մարմնաւոր բարուց իւրոց: Եւ ոչ սատանայամիտն  
 և դիւանոյ արքն Մոնտանոս և Մարկեղոս Գաղատացի և Մար-  
 կիոն Պոնդացի, որ ասացին առ աչաւք երևեցաւ Տէրն մեր  
 յաշխարհի և ո՛չ ճշմարիտ մարմնով: Եւ ոչ չարիմացն Սաբէլ  
 Լիբէացի որ զԵրրորդութիւնն միանձն համարեցաւ լինել ըստ  
 մոլորութեանն Հրէից, և ոչ երիս կատարեալ անձինս ըստ  
 բրիստոնէական հաւատոց: Եւ ոչ մոլեկանն Արիոս որ ասաց  
 մեծ զՀայր, և կրսեր և արարած՝ զՈրդի, և ոչ խոստովանեաց

\*) Թերևս վերին.



Համագոյ զԵրրորդութիւնն: Իւ ոչ ապտուածամարտն Մակեդոն, որ ասաց նուազ զՀոգին սուրբ քան զՀայր և զՈրդի, և ոչ Հաւատաց էակից և Հաւասարափառ և Համապատիւ աստուածութեամբ զՀոգին սուրբ Հաւր և Որդոյ ըստ վկայութեան գրոց սրբոց: Եւ ոչ վատաշուերն Պաւղոս Սամուստացի, որ սաց մարդ սոսկ զԳրիստոս ծնեալ ի Մարիամայ, և ոչ Աստուած ճշմարիտ: Եւ ոչ ճշմարտատեաց արքն Գէորգորոս Տարսնացի, և Նեստոր, և Փղաբիանոս, և Թէոդորիտոս Վիւրացի, որք սացին մարդ առեալ Բանին Աստուծոյ. և բնակարան ինքեան կազմեալ զծնեալն ի պաւակէն Գաւթի, երկուս զմինն անուանելով կրկնապատիկ ընութեամբ, և ոչ խոստովանեցին զմարմնացեալն մի Որդի՝ միով ընութեամբ ըստ սահմանի գրոց, որոց հետեոյ եղեալ Ղեոն Հոռմայեցի Թագնաբար զարգացոյց զնոսա: Եւ ոչ դիւաբերանն Եւտիբէս, որ ասաց ոչ առնուլ Աստուծոյ Բանին մարմին ի կուսէն, այլ ցնորիւք ասաց՝ զերեւումն Տեանն յաշխարհի:

Արդ այս ամենայն չար աղանդք հերձուածողաց, և այլք բազումք նման սոցին ի կողմ արեւմտից երեւեալք յիշխանութեան Հոռմայեցւոցն, եթէ բարձան ի միջոյ, և եթէ մնացին ի նոյն իշխանութեան՝ ուստի ելինն, զայն դուք բաջ գիտէք: Իսկ յազգէ Հայաստանեայցս ոչ որք, ոչ ուրեք երբեք երեւեալ հերձուածող, և ոչ կարէ որ ցուցանել, այլ որպէս ընկալաք ի սրբոյ Լուսաւորչէն մերմէ ի մեծէն Գրիգորէ Հաւատո ճշմարիտս, անեպեր պահեցաք մինչև ցայսաւր: Իսկ այլ արտաքին յամենայն չար աղանդիցն հերձուածողաց որք երեւցան յաշխարհիդ Հոռմայեցւոց կամ Լիբեացւոց կամ Ասիացւոց, ոչ կարացին եկամուտ լինել յազգս մեր, զի ամրացեալ էր շնորհաւք վերնոյն ի ձեռն սրբոյն Գրիգորի և նորին ժառանգաւորացն: Վասն այնորիկ անաղտ և անեզեր մնաց եկեղեցի սուրբ Աստուծոյ որ յաշխարհիս Հայաստանեաց, ի վերայ Հաստատուն Հաւատոյ վիժի շինեալ և յամենասուրբ Երրորդութիւնն խարութեալ կայ անասանելի մինչև յաւիտեան, արտաքոյ ամենայն չարութեան հերձուածողական կարծեաց: Ներկեալք ստուգագոյն և սերտագոյն ներկուածով ճշմարիտ Հաւատով կենարար բանին, որ աւետարանեցաւ յառաքելոցն, և վկայեցաւ ի մարգարէիցն, և աւանդեցաւ ի սրբոց վարդապետացն, զոր Հաստատեաց ի մեզ երանելի Լուսաւորիչն մեր: Եւ յետ այսորիկ յաստուածագու-

մար երից սուրբ ժողովոցն, զնոյն ստուգութիւն Հաւատոյ միաբան ընդհանրական եկեղեցւոյ ընկալեալ՝ խոստովանիմք առաջի Աստուծոյ և մարդկան մինչև ցայսաւր, զՆիկիայն՝ որ ընդդէմ Արիոսի մոլորութեանն, և զՊոստանդնուպալսին՝ որ ընդդէմ ամպարշտին Մակեդոնի, և զԵփեսոսին՝ որ ընդդէմ չարութեանցն Նեստորի և Եւտիբեայ և Փղարիանոսի ժողովեցան:

Արդ այս երրիւք սուրբ ժողովոլքս ըստ խորհրդոյ միասնական ամենասուրբ Երրորդութեանն պարսպեալ է առաքելական եկեղեցի Աստուծոյ որ է ի մէջ Հայաստանեաց և յամենայն աշխարհի, Եւ արդ այսպէս է Հաւատոյն բան որ առ մեզ ձըշմարտապէս մնացական եղեալ ի սկզբանէ: մինչև ցայսաւր:

Հաւատամք յամենասուրբ Երրորդութիւնն, ի միասնական յաստուածութիւնն, ի համագոյ ընութիւնն, անեղութիւն, իսկական զոյութիւն, մշտնջենաւոր զաւրութիւն, անսկիզբն թագաւորութիւն, անայլայլական փառք, անճառելի պատիւ, անթերանալի բարութիւն, անգիտելի և անասելի որպիսութիւն, անխուզելի և անզննելի բնութիւն, Երեք անձինք կատարեալք առանձնաւորութեամբ ի նոյն զոյութեան: Հայրութիւն անհայր, զի ոչ յայլ ումերէ նա. որդիութիւն անսկսումն և անորդի, զի ոչ որ ի նմանէ. Հոգի ելողութիւն անփոփոխ, զի ոչ է այլ նման նմա: Ոմն ծնաւղ և ոմն ծնունդ անսկզբնաբար. և միւսն բղխումն անսկսանելի և մշտնջենաւոր, մի բնութիւն, մի կամք, մի գաբութիւն երից անձանց, մի աստուածութիւն, մի տէրութիւն, մի իշխանութիւն, մի ունաւորութիւն, մի թագաւորութիւն, մի բարձրութիւն, մի արարչութիւն, մի կեանք, մի նախաինամութիւն, մի տեսչութիւն, մի ամենակալութիւն, մի բարութիւն երից անձանց: Երեքեան մի նմանութեամբ առ ի բարս անպանապան, զի ամենայն որ ինչ Հայր է, նոյնպէս և Որդի և Հոգի, բաց յանձնելութենէն և ամենայն որ ինչ Որդի է, նոյնպէս և Հայր և Հոգի, բաց ի ծնելութենէն. և զի մարմին ոչ առին որպէս և Որդի Եւ ամենայն որ ինչ Հոգի է նոյնպէս և Որդի և Հայր, բաց յելողութենէն, զի մնացէ Հաւր միշտ անծին և մշտ ծնաւղ Որդւոյ. ըստ այնմ թէ, Ընդ բեկ է իմ սկիզբն. և ծնունդն միշտ ծնունդ ի Հաւրէ, և բղխումն միշտ բղխումն միշտ ելող ի Հաւրէ. ըստ այնմ թէ Հոգին սուրբ որ էն և ի Հաւրէ ելանէ: Այստրիկ զբնութիւնն միաւորեն. իսկ զառանձնաւորութիւն դիմացն ամբողջ և անշփոթ պահեն, զի մնացէ

Հայր՝ միշտ Հայր, և Որդի՝ միշտ Որդի, և Հոգին սուրբ՝ միշտ Հոգի, Երեքեան մի աստուածութեամբ և ընութեամբ և ամենակալ իշխանութեամբ և հաւասարապատիւ փառաւր: Ոչ մինն առաւել քան զմինն, ոչ մինն յառաջ քան զմիւսն, և ոչ ոմն յետոյ, և ոչ ոմն նախ, ոչ ոմն փոքր, և ոչ ոմն մեծ, ոչ ոմն աւագ, և ոչ ոմն կրտսեր, այլ մի անսկզբնաբար պատիւ, և մի մշտնջենաւոր և ամենակար զաւրութիւն, միոյ ընութեանն միասնական Երրորդութեանն:

Ձի ոչ է հնար զՀայր յառաջ ասել քան զՈրդի և զՀոգի վասն անծնելութեանն. և ոչ հնար գոյ դարձեալ զՈրդի յետոյ ասել քան զՀայր վասն ծննդեանն և որդիութեանն. և ոչ դարձեալ հնար է զՀոգի յետոյ ասել կամ կրտսեր քան զՀայր և զՈրդի՝ վասն բղիժանն և ելողութեանն ի Հաւրէ: Այլ որպէս հուր ծնաւդ է լուսաւորութեանն, և բղիժող ջերմութեան, և ոչ է հնար զհուր յառաջ ասել քան զծնունդն իւր զլուսաւորութիւնն և ոչ քան զբղիժումն իւր զայրեցողութիւնն: Այսպէս չէ հնար Հաւր յառաջ լինել քան զՈրդի և զՀոգի: Եւ որպէս չէ հնար արեգական յառաջանալ քան զլոյս իւր՝ որ է ծնունդ նորա. և ոչ քան զարև՝ որ է բղիժումն նորա, այսպէս և ոչ հնար գոյ Հաւր յառաջանալ քան զՈրդի և զՀոգի: Եւ որպէս ոչ է մարդոյ հնար յառաջ երևել քան զմիտս և զհոգի իւր, նմանապէս ոչ է կարողութիւն յառաջ երևեալ Հաւր քան զՈրդի և զՀոգի, զի թէ ի բաց առցես զջերմութիւն, և զլուսաւորութիւն ի հոյ, այնուհետև հուրն՝ ոչ կարէ հուր լինել: Եւ եթէ մերկացուցես զլոյս և զարև յարեգականէ, ապա ոչ է հնար արեգականն լինել արեգակն՝ կամ անուանիլ, և եթէ կողոպտեսցես զմիտս և զհոգի ի մարդոյ, այնուհետև ոչ է հնար մարդոյ՝ մարդ տեսնիլ կամ անուանիլ:

Այսպէս և առաւելապէս ըստ աւրինակի տարացուցացս և գաղափարացս. եթէ ի բաց բարձցես զՈրդի և զՀոգի ի Հայրական էութենէն. զոնէ յական թաւթափել չափ ինչ մտածութեան յառաջանալ զՀայր, և կամ յետոյ իմանալ զՈրդի և զՀոգի. ապա այնուհետև չէ հնար, չէ կարողութիւն Հաւր էութեանն երևիլ կամ անուանիլ առանց էութեան Որդւոյ և Հոգւոյ: Քանզի կատարեալ է Հայր անձամբ և զաւրութեամբ, գիտութեամբ և բարերարութեամբ, արարչութեամբ և աստուածութեամբ: Ընդնմին կատարեալ է Որդի անձամբ՝ և զաւրու-

Թեամբ, գիտութեամբ և բարերարութեամբ, արարչութեամբ և աստուածութեամբ: Ընդ նոսին Հաւր և Որդւոյ, կատարեալ և և Հոգին սուրբ՝ անձամբ և զաւրութեամբ, գիտութեամբ և բարերարութեամբ, արարչութեամբ և աստուածութեամբ: Մի թագաւորութիւն, մի տէրութիւն, մի աստուածութիւն, մի անսկիզբն սկզբնաւորութիւն Որդւոյ և Հոգւոյ, Հայր ոչ յառաջեաց զսկիզբն քան զայնս՝ որոց էն սկիզբն, այլ անսկսանելի գոյութիւն երկց անձնաւորութեանցն. ի նոյն բնութեանէ Հաւր՝ Որդի և Հոգի, ի նմանէ անսկզբութեամբ, և ընդ նմին մըշտնջենաւորապէս, և առ նմին անվախճանաբար իմացեալ և ծանուցեալ, միաւորեալք բաժանմամբ, և որոշեալք միաւորութեամբ, հրաշափառ ունելով չբաժանումն և զմիաւորութիւն: Զի ինքն է լոյս անճառելի, և ամենայն լուսաւորութեանց աղբիւր, կեանք անմահական, և ամենայն մահացելոց և անմահացից կենագործող, էութիւն անեղ, և ամենայն էութեանց ստացիչ և արարիչ, բնութիւն անհատ, տարածանումն անաճփոփ, նրբութիւն անարգել, հնար ամենահաս, բաւականութիւն անծախելի, մեծութիւն անքանակ, Կերպարան անորակ է յամենայնի, և անխառն է ի բնաւիցս, ունի զամենայն, և ինքն անտանելի բոլորից անքննելի, անգիտելի, անասելի միասնական սուրբ երրորդութիւնն, էր միշտ և է և կայ յաւիտեան: Արգայսպէս սեռն և ստոյգ հաւատովք պայծառացեալք Հայաստանեայքս ի սկզբանէ մինչև ցայժմ, և կամք ի սմին միշտ փառաւորելով զամենասուրբ զԵրրորդութիւնն:

Իսկ յաղագս մնաւրէնութեան Բանին Աստուծոյ, Միածնի Որդւոյն մարմնանալոյ և մարդանալոյ նորա ի զաւակէ Գաւթի, պայսպէս ուսոյց մեզ հոչակելի և զարմանալի այրն սքանչելին և մեծն Գրիգորիոս Լուսաւորիչն մեր, թէ հաւատք ճշմարիտբայս են՝ Խոնարհեցաւ Աստուած, և խառնեաց զաստուածութիւնն ընդ մարդկութեանս, զանմուն ընդ մեռոտս, և պարտաւորեաց զմեզս աստուածախառն մարմնովն: Եւ դարձեալ ասէ. Սկիզբն ասնու անսկզբնականն, և աւուրբք համարեալ թշփատի ութաւորեալք Եւ դարձեալ ասէ. նմա փառք ամենատեառն, որ վասն մերոյ կենաց մարդացաւ և մարդակերպ շրջեցաւ: Եւ դարձեալ ասէ, միացաւ ի մարմնի բնութեամբ, և խառնեաց միացոյց ըզմարմինն յաստուածութիւնն իւր: Եւ դարձեալ ասէ, զմարմինն մարդկային առ խառնեաց միացոյց յինքեան և ընկղմեաց

զմարմինն յաստուածութիւնն իւր: Եւ դարձեալ ասէ, զմեր հոգեղէն բնութիւնս զգեցաւ և խառնեաց զանխառն աստուածութիւնն, և զապականացու մարմինս խառնեաց յանապական աստուածութիւնն, և արար անապական: Եւ դարձեալ ասէ, Աստուածորդին իսկ խոնարհեցաւ և առ զմարմին մարդկան, և խոնարհեցաւ յանարգութիւն մահու մինչև ի թաղումն անգամ: Եւ դարձեալ ասէ, Որդին Աստուծոյ մեռաւ, զի զմեռելութիւն արարածոցս կենդանացուցէ, զի ոչ եթէ առանց իւրոյ մահուանն կենդանութիւն տայ մեզ ոչ կարէր, այլ զի մեծացուցէ պարարածս իւր՝ իւրով յանարգութիւն իջանելովն: Եւ դարձեալ ասէ, Տէրն և արարիչն արարածոց խոնարհեցաւ ի բաժակն խոնարհութեան մահու անարգութեան, և արբ զխոնարհութեան չարչարանաց բաժակն ինքնայաւժար կամաբ. զի զմեր անարգութիւնս կրեսցէ, և զմեր չարչարանս յանձն առցէ, և մերում մահու հաւասարեսցէ հաճութեամբ կամաբ:

Արդ ի վերայ պսպիսի անխախտելի և անշարժելի հիման հաւատոյ հաստատութեան շինեալ է եկեղեցի սուրբ ի մէջ Հայաստանեայս, զոր հիմնեցոյց Հոգին սուրբ ի ձեռն առաքելոցն, և աւարտեաց ի ձեռն մեծին Գրիգորի Լուսաւորչին մերոյ, և կամբ մեամբ ի նոյն խոստովանութիւն հաւատոյ հաստատութեան մինչև ցայսաւր, ճշմարիտ աւանդութեանցն՝ աւանդապահք եղեալք մինչև յաւիտեան: Վասն որոյ ըստ այսմ ուղղափառ և ճշմարիտ հաւատոյ բանի հետեող լեալ սուրբ Լուսաւորչին մերոյ և նորին որդւոցն արանց Աստուծոյ սրբոց, որք հոգւովն Աստուծոյ յաջորդեցին զաթոռ նորա, և զնոյն ճշմարիտ աւանդութիւն հաւատոյ հաստատեցին ի մեզ, և մեր ընկալեալ ստուգութեամբ ի հարցն մերոց սրբոց:

Խոստովանիմք զմի ի սրբոյ Երրորդութենէն զՄիածին Որդին, զիսկական և զանսկզբնական ծնունդն հայրական, զփառակիցն Հաւրն և Հոգւոյն սրբոյ, զԱստուածն ճշմարիտ յԱստուծոյ ճշմարտէ, ինքնայաւժար կամաբ, հաճութեամբ Հաւր՝ և Հոգւոյն սրբոյ խոնարհեալ յանպատում բարձրութենէն, և իջեալ յանգագամնելի դիտանոցէն յարգանդ ամենասուրբ Վասին, և խառնեաց ի բնութենէ մերմէ իւր մարմին ճշմարտապէս ի կուսական արեւնէ, և միացեալ ի նմա բնութեամբ, եղև մարդ ստուգապէս ի զաւակէ Գաւթի, ոչ մարդ առեալ, կամ ի մարդ բնակեալ, որպէս թուեցաւ ասել նեստորի և Փղարխանոսի Ան-

կիւրացւոյ, այլ որպէս Աստուածաբան Գրիգոր ասէ, առ Կղո-  
զիանոս ճառին, թէ՛ Ըստ բնութեան միաւորեալ և ընդ նմին  
ստեղծեալ և միացեալ, և որ պայս ոչ ասէ, եղիցի ունայն ի լա-  
ւագոյն զաւրութենէն և լի հակառական:

Եւ արդ ահա ըստ բնութեան միաւորեալն ընդ աստուա-  
ծութեանն ասաց ստեղծանիլ զմարմնոյն խառնումն, և լինել  
մի բնութիւն և մի Աստուած միաւորութեամբն և խառնմամբն,  
և մի կամբ և մի դէմ, և մի Որդի Միածին, մարմնացեալ Բանն  
Աստուած, զի ոչ յաւելաւ թիւ Երրորդութեանն, և ոչ նուա-  
զեաց, այլ որպէս էրն, կայ և մնայ յաւիտեան: Ոչ աւտար բնու-  
թիւն, և ոչ աւտար կամբ, և ոչ աւտար գործ թուակցեալ սրբ-  
բոյ Երրորդութեանն, այլ որպէս նախ բան զմարմնանալն Որդ-  
ւոյ մի կամբ և մի գործ և մի բնութիւն էր սուրբ Երրորդու-  
թեանն, և երեք դէմբ. այսպէս և յետ մարմնանալոյ Բանին  
Աստուծոյ, մի բնութիւն, և մի կամբ, և երիս դէմն սրբոյ Եր-  
րորդութեանն, ոչ առաւելեալ և ոչ նուազեալ վասն մարմնա-  
նալոյ Որդւոյն: Այլ որպէս հուր ըմբռնեալ զնիւթ ոսկւոյն խառ-  
նեալ ի նա, ոչ յաւելու բնութիւն հրոյն և ոչ նուազէ վասն  
ոսկւոյն որ միացան և խառնեցան ի հուր անդր, այլ նոյնպէս  
կայ մնայ բնութիւն հրոյն, և գործ նորա որպէս էրն իսկ; և  
զոսկին զոր ըմբռնեաց հրացոյց ամենեկին ամենայն իրաւք, և ի  
ցրտութենէն ջերմացոյց զնա, և յանլուսաւորութենէն՝ լուսաւոր  
և ճառագայթարձակ գործեաց, և յանազգողութենէն՝ ազգող և  
ներգործող տիրապէս զնա արար, ոչ ի միջոյ բարձեալ զնիւթ  
ոսկւոյն, այլ պահեալ զնա ի նիւթութեանն, և այնպէս արար  
զնա ամենեկին հուր և բնութիւն հրային, և ամենայն տկար և  
ապականացու և նուազ բնութիւն՝ ի բաց բարձաւ ի նմանէ: Եւ  
այլ նիւթոյ որ ըմբռնի ի հրոյ թէ փայտ և եթէ այլ ինչ, և  
ոչ կոչի փայտն՝ փայտ յետ խառնման հրոյն, այլ հուր և կրակ,  
այծ<sup>9</sup> և լոյս, որ լուսաւորէ զմերձեցեալսն, և առաջին անուանքն  
և բնութիւնն և կամբն և գործն ի բաց բարձեալ լինի ի նմա-  
նէն ըմբռնմամբ հրոյն, և զգենու զանուանսն և զբնութիւնս,  
զներգործութիւն և զորպիսութիւն հրոյն ամենայն իրաւք: Այս-  
պէս Աստուած Բանն՝ հուրն ահաւոր և իմանալի, յորժամ նա-  
խաշաղուութեամբ Հոգւոյն սրբոյ էջ ի յարգանդ անապական Գու-  
սին, և առեալ ի նմանէ մարմին և հոգի և միտք մարմնայինք,  
և խառնեալ միացոյց ի հուր աստուածութեան իւրոյ և արար

ամենևին Աստուած և բնութիւն աստուածային. ոչ ի միջոյ ի բաց բարձեալ և ծախեալ, և ոչ յանմարմնութիւն փոփոխելով, այլ պահեալ զմարմինն յեութեան ըստ որում շաւշափեցին առաքեալքն: Արար զնա ամենևին ըստ բնութեան Աստուածութեան իւրոյ յարգանդի սրբոյ Կուսին, և ոչ եթող զմարմինն մնալ ըստ իւրութեան տկար և անպար բնութեանն ի խառնիլն և ի միանալն ի նմա, որպէս ոմանք կարծեն չարափառութեամբ, այլ անիմաստ և անասելի արագութեամբ, ի հողեղինէն՝ հրեղէն, և ի մարդկեղինէն աստուածեղէն, և յարարականէն՝ արարչական, և ի ծառայականէն պատ արարեալ զմարմինն՝ զոր էառն ի մէնջ՝ և պատիչ բոլորից և Տէր ամենայնի, և ի մեղանչականէն՝ անմեղական և քաւիչ ամենայն մեղուցեւոց, և յապականացուէն՝ անապական, և ի տկարութենէն՝ ամենազաւր, և յանբաւականութենէն՝ ամենաբաւական, և յանկարութենէն՝ ամենակարող, և յանգէտ բնութենէ մերմէ ամենագէտ և գիտութեանց տուող ամենեցուն, և ի կարատականէս՝ անկարատական և լցուցիչ ամենայն կարատութեանց վերնոց և ներքնոց արարեալ զիւր մարմինն յառնուլն ի կուսէն, և յանփառութենէս՝ տէր փառաց և սքանչելի և աշաւոր փառաւր՝ փառաւորեալ ի բոլորից, և յանարգութենէս ի պատիւ ամենագովելի բարձրագոյն և աստուածային, և յանիմաստէն՝ ամենիմաստ և տուիչ ամենայն իմաստութեան մարմնաւորաց և անմարմնոց, և յանիծականէն՝ ամենաւրճնեալ և լուծիչ անիծից առաջին Ադամայ, և աղբււր աւրճնութեան բոլոր բնութեան մարդկան մարմինն Քրիստոսի, ըստ այնմ եթէ, Աւրճնեալ է պտուղ որովայնի բո, և յեղծականէն անեղծական և ստացչ և նորոգիչ ամենայն եղծութեանց, և ի խաւարատեսակ բնութենէս՝ անմատոյց և ճշմարիտ լոյս, մարմին բանին՝ որ լուսաւորէ զամենայն մարդկային բնութիւնս եկեալ յաշխարհս յաղագջ ճշմարիտ և անմատոյց լուսոյն միաւորութեան:

Վասն որոյ փայլումն մարմնոյն ի լերինն անմատոյց լեալ աշակերտացն զգետնեալք եղեն, և ի չարութենէ մերմէ առեալ ոչ զչարութիւն այլ զմարմինս մեր՝ ամենարարի զնա արար, և աղբիւր ամենայն բարութեանց, և ի մահկանացուէն անմահական, մանաւանդ խափանիչ մահու և տուիչ կենաց վերնոց և ներքնոց. որպէս ասէ Եփրեմ ի գիրս հաւատոցն, Բանն Աստուած լոյս և կեանք, բնութեամբ իւրով եկն միացաւ ի մարմնի, որ

ոչ էր բնութեամբ իւրով բան և ոչ լոյս և ոչ կեանք, այլ յորմէհետէ միացաւ ի նմա Բանն Աստուած, սղև այնուհետև մարմինն լոյս և կեանք և նոյն իսկ Բան է միութեամբ, Եւ դարձեալ ասէ Մարմին նորա ի կուսէն առաւ, այսաւր է բղթումն որ բղթէ գկեանս ամենայն բնութեանց վերնոց և ներքնոց. Արդ զամենայն՝ որ ինչ վայել է միայնոյ աստուածային բնութեանն եղև և մարմին նորա խառնմամբն և միաւորութեամբն՝ Աստուած ճշմարիտ, և որ ինչ վայելուչ է Աստուծոյ տիրապէս եղև և մարմինն, ոչ որոշաբար, այլ միեղինարար, միանձնաբար, մի դէմ, մի բնութիւն, մի կամբ, մի ներգործութիւն՝ մարմնացելոյ Աստուծոյ բանին:

Եւ երբ եղև մարմին Բանին Համարնութիւն նմա, և կոչեցաւ մի բնութիւն, և մի դէմ Յիսուս Քրիստոս: Այլ եթէ յետ խաչին և յետ յարութեանն եղև մի բնութիւն և մի դէմ մարմնացեալ Բանն. որպէս ոմանք չարափառութեամբ և ամպարշտութեամբ յանդգնեցան ասել. զոր քաւ և մի՛ լիցի ըզմտաւ ածել բրիստոնէից, այլ անդատին իսկ յարգանդէ սրբոյ Վուսին ի մարմնանալ Բանին, ամենայն ինչ որ ինչ Բանն էր միշտ, եղև մարմին նորա յորովայնի անդ սրբոյ Վուսին, ըստ որում ասէ Աթանաս եթէ, Բանն մարմին եղև զի մարմինն եղիցի Աստուած Բան: Եւ Գրիգոր Նիւսիա գրէ աէ Թէոփիլոս Աղեքսանդրի եպիսկոպոս, Թէ ամենայն որ ինչ տկար և ապականացու բնութիւն էր, խառնեալ ընդ աստուածութեանն՝ եղև որ ինչ աստուածութեանն էր միշտ: Եւ արդ տես Հաւաստի զգուշութեալ զի ի մարմնանալ Բանին ստուգութեամբ ասէ ինքն Աթանաս, զմարմինն Աստուած Բան լեալ:

Արդ երբ մարմնացաւ Բանն. ոչ ապաքէն յարգանդի Վուսին, և արդ յայտ է թէ և յարգանդի Վուսին եղև մարմինն՝ Աստուած Բան: Քանզի յիջանել Բանին Հաւար ի մեր բնութիւնս իսկ և իսկ ի նոյնժամայն, անիմաց արագութեամբ էառ մարմին ի նուազ բնութենէ մերմէ՝ Աստուծոյ ահաւոր բնութիւնն Հայրական Բանին, ստուգութեամբ և ճշմարիտ սերտութեամբ: Արդ ուր իցէ երկուց բնութեանցն կարծիս յետ միաւորութեանըն, և ոչ ուրեք: Տես դարձեալ և զասացածն երանելոյն Նիւսեա Գրիգորի զուգաձայն Աթանասի, զի զամենայն տկար և զապականացաւ բնութիւն խառնեալ յաստուածութիւնն ասաց իննել որ ինչ աստուածութեանն էր միշտ, և ուր խառնեցաւ ա-



պականացու ընուծիւնն մարդկան՝ յանապական ընուծիւն աստուածութեանն: Ոչ ահա յայտ է հաւատեալ եթէ յորովայնի կուսին եղև խոնուումն, ապա ուրեմն յայտ է ստուգութեամբ, եթէ յորովայնի անդ կուսին՝ եղև մարմինն որ ի Մարիամայ առաւ՝ աստուածային և անապական ընուծիւն, և ամենայն ինչ՝ որ ինչ աստուածութեանն էր միշտ, որպէս վկայեաց Գրիգոր Նիւսեայ:

Եւ արդ ահա յայտ է եթէ որք յառաջ քան զԽաչելն և զյարուծիւնն մարդկային տկար, և ապականացու և մահկանացու ընուծիւն ասեն, և կարաւտական և անփառաւոր զմարմինն Քրիստոսի, արդարացուցանեն նոքա զնեստոր, և զՊաւղոս Սաւուստացի, և զԹէոդորոս Տաբասացի, և զԹէոդորիտոս Վիւրոս քաղարի եպիսկոպոս, և որք նման լոցին ասացին մարդ ծնեալ ի կուսէն, և մահկանացու ընուծիւն չարչարեալ ի խաչին, և կամ որ բնակարան բանին ասացին զմարմին, և ոչ միութիւն ընուծեանն ըստ սահմանի գրոց սրբոց: Եւ կատարի ի վերայ նոցա ասացեալն ի սուրբ Լուսաւորչէն մերմէ մեծէն Գրիգորէ, թէ՛ Որք ի մարմինն հաւատացին, ծանոյց նոցա զաստուածութիւնն իւր, և որք ի մարմնոյն զթեցին՝ ուրացան զընուծիւն նորա, զանկոխն գնացին և զարտուղի անկան:

Տեսանենս զի հաւատալն ի մարմինն, այն է Աստուած ճրչմարիտ և անմահ և անապական, ըստ բնութեան Բանին խոստովանել զմարմինն: Իսկ զայթակղելն ի մարմինն այն իսկ է մարդկային՝ տկար՝ մահկանացու և ապականացու ընուծիւն ասել զմարմինն Բանին յետ միաւորութեանն: Տեսանենս զի ուրացողս աստուածութեանն ասէ զգայթակղեալն ի մարմնոյն հրէաբար, որ բնակարան իմն համարին զմարմինն, և ոչ միութիւն ընուծեամբ: Զի եթէ երկու ընուծիւն է Քրիստոս յետ միաւորութեանն՝ ապա ուրեմն, ոչ ճշմարիտն Աստուած ծնալ ի կուսէն, այլ մարդ ապականելի՝ որպէս ասաց Նեստոր, և ոչ Տէրն փառաց խաչեցաւ՝ որպէս վկայէ առաքեալն Պաւղոս, այլ ծառայ մահկանացու, և մարդկային տկար և անփառաւոր ընուծիւն, որպէս ասաց հակառակն առաքելոյն Պաւղոսի վատաշուէրն Սամուստացին:

Եւ եթէ այդպէս է, ուրեմն ստեցին առհասարակ վերինք և ներքինք: Նախ ստեցին մարդարէրն. զի Աստուած հզաւր և անմահ և անհամեմատ ասացին զայս աւերածին մանուկն՝ որ ի

կուսէն ծնաւ: Ստեցին և հրեշտակք, Տէր և փրկիչ ասելով զծնեալն ի բաղաքի Դաւթի, և Փառք ի բարձունս Աստուծոյ երգելով, որ եկն յերկիր առնել խաղաղութիւն և հաշտութիւն մարդկան: Ստեցին և մողքն, զի թողեալ զկուսպաշտութիւն դիմեցին յերկրպագութիւն ճշմարտին Աստուծոյ, և ահա եկեալ մահկանացու և ապականացու բնութեան երկրպագեցին, և ի մոլորութենէ ի մոլորութիւն փոխեցան, զի ոչ եթէ զմերկ և զանմարմին Բանն տեսին յայրին և երկրպագեցին, բաւ լիցի, այլ զմարմնացեալ և զմարդացեալն տեսին, զոր տեսին՝ նմին երկիրպագեցին: Եւ արդ եթէ երևելի մարմինն՝ զոր տեսին մահկանացու և ապականացու, և մարդկային տկար բնութիւն էր, յայտ է եթէ մարդոյ երկրպագեցին և ոչ Աստուծոյ ճշմարտի, և ի նոյն կուսպաշտութիւն զանգեալք եղեն՝ յորում էինն: Եւ եթէ այդ՝ այդպէս է, ընդ նոսին և զաւրբ երկնից մոլորեցան, զի փոխանակ աստուածային անմահ և անապական բնութեանն, մահկանացու և ապականելի մարդոյ բնութեան երկրպագեցին: Յետ այսորիկ ստեաց և ինքն Հայր, զի ի վերայ Յորդանանու ձայնեաց ժողովրդեանն Հրէից, թէ՛ Դա է իմ Արդի՝ զոր տեսէքք ի միջի ձերում ծնեալ ի Մարիամայ: Եւ Հրէայքն՝ ոչ եթէ զանմարմին Բանն տեսին ի Յորդանան, այլ զմարմնացեալն, և զոր տեսանէին՝ զնոյնն զիտացին վկայեալ ի Հաւրէ Արդի նորա լինել երևմամբ սուրբ Հոգւոյն, և ահա եթէ զոր տեսինն՝ այն ապականացու և մահկանացու և տկար և մարդկային կարաւտական բնութիւն էր, ապա ստեաց Հայր, ընդ նմին և Հոգին սուրբ: Պարտ էր ասել Հաւր, եթէ ի դմա է իմ Արդին, և ոչ ասել եթէ՛ Դա է, և խաբել զմարդիկ: Եւ եթէ այսպէս է, ստեաց և ինքն Արդի, զի ասաց կուրին, եթէ՛ Տեսեր զԱրդի Աստուծոյ և որ խաւսիդ ցրեզ նա է, և ահա կոյրն զմարմինն ետես միացեալ Բանին, և ոչ եթէ զմերկ բանն, և եթէ տեսանելի մարմինն՝ այլացեղ բնութիւն էր քան զմիացեալն ի նմա Բան, մահկանացու մարդոյ և ապականելի, ապա ստեաց ճշմարտութիւնն ասելով կուրին, թէ՛ Տեսեր զԱրդին Աստուծոյ պարտ և արժան էր ասել, թէ՛ յԵս է Արդին Աստուծոյ, և ոչ ասել, թէ՛ Չոր տեսեր՝ զա է Արդի Աստուծոյ, և խաբել զնա, և զբոլոր արարածս:

Իսկ եթէ զայս խորհել կամ զմտաւ ածել յոյժ անկգամնութիւն է և խորին ամպարշտութիւն, և անդր քան զամենայն

հայհոյութիւնս դիւաց և հաւր նոցա սատանայի, ստուծիւն զնել անսուտն Աստուծոյ Հաւր կամ Ճշմարտութեան Հոգւոյն սրբոյ, կամ Միածնի Որդւոյն Աստուծոյ, կամ ամենայն սրբոց նորա, որք վկայք և քարոզք եղեն մարդեղութեան նորա, և եղական և միական կոչմամբ դաւանեցին զմարմնացեալ և զմարգագեալ Բանն Աստուած, զծնեալն ի սուրբ Վուսէն, և զմկրտեալն ի Յորդանան, զրեւոեալն ի խաչին, մի բնութիւն, մի կամք, մի ներգործութիւն, մի դէմ, մի որդի, ըստ որում վկայեաց Հայր, Թէ՛ Իս է իմ Որդի՛ զոր տեսանէքդ, և Հոգին երևեալ ի վերայ աստուածախառն և աստուածացեալ մարմնոյն, հաստատեաց զվկայութիւն Հաւր ի նա, և հրեշտակք զգուշութեամբ պաշտեցին և երկրպագեցին մարգացելոյն, և երևելոյն յերկրի, իբրև Տեսոն իւրեանց և Աստուծոյ, ըստ այնմ եթէ՛ Մատեան հրեշտակք, և պաշտէին զնա: Եւ մոգքն երևեցելոյն երկրպագին, իբրև Աստուծոյ ճշմարտի, ոչ որոշեալ բնութիւն ի բնութեանէն, և ոչ մտածութեամբք հատեալք, այլ զերևեալն՝ Աստուած գիտացին, և այնպէս միոյ բնութեան և միոյ Որդւոյ մարմնացելոյ մատուցին զերկրպագութիւն:

Վասն որոյ և մեք ընդ նոսին հետեւեալք ձայնին Հաւր, երևմամբ սուրբ Հոգւոյն, և վկայութեան Որդւոյ յաղագս իւր, ունկնդիր եղեալ ամենայն սրբոցն նորա, մարգարէից և առաքելոց, և սրբոց վարդապետաց եկեղեցւոյ, խոստովանիմք հանգոյն նորա, մի որդի, և մի բնութիւն, մարմնացելոյ և մարգացելոյ Բանին Աստուծոյ՝ անշփոթ և անբակ միութեամբ, անբընդոր և անրաժին խառնմամբ միացեալ, և մի լեալ յարգանդի Վուսին. և այսպէս անապական և անմահ և ամենազաւր մարմնով ծնաւ ի Վուսէն, և նոյն մկրտեցաւ ի Յորդանան, և նոյն բեւեցաւ ի խաչին, և նոյն եղաւ ի գերեզմանի, և նոյն յարեաւ ի մեռելոց, և նոյն համբարձաւ յերկինս, և նոյն նստաւ ընդ ալմէ Հաւր, և նոյն գալոց է: Վասն որոյ և Վոյսն՝ Աստուածածին՝ և ոչ մարգածին, և անապականածին՝ և ոչ ապականածին, վասն որոյ և ինքն մնաց անապական, զի անհնար է ապականացու և մահկանացու մարմնոյ ծնելոյ, զծնաւոն անապական պահել: Իսկ եթէ յամառեսցի որ մահկանացու և ապականացու առել զմարմինն յայտ է, Թէ զՎոյսն բարձրագոյն կամի առնել քան զծնեալն ի նմանէ եմմանուէլ, որ թարգմանի ընդ մեզ Աստուած: Իսկ եթէ ամպարշտութիւն է ասել զվոյսն մեծ քան

ԿՑՆԵՆԱԸՆ Ի ՆՄԱՆՔ ԱՍՏՈՒԱԾ, ապա ուրեմն ծնաւղն վասն ծնե-  
 լոյցն ի նմանէ եղև անապական, ուստի Հարկ է ինքեան որ ըզ-  
 ծնաւղն անապական պահեաց, թէ և ինքն տիրապէս էր անա-  
 պական և անմահ մարմին և Աստուած ճշմարտութեամբ: Վասն  
 որոյ և Յորդանան աստուածակոխ և ոչ մարդակոխ, աստուա-  
 ծային բնութեամբն մկրտեալ, որպէս ասէն Աթանաս, և ոչ մարդ-  
 կային տկար և ապականացու բնութեամբ, որպէս թուեցաւ աս-  
 սել Նեստորի, և նմանեաց նորին: Եւ խաչն աստուածընկալ աս-  
 տուածախաչ, և զինարան Միաձնին Աստուծոյ, և ոչ մարդընկալ և  
 մարդախաչ և մարդազենակ, այլ որպէս ինքն Տէրն ասաց յա-  
 զազս իւր, թէ՛ Զմի որդին Հաւր զսիրելին, զեկեալն ի Հաւրէ  
 առ մշակսն Հանին արտաբոյ այլոյցն և սպանին: Վասն որոյ  
 Հրէայքն աստուածասպանք՝ և ոչ մարդասպանք, զի զմի զՈր-  
 դին Հաւր զսիրելի Միաձինն ասաց սպանեալ Հրէիցն, և ոչ  
 զմարդ որ ապականացու: Յաղազս այնորիկ Հրէայքն աստուած-  
 ուրացք և ոչ մարդուրացք, որպէս վկայեաց Մովսէս, թէ՛ Տե-  
 սանիցէք զկեանս ձեր կախեալ զփայտէ առաջի աչաց ձերոց:  
 Արդ Հրէայքն, ոչ զանմարմին Բանն տեսին կախեալ զփայտէ:  
 Ո՞վ յանդգնեսցի ասել զայս: Եւ արդ ահա յայտ է թէ՛ զմար-  
 դացեալ բանն տեսին կախեալ ի խաչին և ոչ հաւատացին, և  
 ահա զերեւելի և զտեսանելի զմարմինն խառնմամբ և միութեամբ  
 Բանին միաւեսակ կեանս անուանեաց Մովսէս: Արդ ո՞վ ամպա-  
 բշտեսցի յանդգնել և զկեանսն մահկանացու ասել կամ ապա-  
 կանացու, և ոչ դեր ասն զայս, թող թէ այլ որ: Վասն որոյ  
 և զերեզմանն աստուածընկալ և ոչ մարդընկալ, զի մի փոխա-  
 նակ կուսին՝ զերեզմանն երևեսցի աստուածածին: Այլ զոր  
 Վոյսն ծնաւ, խաչն նմին վերամբարձող եղև և զնոյնն զերեզ-  
 մանն յինքն ընկալաւ, և զնոյնն արտաբս ետ, ոչ առաւե-  
 լեալ և ոչ նուազեալ ի զերեզմանի անդ, այլ որպէս եմուտ ի  
 զերեզմանն, նոյնպէս ել առանց յաւելման և պակասութեան:

Իսկ եթէ երկուս բնութիւնս էր Քրիստոս նախ քան  
 զխաչն, որպէս ասաց Աեոն Հոռմայեցի, և մարդկայնով բնու-  
 թեամբ չարչարեցաւ և թաղեցաւ, և ապա աստուածային բնու-  
 թեամբ յարեաւ, յայտ է թէ փոխանակ Վուսին, զերեզմանն  
 եղև աստուածածին, և սուտ են, որք զՄարիամ անուանեն  
 Աստուածածին, զի ահա թէ մարդկային բնութիւն ծնաւ ի  
 նմանէ, և մարդածին է նա յաւէտ քան աստուածածին, որպէս

Թուեցաւ ասել Նեստորի: Իսկ գերեզմանն աստուածածին փոխանակ Մարիամայ՝ որպէս թուեցաւ ասել Յունաց, Ապա եթէ ամպարշտութիւն է փոխանակ սրբոյ Կուսին՝ զգերեզմանն ասել աստուածածին, ուրեմն յայտ է լծէ մի բնութիւն էր նախ քան զխաչն, յետ անշփոթ միաւորութեանն աստուածային միայն: Քանզի մարդկային բնութիւնն եղև Աստուած խառնմամբ Քանի յարգանդի կուսին, և նոյն միոյ աստուածային բնութեան ծնաւդ Կոյսն, վասն որոյ Աստուածածին խոստովանեալ է ի վերնոց և ի ներքնոց, և նոյն մի բնութիւն անշփոթ և անքակ միաւորութեամբ ծնեալ ի կուսէն, մկրտեցաւ ի Յորդանան, և նոյն միով բնութեամբ չարչարեցաւ և մնաց անչարչարելի, և մեռաւ, և մնաց անմահ: ըստ որում եղանակի ինքն միայն գիտէ, և նոյն միով բնութեամբ եղաւ ի գերեզմանի, և նոյն բնութեամբ յարեաւ, ոչ առաւելեալ և ոչ նուազեալ, և նոյն բնութեամբ կայ և մնայ յաւիտեան, որպէս ինքն վկայեաց վասն իւր յետ յարութեանն, ասէ. Հաւչափեցէք զիս և տեսէք, զի ես նոյն եմ, որպէս էի և նախ քան զխաչն՝ և ոչ փոփոխեցայ: Եւ Պաւղոս գոչէ ասելով. Յիսուս Քրիստոս երեկ և այսաւր, նոյն և յաւիտեանս: Եւ Պետրոս՝ զլուին առաքելոց ասէ. Մարմին նորա ոչ ետես զապականութիւն: Եւ Աթանաս Աղեքսանդրացի ասէ, յարեաւ յանկարծակի երեքաւրեայ, ոչ տեսանելով զապականութիւն, զորաւրինակ և՛ էր յառաջագոյն:

Արդ զի՛արդ որ լրբիցի ասել անպահպան բերանով մահկանացութիւն, կամ ապականութիւն, կամ տկարութիւն, կամ կարաւտութիւն յաստուածեղէն մարմին Քանին, նախ քան ըզխաչն լինել չարկաւորութեամբ, զի ահա որ Քրիստոսին խառնէր Պաւղոս, յայտնապէս ձայնեաց մեզ, թէ Յիսուս Քրիստոս՝ որպէս այսաւր է յետ յարութեանն, նոյնպէս երեկ էր նախ քան զչարչարանն, նոյնպէս կայ և մնայ յաւիտեան: Արդ եթէ այսաւր յետ յարութեանն իշխէ որ մահկանացութիւն կամ ապականութիւն, կամ որ ինչ չարկաւոր է մարդկային բնութեանս ասել մարմնոյ Քանին; զնոյն իմասցի և յառաջ քան զխաչն լինել նմա: Ապա եթէ ամպարշտութիւն է չարկաւոր կիրս մարդկայինս խորհել յետ յարութեանն ի մարմին Քանին, ամպարշտութիւն է և նախ քան զխաչն ասել ինչ չարկաւորաբար ի մարմին Քանին, այլ կամաւորութեամբ զամենայն որպէս զԱս-

տուած: Ձոր աւրինակ և յետ յարութեանն, նոյնպէս և նախ քան զյարութիւնն մի աւրի՛ակ ասաց լինել զ՛նա Պաւղոս, և նոյնպէս մինչև յաւիտեան: Եւ արդ՝ զոր ինչ իմանայ որ և ասէ Բանին, նոյն Հանդիպի և մարմնոյն լինել յետ մարմնանալոյ Բանին. և զոր ինչ իմանայ որ և ասէ մարմնոյն, նոյն Հանդիպի և Բանին լինել յետ մարմնանալոյն: Քանզի մի իսկ է մարմինն և բանն՝ որոյ մարմին է: Որպէս վկայէ երանելին Եփրեմ: Եթէ ոչ մի իսկ անջատումն Բանին և մարմնոյ նորա յատուածային գիրս, այլ է և մի բնութիւն, մի դէմ, մի գաւրուութիւն, բոլորն Աստուած և բոլորն մարդ, նոյն ինքն բնութիւն նորա:

Տեսանե՛ս զի զբոլոր անձն Գրիստոսի՝ Աստուած ասաց. և զբոլոր անձն նորա դարձեալ՝ մարդ, և ոչ զկէս անձին նորա մարդ, և զկէս անձին նորա Աստուած, որպէս թուեցաւ ասել Նեստորի և նմանեաց նորա, այլ զերկոսին անուանսե միում անձին և միում բնութեան սահմանեաց, և ոչ միայն զերկոսին անուանսե միում բնութեան և միում անձին ասաց լինել, այլ զամենայն անուանսե Գրիստոսի՝ միում երեսաց և միում բնութեան սահմանն գիրք: Այսինքն զմարդն, զԱստուածն, զգոնն, զբահանայն, զՏէրն, զորդի՛ն Դաւթի, ըզճանապարհն, զկեանքն, զմիածի՛նն, զԲանն, զվէ՛մն, զՈրդին Աստուծոյ, զմարգարիտն, զՃմարտութիւնն, զԹագաւորն, զՏոբիւն, զՄանուէլն, զՄանուէլն, և որ այլ ևս ասացեալ են անուանք խորհրդաբար գիրք սուրբք ի վերայ Գրիստոսի, ամենայն անուանքն միում անձին և միում բնութեան խառնվանեալ է ի գրոց սրբոց: Զի թէ զԱստուածն և զմարդն անուն բաժանես ի Գրիստոս, ապա հարկ լինի և ամենայն անուանցն բաժանիլ, և յայնժամ ոչ միայն յերկուս բաժանի Գրիստոս, այլ ի բազումս և յանհունս, այլ զպսպիսի զչարաչար բաժանմանց կարծիս ի բաց վճարեաց մեծ առաքեալն յասելն թէ, Որպէս մի է Աստուած և Հայր, այսպէս մի է Տէր Յիսուս Գրիստոս Աստն որոյ որպէս զմինն Հայր՝ ոչ է Հնար բաժանել յերկուս, այսպէս և ոչ զմի Որդին նորա Յիսուս Գրիստոս՝ Հնար է բաժանել ընդ յերկուս բանգի մի խոստովանեալ է ի Պաւղոսէ, և երկուութեան տեղի ոչ գոյ ի նմա:

Յաղագս որոյ Կիւրեղ Աղեքսանդրացի յայս Հայեցեալ ա-

սէ, եթէ ոք յերկուս երեսս, կամ յերկուս զաւրուծիւնս բաժանեացէ զբարբառ աւետարանչացն և զառաքելոցն և զմարգարէիցն գրեալսն վասն Քրիստոսի, և կամ որ իւր ինքեան Քրիստոսի վասն իւր է ասացեալ, և զոմանս մարդոյ ուրոյն իմանայցէ արտաքս ի Բանէն, իրր յարելուծեամբ, և զոմանս աստուածաբար միայնոյ Բանին Աստուծոյ Հաւր, նպովեալ եղիցի:

Տեսանես, զի միում զիմի և միում երեսաց, և միում ընուծեան սահմանէ զամենայն զգրեալսն որ վասն Քրիստոսի, և զոչ պայպէս ասացողսն սաստկապէս նպովեաց: Չնոյն և Աստուածաբան Գրիգոր միում անձին և միում ընուծեան զնէ զամենայն յառ Վղաւդիանոս ճառին, սաստկապէս նախատելով զԱպողինար, որ բաժանմամբ իմանայր զներգործութիւնսն Քրիստոսի. զոմանս մարդկութեանն իմանալով և զոմանս աստուածութեանն: Իսկ ինքն միում զնէ զամենայն և ի ճառին որ ընդդէմ Արիանոսացն ասէ, զրովանդակն աստուածաբար լինել զգործսն Քրիստոսի, զբարձրագոյնսն նորին ինքեան Քրիստոսի ընուծեամբ ըստ վայելուչ բանի, իսկ զնուպագոյնս նորուն դարձեալ ինքեան Քրիստոսի կամաւորութեամբ և տնաւորինաբար, այլ ոչ Հարկաւորութեամբ, այլ աստուածային իշխանութեամբ, ապա ուրեմն ամենայն ինչ որ ինչ Բանն էր ի սկզբանէ, նոյնպէս եղև և մարմինն խոռնմամբն և միաւորութեամբն յարգանդի անդ Վուսին: Որպէս գրէ սուրբն Եփրեմ, թէ անբաժանելի և անորոշելի է յիւրմէ մարմնոյն Աստուած Բանն, միաւորութեամբն ըստ ընական Համագոյութեան Բանին առ Հայր, վասն զի Հաւասար է անուանն և մարմին նորա, և եթէ ոչ Հաւասարեաց ամենայնի ի բաց եկաց յաստուածութենէն, և ոչ Բանն երկրպագեսցի, այնուհետև սուտ գտանիցի, և անզուտ և աստուածային գիրք եթէ՛ Բանն մարմին եղև:

Տես դարձեալ և աստանաւր ամենայն զգուշութեամբ զի Հաւասարիլ ասաց ամենայնիւ ընուծեամբ և անուամբ և գործով զմարմին Բանին ընական գոյութեանն Հաւր, իսկապէս և ճշմարտութեամբ. զոր աւրինակ ունի ասէ Բանն զընական Համագոյութիւնն առ Հայր, նոյնակչիւ պայմանիւ ասէ եղև մարմին նորա Հաւասար Համարնութիւն Բանին միաւորութեամբն. և ի վերայ երբ թէ, Որ ոչ խոստովանի Հաւասարեալ ամենայնիւ ընուծեամբ ընական Համագոյութեան բանին

զմարմին նորա, այնպիսին ի բաց ուրացաւ զաստուածութիւնն, և ոչ երկրպագող է նա Բանին: Եւ որ ոչ ասէ ընութեամբ և ճշմարտապէս աստուածացեալ զմարմինն միաւորութեամբն յարգանդի Կուսին, սուտ առնեն ասէ զգրեալն՝ Բանն մարմին եղև: Եւ դարձեալ ասէ Եփրեմ ի գիրս Հաւատոցն՝ այսպէս թէ՛ Բանն Աստուած՝ միացաւ ի մարմինն, և Հազորդեցաւ մարմինն՝ ընդ Աստուած Բանն, և է Աստուած ճշմարտութեամբ մարմինն ըստ ընութեան Բանին եղեալ որ միացաւ ի նա: Ասան որոյ Հարկ եղև զի աոցէ Բանն Աստուած՝ զանուն մարմնոյն, որպէս և մարմին՝ առ ստուգապէս զանուն Բանին Աստուծոյ, և որպէս եղև Հազորդութիւն և խառնումն երկուցունց մի ընութիւն և միաւոր: Տես զի ըստ ընութեան Բանին ասաց լինել զմարմինն Աստուած ճշմարտութեամբ միաւորութեամբն: Սոյնպէս եղեն և անուանքն երկոքեան Բանին և մարմնոյն, մի անուն, միակամ, և ի վերայ բերեալ ասէ, թէ՛ Յաղագս խառնը մանն՝ մի ընութիւն միաւոր, ամենայն Հարկաւորութեամբ առնուանք երկոքեան միոյ ընութեան, մի անուն և միաւոր:

Արդ զիմարդ որ իշխէ այլապան ընութիւն ասել մարմնոյն յետ միաւորութեանն: Քանզի ըստ ընութեան Բանին ասաց լինել զմարմինն ճշմարտութեամբ Աստուած միաւորութեամբն յարգանդի Կուսին, և մի ընութիւն սահմանեաց Բանին և մարմնոյ նորա ամենայն Հարկաւորութեամբ: Եւ արդ ահա յայտ է թէ՛ զոր ինչ իմանայ որ յաղագս մարմնոյն ըստ Հարկաւորութեան լինել, նոյնք Հանդիպին և Բանին լինել՝ որոյ մարմինն է, և ամենայն որ ինչ Բանին է՝ նոյն՝ ընթանայ ի Հայր: Իսկ եթէ ի Հայր ոչ է տկարութիւն և ոչ ապականութիւն, և ոչ կորաւորութիւն, և ոչ մահկանացութիւն, զի յոյժ ամպարշտութիւն է խորհել ինչ այսպիսի յետութիւնն Հաւոր, ամպարշտութիւն ուրեմն է, այսպիսի ինչ ըստ Հարկի ընութեան ի վերայ մարմնոյ բանին իմանալ: Քանզի Հաւասարիլ ասացին Հարքն սուրբք զմարմին միութեամբ բանին իսկական էութեանն Հաւոր, անվրէպ նմանութեամբ Համեմատել ամենեկին, ամենայն իրաւք: Արդ՝ զայս ասելով ոչ ուրանամք զտնաւորինական կիրսն մարդկայինս՝ զոր կրեաց Որդի բաց ի մեղաց կամաւորութեամբ, և ոչ ի Հարկէ աստուածային իշխանութեամբ, և ոչ որպէս մեր: Քանզի մեր՝ որպէս ոչ կամիմք՝ քաղցնումք և ծարաւիմք, և աշխատիմք, և՞ ննջեմք և երկնչիմք, և անգիտանամք, և որ այլն



ևս սոցին նման կրեմք չհարկաւորարար առանց կամաց: Իսկ Քրիստոս Աստուած ոչ պայպէս, այլ զոր ինչ իւր վայելուչ կամացն զհետ երթայր, որպէս արդարեւ իմանալի է զԱստուծոյ, Քանզի ոչ եթէ բնութեանն հարկի ի ներքոյ անկեալ էր նա, այլ ինքն էր Տէր, և շարժող բնութեան իւրոյ որպէս և կամէր: Քանզի ամենակարող զաւրուժեամբ, և ամենազաւր իշխանութեամբ ամենայն ինչ զհետ կամաց նորա ընթանայր իբր Աստուծոյ ճշմարտի, զի կարող էր քաղցնուլ՝ երբ կամէր, և կարող էր ոչ քաղցնուլ կարող էր ննջել, և կարող էր բնաւ ոչ ննջել: կարող էր վաստակել և ոչ վաստակել, կարող էր զարհուրել և ոչ զարհուրել, կարող էր չարաբիլ և ոչ չարաբիլ, կարող էր մեռանիլ և ոչ մեռանիլ, և զամենայն ինչ բաւական էր առնել որպէս զԱստուած, և կրեաց զամենայն կամաւորութեամբ առանց մեղաց՝ ողորմելով մեզ, և Ելոյծ զամենայն որպէս զԱստուած զաւրուժեամբ իւրով, որպէս զրէ սուրբն Կիւրեղ ի գիրս Քանձուն. զի ոչ եթէ բնութիւնն զնա հարկեցուցանէր, այլ ինքն շարժէր զբնութիւնն իւր:

Ահա ցոյցք յայտնիք, զի աստուածային իշխանութեամբ ազատ ասաց զնա զուլյամենայն մարդկային բնութեան հարկէ բերման, զի Աստուած ոչ հարկի ի ներքոյ անկանի, այլ ինքն է զրիչ հարկի, և լուծիչ ամենայն հարկաւորութեանց որպէս և կամի: Ասան այնորիկ ասէ Գրիգոր Աստուածաբան, թէ զամենայն կիրս աստուածաբար կրեաց, վասն զի կարող էր զինչ և կամէր, և վկայ այն՝ զի յետ քառասուն աւուր, ապա ասէ աւետարանիչն քաղցնուլ նմա, և ահա ապայն յայտ առնէ՝ թէ յորժամ կամեցան՝ յայնժամ քաղցեաւ: Իսկ մեք և ի միում աւուր քաղցնումք, և ոչ եմք բաւական անկարիս լինել և ոչ մի աւուր և ոչ մի ժամ: Իսկ նա անկարաւտ գոլով, զոր ինչ կամէր կարող էր առնել, որպէս ասէ սուրբ Լուսաւորիչն մեր երանեալին Գրիգորիոս, թէ Յետ յարութեանն հաղորդեցաւ կերակրոյ յանձաշակ յարքայութեանն, զի զյարութիւնն իւր հաւատարիմ արասցէ առաքելոցն: Եւ նախ քան զչարչարանն եկեր և արբ և ննջեաց, զի հաւատացուցէ զմարդիկ թէ արդարեւ իսկական Որդին Աստուծոյ եղև Որդի մարդոյ: Քարձեալ և յետ յարութեանն յանկարաւտութեանն անդ հաղորդիլ կերակրոցն ցուցումն և ստուգութիւն էր, թէ նախ քան զիսան ի կարաւտական և ի քաղցական աշխարհիս լի և անկարաւտ ամենեին ա-

Մենայն ուրեք շրջեր: Տեսանեն զի անկարաւա ասէ զմարմն Բանին յառաջ բան զխաչն սուրբն Գրիգոր: Իսկ զկիրան կամաւոր ասաց լինել վասն հաւատարիմ առնելոյ զմարդեղութիւնն իւր:

Իսկ թէ յամառեցի որ ասել, թէ զիտրոգ երկու կատարեալ բնութիւնն լինէր մի կատարեալ բնութիւն, պայտ Ապողինար ասաց ընդդէմ Բարսղի Պեսարու, որում պատասխանեալ ասէր, թէ՛ Մարգկան անկարելի է, իսկ Աստուծոյ ամենայն ինչ կարելի: որպէս կուսին ծնանելն, և ի վերայ ծովուն գնայն, և դրաւքն փակելաբ ի ներքս մտանելն: Եւ արդ որպէս այնքն կարելիք Աստուծոյ, նոյնպէս և զերկուս բնութիւնսն՝ մի բնութիւն առնել Աստուծոյ կարողութիւն էր խառնմամբն և միաւորութեամբն: Բայց տեսցուք և ըստ հասարակական մտածութեանցն. ոչ ապաքէն անասունն կատարեալ բնութիւն է ըստ ինքեան, ըստ որում շնչական և զգայական է, և ունի զկամելն և զարձակիլն ի հեշտային, և ի բաց դառնալն ի տրոմեցուցանողէն: Իսկ Հրեշտակք ըստ ինքեանց կատարեալ բնութեամբ են և էութիւն, ըստ որում կենդանիք անմահականք են, և միտք և բան ունող: Այլ ահա տեսանեմք զերկուս կատարեալ բնութիւնս ի միասին խառնեալ, անասնականն այսինքն զգայականն, և բանականն այսինքն հրեշտակայինն, և անշփոթ միութիւն գործեալ մի կատարեալ բնութիւն բանական կենդանի եղև մարդ: և յետ միաւորութեանն՝ ոչ երկուս որոշեալ բնութիւնս տեսանի ի մարդում, այլ մի բնութիւն անշփոթ և անորիշ, և մի կամք, և մի ներգործութիւն տեսանի ի մարդում հարկաւորաբար, ոչ երկուս բնութիւնս, և ոչ երկուս կամս երեւեալ ի մարդ յետ միաւորութեանն, այլ ըմբռնեալ բանական բնութեանն և կամաց, և զանասնական և զշնչական կամն, և զբնութիւնն, և միաւորեալ ընդ նմա, եղև բոլորովին բանական կամք և բնութիւն, և խափանեցաւ ի նմանէ անասնական բնութեանն կամելն և յարձակելն, և միայն բանական իշխանական կամաւքն իբրև գործեալ վարի անասնականաւն յամենայն ինչ՝ զինչ և կամի: Եւ զայս ոչ միայն աստուածաշունչ զիրք և ներքին հոգէկէր վարդապետք ընտանիք եկեղեցւոյ յայտ առնեն, թէ մի բնութիւն է մարդոյ և մի կամք և մի ներգործութիւն, այլ և արտաքին պանծալի բանաստեղծքն Հելլենացւոցն՝ որք հաւաստի բնութեամբ ըստ բնութեանց արարին զաստողու-

Թիւնք, մի բնութիւն և մի կամք և մի ներգործութիւն ասացին մարդոյ: Որոց մի ի պերճիցն էր Արիստոտէլ, զի այսպէս ասէ, թէ Ոչ միայն պարզքն ըստ բնութեան մի են, այլ և որք ըստ շարադրութեան են յոլովից ժողովեալ մի են բնութեամբ, Տեսանե՛ս զի և արտաքինքն ճշգրիտ բնութեամբ Համաձայն Հոգևորացն մի բնութիւն ասացին մարդոյ:

Եւ արդ եթէ արարած ի միւս այլ արարած բնութիւն խառնեալ յինքն փոփոխեալ և միացուցեալ զանասնականն բանական արար, միացեալ բնութեամբ և կամաւք, և մի լեալ անշփոթ և անքակ միութեամբ, յՐչափ և ս առաւել անեղ և արարիչ Բանն Աստուած յաւրինիչ բնութեանց և ամենայն գոյացութեանց ըմբռնեալ զբոլոր մեր բնութիւնս յորովայնի սրբոյ Կուսին, զՀոգի և զմարմին և զմիտս, և յինքն փոխադրեաց խառնմամբն և միաւորութեամբն: Իսկ և իսկ զմարդկային բնութիւնս աստուածային արար, և ի մահկանացունէն անմահ և անապական արար, անշփոթ միութեամբ և անծախելի խառնմամբ անքակ և սերտագոյն միութիւն գործեալ առաւել քան Հոգւոյ և մարմնոյ Բանն Աստուած ինքեան և մարմնոյ իւրոյ, և ոչ ուրեք մարդկային և տկար բնութեան կամ կամաց կամ ներգործութեանց թիւ մնաց աստուածային միաւորութեան Հարկաւորապէս առնելոյ, այլ բոլորն աստուածացեալ ասի աստուածային կամաւք և ներգործութեամբ յետ անշփոթ միութեանն: Զի մնաց Երրորդութիւնն պարզ և անզանազան և անխառն և առաւելորդ յամենայն նիւթական և ի նուազ բնութեան թուակցութենէ, նոյն միով բնութեամբ և նոյն նմանութեամբ Երրորդութիւնն յետ մարմնանալոյ Որդւոյ՝ որպէս էրն յաւիտենից, ոչինչ աննման բնութիւն յաւելեալ ի մի բնութիւն Երրորդութեանն, և ոչ այլանման կամք ի նոյնանման կամս նորա: Որպէս և Գրիգոր Նիւեսայ ասէ առ Հարցումն եղբաւր իւրոյ Բարսղի. եթէ Որդի զմարմին զգենյով ի նոյն պատկեր ինքեան փոխեաց միաւորութեամբ, զի ոչ ներէր Հայր աննմանոյ իւրոյ՝ տալ զաթոռակցութիւնն իւր:

Տեսանե՛ս զի նման Հաւր ասէ զմարմինն, և ի վերայ բերեալ ասէ, Թէ ոչ էր նման Հաւր, ոչ կարէր աթոռակից նմա լինել, և արդ յայտ է թէ Հարկ է մի բնութիւն լինել Բանին և մարմնոյն, զի այսպէս զանվրէպ նմանութիւն կայցի առ Հայր, զի և Հայր մի բնութիւն է, և որ նման է նմա ճշգրիտ նմա-

նութեամբ հարկ է և նմա մի բնութիւն լինել, զի այսպէս զաթոռակցութիւնն կայցի առ նա: Ապա եթէ յամառեցի որ երկուս բնութիւնս ասել Գրիստոսի յետ միաւորութեանն, հարկ է և զՀայր երկուս բնութիւնս ասել վասն զնոյն նմանութիւն ունելոյ առ միմեանս Հաւր և Որդւոյ, վասն որոյ և աթոռակից միմեանց: Իսկ եթէ ամպարշտութիւն է զՀայր երկուս բնութիւնս ասել, ամպարշտութիւն ուրեմն է և Գրիստոսի երկուս բնութիւնս ասել յետ միաւորութեանն զի ոչ կարէ երկուս բնութեամբն՝ միոյ բնութեանն Հաւր նման լինել, և ոչ աթոռակից նմա որպէս վկայեաց երանելին Գրիգոր Նիւեսայ: Ուստի հարկ է մի բնութիւն խոստովանել զԳրիստոս, և մի կամք նորա յետ միաւորութեանն, զի այսպէս անվրէպ նմանութեամբն առ Հայր աթոռակցութեանն Բանն ամբողջ պահեսցի միշտ առ միմեանս:

Վասն որոյ սուրբն Յուլիոս Հռովմայ հայրապետն ասէ, Թէ որպէս մարդ մի բնութիւն է, այսպէս ի նմանութիւն մարդկան եղեալն Գրիստոս մի բնութիւն է: Զնոյն և Եփրեմ ասէ, Թէ որպէս մարդ ի հոգւոյ և ի մարմնոյ միաւորեալ, ոչ երկուս բնութիւնս է, այլ մի: Սոյնպէս և Վիւրեղ Աղեքսանդրացի ասէ ի գիրս Պարապմանցն թէ՛ Առցուք մեզ աւրինակ դարձեալ զմարդ, զի ահա այլ բնութիւն է հոգւոյ և այլ մարմնոյ, և սորա ի միասին խառնեալ մի բնութիւն մարդոյ կատարեն, այնպէս և Աստուածն Բան խառնեալ ի մարմնի, և միացեալ ընդ նմա եղև մի բնութիւն: Տեսանես զհարգ արտաբինք և ներքինք զմարդ մի բնութիւն ասացին, և ըստ նմին աւրինակի զԳրիստոս յետ միաւորութեանն՝ մի բնութիւն սերտագոյն միաւորութեամբ սահմանեցին: Վասն որոյ և մեր ընդ նոսին զԳրիստոս յետ մարմնանալոյն յարգանդի կուսին մի բնութիւն ի ստովանիմք, և մի կամք նորա աստուածայինք և մի ներգործութիւն և մի գէմք, վկայութեամբ ամենայն աստուածաշունչ գրոց:

Քանզի նախ Մովսէսիւ ասէ. Տեսէք տեսէք զի ես եմ Աստուած: Այս այն է զոր ինքն իսկ ասաց ցՀրեայն յասել նոցա թէ՛ Դու ո՞վ ես. ասէ, Յորժամ բարձրացուցանիցէք զՈրդի մարդոյ, յայնժամ զիս ասալիք թէ՛ ես եմ Աստուած: Արդ Հրեայքն տեսին զնա և մարդ կարծեցին ասելով, դու մարդ ես, և զանձն բո Աստուած առնես: Վասն այնորիկ զգուշացուցանէ զնոսա ի ձեռն Մովսէսի, Տեսէք ասէ, զի ես եմ ՈՐ Է՛Ն և մի մոլորիբ: Արդ մի զուցէ և սոցա ասիցէ՛ արդի և նոր Հրէից, որք մարդ

զիսաչեցեալն կարծեն, եթէ Զի ամպարշափք. ես եմ էն Աստուած՝ որ երևեցայ ի փրկութիւն աշխարհի և ելի ի կառս խաչին փրկել զգերեթալն ի սատանայէ. Վասն որոյ և Գաւիթ ասէ, Ել ի բարձունս և գերեաց զգերութիւն և դարձեալ ասէ, Սրտնի ասի մայր և մարդ ծնաւ ի նմա. և նա ինքն է բարձրեալն որ Հիմնեցուցիչն է նորա. Եւ Եպիփան մեկնէ զբանն սաղմոսիս այսպէս, յասել մարգարէին թէ Մարդ ծնաւ, զի մի ոք լոկ մարդ կարծեցէ զծնիցեալն ի Կուսէն. ան ի վերայ վաղ-վաղակի, թէ Սա է արարիչ և Տէր, և Հիմնեցուցիչ արարածոց իւրոց՝ որ. ծնաւս, և բարձրեալ և Աստուած ամենայնի, և դասուս որ Հասարակաց. Չոյն և Աթանաս մեկնէ, թէ Մարդս այս ծնեալս ի Յիոն՝ սա է բարձրեալն. Արդ՝ տես յայտնապէս զի Գաւիթ և Աթանաս և Եպիփան Կիպրացի, զծնեալն մարդ ի Բեդղեզէ՝ Աստուած բարձրեալ և Տէր և արարիչ ամենայնի բարոպեցին. Արդ ով այնքան և ամպարիշտ և անմիտ իցէ որ զբարձրեալն Աստուած կարաւտական կամ մահկանացու կամ ապականելի ասիցէ. զի ահա բարձրեալն վերագոյն գոլով քան զամենայն, ոչինչ գտանի անդր քան զընութիւն նորա՝ զի կարիցէ իշխել նմա, այլ ինքն գոլով վերագոյն իշխանութեամբ Տէր ամենայնի փոփոխէ զամենայն որպէս և կամի. Ըստ որում և Մովսէս ասէ, յերկրորդում աւրինացն յաւրհանութիւնսն Աստուծոյ. Ոչ գոյ իբրև զԱստուած սիրեցելոյն ի նմանէ, և մեծաբարն Հաստատութեամբ, և ծածկոյթ Աստուծոյ իշխանութեանն.

Արդ տես Հաւաստեալ, թէ ո՞ւր այնչափ գաւրասցի մինչև ծածկել զԱստուծոյ իշխանութիւնն բաւեացէ, և ոչ որ յարարածական ընութենէ չէ՝ ուրեք և չէ՝ Հնար. բայց միայն աստուածային ընութեանն է այս, որպէս Որդւոյ առ Հայր, և Հոգւոյն սրբոյ առ նոսին, և ի նոցանէ ծածկել կամ ծածկիլ, այսինքն չափեալք ի միմեանց ճշգրիտ Հաւասարութեամբ առ իրեարտ. Եւ արդ՝ աստ ծածկոյթ Աստուծոյ իշխանութեանն Հուսատեալ զմարմինն ասաց, վասն որոյ զՀաւասարութիւն նշանակեաց մարմնոյն ունել առ Հաւր միութեամբ Բանին, և զնոյնակչիո սահման և չափ՝ ծածկութի անուամբ նշանակեաց. Եւ արդ յայտ է թէ մի ընութիւն է մարմնոյն և Բանին աստուածային, և մի կամք նորա միաւորութեամբ, զի այսպէս եղիցի ծածկոյթ և չափ անչափելի ընութեանն և իշխանութեանն Աստուծոյ Հաւր՝ մարմինն մի ընութեամբ. Վասն որոյ

ի վերայ բերեալ Մովսէս ասէ, թէ՛ Ե զաւրուօթնէ բազկաց մշտնջենաւորաց մերժեացէ յերեսաց քոց զթշնամին և ասոցէ թէ կորի՛ր Եւ ե՛րբ մերժեաց յերեսաց մերոց զթշնամին մեր և կորոյս զնա, ո՛չ ապաքէն ի խաչին, և ասա ամենազաւր ասաց և՛ մշտնջենաւոր զբազուկան Քրիստոսի տարածեալս ի խաչին, և մերժեաց և կորոյս զթշնամին յերեսաց մերոց: Արդ մի-թէ՛ ամենազաւրն տկար իցէ, կամ մշտնջենաւորն մահկանացու և ապականելի. և ո՛վ յանդգնեացի ասել զայս Եւ ոչ զևր: Գարձեալ և Դաւիթ ասէ ի դիմաց Հաւր առ Որդի, ասէ. Արդի իմ ես դու, և ես այսաւր ծնաց զքեզ. ասեա զի զայսաւրածին մարմինն ընդ մշտնջենաւոր և ընդ անսկիզբն ծննդեան իւրոյ միացուցեալ և միական որդի և ծնունդ իւր անուանեաց: Քանզի յարժամ եղև Բանն՝ ծնունդ Կուսին և կոչեցաւ Որդի մարգոյ. վասն որոյ և Կոյսն Աստուածածին բարոյեցաւ, ի նմին ժամու մարմինն՝ որ ի Կուսէն առաւ, իսկ և իսկ եղև ստուգապէս ծնունդ Հաւր՝ և կոչեցաւ Ճմարտապէս Որդի Աստուծոյ, ըստ Գարբիէլի ձոյնին աւ Կոյսն թէ՛. Ար ծնանելոցն է ի բէն Որդի Աստուծոյ և Որդի բարձրելոյ կուլեացի. Ակայէ պատրիկ սուրբն Եփրեմ Աւսայի եպիսկոպոսն ի գիրսն Հաւատոցն, և ասէ այսպէս, թէ որպէս ասէ զԲանէն՝ որ ծնուեցն է Հաւր յաւիտեանց՝ թէ երէկ ծնաւ ի Մարիամոց, որպէս աղա-զակեցին Հրեշտակքն. թէ՛ Ծնաւ ձեզ այսաւր կենտարար, որ է աւծեալ Տէր ի բազաբի Դաւթի նոյնպէս ասէ և զմարմնոյն, թէ ի Հաւրէ ծնեալ է, որպէս աղաղակեաց Հայր ի բարձանց, ասէ Դաւ և Որդի իմ սիրելի, ընդ որ Հասեցայ. Ապա թէ որ ասիցէ՛ վասն Բանին ասաց Հայր, պատասխանի տալի է նմա զպս ինչ. թէ զոր Հայր ոչ որոշեաց, դու մի՛ որոշեր. նոյնպէս և Պաւլոս ոչ որոշեաց. եթէ անդրանիկ ի մեռելոց մարմինն է, և կամ Հաստիչ ամենայնի՛ Բանն է, սոյ զմիոյ երեսաց ասաց զամենայն. այլ և զմարմինն արարածական՝ արարիչ ամենայնի տաց. քանզի ասէ, նա է նմանութիւն Աստուծոյ՝ որ ոչն երեւի, և նովաւ Հաստատեցան ամենայն որ երեւի և որ ոչն երեւի, և նա է անդրանիկ ի մեռելոց. և զմիոյ է ասացեալ զամենայն, և ոչ որոշեաց գիրք զմարմնոյն առանձին և զԲանին առանձին. Քանզի եղև մի Հաղորդութիւն կատարեալ միոյ ծննդեան կատարելոյ, որ ոչ է որոշումն:

Տեսանե՛ս զի՛արդ Եփրեմ ձայնակցեալ մարգարէին Դաւ-

Թի, ծնունդ Հաւր ասաց լինել զմարմինն յետ միաւորութեանն, զոր աւրինակ և Բանն եղև ասէ, ծնունդ Կուսին: Նոյնպէս և Գաբրիէլ ասէր ցՅուսէփ, Թէ՛ Որ ի նմայն ծնեալն է ի Հոգւոյն սրբոյ է, և ոչ յայլ ումբէ: Արդ եթէ ծնունդ Հաւր, և ծնունդ Հոգւոյն սրբոյ եղև մարմինն ստուգապէս, զորաւրինակ և Բանն Հայրական եղև ստուգապէս ծնունդ Կուսին, արդ ո՞ւր պնթան մորոս և անմիտ իցէ, որ իշխեսցէ զծնունդն Հաւր՝ երկուս բնութիւնս և երկուս կամս ասել, զի ահա՛ Հարկ է ըստ բնութեան ծնաւդին՝ ամենայն իրաւք և ծնիցելոյն լինել ամենայն Հարկաւորութեամբ: Ասան որոյ և Եսայի մարգարէն, զծնեալ մանուկն՝ Աստուած Հզաւր, և իշխան, և Հայր Հանգերձեալ յաւիտեանն ասէ: Տեսանե՛ս զի ի ծննդեանն Աստուած Հզաւր ասաց զմարմինն, և արդ միթէ Հզաւրն Աստուած չիցէ՞ մի բնութիւն և մի կամք նորա: Այո՛ է ճշմարտութեամբ. և եթէ յանդգնի որ ընդդէմ ինչ ասել և բաժանել զՀզաւրն Աստուած յերկուս բնութիւնս և յերկուս կամս, այնպիսին զԱստուած ոչ կարէ բաժանել, զի ոչ է ձեռնհաս բաժանել, այլ ինքն բաժանի յԱստուծոյ Հրէաբար:

Զի՞նչ ասէ և Երեմիա մարգարէն. Սա՛ է Աստուած մեր՝ որում ոչ գոյ այլ որ Համեմատ նմա, որ ետ զամենայն իմաստութիւն Յակոբայ ծառայի իւրոյ, յետ այսորիկ յերկրի երեւեցաւ և ընդ մարդկան շրջեցաւ. և Թէպէտ և մարդ է ո՞վ ծանիցէ զնա, այսինքն ոչ որ զի անքննին է և անծանաւթ ի բոլորից իրրև տիրապէս Աստուած: Արդ միթէ անմարմին Բանն երեւեցաւ յերկրի և շրջեցաւ ընդ մարդկան, և կոչեցաւ մարդ. և արդ ո՞վ իշխեսցէ զայդ ասել, ապա ուրեմն յայտ է եթէ զմարմնով երեւեալն ասաց անհամեմատ Աստուած և անծանաւթ ի բոլորից: Իսկ եթէ երկուս բնութիւնս է Քրիստոս և երկուս կամս, ապա ոչ միայն չէ անծանաւթ ի բնաւիցս, այլ և ծանուցեալ է ի բնաւիցս. և քննելի է բոլորիցս, և ի վայր քան զբազումս: Քանզի և մարդիկ իւրեանց տկար բնութեամբն ճանաչեն զնորա բնութիւնն, և Հրեշտակք ի վեր գալով քան զմարդիկ՝ քննեն զմարդիկ, և զնա ընդ մարդկան. իսկ ինքեանք անքննելիք ի մարդկանէ՝ քննին ի միմեանց և յաստուածութենէն: Իսկ աստուածութիւնն ոչ յումբէ քննի, բայց միայն ինքն յինքենէ, որպէս Հայր յՈրդւոյ, և Որդի ի Հաւրէ, և Հոգին սուրբ զնոսա և ի նոցանէն: Զի որ քննի յումբէ՞ Հարկ

է նուազ գոլ քան զնա կամ հաւասար, որպէս անասունք բըն-  
նին ի մարդկանէ, իսկ մարդիկ յանասնոց ոչ երբեք և մարդիկք  
բննին ի հրեշտակաց և հրեշտակք ի մարդկանէ և՛ ոչ երբեք,  
և հրեշտակք բննին յաստուածութենէն. իսկ աստուածութիւնն  
անբննին է ի հրեշտակաց և յամենայն արարածոց:

Եւ արդ եթէ Քրիստոս երկուս բնութիւնս է, և երկուս  
կամս ունի, ապա նուազ է քան զհրեշտակս, իբրև զմարդկային  
բնութիւն բննեալ ի հրեշտակաց: Եւ զի՛արդ պաշտեցին զնա  
հրեշտակք ի ծննդեանն և ի փորձութեանն և յամենայն ժա-  
մու իբրև զԱստուած ճշմարիտ, ուրեմն մոլորեցան հրեշտակք  
զմարդկային տկար և ապականացու և բննելի բնութիւն պաշ-  
տելով. և ստեաց Երեմիա անբննելի և անծանաւթ ասաց զնա  
բոլորից և անհամեմատ ամենայնիւ. Իսկ եթէ ամպարշտութիւն  
է մոլորութիւն ասել հրեշտակաց, և ստութիւն մարգարէհն,  
ապա ուրեմն մի բնութիւն է Քրիստոս, և մի կամք նորա աս-  
տուածայինք, և մի ներգործութիւնք: Ասան որոյ ինքն ասէ  
մարգարէիւն թէ՛ Աստուած եմ ես ի միջի ձերում, և ոչ մարդ  
սուրբ: Տեսանե՛ս զի ինքն զկայեաց վասն իւր, ճշմարիտ Աս-  
տուած ասաց զինքն և ոչ մարդ, զի մի մըտեցին բրիստո-  
նեայքն իբրև զհրէայքն՝ մարդ կարծելով զնա, և մարդկային  
տկար բնութիւն բննելի և ապականելի. այլ Աստուած ճշմա-  
րիտ անբննելի բնութեամբ՝ անմահ և անապական: Եւ ոչ ա-  
սաց յետ յարութեանն լինել զայս՝ մարգարէն, այլ պի՛մ իսկ,  
ասէ, մինչ եմս ի միջի ձերում՝ երևեալ իբրև զմարդ, ոչ եմ  
մարդ՝ որպէս դուք կարծէք, այլ Աստուած սուրբ և ճշմարիտ:  
Որպէս և Պաւղոս ասէ, թէ՛ Քրիստոս ըստ մարմնոյ Աստուած  
է ի վերայ ամենայնի, և աւրհնեալ է յաւիտեանս. և դարձեալ  
ասէ, թէ՛ Անբննելի է մեծութիւնն Քրիստոսի. Իսկ եթէ մե-  
ծութիւնն անբննելի է որչափ ևս առաւել բնութիւնն.

Ըստ որում և Գանիէլ ասէ, տեսանէի զորդի մարդոյ զի  
գայր ընդ ամպս և ընդ երկինս, և հասանէր մինչև ի հինա-  
ւուրցն: Արդ մի՛թէ զմերկ բանէն է ասացեալ գալ և հասանել  
յետոյ առ Հայր. ո՛չ բանցի Բանն յաւիտենից անսկզբնու-  
թեամբ և մշտնջենաւորութեամբ ունէր զհասումն առ Հայր, և  
ոչ եթէ յետոյ եհաս, բա՛ւ լիցի. այլ աստ զմարմնոյն ասէ  
մարգարէն գալ և հասանել առ Հայր, վասն որոյ Որդի մար-  
դոյ ասաց: Եւ զի՛նչ իցէ հասանելն, այսինքն համեմատել և



Տուտասարել, քանզի եհաս մարմինն ի հաւասարութիւն իսկահան ընուութեանն այնմիկ, որ հնացուցանէ զաւուրա, և ինքն միշտ կայ ի նոյնութեան. Եւ երբ եհաս մարմինն ի հաւասարութիւն հաւր. յորժամ ասացաւ Կուսին թէ՛ Յէր ընդ բեզ. ի նմին ժամու յորժամ եղև Բանն ընդ Կուսին և հաւասարեաց ամենայնիւ մեզ առանց մեղաց, որպէս ասէ Պաւղոս, ի նմին ժամու մարմինն՝ որ ի մերձէ ընուութենէս բոաւ ի Կուսէն, իսկ և իսկ հաւասարեաց ամենայնիւ իսկական ընուութեանն Հաւր, միաւորութեամբ Բանին յարգանդի անդ, ոչ տեղեաւ ասեմ, այլ ընուութեամբ և փառաւք, զաւրութեամբ և աստուածութեամբ մինչ էրն իսկ յարգանդի կուսին. Ամենայն ինչ որ ինչ Աստուածային ընուութեանն վայել է, եղև մարմինն յարգանդին խոռոմամբ Բանին, վասն որոյ և ի ծնանելն անսպական պահեաց զկոյնն, և այս աստուածային ընուութեանն է գործ և ոչ մարդկային. Ապա եթէ յամառեսցի որ ասել յետ յարութեանն եհաս մարմինն ի հաւասարութիւն Հաւր, ապա ուրեմն և յետ յարութեանն եհաս Բանն ի հաւասարութիւն մեզ. Իսկ եթէ ամպարշտութիւն է խորհել զայս, քանզի յիշանելն յարգանդ Կուսին եհաս Բանն ի հաւասարութիւն մեզ, ապա ուրեմն ամպարշտութիւն է և յետ յարութեանն ապա ասել զմարմինն հաւասարիլ Հաւր, քանզի յայնժամ հաւասարեաց Հաւր մարմին բանին, յորժամ Բանն հաւասարեաց մեզ. Եւ արդ ասէ մարդաբէն անցանել ընդ ամպս և ընդ երկինս զորդին մարդոյ և հասանել մինչև առ Հայր. Ամպս անուանեաց զմարդկային ընութիւնս, մանաւանդ որբ միանգամ անուանեցան սուրբք և հաճոյք Աստուծոյ, ըստ այնմ թէ՛ Ո՛վ է յամպս որ հաւասար է բեզ. Իսկ երկինս անուանեաց զանմարմին և զհրեշտակական ընութիւնն, և ասաց անցանել ընդ ամենայն արարածական բընութիւն, և զնացեալ, ասէ, եհաս ի պայման զուզութեան անզուզական և անհաս ընութեանն, և համեմատեալ հաւասարեաց նմա ամենեկին ամենայն իրաւք անվրէպ նմանութեամբ մարմինն մի ընութեամբ բանին յարգանդի անդ.

Ըստ որում ասէ աւետարանիչն Յովհաննէս, եթէ Յիսուս՝ Հայր իւր կոչէր զԱստուած, և հաւասար առնէ զանձն Աստուծոյ Հաւր. վասն այնորիկ հալածէին զնա Հրէայքն և ասէին, դու մարդ ես և զանձն քո Աստուած առնես. Եւ արդ մի գուցէ և այժմ ոմանք հալածեն զնա հրէաբար, որբ ոչ խոտովա-

նին գմարմին Բանին Աստուած ճշմարիտ անմահ և անապական  
 բնութեամբ: Անդստին իսկ յարգանդէ կուսին բանաւոր առնէր,  
 և հպեալ ձեռն ի մեռեալս յարուցանէր և բարբառ արտուածե-  
 դէն ընդունէն Հայնեալ Ղազարու յարուցանէր, զի ցուցցէ և յայտ  
 արատցէ, թէ որ ետեղծ զԱզամ ձեռուք և յետ յանցանացն  
 ասէ ցնա, թէ՛ Ո՛ւր ես, նոյն ինքն վերստին եկն կեցուցանել  
 զորդիս Ազամայ և ասէ, Ո՛ւր եղիք զՂազարոս. և յորոյց զնա  
 յաւրինակ Ազամայ: Արդ այսու ամենայնիւ վկայի աստուածու-  
 թիւն մարմնոյն նախ քան զխաչն, ըստ որում և աւետարանիչն  
 ասէ, Բանն մարմին եղև, և տեսաք զփառս նորա, զփառս իդ-  
 րև զՄիածնի առ ի Հաւրէ: Զի՛նչ քան զայս այլ սերտագոյն  
 միութեան ցուցունմի պիտոյ է, զի գմարմին Միածնին առ ի  
 Հաւրէ լի շնորհաւք, և հայրական փառաւքն ճոխացեալ ասաց-  
 զի իբրն ասելով, այսինքն թէ իբրև զԲանն և մարմինն եղև  
 Միածին, և ասի խառնամբ և միութեամբ Բանին և նոյն միած-  
 նական անուամբն և իսկական փառաւքն պսակեալ է մարմինն  
 միութեամբ Բանին: Արդ միթէ Միածինն մի բնութիւն և մի  
 կամբ և անմահ և անապական ոչ իցէ: Այս է աստուածութեամբ և  
 ճշմարտապէս. ըստ որում և ինքն ասէ, Որպէս կենդանի եմ ես  
 վասն Հաւրի, և որ ուտէն զիս՝ և նա կեցցէ վասն Իմ: Տես ըզ-  
 ճշմարիտ միութիւն բանին և մարմնոյն, զի թէ երկուութեան  
 քն զարծիս կայր յինքն և ի մարմինն, պարտ էր ասել թէ, որ  
 ուտէ գմարմինս՝ յորում ես բնակեալս եմ: Բայց ոչ այսպէս ա-  
 սաց, այլ թէ՛ Որ ուտէն զիս. և ահա զինքն և գմարմինն իւր  
 ճշմարիտ և սերտագոյն միութեամբ մի ասաց, և միպպէս ու-  
 աել ի բրիտանէիցն, և կենագործող կերողացն սահմանեաց: Եւ  
 արդ միթէ որ զայս անմահացուցանէ ինքն չիցէ անապական:  
 Այս է հայրկաւորաբար ամենայն իրաւք, և ահա նախ քան ըզ-  
 խաչն է ասացեալ զայս եթէ՛ Որ ուտէն զիս՝ կեցցէ յաւիտեան:  
 Վասն որոյ և նախ քան զխաչն տուեալ առաքելոցն կենագոր-  
 ճեաց քնասա, զի յայտնեցի, թէ նախ քան զխաչն անմահ և  
 անապական էր մարմին Բանին, իբրև զԲանն անդստին. Իսկ յար-  
 գանդի Առևտին և մի բնութիւն և մի կամբ Գրիստոսի միշտ և  
 հանապաղ ըստ որում ինքն ասէ. Որ ետես զիս՝ ետես զՀայր:  
 Եւ ահա հայրական անվրէպ նմանութեամբն սահմանեաց զտե-  
 սեան յառաքելոցն գմարմնացեալ Բանն: Վասն որոյ և Յովհաննո-  
 նէս ասէ, Չեոք մեր շաւղափեցին զԲանն կենա Տես զի զշաւ-

շափեալ մարմինն՝ Բան կենաց անուանեաց և մի անուն սահմանեաց Բանին և մարմնոյն, բան և կեանք ասացեալ:

Արդ ո՞վ իշխեսցէ զԲանն կենաց մահկանացու կամ ապականացու ասել, կամ երկուս ընուծիւնս կամ երկուս կամս լինել ի նմա: Եւ ոչ զեք յանդգնին ասել զայտ Վասն որոյ սուրբ վարդապետքս եկեղեցւոյ Համարձակագոյն բարբառով բարոյեցին զՔրիստոս մի ընուծիւն և մի կամք և մի ներգործութիւն նորա և անմահ և անապական զմարմին նորա, և նոյն աւրինակ զնա անփոփոխելի միշտ յարգանդէ կուսին, և մինչև ցիւսն, և մինչև ցյաւիտեան. ըստ այնմ եթէ՛ Յիսուս Քրիստոս երէկ և այսաւր՝ նոյն է և յաւիտեան:

Եւ արդ տեսցուք զի մի ընուծիւն է Քրիստոս յետ միաւորութեանն: Ասէ մեծն Գիորնեսիոս Արիսպագացի, Քանզի մի ընուծիւն և պարզութիւն և թաքնութիւն Յիսուսի աստուածպետական Բանին ըստ մեզ մարդանալոյն, զմեր նուաստութիւնս ընդ իւրոց ծայրագունիցն աստուածայնոց միացուցեալ, և մարդասիրապէս ի ընուծիւնս մեր տեսակացաւ, և առ բաժանականս մեր անայլայլաբար ըստ ընուծեանս մերոյ յառաջ եկն: Տե՛ս զի գտեսակացեալն մարմնով և զեկեալն յառաջ մի ասաց և ոչ երկուս, պարզութիւն ասաց, և ոչ ի բազմաց գրութիւն, միութիւն ասաց և ոչ երկուութիւն. թաքուն ասաց և ոչ բնունելի: Եւ զի արդ ոմանք երեւելապէս յանդգնին բնել զթաքունն և զանբնելին, և յերկուս զմինն բաժանել: Վասն որոյ Գրիգոր Սբանչելագործն ասէ, Է՛ Աստուած ճշմարտութեամբ անմարմինն, ի մարմնի երեւեալ կատարեալ ճշմարտութեամբ աստուածային կատարելութեամբ, ոչ երկուս զէմս և ոչ երկուս ընուծիւնս, զի և ոչ ասեմ չորս երկրպագեալս, զԱստուած և զՌդի Աստուծոյ, և զմարդն և զչոզին սուրբ, վասն որոյ նշովեք զայսպէս զամպարշտեալսն: Տե՛ս զի, որ երկուս ընուծիւնս ասէ Քրիստոսի, Հարկ լինի նմա չորս զէմ ասել և փոխանակ Կրորդութեանն՝ չորրորդութեան երկրպագել և նշովիլ յԱստուծոյ և ի սրբոց նորա: Եւ Աթանաս Աղեքսանդրացի գրէ առ Յորիանոս թագաւոր այսպէս, Նախ Տէր ընդ Կուսին աստուածաբար, ապա նոյն ինքն ի նմանէ տնաւրինաբար մանուկ: Եւ արդ մի յաւէտ վայելուչ է ասել և խոստովանել զԲանին ընուծիւն և անձնաւորութիւն մարմնացելոյ և ճշմարտապէս մարդայելոյ:

և որ զայս ոչ ասէ, աստուածամարտ է, և սրբոց հարցն պատերազմիչ:

Տեսանե՛ս զի որ ոչ խոստովանի մի բնութիւն զմարմնացեալ և զմարդացեալ Բանն՝ աստուածամարտ ասէ զայնպիսին և սրբոց հարցն պատերազմիչ, Եւ դարձեալ ասէ Աթանաս, Խոստովանիմք զնա Աստուած և Որդի Աստուծոյ ըստ հոգւոյ, և Որդի մարդոյ՝ ըստ մարմնոյ, ոչ երկուս բնութիւնս և ոչ երկուս դէմս և ոչ երկուս երկրպագութիւնս, այլ մի բնութիւն և մի դէմս բանին Աստուծոյ մարմնացելոյ, հանդերձ միով երկըրպագութեամբ:

Եւ Կիւրեղ Աղեքսանդրացի ասէ առ յԵրեմիաս հարցմանն, որ ետես զիս ետես զՀայր իմ: և Ես և Հայր իմ մի եմք: Եւ դարձեալ, Ջի՛ խնդրէք սպանանել զիս մարդ, որ զճշմարտութիւն ընդ ձեզ խաւսեցայ, զոր լուայ ի Հաւրէ իմմէ: Միոյ գոյ տայցեմք և նորին զայտոսիկ զձայնս, և զայն ամենայնիւ ամենեկին իսկ: Քանզի բաժանի և ոչ բնաւ Քրիստոս, այլ է մի և միայն և ճշմարիտ Որդի գոլ, և որպէս միոյ Որդւոյ այնուհետեւ ըստ բնութեան և ճշմարիտ ըստ մեզ եղելոյ և մարմնացելոյ կրկնի ամենայն ժուեր որպէս ասացի այժմ: Քանզի զայս խորհել աստանաւր և հաւատացեալք ի պարտաւորութենէ մարդապաշտութեան ի բաց վճարեմք զերկինս և զերկիր. զի գրեալ է Տեսան Սաստուծոյ բոյ երկրպագցես, և զնա միայն պաշտեսցես: Տես զի որ երկուս բնութիւնս իմանան ի Քրիստոս յետ միաւորութեանն, և զաստուածաբարսն աստուածային բնութեանն տայցէ, և զմարդկաբարսն՝ մարդկային բնութեանն, այնպիսին ասէ, մարդապաշտ է, և զերկինս և զերկիր պարտական առնել խորհի մարդապաշտութեանն պատժոց: Եւ դարձեալ ասէ նոյն Կիւրեղ ի գիրս Պարապմանցն. Ոչ է բաժանեալ առանձնական այլայլութիւն իբր ըստ մասին, այլ ժողովելի է յաւէտ յանհատանելի միաւորութիւն, զի եղև մարմին Բանն ըստ Յովհաննու ձայնին, և մի Որդի և մի գոլ զբնութիւն նորա ասեմք: Թէ և յառման իմանի լեալ մարմնոյ հոգի ունաւդի իմանալոյն: Եւ դարձեալ ասէ, Արդ չարահայտութեամբ է զմինն բնութեամբ և ճշմարտապէս Որդի մարմնացեալ և մարդացեալ բաժանեալ յերկուս: Եւ դարձեալ առ Նեստորի թղթին ասէ. Իսկ զյաւետարանսն փրկչին մերոյ ձայնս, ոչ բնութեամբք երկու և ոչ դիմաւք բաժանեմք, զի ոչ

է կրկնապատիկ մինն և միայն Քրիստոս, Թէպէտ և յերկուց իմանայցի և ի զանապան իրաց ի մի միաւորութիւն զանբաժանելին հաւաքել, որպէս մարդ ի հոգւոյ և ի մարմնոց ոչ է կրկնապատիկ՝ այլ մի, զի Թէ ճշմարիտ է, այսպէս և Բանն Աստուծոյ Հաւար, Թէպէտ և մարմին առեալ յառաջ եկն մարդ ի կնօջէ, ոչ է կրկնապատիկ, այլ մի միաւորութիւն, ոչ ուրեք երկու ամենեին, այլ մի և միայն յերկակաց իմանի Քրիստոս: Եւ դարձեալ գրէ առ Թէոդոս Թագաւոր, Թէպէտ և ի զանպանից և յանմանից եկեալ առ միմեանս բնութիւնքն, սակայն մի Որդի, և մի Տէր, և մի բնութիւն նորա: Եւ դարձեալ գրէ առ Ակակ Մելիտինեայ եպիսկոպոսն, Թէ՛ Աստուածային գիրք ի սուրբ Կուսէն ասեն առնուլ զմարմին Աստուծոյ Բանին, սակայն է՛ մի և միայն Որդի, և մի Տէր Յիսուս Քրիստոս յերկուց բնութեանց միաւորեալ, յետ միաւորութեանն անդէն ի քաց բարձեցելոյ յերկուս հատմանն, և մի զոլ հաւատամ զՈրդւոյ բնութիւն: Եւ դարձեալ յորժամ եհարց Սեկունդոս եպիսկոպոս, Թէ պարտ է՛ երկուս բնութիւնս ասել բանին մարմնացելոյ, Թէ մի. իսկ սուրբն Կիրեզ գրով պատասխանի առնէ նմա, Աչինջ անջատեմք զբնութիւնսն ի միմեանց, և ոչ յերկուս Որդիս հատանեմք, զմինն և զանբաժանելին, այլ միաւորեմք որպէս և սուրբ հարքն ասացին, մի է բնութիւն Աստուծոյ Բանին մարմնացելոյ: Տեսանե՛ս զի որ երկուս բնութիւնս ասեն անջատեն զբնութիւնսն ի միմեանց, և յերկուս որդիս հատանեն, զմինն Քրիստոս, որպէս և ամենեցուն բաղայայտ է ի հարցմանէդ և ի պատասխանելոյդ՝ զոր արար սուրբն Կիրեզ Սեկունդոսի: Եւ դարձեալ գրէ առ նեստոր այսպէս, Հրաժարեմք ասել զայն՝ յաղագս Քրիստոսի, Թէ վասն զգեցողին՝ ըզգեցեալն պաշտեմք, և վասն աներևութին՝ երկրպագանեմք երևելոյն: Արհաւիրք և դողումն են ի վերայ այսորիկ և զայն ասել, Թէ որ առան վասն առաւղին՝ Աստուած յորջորջի, զի որ զայս ասէ, ըստանէ դարձեալ յերկուս Քրիստոս, և մարդ ուրոյն անուանէ, և Աստուած դարձեալ ուրոյն. և սուա լինի խոստումն միութեան և մարթ իսկ չէ, Թէ բնկեր՝ վասն ընկերի երկիրպագեցի. և յորջորջի Աստուած, այլ մի իմանալի է Յիսուս Քրիստոս, մի որդի, Միածին, միով երկրպագութեամբ, միով բնութեամբ պատուի հանդերձ մարմնով իւրով: Տեսանե՛ս զի ոչ տայ թոյլ նման զգեստի իմանալ զմարմնանալ բանին,

այլ խառնումն, որպէս ոգի ընդ մարմին, և այլ սերտագոյն, և ոչ ներէ զերեւելին այլ իմանալ, և զաներևոյթն այլ, այլ մի և նոյն գիտել զՔրիստոս:

Որպէս և Գրիգոր Աստուածաբան գրէ առ Կլաւդիանոս, թէ՛ Նոյն է, ասէ, երևելին և աներևոյթն, անժամանակն և ընդ ժամանական, և ոչ այլ ոք և այլ մի լիցի. քանզի մի է միաւորութիւն, ապա ուրեմն որք այլ և այլ ասեն զՔրիստոս յերկուս ընութիւնս և յերկուս կամս բաժանելով հակառակ սրբոց հարցն, որք հոգւով Աստուծոյ խաւսեցան և մի ասացին զՔրիստոս յձա միաւորութեանն անբաժանելի ամենևին: Վասն որոյ գրէ Կիլրեղ Աղեքսանդրացի. Թէ՛ որ ոչ խոստովանեցի ընութեամբ միանալ ի մարմնի Բանին Աստուծոյ Հաւր, և մի Քրիստոս հանգերձ մարմնով իւրով, զնոյն Աստուած համանգամայն և մարդ, նզովեալ եղեցի. Եւ դարձեալ ասէ, Թէ դք բաժանեցէ զՔրիստոս յերկուս դէմս յետ միանալոյն, և միայն ճոխութիւն և պատիւ տացէ նմա՝ յարելութեամբ և ոչ միութիւն ընութեամբ. նզովեալ եղիցի. Տեսանե՛ս զի որք ոչ խոստովանիցեն մի ընութիւն Քրիստոսի յետ միաւորութեանն յերկուս դէմս բաժանեալ զՔրիստոս, և անկանին ընդ նզովիւք: Եւ Եփրեմ ասէ, ոչ բաժանեմք զԲանն յիւրմէ մարմնոյն յետ միաւորութեանն յերկուս դէմս՝ և ոչ յերկուս ընութիւնս, այլ է մի դէմ և մի ընութիւն ի Քրիստոս, և այս է խորհուրդ փրկութեան մերոյ, մարմնանալ Աստուծոյ Բանին: Եւ դարձեալ ասէ Եփրեմ ի գիրս հաւատոցն. Բանն և Տէր որ յաւիտենից, և մարմին նորա՝ որ երեկ ի Մարիամայ, մի է և ոչ երկուս ըստ ասացելոյն թէ, Որպէս մի է Աստուած Հայր՝ յորմէ ամենայն, նոյնպէս և մի է Տէր մեր Յիսուս Քրիստոս՝ որով ամենայն: Եւ դարձեալ ասէ, Այն որ էն ի սկզբանէն Աստուած առ Աստուած, նա է անդրանիկ գլուխ՝ որ յարեալ ի մեռելոց վասն որոյ ասէ Պաւղոս, թէ՛ նովաւ հաստատեցաւ ամենայն որ երեւի, և որ ոչն երեւի, և նա է անդրանիկ որ յարեալն ի մեռելոց: Եւ արդ ահա հաղորդէ զայն որ յաւիտենից՝ ընդ այն որ երեւին, և զայն որ երեւի՝ ընդ այն որ յաւիտենիցն, զի եղիցի այն որ յաւիտենիցն, այն որ երեւին, և այն որ երեւին այն որ յաւիտենիցն առանց որոշման, մի ծնունդ կատարեալ: Եւ ահա զմիով է երեսաց ասէ Պաւղոս զամենայն, և մի երեսաց երկուց և զայ յամենայն ընթերցուածս ցայն. ի՛նչ նա է

Նմանութիւն Աստուծոյ՝ որ ոչն երեւի, մինչև ցայն թէ՛ Նա է անդրանիկն որ յարեաւն ի մեռելոց: Եւ զարձեալ ասէ Եփրեմ ի նոյն ճառի, Ասել ումք եթէ այն որ երէկն ծնաւ, չէ այն՝ որ ի սկզբանէն Աստուած է, չէ՛ Տնար. զի այն որ ի սկզբանէն է Աստուած, և այն որ երէկն ծնաւն նոյն ինքն մի ծնունդ կատարեալ է: Քանզի իբրև ծնաւ մարմին Բանին երէկ, յայնժամ ծնաւ և Բանն՝ որ յաւիտենից է, ընդ մարմնոյն՝ որ ծնաւ երէկ, զի մի տացէ տեղի թէ, երկու որդիք անուանեացին, այլ մի որդի կատարեալ է. նոյնպէս իբրև ասաց զԲանէն Պաւղոս, թէ էր յառաջ քան զամենայն, ասաց և զմարմնոյն՝ թէ յառաջ է քան զամենայն, զի մի տացէ տեղի, թէ երկու որդիք քարոզեսցին, այլ մի Որդի յաւիտենից առանց որոշման, որպէս զի և մարմինն այնուհետև Աստուած յաւիտենից: Եւ վասն զի ասի բնութիւն Բանին, թէ եղև, որ էր Աստուած ի սկզբանէ, նոյնանուանի և մարմինն թէ յառաջ է քան զամենայն, և թէ արարիչ է ամենայնի: Տե՛ս զսքանչելի և զանճառ միութեանն ցուցումն Բանին և մարմնոյն. զիտորդ զմարմինն՝ որ ի կուսէն էառ Բանն, արարիչ ամենայնի և Աստուած յաւիտենից, և Տէր ըողորից ստուգապէս ասաց իննել միութեամբ Բանին, սուրբն Եփրեմ վկայութեամբն Պաւղոսի՝ որ Քրիստոսին խաւսէր:

Եւ Քէռորորիտոս Անկիւրեայ եպիսկոպոսն ասէ, թէ՛ Մի՛ ասեր Բանիւդ զՔրիստոս մի, իմացիր և մտաւբոք, և մի մարտնչիր մտաւբոք ընդ բանիդ բո, մի ասելով՝ և երկուս իմանալով, իսկ թէ երկուս իմանաս, զմիաւորութիւնն ուրացար: Արդ մի առ բնութիւնս որոշեալս իջուցանել զմիտս բո, զի ծայրագոյն միութիւն սքանչելագործեալ է Աստուծոյ: Տեսանես զի որ երկու բնութիւնս իմանայ զՔրիստոս յետ միանալոյն, ուրացաւ զմիաւորութիւնն Քրիստոսի: Քանզի սուրբն Յուլիոս Հոռովմայ եպիսկոպոսն ասէ, Որ զյերկնուստն Աստուած խոստովանին ի սրբոյ Կուսէն ծնեալ, և ոչ մի գոլ զնա մարմնովն, ի զուր ծփին ի բաւնըս նոցա ամպարշտութեանն արտաբերեալք. զի ասեն և նոքա որպէս լսեմ երկուս բնութիւնս: Իսկ Յովհաննէս Հաւաստեաւ ցուցեալ է, մի բնութիւն զՏէրն ասելով Բանն մարմին եղև: Եւ Պաւղոս ասէ, Մի տէր Յիսուս Քրիստոս՝ որով ամենայնս Արդ՝ եթէ մի ի սրբոյ Կուսէն ծնիցեալն անուանեցաւ, և նա ինքն է որով ամենայն եղև, մի բնութիւն է, վասն զի և դէմ մի

ոչ ունելով յերկուս բաժանումն. վասն զի ոչ առանձին բնութիւն է մարմինն, և ոչ առանձին բնութեամբ աստուածութիւնն յետ միանալոյն. այլ որպէս մարդ մի բնութիւն է, այսպէս ի նմա նութիւն մարդոյ եղեալն Քրիստոս՝ մի բնութիւն է. բանզի աստուածութիւնն ճշմարտապէս հանդերձ մարմնով մի բնութիւն է, և յերկուս բնութիւնս ոչ բաժանի, և ոչ հնար իսկ է, այլ զի հարկ լինի այնոցիկ՝ որք երկուս առեն բնութիւնս, զմինն՝ աստուածային ասնյով, իսկ զմիւսն՝ մարդկային, զմինն՝ երկրապագելի, իսկ զմիւսն՝ ոչ երկրապագելի, յաստուածայինն մկրտութիւ, իսկ ի մարդկայինն ոչ մկրտել, իսկ եթէ ի մահն Տեառն մկրտիմք մի խոստովանիմք բնութիւն անախտակիր աստուածութեամբն, և ախտակիր մարմնով. զի այսպէս յԱստուած իյե մկրտութիւնն մեր, և ի մահ Տեառն կատարեալ. Տեսանես զի ամպարիշտ ասէ զայն՝ որք երկուս բնութիւնս իմանան ի Քրիստոս՝ յետ մարմնանալոյն. Քանզի մկրտութիւնն յաստուածային բնութեանն ուրացեալ լինի և ի մարդկային յանաստուած և յաներկրապագելի բնութիւն լեալ, զոր ինքեանք ասեն չարչարեալ ի խաչին անիմաստ խորհրդով, ի հարկէ և ոչ ի կամաց.

Արդ զի մի՛ յայսպիսի խորիորատ կորստեան անկանիցիմք ուրանալով զմկրտութիւնն յաստուածային և յանմահ բնութեանէ խաչեցելոյն, և փոխանակ . . . . . ի մարդկային մահկանացու և չարչարելի բնութիւն լեալ. արդ զի մի՛ լիցի այս ի խորհուրդս քրիստոնէութեանս, խոստովանիմք մի բնութիւն մարմնացելոյն Աստուծոյ հանգոյն առաքելոց և մարգարէից և հարցն սրբոց՝ զորս յիշատակեցաք սակաւուք, զի մի երկայնաբան լիցուք. զի այսպէս ճշմարիտ հաւատովք կատարեսցի խորհուրդ ամենասուրբ Երրորդութեանն ի մեզ ստուգապէս աստուած լեալ, և ոչ ի մարդ ապականելի և մահկանացու:

Եւ արդ զի բազում վկայիւք աստուածախաւս արանցն ստուգեցաւ մի բնութիւն Քրիստոսի յետ մարմնանալոյն. յետ այսորիկ տեսցուք թէ և մի կամք են նորա ըստ միոյ բնութեանն և ոչ երկուս, որպէս ոմանք ամպարշտեալ բարբառչն. Ասէ սուրբն Աթանաս ի Ճառին՝ որ յաղագս յայտնութեան փրկչին. Ծնաւ ի կնոջէ Աստուած Բանն, զի զառաջին ստեղծուածն զմարդկան կերպարանն՝ ինքեամբ հաստատեսցէ. ցուցաւ մարմնով առանց մարմնականաց կամաց և խորհրդոց մարդկայնոց, ի պատկեր նորոգութեան ի կամս աստուածութեանն



միայնոյ, վասն զի և բնութիւն բոլոր բանին ցուցմամբ կերպիւ մարդկայնոցս մարմնոյ. Տեսանե՛ս զի աստուածային կամք միայն ասէ լինել ի փրկիչն մեր յետ մարմնանայոյն, և մարդկային կամք և խորհուրդք անհետ լեալ յաստուածային մարմնոյն ի մարմնեանոյ Բանին: Եւ եպիսկոպոսապետն Լոռովոց Անտրիա գրէ այսպէս. Զփորձ էառ կրից չարչարանաց աստուածութիւնն, ոչ մերկ և անմարմին, այլ վասն անճառ միաւորութեան մարմնոյն և աստուածային բնութեանն, վասն որոյ մի կամք խոստովանիմք Տեսոն մերոյ Յիսուսի Քրիստոսի, բանզի կամք այլ և այլ հակառակք ոչ եղեն ի Փրկչին մերոյ. զի ի վեր բան զաւրէն մարդկութեանս ծանուցեալ եղև. Տեսանե՛ս հաւաստեալ, զի ահա մի կամս խոստովանի Քրիստոսի, իսկ այլ կամք ընդդիմամարտ աստուածային կամացն ոչ ասէ լինել ի Փրկչին մեր, բանզի որ երկուս կամս ասէ ի Քրիստոս՝ ոչ խոստովանի զԱստուած մարդ լեալ, այլ ի մարդ բնակեալ որդես Նեստորի թուեցաւ, զոր մի՛ լիցի ճշմարիտ հաւատացեղոց պսակես խորհել զի զԱստուած մարդացեալ խոստովանիմք և ոչ զմարդ որ աստուածացեալ ըստ հաճոյ լինելոյ: Եւ մեծն Եպիփան ի գիրս հաւատոցն ասէ. Կարողակից առնել զհոգեղէն մարմինն աստուածութեանն ի մի զաւրութիւն զաւրացոյց և ի մի աստուածութիւն ժողովեաց: Եւ արդ ահա մի զաւրութիւն և մի աստուածութիւն ասաց զմարմինն միացեալ Բանին և զհաւորք ի մի զաւրութիւն և ի մի աստուածութիւն երկուս կամս հնար է լինել: Եւ ոչ դեք յանդգնին ասել երկուս կամս ի մի զաւրութիւն և ի մի աստուածութիւն, թող թէ աշակերտքն նոցա: Եւ սքանչելին Բարսեղ Կեսարու ընդդէմ Ապողինարի ասէ. Մարմինն բնութեամբ մարդկային, իսկ միաւորութեամբն աստուածային, բանզի աստուածացաւ միաւորութեամբն Աստուծոյ Բանին: Եւ արդ զի՛արդ յաստուածացեալ միտսն հնար է մարդկային կամաց լինել: Ո՛չ ապաքէն կամքն՝ մտացն է ծնունդ, և եթէ միտքն ստուգապէս աստուածացաւ միութեամբ Բանին, յայտ է ահա թէ և կամքն աստուածացան, և արդ ահա յաստուածութենէն չէ հնար մարդկային խորհրդոցն ծնանել, բայց միայն աստուածային, որպէս և ինքն ասէ մարգարէիւն, թէ՛ Որպէս հեռի են երկինք յերկրէ, այնպէս հեռի են խորհուրդք իմ ի խորհրդոց ձերոց, ասէ Տէր: Ահա և բան մարգարէին յանդիմանէ զայնոսիկ որք մարդկային կամք

և խորհուրդք ամպարշտաբար իմանան ի Քրիստոս յետ միաւորութեանն, և ոչ խոստովանին միայն աստուածային կամք և խորհուրդք որպէս վայել է նմա:

Վասն որոյ դարձեալ ասէ Բարսեղ առ Ապողինար, թէ որպէս ասր ներկեալ ծիրանեաւ ոչ երկգոյնն է այլ միագոյն, սոյնպէս և միտքն պայծառացեալ և աստուածացեալ, ոչ ևս երկու իշխանական, այլ մի, զի փոխանակ գործոյ մարդկային մտաւքն վալէր Բանն Աստուած: Տես յայտնապէս յարինակէդ, որպէս ասր սպիտակ ներկեալ ծիրանեաւ կորնչի ի նմանէ ամենեին սպիտակութիւնն, և ոչ կարէ երեւիլ տեսողացն առ ծիրանեաւն զի երկգոյն լիցի ասրն, այլ ամենեին միագոյն ծիրանի, այսպէս և մարդկային միտք և մարմին՝ խառնեալ և ներկեալ ստուգապէս աստուածային բնութեամբն, ոչ է Տնար պանուհետեւ երկատեսակ զնա իմանալ, և երկուս իշխանական կամս առ ընթեր միմեանց լինել, այլ մի աստուածային իշխանական կամք և մի բնութիւն զնա իմանալ և խոստովանել վերնոց և ներքոց, ի բաց բարձեալ ի նմանէ ամենեին ամենայն անձնիշխանական կամք, որպէս բառնայ ծիրանութիւն՝ զսպիտակութիւն ասւոյն, զի բոլորն աստուածային կամքն և մի ներգործութիւն. ասիւ Ուստի յայտ է ստուգութեամբ, թէ որ երկուս կամս ասեն ի Քրիստոս, ոչ խոստովանին Աստուած ճշմարիտ զմարմինն միութեամբ Բանին, և ոչ ասեն զԱստուած՝ մարդ լեալ ըստ Պաւղոսի՝ որ ասէ. Եկն Որդին Աստուծոյ և եղև ի կնոջէ. այլ կարծեն ի մարդ բնակել որպէս Պաւղոս Սաւուատացի և Նեստոր և նմանիք նոցա:

Յետ այսորիկ դարձեալ տեսցուք, թէ մի ներգործութիւն է մարմնացելոյ Բանին ըստ միոյ բնութեանն, և ըստ միոյ կամաց նորա, և ոչ երկուս, որպէս յանդգնեցան ասել Թէոդորիտոս Կիւրացի և Լևոն Հոռովայեցի և նմանիք նոցա: Եւ արդ ասէ երանելին Աթանաս ի չորրորդ ճառին առ Արիոս Եւ Բանն ասէ զմարմնոյն բարձեալ ունէր զտկարութիւն որպէս և զիւրս, զի նորա էր մարմինն գործակից աստուածութեանն գործոց, զի նովաւ լինէր, զի Աստուծոյ մարմին էր: Եւ դարձեալ ասէ. թէ Աստուծոյ Բանին գործքն ոչ ի ձեռն մարմնոյն էր եղեալ. ոչ արդևր էր աստուածացեալ մարմինն: Եւ դարձեալ ասէ. Զի զգործն Հաւր ի ձեռն մարմնոյն գործէր: Եւ դարձեալ նոյն զրէ առ Դեղփոս եպիսկոպոս. Չեոն ձգեաց յարոյց, ասէ, զոր ի ջեր-

մութենէ էր ըմբռնեալ, և ձայն արձակեալ յարոյց զՎազարոս: Եւ Գրեգոր նիւսեայ յերկրորդ ճառին որ ընդդէմ Եւնոմիոսի ասէ. Քանչի և ներգործելն որպէս և ճշմարիտ Աստուծոյ ի ձեռն իւրոյ մարմնոյն ամենեցուն փրկութիւն, որպէս ձայնին կամ գործոյն մարդկաւրէն եկեալ յառաջ իսկ ի ներբուստ իմացեալ լինի աստուածութիւնն: Եւ Յուլիոս Հովմայեցի ասէ. Ոչ մի ինչ անշատումն է բանին և մարմնոյն յաստուածային գործո, այլ է մի անձնաւորութիւն, և մի բնութիւն և մի ներգործութիւն Յիսուսի Քրիստոսի: Եւ Յովջան Ոսկերերան ի ճտոնն՝ յորում ի լերինն աղաւթէր Յիսուս ասէ. Միով կաւրութեամբ և միով ներգործութեամբ զբաղմատեսակ ախտս բժշկեաց: Եւ դարձեալ ասէ. Զի զզանազան զսրանչելագործութիւնսն ի ձեռն միոյ ներգործութեան ընդով: Եւ Վիւրեղ Աղեքսանդրացի ի Մատթէոսի աւետարանին մեկնութեանն ասէ. Թէ՛ Ընդ իւր միաւորեաց զմարմինն, որպէս ոչ ասէն որ ընդ Հաւրն և ի Հաւրէ Աստուած Բանն, որպէս և զիւրսն կազմեալ զմարմնոյն ներգործութիւնսն բնաւորականս, և յցուցեալ զմարմինն իւր աստուածովայնուչ ներգործութեամբ՝ և յիւրն եհան փառս: Եւ դարձեալ ասէ. Զերկուս կոյրսն բժշկէր մերձաւորութեամբ ձեռնն և լուսաւորէր, քանչի աստուածագործ կաւրութեամբն յի գոլ զիւր մարմինն ցուցանէր, որպէս և զորանչին Պետրոսի ձեռն ի վերայ եղեալ առ ժամայն բժշկէր, վասն զի իւրոյ բնութեանն, աստուածութեանն ասեմ, միսկաւր ցուցեալ զիւր մարմնոյն ներգործութիւնն՝ վարի և թքոյն, զի ծանիցուք թէ մարմին նորա զամենայն ունելով զներգործութիւն զկենդանարար Բանին և լուսաւորութեան, առիթ լինի ի ձեռն սուղ ինչ մերձաւորութեան: Եւ դարձեալ ասէ ի զիրս Պարապմանց, թէ զՄարմինն իւրացոյց Բանն, միաւորեաց և ընդ մարմնոյն զիւր բնութեանն ներգործութիւնսն: Եւ դարձեալ ասէ. Ընկալեալ ի մի վեհագունութիւն փառաց ըստ Հաւասար Բանի վերադրի ուրեմն է, և մարմնով նմա զերիցութիւնն որպէս Աստուծոյ ըստ բնութեան միաւորեալ ի մարմնի և զիւրսն բարութիւնս Հասարակորդեալ իւրն մարմնով: Եւ դարձեալ ասէ, Թէպէտ և երևէր իրբև զմի ի մէնջ, այլ գործէր զգործս Հաւր, և ոչ իւրիք իրաւք կերպարանաւք խոնարհագոյն ոչ գտանէր ի զաւրութենէ և ի փառաց ծնաւդին: Եւ դարձեալ ասէ. Մարմին բանին վայելչաբար զմեղացն շարժեաց զբնութիւն, և յաստուածայինսն Հարստացեալ

անճառաբար որպէս անպատմելի միացեալ ընդ Բանին՝ սուրբ է և կենդանարար և աստուածավայելուչ ներգործութեամբ լի:

Եւ արդ բաւական են ասացեալքս առ ի հաստատել զհաստացեալքս թէ մի ներգործութիւն է Բանին Աստուծոյ մարմնացելոյ ըստ միոյ կամաց և ըստ միոյ ընութեան նորա, և յանդիմանել զայնոսիկ՝ որ յանդգնին երկուս ներգործութիւնս ասել Բրիստոսի հակառակ հարցն սրբոց, զի ա՛աւասիկ զաստուածադործ զաւրուութեանցն և զմարդկաւրինադոյնսն միոյ և նորին Բանին Աստուծոյ մարմնացելոյ ասացին զներգործութիւնսն զիրք սրբոցն:

Դարձեալ և զայն իսկ տեսցուք թէ անապական և անմահական էր մարմինն Բրիստոսի անդստին իսկ յարգանդէ կուսին և մինչև յեաջն և մինչև ցյաւիտեան միաւրինակ, և ոչ մահականացու և ապականացու նախ քան զիսաջն որպէս ամպաբըշտեցին ոմանք ասել զյլ միշտ անմահ և անապական: Իրենիոս այսպէս զրէ. Եկն Որդին Աստուծոյ և զգեցաւ մարմին անապական՝ յանապական կուսէն Մարիամայ: Եւ դարձեալ ասէ. Անարգեն զՈրդին Աստուծոյ, և զմարմնոյն փրկութիւնն ուրանան, և զվերստին ծնունդ նորա անպատուեն, որք ոչն ասեն զնա զոլ ընդունակ անապականութեան: Տեսանե՛ս զի անարգիչ ասաց Որդւոյն Աստուծոյ և ուրացող փրկութեան մերոյ զայնոսիկ՝ որք ոչն ասեն անապական զմարմինն Տեսան ի ծնանիլն ի կուսէն: Եւ Յովհան Երուսաղէմացի ասէ. Խոստովանիմք եթէ Յիսուս Բրիստոս ճշմարտապէս մեռաւ, մեռաւ վասն մեղաց մերոց, թաղեցաւ և յարեաւ, զնոյն ընութիւնն ունելով զմարմնոյն՝ որով մեռեալն թաղեցաւ. յայտ է թէ անապականութեամբ որպէս էրն իսկ յառաջագոյն, նոյնպէս յարեաւ: Տեսանե՛ս զի որպէս էր նախ քան զչարչարանսն, նոյնպէս ասաց զնա յարուցեալ ի մեռելոց: Եւ Փիլաքսոն նարովք քաղաքի եպիսկոպոս ասէ. Սա վասն զի անապականելի էր ոչ փոխեցաւ: Եւ գարձեալ ասէ. թէ՛ Մարմնացաւ ի սրբոյ Կուսէն երկրորդ Ադամ նոր մարդ, ապա ի վեր է քան զապականութիւն: Եւ Պրոկղ եպիսկոպոս ասէ, Թէ ըստ ընութեան մերոյ ծնեալ էր Բրիստոս, յիրաւի ասէր չիք ի նմա ապականութիւն, և զի ապականութիւնն յամուսնութենէ լինի, ապա եթէ ի վեր է քան զամուսնութիւն, ի վեր է քան զապականութիւն: Դարչեալ ասէ. Սպասաւորեաց Կոյսն ի ձեռն անապականութեանն Բրիստոսի, և եղև Մայր անապականութեան, քանզի յորում ստեղծու աս

նապականութիւնն, ոչ կարէր տեղի գտանել ապականութիւն-  
բանդի ոչ կարէր զանապականութիւնն պարտել ապականու-  
թիւնն: Եւ դարձեալ ասէ. Միայն կին ծնաւ, բանդի աւտար էր  
ապականութիւն ծնեալն. կոյս ծնաւ վասն այն՝ որ էր սրբու-  
թեան աղբեր: Եւ Եպիփան Կիպրացի ասէ. Առեալ զմահա-  
նացու մարմինս մեր և զեղծանելի և միացուցեալ ընդ աստուա-  
ծութիւնն եցոյց անապական: Եւ Վիւրեղ Աղեքսանդրացի ասէ,  
Եղև մարմին Բանն և անապական և անմահ զնա ցուցեալ.  
բանդի ոչ մահկանացու մնալ, և ոչ ընդ ապականութեամբ ե-  
թող զնա, զոր առաքեացն ի մեզ Ադամ, զյանցանացն զպա-  
տիժս. այլ յաւէտ որպէս անապական մարմին Աստուծոյ, այս-  
ինքն իւր և ինքեան, և բան զմահ և զապականութիւն վերա-  
գոյն եղեալ: Եւ դարձեալ ասէ. Զի յեկամուտ ապականութե-  
նէն ապրեցուցէ զմեր Հոգեղէն մարմին ըստ միաւորութեան  
տնաւբէնութեանն զիւր կեանս ի ներս արկեալ, իւր արարեալ  
և զմարդկայինն Հոգի, եցոյց զնա ի վեր բան զմեղս, զի զիւ-  
րոյ բնութեան զսերտութիւն և զանփոփոխութիւն իւրե յօր  
զնեղ ինչ արկեալ և զունեալ զնա. արդ վասն զի եղև մար-  
մինն կենարարին ամենայն բանիւ՝ բան զմահու և զապականու-  
թեան ի վեր մնայ իշխանութիւն: Տե՛ս զի ի մարմնանալ Բա-  
նին՝ բան զմահ և զապականութիւն ի վեր եղեալ ասաց զմար-  
մին Բանին, զի Ադամ, ասէ, մեղաց սկիզբն եղեալ զապականու-  
թիւն տնկեաց ի մեզ և զմահ: Իսկ Քրիստոս անմեղութեան  
սկիզբն եղեալ մեզ՝ զանմահութիւն և զանապականութիւն սեր-  
մանեաց ի մեզ անապական և անմահ մարմնովն՝ զոր էառ ի  
Վուսէն: Եւ Աթանաս գրէ առ Եպիփանիոսն Վորլնթացուց ե-  
պիսկոպոս, թէ՛ Բանն՝ որ ի մարմնի էր ի վեր բան զբնութիւն  
մահկանացու մարմնոյ, արար զմարմին իւր անմահ և անապա-  
կան, և միացոյց ինքեան, և ջնչեաց ի մարմնոյն զբնական ըզ-  
մահ. և զապականութիւն, վասն զի զգեցեալ և միացուցեալ  
իւր զմարմինն Բանն Աստուծոյ՝ որ ի վերն է բան զբնութիւն  
մարդկան, վասն որոյ եղև անապական մարմինն որ յապակա-  
նացուաց աստի: Եւ դարձեալ ասէ. Ոչինչ ապականէ զհոգի և  
զմարմին՝ բայց մեղք. իսկ ապա անհոսանուտ մարմնաւորու-  
թիւնն Եմանուէլի որ ի Մարիամայ Աստուածածնէ անմեղան-  
չական է, բանդի յանամուսնական որովայնէ մշտակուած է  
վասն այնորիկ և անապական խոստովանելի է բանդի ամենայն

ապականութեանց և մեղաց բարձիչ է: Տես մանայն զգուշութեամբ. զի ապականութեան և մահու պատճառս զմեղս ասաց լինել: արդ յայտ է թէ որք մահկանացութիւն կամ ապականութիւն ասեն լինել ի մարմինն Քրիստոսի նախ քան զիւսն, ապա ուրեմն և մեղանչումն յանմեղն և յամենասուրբն Աստուած յանդգնին իմանալ: Իսկ թէ զայս խորհելն անդունդք հայհոյութեան է և խորք ամպարշտութեան, ապա ուրեմն Քրիստոս է սրբութեան աղբիւր բնակիցս վերնոց և ներքնոց. վասն այնորիկ և ճշմարտապէս անմահ և անապական էր մարմին նորա և նախ քան զիւսն, որպէս և այժմ իսկ է, նոյնպէս էր և յայնժամ: Քանզի դարձեալ ասէ Աթանաս, Ադամ զանմեղ մարմինն ի դատապարտութիւն և յապականութիւն էարկ. իսկ Քրիստոս զսա անապական և խափանիչ մահու և փրկանակ մահացելոցս եցոյց. ոչ կարաց մահ զին. . . . . ածել զհոգին Քրիստոսի և ոչ ապականութիւն յափշտակել կարաց զմարմին նորա \*). զի զայս. . . . . թիւն է զի թէ զմեղս աշխարհի եբարձ . . . . . կանութեան զիարդ ասեն ոմանք ի մոլ. . . . . կանացու էր մարմինն Քրիստոսի. Արդ տես . . . . . զի ամպարիշտս և մոլորեալս ի ճշմար. . . . . սաց զայնոսիկ որք ապականութեան և մ . . . . . թեան կարծիս առնուն ի մարմինն Քրիստոսի նախ ք . . . . . զի մայր մահու և ապականութեան մեղքն են ի . . . . . մեղք ոչ իցեն, ապականութեան և մահու անհնար . . . . . երեւեալ. Ըստ որում և Բարսեղ Կեսարու ասէ առ Ադողինար. Ոչ փոփոխելի էր Քրիստոս, մի՛ լիցի, զի մի մեղանչու . . . . . ի ներս մտցէ յանմեղանչելին, թէ կարացես գտանել անձնաւոր մարմին յառաջագոյն գոյացեալ և . . . . . միաւորեալ ընդ Բանին Աստուծոյ ի մահ փոփոխումն. . . . . թէ գոյութիւն մարմնոյն՝ ոչ է առանց միութեան Բանին զի գոյացեալ զնա միութեամբ Բանին ծանեա . . . . . ըստ փոփոխումն, զի մարմին և միտք միաւորեալ ընդ Բանին ոչ փոփոխին: Տեսանե՛ս զի ամենայն սուրբք համաձայն միմեանց ասացին ոչ . . . . . ապականութեան և փոփոխման մահու . . . . . մեղաց լինել. իսկ եթէ ապականութիւն և փոփոխումն, կամ մահկանացութիւն յորու . . . . . հարկ է նախ մեղաց լինել որ

\*) Թերթ մի կիսովի պատահեալ է աստէն վերուստ ի վայր:

մայրն . . . . . սորա ծնունդը նորա: Ապա ուրեմն . . . . .  
. . . . . և քան զՏրէայսն անդէն չարութեամբ չ . . . . .  
որք ապականութեան և փոփոխութեան . . . . . այնութեան  
և կամ այլ ինչ մարդկային տէրութեան նործիս առնուի մարմինն  
Քրիստոսի նախ քան զ . . . . . այս կարծեաց և մեղացն զաք  
զՏեստ զ . . . . . իշխեաց զայս խորհել, զի ասէ զա . . . . .  
. . . . . չ գտանէ յիւրայոցն և ցՏրե . . . . .  
նդիմաննեցէ ի ձէնց զիս վասն . . . . . որոյ  
աստկապէս նշովեցին զիրք . . . . . ի խորհողսն:  
Սակա որոյ ասէ սքանչե . . . . . ի գոր. Եթէ որ ասէ  
փոփոխելի կամ այլ . . . . . և ոչ խոստովանեսցի զնա հոգ-  
ւով ա . . . . . ի մարմնի որպէս և գրեալ է. նշովեալ ե-  
ղեցի. Եւ զարձեայ ասէ. Զի՛արդ ասէ որ փոփոխելի կամ այլայ-  
լելի զՔրիստոս, զի ինքն ասէ. Ես նոյն եմ և ոչ փոփոխիմ. և  
զարձեայ թէ ոչ թողաւ անձն նորա ի դժոխս, և ոչ մարմին  
նորա ետես զապականութիւն: Եւ արդ բաւական են ասացեալքս  
ի յանդիմանութիւն այնոցիկ՝ որք ապականութեան կամ . . . . .  
արութեան կարծիս առնեն, կամ փոփոխման, կամ ճակնանայնու-  
թեան ի մարմինն Քրիստոսի նախ քան զխաչն: . . . . . «Տա աս-  
տուածային զիրք մի և նոյն աւրինակ ասացին . . . . . զՔրիս-  
տոս անդստին իսկ յարգանդէ կուսին և . . . . . աչն և մին-  
չև յաւիտեանս, ըստ որում Պաւղոս, Յիսուս Քրիստոս երէկ և  
այսաւր, նոյն է և յաւի . . . . . Յետ այսր ամենայնի տես-  
ցուք զՏարց՝ . . . . . թէ զի՛արդ փոքր տեսակ չա-  
փովք . . . . . տ խաչին, և զիւրակէզն կարող ա. . . . .  
. . . . . զանրովանդակելին և զամենա . . . . . աՏա  
Տէր Աստուած մեր հուր ծախիչ է: . . . . . սնամբ ընդ ան-  
տեղի և ընդ անդէպ . . . . . զի թէ վասն փոքրկու-  
թեան չափոյն . . . . . ողանալ տանել, ապա ոչ երկինք և  
եր . . . . . համուռ աժենայն արարածք բաւա . . . . .  
նել զնա, թող թէ այս ինչ կամ . . . . . Սողոմոն յաղաւթսն  
իւր թէ եր . . . . . նից երկինք չեն բեզ բաւական. զի՛-  
արդ տունս այս կարէ տանել զբեզ. Եւ Յսայի ասէ. Ի ձեռին  
նորա են ամենայն ծայրք երկրի: Եւ արդ եթէ յափի նորա ժո-  
ղովեալ են ամենայն արարածք երեւելիք և աներևոյթք որպէս  
հատ մի մարգարտի յափ մարդոյ, զի՛արդ կարեն զնա տանել.  
որ ափով նորա ծածկեալ են. կամ զի՛արդ կարէ ափոյ չափ տե-

զի տանել զանձն մարդոյ: Իսկ եթէ վասն զիւրաճախութեան նիւթոյն ասէր ոչ կարել տանել զաստուածային հուրն, ապա և ոչ լերինք և լեռնանման վէմք կարող են կալ առաջի նորա, և ոչ բոլոր արարածք, որպէս ասէ մարգարէն, Լերինք որպէս մոմ հալեացին յերեսաց Տեառն, յերեսաց Տեառն ամենայն երկիր: Եւ Յովհաննէս ի Յայտնութեան անդ իւրում ասէ, թէ՛ յերեսաց նորա փախչէին և կորնչէին արարածք, երկինք և երկիր: Եւ ինքն ասէր ցՄովսէս, թէ՛ Ոչ ոք կարէ տեսանել զերեսս իմ և կեալ: Եւ արդ եթէ երևման նորա չեն բաւական կեալ յանդիման նորա ոչ լերինք և ոչ վէմք և ոչ մարդ, և ոչ այլ ինչ յարարածական բնութենէ, զի արդ խուսացեալ փայտ կամ այլ ինչ ի նիւթեղինացս մերձենալ առ աստուածութիւնն կարէր տեսել և ոչ վաղվազակի կիպուլ: Եւ արդ զի արդ ի դրախտին գնալ ասային զիրք սուրբք: ոչ ահա մի ի նիւթեղէն արարածոցս է գրախտն: Գարձեալ և ի խորանն Արրահամու բացմիլ և սեզանն առաջի գնիլ Աստուծոյ: Եւ ի զիւրաճախ մորենւոյն բորբոքեալ վարէր հուր աստուածութեանն և ոչ այրէր, այլ լուսաւորէր: Եւ ի լեռնն Սինա իջեալ խաւսէր ընդ որդիսն Իսրայելի, և յերկկանկեան տապանակին բնակէր, որպէս հաւատարմ ամենայն Իսրայել, և ի բերովքէս նստէր: Եւ ահա նուազապարտութեանն և ի Վոյսն սուրբ ոչ շնորհիւ կամ փառաւք միայն եկն Աստուած, այլ ստուգապէս բնութիւն աստուածութեան բոլոր էութիւնն Արդոյ բնակեաց ճշմարտութեամբ իննամսեայ ժամանակաւ: Նոյնպէս և ի խաչն ասացին ձգանել զիրք Աստուծոյ ստուգապէս և ոչ կարծեաւք, որպէս ասէ մարգարէն Ամբակում, Ելեր դու ի կառս բո և հեծելութիւն բո փրկութիւն եղև մեզ:

Եւ արդ զինչ: միթէ ստեցին աստուածային զիրք, զի անտանելի և անբովանդակելի ասացին զԱստուած, և ահա յայսց ամենայնէ տարեալ և բովանդակեալ եղև: Իսկ եթէ անտանելի ստուգապէս ըստ սահմանի գրոց, ապա ուրեմն ոչ ի մի ի սոցանէ եկն Աստուած, կամ երեւցաւ առ Արրահամ, և ոչ ի դրախտին, ոչ ի մորենւոյն, և ոչ յայսն ամենեսեան, նաև ոչ ի կոյսն իսկ, և եթէ ոչ ի Վոյսն, և ոչ ի խաչն իսկ: Եւ եթէ այդ պարզէս է, ուրեմն այսու գարձեալ ստեցին մեզ աստուածեղէն զիրք, զի յամենայն յայտոսիկ ասացին զալ զԱստուած: Իսկ եթէ ամպարշտութիւն է և յոյժ մալորութիւն՝ և անգր բան զա-



մենայն. հայհոյութիւն ստուծիւն զնել Աստուածաշունչ գրոց-  
 ցի ճշմարտութեամբ և ստուգիւ գրեալ ամենայն, ապա ուրեմն  
 զինչ կամեցաւ արար Աստուած որպէս ասէ մարգարէն, Եւ զոր  
 ինչ կամեցաւ և եղև, որպէս ասէ սուրբ Լուսաւորիչն մեր մեծն  
 Գրիգորիոս, և որպէս վկայեաց մեծն առաքեալ. թէ՛ Բազում  
 կերպարանաւք և պէսպէս տեսլեամբք խաւսեցաւ Աստուած  
 ընդ հարսն մեր. իսկ ի վերջին աւուրս ոչ աւրինակաւ, այլ ճշ-  
 մարտութեամբ եկն առ մեզ Միածինն Աստուած ստուգապէս,  
 և խաւսեցաւ ընդ մեզ բերան ի բերան: Եւ դարձեալ ասէ. Եկն  
 Որդին Աստուծոյ և եղև ի կնոջէ:

Արդ ուրեմն անբովանդակելի է Աստուած ըստ սահմանի  
 գրոց, և տկարք և անպարք արարածք, որպէս և վկայեցաւ ի  
 գրոց: Իսկ Աստուած ամենակարող գոյով ընդ հարկաւ ոչ ան-  
 կանի, այլ ամենայն ինչ գիւրիս է նմա զինչ և կամի, յալագոս  
 պնորիկ զամենայն տկարութիւն նիւթական բնութեանս զաւ-  
 րացուցեալ ինքեան տանելի արար յոր ինչ և կամեցաւ երևիլ  
 Այնպէս և զնութիւն սրբոյ կուսին զաւրացոյց և անբաւ և  
 անտանելի բնութեան իւր տարող զնա արար ստուգապէս  
 Նոյնպէս և զիպոտ խաչին ստուգապէս զսւրացոյց և տիրապէս  
 հարստացուցեալ, զի զամենազաւր և անբովանդակելի բնու-  
 թիւն աստուածութեանն տարաւ ճշմարտապէս առաւել քան  
 զմորենին, և քան զգրախտն և քան զքերովբէսն: Եւ նշանակ  
 հաստատութեան բանիս այն, զի բերովբէքն, և ամենայն զաւրք  
 երկնից երկրպագեն խաչին և պաշտեն զնա իբրև տարող ճշ-  
 մարտապէս տեառն և արարչի իւրեանց, Նոյնպէս և առա-  
 քեալքն երկրպագէին և պաշտէին զխաչն իբրև ստուգապէս  
 բարձոյ Աստուծոյ: Սոյնպէս և ինքն իսկ սուրբ Աղոյսն երկրպա-  
 գեաց խաչին, զի զւր յորովայնի իւր կրեաց ճշմարտապէս,  
 զնոյնն ճշմարտութեամբ և ստուգապէս ի վերայ խաչին ետես  
 բազմեալ և բևեռեալ. վասն որոյ ամենայն աստուածաշունչ  
 գիրք զճշմարտն Աստուած զՄիածինն Հաւր՝ զոր ծնաւ Աղոյսն  
 ասացին չարչարեալ և խաչեալ կամաւորութեամբ, և ոչ ի  
 հարկէ, աստուածային իշխանութեամբ և զաւրութեամբ, և ոչ ի  
 ակամայ: Իսկ եթէ մարդկային տրուպ և ապականացու բնու-  
 թիւն էր բևեռեալն ի խաչին, ապա ոչինչ մեղան հրէայքն զի  
 մարդասպանք են և ոչ աստուածասպանք, և ահա երկինք և  
 երկիր ի զուր պաշտեն զխաչելեալն և տարապարտ երկրպա-

դեմ արարչին վերինք և ներքինք: Իսկ եթէ ամպարչտուծիւն է զայս ասել կամ խորհել, ապա ուրեմն յայտ է ահա թէ Տրէայքն ստուգապէս աստուածասպանք են, և երկնայինք և երկրայինք ճշմարտապէս աստուածասպաշոր, պաշտելով զխաչելեալն և երկրպագելով խաչի նորա. և թաչն ստուգապէս Խաչ Աստուծոյ, որպէս վկայեն ամենայն գիրք Տին և նոր:

Քանզի և նախ Մովսէս ասէ. Տեսանիցէք զկեանս ձեր կախեալ զփայտէ առաջի աչաց ձերոց, և ոչ հաւատայցէք կեանաց ձերոց: Ահա յայտնապէս զտեսանելի մարմինն՝ միութեամբ Բանին՝ կեանս ասաց կախեալ ի փայտ խաչին, զոր աչաւք իւրեանց տեսին Տրէայքն: Արդ միթէ զմերկ Բանն տեսն Տրէայքն. և ի՞նչ յանդգնի ասել զայս. այլ յայտ է թէ զմարմինն միացեալ Բանին միապէս կեանս ասաց Մովսէս Հոգևոյն սրբով, զոր տեին Տրէայքն կախեալ ի խաչին, և անհաւատացեալ մարդ համարեցան զնա: Եւ արդ միթէ կեանքն ո՛չ իցն անապականուծիւն և անմահութիւն և աստուածային բնութիւն. այո՛, է հարկաւորապէս, և այնց՝ որք նմանեալ Մովսէսի կեանս անմահս և Աստուած թոստովանին զկախեալն ի փայտ խաչին՝ աստուածագետսք լինին: Իսկ որք մարդ ասեն ապականելի և մահկանացու բնութիւն՝ անհաւատ են իբրև զՏրէայքն:

Դարձեալ և Դաւիթ ասէ, Ե՛լ ի բարձունս խաչին, և գերեաց զգերեալսն ի ստանայէ, և լցոյց պարգևաւք Հոգւոյն զդարձեալսն ի գերութենէ: Եւ զոհանալով դարձեալ ասէ, Տէր Աստուած աւրհնեալ և աւրհնեալ միշտ, որ հաներ զմեզ ի մահուանէ, Աստուած կենարար, և փշրեցեր զգլուխ թշնամւոյն, և ի միջոյ ժանեացն նորա զմեզ ի դուրս կորզեցեր, թանալով զոտն արեամբ ի խաչին: Տեսանե՛ս զի զոտն Տեառն Աստուծոյ փրկչի և կենարարի, որ փշրեաց զգլուխ թշնամւոյն՝ ասաց թանալ և ներկանիլ արեամբ ի խաչին, և ոչ գնայուն մարդոյ մահկանացուի և տկարի, այլ զամենազաւր թագաւորի և Աստուծոյ, որ երևեցոյց զգնացս իւր ի մեզ: Քանզի ասէ, Քացցի ոտն բո յարենէ, երևեցան զնացք բոյ Աստուած, զնացք Աստուծոյ թագաւորի մերոյ սրբոյ: Եւ ահա զնացք Աստուծոյ ճշմարտութեան երևելապէս այն են՝ զոր ինքն իսկ ասաց. Ելի ի Հաւրէ և եկի յաշխարհս, դարձեալ թողում՝ զաշխարհս և երթամ առ Հայր: Քանզի ծնեալն ի Կուսէն՝ զնացեալ էանց ընդ ամենայն կիրս մարդկութեան մինչև ցեալն առանց մեղաց,

և կատարեալ զամենայն տնտեսութիւն ամբարձեալ առ Հայր-  
 յաղագս պնդորիկ ասէ մեծն Գաւիթ, զոսն ամենազաւր թագա-  
 ւորի և Աստուծոյ թանալ արեամբ ի խաչին՝ Արդ մի՛ թէ ոտն  
 ամենազաւրին Աստուծոյ բեռեալն ի խաչին՝ չիցէ՛ անմահ և  
 անապական. այլ է՛ ստուգապէս որպէս ասալն Գաւիթ, Վասն  
 զի դարձեալ ասէ Գաւիթ. Կեանք իմ մերձեցան ի դժոխս, և  
 Համարեցայ ընդ իջեալսն ի զուր, և եղէ իբրև զմարդ, այլ ա-  
 ռանց աւգնականի և ի՛ մեռելութիւն անդ ազատ ի մահուանէ:  
 Տե՛ս Հաւաստեալ, զի զոր Մովսէս կեանս ասաց կախեալ ըզ-  
 փայտէ խաչին, զնոյն կեանսն Գաւիթ ասաց մերձեալ ի դժոխս,  
 և Համարիլ ընդ իջեալսն ի գերեզմանի: Եւ զի մի ոք Հասա-  
 րակական մարդ կարծիցէ զննջեալն վիրաւր խաչին ի գերեզ-  
 մանի, ի վերայ բերեալ ասէ. Եղէ ոչ պարզաբար մարդ. այլ  
 իբրև զմարդ, այսինքն թէպէտ և նման մարդոյ ունէր ստու-  
 զապէս մարմինն՝ Քրիստոս, այլ յամենայն տկարութենէ մարդ-  
 կային Հարկաւոր կրից վճարեալ էր մարմին Բանին յանունն ի  
 Աուսէն, և նշանակ ստուգապէս այսմ՝ տուեալ զոչն կարաւտիլ  
 աւգնականութեան յուժեքէ. և այս միայն աստուածայնւոյ  
 բնութեանն է, իսկ այլ ումեք ոչ բնաւ, զի ահա հրեշտակը և  
 մարդիկ կարաւտ են միշտ վերին աւգնականութեան և խնա-  
 մոց: Իսկ աստուածութիւնն միայն ոչ կարաւտի աւգնիլ յուժե-  
 քէ, և ահա զեղեալն իբրև զմարդ անկարաւտ աւգնականու-  
 թեան ասաց իբրև ճշմարիտ Աստուած:

Ապա յայտ է թէ ի մարմնանալ Բանին՝ եղև մարմինն  
 իբրև զԲանն, անկարաւտ ամենեկին ամենայն իրաւը, Աստուած  
 ճշմարիտ, և աստուածային անապական և անմահ ընութիւն.  
 վասն որոյ ի մահու անդ ազատ ի մահուանէ ասաց ստուգա-  
 պէս: Իսկ եթէ մահկանացու էր, պարտական էր մահու, ապա  
 ոչ էր ազատ ի մէջ ամենայն մեռելոց, և ստեաց մարգարէն  
 զնա միայն ասացեալ ազատ ի մեռելալս. և ահա պարտականն  
 մահու, ոչ կարէր յաղթել մահու. զի իրաւանայր մահ ի վերայ  
 նորա խնդրել զպարտիսն իւր ի նմանէ, և ահա մինչ զպարտսն  
 իւր վճարէր, չէր ձեռնհաս այլոց փրկութիւն լինելի իսկ եթէ  
 ամպարշտութիւն է սուտ ասել զմարգարէսն, ապա ուրեմն ա-  
 զատ է և ի մէջ ամենայն մեռելոց իջանելով առ նոսա, և ան-  
 կաթկած ի պարտուց մահու՝ ամենայն Համարձակութեամբ էջ  
 առ մահ, և յաղթեալ նմա եհան զբոլոր ըմբռնեալսն ի նմանէ,

ըստ այնմ թէ՛ Ի Տեառնէ են ելք մեր ի մահուանէ. և դարձեալ եթէ՛ Տէր է հասուցանող ընդ իմ և ոչ այլ որ. ըստ որում և ինքն ասէ. թէ՛ Այնչափ իրեաց Աստուած զաշխարհս, մինչև զՄիածին Որդին իւր ետ. Արդ ո՛ւր ետ. ոչ ապարէն ի խա. . . . . վասն կենաց մարդկան. որպէս դարձեալ ասէ ինքն, թէ՛ Ջմի որդին զսիրելին՝ զսոսրեալն ի հաւրէ առ մշակսն, կայեալ հանին արտաբոյ այգւոյն և սպանին. Եւ աբդ ո՛վ է այն մի որդի սիրելին՝ սպանեալն ի մշակացն. մարդկային բնութիւնն՝ թէ՛ աստուածայինն, զի թէ երկու բնութիւն էր, և մին ի նոցանէն մեռաւ, և միւսն մնաց անմահ. Ապա ուրեմն թէ՛ մարմինն միայն մեռաւ, ապա նա էր որդին սիրելի, և ի բաց է Բանն յորդիութենէն. Իւկ եթէ՛ զմերկ բանն ասէ որ մեռանել, վասն զի նա է որդի սիրելի, ապա Արիոսին ստուգի աղանդ. Իսկ թէ՛ մոլորութիւն է զայս ասել ապա հարկ է մի՛ բնութիւն խոստովանել Բանին մարմնացելոյ, և մէ Որդի գիտել զնա Հաւր սիրելի միով բնութեամբ, զմարմինն միացեալ Բանիւն. և մտեալ ստուգապէս վասն մեղաց մերոց. և զնոյն մնացեալ կենդանի ի մահու անդր. ոչ միւս մեռեալ և միւս կենդանի, այլ նոյն մին մեռեալ և կենդանի, ըստ որում ինքն միայն զիտէր:

Չնոյն և Պաւղոս ասէ. Հաշտեցաք ընդ Աստուծոյ մահուամբ որդւոյ նորա. Յե՛ս զի և Պաւղոս մահուամբ ճշմարիտ Որդւոյն Աստուծոյ ասէ հաշտիլ ընդ նմա, ըստ որում և դարձեալ ասէ. թէ՛ Մինն մեռաւ վասն մեր. Յե՛ս զի մին ասաց և ոչ երկուս՝ զմեռեալն ի խաչին. ապա ուրեմն միոյն Աստուծոյ է խաչն և ոչ մարդոյ, որպէս անգիտացան հրէայքն և Նեստոր և ընկերք նորա, մարդ կարծելով զխաչեալն. Վասն որոյ ասէ Պաւղոս, Թէ էր գիտացեալ՝ ոչ արդեւր զՏէրն փառաց ի խաչ հանէին. Արդ մի՛թէ Տէրն փառաց չիցէ՛ Աստուած, և այլ զի՛նչ, եթէ՛ ոչ Աստուած ճշմարիտ՝ սիրապէս և ստուգութեամբ. Որպէս սուրբն Դիոնեսիոս Արիսպագաչի ասէ. թէ՛ Աստուած ապետա. . . . Յիսուս կենսատու մահուամբ երիս տիւս և երիս զիջերս եկաց ի գերեզմանի. Տեսանե՛ս զի աստուածապետ, այսինքն, Աստուած աստուծոյ ասաց զՅիսուս զմեռեալն ի խաչին, և կենսատու բոլորից զերեալն ի գերեզմանի. Եւ միւս Դիոնեսիոս Աղեբսանդրացի գրէ ընդդէմ Պաւղոսի Սամուտացւոյ այսպէս. Զթիկունս իմ ետու ի հարուածս և զծնաւտս իմ

յապտակս. և զերեսս իմ ոչ դարձուցի յամալթոյ ընդ երեսս թքանելոյ. Ո՞վ իցէ սա եթէ ոչ Աստուած՝ որ եթուք յերկիր և արարեալ կա՛ն՝ երաց զաչս կուրին: Եւ դարձեալ ասէ. Զի-նուորքն զպատմուճան նորա չկարացին պատառել, իսկ Հերե-տիկոսք զՈրդին Աստուծոյ պատառել կամին և բաժանել յերկուս, զայն՝ որ միայն անքննելին է և անբաժանելին՝ Քրիստոս: Տեսանե՛ս զի որք յերկուս բնութիւնս բաժանեն զՔրիստոս պատառել կամին զմիութիւն նորա, որպէս և Տրէպքն զպատմուճան նորա, այլ ոչ կարեն. որպէս և ոչ նորա զպատմուճանն, ըպց ինքեանք բաժանին ի Քրիստոսէ, որպէս և Տրէպքն:

Եւ դարձեալ ասէ Դիոնեսիոս, նա ետ նոցա մեղր, և նորա ետուն նմա յեղի, նա ետ նոցա մանանայ, և նորա ետուն նմա քացախ, և ի սուրբ խաչին կախեցին զայն՝ որ զոչնչէ՛. կախեաց զերկինս որ էն կեանք ամենայն կենդանեաց: Տեսանես զի զարարողն երկնից և երկրի ասաց ի խաչին. Եւ դարձեալ ասէ. Ծանեաք թէ չէր մարդ՝ որ խաչեցան, այլ սուրբ Միածինն Յիսուս Քրիստոս Բանն և Որդի Աստուծոյ, քանչի՛ ոչ յափշտակութիւն համարեցաւ զիննելն հաւասար Աստուծոյ, այն որ յանձըն իւր էառ զսուրբ խաչն՝ որ Բանն էր Աստուծոյ և Որդի, այլ մեր Աստուած և Տէր՝ որ խաչեցան ի փայտին: Եւ դարձեալ ասէ. Աստուած էր այն՝ զոր խաչեցին Տրէպքն, և որդի էութեան Հաւր ծնաւդի Տես հաւաստեալ զի զհաւասարն Հաւր զԲանն Միածին զէակիցն և զփառակիցն Հաւր և Հոգւոյն զՅիսուս Քրիստոս՝ զՏէրն և զԱստուածն բոլորից՝ ասաց ըւեռեալ ի խաչին, և ոչ զտկար ոմն մարդ որպէս կարծեցին Տրէպքն և այլք՝ որք խորհրդակից լինին Տրէպքն, մարդ համարելով զխաչեցեալն, և ոչ Աստուած ճշմարիտ, որպէս քարոզեցին հարքն սուրբք: Վասն որոյ սքանչելագործն Գրիգոր ասէ, Թէ որ ասիցէ, այլ է որ չարչարեցան, և այլ է որ ոչն չարչարեցաւ, և ոչ խոստովանեսցի առանց չարչարանաց զԲանն մարմնով իւրով չարչարեալ առանց փոփոխելոյ, նպովեալ լիցի: Արդ որք երկուս առան զբնութիւնն Քրիստոսի, ոչ ապաքէն զմինն չարչարելի կամին ասել և զմիւսն անչարչարելի և անկանին ընդ նզովիւք: Իսկ որք ճողոպրելն կամին ի նզովից հարցն սրբոց, մի բնութիւն խոստովանեսցին Քրիստոսի, զնոյն չարչարեալ կամաւորութեամբ, և զնոյն մնացեալ անչարչարելի, որպէս և վայել էր իսկ նմա. Իսկ թէ որպէս չարչարելի, կամ որպէս անչարչա-

րելի, ինքն միայն գիտէ. իսկ այլ ոք ոչ բնաւ, ոչ վերինք և ոչ ներքինք: Որպէս և Մովսէս ասէ, թէ՛ Յայտնիքն մեզ և որդւոց մերոց, և ծածուկքն Տեառն Աստուծոյ մերոյ: Եւ Գաւթիթ ասէ, Ամենայն գործք նորա հաւատով են, և ոչ բնուածեամբ: Եւ Պաւղոս ասէ, Հաւատովք իմանամք զնա և զպաւրութիւն յարուածեանն նորա, և զհաղորդութիւն չարչարանաց նորա: Ահա ասիկ հաւատովք ասէ գիտել զչարչարանացն Քրիստոսի և ոչ բնուածեամբ:

Իսկ արդ եթէ սրբոց մարգարէիցն և առաքելոցն անբնունելի է գործքն Քրիստոսի, որչափ ևս առաւել մեզ, քանզի բնուածիւն անհաւատութեան է նշանակ. իսկ ճշմարիտ հաւատոյ նշանակ է զոր լսէ ի գրոց սրբոց և հաւատայ հաստատութեամբ և ոչ մտարբրէ բննել ամենեին, այլ խոստովանի զեղիալսն և ոչ բննէ զորպէսն, այլ հաւատայ ճշմարտութեամբ և պատուէ լուծեամբ, որպէս մարգարէքն և առաքելայն և սուրբ վարդապետք եկեղեցւոյ. որպէս Աթանաս ասէ. Զխաչեցեայն ի Պոնտացւոյ Պիղատոսէ. զնա ասացին առաքելայն Աստուած, և զնոյն մարդ, զնոյն յերկնից, և զնոյն յերկրէ, զնոյն Որդի Աստուծոյ, և զնոյնն որդի Գաւթի, զնոյն չարչարելի, և զնոյն անչարչարելի, ոչ այլ ոք և այլ, ոչ երկուս դէմս, ոչ երկուս բնութիւնս, ոչ երկուս երկրպագութիւնս: Զի՞նչ պէտք են խնդրել և բանակուիլ լինել, հաւատայն է աւգտակար և պաշտել և երկրպագել լուծեամբ: Գիտեմ զնա Աստուած անչարչարելի, և զնոյն որդի Գաւթի չարչարեալ, ոչ գիտեմ զիմարդ չարչարելի և զիմարդ անչարչարելի, կամ նոյն ինքն զիմարդ Աստուած կամ զիմարդ մարդ: Մի՞ գուցէ զիմարդն խնդրելով անկայց ի բարեացն որ առաջի կայ: Տեսանես զի ի միոյ ասէ զամենայն զչարչարելին և զոչ չարչարելին և զայլ ամենայն, և զորպէսն ասէ, ոչ գիտեմ: Իսկ եթէ երկուս բնութիւն էր, զիմարդ ոչ գիտէր, ոչ միայն Աթանաս, այլ ամենեքեան գիտէին զնա յայտնապէս, թէ մինն չարչարելի է և միւսն անչարչարելի, այլ զի մի բնութիւն էր և ի վերայ միոյ է ասացեալ ամենայն, վասն այնորիկ անբննելի և անգիտելի է ի բոլորից:

Եւ դարձեալ ասէ, Հրէայքն զՏէրն և զԱստուած և զԹագաւորն ամենայնի և զամենեցուն զհրեշտակացն զՏէր խողխողեղ ձեռնարկեցին, ոչ գիտելով թէ կենդանութիւն է խողխողեայն ի նոցանէ Քրիստոս: Եւ դարձեալ ասէ. Թերևս տեսանելով զՏէրն

և զՓրկիչն և զԹագաւորն բոլորից դատեալ ի Պոնտացւոյ Պիզատոսէ, խաչեալ ի Տրէից սկսանիցի զակն ի վայր արկանել, քանզի և արեգակն խաւարեցոյց զընդհանուրս, տեսեալ զՏէրն՝ զտուիչ պատուիրանի իւրոյ չարչարեալ ի Տրէից: Եւ դարձեալ ասէ, Իսկ Պիղատոս զպատասխանին զճարեալ ոչ այլ ինչ էր, բայց հաւատալ զգատեցեալն լինել Աստուած, և երազով կնոջն և քաջութեամբ լուծեան ի միտ առեալ ծանիցէ, եթէ ոչ զմարդ, այլ զԱստուած դատի: Եւ դարձեալ ասէ. Խոստովանեցին ապա և որոց յառաջագոյն ուրացեալք զխաչելեալն զոչ Աստուած վրիպեալք, և հաւանեցին բոլորից աստուածաշունչ գրոց. և մանաւանդ Թովմայի. զի յետ տեսանելոյ ի նա զնշանս բեռացն ասէ, Տէր իմ և Աստուած իմ: Եւ դարձեալ ասէ. Ոչ որ կարէ գիտել զԱստուած, եթէ ոչ զխաչեալն և ի մեռելոց յարուգեալն խոստովանեցի ընդ սրբոյն Թովմայի, Տէր և Աստուած, որ ասաց ցառաբեալսն իւր, Թէ զիս գիտէիք և զչայրն իմ գիտէիք: Տեսանե՛ս զի ուրացողս և աստուածս ասէ զայնոսիկ՝ որք զխաչելեալն ոչ խոստովանին Աստուած: Արդ յայտ է թէ Աստուծոյ է խաչն և ոչ մարդոյ: Որպէս ասէ Յուլիոս Հռովմայեցի Երանեալ է ասէ, որ ոչ գայթագղեսցի յիս. և գայթակի որ վասն մարմնոյ և կրից նորա փոփոխէ զՓրկիչն և զմարդն ի թերէ Աստուծոյ ախորժէ: Քանզի մարդ ասացեալ զծնիցեալն, և մարդ զխաչեալն, մարդ ի թերէ Աստուծոյ փոփոխեաց, ոչ կարացին գտանել առ ի յԱստուծոյ փրկութիւն, քանզի կեցուցանէ որ կրեացն զչարչարանսն կեցուցանէ որ ի կնոջն ծնաւ, ապա ուրեմն թէ ապրեցուցանելն Աստուծոյ է, և նորոգելն զաշխարհս ոչ միւսոյ ուրեմն է: Իսկ ապրեցուցանէ ծնիցեալն և խաչեցեալն, ոչ մարդ էր զոր ծնաւ Կոյսն, և ոչ մարդ՝ զոր խաչեցին Տրէայքըն, այլ Աստուած ծնեալն ի Կուսէն, և Աստուած խաչեալն ի Տրէիցն: Ապա ուրեմն որպէս կոյսն՝ Աստուածածին, և խաչն՝ աստուածախաչ, որպէս և Եփրեմ ասէ, Կոյսն զմարմինն ծնանելով զԱստուած ծնաւ, և է Աստուածածին, և Տրէայքն զմարմինն խաչելով՝ զԱստուած խաչեցին, և են աստուածասպանք: Եւ դարձեալ ասէ, Ո՛վ սքանչելիք, զի ձեռք կաւեղէնք ի հողոյ ստեղծեալ՝ զարարիչն երկնի և երկրի ապտակեաց: Տեսանե՛ս զի զապտակեալն Քրիստոս արարիչ ամենայնի սահմանեաց, Իսկ թէ մարդկային տկար ընութիւն էր մահկանացու և ապականելի, զիարդ որ իշխէր զնա արարիչ երկնից և երկրի ասելչ

ապա ուրեմն ճշմարտապէս աստուածային ընութիւն էր ապտակեալ ի ծառայէն անմահ և անապական: Վասն որոյ դարձեալ ասէ Եփրեմ. **Ձնոյն իսկ զԱստուած Բանն տեսնել կախեալ զփայտէ և սպանեալ յաղագս մեղաց մերոց:** Եւ դարձեալ ասէ յառաքելոյ մեկնութեանն, **Թէ՛ Մինն վասն ամենեցուն մեռաւ, Նոյնպէս և մք վասն նորա պարտիմք մեռանել: Տեսանես զի զմինն Աստուած զԲանն Հայրական զնա ասաց սպանեալ ի խաչին, վասն մեղաց մերոց, և ոչ զմարդ որ զուզնաբեայ: Եւ դարձեալ ասէ Եփրեմ ի գիրս Հաւատոց Աստուած որ եկն տալ նոցա կեանս յերկրի իւրեանց, կալան և կապեցին զփայտէ: Արդ մարգարէքն՝ որ կոտորեցան, ոչ կարացին խլել զբաղաբն սպանող, վասն զի արարածք էին, իսկ Աստուած որ խաչեցաւ ի միջի նորա, կործանեաց զնա, վասն զի դիւրին էր այնմ որ տընկեաց զնա շնորհաւք, խլել զնա ստուգութեամբ: Եւ դարձեալ ասէ, Ջբարբառն արձակեաց Տէր մեր ի խաչին, լուան ամենայն արարածք, և ծանեան զչայն նորա թէ նա է Հաստիչն իւրեանց և ի միասին զճիշ բարձին ամենայն արարածք, զի կարծեցին թէ այն՝ որ ի վերոյն է բան զմահ ի ներքոյ մահու փակեցաւ, իբրու չէին տեղեակ թէ կալաւ զմահ և ելոյծ զնա յիշխանութենէ իւրմէ: շիջաւ արեգակն՝ ճրագն աշխարհի, զի խաչեցաւ լոյսն աշխարհի, մեղկեցան արարածք յանկանել, փոխանակ զի կապեցաւ և կծկեցաւ ի վերայ խաչին զաւրութիւնն այն՝ յորմէ ծալեալ են և կապեալ ամենայն արարածք, զի մի լուծցին և ցրուեցին:**

Եւ Յովհանն Ոսկերերան ի յԵսայոյ մեկնութեանն ասէ, **Թէ Հարցանէ որ ցիս, թէ զի՞նչ մեծ արար Քրիստոս. ես թողից զամենայն արարածոց լինելութիւն ի նմանէ եղելոց յոչընաչէ, թողից զմեռեալս յարուցանելն, և զհացին աճեցուցանելն, և զկոյրս լուսաւորելն. և որ մեծն է բան զամենայն խաչն՝ զայն ասացից, Խաչեցաւ ասեմ և ապտակեցաւ և թուք յերեսս ընկալաւ, և այս Աստուծոյ գործ է և ոչ մարդոյ: Եւ դարձեալ ասէ. Սեղանս այս կանգնեալ ոչ այլ ինչ, բայց զմահն Աստուծոյ նշանակէ որ վասն մեր: Տեսանես՝ զի զգործ խաչին յորում քարձրացաւ Աստուած՝ մեծ ասաց բան զամենայն գործս Աստուծոյ, որ արարեալ է Աստուծոյ ի սկզբանէ մինչև ցայսուր: և զի՞արդ յանդպին սմանք նուազ և տրուպ ընութեանն ասել զխորհուրդ խաչին, զի ահա մեծ և սքանչելի է բան զամենայն: Ջոր և Բարսեղ Կեսարու ասէ. **Թէ՛ Ոչինչ երկինք և ոչ երկիր,****



և ոչ մեծութիւն ծովու, և ոչ ամենայն արարածոց լինելութիւն յանգղից այնպէս յայտնի կարէ կացուցանել մեզ զամենակարող և զբանջելի գարութիւնն Աստուծոյ, որպէս շարամանիլ անմահ բանին Աստուծոյ ընդ մահու պարունակութեամբ:

Եւ արդ զհարգ որ իշխէ մարդոյ բնութեան ասել ըզխաչն. զի ահա ճշմարիտ Աստուծոյ ասացին զխաչն ամենայն սուրբ վարդապետք եկեղեցւոյ, և ահաւոր և զարմանալի, և գլուխ ամենայն խորհրդոցն Աստուծոյ՝ զխաչն սահմանեցին: Որպէս և Պրոկղ ասէ, բնութեամբ անչարչարելին՝ եղև զթութեամբ բազմաչարչարելի: Եւ Կիւրեղ Աղբբսանդրացի ասէ. Յասելոյն չարչարիլ, ոչ աւտարացուցանեմք զԲանն, զի մի՛ նախ քան զայս, ըստ մարմնոյ ծնունդն, ոչ նմա, այլ, այլու՞մ ռմբբ ասիցեմ գոր, եւ դարձեալ ասէ. Չար հնարիւք փորձին փոխադրել ի մարդ առանձնապէս զչարչարանսն. բարեպաշտութիւն վնասակար անհանձարաբար խորհեցեալ, զի մի Բանն Աստուծոյ խոստովանեցի փրկիչ, որպէս զիւրն վասն մեր տուեալ արիւն, այլ յաւէտ մարդ առանձնապէս միացեալ, և զաստուածային խորհուրդս մեր ի պաւրութիւն մարդապաշտութեան կացուցանեն: Տեսանե՛ս զի որք մարդոյ ասեն զխաչն և զչարչարանսն, ոչ խոստովանին փրկիչ զԱստուած, այլ ի մարդ է յոյսն նոցա, և փոխանակ Աստուծոյ պաշտեն զմարդ մահկանացու, և ոչ գտանեն փրկութիւն ի մահուանէ: Վասն որոյ դարձեալ ասէ Կիւրեղ, Չարահնարութեամբ ասեն ոմանք մարդկայնով բնութեամբ չարչարել Քրիստոսի, որպէս ի թաց որոշեալ զմարմինն ի Բանէն, և արտաքս ելեալ առանձնապէս, զի երկուս իմասցին և ոչ մի զմարմնացեալ և զմարդացեալ չաւրէ զԲանն: Իսկ անորոշապէս դնել թուի ի մէջ ուղղակի հաւատոյ նշանական, բայց նոքա ոչ այսպէս իմանան: Տեսանե՛ս, զի որ մարդկային բնութեան ասեն զչարչարանս, երկուս կամին առնել զմինն և զմիայն մարմնացեալ Բանն Աստուած, զոր և Պաւղոս ի գործս առաքելոցն ասէ, թէ՛ Բանն ձեզ փրկութիւն առաքեցաւ, յորմէ անծանալթացան իշխանքն Հրէից ըստ մարդարեութեանն. կալեալ կախեցին զնա զփայտէ, իջուցեալ ի փայտէն եղին ի գերեզմանի: Եւ արդ ո՛վ իշխեսցէ երկմտել թէ իցէ՛ խաչն Աստուծոյ թէ չիցէ, զի ահա զԲանն ասաց ի խաչին, և ոչ զայլ որ:

Եւ արդ աներկմիտ հաւատով խոստովանեցուք զՆախն Աստուծոյ, և զմարմնացեալ Բանն Աստուած բեւեռեալ ի նմա միով բնութեամբ և միով անձամբ՝ Որպէս ասէ Գրիգոր Աստուածաբան, թէ՛ Արիւն Աստուծոյ և չարչարանս և մահ լսելով մի՛ ուրեք ի վայր անկցիս անաստուածաբար իբրև Աստուծոյ ջատագոփ, Տեսանես զի անաստուած ասաց զայն՝ որ ոչ հաւատայ զչարչարանսն և զմահն Աստուծոյ վասն մեր: Եւ դարձեալ ասէ, Կարուտացաք Աստուծոյ մարմնանալոյ և մեռանելոյ զի կեցցուք: Եւ դարձեալ ասէ, Աստուած խաչեալ և արեգակն խաւարեալ զի պարտ և արժան էր ընդ արարչին չարչարակից լինել և արարածոցս: Տեսանես զի զարարչն ասաց չարչարիլ և ոչ զայլ որ, և դարձեալ ասէ ի Բարսղի Ճառին, զԱստուած խաչեալ տեսանելով և զնոյն ընդ աւազակս: Եւ դարձեալ ասէ ի Վղղիանոսի Ճառին, Եթէ որ խաչելոյն Աստուծոյ երկիր ոչ պագանէ, եղիցի նշովեալ, և կարգեսցի ընդ աստուածասպանսն: Տեսանես զի հրէայքն աստուածասպանք են և ոչ մարգասպանք, և որ զխաչեցեալն Աստուած Ճշմարիտ ոչ խոստովանի և ոչ երկրպագէ նմա ընդ Հաւր և Հոգւոյն սրբոյ, այնպիսին ասէ եղիցի նշովեալ իբրև զՀրէայսն:

Արդ վասն այսչափ բազմութեան վկայիցս՝ որ շուրջ ըզմեաւք մածեալ են, որք միարանութեամբ գոչեցին, զաւրուութեամբ Հոգւոյն սրբոյ և ասացին, թէ խաչեալն Յիսուս Քրիստոս՝ Աստուած է Ճշմարիտ, Միածին Որդի Հաւր, համազոյ և էակից Հոգւոյն սրբոյ, սկսեալ ի Մովսէսէ ամենայն մարգարէքն և սուրբ առաքեալքն և հոգելից վարդապետքն եկեղեցւոյ՝ զորս յիշատակեցաք յանուանէ, և զրանսն նոցա առաք ի վկայութիւն, ամենեքեան միաբան Աստուած հզաւր և անմահ ասացին զխաչեալն և զչարչարեալն վասն մեր: Յաղագս այնորիկ, և մեր համարձակածայն բարբառով և բազում աշայրջութեամբ գոչեմք առ նա միշտ յերեկոյս և ի վաղորդեան և ի հասարակ աւուր ասելով: Սուրբ Աստուած՝ որ ի յերկրի երևեցար, որպէս ասէ մարգարէն. Աստուած եմ ես ի միջի ձերում սուրբս և ոչ մարդ. Սուրբ և Հզաւր՝ ըստ այնմ թէ՛ Տէր հզաւր զաւրութեամբ իւրով: Տէր հզաւր ի պատերազմի. Սուրբ և Անմահ, ըստ այնմ թէ՛ Տեսանիցէք զանմահ կեանս ձեր կախեալ զփայտէ. արդ որ խաչեցար վասն մեր Աստուած հզաւր և անմահ, ողորմեաց մեզ:

Եւ զայս աւանդեցին մեզ սուրբ առաքեալքն և յետ նոցա սուրբն Իգնատիոս աշակերտ աւետարանչին Յովհաննու՝ եպիսկոպոս Անտիոքու, լուեալ ի զաւրաց երկնաւորաց՝ որք երգէին զփրկութիւնն զոր արար Որդին Միածին աշխարհի, թէ Պարտէ ամենայն աուր խոստովանել և ասել. Սուրբ Աստուած՝ Տրւալուր և անմահ՝ որ խաչեցար վասն մեր ողորմեա մեզ: Եւ զայս պատմէ Սոկրատէս. Յունաց իսկ պատմագիրն, թէ Իգնատիոս իսկ հաստատեաց զեկեղեցին Անտիոքու զուեսալն ի զաւրաց երկնից, և անտի յընդհանրական եկեղեցի որ յաշխարհի՝ սրբառեալ հաստատեցաւ. Վասն որոյ Յովհան Ոսկերերան հակառակ Արիանոսացն՝ որք ոչ խոստովանէին զխաչելեալն Աստուած ճշմարիտ, համազոյ Հաւր, հրամայեաց հանապազաւր առաւուտու երգել և ասել. Սուրբ Աստուած հզաւր և անմահ որ խաչեցար վասն մեր, ողորմեա մեզ: Իսկ Արիանոսն ոչ ժուժեալ ճշմարիտ խոստովանութեանն՝ մարտ պատերապմի սաստկապէս արարին ընդ ուղղափառսն, որպէս պատմէ նոյն Սոկրատէս, որ էր կոստանդնուպաւսեցի, ականատես Ոսկերերանին Յովհաննու, և ականջալուր աւանդութեանց նորա. Իսկ եթէ Յոյնք ոչ ընդունին զպատմութիւնն Սոկրատեայ և զաւանդութիւն երանելոյն Յովհաննու, յայտնապէս վարդապետացն իւրեանց լինին անարգիչք, որպէս և Հրէայք մարգարէիցն: Բայց թէ զայս ոչ ընդունին զուցցեն յաստուածեղէն գրոց թէ ո՛ր ի սրբորոց հարցն ասաց, Սուրբ Աստուած առանց խաչեցարի, և յորժամ գիրս գրեալ է. Ապա թէ ոչ կարեն ցուցանել, ուրեմն ճշմարիտ է պատմութիւնն Սոկրատեայ. Վասն որոյ և մեք ընդ սուրբս, և ընդ Իգնատիոսի և ընդ Ոսկերերանին Յովհաննու խոստովանեալ եմք և ասեմք ի սկզբանէ մինչև ցայսաւր, Սուրբ Աստուած հզաւր և անմահ, որ խաչեցար վասն մեր, ողորմեա մեզ: Եւ ոչ միայն մեք, այլ և Եգիպտացիք, և Ափրիկեցիք, և արևմտեան Հնդիկք. և Եթովպացիք, և Հոտովմայեցիք, և Սպանիացիք, և մեծ ազգն Փռանշաց, և արևելեան Հնդիկք, և Ճենաստանեայք, և Ասորիք, և ազգ մի ի Հոնաց աշխարհին, և Աղուանք, և մեք Հայաստանեայքս: Այս ազգք երկոտասան միաբան ամենեքեան ասեմք. Սուրբ Աստուած հզաւր և անմահ, որ խաչեցար վասն մեր, ողորմեա մեզ:

Իսկ Յոյնք, և որք հաւան եղեն Յունաց՝ վրացիք և մասն ինչ Այորուց որք ի նեստորէ խաբեցան, ոչ ասնն զխաչելեալն

Աստուած՝ Տղաւր և անմահ՝ որ խաչեցաւ վասն մեր, և ոչ խնդրեն որդրմութիւն յանմահէն Աստուծոյ, որ կամաւ յանձն էառ վասն կենաց մերոց: Բայց եթէ Յոյնք ընդէ՛ր կացին ի քաց ի միաբանութենէ ընդհանրական եկեղեցւոյ, ծաղու արժանի են բանքն՝ որ պատմի ի մէջ Յունաց: Ասեն թէ, յետ բազում ամաց անցանելոյ, յետ ժողովոյն Քաղկեդոնի, պատանի ժմն ի Աոստանդնուպաւլիս յափշտակեցաւ յաւդս, և բարոյեաց նոցա մի՛ ասել զխաչեցարն ի Սուրբ Աստուածին: Եւ արդ՝ միթէ զեռագիւտ էր սատանայի չարութիւնն, թէ ոչ զիտէր պատրանաւք խաբել զմարդիկ որպէս և զամենայն հեթանոսս ի կերպս կերպս եղեալ մոլորեցոյց զնոսա: Եւ արդ չէր ինչ նմա զժուար ի կերպս պատանւոյ կամ հրեշտակի լուսոյ լինել և խաբել զմարդիկ, ըստ որում ասէ առաքեալ, եթէ Իշխանի աւղոյս այսու: Արդ զի՞արդ բազուս իմաստութեամբն խաբեցան Յոյնք, որպէս նոր աւետարան ի յաւդական այսոյն ընկալեալ ճեղքեցան ի միաբանութենէ առաքելական եկեղեցւոյ և մոռացան զասացեալն Պաւղոսի, Թէ որ աւելի աւետարանէ ձեզ բան զոր առէքն ի մէնջ, թէ և հրեշտակք յերկնից է և մարդ յերկրէ, նշովեալ եղիցի: Եւ արդ ահա պատանին այն՝ յաւդս յափշտակեալ ի զիւաց ի վերին աւդս, և կամ թէ դե որ կերպարանեցաւ ի նմանութիւն պատանւոյն՝ առ ի խաբել զմարդիկ, հակառակ խաւսեցաւ Պաւղոսի և ընկերաց նորա, ոչ տալ խոստովանել Աստուած Տղաւր և անմահ զխաչելեալն:

Քանզի Պաւղոս Տէր փառաց ասէ զխաչելեալն, և զբան խաչին զարութիւն Աստուծոյ, ասէ, ի փրկութիւն մեզ, և զՈրդին Աստուծոյ, ասէ, մոռեալ վասն մերոյ հաշտութեան ընդ Հաւր, և զԲանն առաքեալ ի Հաւրէ, ասէ, կախեալ զփայտէ իշխանացն Հրէից և եղեալ ի գերեզմանի, Եւ Եսայի ասէ, Ժողովուրդ իմ տեսցէ զփառս Տեառն և զբարձրութիւն Աստուծոյ մերոյ: Եւ Յովհանն Ասկերերան մեկնէ զբան մարգարէիս և ասէ. թէ՛ Բարձրութիւն Աստուծոյ խաչն է: Եւ դարձեալ Եսայի ասէ. թէ՛ Ինքն եկեացէ և փրկեսցէ, և ոչ այլ որ: Եւ Պաւլոս ասէ. Աստուած փրկեսցէ զանձն իմ ի զժոխոց. և ոչ այլ որ, Եւ ահա որ խաչեցան՝ նա փրկեաց զմեզ ի զժոխոց: Նոյնպէս և ամենայն սուրբ մարգարէքն և առաքեալքն և վարդապետք եկեղեցւոյ, զնոյն գոչեցին. թէ Աստուած է Տղաւր, և անմահ խաչեցեալն վասն մեր: Իսկ պատանին այն հակառակ

Պաւղոսի և ամենայն սրբոց խաւսեցաւ, և նզովեցաւ ի Պաւղոսէ որ Գրիստոսի . . . . . և ասէր. Թէ որ աւետարանեցէ ձեզ աւելի քան զոր առէքն, նզովեալ լիցի ՚Իսկ Յոյնք ոչ ի մացան թէ վեց հարիւր ամ յառաքելոցն մինչև ի պատանին յայն, ամենայն բրիստոնեայք ասացին զՍուրբ Աստուածն՝ խաչեցարիւն հանդերձ, Եւ արդ հակառակ առաքելոցն և ամենայն սրբոց հարցն՝ չէ արժան առնել ինչ, և նզովի ՚ի նոցանէ բառիւ պատանեոյ միոյ յափշտակելոյ ի դիւաց:

Քանզի և սուրբ Ժողովն Նիկիայ, զԱստուածն յԱստուծոյ, և զլիցսն ի լուսոյ ասացին խաչեալ և թաղեալ և յարուցեալ: Վասն որոյ և մեր պարծանաւք ասացուք միշտ թէ, Խաչեալդ Աստուած հպար և անմահ, որորմեա մեզ, Որպէս և ինքն ասաց. թէ՛ Ձմահ իմ պատմեցէք մինչև գամ ես: Եւ Պաւղոս ասէ, Ինչ մի՛ չիցի պարծել, բայց միայն ի խաչն Տեառն մերոյ Յիսուսի Գրիստոսի: Եւ դարձեալ ասէ, եթէ՛ Ձմահն Տեառն պատմեցէք մինչև եկեսցէ նա: Իսկ որք ոչն պատմեն զմահն Տեառն Աստուծոյ պարծանաւք, ամաչեն ի նմանէ յաւուրն դատաստանի, որպէս և ինքն ասաց, թէ՛ Որ ամաւթ համարի զիս և զբան խաչին իմոյ, և ես յամաւթ արարից զնա՝ յորժամ գամ փառաւք Հաւր իմոյ, Արդ յիրաւի ամաչեն ի նմանէ յաւուրն յայնմիկ այնորիկ որ մարդ ասեն զխաչեցեալն ընդ Հրէիցն և ոչ ամաչեն, քանզի նա Աստուած է ճշմարիտ. իսկ նորա մարդ ասելով յուսան ի նա իբրև ի մարդ հասարակական և ոչ զարհուրին ի նզովից Երեմիայի մարգարէի, որ ասէ, Անիծեալ է որ զնէ զյոյս իւր ի մարդ մահկանացու, և ապաստան լինի ի մարմին բազկի նորա, ի Տեառնէ ի բաց անկաւ անձն նորա, և եղիցի իբրև զմոշ վայրի յանապատի, և մի՛ տեսցէ զբարութիւնսն յաւիտենից:

Ահա ցոյցք յայտնիք, թէ որք մարդկային բնութիւն յաւկացեալ իմանան ի Գրիստոս յետ անպատմելի և անճառ միաւորութեանն, և այնպէս մարդկութեան բնութեանն տալով զչարչարանսն յուսան ի նա, և մարմին մահկանացու խոստովանին զքաղուկսն աստուածեղէն տարածեալսն ի խաչին, և նորին խորհրդով ապաստան լինին ի նա, այնպիսիքն սաստկապէս անիծիւք նզովիւք ըմբռնին ի մարգարէէն, և որոշեալ լինին անձինք նոցա ի Տեառնէ Աստուծոյ, և ոչ տեսցեն զյաւիտենական բարութիւնսն որ պատրաստեալ է այնոցիկ՝ որք ճշմարիտ Աս-

տուած խոստովանին զխաչելեալն, և անմահ և անապական զբա-  
ղուկս նորա տարածեալս ի խաչին, և այնպէս ապաստան լինին  
ի նա իբրև ի բազուկ աստուածեղէնս, և ոչ ի մարդկեղէնս:  
Որպէս Մովսէս իսկ վկայէ թէ՛ Ի զաւրութենէ՛ բազկաց մշտն-  
ջենաւորաց մերժեսցէ յերեսաց զթշնամին, և ասիցէ թէ կորիւր:  
Արդ՝ տեսանեն զի մշտնջենաւոր ասաց զբազուկսն խաչեցելոյն,  
որ խաչին իւրով մերժեաց զթշնամին յերեսաց մերոց և կո-  
րոյս զնա իսպառ: Ասան այնորիկ յիրաւի նզովէ զայնպիսինս  
Երեմիա որք հակառակ Մովսէսի և զմշտնջենաւոր բազուկսն  
խաչեցելոյն առ ժամայն և մահկանացու ասեն, և այնպէս վստա-  
հանան ի նա իրրև ի մարմին մահկանացու, վասն այնորիկ ոչ  
ապատին ի յաւիտեանական ի մահուանէն, ըստ այնմ թէ՛ նման  
եղիցին այնոցիկ որք յուսացեալ են ի նոսա, և ամենեքեան որք  
վստահանան ի նոսա: Զի ահա որք ի մահկանացու վստահա-  
նան ամենայն հարկաւորութեամբ մահաւոր ըմբռնին: Իսկ որք  
ի կեանս յուսան, ամենայն հարկաւորութեամբ և կենաւք պար-  
տակեալ լինին:

Եւ ահա ամենայն աստուածաշունչ զիրք հին և նոր, Աս-  
տուած ճշմարիտ ասացին զխաչեալն և . . . . . անապական  
և մշտնջենաւորս զբազուկսն տարածեալս ի խաչին: Իսկ որք  
մարդ համարին զնա . . . . կանացու և ապականացու, և այն-  
պէս յուսացեալ՝ լինին ապաստան ի մարմին բանի նորա իբրև  
յառժամայն մարդոյ, վասն այնորիկ յարժանի և յիրաւի նզովէ  
զնոսա Հոգին սուրբ ի բերանոյ մարգարէին Երեմիայի: Իսկ մեր  
Աստուած ճշմարիտ խոստովանեսցուք զխաչելեալն Յիսուս Քրիս-  
տոս, և անմահ և անապական զմարմին նորա, և այնպիսի յու-  
սով ապաստան լիցուք յաստուածային և մշտնջենաւոր բազուկս  
նորա տարածեալս ի խաչին, զի արժանի լիցուք աւրհնութեանց  
որ զինի անիծիցն եղեալ է ի նոյն մարգարէէ, Աւրհնեալ է,  
ասէ, մարդ որ դնէ զյոյս իւր ի Տէր, և եղիցի Տէր յոյսն նո-  
րա: Եւ արդ մեր ի Տէր յուսացաք և ոչ ի ծառայ, յԱստուած  
և ոչ ի մարդ, յանմահ և յանապական մարմին Աստուծոյ, և ոչ  
յեղծանելի և ի մահկանացու մարմին մարդոյ, յաստուածային  
և յամենապար բնութիւն, ոչ ի մարդկային տկար և ապակա-  
նացու բնութիւն, ի բազուկս մշտնջենաւորս որպէս Մովսէս, և  
ի կենարարս և յամենարաւականս որ սփռեցաւն ի խաչին և ժո-  
ղովեաց զմեզ առ ինքն յամենայն կողմանց, յարևելից և յա-

րեմտից, ի հիւսիսոյ և ի հարաւոյ, որպէս ասէ մարգարէն.

Իսկ թէ յամառի ոք ասել, թէ զիարդ եղև այնպիսի սքանչելի և աներկբայ միութիւն բանին և մարմնոյն, այսմ պատասխանէ Գիտնեսիոս Արիսպագացի և ասէ, թէ՛ քան զամենայն Աստուածարանութիւն յայտնագոյն ըստ մեզ Յիսուսի աստուածաստեղծութիւնն, և անճառելի է ամենայն բանի, և անգիտելի է ամենայն մտաց, և նորին նախնագունի և առաջնոյ հրեշտակին քան զամենայն նախնագոյն հրեշտակս, զի անգիտանամք թէ՛ իրպէս ի կուսական արեւէ այլ այլ աւրինակաւ քան զընութիւնն ստեղծանիւր: Եւ Գրիգոր Աստուածարան ասէ. Ո՛վ նոր խառնմանս և սքանչելի խառնուծաոյս: Եւ արդ նոր ասելով զարմանալի և սերտագոյն միութիւն ասաց լինել Բանին և մարմնոյն, քան զհոգւոյ ընդ մարմնոյն, և քան զհոգւր ընդ երկաթ, և քան զչուր ընդ փայլակն մարգարիտ լեալ: Վասն զի նորն չքնաղ ինչ ասի և անծանաթ եկեալ ի լսելութիւն, և չէ երբէք ծանուցեալ ումեք և ոչ ինքնութիւն եկեալ ոչ ի վերնոց և ոչ ի ներքնոց: Արդ՝ զի՛արդ Յոյնք զնորն և անծանաթն բոլորից ի բնութիւն իշխեն մտարերել, և անհաւատս լինել բնութեամբն զմին յերկուս բաժանելով: Քանզի և Աթանաս զայնպիսի բննողսն անհաւատս իսկ ասէ, ընդդէմ Պաւղոսի Սամուստացւոյ խաւսելով ասէ, Գիմեցին ի յիբրն, և որով եղանակաւ և որով հետեութեամբ յանհաւատութիւն անկեալք և սոքա: Եւ բնակարան փոխանակ մարմնաւորութեանն կապեցին, և փոխանակ միաւորութեանն ներգործութեամբ մարդկային: Եւ փոխանակ միոյ ենթակացութեանն Տեառն մերոյ երկուս ենթակացութիւնս և դէմս, և փոխանակ սրբոյ Երրորդութեանն՝ չորրորդութիւն, անվայելչաբար և անաւրինապէս խորհեցեալ: Չի ահա անվայելչաբար ընդ Աստուծոյ շարայարեն մարդ. և ծառայ ընդ Տեառն համարին, և արարած դէմ՝ անարար դիմացն դասակցեն: Իսկ անաւրինաբար զմիւս ենթակացութիւն ի ներքս ածելոյ յԵրրորդութիւնն չորրորդ ենթակացութիւն առնել, աւտար ամենեկին և այլազգի. և ամենայն բանակաց հոգւոյ կատարածական և վերջին:

Տես ստուգապէս, զի որք երկու բնութիւնս իմանան ի Գրիստոս յետ միանալոյն յարգանդին, ծառայ ընդ տեառն կամին դասել, և զԵրրորդութիւնն՝ չորրորդութիւն առնել. Իսկ ապա զի մի լիցի անաւրինեալ քրիստոնէից և՛ անհաւատանալ, մի

բնութիւն խոստովանելով, և մի կամք նորա աստուածայինը, և զորպէ՛սն մի բննեսցուք, զի բննութիւնն անհաւատութիւն առնէ: Այլ լուիցուք աստուածայնուոց զրոց, զի ահա մի ասագին զՔրիստոս, և հաւատասցուք առանց բննութեան: Որպէս ասէ Նիւսեայ Գրիգորի ի մարդոյ բնութեանն թէ՛ Աստուած բանն ոչինչ ի կցորդութենէն որ առ մարմին և անձն՝ այլայլեալ, և ոչ ընդունակ եղեալ նոցա տկարութեանն, այլ յաւէտ փ - փոխեալ զնոսա և հաղորդեցուցեալ իւրոյ աստուածութեանն՝ լինի նորաք մի, մնացեալ մի, և այնպէս մի, որպէս և էր նախ քան զմարմնանալն, նոյնպէս և յետ մարմնանալոյն մարմնովն հանդերձ ստուգապէս միութեամբ մի և միայնակ, և Միածին Որդի է Հաւր:

Արդ ո՛ր է երկուութեանն կարծիս յանբակ միութիւնն Քրիստոսի. և ոչ ուրէք: Որպէս դարձեալ ասէ Գրիգոր Նիւսեայ առ հարցումն եղբաւր իւրոյ Բարսղի. ասէ, նա զմարմինն իւր զգենելով ի նոյն պատկեր ինքեան փոփոխեաց, և նա ասէ. Այո՛ փոփոխեաց միաւորութեամբ, և ո՛չ մի զանազանութիւն է Բանին և մարմնոյն, և ոչ աննմանութիւն, այլ պարզութիւն, և ոչ ի բազմաց զրութիւն, զի և ոչ ներէր Հայր աննմանոյ իւրոյ տալ զաթոռակցութիւն իւր: Տեսանես զի պարզ ասաց զՔրիստոս և նման Հաւր, և աթոռակից զմարմինն մի՛ բնութեամբ Բանին սահմանեաց: Իսկ թէ երկու բնութիւն էր, ապա չէր պարզ և թէ նման Հաւր, և ոչ աթոռակից աննմանն նմանոյն. իսկ թէ աթոռակից է, որպէս և էն իսկ տիրապէս, ապա հարկ է մի բնութիւն լինել բանին և մարմնոյն յետ միաւորութեանն. զի այսպէս անվրէպ նմանութեամբն առ Հայր. աթոռակից նմա խոստովանեսցի ի բոլորից Յիսուս Քրիստոս: Որպէս և Կիւրեղ Աղեքսանդրացի ասէ, Խոնարհեցոյց զինքն յոր ինչ ոչ էրն, զի և որ ինչ ոչն էր եղիցի մարդկայնոյս բնութիւն աստուածայնոյն գերունակութեանն պատուով և համբարձեալ եղև յաւէտ որ ի վեր քան զբնութիւն: Ահա ասաց լինել զմարդկային բնութիւնն որ ինչ ոչն էր, այսինքն աստուածային եղև:

Իսկ թէ յամառի որ ասել թէ թէ մարդկային բնութիւնն յատկացեալ կայ յիւրութեան առ ընթեր աստուածայնոյն, ապա սուտ է ասացեալն Կիւրղի, Թէ եղև որ ինչ ոչն էր: Իսկ թէ ճշմարիտ է, որպէս և էն իսկ, և եղև որ ինչ ոչն էր, ապա յայտ է թէ մարդկային բնութիւնն՝ աստուածային եղև ստուգապէս



խառնմամբն և միաւորութեամբն, վասն այնորիկ մի բնութիւն Գրիստոսի և մի կամք նորա աստուածայինք, հաւասար և նման շաւր հանդերձ մարմնովն: Եւ արդ զի արդ զասացեալն ի Պաւղոսէ, Որ էրն ի կերպարանս Աստուծոյ, առ զկերպ ծառայի: Յոյնք խոստովանին զերկուս կերպսն միաւորեալ մի կերպ և մի դէմ լեալ անշփոթաբար և անծախապէս: Իսկ զերկուս բնութիւնսն ընդէր ոչ ասեն միաւորեալ, և մի բնութիւն լեալ ամշփոթաբար: Եւ արդ ահա եթէ բնութեանցն միաւորութիւն շփոթումն առնէ, ամենայն հարկաւորութեամբ և դիմացն միաւորութեամբն շփոթումն առնէ և ծախումն ստուգապէս: Եթէ բնութեանցն միաւորութիւն ոչ լինի, ոչ է հնար այնուհետև, և ոչ դիմացն լինել միաւորութիւն, այլ ըստ երկուս բնութեանն և երկուս դէմս հարկաւորաբար, և երկուս որդիս ըստ նետորի չարափառութեանն: Իսկ եթէ ամպարշտութիւն է ասել զայս կամ խորհել. ապա ուրեմն աստուածային կերպն զմարդկայինն առեալ և ընդ ինքեան միաւորեալ՝ մի կերպ եղև ստուգապէս անշփոթաբար:

Նոյնպէս ամենայն հարկաւորութեամբ աստուածային բնութիւնն զմարդկային բնութիւնն ըմբռնեալ և ընդ նմին խառնեալ՝ մի բնութիւն եղև ստուգապէս անշփոթաբար, նոյնպէս և Աստուածային կամք ընդ մարդկայինն խառնեալ՝ մի Աստուածային կամք է Գրիստոսի, և մի ներգործութիւն նորա, զոր ինչ և կամեսցի, զոր աւրինակ և երկնային փայլակն և ծովային ջուրն . . . . խառնեալ յորովայնի ոստրիոսի և գաղտակրի մին մարդարիտ լինի և մի բնութիւն նորա. նոյնպէս և երկնային Աստուածութիւնն և երկրաւոր մարմինս խառնեալ յորովայնի կուսին ի միմեանս, մի Գրիստոս եղև միով բնութեամբ և մի կամք նորա աստուածային ստուգապէս: Արդ եթէ կարող ես ի ներքս ի մարգարտին երկուութեամբ առանձնապէս իմանալ և որոշել ի միմեանց զջուրն և զփայլակն, ապա կարողացիր զքանչելի զսերտագոյն միութիւն աստուածութեան և մարմնոյն, առաւել քան զլրոյն և զփայլականն որոշել, և երկուս իմանալ զմիացեալն բնութեամբ յարգանդի կուսին: Իսկ եթէ զմարգարիտն ոչ կարես բաժանել յերկուս բնութիւնս, առաւել ևս զմինն Գրիստոս՝ չէ հնար երկուս բնութիւնս իմանալ յետ միաւորութեանն:

Դարձեալ յերգս երգոցն ասէ, որպէս խնձոր ի փայտս ան-

տառի, նոյնպէս և եղբաւր որդի իմ ի մէջ որդոց: Եւ արդ խըն-  
 ծոր ի չորից տարերց ժողովեալ ի մի՝ աւրինակ եղև Քրիստոս-  
 սի: Արդ եթէ կարող ես բաժանեա՛ս զչորս հակառակ բնութիւնսն  
 խառնեալս ի միասին և մի խնժոր լեալ, և առանձնացո՛ զխո-  
 նաւն և զցամաքն, զցուրտն և զջերն: Իսկ թէ անկար է զայս  
 առնել, ձրչափ ևս առաւել զՔրիստոս յաստուածութենէն և ի  
 մարդկութենէն ժողովեալ և ի միասին խառնեալ: մի բնութիւն  
 և մի Քրիստոս լեալ, չէ հնար բաժանել յերկուս առանձնու-  
 թիւնս, զի թէ չորս մարմինս միաւորեալս մի խնժոր լինի միով  
 բնութեամբ, որչափ ևս առաւել անմարմին և մարմինն ընդ  
 միմեանս խառնեալ սերտագոյն միութիւն գործեալ՝ մի անձն և  
 մի բնութիւն լինէր անբակտելի միութեամբ:

Եւ արդ եթէ մի անձն է Քրիստոս և մի զէմ, զի՛արդ  
 հնար է ի միում զիմի երկուս բնութիւնս լինել, և ո՞վ զայդ ա-  
 սէ, ո՞վ յարտաքին իմաստնոցն, կամ ո՞վ յաստուածային գրոց,  
 թէ ի միում անձին երկուս բնութիւնս տեսանի, առանձնական  
 կամաւք և ներգործութեամբ, զի ահա ի միում բնութեան բա-  
 ցում անձանց հնար է լինել. որպէս մարդիկ մի բնութիւն գո-  
 լով յանհուն բազմութիւն անձինք են որոշեալք: Եւ նոյն ինքն  
 սուրբ Երրորդութիւնն մի է բնութեամբ և կամաւք, այլ երեք  
 են անձինք կատարեալք: Արդ եթէ յոլով անձինսն մի բնութիւն  
 և մի կամք հնար է լինել, ո՞րչափ ևս առաւել ի միում անձին  
 հարկ է մի բնութիւն և մի կամս լինել. զի թէ զէմն մի է,  
 անդ և գոյացութիւնն և բնութիւնն մի և նոյն է: Իսկ թէ բնու-  
 թիւնն այլ և այլ է, ապա ամենայն հարկաւորութեամբ և զէմք  
 այլ և այլ են: Իսկ արդ եթէ մի բնութիւն երկնչի ասել, մի  
 գուցէ շփոթումն ի ներքս անկանիցի, նոյնպէս և երկուս բնու-  
 թիւնս ասել երկիւղ է, մի գուցէ երկուս զէմն մինն Քրիստոս  
 լինիցի, և Երրորդութիւնն՝ չորրորդութիւն քարոյեսցի, և մի  
 բնութիւն և մի կամք սրբոյ Երրորդութեանն՝ յերկուս կամս  
 և յերկուս բնութիւնս և ի չորս անձինս բաժանի, որ է յետին  
 մոլորութիւն զայս խորհել:

Բայց ասացեն մեզ, որք երկուս բնութիւնս իմանան ի  
 Քրիստոս յետ միանալոյն, ո՞յք են այն երկուս բնութիւնքն,  
 մարմինն և հոգին՝ որ Պաւղոս Սամուտացին ասաց, եթէ մար-  
 մինն և աստուածութիւն՝ որպէս Ապողինար ասաց, եթէ հոգին  
 և աստուածութիւն՝ որպէս Եւտիբէս ասաց: Զի թէ զթիւ

ընութեանցդ առցես ի վերայ Քրիստոսի, ապա երեք ընութիւն պարտիս ասել. զի ահա այլ ընութիւն է մարմինն, և այլ հոգին, և այլ աստուածութիւնն: Բայց ոչ երեք միայն, այլ վեց իսկ արժան է ասել ընութիւնս, բանզի չորս ընութիւն մարմինն է, ի հոգոյ և ի ջրոյ և յաւոյ և ի հրոյ ժողովեալ, իսկ հոգին այլ ընութիւն է՝ իմանալի և հրեշտակային և անմարմին, իսկ աստուածութեանն զատ է յամենից: Ահա վեց ընութիւն յայտնապէս ցուցաւ, և արդ պարտ է վեց ընութիւն ասել Քրիստոսի և չորս գոյացութիւնս, մի ըստ մարմնոյ, և մի ըստ շնչոյ անասնականի, և մի ըստ հոգւոյ բանականի, և մի ըստ աստուածութեանն. և երիս կամս ասել նմա, մի անասնական՝ որ է շնչականն և զգայականն, և մի բանականն որ է հրեշտակայինն, և միւս աստուածականն:

Եւ արդ թէ՛ յամառի որ երկուս ընութիւնս և երկուս կամս իմանալ ի Քրիստոս, ամենայն հարկաւորութեամբ ի բազումս բաժանէ ընութիւնս և կամս: Տեսանեն թէ՛ զի՛արդ երկուս ասել կամս և ընութիւնս յորպիսի ամպարշտութիւնս արկանէ զմարդն: Եւ արդ զի մի յայսպիսի խորխորատ կորստեան անկանիցիմք, մին խոստովանեսցուք ընութիւն Քրիստոսի յետ միաւորութեան, և մի կամք նորա՝ աստուածայինք և անմահ, և առնապական զմարմին նորա անդստին յարգանդէ կուսին. զի մի՛ ի հարկէ, այլ կամաւոր իշխանութեամբ իցին կիրքն ամենայն, որպէս ինքն ասաց. Իշխանութիւն ունիմ զնեւ զանձն իմ, և իշխանութիւն ունիմ առնուլ: Իսկ թէ՛ պարտական մահու էր, ապա ոչ էր իշխան անձինն, ապա թէ՛ տիրապէս իշխան էր, յայտ է թէ՛ ոչ էր պարտական մահու, այլ անմահ և անապական, որպէս գրէ Գիւրեղ առ Նեստոր, զի ոչ ընութեան պարտութեամբ այլ ցուցմամբ էութեանն եղև՝ զոր ինչ եղև:

Եւ Աթանաս ասէ, որպէս զի թէ՛ և են ամենայն ճշմարիտ, այլ ամենայն տնաւրէնութեամբ և ոչ ի բնական հարկէ եղեն: Եւ Գրիգոր Նիւսեաց առ Եւնոմիոս ասէ, թէ՛ Եւնոմիոս անեղին անմատոյց լոյս ասացեալ, և ի փորձ չարչարանացն զալ ոչ կարացեալ. իսկ ի վերայ եղականին պատշաճի հետևաբարդ. Թէ՛ այդպէս է և ոչ մի ինչ շնորհս ունել մեզ Միածինն Աստուծոյ վասն մարդկաբար կրիցն, թէ՛ ինքն ինքեամբ ըստ հարկի, ըստ բանի նոցա առ փորձ չարչարանացն անկաւ, ախտաւոր էութեանն ընաւորապէս յայս բարշեցելոյ, որ և ոչ միոյ գո-

հուլիսն է արժանի Բանդի ո՛վ որ գոհանալի ցուցցէ մասինն զըստ հարկի պատահեալսն, թէպէտ և շահաւոր և ազատկար իցէ, զի և ոչ ջերմութեան հրոյ և ոչ հասման ջրոյ գիտեմք շնորհս ունել, զի հարկաւ բնութեամբ բերին. զի ոչ կարէ հուր արտաքսիլ ի ջեռուցանող բնութենէ, և ոչ ջուր ի պտի-թափի գետեղիլ: Արդ եթէ բնութեան հարկի է զոր ի ձեռն մարմնոյն երախտիս առ յՈրդւոյ եղեալ մարդկան, և ոչ մի շնորհք ամենայն իրաւք գիտեն, զի ոչ ի վաւրուութիւն իշխանութեան, այլ ի բնաւորական հարկէ բերեն զեղեայն. իսկ թէ զգան, զերախտին ոչ անպատուեն:

Տեսանես զի որք մահկանացու կամ ապականացու ասեն զմարմինն Գրիստոսի նախ քան զխաչն, յայտնապէս ի հարկէ դնեն զչարչարանն և զկիրսն ամենայն, որով անշնորհակալու առ Տէրն գտանին, հրէաբար ուրացեալք զերախտիսն Աստուծոյ, որ կամաւոր չարչարանաւքն փրկեաց զմեզ: Այլ մեք գոհանալով շնորհ կայցուք Աստուծոյ, որ անապական, և անմահ մարմնովն իւրով չարչարեալ կամաւորութեամբ փրկեաց զմեզ ի մահուանէ: Զի ահա և առաքելոցն նախքան զխաչն տուեալ զանապական և զանմահ մարմինն իւր կենագործեաց զնոսա, զի յայտ լիցի թէ և յետ խաչին, նոյն էր որպէս և նախ քան զխաչն: Որպէս և Կիւրեղ Աղեքսանդրացի գրէ առ Սեկունդոս, թէ՛ Յետ յարութեանն էր նոյն մարմինն որ չարչարեցաւ, կենդանարար ամենայնի: Եւ Գրիգոր Աստուածաբան ասէ ի Կյաւղիանոսի ճառին, Եթէ որ յետ մկրտութեանն և յետ յարութեանն արժանաւոր լեալ, ասիցէ որպէս զոր հեթանոսք թերի գրով ի ներածեն, նզովեալ լիցի Բանդի սկսեալն և յառաջագէմ լեայն կամ կատարեալն՝ ոչ է Աստուած, թէպէտ և յաղագս առ փոքր փոքր փոփոխմամբ այսպէս ասիցի: Տեսանես՝ զի որք նախ քան զխաչն թերի ասեն զմարմինն յաստուածութենէն, և ապա ըսկսեալ առ սակաւ սակաւ յառաջանալ, և ապա յետ յարութեանն ելանել յաստուածային ազատութիւնն, այնպիսիքն յիրաւի՝ նըպովին յամենայն սրբոց:

Իսկ մեք անապական և ամենապաւր խոստովանիմք զմարմինն Գրիստոսի միշտ և հանապազ անդատին իսկ ի միանալ բանին, վասն որոյ և զհացն սրբութեան որով և զփրկական

պատարագն մատուցանեմք բազարջ առնեմք, որ զանապակա-  
նութիւն նշանակէ, Իսկ խմորն չարութեան և ապականութեան  
է նշան որպէս ասէ Կիւրեղ ի Ղեստականին մեկնութեանն.  
Վասն որոյ և ինքն կենարարն ի վերնատանն բաղարջ հաց  
առեալ արար իւր մարմին, և վկայէ աւետարանն, զի՝ Յառաջ-  
նում աւուրն ասէ բաղարջակերաց, և ահա յառաջմէ աւրէ  
հրամայէ Աստուած Մովսէսի անհետ առնել զխմոր ի տանէն  
Իսրայելի, և ամենայն անձն ասէ, որ ուտէ խմորուն սատա-  
կեսցի ի ժողովրդեանէն: Եւ ահա Յովսէսի՝ այր արդար վկայեալ,  
ոչ էր հնար արտաքոյ աւրինացն խմորուն հացի ի տան նորա  
լինել, այլ բաղարջ ընդ եղեգի ուտել գառամբ, որպէս հրամայէ  
աւրէնքն, այլ և նոյն ինքն փրկիչն ի կատարումն աւրինացն  
էր եկեալ, որպէս ասէ առաքեալ, թէ՛ Լրումն աւրինացն Քրիս-  
տոս է յարդարութիւն ամենայն, և ինքն ասէր առ Յովհաննէս,  
թէ՛ Վայել է ինձ յնուր զամենայն արդարութիւնս. և արդա-  
րութիւն զամենայն հրամանս աւրինացն ասաց, Եւ ահա մի ի  
գլխաւոր աւրինացն բաղարջակերքն էին, և եթէ զամենայն  
աւրէնսն կատարեաց Քրիստոս, առաւել ևս զբաղարջակերքն  
կատարէր: Վասն որոյ ի վերնատանն, բաղարջ հաց առեալ ի  
ձեռն ասէ, Այս է մարմին իմ, և պատուէր տուեալ ասէ, Չայս  
արարէք առ իմոյ յիշատակի: Արդ՝ զոր ինքն արար, և մեզ  
պատուիրեաց զնոյն առնել զբաղարջն: Ո՛վ այնչափ յանդուգն  
իցէ որ իշխէ համարձակել և խմորուն առնել հակառակ Քրիս-  
տոսի: Ահա և աւրինակ մարմնոյն Քրիստոսի բաղարջ էր, հացն  
առաջաւորութեան եղեալ առաջի Տեառն, որ միայն բահանայքն  
ճաշակէին, վասն որոյ Աբիմէլէք բահանայ ասէր ցԴաւիթ, թէ  
չկայ հաց պիղծ այլ՝ ընդ ձեռամբ իմով: Այսինքն հաց խմորուն.  
բայց միայն հացն սրբութեան, այսինքն հաց բաղարջ առեալ  
յերեսաց Տեառն: Տեսանե՛ս զի զխմորուն հացն պիղծ ասաց, որ  
ոչ կարէր լինել ի գալստեանն Տեառն մարմին նորա: Իսկ ըզ-  
բաղարջն՝ սուրբ ասաց, զի լինելոց էր մարմին Քրիստոսի: Արդ  
զի՛արդ պիղծ հացն՝ սուրբ կարասցէ լինել, և ո՛չ երբէք:

Բայց տեսցուք և ըստ բնութեան իրացն եղելոյ: Եւ ասէ  
սուրբ աւետարանն, թէ՛ նման է արքայութիւն երկնից խմո-  
րոյ՝ զոր առեալ կնոջ թագոյց ի գրիւս երիս ալեր, մինչև ամենայն  
խմորեցաւ: Եւ ահա ոչ ասաց, եթէ խմոր է արքայու-  
թիւն երկնից, այլ թէ նման է խմորոյ. զոր աւրինակ մարգա-

րիտ և գանձ ասաց, և . . . . . մարգարիտ և ոչ գանձ, այդ թէ նմանս . . . . . զինչ իցէ նմանն. այսօրնքն թէ որպէս առնալին կինն Եւայ առեալ խմոր ի չարութենէ բանսարկուին, խաբեալ թագնարար խառնեաց ի բնութիւնս մեր ըստ երկից կրօաց, ըստ խորհրդոց, ըստ բանից, ըստ գործոց, խմորեաց չարութեամբ զամենայն բնութիւնս մեր՝ զհոգի և զչունչ և զմարմին, և յերկիցս Երանական կենացն, երկիցս թշուառականս արար, և ի խորհրդոց Երրորդութեանն կողպտեաց զմեզ, և ի բարութենէ ի չարութիւն, և յանմեղութենէ մեղանչական, և ի կենդանութենէ մահկանացու, և ապականացու զմեզ արարեալ չարութեան խմորիլն, և փոխանակ աստուածատեսակ կերպարանին աւճատեսակ և խաւարատեսակ կերպարանս զգեցաք:

Արդ եկն Քրիստոս, և փոխանակ չարութեանն սաստանայական խմորոյն, ինքն խառնեցաւ ի բնութիւնս մեր ի ձեռն սրբոյ Կուսին, և արտաքսեալ զհին խմորն չարութեան ի բնութենէ մերմէ դոր առաջին կինն ի խրատուէ աւձին առեալ թագոյց ի սիրտ իւր, և ինքեամբ ի մեզ ամենեսեան, և յատակագոյն զբնութիւնս մեր առանց խմորոյ մեղաց առեալ ի սրբոյ Կուսէն՝ խառնեցաւ ի նմա, և զբոլորն աստուածացուցեալ ըզմարմին և զհոգի և զմիտս, և ապա իւրովն մարմնով ի բոլոր որդիս Ազամայ խառնեալ, և զամենեսին ի մեղանչականութենէ յանմեղութիւն, և ի չարութենէ ի բարութիւն, և ի մահուանէ և յապականութենէ ի կեանս փոփոխեալ եհան, և գարձեալ զաստուածատեսակ կերպարանն զգեցոյց մեզ. որպէս ասէ առաքեալ թէ Ձոր աւրինակ զգեցաք զպատկեր հոգեղինին, արդ զգեցցուք զպատկեր երկնաւորին: Ասան այնորիկ, որք անմեղանչական խոստովանիմք զմարմինն Քրիստոսի առեալ ի Կուսէն, զհացն սրբութեան առանց խառնման խմորոյ դնեմք ի վերայ աստուածային սեղանոյն: Զի որպէս ի Կուսէն զյրստակ բնութիւնս մեր էառ անմասն և անխառն ի հին չարութեան խմորոյն, և զբովանդակն աստուածացոյց, նոյնպէս և զյստակ բնութիւն երկնաւոր հացին անմասն և անխառն յամենայն բացաթուտ և ապականացու թթուութենէ խմորոյ առեալ՝ ճմարտապէս մարմին իւր արասցէ: Ըստ որում և Աթանաս ասէ. թէ՛ Կնեմք ի վերայ աստուածային սեղանոյն ի հասկէ հաց, և յորթոյ զինի, և հաւատամք եթէ, որպէս ի կուսէն էառ մարմին, նոյնպէս և աստ եկեալ հոգևովն իւրով աս

րասցէ զհացս զայս մարմին իւր Իսկ որք խմորուն հաց դնեն  
 ի վերայ սեղանոյն և համարին զնա մարմին Տեառն լինել,  
 այնպիսիքն ոչ խոստովանին անմեղ և անապական զմարմինն  
 Տեառն առեալ ի կուսէն, այլ որպէս թէ մասն ինչ ի հին չա-  
 րութեան խմորոյն խառնեալ ի նա, քան զոր ամպարշտութիւն  
 և անհաւատութիւն ոչ է ի ներքոյ երկնից խորհել այսպիսի  
 ինչ յամենասուրբ և յանապական և յԱստուածեղէն մարմինն  
 Քրիստոսի. զի ամենայն մեղաց և ապականութեանց ի բաց  
 բարձիչ և յուծիչ և դատապարտիչ նա է: Այլ մեր կացուք ի  
 խրատուն Պաւղոսի, թէ մի ի խմորս հին չարութեան և ան-  
 զգամութեան, այլ յանխմորն ստուգութեան և ճշմարտութեան,  
 և դիցուք յանխմոր զհացն սուրբ առաջի Տեառն, զի արասցէ  
 իւր մարմին և կենսագործեսցէ զմեզ: Իսկ յխմորուն հացն ասէ  
 Աստուածաբան Գրիգոր ի Զատկին ճառի, թէ՛ Ոչ լին. . . . .  
 կենդանական: Իսկ մեր բաղարջ հաց . . . . . անապակա-  
 նութեան նշան, անապական . . . . . և կենդանարար  
 խոստովանեսցուք զմարմինն փրկչին մերոյ Յիսուսի Քրիստոսի,  
 զի այսպէս անմահական և անապական կենացն արժանի լիցուք  
 ընդ ամենայն սուրբս նորա:

Նոյնպէս և զմեղսքաւիչ արիւն նորա ճշմարտապէս ա-  
 նապական արիւն Աստուծոյ խոստովանիմք. և ոչ ապականացու  
 մարդոյ, այլ ստուգապէս աթոռակցին Հաւր Միածին Որդւոյն  
 Աստուծոյ, որպէս ասէ սուրբն Կիւրեղ Աղէքսանդրացի ի գիրս  
 պարապմանց, եթէ՛ Աթոռակիցն Հաւր ետ վասն մեր զա-  
 րիւնն իւր, վասն այնորիկ անապական գինեով առնեմք մեք, զի  
 մի ապականութեան կարծիս յանապական արիւնն Աստուծոյ  
 մտցէ, որէ յոյժ ամպարշտութիւն ապականութիւն մտանել յա-  
 նապական արիւնն Աստուծոյ: Քանզի և մարդիկ սովոր են ըզ-  
 գինի՝ որ անխառն են ի ջրոյ՝ անապական կոչել, իսկ զջրա-  
 խառնն՝ ապականեալ ասեն: Ահա յայտ է թէ որք ջուր խառ-  
 նեն ի կենարար բաժակն, ապականել կամին և ամպարշտիլ ի  
 Տէր, զոր մի՛ լիցի քրիստոնէից խորհել զայս. այլ անապական  
 գինեով մատուցուք զսուրբ պատարագն: Որպէս ասէ Սողոմոն.  
 թէ՛ Իմաստութիւն շինեաց իւր տուն, այսինքն ինքն Քրիստոս,  
 շինեաց զեկեղեցի իւր և խառնեաց ի խառնելիս, այսինքն արկ ի  
 ստոման զգինի իւր և ասէ, Որ որ պակասաժիտ իցէ արբոց զգինի  
 իմ՝ զոր արկից ձեզ, Տեսանես զի գինի միայն ասաց, և ջրոյ յի-

շատակ ոչ արար, Եւ Դաւիթ ասէ, Բաժակ ի ձեռին Տեառն՝ գինի լի անապակ արկեալ է: Տեսանե՛ս Հաւաստեալ զի անապակ գինի ասաց ի ձեռին Տեառն, ամենևին անխառն ի ջրոյ, գոր առ ի ձեռն իւր ի վերնասաանն և ասէ, Այս է արիւն իմ, և դարձեալ ասէ. Թէ՛ յայսմհետէ ոչ արբոյ ի ըրեոյ որթոյ մինչև արբեց զսա ընդ ձեզ նոր յարքայութիւնն:

Եւ Յովհան Ոսկեբերան ի Մատթէոսի աւետարանին մեկնութիւնն ասէ, Թէ՛ Յորժամ զԽորհուրդն աւանդեաց, գինւով աւանդեաց և ոչ ջրով, և յետ յարութեանն գինի արք և ոչ ջուր, զի ի ըրեոյ որթոյ ասէ, զի որթն գինի ծնանի և ոչ ջուր, այլ զի զմիւս զչար հերձուածն արմատաքի խլեսցէ, զի են ումանք, զի ի սուրբ խորհուրդն ջուր խառնեն: Տեսանե՛ս զի չար հերձուած ասէ զ՛շն՝ որ զջուրն խառնեն ի սուրբ խորհուրդն Իսկ Թէ ասեն Յոյնք՝ Թէ ի կողիցն Քրիստոսի ել արիւն և ջուր, զայդ մեկնէ նոյն ինքն Յովհան Ոսկեբերան ի Յովհաննու աւետարանին մեկնութեանն, ասէ. Ե՛լ ի կողիցն փրկչին երկու աղբեւքք, մին արեան և մին ջրոյ, զի այսու երկորումքք Հաստատեալ է եկեղեցի. զի նախ ջրովն մկրտիմք յաւազանէն, վասն այնորիկ իսկ բղեբաց ջուր ի կողիցն Քրիստոսի, և ապա յետ մկրտութեանն ըմպեմք զարիւնն կենդանարար, յաղազս այնորիկ բղեբաց միւս վտակ արեան ի կենարար կողիցն անտի: Տես Հաւաստեալ զորիշ որիշ վտակքն որ ելին, ջուրն՝ զմկրտութեան ունէր զԽորհուրդ, և արիւնն՝ զարեանն զոր ըմպեմք և կենդանանամք, զի Թէ այսպէս ոչ էր, պարտ էր խառնել և ոչ որոշարար:

Եւ Դիոննեսիոս Արիսպագացի ասէ, Թէ զմիեղէնութիւն բաժակին առեալ, ի բազումս բաժանեմք, զի միաւորեսցուք ի Քրիստոս, ահա միեղէն ասաց և ոչ երկուեղէն, զի Թէ ջրախառն առնէր զպատարազն Դիոննեսիոս, ապա ոչ ասէր միեղէն, այլ երկուեղէն, այլ զի անապական գինւովն մատուցանէր զսուրբ պատարազն Դիոննեսիոս, որպէս ուսեալ էր յառաքելոցն, և նոքա ի Քրիստոսէ. վասն այնորիկ միեղէն ասաց զբաժակն պատարազին զոր մատուցանէր: Եւ Աթանաս ասէ, Թէ՛ Դնեմ ի վերայ աստուածային սեղանոյս՝ ի Հասկէ Հաց և յորթոյ գինի, և Հաւատամք Հացիս այսմիկ՝ լինել մարմինն Քրիստոսի. և բաժակիս այսմիկ՝ արիւն Քրիստոսի: Ահաւասիկ յորթոյ գինի ասաց ի սուրբ պատարազն անխառն ի ջրոյ ամենևին, զոր և Քրիստոս



ի բերոյ որթոյ ասաց և արար. Զնոյն և առաքեալքն արարին՝ զնոյն և մեր սուրբ Լուսաւորիչն արար և ուսոյց, և մեր կամբ հաստատուն և անշարժ ի վերայ հաւատոյ հիման ճշմարիտ աւանգութեան հարցն սրբոց, և կացցուք մինչև իսպառ, ոչ խտտորեսցուք յաչ և ոչ յահեակ ի ճանապարհէ արդարութեան հարցն սրբոց, և ոչ երկնչելով ի մարդկանէ առաւել քան յԱստուծոյ, որ Տերն է հոգւոց և մարմնոց, այլ խաւսիմք զվկայաւթիւնս նորա համարձակութեամբ բազմաւ առաջի թագաւորաց և ոչ ամաչիմք, և խոստովանիմք անմահ և անապական զմարմին և գարին Տեառն մերոյ Յիսուսի Քրիստոսի. Որպէս և եփորեմ ասէ ի գիրս հաւատոց, Մարմինն որ զգեցաւ Տէր մեր, վերացաւ ի մահկանացու բնութենէ իւրմէ և փոխեցաւ յանմահութիւն, զի խոսնեցաւ և միացաւ յայն որ զգեցաւն զնա, և է նա աղբիւր յորմէ բղիին կնանք ամենայն աշխարհաց վերնոց և ներքնոց. Վասն որոյ և մի բնութիւն և մի կամբ նորա աստուածային, յետ անպատմելի և զարմանալի միաւորութեանն, որպէս ասէ մարգարէն, թէ՛ զարմացան երկինք ի վերայ այսոցիկ. Զարմացուք և մեր, և մեծաւ զարմացմամբ փառաւորեսցուք զանհաս և զանքննին տնաւրէնութիւն Տեառն մերոյ և Աստուծոյ Յիսուսի Քրիստոսի որով ներգործութեամբ կատարեաց զամենայն զոր ինչ և կամեցաւ առնել վասն մերոյ կենաց և կամաւոր մահուամբ իւրով փրկեաց զմեզ ի ձեռաց դժոխոց, և յաւիտենական ի մահուանէն, և արժանի արար զմեզ մասին սրբոցն ի լոյս, որում արժանի լիցուք հասանել ուղիղ հաւատով և անեպեր գործովք և կատարեալ գիտութեամբ որ ի Քրիստոս Յիսուս Աստուած մեր և փրկիչ, ընդ որում Հաւր միանգամայն և Հոգւոյն սրբոյ, վայել է փառք իշխանութիւն և պատիւ և զաւրութիւն յաւիտեանս, և զաւրութիւն և գոհութիւն այժմ և միշտ և յաւիտեանս յամենայն արարածոց յաւիտենից. ամէն.

Տեսցուք և զառ ի Ղևոնէ ասացեալսն, և զԹէոդորիտեայ Կիւրոս բաղաբի եպիսկոպոսի ասացեալս, և զՆեստորի և զՊաւղոսի Սամուստացւոյ, և զԻէոդորի Տարսոնացւոյ, թէ զի՛արդ զուզին ընդ միեմանս. Ասէ Պաւղոս Սամուստացի. Բանն մարդ թէ էր, ի մարդ ընակեաց. Ասէ Ղևոն Հոովմայեցի, Իմաստութիւն շինեաց իւր տուն, Բանն մարմին եղև և ընակեաց ի մեզ, այս ինքն յայսմ՛ի մարմնի՛ զոր անն ի մարդոյ ընակեաց. Թէոդորիոսի Կիւրացւոյ. Ոչ եղև մարմին Բանն, այլ մարմին կենդանի

և բանական էտո և բնականաց ի նմա: Նեստոր ասէ. Բանն մարմին եղև և բնականաց ի մեզ, այսինքն գծերն զգեցաւ բնութիւն. քանզի բնականութիւն կալաւ զմարդկութիւնն: Դարձեալ Նեստոր ասէ. Ոչ այլ որդի է այլ, այլ ինքն մի որդի է կրկնակ բնութեամբ, իսկ արժանաւորութեամբ միական: Թէոդորիտոս Վիւրոս քաղաքի եպիսկոպոս ասէ. Զբնութեանցն զանազանութիւնն ճանաչեմք երկաքանչիւրոյ բնութեանցն յատկացելոց: Պաւլոս Սամուտացի ասէ. Ոչ ի Դաւթայ ծնեալն աւտար իցէ իմաստութեանն, և ոչ իմաստութիւնն յայլում այսպէս բնակէ, երևեալն ոչ էր իմաստութիւն, քանզի ոչ կարէր ի ձևի գտանիլ Ղևոն Հոովմայեցի ասէ. Ապրեցելոյ սոսուհետև յատկութեան երկաքանչիւրոյ բնութեանցն և ի մի դէմ եկանցելոյ: Դարձեալ Պաւլոս Սամուտացի ասէ. Յիսուս Քրիստոս կրեաց չարչարանս և կրեալ կեցոյց զմեզ, մեկութիւն և թաղումն մարդոյ լուծաւ, և չարչարեցաւ նա իբրև զոչխար ի զննումն ածեալն: Եւ Թէոդորիտոս Վիւրոս քաղաքի եպիսկոպոսն ասէ. Ոչ Աստուածն չարչարեալ, այլ ի մէնչն յԱստուծոյ առեալն մարդ: Տեսանե՛ս հաւատեալ, թէ զի՞որդ Պաւլոսի Սամուտացեոյ ձայնակից է Թէոդորիտոս Վիւրոս քաղաքացի, մարդ ասելով զխաչելեալն և ոչ Աստուած. աւտարացեալ ի սրբոյն Պաւլոսէ առաքելոյ, զի նա ասէ, Հաշտեցաք ընդ Աստուծոյ մահուամբ Որդոյ նորա. և Տէր փառաց ասէ զխաչելեալն, և ի Գործս առաքելոցն ասէ, թէ՛ Զբանն առաքեալ ի Հաւրէ կախեցին Հրէայքն զփայտեն: Իսկ Թէոդորիտոս հակառակ սմա ասէ. թէ՛ մարդ էր խաչեցեալն և ոչ Աստուած: Եւ Նեստոր ասէ. անշատեմ զբնութիւնն, և միաւորեմ զերկրպագութիւնն: Եւ դարձեալ ասէ, Զի՛ խնդրէք զիս սպանանել, մարդ՝ որ ճշմարտութիւն խասեցայ. սա է որ զփշեղէնն ընկալաւ զսակ. սա է որ ասաց, Աստուած Աստուած իմ, ընդէ՛ր թողեր զիս. սա է որ երեք աւրեայ զմահն համբերեաց: Իսկ Ղևոն Հոովմայեցի ասէ, Պա՛հէ երկաքանչիւր բնութեանն անհատաբար զինքեան յատկութիւն: Եւ դարձեալ ասէ, թէ՛ Ոմն ի նոցանէն բացափայլ սքանչելագործութեամբ. իսկ ոմն ընդ թշնամանաւ ստոր անկեալ է: Տեսանե՛ս թէ զի՞որդ ստուգիւ համաձայն է Նեստորի Ղևոն Հոովմայեցի, զի ահա զսքանչելիս՝ աստուածութեանն ասաց որպէս Նեստոր, և զթշնամանն և զխաչն՝ մարդոյ, և գտաւ հակառակ ամենայն սրբոց վարդապետաց: Զի Սքանչելագործն Գրի-

գոր ասէ. Եթէ որ ասէ, այլ է որ չարչարեցաւ և այլ որ ոչ չարչարեցաւ, նյովեալ լիցի: Եւ Գրիգոր Աստուածաբան ասէ. Եթէ որ զխաչելեայն՝ ասէ, և երկրպագեցէ ոչ նմա իբրև Աստուծոյ ճշմարտի, եղիցի յզովեալ և կարգեսցի ընդ աստուածասպանն: Եւ Կիւրեղ Աղեքսանդրացի ասէ. Եթէ որ բաժանեցէ զբանս գրոց սրբոց զաւետարանաց և զառաքելոց և զմարգարէից, և զովմանս աստուածութեանն ասասցէ և զովմանս մարդկութեանն՝ նյովեալ եղիցի: Եւ ահա Ղևոն բաժանէ զամենայն և զնուազագոյնսն մարդոյ ասէ, և զբարձրագոյնսն Աստուծոյ, և ոչ երկնչի ի նյովից հարցն սրբոց, բայց մեզ մի՛ լիցի անցանել զաւանդութեամբ հարց սրբոց մինչև յաւիտեան:

Եւ դու, պրդ Աստուծոյ, պինդ կնց ամենայն իրաւք, որպէս և կացեալդ ես գեղեցկաբար, և մի՛ տար տեղի ամենեկն այնոցիկ որք խոտորեալ են յաւանդութենէ հարցն սրբոց, զի Քրիստոս զբեզ զէն հաւատոյ Հայաստանեացս կամեցաւ առնել յաշխարհիդ յայդմիկ, և արդ անդրդուելի կնց միշտ ի ճշմարտութեանն, և մի ի պատկերապաշտութիւն նոցա և մի յայլ ինչ խոտորեսցիս, զի պատկեր Աստուծոյ թաչն է տուեալ մեզ ի պաշտան, զի պաշտեսցուք զԱստուած թաչիւն իւրով սրբով, որպէս և ամենայն Քրիստոնեայք և հարբն սուրբք յառաքելոցն մինչև ցայժմ: Իսկ զայլ պատկեր հրաժարեցուցանէ ինքն Աստուած ասելով, Թէ՛ Զի՛նչ նմանութիւն յիս տեսէք՝ զի պատկեր ինձ ձևացուցէք. ապա ուրեմն այլ պատկեր երևելի չէ՛ պաշտելի բայց միայն թաչն: Իսկ որք այլ պատկեր արարին՝ ըստ հեթանոսական սովորութեան արարին, և ոչ ըստ աստուածապաշտութեան աւրինացն, որ հրամայեալ է մեզ ի գրոց սրբոց: Բայց դու, խնդրողդ ուղիղ հաւատոյ բանի, զայս ամենայն առեալ և առաւելեալ, իմա՛ զհաւատոյս զաւրութիւն, և արիաբար քաջացիր և յողթեա՛ հերձուածողական հնարից, և առ ոչինչ համարեա զբանս նոցա այլայլականս:

ԶՔաղհա՛նդ եւ զԷբիւր շանդարոյ պարտալմանս զԹուհաս՝ յեջեյէի  
 ի Քրիստոս:



(Թեթև տի Անպեճ, Է ՅՈՐԴԱՆԿԻՆ, ԵՒ ԳԱԿԱՍ ԳՏԱՆԻ ՍԿԻՋԻՆ ՆՈՐՈՑ ԳՐՈՒ-  
ՔԵԱՆՆ ՈՐ Է ՋՐՈՒՅԱՏՐՈՒԹԻՒՆ ԸՆԴ ՄԷՋ ՀԱՅՐԱԳԵՑԻՆ ՀԱՅՈՑ ԿՈՄԻՏԵԱՍԱՑ ԵՒ  
ԳԱՏՐՈՒՄԻՆ ԿՈՍՏԱՆԴՆՈՒԳՈՒՍՈՑ).

.....  
 փոյթ առնես, և դու վԱրտեմոն ընդունիս, որ ոչ ծննդեանն էր սպասաւոր և ոչ մկրտութեանն և ոչ խաչելութեանն: Յետ առաքելոցն բաժանմանն ընդ երկիր, եկն անաւրէնն և աշակերտեցաւ Յովհաննու աւետարանչին յետ ԼԳ, ամի Քրիստոսի վերանալոյն: Արդ աստ, մինչ Յակոբոս յԵրուսաղէմ եկաց հայրապետ, և առաքելքն դեռ վճարաւքն էին, միթէ այնչափ տրգէտք էին որ ՀԲ առաքելքն և երկոտասանքն հանդերձ Աստուածածնան, չկարէին գիտել թէ յոր ամիս եղև Քրիստոսի ծնունդն, կամ այնչափ զԵրուսաղէմ առանց կարգաւորութեան թողոյր նա: Թէ կերող և արբեցող էր, արժան էր բեզ ասել իրս ինչ, նա աւանիկ ծունկքն խտացեալ էր իբրև զուղտու յանդադար աղաւթիցն, և դու զայնպիսի այր թողուս և զնորա ընթերցուածսն, և Արտեմոնի անիծելոյ հաւանիս:

Պատրիարքն: Առաքելոցն հետևող էր, պատշաճ է զոր գրեացն:

Հայրապետն: Չորք աւետարանիչքն կամ այլ առաքելքն կամ հետևողք նոցա, զիարդ ոչ տաւնեցին կամ աւետիս կամ ծնունդ յայդ կարգաւորութիւնդ՝ յոր դուք տաւնէք, բայց միայն Յակոբոս՝ որ ընդ նմա էր ի Բեդիեաէմ և յԵղիպտոս ի Յունուարի Զ. միանալ ծննդեանն և մկրտութեանն դնէ և սաղմոս և աւետարան միարանութեամբ Վիւրղի Երուսաղէմացոյ, զոր և ասէ նոյն Վիւրեղ, թէ այլ բաղաք հետևեցան զկնի Արտեմոնի և ոչ կացին յուղղութեան, բայց միայն Հայք գտեալ յառաջին կանոնաց, ի դեկտեմբերի ԻԵ. Դաւթի և Յակոբու տաւնեն: Եւ մինչ ասես թէ տրտունջ բառնայ Վիւրեղ զՀայոց, ինքն ծննդեան կարգաւորութիւն ընդէր չէ կարգել բան մարտիրոսական տաւնախմբութիւն միայն, և զծնունդն յունուարի ի Զ. և յայտէ թէ Երուսաղէմ չէր տաւնել, թէ ոչ մինչ Յուստիանոս կայսր որ զՏեառնընդառաջն ի փետրուարի Բ, տաւնել տայր, նորա ընդէր մեռանէին:

Պատ: Զծնունդն ընդէր արհամարհէք և չառնէք:

Հայր: Առնեմք, այլ ըստ առաքելոցն և ոչ ըստ ձերոց, զի Յակոբոս Տեառն եղբայրն և Անդրէաս՝ որ զտուժարն շարագրեաց, և Վիւրեղ Երուսաղէմացին ի յունուարի ի Զ, ն ասեն, զի մինչ սկսանի յապրիէլի ի Զ. ն զԱւետիսն, և հինգ ամիս լեալ Եղիսարեթի յղութիւն, գտանի յունուարի ի Զ. ն ստոյգ,

և կատարի ինն ամիս յղութիւն Կուսին, և մեր ոչ անարգեմք  
 զծնունդն այլ մեծարեմք զնա ընթերցուածովքն զոր Յակոբոս  
 Տեառն եղբայրն կարգեաց. Եւ Հովիւքն էին. Եւ ի ծնանելն Յի-  
 սուսի. Եւ Յիսուսի Քրիստոսի ծնունդն էր այսպէս, և ի ծննդ-  
 դոց կարգէ՝ Ի սկզբանէ արար Աստուած. Եւ ահա կոյս յղաս-  
 ցի, Եւ երևեցան շնորհքն Աստուծոյ փրկիչ և եթէ՝ Տէր ասաց  
 ցիս որդի իմ ես դու, և թէ՛ Ասաց Տէր ցՏէր իմ. Այսորիկ ծը-  
 նընդեանն կարգեալք առ ի մէջ յաւուր ճրագալուցին, վկայե-  
 լով Գրիգորի Աստուածաբանի այսպէս Քրիստոս ծնեալ լինի.  
 Իսկ ի վաղիւն կատարեմք զխորհուրդ Մկրտութեան:

Պատ: Իսկ զիմորդ լինի այդ. զի ութ աւր զթլփատութիւն  
 որչ խնդրէ, ապա լնուլ մկրտութեան:

Հայր: Դու առնե՛ս զծնունդն:

Պատր: Այո՞

Հայր: Զթլփատութիւնն ընդունի՛ս:

Պատր: Յետ ութ աւուր:

Հայր: Եւ մկրտես յետ քանի՞ աւուր:

Պատր: Յետ զծնունդն առնել ԲԺ.:

Հայր: Մինչ աւետարանիչն Լ. ամ ասէ լինել, և ապա մը-  
 կրտել, դու զիմորդ յետ ԺԲ. աւուր մկրտես, ո՛ւստի ուսար զպոդ-  
 պիսի իրս, կամ ո՛վ կայ բոյ վկայ:

Պատ: Իմ վկայ այն է, որ քան զութ աւրն պակաս այլ չմար-  
 թի առնել:

Հայր: Ապա չորք աւրն զոր պակասութիւն լնու քեզ, կամ  
 ինչ դու զծնունդն արարեալ ես ի քո ճրագալուցին, ընդ իս  
 դարձեալ էր առնես կրկին ճրագալոյց, զի Քրիստոս միանգամ  
 ծնաւ:

Պատր: Ես վասն մկրտելոյն առնեմ զքո ճրագալոյցն և  
 ոչ վասն ծննդեանն:

Հայր: Երեկունն ո՞ր զիրք ասեն զՔրիստոս մկրտել:

Պատ: Այսպէս ընկալաք:

Հայր: Զաւետարանիչն ընդունի՛ս:

Պատ: Եւ զիմորդ ոչ:

Հայր: Յովհաննէս գրէ, թէ, Ի վաղիւ անդր ետես Յովհանն-  
 նէս զՅիսուս՝ զի գայր առ նա, և ի կատարել մկրտութեանն  
 ետես զերկինս բացեալ և զհոգին զի իջանէր ի վերայ նորա,  
 և Հայր ի խորհուրդ եկեալ, Դա է որդի իմ սիրելի, և ապա ե-

լեալ ի ջրոյն վարեաց զնա Հոգին յանապատ, նոյն ժամայն և ոչ յայրի, և թէ երեկունն մկրտեցաւ, զգիշերն ընդէ՛ր ոչ կուտեաց յայտնի:

Պատր. Ի Հրէիցն ոչ իշխէր մկրտիլ, վասն այնորիկ ի գիշերի և ի ծածուկ:

Հայր. Եւ զիտրդ է այդ, զի Յովաննէս ասէ, թէ՛ Ի միջի՛ ձերում կայ, զոր դուքն ոչ գիտէք: Եւ թէ սակաւք էին. զիտրդ ասէ, թէ՛ Ի մկրտել ամենայն ժողովրդեանն և Յիսուսի մկրտելն, անդ ժողովուրդ ասաց և ոչ սակաւ, և առաւաւտ ասաց և ոչ գիշեր, դու զի՛ ասես:

Պատ. Ուստի՞ դու ուսար զ Լ. ամեայ այր մկրտել յառաջ քան զութաւրեայ թխատութիւնն, ես անտի գերեկունն ուսայ առնել:

Հայրա. Մի՛ յետս ընդդէմ խոստովանիս, և մի՛ իբրև ըզմրտիմն \*) ջրասոյզ լինիր և թաքչի՛ր յորժամ յորձան պտուտիցն նեղեցէ զքեզ, և ապա ելանես փետրացածաբ յաստուածային կտակարանաց: Քանզի ուսոյց Գրիգոր Աստուածաբան, յերեկոյի աւուր Քրիստոս ծնեալ լինի, և ի միւսում աւուր. Երէկ զպայծառ լուսաւորութեան աւր տաւնեցաք, իսկ այսաւր յաղագս մկրտութեանս իմաստասիրեսցուք: Եւ յայտ է թէ ծնունդն առ նովաւ երեկունն էր կարգեալ, որպէս առաջնոցն, և մկրտութիւնն առաւաւտուն, զի մինչ այսաւր մկրտիլ ընդ միացեալ աւուրն ծննդեանն, յետ Լ ամի, նոյն աւր ծննդեանն և մկրտութեանն հանդիպի, և հարկ եղև առաջնոց վարդապետացն զծնունդն յերեկորին առնել, զի մկրտութեան պատիւ երևեսցի, ուստի մկրտութեան առաւաւտն մինչև գալ ի տաճարն լինի Խ՝ աւրեայ Յիսուս, ուստի հաշտութիւն Հաւր ընդ արարածս վասն մեծի ձայնին մեծարեսցեն պատուով: Բայց որ ասացեր անպարտ գոյ վարկանիմ յետ մկրտութեանն, ամաչեալ ի բանիցդ:

Պատ. Զի՛արդ է այդ:

Հայր. Մինչ դու յառաջ հաւատացեր քան զիս ի Քրիստոս, ընդէ՛ր գտար յամենայն ինչ յետս ընդդէմ:

Պատր. Յո՞ր ինչ:

Հայր. Յաւրէնսն հրամայեալ է Խ. աւրեայ ածել զանդրանիկսն ի տաճարն, իսկ դու ընդէ՛ր յետս ընդդէմ գրաբանեալ թիւր գտար:

\*) Այսպէս յորինակին.

Պատ. Ասա:

Հայր. Առնես զծնունդն ի դեկտեմբերի ԻՆ. չմեղադրեմ զի յԱրտեմունէ ի բո ծուռ վարդապետէն ուսար, ապա՛ առնես զութաւրեայ զԹլփատութիւնն, և Ղուկաս Լ. ամեայ ասէ գալ ի մկրտութիւն, և դու յառաջ մկրտես, և ապա զԼ. ամեայ պրն տղայ արարեալ Խ. աւրեայ ի տաճարն ածես, և ի մկրտութիւն. և անտի յետ ութաւուր լեալ զՀոգւոյն սրբոյ իջումն ուրանայր, և զերախայիցն կարգայք նմա լրումն. արդ զինչ ասես առ այսոսիկ:

Պատ. Աւա՛ղ վտանգիս՝ որ տիրեաց ի սուտ փախտականէդ, բայց մի՛ պարսաբար լցեալ զանիւ այլ ունիմ՝ վերայելումն \*)), զԺողովուրդն որ ընդ ծրմն Կարմիր անցին, և թըլփատութեամբ յամպն մկրտեցան, զոր և Պաւղոս վկայէ, թըլփատեալ էին և ապա մկրտեցան, լինի և Քրիստոսին նոյնպէս ըստ մերոյս Բայց դու ցոյց ինձ վկայ զոր, որ ցուցանէ նախ մկրտութիւն տալ, և ապա թլպատութիւն, և ստոյգ դուր էք:

Հայր. Յետու աւրինակ Քրիստոսի, և Յորդանան աւազանին, և փոխանակ ամպոյն եղէց ընդ բեց որպէս ընդ Մովսէսի. ի Յորդանան իջեալ մկրտեցան, և յայնկոյս ելեալ թլփատեաց զամենայն ժողովուրդն ի դաշտին Գաղգաղեայ, որ է աւրինական թլփատ Տեթանոսաց, իջանել յաւազանն ըստ երկոտասան քարանցն զոր ի ջուրն եղին, և հանել զքարինսն ի գետոյն. ԲԺ. առաքեալքն սուրբ տապանակն աւրինակ Աուսին զաշխարհս ի հեղձմանէ աւրինացն ազատեցին, քարին զթլփատութիւն, զքարեղէն սիրտս նոցա, որ է հինն հաւատոյ եկեղեցւոյ, որպէս զգայլախապն ընդ իւր եղեալ Յետու ի գերեզմանն զմեռեալսն ընդ Քրիստոսի մահուամբն. Արդ՝ Քրիստոս փոխանակ Մովսէսի, և ամպն փոխանակ մկրտութեան, վասն զի ոչ եմք ըստ Մովսէսի աւրինաւքն, որ արգելաւ յերկրէն Աւետեաց, այլ ընդ Յետուայ, որ եմուտ ժառանգել յոթստացեալ աւետիսն: Այս է մեր կարգ պարծանաց առնել ի միում աւուր զերիս տաւնն: Բայց թէ ըստ գրոց կամիք առնել, յետ ծննդեանն և թլփատութեանն, լո՛ւռ լերուք զաւուրս բառասունս, և ապա զտաւն գալստեանն կատարեցէք, և զամս Լ. և ապա զմկրտութեանն, և յետ ամաց երից զխաչելութիւնն, և ապա չէ պէտք այլ աստուածապաշտութեան հոգ տանել:

\*) Այսպէս յօրինակին.



Պատմ. ԶԱԼԵՆՏԻՆԻ յառաջ քան զԾնունդն է՛ր ոչ առնէք։  
 Հայր. Զի ոչ ընկալաք յԱրտեմոնէ կամ Յուրանայայ, այլ  
 ի Յակոբայ և ի Կիւրղէ Երուսաղէմացւոյ, բայց ի Հակասակա՞ն  
 եկեացուք, Ո՞ր ուսոյց զԱլեքսանտրոս տաւնել աշխարհի, զի հրեշ-  
 տակն միոյ կուսի ասաց ուրախանալ, և Մատթէոս՝ Գիրք  
 ծննդեան ասաց սկզբան, և ի բազում տեղիս զԾնունդն յիշէ,  
 բայց զալեքսանտրոս անփոյթ առնէ, և Մարկոս ոչ յիշեաց, և Ղա-  
 կաս ի կարգս զրուցաց անցաւ, և Յովհաննէս ուշ ոչ դնէ, և  
 Յակոբոս և Կիւրեղ ալեքսանտրոս և ծնունդ առ մկրտութեան եզին։  
 Այլ գիտեմք թէ քան ի ծնունդ որդւոյն, թագաւորն ընդ տի-  
 րել որդւոյն ի վերայ թշնամեացն առաւել զուարճանայ։ Իսկ  
 Քրիստոս լուծեամբ Զաքարիայ. և Սիմէոն մկրտութեամբն՝  
 զոր դու անուանես ժողովուրդ Աստուծոյ, երկինք, հոգին, ջուր,  
 աղաւնի. բայց յալեքսանտրոս մի հրեշտակ իսկ ի ծնունդն հովիւքն,  
 հրեշտակքն, և մտերն, փառք ի բարձունս Աստուծոյ, զի և  
 այլ հրեշտակքն վերինք զնոյն ոչ գիտէին, զի ի ծննդեանն ոչ  
 էին. ի համարձմանն, ո՛վ է սա ասէին, և ի ներքին պարու-  
 նակէն տեղեկացեալ, և ապա գիտացեալ. արժան է քեզ մեղա-  
 դիր լինել. Յակոբոս Տեառն եղբայրն զալեքսանտրոս ի ծննդեանն  
 դնէր, և ոչ որիշ և պատուով. և Կիւրեղ զԾննդեանն, և ապա  
 զԽաչելութեանն. և զՊենդակոստէին, և զտան անխախտելի  
 վէմք եղեալ. և Յակոբոս դնէ զկարգս, այլ աշխարհս՝ երա-  
 խայից և մարտիրոսաց ի միջոցն, բայց Քրիստոսի տաւնս՝ ոչ  
 յաւելին զի քան զալեքսանտրոս, թէ առանձինն ընդէ՛ր ոչ եզ յա-  
 ռաջ քան զԾնունդն, ի դեկտեմբերի զվարդափստն, զի որ վե-  
 րագոյն էր քան զինքեանս քննութիւնքն, ապաստան ի Հոգին  
 սուրբ արարին։

Պատմ. Կրկին մկրտութիւն ընդէ՛ր առնէք։

Հայր. Ոչ կրկին, այլ միանգամ, զի Քրիստոս միանգամ  
 մկրտի և ոչ երկու։

Պատմ. Մեք յանուն Երրորդութեանն մկրտեմք, դուք յո՞ր  
 Երրորդութիւն մկրտէք այլ։

Հայր. Պաւղոս ուսուցանէ քեզ թէ, Ո՞չ գիտէք թէ որ  
 միանգամ մկրտեցայք ասէ, ի Քրիստոս Յիսուս, ի մահ անդր  
 նորա մկրտեցայք, ոչ ի Հայր, կամ Յորդի, կամ ի Հոգին, այլ  
 թէ ի մահ նորա, և Քրիստոս թէ, զմահ իմ պատմեցէք. Մեք  
 վասնայնորիկ մկրտեմք զձեզ, ոչ զի յանուն Երրորդութեանն

մկրտէք, այլ զի զմահն Քրիստոսի ուրանայք, և բաժանէք յերկուս ընուծիւնս ըստ Եեստորի, ապականացու խոստովանիք զմարմինն, ըստ Թէոդորի Սամուտացոյ \*), և աղ և ջուր զանգէք ի հաց սեղանոյն, որ յամուսնուծենէ և ի կարծեաց ծնեալ զՅիսուս, և զԱստուած ոչ անկեալ ընդ մահուամբ, և ոչ նորա արիւնն զձեզ փրկել, որ խառնմամբ միացաւ ի Կոյան. զայն խառնումն կոչէք և երկու կիրք, և յայտոսիկ կերպարանեալ զմահն Քրիստոսի ուրանայք, ծածկելով Երրորդուծեանն անուամբ զՏերեսիոտուծիւնդ ձեր, որպէս զխաչեցարն բարձեալ էք ուրանալով և զմահն, Երրորդուծեանն տայք զսրբասացուծիւնն:

Պատր. Ապա զմիւռոնն և զԵրրորդուծեանն խոստովանուծիւն զի՞նչ անէք:

Հայր. Մինչ զեկեղեցին պղծէք խմորուն հացովն, և ջրաւ խառնուծեամբ զՔրիստոս թշնամանեալ ժողովիք, և ընդ նոյն հերձուածող բերանովք, և զպեղծ աջն ի վերայ եղեալ եպիսկոպոս ձեռնադրէք, և ի նմանէ բահանայք լեալ, և զնորին իւղն ի նորին աւազանն արկեալ մկրտի մանուկ, և ոչ ի մահն Քրիստոսի, և ապա հաղորդի ի նոյն մահուաց սեղանոյն, ըզհերեսիոտական բաժակն և զհացն ընկալեալ, ապա աժնայն խոտելի գտանի իրք:

Պատ. Ապա զխաչեցարն վասն թշնամանեաց ասէք դուք, թէ վասն պատուոյ տայք, թէ զուզապատուաբար:

Հայրա. Քեզ սրպէս թուի:

Պատ. Մի կարծեր, թէ որպէս ընդ փորձ ինչ խաւսել ընդ բեզ, այլ վասն զիտելոյ, թէ սոր ստոյգ է, կամ յուսմէ՞ ուսայք դուք:

Հայր. Որդւոյ ասեմք վասն պատուելոյ պատմութեամբք զՔրիստոսի տնաւրէնուծիւնն:

Պատր. Յերրորդուծիւն անդ ոչ:

Հայր. Զի նորա արեամբն փրկեցար:

Պատ. Սուրբ Աստուած ոյլ է:

Հայր. Որդի:

Պատ. Սուրբ և հղաւր սյլ է:

Հայրա. Որդի:

\*) Ա. յապէս յօր.

Պատր. Սուրբ և անմահ սփ է:

Հայրա. Որդի, որ խաչեցաւ վասն մեր:

Պատ. ԶՀայր և զՀոգի, վասն է՛ր նուաստացուցանէք:

Հայր. Որպէս դու ասես նուաստացուցանել, նոյնպէս և դու նուաստացուցանես ակամայ, զի ես երկրպագելովն միացուցանեմ, և ոչ բաժանեմ, թէպէտ և զսրբասացութիւնն Որդւոյ ասեմ:

Պատր. Ես յոր վայր բաժանեմ զԵրրորդութիւնն:

Հայրա. Զի Հայր ի կուսէ ոչ ծնաւ, և ոչ թլփատեցաւ, և ոչ մկրտեցաւ կամ խաչեցաւ, ոչ Հոգին ապտակեցաւ կամ թաղեցաւ և յարեաւ. բայց այն Որդին միածին՝ որում յարութեան է պատիւ, և ասեմք այսպէս. Սուրբ Աստուած, որ յառաջ բան զյաւիտեանս ի Հաւրէ, և ի կուսէ ծնեալ, և խաչեալ և թաղեալ ի գերեզմանի անքակ յԱստուածութենէն, անբաժանելին ի միութենէ: Իսկ թէ խաչեցարն դժուարին թուի բեզ և խոչ ընդդէմ բո, ոչ ասեմ այսպէս. այլ թէ որ պատարագեցար, կամ ձաղեցար, կամ թշնամանեցար, կամ ղեւեղոր վասն մեր, ողորմեա մեզ. կամ որ զբացախ և զլեղի արբեր, կամ որ կոփահարեցար, կամ դու որ գողանաս զբեզ որպէս զԱստուած, որոյ գաղտաբար ասես շրջնջելով թէ, որ ի փայտին բարերարեցար՝ ողորմեա՛ մեզ, զի նա վասն մեր գանեցաւ, և նորա վիրաւքն բժշկեցաք, և եթէ խաչն բեզ խոչ է, մահ նորա՛ բեզ կորուստ է, և եթէ ՚չ, ասա՛ զի՛նչ հարցանեմս, զի ոչ այլ իւրք փրկեցաք, թէ ոչ թքովն և խաչիւն և մահուն Բրհատոսի:

Պատր. Սերովբէքն Երրորդութեանն ասացին զսրբասացութիւնն և դու Որդւոյ, սո՛ւրբ, սո՛ւրբ, սո՛ւրբ:

Հայր. Ասա՛ և դու նոյնպէս սուրբ, և լոճեալ, և եթէ ո՛չ ասա՛, զիա՛րդ ուսար. ուսար զի յաւելին ի նա Աստուած հզար և անմահ և զողորմեացն: Աղէ՛ ասա, ո՛ ուսոյց բեզ յետս ընդդէմ խոստովանել և թիւրել զսերովբէիցն նուագն: Սուրբն ի նոցանէ, և այլն պատուով բան ի մէնջ. իսկ այլն ինոցանէ, այն ծառայիցն, մեզ ոչ է պարտ ի թագաւորական գովեստն զնուաստն զնել: Եթէ ծառայք են, չէ արժան անգամ յիշել զնոսա, այլ նոր ինչ ասել, Աւրհնեալ Հայր, Աւրհնեալ Որդի, Աւրհնեալ Հոգի սուրբ. ապա եթէ տեարք են սերովբէքն, պարտ է զնոցայն ընդունել զսրբասացութիւնն, պասելն Տէր զաւրու-

Թեանց, լի՛ են երկինք և երկիր փառաւք նորա, այլ ասելն՝ Եսայեայ, եթէ՛ Տեսի զՏէրն նստել յաթոռ բարձրութեան, և ձայն մի տէր և ոչ տեսարք, և փառք նորա և ոչ ձև, զի զՈրդի տեսին գուշակմամբ, և ասէ. Ձո՛ւ անաբեցից առ այն ժողովուրդ՝ և ասեմ, զիս անաբեա տէր, զի զոր մի դիմաց ասացին գոլ, թէ և զսուրբ Երրորդութիւնն ասացին սերովբէքն: Բայց զայս ի հարկէ պարտիք ասել, զի անաբեցիքն զհաւատամբն ի յերիս բաժին են եղեալ, զի ի սակս Որդւոյ յաւրինին բանքն, և Հաւր և Հոգւոյ, որպէս և ի Փառք ի բարձունսն՝ որ երրորդութեանն թիւ, և ոչ. Որդւոյ միայն, թէպէտ զՔաղկեդոնի գերեսս ունիք, և զԽաչեցարն բարձէք, զԱստուածամաւրն բարեխաւսութիւնն ուրանայք, զի հակառակ ժողովեցայք ընդ երից սուրբ ժողովոցն զնել զքաջախախտըն խմորն, վկայ ապականացու ընութեան՝ զոր ունիք, զոր ձեռնարկեալ սպանիք զմեծն Դէոսկորոս, հալածելով զՊետրոս Անտիոքացին՝ գայլ կոչելով, և զՅուլիոս Աղիկառնացի, և զՍտեփանոս եպիսկոպոս Եփեսոսի, և զԱնատալիս, և զՏիմոթէոս. զայս Ձ. եպիսկոպոսքս փախուցիք և սպանիք, ճոռալաւանք, մոլար և խոտոր, ստափառ, գայլախո՛ւմբ, գառնակոտոր, դիաժամբ, արինաթաթախք, պղծածաժողովք, կարծես բերելով որպէս աստուածամարտք. քրիստոսապատառք՝ հերետիկոսք գոլով, զոր յերիսն այսպէս ոչ են արարեալ:

Պատ. Արդ նորա հերձուածողք գոլով, անիծից գործ գործեցին:

Հայրա. Բայց ասա դու, զո՞ր հերձուած հաստատեցին Ձ. հայրապետն:

Պատր. Զխաչեցարն:

Հայրա. Եւ նորա նախակարգեցին:

Պատր. Թէպէտ և անաբեալքն ասացին ուրեք ուրեք, կամ որպէս մեծն Յովհան Ոսկեբերան և Աթիպատրուհայրապետն, այլ սակայն չէր աւրինադրած ամենայն աւուր ասել, և պատառեցին զուղիղ ցանկ հաւատոյ, ամենայն աւուր եղին զասելն անամաչ:

Հայր. Եթէ հերձուածողք էին, ընդէ՛ր ոչ հերձան յանիծիցն որպէս զԱրիոս կամ Նեստոր, միայն զի Մարիխանոսի սուրն եղև վրէժխնդիր փոխանակ Աստուծոյ, կամ թէ սուրբ էր ժողովն Քաղկեդոնի, ընդէ՛ր Յուզայի նման սատակեցան, բայց յո-

լով ազգ Կոստանդիանոսի, և Բ, Թէոդոսի Թագաւորացն տաւն առնեն, որպէս առաքելոց, բայց որ ասացին Բ, ընութիւնս, և Բ, որդիս, որպէս Նեստոր զատեալ որոշեցին: Իսկ զուր երկուս ընութիւնս ասէր ըստ Եւտիբէի և Լեոնի, զոր և գրեալ է ի յիշատակարանս. թէ Աղաղակեցին յոլովք ի Քաղկեդոնի ժողովոյն, եթէ այս Նեստորի աղանդն է, չհաւանիմք: Եւ ապա անիծեալն Յորնաղ ի մէջ անցեալ զերկու որդիսն Նեստորի ծածկեաց Բ. ընութեամբքն. և վկայէ նախարարեացն ասելն, եթէ Նեստոր ընդէր նկովեցաւ, մինչ զուր զնորայն ընկալայք: Բայց ասա ինձ, զԻրոսկորոս ընդէր հալածեցին ի ժողովոյն, զի յեփեսոսի յերկրորդ ժողովին նա էր զլխաւոր, զՓղաբիանոս և զԵւտիբէս պապանձեալ բասկնեցոյց, և զառաքելական հաւատս հաստատուն պահեաց մինչև ի մահ Ե, եպիսկոպոսաւրն, զուր զայն թողեալ, այլ ինչ եղիք նորաւանդ, քացախաւանդք, խմորակերք, ջրպղտորք, աղախարչք, աստուածատեանք, աղտագութք, մարդապաշտք, երեսամաչք, Քրիստոսատեանք, ամենապատանք, ընձախայտք, փարախալմաչք, իրամատողք, հովուատեանք, ընդդէմ Տեառն զաւղանջողք, մարկիոնապաշտք, նորափառք, որք Ո. և ԼԶ. համաշունչ Նեստորի, որք այլ աղարտումն արկիք յեկեղեցի Աստուծոյ, զոր ոչ այլ որ ընդունի յուղղափառաց սրբոց:

Պատ. Դուրք ընաւ չընդունիք զժողովն Քաղկեդոնի:

Հայրն. Վասն այնր չընդունիմք, զի ոչ եթէ ժողովեցան, և զհաւատս հաստատեցին, այլ զի զառաջին սուրբ հարքն արհամարհեցին, որպէս և արարին իսկ, զի զբուն սուրբ հարքն հալածեցին:

Պատ. Վասն զի զնորս աւանդեցին, վասն այնր նզովեցին զնոսա, և զբե՛ց խառն:

Հայր. Մի՛ յարձակի՛ր ի նզովս, զի մի ատամնաթափ լինիցիս. մինչ ժողով արարիք, ի Հայք ընդէ՛ր ոչ արձակեցիք և կոչեցիք, որպէս և Կոստանդիանոս առ սուրբն Գրիգոր, և մեծն Թէոդոս՝ առ սուրբն Ներսէս, կամ գալ ի ժողովն, կամ տալ զիր հաւանութեան: Իսկ փոքր Թէոդոս առ սուրբն Սահակ գրէ գալ ի ժողովն Եփեսոսի, և զգուշանալ Բ, իրս ի Նեստորէ և ի Լեոնի տու՛մարէն: Արդ զուր զո՛ր հերձուած խլեցէք ի ժողովն, և զո՛ր ուղղափառութիւն տնկեցէք: Կամ եթէ հերձուած կայր ի Հայք, ընդէ՛ր չարարիք ազդ, կամ յառաջ, կամ զկնի, այլ

դուք լուծընկէցք լեալ, զերդմամբ Հայոց Թագաւորացն անցէք, զՏրդատայն և զՎոստանդիանոսի, նսե զձեր Հայրապետն սպանէք. Իսկ մեր որ զԽաչեցարն ասեմք, ոչ ի յանձնէ այլ ի ձերոց գրոց եմք ուսեալ, որպէս և գրէր Ներսաակոս Հոռմայեցի, եթէ չեղև Տնար Յովսեփայ զմարմինն իջուցանել ի փայտէն՝ յորժամ զբեկոսն հանէր, զի փայլատակունք ի փորուածոյ բեկուացն հատանէին, ապա զձեռան ի վեր ամբարձեալ տարածանելով աղաղակեաց այսպէս. Սուրբ Աստուած սուրբ և հլաւր, սուրբ և անմահ, որ խաչեցար վասն մեր, ողորմեա մեզ: Երիցս անգամ զայս ասելով ըմբռնեալ իջոյց զմարմինն ի խաչէն, և պատեալ եդ է՝ զերեկմանի. Իսկ յառաքելոցն ի ժամանակս յաւուր չորեքշաբաթու և ուրբաթու ի ժամ պատարագին սկսեալ նախ զայս ասէին կցորդիւ, և ապա զգիրսն ընթեռնուին, և պատարագ մատչէր: Բայց որպէս ասացին, ոչ եթէ աւրէնս եդին, այլ ըստ աւուրց և ժամուց հանդիպման, որպէս մարգարէի և սպասաւորի Քրիստոսի պատիւ արարեալ կարգեցին յեկեղեցւոջն: Իսկ ի փոխումն Աստուածածնին եդեալ ի զերեկմանին, և յետ երից չաւուրց խնդրեալ ի զերեկմանն և ոչ գտեալ, ապա ազդ լեալ ի Հոգւոյն սրբոյ ի նոյն աւուր առաքելոցն և Թուամայի ասացեալ աղաւթս, զոր այլ առաքեալքն ուսեալ եդին զհետ աղաւթից Յովսեփու, որ է Սուրբ Աստուածն, այսպէս. Փառաւորեալ միշտ Կոյս Աստուածածին Մայր Քրիստոսի, մատուցողաչանս մեր Որդւոյ բո և Աստուծոյ մերոյ: Եւ այսորիկ կայ ի գիրս Աւրեղիանոսի Հոռմայեցւոյ, որ Վանոնացն լրմունք կոչին, վասն յիշատակի եկեղեցւոյ Աստուծոյ: Չնոյն բան գրէ Որոգիւնէս ի Գիրս զատկաց, զոր ընթերցեալ Յովհան Ոսկերբեան, և կարգեաց յիւրում ժամադրութեանն զոր արգելուին Թէոփիլեանքն և ասէին, թէ ՉՈրոգիւնին խորհի, և առ ժամանակս ինչ զաղարէին բանքն: Եւ ապա Կիւրեղ կարգեաց ընդդէմ Նեստորի ի ժողովն Եփեսոսի, Միածին Որդի և Բանդ Աստուած, և անմահ էութիւն, որ յանձն առեր մարմնանալ ի սուրբ Աստուածածնէն և ի միշտ Կուսէն, անփոփոխելի մարդ եղեալ, և խաչեցար Քրիստոր Աստուած, մահուամբ զմահ կոխեցեր, միդ ի սրբոյ Երրորդութենէդ՝ փառաւորակից ընդ Հաւր և ընդ սրբոյ Հոգւոյն, կեցո՛ր զմեզ: Եւ միախմբեալ Մ. սուրբ հարքն ի Հոգւոյն սրբոյ յազգմանէ ձայնիւ կատարեցին, զոր և Ասորիք ստոյգ ունին զայս, և յայնմ աւրէ և աստ: Չայս Դիոսկորոս Իսապ

յեփեսոսի ժողովն, և ոչ յայլ տեղի ուրեք, և ի լինել ժողովոյն Քաղկեդոնի Հալածական արարին զՋ, եքին սուրբ Հարբն, զոր ածապարեալ Պետրոս Անտիոքացին գրէ զեկեալ իրսն զամենայն ի Հայք, զպատառումն Յունաց ի մահուանէն Քրիստոսի, զգաւ-  
շացոյցանէ պինդ կալ ի խոստովանութիւն առաջին սուրբ Հոր-  
գըն, զի նորա ասեն զԱթանասի ումնն ապականագործի խմոր  
և ջուր ընկալեալ ի վերայ տնաւրէնութեանն Քրիստոսի յաւ-  
դեցին, և զխաչեցարն չընկալեալ ի բաց բարձին, և զՄարիամու  
գովեստն արհամարհեցին յայնմ տեղեոյ որոշեցին բարձրվոյ-  
թեամբ: Զայսոսիկ յուեալ մեր եպիսկոպոսացն ժողով արարեալ  
ի Պոլիս և ի Մանսպկերա և եղին սահման, եթէ՛ Որ ոք՝ ոչ  
ասէ զխաչեցարն երգով Որդւոյ յամենայն ժամ, նպովեալ եղի-  
ցի ի սուրբ ժողովոյս: Մեր պատճառք խաչեցարին՝ այդչափ  
երևի:

Պատր. Եւ չէ՛ ինչ պարսաւանք, ամենայն աւուր ասելու:

Հայրա. Զոր աւրինակ. թագաւոր երթեալ որդւոյն ի  
վերայ ապստամբ ծառայի իւրոյ, այն որ ըմբռնեալ ունէր ի  
կապանս զնախարարս իւր, զերկիրն բովանդակ, և որդի թա-  
գաւորին յողթեալ նմա ի պատերապմին հանէ զաւրսն որ ընդ  
ձեռամբ նորա, և զընդդիմամարտն սպանանէ, իրրե դառ-  
նայ ի մարտէն որդի թագաւորին արեամբ թաթաւեալ, և գե-  
րիքն առաջի կացեալ աղաչեն ամենայն աւուր և ասեն, եթէ  
որ վասն մեր հեղեր զարիւն բո, և հաներ ի կապանաց որոր-  
մեա մեզ: Արդ ասա՛ ինձ նախատինս համարի թագաւորն և  
որդի նորա զայսպիսի բարբառ և պատիւ:

Պատր. Թէ որդին միով գանիւ փրկէր զոր, պատիւ էր  
գանն, թո՛ղ եթէ զբազում ոգիս, մանաւանդ եթէ ստոյգ էին  
արեամբն փրկեալք:

Հայր. Զնոյն և մեք ասեմք, զի ծնաւ, թլփատեցաւ, և  
մկրտեցաւ, և մահ ոչ խափանեցաւ, և արգեւեալքն ոչ ելին:  
Իսկ ի խաչին իբրև եհեղ զարիւնն ի վերայ կենդանեաց և  
մեռելոց, և ի նոյն աւրն և ի ժամն զվճիռն պարտուցն պա-  
տառեաց, և ապատեալք գտաք յաւիտեանս. զի՛արդ համարիմք  
ամաւթ և կամ նախատինս յիշել զչարչարանսն Քրիստոսի, և  
զսպիսն՝ որ վասն մեր դեռ ընդ իւր ունի առ Հաւուր, զի չէ  
հնար զոր ումեք արեամբ փրկել, բայց նա՛ որ ի խաչ ելեալ  
էր վասն մեր:

Պատր: Բազումք ի Յունաց՝ զայդ ևս գիտեն, և տեղի պատասխանոյ ոչ ունին տալ, որպէս ես որ գիտեմ, եթէ վաճենայն ինչ գիտես: Արդ ասա, և զայս ինչ ջուր գիտեմ զի չէ՛ աւրէն, բայց խմոր և աղ ընդէ՛ր ոչ արկանէք, զի աւետարանին ասէ, եթէ՛ Մանուկն Յիսուս ածէր և զաւրանայր:

Հայրա: Ուրեմն այն՝ որ ասէր եթէ՛ Ընդ բանսն խռովեցաւ Մարիամ, կարծեմ՝ եթէ խմոր երեք ի կոյսն. կամ որ տէ՛ Ես եմ հացն իջեալ յերկնից, մի՛թէ խմոր էր. ապա ի վեր խմորահարք կան և բացախախոցք, այլ զոր աւրինակ վարդ և մանիշակն անապական են, և այլ ծաղիկ խառնեալ ի նա տնապական ասին, ո՛չ տան զիւրաքանչիւր հոտն, զի վարդին արմատն անգոյ է, և բուրէ առաւելապէս քան զայլոյն, նոյնպէս և ցորեանն ի ձեռն մշակի սպասաւորի. Իսկ եթէ ես և դու մեծ բնութեամբ անապական հող առեալ անխառն ի խոտոյ, և յայլ սերմանեաց, և արկանեմք ի բարձր ապառաժ վիմի, և անդ բուսանի հատ ցորենոյ ատոք ի հասկէն եղեալ, զոր ոչ ի յերկնից որ եղեալ ի նմա սերմանիս, և ոչ ի յերկրէ, և բուսանի որդն անսերմն ի փայտի, նոյնպէս և ցորենահատն յեալ: Արդ զո՞վ ասես ի նմա խմոր, զի չէր մարդ ի հողոյ Յիսուս:

Պատր: Ի հարկէ անապական պարտիմք ասել, և որ այսպէս ոչ անմտանայ:

Հայր: Այսպէս համարեա զՊոյսն հող յերկրէ, և անապական ցորեան ի նմանէ բուսեալ. բայց դաւանողք Բ. բնութեան, մեծն ի հերձուածողս անիծեալն Յոբնաղ, գրէր յիւր Պարսպմունս յութերորդ ճառին, եթէ՛ Ոչ է պարտ դնել խմոր ամենայն աւուր, զի ցորեանն ինքն խմոր ունի յինքեան, զծնանելն՝ այլ և զցորենացաւըն, և Բ. խմորն չէ գովելի: Այլ ասէր, աղ պարտ ոչ է, զի ցորենահատն ի միմեանս եկեալ համեղութեամբ պարկեշտիցն զտեղի աղին լնուն, բայց սուտ է. ի ժողովն Քաղկեդոնի, այսպէս եղին սահման, եթէ չիշխեմք խոտել զսահման խմորոյ, զայսոսիկ նա՛ ասաց: Իսկ մեր հարցանեմք զձեզ, մինչ յախտից աճմանէ էր մարմինն Յիսուսի, յեկամուտ յառնէ բնութենէ, դուք զի՛արդ իշխէք եկամուտ համեղութեամբն անապական աճումն կոչել մարմնոյն Քրիստոսի:

Պատր: Քրիստոս ի վերնատունն ի՛նչ հաց եկեր:

Հայրա: Յառաջին աւուրն բաղարջակերացն, ասէ աւետա-



րանիչն, և Յիսուս ի տան Յովսեփու Հրէի և աւրինապահի էր, և էր ի պասեքի զատկին, և Հրէայքն ի ծակ մկանց անգամ յուզէին զիսորեայն, և ի տունն չմարթի ասել թէ կայր, զի չէր շնար, և Յիսուս դեռ չէր աւարտեալ զաւրէնսն, և Յուդաոս տարեալ զպատառն ասէր, ո՞վ Հրէայք աւրինապահք բաղարջ ի գինի թացեալ ետ մեզ և ասէ, թէ՛ Այս՝ է մարմին իմ, եթէ իւր կեանս կարէ տալ ապա և ձեզ տայ: Զայս գրէ Լևոն յիւր երկրորդ գիրսն, եթէ Քրիստոս աւանդեաց զբաղարջն ի պասեքին, բայց պարտ է ձեզ խմոր դնել, զի լիցի ախտակիր մարմինն Յիսուսի կատարեալ մարդկութեամբն:

Պատ. Պարտ է զՍրբասպուծիւնն Որդւոյ ասել խաչեցարիւն, և առանց խմորոյ բաղարջ կազմել:

Հայրա. Մեր ասեմք, Սուրբ Աստուած՝ որ ծնար ի կուսէն որպէս զԱստուած, սուրբ և հպաւրեղապէս զգոժոս գերեցեր. սո՛ւրբ և անմահ մարմին և ոգին ի դժոխս, յորոմեա. Այ որ ապաակեցան կամ թաղեցան միայն, զի մի աւագակք աւձողք երևեցին, այլ որ պարզեցար ի խաչին իշխանաբար, ողորմեա մեզ: Սո՛ւրբ Աստուած առանց մեղաց մարմինդ, զի Աստուած ես ճշմարիտ, Սո՛ւրբ և հպար ի կիրս երկեղի և անբաւ, Սո՛ւրբ և անմահ միացեալ Բանդ, որի խաչին խոստացար փրկել զքո հաւատացեալս, ողորմեա մեզ:

Պատր. Գ, տիւք և Գ, զիշերք յո՞ր վայր կատարեցան:

Հայր. Ի վերնատանն բաշխմանէն մինչև ի յարութիւնն:

Պատր. Զառաջաւորաց պահսն ո՛ւստի ուսայք պահել:

Հայր. Ի գրոց սրբոյն Գրիգորի, զի Ե, աւր անսուադուծեամբ հրամայեաց ամենայն դիւազնեալ մարդկանն, յորժամել ի վիրապէն, ապա յիմաստի լեալ, զաւուրս Կ, միտ եղեալ վարդապետութեանն բժշկեցան: Իսկ յետոյ զբա՛նայապետութիւնն առեալ, զ Կ, աւրն ոչ եղ պահս վասն յողորդացն, զ Ե, աւրն կարգեաց մեզ յիշատակ ունել ի մտի, որպէս Իսրայելի գտաղաւարահարսն, և զբաղարջակերսն: Եւ Կոստանդիանոս զիւր աւուրս մկրտութեանն, որ ի Սեղբեստրոսէ եղաւ, զոր վասն մեծարելոյ զթաղաւորն պահեցին Եգիպտոս և Հռովմ և Ասորիք: Իսկ ի դնել դաշինս ընդ իրեարս Տրդատայ և Կոստանդիանոսի, փոխեցին զմեր պահքն, և եդին ի Կոստանդիանոսի տեղին պահոցն յամառնային յաւուրս, զոր մեք առաջին աւր զմեր փրկութեան և բժշկութեան կոչեմք: Իսկ ձեր ուղղափառքն ասացին

Թէ յառաջ քան զ Խ, երորդացն զմուտն զգուշացուցանէ յառաջապահ լինել որպէս կարապետի Բայց մինչև ի Մարկիանոս պահեցին զառաջաւորքն Յոյնքն, որպէս և մեր, և շարաթն աւրն հայրապետացն տաւն կատարէին. Նորա զսուրբն Գրիգոր և զՏրդատ մեծարեցին, և մեր զսուրբն Սեղբեստրոս և զՎոստանդիանոս. Իսկ Մարկիանոս ի բաց եբարձ պայն, և պանտրուտոյս կարգեաց, Նորա զՎոստանդիանոս անարգեցին և զՄարկիանոս մեծարեցին, ապա մեր՝ զմեր հայրապետին որպէս մատանի ունիմք, նոյնպէս և պատուելով պարծիմք ընդդէմ ազգաց ժողովուրդ փրկեալ նորա արեամբն, որպէս առաքելաւն Թադէոսիւ և Բարթոլղիմէոսիւ և Յուդայիւ, նոյնպէս հոգ տարեալ վասն մեր և Թովմաս, և ի բուն սուրբն Գրիգոր, որով մեր այժմ պարծիմք, այս է մեր հաւատ և խոստովանութիւն զոր ունիմք:

Պատրիարզն ասէ. Աւրհնեսցէ զքեզ Տէր ի Սիովնէ, զի զամենայնն ուղղապէս խոստովանեցար, բայց մեզ չէ աւրէն առանց մեծի ժողովոյ և հաւանութեամբ թողուլ զմեր բուն պողոտայն, թէ ոչ նեղեցեն յայտնի և գաղտնի պատերազմաւք ի հակառակս եկեալ: Ապա եթէ ոչ՝ եկեսցէ այն՝ որ բըննոդն է գաղտնեաց և յայտնեաց. Եւ զայս ասացեալ մեծաւ պատուով յուղարկեցին զհայրապետն Տէր Վաւիտաս ի Հայք:

Զնոսոս գրող սուրբ Գասին զԹուհաս, և զԾնուղան ի՛ն յեջեջէր ի Քրիստոս Աստուած Տէր:



**ԹՈՒՂԹ ԱՄԵՆԱԶՆՈՐՀ ՎԱՐԴԱՊԵՏԻՆ ԳՐԻ-  
ԳՈՐԻ ՆԱՐԵԿԱՑԻՈՑ, ԶՈՐ ԳՐԵՆՑ Ի ՀՈՅՈՎԱՊ  
ԵՒ ՅՆԿԱՆՆՈՐ ՈՒՒՏԵՆ ԿՃԱՒԱՑ, ՎԱՍՆ ԿԱՐ-  
ԺԵԱՑՆ ԱՆԻԺԵԼՈՑ ԹՈՆՐԱԿԵԱՆՑ ՅԱՆԵՍԻ ԵՒ  
ՅԱՐՐԵՍԻ, ՈՐ ԵԿՆ ԶԳԵՍՏԻ ՈՉԻԱՐԱՑ, ԵՒ Ի  
ՆԵՐՔՈՑ ԳԱՅԼ ՅԱՓՈՒՅՏԱԿՈՂ, ՈՐ ԵՒ Ի ՊՏՂԱՑ  
ԺԱՆՈՒՑՍԻ ԱՄԵՆԻՑ, ԶՈՐ ԼՈՒԵԱԼ ՍՈՒՐԲ ՎԱՐ-  
ԴԱՊԵՏԻՆ ԳՐԵՆՑ ՍԱԿՍ ԱԶԱՏՈՒԹԵԱՆ Ի ԶԱՐ  
ԿԱՐԺԵԱՑՆ:**

**Տ**էր Հայր, զոր գրեմս, իրբ Հաւատալի Համբաւ չար տեղե-  
կութեամբ, զի թէպէտ և յորոց լուանն Հաւատարիմք կարօէին,  
և չէր ինչ իւթ չարեաց քինիւ, ոչ այլ իմն ունի կերպարան Հա-  
կաճառութեան, քանչի լուայ թէ յանյիշելի ամենապազիր մրծ-  
դնութիւն աղանդաւորութեան անիծելոց Թոնրակեանցդ ի միջի  
ձերում բարեխորհիցդ յիշատակի, և հիացայ՝ պարմացայ՝ ընդ  
այդպիսի անյարմար երեսս բանի, Աստուծոյ ատելեացդ՝ որ ա-  
սեն զձէնչ ասել առաւել զայդ գիտնական անուն Մուշեղայդ,  
թէ տեղեկացեալ եմք ի մերմէ առաքեալ թղթաբերէ, որ չնն  
նորա աւտար յառաքելականդ դաւանութենէ, և ըզձալ բողձալ  
մեծաւ փափազանաւք Հաւասարի մասին նոցա, և խառնիլ ա-  
րեան ընդ կոտորեալսն ի սրոյ՝ վրիժախնդիր հեթանոս ամի-  
րային Ապլվարդայ, որ արդարև՝ գաւազան սրտութեան ի ձե-  
ռին Տեառն Յիսուսի, եւ թէ յո՞ր զերս հրամայէ նզովել զոր,  
և զերջանիկ Տեառն մերոյ զԱնանիայի զպարմանագիծ հակաճա-  
ռութիւն նամակին, զբարանականս ասել կամ անպատեհս, կամ  
ոչ Աստուծոյ խաւսեցեալ: Արդ եթէ այդորիկ աղղեցան ի ձէնչ,  
թողում ասել թէ հաւանեցան, և անխայեմ գրել թէ ճաշակե-  
ցան, ապա զլեաւորեցաւ առ ձեզ նախագրեալն, թէ Կերակուրժ

Չոցա ընդիրք պարացան, Բագում ինչ աստուածային և առաքելական ամենայն ինչ ուրացեալ է ի նոցանէ, և խափանեալ յաստուածային կարգաց:

Ա. Չեռնադրութիւնն՝ զոր առաքեալքն ի Քրիստոսէ ընկալան:

Բ. Եւ Հաղորդութիւն մարմնոյն նորա՝ զոր ասաց առաքեալ. եթէ զհացն Հաղորդութեան ճաշակելով, զնոյն ինքն զԱստուած միացեալ ի մարմնի ընդունիմք և ճաշակեմք, զոր Սըմբատ Հասարակաց կերակուր զսարսափելին զարդապետեաց:

Գ. Եւ զծնունդն Հոգեւոր երկանցն, որ ի ջրոյ և ի Հոգւոյ, ծանուցեալ թէ որդիս Աստուծոյ գործէ, ջուր ինչ լուսեաց զնոյն նոցին ուսոյց:

Դ. Եւ զաւրհնաբանեալ զար կիւրակէին՝ յորում արար զլոյսն առաջին և կատարեաց զլոյսն յարութեան իւրոյ ի նմին, և զլոյսն կենարար գալտեանն նովաւ տնաւրինեաց, զայն պատկեր պաշտելի աւուր ընդ այլոցն զուգաթուեալ նոցին թարգմանեաց: Արդ զորս յայսցանէ զնոցա գիտեմք խափանեալս, ոչ առաքելական կամ աստուածականս:

Ե. Չծնրադրութեանն խորհրդական պաղատանս՝ զոր ինքն արարիչն ամենայնի խոնարհեալ կրկնեաց:

Զ. Թէ զաւագանն ուրացեալ ի նոցանէ, յորում ինքն Քրիստոս մկրտեցաւ:

Է. Թէ զհաղորդութիւն անմահութեանն զոր ինքն բոլորից Տէրն ճաշակեաց:

Ը. Թէ զմզնէական անխոր պղծութիւնն, զոր Տէրն ըզհայեցուածն արգելեալ խորեաց:

Թ. Թէ զնշանն երկրպագեալ զոր Աստուածն մարդացեալ յուսն իւր բարձեալ կրեաց իբր զփառս ինքեան և զիշխանութիւն:

Ժ. Թէ զմարդապաշտ ուրացութիւնն, որ գարշելի է և անիծեալ բան զկուսապաշտութիւն:

ԺԱ. Թէ զինքնաձեռն բամահանաց քահանայութիւնն՝ որ սատանայի է նմանութիւն:

ԺԲ. Թէ զպսակին ամուսնութեան անգոսնութիւն, զոր Տէրն ինքեան քանչելեալք և մարրն իւրով Աստուածածնաւ յարդեաց և պատուեաց, զպսակն անգոսնեն, և զոր սիրով մերձնան յիրեարս՝ կատարեալ սէր համարին և յԱստուծոյ, և հա-

Ճոյ Գրիստոսի, թէ՛ Աստուած սէր է և զսիրով միաւորին կամի և ոչ զպսակ:

ԺԳ. Թէ՛ զերախայրեացն կատակերգական երգիծանութիւնն, զոր Աբէլ և Նոյ, և Արրահամ, և Դաւիթ, և Մողոմեն և Եղիայ՝ աստուածային բարկութեանն ցուցին Տաշտարարութիւն:

ԺԿ. Թէ՛ որ զգլխաւոր աղանդին իւրեանց գարշութեանն յանդգնեալ Գրիստոս անուանեն, զոր Գրիստոս կանխաւ վկայեաց թէ՛ յարիցեն սուտ Գրիստոսք և սուտ մարգարէք, և այս է ասելն մարգարէին, թէ՛ Խորհեցաւ անպգամն ի սրտի՛ իւրում թէ՛ ոչ իցէ Աստուած: Արդ այդորիկ են բննաւորիդ Մուշեղայ անխոտոր Տաւատոյ առաքելականքն:

Արդ՝ զայսոսիկ Տաւրեղայրն մեր և վարդապետ, մեծաւ բննութեամբ խնդիրս արարեալ իբրեւ զԱստուծոյ ջատագով, և անգստին իբր զիմաստուն Նախամարտիկ տապալեաց զառասպելաբան Տայտոյութիւն անաւրինելոցն Թոնրակեանցն, թէ՛ ոչ մեք զանուն պղծոցն ի Տամբաւուց ի սակաւ ինչ լրոյ գիտէաք: Արդ զի՛նչ պարզես ընդրութեան տեսեալ ի գարշելին Կումրրիկոս, և կամ յիշատակ բարւոյ ի Սիմոն, և կամ յոյս ակնկալութեան ի Նեոն՝ որոց նոցա են աշակերտեալք, որ զերախտին անպատում բարեգործին, չարչարանացն մոռացեալ, զնոսա կորդան ապաւէն՝ որ զնոցանէն ստացեալ: Որք են շարք շանց, և գումարք գողոց, և գունդք գայլոց, և դասք դիւաց, և արկնք աւապակաց, և կոյտր կերչաց, և բոյլք բարբարոսաց, և խումբք խաչահանուաց, և ժողովք չարեաց, և արք արեանց, և երամք թունաւոր աւձից, և վտառք մարդադէմ զազանաց, և կաճառք կախարդասարաս աղանդաւորաց, և ոչ միայն եկեղեցականաց, այլ և Տթանոսաց են անկոսնելիք:

Քանզի և այն Տղաւր այր՝ խնդրող վրիժուց Նախատանացն Գրիստոսի, որ զանիծեալ զնախնիս նոցա խայտառակամահ սատակեաց, զայս ինչ ասէր ցերկրորդն Յամբէսի, թէ՛ Գրիստոս յերիբ աւուր յարեաւ, արդ մինչ դու զքեզ Գրիստոս անուանես, սպանանեմ զքեզ և թաղեմ, և դու զկնի Ն, աւուր կենդանացիրես զիտեմ թէ՛ Գրիստոս իցես, թէ՛ պէտ այնքան աւուրքք բազմաւք յետոյ յարիցես: Արդ նա մերձ էր և դրացի դառնացողացն մոյեզնութեան, և զայն լուր ի բազմաց ճառողաց կրթեալ էր, և Գրիստոսի ճշմարիտ յարութեանն ամենեին Տա-

ւատայր, և զնոցայն այսն արարեալ իբր զարժանիս Հենգնեւ-  
լոյ եթող յիշատակ բանից գովելեաց, քանզի և զայն Աստուած  
և ոչ երկրային խորհուրդ անկեաց, հրամայեալ տնտեսեաց, նո-  
վաւ, չարաւ զչարինն խրատեալ և կամ սատակեալ, որպէս  
զվիշապն ահագին հնդկայինն ետ կերակուր, և զչրէայսն Բաղ-  
դէացւոյնն խրատեաց, և զխաչահանունն Տիտոսիւ և Աես-  
պիանոսիւ և Ադրիանոսիւ, դատեալ խորտակեաց, Եւ զԾգիպ-  
տականացն ազգ Կիւրոսիւ կործանեալ կրկին կշտամբեաց, և  
մեծահեծան հարուածոց ասի նոյն ինքն Բելիար կախեալ ի  
տաճարին հրամանաց ահաւորին: Արդ դեքն Աստուած գիտա-  
ցին զՄիածինն և դատաւոր ամենայնի դաւանեցին, և պեղծն  
Սմբատ կրկին Սիմոն, իւրոցն դառնարմատ և որոմնաբոյս աշա-  
կերտացն զինքնն ետ երկրպագել, որպէս մոգն այն Սամարացի  
և Մոնտանոս, և Պիւթագորաս, անգրական և Հեթանոսային  
խմաստասէր:

Արդ ամենեկին նուազս ի յորունց և սակաւս ի բազմաց  
գծագրեցի, և մնամ յսել ի բանից ձերոց. քանզի առաջի է  
Տէրունական կանոնի սահման, Եւ ի բանից քոց արդարասցիս,  
և բանից քոց պարտաւորեցիս: Այլ եթէ ընդ գրաբանութիւն  
նոցին զարմանայք, գիտեմք և զսատանայ սաղմոս ասացեալ  
յաւր փորձութեան ամենափրկչին: Եւ արդ՝ եթէ ոչ անէծս կըր-  
կինս և նպովս բազմապատիկս ոչ արձանացուցանէք սկզբնա-  
հաւրն նոցա Սմբատայ և մեռելոց նոցա, և կախարդական կրաւ-  
նից նոցա և դաւանութեան նոցա, և զոր բարին կերպա-  
րանին կրկին կղկղանըս գրէք և առաւել ուրացութիւն վար-  
կանիք, և յիմ նամակիդ ոչ նշանակէք, որով զձեզ անարատ  
յարմար է առնել, և զգայթակղութեանն խէթ տարագրել, և  
գիտէք և իմանայք եթէ վասն ձեր բարւոյ և խաղաղութեան  
և սիրոյ գրեցի և հոգացայ, զի մի՛ ամրոցդ այդ ապաստանի ի  
պահողաց դորին նենգեցի:

Ապա դուք ձեզէն պատուականութեան ձերում մասն ե-  
ղէք, զի այդ Մուշեղ՝ վարդապետ զինքն գրէ, պարտ է ախո-  
յեան լինել ընդդէմ հակառակորդին, և զխրամն հատեալ կարկա-  
տել, և զթերին պատսպարել, և խաւարելոյն լոյս և աղ և խը-  
րատիչ լինել ըստ աստուածային կանոնին: Ապա թէ լոյսդ կար-  
ծեալ ի դմա խաւար է ստուգապէս, աւձահար թո՞վիչ է, և ա-  
նիմաստ գեղատու, զի գիտութիւն ոչ աւժանդակեալ մատարն

Աստուծոյ, ձա՛յն է անընդրական անյարմարապէս ազդեցեալ և պատգամ է նենգական խափանիչ խաղաղութեան: Եւ արդ ո՛ւր գիտութիւն դորա ասելո՞ թէ՛ յո՞ր գրոց ունին նպովել զոր. Պաւղոս և զՏրեշտակն աւտարի ոչ խորհող, նպովեալ, և գնոյն կրկնեալ ոչ պատկառեաց, և Մաւիթ գիտտորեալսն ինքն անէծ կշտամբութեամբ ստորագրեաց: Եւ Տէրն զքնաւ աճեկանացն դասալբութիւնն ասէ, Երթայք յինէն անիծեալք. և զՏերձուածողական չարափառութիւնն ի նւագ դաւանութեանն որ զկնի աւետարանին կանոնեալ պաշտի, կրկին նպովեալ ի սուրբ ժողովոյն Նիկիայ՝ ընկալաք և ուսաք, և դարձուած թղթոցն պատասխանեաց Պետրոսի և ի Սահակայ գորոշեալսն ի Քաղկեդոնականացն նպովական բանիցն խրատեաց, և Կիւրդի Աղեքսանդրացոյ զլուխը նպովականացն հատուածոց ընդդէմ նետտորի, և Հենատիկոն թուղթն Ջենոն կայսեր որ նպովէ յանուանէ ըզբնաւ Հերձուածողան: Զի թէ որ ի մասնէ ունի թերութիւն՝ պատուիրանաւ պարտիմք նպովել, որչափ առաւել զբազմաչերձուած ժողովոյն զգաս, որ կտրեալ են ի Քրիստոսէ, և կապեալ միացեալ ընդ սատանայի: Եւ արդ, Տէր Հայր, մի՛ դժուարիք ընդ բանս գրոյդ, և զանխարդախ սէրդ ատելութիւն վարկանիք, զի սէրն Քրիստոսի ստիպէ զմեզ յայտոսիկ, և կամիմք զձեզ ամբիծս լինել, և զհաւրն Անանիայի, զլիազիաութեամբ զմատեանսն որ ընդդէմ Հերձուածողացն հոգս տարեալ գրեաց, և դուք գրել հրամայեցէք:



**ԹՈՒՂԹ ԿՈՍՏԱՆԴԵԱՑ ԿԱԹՈՒՂՈՍԿՈՍԻ ՀԱՅՈՑ  
ՋՈՐ ԳՐԵԱՑ ԱՌ ՀԵԹՈՒՄ ԹԱԳԱԻՈՐՆ Ի ՅԱՍ-  
ՏՈՒՆԺԱՊԱՀ ԴՂԵԿԷՍ, Ի ՀԱՅՐԱՊԵՏԱԿԱՆ Ը-  
ԹՈՌՈՑՍ ՀՌՈՄԿԼԱԷՍ, Ի ՄԱՅՐԱՔԱՂԱՔՆ ՍԻՍ-  
ՊԱՏԱՍԽԱՆԻ ԹՂԹԻՆ ՈՐ Ի ՊԱՊԷՆ ՀՌՈՄԱՑ  
ԲԵՐԱԻ ԱՌ ԹԱԳԱԻՈՐՆ ՀԱՅՈՑ ՀԵԹՈՒՄ, Ի  
ՉԵՌՆ ԼԻԿԱԹԻՆ ՈՐ ԿՈՉԷՐ ՏԻՄԱՆՉ, Ի ԹՈՒԻՍ  
ՀԱՅՈՑ Ի ՈՂԵ. Ի ՉԵՌՆ ԱՐԴԻԻՆԱԿԱՆ ՎԱՐ-  
ԴԱՊԵՏԻՆ ՎԱՐԴԱՆԱՑ ՅԵՐՄԱՐ ԻՐԻՍ:**

**Ս**ուրբ Թագաւոր ամենայն Հայոց, յառաքեալ գրոյ քո, ծանեաք զքոյին հրամանսն, զոր հրամայել էիր քաղցր և կալի- շազոյն առնել զպատասխանինն թղթի պապուն և նրբատես առնդ Տիմանչիդ, որ առաքեցաւ ի Պապէն գտանել զմեզ յետ Ռ, և Մ, և ԽԸ ամի գտանելոյս մերոյ ի Տեառնէ: Սարծեն զՀայոց եկեղեցին աղքատ ի գիտութենէ. և յայս գիրս գտաք ժե, սխալ և անընդունակ բան, խառնեալ ընդ ճշմարիտսն. է՛ զոր իմանալով և ի չար կամաց են զրել, և է՛ զի չեն կարացել տեսանել զթիւրն:

Յառաջ որ գրեալ է թէ Հոռոմայ աթոռն միայն ունի իշ- խանութիւն ի վերայ երկրի կապելոյ և արձակելոյ և ծառայու- թիւն պարտին նմա ամենայն եկեղեցիք: Չայս ընդէ՛ր ոչ էած զմտաւ, զի յորժամ ախտացան այսպիսի առաքեալքն թէ ո՞ իցէ ի նոցանէ մեծ, սաստեաց Տէրն և ասաց. այդ հեթանոսաց և անհաւատից է բան, այլ ի ձեր միջի այդ ոչ լինի: Արդ զորք լրբութեամբ սուտ կամին առնել զՏէրն, և Յովհաննէս աւետա- բանիչն ասէ թէ, յետ յարութեանն փչեաց յամեն առաքեալսն և ասաց, Առէք Հոգի սուրբ, թէ ուրուք թողուցուք զմեզս թո- ղեալ լիցի, և թէ զուրուք ունիցիք՝ կալեալ լիցի: Այս այլ ի՛նչ



է, բան իշխանութիւն կապելոյ և արձակելոյ, և յ ԲԺ, ամթառն զմէկն ետ Պետրոսի Գ, առաքեալ յԲԺիցն, և Գ, յեւթանասնիցն ի Հայք կան, պատե՛հ է, որ դոքա կապեն զՀայք: Եւ Պետրոս նախ ի Կեսարեայ Փիլիպեան հաստատեաց եկեղեցի, և ապա յԱնտիոք, և յետոյ ի Հոռոմ: Ընդէ՛ր եղև Հոռոմ առաջին: Թէ ըզ-Պետրոս իւրենք սպանին ի Հոռոմ, զՊետրոսի Աստուածն Հրէայքն սպանին յԵրուսաղէմ: Երուսաղէմ ընդէ՛ր չէ հրամանատու ամենայն երկրի: Եւ այսպիսի բանս դոքա կու տան ասել: Թէ ոչ: Պետրոս և իր բանքն յետ Գրիստոսի է մեզ, իսկ դոցա վարքն և բանքն չէ Պետրոսին: Եւ մեր վասն հարցն մերոց երգժանն սիրոյն և ուխտին, նոցա չարին չեմք հաւատացել և վնոցա խալատն ջանացել եմք որջացնել:

Երկրորդն՝ որպէս զայն՝ որ կու ասեն զՀոգին ի Հաւրէ և յՈրդոյ, որ պղտորումն և շփոթումն անէ մտացն լրաւդին: Բայց մեր լսելով՝ վնոցա բամբասանքն յայլոց ազգաց, ասցել ենք թէ չկայ վնաս և ի գրոց է բանն. և իրաւ եմք ասցել, զի իմաստնոցն միտքն որջ մնայ ի լսելն: Բայց ախմարացն ցաւէ՛, յաւ չասելն է, զի մի է պատճառն Հայր, միոյն ծննդեամբ և միոյն ելրդութեամբ. և պատե՛հ է, որ մի լիցի պատճառ յատուկ, յատակ, մեկին, և պարզ: Եւ Հոգի Որդոյ ասի, զի Որդուով բաշխեցաւ պարզ և ի Հոգւոյն, որպէս հայրենի բարիքն:

Երրորդ սղալանքն, որ կայր ի Թղթիս Բ. բնութիւն են ասցել զմարդ, որ թէպէտ և է երկու, անմարմին և մարմին, հոգի և մարմին, այլ չեն ասցել ոչ եկեղեցի և ոչ արտաքինքն երկու բնութիւն զմարդն, այլ մէ՛կ, զի թէ առանձնանան՝ պակասեաց բնութիւնն, զի ոչ զհոգին է ասցել մարդ, և ոչ զմարմինն, զի ի մի բնութիւն կապեաց վնա արարողն. և զայլն իմանաս դու:

Չորրորդն որ ասցել են, թէ միշտ, նոր ստեղծանին հոգիք հանապազար, և թէ այդպէս է, սուտ է Մովսէս որ ասաց, կատարեաց Աստուած զամենայն և հանգեաւ: Ասէ զայս նիւսացին Գրիգոր, թէ հնգիցս բիւր, մինչ զսակաւն ասացից, ամէն աւր՝ մարդ ծնանի, թէ նոյնքան հոգի ստեղծու Աստուած յաւուրն: Այլ թէ ասեն և մարմինք նոր ստեղծանին, զի զայս այլ են խալտել, սուտ են: Զի ի ծնաւդացն ծնանին մարմինքն, և ոչ նոր, և հոգիք ոչ յառաջ ասին ստեղծանիլ մարմնոյն, և ոչ զկնի, և ոչ ի հաւրէ և ի մաւրէ կտրեալ: այլ անձառելի է վա-

սըն նմա բանն, զի պատկեր Աստուծոյ է, քանզի որքան զկերպարան սկզբնատպին ունի պատկերն, ապա է պատկեր, զի թէ մեր հոգիս գիտելի էր և Աստուած անգիտելի, սուտ էր բանն, թէ պատկեր է Աստուծոյ հոգին, այլ դոցա լրբութիւն է զայդ ասելդ:

Հինգերորդ խալատն՝ այն է որ զՄարիամ կին և կոյս է գրել, և ոչ երբէք Աստուածածին է յիշել, որ յայտնապէս նեստորին է:

Վեցերորդ և մեծ հերձուած որ գրեայ է թէ եղև կատարեալ աստուածութիւն հաւասար Հաւր, զի ի վերայ Աստուծոյ Բանին եղեալ ասելն Արիսին է, զի աստուածութիւնն որդւոյ, ոչ է եղելութեամբ:

Եւթներորդ սղալ գրեայ է թէ՛ եղև մարդ, որով փոքր է քան զՀայր: Եղևն պատշաճի մարդկութեանն. բայց ասելն փոքր քան զՀայր մեծ վնաս է, զի պակասն սան զՀայր, չէ Աստուած, եթէ այդպէս է, և ոչ կարաց ի փառս ածել զմարմինն և ոչ միաւորեցաւ ընդ Աստուծոյ, և ոչ աստուածացաւ ըստ նոցա վարձեացն, և թէպէտ ինքն ասաց, Հայր իմ մեծ է քան զիս, չասաց թէ ես փոքր եմ քան ցնա, և մեծն պատճառին միայն է, զի նա ի Հաւրէ և ոչ Հայր ի նմանէ, և այն առ անհաւատ Հրէայն ասացաւ, որ հակասակ կարծէին ցնա՛ Հաւր, զփառսն ի Հայր վերաբերէր ամենայն ուրեք, և ասէր թէ՛ Հակառակն փառս անձին իւրոյ խնդրէ. իսկ որ խնդրէ զփառս այնորիկ՝ որ առաքեացն ցնա, նա ճշմարիտ է: Նաև զՀայրն փառաւորելով, զանձն փառաւորէր, զի Որդի էր մեծութեան նորա, այլ որպէս դոքա յանդգնին. պակասեաց Որդի՛ մարդեղութեամբն, և վզէ՛ն եղև նմա, և զղջագեալ լինի ըստ նոցա, որպէս ամենայն զրկեալ, այլ ըստ ճշմարտութեանն և ըստ մեզ հարստութիւն և ճոխութիւն Որդւոյ՝ եղև մարդեղութիւն նորա և յաճախեաց փառաբանութիւն նորա և խոստովանութիւն և Հաւր և Հոգւոյն սրբոյ, զի որքան անմարմին էր, երկնայինքն միայն փառաւորէին ցնա, իսկ մարդեղութեամբն ամենայն ազգ և լեզուք առ մենայն. թէպէտ նա ոչ վասն իւր փառաց, այլ վասն մեր մարգացաւ, զի և մեր փրկութիւն է փառք նորա:

Ութերորդ վնասն. Բ. բնութիւն. և Բ. կամք Քրիստոսի. զի յառաջ զմարդն Բ. բնութիւն ասացին, և արդ զՔրիստոս Բ. բնութիւն, որ ըստ իւրեանց անմտութեանն. Գ. պարտ էր ա-

սել ըստ կարգի բանիցն իւրեանց, և թէպէտ զայն ընդ խալատ ասեն ասացեալ. սակայն Բ. բնութիւն ասելն, ոչ միայն զԱստուածածինն՝ մարդածին բերէ, և զԽորհուրդն մարդոյ միայն արիւն, այլ և ի յԵրրորդութիւնն մուծանեն Բ. բնութիւն և Բ. կամք, որ է մեծ մեղք:

Ինն սղալն, գրել են, թէ Ջարդարսն միայն եհան ի դժոխոց և զայլսն եթող անդրէն: Ապա ընդէ՛ր աղաղակէ եկեղեցի թէ աւերեաց քակեաց քանդեաց զդժոխսն, ապտեաց զհոգիսն ի սատանայէ, զի թագաւորն արարածոց մահուամբն ի բանդն երթեալ կալանաւոր մնայր անդ: և ո՛ւմ ասէ մարգարէն՝ Դարձցին մեղաւորք ի դժոխս, երբ ի տեղն կան: Եւ զի՛նչ է դժոխքն, եթէ ոչ իշխանութիւնն սատանայի ՚ի վերայ հոգոյն յորմէ ընկէջ զնա Տէրն, և թէ ի տեղուջ ասեն. ո՛չ հակառակիմք, սակայն՝ Աւերեաց Տէրն զդժոխսն, գրեալ է՝ և յաւերն ոչ որ բնակէ, և եթէ նոքա թողան ի տեղն, յայտ է թէ և յայնմհետէ և յաւիտեան, անդ տանին զհոգիս մեղուցելոցն դէքն, և Տէրն ինչ ոչ արար. զոր մի՛ լիցի մեզ ասել:

Տասն սղալն, գրեալ են թէ, Յետ յարութեանն և չարչարանացն, առաւել փառաւորեցաւ մարմինն Տեառն. Յայտնի է ասաւղն բանիդ, որ ասաց թէ՛ վասն վարձու չարչարանացն, փառաւորեցաւ յետ յարութեանն: Այլ մեր խոստովանիմք ընդ յղանալ բանին յարգանդ Կուսին և ի խոանիլն ընդ մարմնոյն փառաւորեցաւ, և այլ ոչ յաւելաւ նմա փառք, զի փառք մարմնոյն աստուածանալն է, զի թէ աստուածացաւ, և աստուածացեալ ծնաւ, ըստ որում Աստուածածին է ծնաւղն, ապա այլ ի՛նչ մնաց նմա ի փառաց:

Տասնումէկ սղալն, Ջմիրտութիւնն յերկուս են հատել. քահանայն մկրտէ, և եպիսկոպոսն մեռոնէ և հոգի տայ. Թէ այդպէս է որ քահանայն հոգի չկարէ տալ, ապա զի՛արդ զհացն և զգինին մարմին և արիւն Աստուծոյ գործէ, կրչելով զհոգին սուրբ. ո՛չ ապաքէն մի և նոյն է խորհուրդ զախտի ծնունդն՝ անդամ Քրիստոսի, և զքոյսն հողոյ՝ մարմին և արիւն Աստուծոյ առնելն նոյն հոգւովն՝ որ զԿոյսն մաքրեաց, և զՅորգանան սրբեաց, և զի՛արդ կարէ թողութիւն տալ խոստովանողացն Հոգւովն սրբով՝ քահանայն:

Երկոտասան սղալ, զոր մոռացեալ են յեւթն քահանայագործութենէն, Ջմեռոն աւրհնելն, որ է յատուկ գործ եպիսկո-

պոսի, զի որպէս բաճանայն վեհագոյն աստիճան ունի սարկաւագի՝ զբաճանայնութիւնն, և եպիսկոպոսն երկոքուամբ գործովքն զոր գործէ, վերագոյն գտանի բան զբաճանայն, բաճանայ աւրՏն և մեռոն կատարէ երկնաւոր խորհրդով, որով աւժանին ամենայն շնորհընդունակ աստիճանք և սպասք եկեղեցւոյ:

Երեքտասան սղալ, որ Զերրորդ և զչորրորդ և զևաւելին ամուսնաւորքն աւրինաւորք են գրել, որպէս զառաջինն, և անդատապարտք և առանց խղճմտանաց: Եւ զիւրար իցէ անաւրէնութիւնն աւրինաւոր: Աստուած ասաց եղիցին երկուքն ի մարմին մի, և Տիմանչն կու ասէ թէ Ե և Զ ի մարմին մի: Յ և ԺԸ Հայրապետքն զերկրորդն ընդ խղճմտանաւք դնեն, և ի նոցունցն զԴ և զԵ, և զևաւելին առանց խղճի մտաց, թող զայլ սուրբ ժողովսն, և զմեծն Աթանաս և զայլսն, որք Հոգւովն սրբով, և սքանչելաւք վարէին, որ և ամենեքեան պնդեցին չլինել քրիստոնէից բոլանոց, և առանց լծոյ թողեալք և դոքա զայդ ասեն, և նոր կտակ մեզ գրեն: Ամ է՛ր չասեն թէ բովանդակդ առաջնորդացդ չէ մեզք, նա ժողովրդականացն մէկ ունելն, ի՞նչ մեզք է. բանգ ի յայդ է եկեալ, որ ում պիտի դոցա լսէ, և ո՛ւմ պիտի նոցա լսէ, որովք Աստուած խաւսէր:

Չորեքտասան սղալ, որ ասեն, Մինչև յաւրն դատաստանի առնուլ զվարձ արդարոցն որք դասին ընդ հրեշտակս, և անապաշխար մեռելոցն ի ներքոյ տանջանաց մտանել և չարչարիլ, զոր կոչեն Բիրկաթոր. ապա Քրիստոս յի՞նչ է գալոց ի դատաստան. երբ ի գալստեանն նորա վճարեալ է ամենայն ինչ, Եւ զի՞նչ անիրաւ գատաստան բան զայն մարմնով արդարանալ կամ մեղանչել, և առանց մարմնոյ փառաւորիլ հոգւոցն կամ տանջիլ: Այլ մեք զնախամաքրումն պսպէս ասեմք և զնախաճանգելին, թէ խոստովանութեամբ կատարեալ հոգիքն թէ արդարք, թէ մեղուցեալք ի միում տեղւոջ կան, մեղուցեալքն տանջին միայն վախելով և տրամութեամբ, զի գիտեն զինքեանս, և արգարանան խորհրդով եկեղեցւոյ և բաւին և սրբին յիշատակաւքն յետնորդաց և ազաւթիւք և պատարագաւք, և համարեալ է երկիւղն և արամութիւնն նոցա տանջանք, և արդարոցն խնդուութիւն յուսով առաջիկայ երանութեանցն, և վտտահութիւնն՝ զոր ունին առ Աստուած. այն համարեալ է նոցա նախաճանգիտ. զի իմացականն հոգւոյն է, ճանաչեն ո-

րոց արժանի են և խնդան, և տրտմին անդ ուր կանն. այլ զկատարեալ փոխարէնն ոչ ունին, երկաբանսիւր կողմանքն: Բայց այնքան միայն որպէս իցեն ժ պր ի միում տան արգելեալք ի ժամ յերկեղոյն, Տինգն ի նոցանէ ակն ունին ի վաղիւն պսակի, և Տինգն հատման գլխոցն, և ոչ նմանապէս անցուցանեն նորա զգիշերն, այլ խնդուլթեամբ և տրտմութեամբ բաժանեալք: Այս հանգստեան և տանջանաց վախճան է, և զալուստն է երկրորդ, և ապա այն լինի որ ասէ Տէր. Երթիցեն նորա ի տանջանս յաւիտենականս, և արդարքն ի կեանսն յաւիտենականն: Ասցած է ազգ մի այլ, որ Ռ. ամաւ յառաջ յառնեն բուն արդարոցն քան զանապաշխար մեղուցելոցն, բայց ոչ է ընկալած:

Հնգետասան սղալ, այս է որ գրեալ են, թէ Այնք՝ որք ընդ հրեշտակս դասեալք են, և որք ի Բիրկաթորն՝ միապէս փառաւորին, և անհաւատքն և մահուչափ մեղուցեալքն՝ ի միում տանջանս կայցեն: Եւ մեր ուսեալք ի գրոց ասեմք, թէ չափ և համար ոչ գոյ զանապանութեան փառացն արդարոց՝ ըստ պէս պէս և բազմատեսակ առաքինութեանն, և ազգի ազգի ծանապարհացն՝ զոր Տէրն հրամայեաց՝ Ի տան Հաւրն բազում աւթեւանս լինել. և Պաւղոս ասէ, Այլ փառք արեգական, և այլ փառք լուսնի, և աստղ քան զաստղ առաւել է փառաւր. վասն զանապանեալ հատուցմանն ասելով կայս. զամենաճառագայթ երանութիւնն՝ զոր առնուցուն ըստ գործոց իւրեանց: Նմանապէս և տանջանացն է որոշումն և զանապանութիւն, ոմանց հուր, ոմանց հուր և խաւար, կիսոց դժոխք, և կիսոց յատակ դժոխոց, ոմանց որդն և հուր, և ոմանց սառամանիք և տարտարոսք. և կիսոց յոյժ սակաւ պատիժք, և այլոց ոչ տանջանք և ոչ հանգիստ, և գորա երկուք միայն են ստուգել. Իսկ մահուչափ մեղք, մեր ասեմք թէ այն է, որ թէ որ արտաբոյ աւրինաց առնէ ոչ ինչ մի, և ասէ թէ այս փոքր է, որ ոչ համարի թէ մեղք է փոքր կարծելով. ոչ խոստովանի և ոչ ապաշխարէ, թուի թէ այդ իւրեանքդ են, որ լոյժ կենաւք կեան, անպահք և խառնակեացք, և ապաշխարութեան փոյթ ոչ առնեն. թո՛ղ երթան սրբեն զիւրենք, և հանեն զգերանս իւրեանց, և ապա հային ի մեզ:

Չայս ամէնս կամէաք ասել ընդ իւրենք. և ի քո հրամազագդ արգելաք, և թէ ջանացել էին կարկատել զիւրեանց

բանն և կեցնել, և մեզ չէր պակաս Աստուծոյ ողորմութեամբն ճշմարտութիւնն զոր տուեալ էաք ի դէմ: Դուք թէ պատե՛հ տեսնոյք յայտնեցէք իւրեանց զոր կամիր, ապա կեցիր մինչ պամէն՝ զոր կամին ասել՝ ասեն, և մեզ իմացնէք որ պայն այլ իմանանք: Թող բերեն առ մեզ զՊետրոսի դաւանութիւնն, և զՍեղբեսարոսին և զՆեղեստիանոսին և զՅուլիոսին, պաղպիսեացդ առաջնորդաց խոստովանութիւնդ թէ չընդունիրք. յԱստուծոյ առնուք զբանագրութիւնն և ի նոցունց: Ապա զիւրեանց արուեստակեալ առասպելսն իսկի չընդունիրք, այլ և արհամարհեմք, և չիշխեն ի վերայ մեր ամենեին, և ոչ վասն դոցա ելնեմք յաշխարհականացն սիրոյ. և յաղաւթելոյ ոչ պակասիմք վասն դաշանցն հարցն մերոց սրբոց. և խաղաղութիւն կայցուք ընդ Աստուծոյ և ընդ սուրբ և ընդ անրիժ հաւատս նորա: Եւ ի գառնպղեցիցդ զգուշացուք, որ ընդ Աստուծոյ և ընդ պնպիսի թագաւորին իւրեանց շմորեն, կամին և ընդ մեզ շմորիլ. իւրենք գիտեն: Թէ ընդ բեզ հաւատ հարցանեն և պահանջեն, դու հրամէ, թէ ես զիմ առաջնորդացն ունիմ հաւատս և զիմ եկեղեցւոյն. և նոցա պարտիմ համարս տալ և ոչ ձեզ. Ո և Ի գաւառ են Հայր, յԵզնկայէն ի վեր, և կան որ աւեր են և կան որ ի ծառայութեան. թէ կու ցաւին ընդ Հայոց, թող երթան ազատեն, և խաւսին ընդ Հայոց վարդապետարանսն և ընդ յպրատունսն, որ ոչ ըլլայթով և խաբէութեամբ ուսուցանեն և ուսանին՝ որպէս դոքա, այլ ճշմարտութեամբ և հիմամբ առաջնոցն, և ապա գան առ մեզ: Թէ կարեն զնոսա փոխել, մեք պատրաստ եմք, որ ոչ թողումք զճշմարտութիւնն յաւժարելով զկնի բազմաց ի կորուստ երթալ. թէ ոչ թող իսաւն առնեն և յղարկեն՝ թէ որպէ՛ս խոստովանին Հայր: Ողջ լեր կրկին թագաւորել, թագաւոր աստուածասէր:



**ՔԱՆԻ ԽՐԱՏԱԿԱՆՔ ՎԱՍՆ ՀԱՒԱՏՈՅ, ԶՈՐ  
ՅԱՅՏԵՆԵԱԼ Է ՀՈԳԻՆ ՍՈՒՐԲ ԱՏՏՈՒԱԾԱՍԷՐ  
ԱՐԱՆՑ ԱԻԳՏԱԿԱՐՔ՝ Ի ԺԱՄԱՆԱԿՍ ԺԱՄԱ-  
ՆԱԿՍ:**

**Ա.** Պատմեաց մեզ հայրն մեր և հայրապետն սուրբն Պետրոս, եթէ սկիզբն աղանդին «Գողկեդոնի» նեստորիոս եղև. Գանդի էի ես, ասէ, ի Կոստանդնուպաւլիս, ի տաւնի սրբոց քառասնիցն, և էաք յաւագ եկեղեցին. հայեցաւ նեստոր ի պատուէր Տիրամաւրն և ասաց. Ո՛վ Մարիամ, մի՛ պարծեր եթէ զԱստուած ծնար, զի դու մարդ ես, և մարդ ծնար, որպէս ասաց քահանայն իմ. Եւ առ ժամայն հարաւ ի դիւէն և զարկաւ զգետնի. և բարձեալ զնա սարկաւագացն և տարան յարկս իւր, և այս եղև սկիզբն պղտորման եկեղեցւոյ: Թէ և սակաւ մի լըռեաց նեստոր յետ պատուհասին, այլ ոչ եթող զանաւրէնու թիւնն.

**Բ.** Պատմեաց ինձ և նոյն սուրբ հայրն իմ վասն Պլակիտոնոսի Առհայեցւոյ, որ էր սուրբ ճգնաւոր և ունէր հոգի մարգարէութեան, եթէ լուաւ նա զհերձուածն Հիբասայ և յանդիմանեաց զնա, և ոչ լուաւ նմա. Եւ զպրացաւ սուրբն և եկն ի Փղիշտ, և կայր անդ լռութեամբ. և զայր առիս ի Գազաւր ըստ աւրէ վասն հոգևոր իրաց ինչ. Եւ յաւուր միում եղև ի զարմացման ժամս ինչ, և իմացաք եթէ երևումն ինչ եղև նմա, և հարցեալ մեր զպատճառն յետ պնորիկ և ասաց. Թառնէ թագաւոր յետ է, ամբ Մարկիանոս անուն, և առնէ ժողով և հաստատէ զնեստորին, և կրեմք ես և դու վիշտս և ի նոյն կատարիմք:

**Գ.** Գարձեալ նոյն սուրբն Պլակիանոս յաւուր միում եղև ի տեսեան և ասաց. Վայ Պողբեր Վայ Պողբեր. և ժողովեցան բազումք հարցանել և ասէ. Պոյբեր՝ որ ի կուսանաց վասն կայր

Հաւատվոր, և յետոյ կին լեալ Մարկիանոսի թագաւորի, նուիրեաց զանձն Աստուծոյ, պոռնկեալ անկանի յԱստուծոյ, և լինի կործանիչ ուղղափառութեան:

Դ. Պատմեաց նոյն պրն Պլակիոս, եթէ գնայի ես երբեմն յԵրթուաղէմ և գտի անդ զսուրբն Աստուծոյ զԵւելիոս եպիսկոպոս ճգնաւոր և առաքինի. և սուրբն Պանփիւլէ սարկաւագն աշաւթէր ի սուրբ Գողգոթայ, և եղև ի զարմացման, և յետ աղաւթիցն ասաց. Եղբարբ, այս Եւելիոս որ պատուեալս է յամենեցունց, լինի ժողով ի Քաղկեդոն, և ընկենուն զսա յաբսորըս վասն ուղղափառ Հաւատոյ, և յայտոսիկ մեռանի:

Ե. Գարձեալ նոյն սքանչելին Պլակիոս յաւուր միում ասաց ընդ Հայրն մեր Պետրոս և Յուսէփ ներքինի. Այժմ ընթերցարուր զգրեանդ, զգուշացուսիք զՀաւան Քրիստոսի՝ զոր յանձնեաց ձեզ. զի գան աւուրբ յորս ոչ պարապիք ի Հալածանացն. և ասէ ցուրբն Պետրոս. Մեծ տրամութիւն կրեւոց է եկեղեցի սուրբ յետ աւուրց, և յորժամ լինի յիշեցէք ապաքէն: Եւ ինքն սկսաւ աղաւթել. Տէր իմ Աստուած Յիսուս Քրիստոս, մի՛ տանիր զիս ի ժամանակն յայն, ոչ փախչիմ ի Հալածանաց, այլ ոչ կամիմ տեսանել զանարգանս սուրբ եկեղեցւոյ, արդ որպէս կամիս առ զողի իմ ինէն և ուր կամիս ժողովեալ զիս: Եւ եղև ընդ աւուրսն ընդ այնոսիկ գնալ նմա ի տեղի իւր, և կալաւ զնա ցաւ, և պատահեաց նմա պր մի սուրբ, և Աստուծոյ կամեցեալ ընուլ զաղաւթան Պլակիոսի, անկեալ առաջի նորա, և ասէ. Հայր յիշեա զիս յաղաւթան, և վճարեցաւ Եւ ազդ արար պրն մերձակայ գեղջն, և եկեալ տարան զնա և պատուով թաղեցին:

Զ. Պատմեաց մեզ Յովհաննէս բահանայն Աղեքսանդրացի, եթէ մինչ մանուկն էի ես, կամեցայ գնալ ի մեծ բաղաքն Ալատիս, յուսումն իմաստասիրութեան, և մտի ի յայր մի՝ ուր մարգարէն մեռեալ էր և սկսայ աղաւթել և խնդրել զկամն Աստուծոյ՝ բարեխաւսութեամբ առն Աստուծոյ: Եւ եղև առ իս ձայն և ասէ. Որդեակ, չկայ խաղաղութիւն, չկայ ժամանակ բարւոյ, զի յառնէ թագաւոր Մարկիանոս անուն և առնէ ժողով, որ ուրանան զմահն Աստուծոյ խաչիւ, և ասեն մարդ խաչեցաւ, և յառնէ Պատրիարք Իէոսկորոս անուն, որ կենայ ընդդէմ աղանդին և ի նոյն մեռանի վկայութեամբ, և շփոթ ժողովոյն ոչ դադարէ մինչև ցնեուն:



Է. Հայրն Ձեռնն ի Քրաչրու գեղչէ, Փղշտացի, ասաց  
ցհայրն Ստեփանոս, թէ կամիս յաւտարութիւն գնալ՝ գնաւ. և  
եթէ կամիս բարի ինչ առնել արդ՝ արա. զի ժողով լինելոց է  
ի Քաղկեդոն խոռովիչ եկեղեցւոյ: Եւ ինքն խնդրեաց ի Տեառնէ  
մահ, և վճարեցաւ ըստ սրտի իւրոյ:

Ը. Պատմեաց հայրն Անակտիոս Պանփիւլացի, գլուխ եղբարց  
բազմաց, եթէ այր մի սուրբ բնակէր յառանձնական խրճիթս,  
եկն առ նա սատանայ և ասէ ցնա. Հնապանդեա ինձ, և նա ա-  
սէ. Մի՛ բարի բեզ, Եւ ասէ սատանայ. Չհնազանդի՞ս. ահա առ-  
նեմ ժողով զի ամեներին հնապանդին ինձ: Եւ զայս ասաց զի  
լցին զկամս սատանայի ասել՝ թէ մարդ խաչեցաւ վասն աշխար-  
հի, զի նա հաւանեցոյց:

Թ. Ի նմին ամի յորում լինելոց էր ժողովն Քաղկեդոնի,  
խաւարեցաւ արեգակն, և տեղեաց աւգ բարինս և հողս ընդ  
երկիր, և էին բարինքն որպէս ձեռագործս մարդկան, և որք  
առին զբարինս ի ձեռս իւրեանց կուրացան յԵրուսաղէմ և ի  
Փղիշտ: Այլ Եւսերի առաքեաց ի Կոստանդինապօլիս առ Եւ-  
դորսիայ, զի անդ ոչ եղև, և գուշակեաց թէ պատճառ խաւար-  
ման եկեղեցւոյ լինելոց է: Իսկ Պետրոս և Անդրէաս աշակերտ-  
քըն իւր վկայեցին, եթէ ի լինել ժողովոյն Քաղկեդոնի կուրա-  
ցեալքն այն աւճանէին արեամբ սպանելոցն զաչս իւրեանց վասն  
ուղղափառութեան, և լուսաւորէին ի փառս խաչելոյն Աստուծոյ:

Ժ. Ի նմին ժամու յորում եղին զթագն ի գլուխն Մար-  
կիանոսի, խաւարեցաւ արեգակն, և ասաց Մարկիանէ, նշանս  
այս է, որ մինչև յիմ թագաւորութիւնս խաւար էր հաւատս  
և արդ լինելոց է բարութիւն և լոյս հաւատացելոց, մի՛ ինչ  
տրտմիմբ ընդ պատահմունս:

ԺԱ. Յեկեղեցւոյն՝ որ կայր ի տեղուջ Համբարձմանն  
Տեառն, կայր խաչ մի ոսկի ի վերայ գումբայթին, որ ի լինել  
ժողովոյն Քաղկեդոնի յանկարծ այրեցաւ և փռչի եղև, և գրե-  
ցին ի Կոստանդնուպօլիս, և առաքեցին խաչ պղնձի գնել ի  
տեղուջն: Եւ յորժամ եղև ժողովն՝ վիճէին ընդ միմեանս ի Կե-  
սարիա, թէ մարդն Քրիստոս խաչեցաւ, և եղև պատարագն նո-  
ցա միս և արիւն մարդոյ, և ոչ կարացին ճաշակել, և պահեցաւ  
առ բազումս ի վկայութիւն:

ԺԲ. Պատմեաց մեզ հայրն Եսայի, եթէ ասաց հայրն Պաւ-  
ղոս Եթովպացի որ ճ և Ժ, ամաց էր ի Տէր. եթէ զկնի Ի ա-

մաց մեծ շփոթ լինի եպիսկոպոսաց ի ձեռն Մարկիանէ, որ թագաւորէ Ջ. ամ, և յետ այնորիկ լինի սակաւ մի խաղաղութիւն և դառնան վերստին ի նոյն չարիսն: մինչև ի սուտ Քրիստոսն:

ԺԳ. Ասաց Հայրն սրա սիրեաք \*) մեռեալ են, որ յանդիայն \*) Աղեքսանդրի էր. թէ գնացի ես առ Հայրն Եսայի և նա ունէր ի ձեռն իւր Սիրա, և միտք իւր վերացեալ էր. և յամեցի առ նմա, և պատկառեալ իմ դարձայ, և կոչեաց զիս և ասէ. Նի'ստ և գրէ', թէ սուրբն Տիմոթէոս՝ որ պսաւր յաբսորս է, յետ սակաւոյ դառնայ և կանգնէ. զուղղափառութիւն զերկուս ամս, և ննջէ. և յետ նորա լինի սարկաւազապետն իւր եպիսկոպոս, և յաւուրսն յայնոսիկ լինի պատառումն մեծ, որ ոչ ողջանայ մինչև յերևումն սուտ Քրիստոսին:

ԺԻ. Պատմեաց Հայրն Պաւղոս անապատաւորն և ասէ. Ոմն ի Հարանցն տեսանող մարգարէ՝ տեսանէր ժողովեալ զամենայն եպիսկոպոսս երկրի, որ վառէին թոնիր, և կալեալ լուսնապատկեր երիտասարդ մի, և ընկեցին զնա ի թոնիրն և ծեփեցին, և յետ երից աւուրց տեսանէր կենդանի ելեալ զերիտասարդն, և ասէ ցնա, Տէր ո՛վ էին որ ընկեցին զքեզ ի հուրն, և ո՛վ եհան զքեզ անտի: Եւ նա ասէ. Հրէայքն, Նեստորականքն, Քաղկեդոնայքն, եպիսկոպոսքն այն՝ որ ասեն մարդ խաչեցաւ վասն աշխարհի, և այրեցին զեկեղեցի իմ. և ծեր մի՝ որ ոչ միաբանեաց ընդ նոսա, և փրկեաց զմարմին իմ յայրմանէ հրոյն: Եւ ասեմ. Ո՞ էր նա Տէր: Եւ ասէ. Իէնսկորոս, զի որպէս Կիւրենացի էր Սիմոն՝ որ եբարձ զխաչն իմ, և Կիւրէն է աշխարհն Լիբիոյ, որ բառնան զխաչն իմ պարծանաց ի ձեռն Գեոսկորոսի և պահեն զուղղափառութիւն:

ԺԵ. Սուրբն Տիմոթէոս ի ժամ ննջման իւրոյ պատմեաց, եթէ մինչ մանուկն էի ես և երթայի յաւուր միում ի զըպրոցն, և պատահեաց ինձ այր մի լուսազարդ ծեր, Համրուրեաց զգլուխ իմ, և ասէ ցիս երիցս. Ողջոյն ընդ քեզ, Տիմոթէոս Հայրապետ կատարելութեան, զու լինիս պատճառ առողջութեան անդամոցն Քրիստոսի:

ԺԶ. Պատմեաց նոյն Տիմոթէոս, թէ գնայի ես ի տեսլեանն ի Սելուլամ, և տեսի անդ վանք մի աւեր, և ամենայն

\*) Այսպէս յօրինակին.

պողարերքն նորա դարձեալ էին ի փուշ. և այգիքն բեկոտեայք ուռք և որթք. և ասեմ. Զի՛նչ է այս, Եւ ասնն զիս. Այս վանքն է Յուրնաղայ, ուստի կոչեցան յեպիսկոպոսութիւն, և եղև հակառակ Դիոսկորոսի ի ժողովն Քաղկեդոնի, և կատարեցաւ առ նա բանն, թէ՛ Եղիցի բնակութիւն նոցա աւերակ և ի յարկս նոցա մի:

ԺԷ. Յաւուրս աղուհացիցն, շրջէր Յուրնաղ ըստ առաջին սովորութեանն խրատեւ վնոսա, և գնաց ի դուռն տեսողի միայնաւորի. և փակեաց ընդդէմ նորա. և նա երթեալ բախէր, և ասէ ցնա միայնականն. զնա՛ սուտ Քրիստոս, զնա՛ Յուզա մատնիչ: Եւ նորա հենգնեալ ասէ. Պահքն տարեալ է զիւելսն, թո՛յլ տուք դմա, և գնացին ամաւթով:

ԺԸ. Անագանոս մի յԵրուսաղէմ ի Պրոպատիկէէն. տեսանէր զՏէրն զի մտանէր ի տաճարն հանդերձ հրեշտակաւք. որք ունէին յապտերս շիջեալս, և ասէր Տէրն. Մոռացան զբրախտիսն իմ, վա՛յ բեկ Յուրնաղիոս, արարեր զտունս իմ այրս աւազակաց՝ բոլոց և պոռնկաց և շնանոց: Եւ բացաւ առաջի նորա խորհրդանոց. և սկին էր աղտեղեալ և փոշոտեալ կտաւով ծածկեալ, և ասաց Տէրն. Հանէք և ձգեցէք արտաբս, զի չէ դա իմ. Եւ ցԱնագանոսն ասէ. Ե՛լ աստի. և նա ասէ. Ողորմութեամբ աւզնեալ՝ ինձ Տէր: Եւ վերացաւ Տէրն, և յուաւ Յուրնաղ զբանն, և զիտացեալ եթէ համբաւեալ էր տեսիլն, և ի զիշերի աներևոյթ արարին զԱնագանոսն:

ԺԹ. Յաւուրսն յայնստիկ ոմն ի սրբոցն՝ Պետրոս անուն, ետես զսուրբ խորհուրդն ապականեալ ի տեսլեանն, և ոչ ևս հաղորդեցաւ մինչև ցմահ \*) մահուան իւրոյ:

Ի. Ոմն անապատաւոր՝ Պաւղոս անուն, որ բնակեալ էր յԵրուսաղէմ, հեռագոյն ի բաղաբէն Թ. մզոնաւ տեսանէր ի տեսլեանն դաշտ մի և ի մէջ նորա բլուր մի. և ի վերայ նորա սիւն մի ոսկի ակամբք և մարգարտով զարդարեալ, և ցոլմունք շառաիղաց հրեղինաց հատանէին ի նմանէ, և բազմութիւն զաւրայ կային նմա ի սպասու, Ո՞ք հապարաց և բիւրք բիւրուց, և եղև ձայն յերկնից որ ասէր. Նշովեալք եղիցին որք ասնն Քրիստոսի Բ. բնութիւն, և շուրջքն ասացին. ամէն: Եւ ազգ և լեզուք ամենայն լցեալ ունէին զդաշտն սասանեալք յոյժ. և

\*) Ը. յսպէս յոր.

եղև կրկին ձայն որ ասէր, նզովեայր եղիցին որք բաժանեն զմինն և զանբաժանելին. անիծեալք են ուրացողքն մի բնութեանն, և միաձայնեալ հասարակ ասացին, Ամէն եղիցի՛ եղիցի՛: Եւ սուրբն տեսանէր զի անցանէր և ասէր. անգանեմ ընդ բեզ. և ակն ոչ ունիմ տեսանել զբեզ. ի ժողովն գնամք, ի պատերազմ երթամք. կոթել տան զխորհուրդն Աստուծոյ կամ մեռանել, ուրանալ տան զհայրենի զհաւատս մեր, և զՍիմոնին խոստովանել և զՀրէիցն և ասել. Ոչ էր Աստուած խաչեալն:

ԻԱ. Յետ այսորիկ տեսանէր նոյն ծերն. զՅորնաղիոս յանկեան մի կանկնեալ և սեւացեալ իբրև զաթուռնի, որ զբաղանիսն այրէ. և ասէ ցնա ծերն. Ընդէր ես այդպէս. և նա ասէ, Զի տեսանեմ զամաւթ իմ, բանզի ոսկի ժողովեմ սուտ Գրիստոսին, այնմ որ պատերազմելոց է ընդ բնութիւն հողոյ: Եւ իմացաւ ծերն թէ ընդ մարդկային բնութիւնս է պատերազմելոց, որ ի հողոյ է:

ԻԲ. Վանք մի էր ի սահմանս Տրապաւլսեաց, և անուն առաջնորդին Պանփիւրիոս, որ ի հարկէ լեալ էր եպիսկոպոս, այր սբանչելի վարուբ: Իսկ Վասիլիոս եպիսկոպոսն Սելեկիոյ, մինչ գնայր ի ժողովն, տարաւ զնա աղաչանաւք, և յորժամ ետես նա, զի զառաջինն նզովեցին զ Բ, բնութեան ասաւղն, և դարձեալ ուրացան և արսորեցին զուղղափառսն, և տրտմեցաւ, զայրացաւ, խոռովեցաւ, և առանձնացոյց զինքն ի տան միում և խնդրէր յԱստուծոյ արտասուաւք զցայգ և զցորեկ, յայտնել նմա զոր արարին նորա, և եթէ զի՞նչ է հաճոյ նորա կամացն: Եւ եղև և սուրբն ի տեսլեան, և տեսանէր տուժար մի ոսկեգիր ի կամարէն երկնից մինչև առ ինքն պարզեալ, զրեալ ճարտարագրչի յերկուց կողմանց զայս աւրինակ. նզովեալ եղիցի ժողովն Գաղկեդոնի, որ ուրացան զիս, ուրացան զիս. նզովեալք եղիցին, նզովեալք եղիցին: Եւ ետես զայս ի գիշերի միում, եմուտ ի նաւ և գնաց ի տեղի իւր, և պահեաց զբաղաբն իւր Տրապաւլիս յուղղափառութիւն ամս ժԵ. կրելով վիշտս ոչ սակաւս ի Վասիլոսէ:

ԻԳ. Ստեփանոս հայր եղբարց Իդակիու վանից ի Սելեկիա, ասէր թէ, Ոչ կարեմ հաւատայ եթէ Վասիլիոս անկաւ ի ճշմարտութենէն. զի շնորհունակ և զիտուն էր: Եւ յորժամ դարձաւ ի ժողովոյն խնդրեաց յԱստուծոյ ցուցանել նմա, եթէ

ունիցի գճջմարտութիւն: Եւ տեսանէր ի տեսլեանն զի մտանէր Վասիլիոս յեկեղեցին. և ժողովուրդն պատուէր զնա, և յորժամ կամէր բանալ զբերանն և ասել աղաւթս, այր մի լուսաւոր մըտեալ ընդ նմա, և ած զմատն ի բերան նորա, և ե՛հան զնա արտաքս և ասէ. Չես արժանի, այլ որպէս դու դարձուցեր զբերեալ յԱստուծոյ, դարձոյց Աստուած զբրեսս իւր ի բէն:

ԽԻ. Գարձեալ նոյն սուրբն Ստեփանոս խնդրեաց ի Տեառնէ զուցանել նմա թէ զի՛նչ է ժողովն Քաղկեդոնի. և տեսանէր զմի յառաքելոցն Քրիստոսի որ տանէր զնա յարբունիս ինչ, ուր կային եպիսկոպոսք ժողովոյն, և ասէ ցնա առաքեալն Քրիստոսի. Այս են ուրացողք նորա. և ետ ի ձեռս նորա խարապան և ասէ, Հանէք արտաքս զամենեսեան զթշնամիսն ճշմարտութեանն:

ԻԵ. Այր մի էր Հոգետես Ռոմանոս անուն, ի գեղջէ Աբէլմեուրա, ի Պաղեստին, առաջնորդ եղբարց ՋՃ ոց, որք ասէին ցնա, Ընդէ՛ր լուել կաս և ոչ նախանձիս զնախանձ Տեառն. և ասէին. խնդրեան ի Տեառնէ, թէ զի՛նչ է աղմուկ ժողովոյն Քաղկեդոնի, որով խոռովեալ է աշխարհ: Եւ ասէ ցնոսա, Ներեցէք զսուուրս փ: Եւ զնաց ընդ անապատն խնդրուածովք և արտասուաւք, և եղև առ նա ձայն և ասէ. Գնա և պահեա զհաւատն Նիկիայ: Եւ եկեալ պատմեաց նոցա. Ասեն եղբարքն. Իսկ Յոյնք ասեն, թէ զՆիկիայ հաւատն մեր ունիմք. Եւ զնաց հայրն և կրկնեաց զպահքն. Եւ ասէ ցնա երկրորդ ձայնն, Գնա և պահեա զխոստովանութիւնն Պետրոսի և Բարսղի և Գրիգորեանցն. և եկեալ ասաց եղբարցն: Եւ նոքա ասեն, Վասն Տեառն, որովհետև գտեր շնորհս յԱստուծոյ պարզեա զսիրտս մեր, նոքա ասեն թէ մեր անսղալ ունիմք զդաւանութիւն յիշեալ սրբոցդ: Եւ դարձեալ սուրբն երրորդեաց զաղաւթան վասն խնդրոյն. և տեսանէր կոնդակս ինչ զրեալ և պարզեալ յերկնից մինչև առ ինքն, և զիրն էր այս. Աւրացան զիս ժողովն Քաղկեդոնի, և անցին զսահմանաւք ուղղափառացն. վայ է նոցա. և նպովք է բաժին նոցա: Եւ իբրև ընթերցաւ զայս, նա ոչ չոգաւ առ եղբայրսն, այլ երթեալ յերուսաղէմ պատմեաց, և շարժեցաւ քաղաքն Երուսաղէմ, և հանին զչարափառսն, և հանին զԲուրնաղ, և եղին զԹէոդորոս, և լուաւ Մարկիանէ, և առաքեաց հաստատեաց զչարափառսն՝ տանջելով զընդդիմացեալսն, և լուեցին, և եղբարքն հաստատեցան:

ԻՁ. Պատմեաց բաճանայն Ավփեյ . . . . . րացին, թէ  
 փնջ էր Տիմոթէոս յարարս ի Խրաւսանաս կղզի, գնացի ես առ  
 նա, և տեսի վէր սաստիկ յոտո նորա, որ էր նա սուր ցաւ ան-  
 բժշկեցի, և մերձակայք նորա ոչ դարձանէին գնա. և ես աղա-  
 չեցի գնա զի լուացից զթարախն, և ասէ ցիս. Ո՛չ տեսանեա  
 սպի յաչս իս Եւ ասեմ ցնա, Այո՛ Եւ ասէ, Մինչ կայի ես ի  
 ժողովն Քաղկեդոնի առանձնացեալ յաղաւթս, երեւցաւ ինձ Ե-  
 թովպացի մի աճաւոր և ունէր ի ձեռինն տուժար ինչ, յորում  
 կայր ձեռագիր բազում եպիսկոպոսաց, և ասէ ցիս. Դի՛ր զձեռա-  
 գիր քո ի սմա, թէ ո՛չ առից զոգիդ բո՛ւ Եւ իբրև ոչ լուայ նմա,  
 ե՛հար ձեռամբն զաչս իմ, և փլոյց զպտուղ մի յաչաց իմոց, և  
 Հեղաւ բազում արիւն, և անուամբն Քրիստոսի եղի զձեռն իմ  
 ի վերայ աչաց իմոց և բժշկեցաւ, և տեսի, և մնաց սպիս անյ  
 յիշատակ իրացն. նոյնպէս և այս վէրբս ի սատանայէ է, որ  
 կաղացոյց զիս, և ես հաճեալ եմ ի սա, և արդ թոյլ տուր կա-  
 յող է Տէր բժշկել զսա յորժամ և կամի.

Իէ. Այր մի էր զաւրազլուի Մարկիանոսի՝ Պետրոս անուն,  
 պատմեաց զաւրազարին Զինոնի և ասէ. Ի սրտէ Հաւատացեալ  
 էի ես ժողովոյն Քաղկեդոնի, և էի ջերմ հալածիչ ուղղափա-  
 ռաց, մինչև տեսի ի տեսլեանն զոմն փառաւոր որ ասէր ցիս.  
 Ի բաց կաց ի չարէդ, և եկ տես զոր ցուցանեմ բեզ, Եւ ստա-  
 րեալ եցոյց ինձ տեղի անճառելի հանգստիւ և լուսով լցեալ,  
 և կային անդ Վոստանդիանոս և Թէոդոս, և տեսի այլ տեղի  
 ուստի հուր բորբոքէր անյոյս, յորում կայր Մարկիանոս, և ա-  
 մենայն դաւանողքն Լևոնի տուժարին, և տեսեալ զայն՝ եղէ  
 ընդ Դէոսկորեայ և ընդ Տիմաւթէի.

ԻԸ. Կրաւնաւորք Բ. Կիպրացիք, Կիրակոս և Յուլիոս ա-  
 նուանք, պատմեցին մեզ. եթէ կայր առ մեզ վկայարան մի նշա-  
 նագործ, և ի լինել ժողովոյն չարի, ձայն եղև ի շնորհէն որ  
 անդ և ասէ, Ես այլ ոչ նստիմ աստ, զի ուրացան զՔրիստոս ի  
 Քաղկեդոն, և առաջնորդն ձեր ընդ նոսա. այլ մի գայք առ իս.

ԻԹ. Ի Կեսարիա Փղշտացւոց կային տապանք Բ. Յովան-  
 նաւ մկրտչին և Եղիսէի մարգարէի. և սարկաւագ մի Վոստան-  
 դին անուն սպասաւորէր նոցա սրբութեամբ, և զկնի ժողովոյն  
 Քաղկեդոնի, լայր սարկաւագն հանապազաւոր, և եղբայր ոմն  
 Պաւղոս անուն եհարց ցնա, և նա ասէ. Քանի՛ ամբ են որ կամ  
 ի սպասու սրբոցս, և ի մտանելն իմ յամենայն առաւաւտու տե-

սանէի զսուրբսն նստեալ յիւրաքանչիւր տապանի, և ի տարածել ֆաղկեդոնի աղանդոյն այլ ոչ տեսանեմ. և կամիմ գնալ աստի, և զրկիլ ի միթարութենէ սրբոցս: Եւ ասէ ցնա Պաւղոս, նախ աղաւթիւք Հորոց ընդ սուրբսդ և առ զիբառն. և արար այնպէս, Եւ երևեալ սրբոցն և ասեն ցնա. Արի՛ գնա աստի, զի և ոչ մեր կալոց եմք աստ, բայց մի՛ տրուիր. զի զամբ ընդ քեզ ուր և երթաս:

Լ. Հայրն Զոսիմոս անապատաւորն խնդրէր տեղի, և եկն ի Բեթէլ, և էր անդ վանք մի, և աղաչեցին ցնա լինել առ նոսա, և նա ասէ՝ Յաղանդոյն ֆաղկեդոնի փախչիմ ես. և նորա տեցին նմա ասելով թէ, առ մեզ ոչ եմուտ, և Հաւատաց նոցա, և յանձին կալաւ կալ առ նոսա: Եւ ի գիշերին յայնմիկ երևեցաւ նմա սուրբն Յակոբ և ասաց նմա. Մի մնար այսր զի յուրագողացն Քրիստոսի են, և զնաց անտի:

ԼԱ. Պատմեաց մեզ Հայրն Պետրոս վասն Ալեթերոսի սրբոց՝ որ ընակեալ էր ի Վիլիկիա, ի լեառն Տորոսի, զիսաւոր և ընդակեր: Եւ տեսեալ ցնա որսորդք իրև կանասուն, և յորժամ իմացան, աղաչեցին ցնա զի կացցէ ընդ եղբարս, և լուաւ նոցա, և զգեցաւ Հանդերձ, և յարեցան ի նա աշակերտք յովք, և մաւտ ի վախճանն իւր, ասաց աշակերտաց իւրոց. Գրեցէք որդեակք և առաքեցէք ընդ ամենայն երկիր թէ զկնի Ի՛Ի, ամայ լինի ժողով ի ֆաղկեդոն և ուրանան զՔրիստոս, և դուք զնացէք ի Մեծն Հայք և յԱղեքսանդրեա, քանզի առ նոսա մնայ ուղղափառութիւն, և ի նոցանէ աճէ Հաւատն սուրբ, և փառաւորի Քրիստոս Աստուած յամեայնի:

ԼԲ. Դարձեալ պատմեաց Հայրն Պետրոս, թէ ի մեռանելն Թէոդոսի ոմն անապատաւոր Հոգևոյն իմացաւ, և զոչեաց մեծաձայն և ասաց, Մեռաւ այսաւր ուղղափառութիւն. ահա փաւ երկինք, և ոչ որ է որ ցաւէ նմա, և ողբաց զաղէտս:

ԼԳ. Մինչ կայր նեստոր յաքսորս ի Թրաս Եգիպտոսի, զնաց ոմն ի թագաւորէն Վամիտոս տալ Հոռք զաւրացն, և երթեալ առ նեստոր և ասաց թէ, կամին ժողով առնել և կոչել զքեզ, և խնդաց յոյժ: Եւ եկն կոչնականն վաղվաղակի մագիստրոս մի, և նա ոչ կարաց տանել զխնդութիւնն. այլ ասաց. Մի թէ կարացից փոխել զբան իմ, կամ սուտ երբէք խալսեցայ, եթէ Մարիամ չէ Աստուածածին: Եւ առ ժամայն թափեցաւ լեկուն, և սկսաւ ծամել զլեկուն և ուտել զմարմինն, մինչև սա-

տակեալ եղև, և գերեզմանն ոչ ընկալաւ զնա: Զայս ասաց Տի-  
մոթէոս ի գիրսն իւրում:

ԼԴ. Պոտիմոն Սկիւթացի եկն յԵգիպտոս առ սուրբն Պետ-  
րոս և ասաց. Հայր մի տրամի՛ր վասն չար ժողովոյն և Պոտորի  
չոր առաքեցին աստ Պատրիարզ, զի երկնաւորքն աղաչն զՏէր  
վասն սուրբ եկեղեցւոյ և վաղվադակի կորնչին: Որ և զկնի Գ,  
աւուր սպանաւ նա:

ԼԵ. Սարկաւագ ոմն Վասիլ անուն աշակերտ Պետրոսի  
Թեբացւոյ, որ էր առանձնական ԼԷ, ամ, եղև առ նա ձայն երկ-  
նաւոր, թէ՛ Ել, ասէ, բարոզեա և աւգնեա ուղղափառութեան:  
Եւ եկն ի Լիկիա գաւառ, և եղև անդ երկու ժամ, և զնաց ա-  
նէճ զՆեստոր առննթեր Թէոդոսի, թագաւորն ոչ եհան զՆես-  
տոր յաթողոյն, և յանկարծակի անկաւ կղմինտր մի ի վերայ  
գլխոյն Թէոդոսի, և ցաւեցոյց զնա շատ, և մագիստրոս ոմն  
տանջէր զսուրբն. և լուաւ տեսլեանն Թէոդոս. թէ վասն սըր-  
բոյն եղև, կոչեաց զնա, և ետ աղաւթել ի վերայ գլխոյն, և ող-  
ջացաւ և զղջացաւ, և նա խրատեաց զթագաւորն, և արձակեալ  
ժողով յԵփեսոս և ասաց թէ, Որ զկնի քո թագաւորէ, նորոգէ  
զադանդն Նեստորի վերստին:

ԼԶ. Ալինէ, կին մի երկիւղած ի Տեառնէ, թաւսեցաւ ի  
տեսլեանն թէ Նեստոր անուն զայ պատրիարզ ի Կոստանդնու-  
պալիս, մի հաղորդի ի նմանէ, և լինի ժողով ի Քաղկեդոն  
նովին ախտին, և դու զգուշացո՛ր գորդիս քո:

ԼԷ. Պատմեաց Հայրն Պետրոս Փիւնիկեցին, թէ մինչ մա-  
նուկն էի ես առ վարդապետին իմում, անկաւ յիս տարակոյս,  
թէ զիարդ սուրբ Երրորդութիւնն իցէ հաւասար Գ, և մի: Եւ  
եկն ի վերայ իմ Հոգի, և երևեցաւ ինձ սուրբ առաքեալն Պետ-  
րոս, և եհան զիս ի բլուր մի և եցոյց ինձ լոյս անպարագիր  
մեծութեամբ և անհաս, և ասէ զիս. Ահա Հայր, եւ եցոյց ինձ  
այլ լոյս անպարագիր. և ասէ, Ահա՛ Որդի, և ասեմ, նման է  
Հաւր յոյժ: Եւ եցոյց ինձ այլ լոյս անպարագիր և ասէ, Ահա՛  
Հոգին սուրբ. և ասեմ. նման է Հաւր և Որդւոյ: Բայց պատ-  
կեր Որդւոյն՝ մարդատեսակ փայլատակէր անճառ և անհաս, և  
Որդին ի մէջն յայժմէ Հաւր, և Հոգին սուրբ յայժմէ Որդւոյ:

ԼԸ. Անինոս ոմն Աղեքսանդրացի որ մկրտեալ էր ի Հաւ-  
րէ իւրմէ, և կին նորա ոչ հաղորդէր ընդ առն, զի խմորեալ էր  
յաղանդն Քաղկեդոնի. սա հիւանդացաւ մերձ ի մահ. և եկն ի



տեսիլ տեղոյ անապատի դրախտի, և ասէին. Այս է տեղի առնքոյ. Եւ տեսանէր տեղի հրախառն խաւարի, և գայր անտի ձայն լալոյ, և ասէին, Այդ է տեղի պղծ աղանդոյդ ուր կասդ: Եւ առողջացեալ դարձաւ յուղղափառութիւն:

ԼԹ. Մաւտիոնէ, որ ասի խոստովանող, խնամատար եկեղեցւոյ և յոյժ ողորմած, սա հիւանդացաւ և եկն ի տեսիլ նման ասացելոյ կնոջդ, և ետ տանել զինքն ի վանքն Ռոմանոսի ուղղափառի, և հաղորդեցաւ, և զկնի երեք աւուր հանգեաւ ի Գրիստոս, զի ողորմածութիւն իւր, ոչ եթող զնա ի կորստեան:

Խ. Պոնիփոս երէց ազգաւ Փրանգ, որ ոչ հաւանէր Բ, ընուծիւն ասել Գրիստոսի, ոչ մտաւք և ոչ բանիւ. սա ետես ի տեսլեանն մեռեալ մի հոտեալ ի յարութեանն յՆրուսաղէմ, որ յանկարծ կենդանացաւ, և ունէր թուղթ ի ձեռն՝ երեւմամբն ոսկեներկ, և ի բանայն լի ամենայն աղտեղութեամբ. և զարթուցեալ ելոյժ և ասաց. Գարձեալ նորոգի աղանդն Բաղկեդոնի, զի յայնժամն բարձեալ էր ի Ձեռնէ արքայէ:

ԽԱ. Սարկաւագ մի սպասաւոր էր ի սուրբ յարուծիւնն յԵրուսաղէմ, և անկաւ ի շնուծիւն, և եկեալ ի սուրբ Գողգոթայ ննջեաց, և շնորհն որ անդ՝ ձգեաց զնա արտաքս ի փողոցն. և եղև գոչիւն ահաւոր որ ասէր. Ապականեաց Յուբնադ և աշակերտք իւր զսրբութիւնս իմ: Եւ լուաւ բաղաբն և զըրջացան բազումք յաղանդոյն, և խոստովան եղև սարկաւագն զչարիսն իւր:

ԽԲ. Պատմեաց երանելին Վասիլիոս եթէ ի գեղս մեր Պոտոլինէ երէց մի էր բաղկեդոնիկ, և պարզամիտ աշխարհական մի ուղղափառ վիճէին վասն հաւատոյ, և կատարուն . . . . . բազն եկն յայս, զի կամեցան հրով փորձել . . . . . հաւատն, և կապեցին զաջոյ ձեռսն զերկոցունց, և վառեցին ի ներքոյ հոբ, և այրեցաւ ձեռն երէցուն անողջանալի, և աշխարհականին ոչ մազ մի խանձատեցաւ և աւրհնեցաք զԱստուած:

ԽԳ. Ի գեղ մի՝ անուն Սալտուն, էր պր մի Եպիփան անուն, ոչ հաղորդէր ընդ այլսն, և երէցն սպառնացաւ նմա, և նորա առեալ զորդիսն և զնաց անտի. և երէցն հարեալ բարկութեամբ Տեառն, և մեռաւ նոյնժամայն: Եւ իմացեալ գեղն, և դարձուցին զԵպիփան, և ամենայն գեղն դարձան յուղղափառութիւն:

ԽԴ. Պետրոս պատրիարզն յաքսորս կայր յԱղեքսանդրիա, և եղև ձայն առ Պիոսը մենաւոր և ասէ, Գնա միսթարեա ըզսուրբն Պետրոս: Եւ ետ նմա առաջնորդ սիւն լուսոյ, և չքաւ ի առնն յորում կայր սուրբն Պետրոս, և ետես տանուտէրն շէորճ երկնային ի վերայ նոցա. և աղաչեաց գնոսա մկրտել զորդիս նորա և դարձաւ յուղղափառութիւն:

ԽԵ. Հայրն Պիոն ետես տեսիլ, զի բազմութիւն արեղայից առեալ խաչ մի ձգէին առ միմեանս. և ասաց թէ Հերձուած լինելոց է, որ ոչ բժշկի մինչև ցկատարած:

ԽԶ. Կին մի էր բարեպաշտաւն յերուսաղէմ Ուլուակիա անուոն, գնաց աղաւթել ի տաճար Համբարձմանն Տեառն, և ետես զՏիրամայրն նստեալ անդ փառաւք, և անկեալ ի վերայ երեսաց իւրոց, և կանկնեաց գնա Տիրուհին և ասէ. Մի՛ երկն-սի՛ր, այլ կանց յուղղափառութիւն, զի չարչարանք Որդւոյ իմոյ այլայլեցաւ ի բերանս պղծոց ոմանց. և եղև եկեղեցի իբրև ցկոտորեալ անտառ զլերամբ, և ոչ խաղաղի մինչև ցկատարած:

ԽԷ. Ջենոն անապատաւոր մարգարէացաւ վասն Լևոնտեայ Ասկաղոնացոյ, թէ լինիս եպիսկոպոս, բայց ոչ մեռանիս եպիսկոպոս, որ և եղև իսկ Գանդի յաքսորելն Նեստորի, աղաչէր զՅուքնաղ գնորայն հաստատել, և առաւել յորժամ եղև ժողովն, զերկու բնութիւնն, և ի դառնալն ի բաղաքն իւր, կամեցան քարկոծ առնել գնա և փախեաւ ի Պիպրոս, և ցասմամբ Տեառն՝ մեռաւ անդ: Եւ գնացին ընտանիքն բերել զմարմինն նորա նաւով, և ոմն աշխարհական մեռաւ ի նաւն. և ի լինել սաստիկ հողմոյն ձգեցին վլևոնտիոս ի ծովն, կարծելով թէ աշխարհականն է. և կատարեցաւ մարգարէութիւնն:

ԽԸ. Կին մի Ասկաղոնացի Նիկէ անուոն, և սաստիկ այպանէր զբաղկեղոնիկսն, և երևեալ նմա սատանայի ի ձև հրեշտակի և ասէ գնա. Ընդէ՛ր հայհոյես զսուրբ ժողովն. և փլոյց զլրմն ի վերայ նորա, և ոչինչ եղև նմա չար. այլ յարուցեալ խաչակնքեալ գինքն, և չիք եղեալ չարն:

ԽԹ. Երկու եղբարք ի Կիլիկիա պատմեցին մեզ, թէ գնացաք ի Մամուեստիա, և յանդիմանեցաք զԳէորդորոս, որ անկեալ էր ի խելաց, արարեալ էր մեկնութիւն Գործոցն և աւետարանին Յովհաննու, և ասացաք անէծս նմա, և մահացաւ: Սա էր աշակերտ Նեստորի:

Մ. Ի Պանփիլիա բազմութիւն արանց փայտ կոտորէին,

և էին երկու դասը ուղղափառաց և չարափառաց, և վիճեցան վասն հաւատոյ և վառեցին հուր, և բերին գտումարն Լեոնի և զսահմանն ուղիղ, և արկին ի հուրն, և այրեցաւ Լեոնին և մնաց անվնաս ուղղափառացն. և բոլորն դարձան յուղղափառութիւն:

ԾԱ. Երեք ամաւ յառաջ բան զժողովն Քաղկեդոնի, յեւթմ ժամ աւուրն, յերուսաղէմ քաղաք, երեք արեգակն տեսին՝ յարեկս, և յարեւմուտս և ի միջոց երկնից. և ոմն սուրբ միայնակեաց ասաց թէ, Երեք ժողովն լուսաւորեցին զաշխարհի զհաւատս. և այլն որ լինի ոչ է ընդունելի:

ԾԲ. Ի դառնալ ժողովոյն Յուրնաղեայ, ելին ընդդէմ նորա եկեղեցականքն յանդիմանել զնա. Իսկ հայրն Պետրոս նստաւ ի լուութեան, և երեւալ նմա Տէրն և ասէ, Ես զրկեցայ և հաւատն եկեղեցւոյ իմոյ այլայլեցաւ, և դու հանգիստ խնդրես: Եւ նորա երկուցեալ յոտն յարեաւ, և առեալ զԹէոդորոս և զնաց, և բուռն հարեալ զուրարէն Յուրնաղայ պատառեաց, և ասաց. Զայլ գործսն թ'ղ, ասե՛մ զինչ գործեցեր յայսմ զիշերի, և կոչեմ հուր երկնաւոր մաշել զբեզ, և դու հաւատ փոխես: Եւ անկեալ Յուրնաղ յոտս սրբոյն, և ասաց. Խնայեա՛ Հայր սուրբ: Եւ առեալ զԹէոդորոս և դարձաւ, այն որ եպիսկոպոս ձեռնադրեցին զկնի:

ԾԳ. Թէաւսէաւս, այր սուրբ և իմաստուն տարակուսէր վասն երկու բնութեանցն, և արտասուաւք խնդրէր յՆստուծոյ յայտնել նմա, և երեւալ նմա Յովհաննէս աւետարանիչն և ասէ, Որ էրն իսկզբանէ Բանն, զնա շաւղափեցաք զկեանքն, և ոչ է Բ. բնութիւն, այլ մի: Եւ լուեալ զայս հաւատացաւ միութիւնն:

ԾԴ. Ոմն ի տեսողացն սրբոց, տեսանէր ժողովս եպիսկոպոսաց, և Պաւղոս առաքեալն ի մէջ նոցա ասէր, Ո՛վ եղկելիք ա՛յդ է իմ պատուէրն, զա՛յդ ուսուցի ձեզ, արդ առէր ի սափորոյս և յուացէք զերեսս ձեր: Եւ իբրև լուացան սևացան, և ասէր. Այդպէս ամենեքեան սևք եղէք, վա՛յ է ձեզ:

ԾԵ. Մարկիանէ ոմն անուն աշխարհական յանդիմանէր զՊամփիլեայ եպիսկոպոսն վասն Բ. բնութեանցն, և մատնեցին զնա Տուկի բաղաբին, և տանջեցին զնա սաստիկ մինչև ի ջանէր արիւնն յովով ի նմանէ, և արար բժշկութիւն յովով ցաւոց, և հրեշտակն առ ընթեր կացեալ, և զիւրէր նմա և մըխիթարէր զնա, և զվէրսն բժշկէր:

ԾԶ. Սուրբն Տիմոթէոս պատմեաց հարն Յովհաննու յորժամ յարարս էր, թէ յորժամ եկին հրաւիրեցին զիս ի ժողովն չար, յայնմ զիշերի տեսանէի զիս ի պատարագի, և նըշխարն հնացեալ և սևացեալ էր, և զինին բացախեալ, և ոչ կարացի ճաշակել, և իմացայ զինչ լինելոցն էր:

ԾԷ. Անաստաս արեղայ Ուռհայցի հաղորդեցաւ ի հարէն մերմէ Պետրոսէ, և յայնմ զիշերի նոր մկրտեալ լինէր և նոր զգեցեալ, և մեկնեցին նմա թէ դառնալն յուղղափառութիւն նոր մկրտութիւն է և նորածնեալ:

ԾԸ. Թամասիոն երէցն պատմեաց մեզ, եթէ յորժամ գայր ի ժողովոյն հերետիկոսաց, ել եպիսկոպոսն մեր. մկրտէի ես տըղայ մի, և տեսի ես և ժողովուրդն զհոգին սուրբ զի աղանահերպեալ երթայր յաւազանէն ելեալ, և լուաք զի ասէր. Ես այսուհետեւ յաւազանս այլ ոչ լինիմ:

ԾԹ. Պատմեաց մեզ հայրն Պետրոս, թէ կայր եկեղեցեւպան մի ինձ խմորեալ աղանդովն Քաղկեդոնի, և հանդիպեցաւ ինձ ի մէջ փողոցին նեղաղոյն, անկաւ յոտս իմ և ողջունեաց զիս, և ես յամալթոյն առի զողջոյնն, և յայնմ զիշերի տեսի դաշտ մի, ուր ժողովեալ կային ամենայն սուրբք և Քրիստոս Աստուած ի մէջ նոցա փառաւք նստեալ, և գնացեալ երկրպագեցին նմա, և նա դարձոյց զերեսս իւր յինէն, մինչև աղաչեցին ամենայն սուրբքն և ոչ դարձաւ յիս Տէրն:

Կ. Երկու աշխարհականք ոմանք արևելայր Հայ ազգաւ ի պատճառս աղաւթականութեան գնացին մինչև ի Բիւրիտոնեա, և կոչեաց զնոսս սիւնակեաց մի և ասէ ցնոսս, Լսեմ թէ ոչ հաղորդիք յեկեղեցիս մեր, և նորա ասեն. Ունիմք առ մեզ հաղորդ ի մեր հարցն ուղղափառաց և անտի հաղորդիմք: Եւ նա ասէ, Եւ դուք աշխարհական էք. զի՛արդ իշխէք, և այդ ոչ է հաղորդ: Եւ տրտմեցան նոքա: Եւ յաւուր կիւրակէի տեսին զհաղորդն իւրեանց վառեալ հրով և լուսով և անուշահոտով լցեալ, և հաղորդեցան: Եւ ոմն սարկաւագ մի տկարացեալ էր ի բանս Սիւնակեցոյն, և վասն նորա եղև միս արիւնտ, և զղչացաւ և ելաց, և փոխեցաւ դարձեալ ի նոյն, և հաղորդէին անխիղճ:

ԿԱ. Ստեփանոսի սարկաւագապետին Երուսաղէմի քոյր մի էր կուսան սուրբ և պարկեշտ, և հասեալ ի կատարելութիւն պնչափ, զի յորժամ երթայր յեկեղեցին սրբոյն Ստե-

փանոսի և Յովաննու Մկրտչին, և երևէին նմա սուրբքն, և զկնի Բաղկեզոնի ժողովոյն ըստ սովորութեանն երթայր աղաւթէր ընդ խմորեալսն յաղանդն, և երևեալ նմա սուրբն Ստեփանոս և ասէ, Բնայր, գնա աղաւթեա ի տան քո, և մեք զամբ առ քեզ զի ոչ կամիմք լինել ընդ ուրացողացս:

ԿԲ. Կին մի ուղղափառ Պանփիւլացի, բնակէր յերուսաղէմ, և գնաց ի տաճար Համբարձմանն Տեառն ի տաւնի իւրում, և մնաց ի պատարագին, և յորժամ գնաց ի տուն իւր և Տիւանդացաւ ի մահ, և խնդրեաց արեւնս, և ետ զխոստովանութիւն Հաւատոյն, և տեսանէր զՏրեշտակս Աստուծոյ, զի ասէին ընդ նմա, Թէ՛ Զի՛արդ Համարիս կատարեալ ուղղափառութեամբ զկեանս քո, զի տեսեր զանարժանիցն զպատարագն և աղաւթեցեր ընդ նոսա: Իսկ կինն այն բարեպաշտ, ապա խնդրեաց յԱստուծոյ, տալ նմա ապաշխարութեան ժամանակ, և տուաւ նմա, և յարեաւ ի Տիւանդութենէ և արտասուաւք Հայցէր յԱստուծոյ յեկեղեցւոյն յայտնել նմա զարժանաւոր խոստովանութիւնն, և եղև նմա բան ըսելի ի սեղանոյ անտի որ ասէր. Որդին Աստուծոյ նոյն էր, որ ծնաւ ի Կուսէն և խաչեցաւ, և թաղեցաւ և յարեաւ, մի բնութիւն փառաւորեալ անշիթթ միաւորեալ ընդ նմա կատարեալ մարմին:

ԿԳ. Յիտալիա վանք մի էր կուսանաց, անուն աւագին Ջոյի, որ յափշտակեցաւ ի դրախտն մտացն թաւելով և ետես անդ զծառն կենացն, և զի պարք մեղուաց ջանային հպիլ ի նա, և սարկաւագ մի լուսապատկեր, հալածէր զնոսա և ասէր զՋոյի. Քրիստոս է ծառն, և մեղուքն հաւանեալքն Բաղկեզոնի, որ չեն արժանի մերձենալ ՚՛ Տէր: Եւ իբրև եկն Կլաւդոնիոս յիտալիա և մեղադրեաց նմա Ջոյի, Թէ ընդէ՛ր ձեռնագրեցեր զտումարն Լևոնի, և նա ասէ. Ձեռուք գրեցի, բայց մտաւք ոչ միաբանեցայ: Եւ նա ասէ, ձեռք մտեալ զի՛արդ գրէ առանց կենդանի մտացն: Եւ հրաժարեաց ի նմանէ:

ԿԴ. Լևոնիոս անապատական, տեսանէր զեկեղեցին մերկ և զխորհուրդն հեղեալ, այս է եկեղեցին և պատարագն, որ չորրորդութիւն խոստովանեցին ի Բաղկեզոն:

ԿԵ. Յորժամ ել համբաւն Բաղկեզոնի, ոմն ի սրբոցն տեսանէր զեկեղեցին Կոստանդինուպաւլսի զերդ գոմ լցեալ, գարշ և զպզիր անսուրբ կենդանեաւք:

ԿԶ. Եպիկտիոս հայր վանիցն Պանփիւլեայ, տեսանէր

զԱմղիրոս զՍևադրիա քաղաքի եպիսկոպոս, որ կոչէրն ողորմած, և զԵպիփան Պերգացի թաղեալ ի յաղբ մինչև ցպարանոցան: Եւ ասէ Ամղիրոս. Բարեգործդ, զի՛արդ եղեր այգպէս: Եւ նա ասէր, Բարին յԱստուծոյ էր, իսկ չարս ի մէնջ եղև. զի հաւանեցաք ժողովոյն Քաղկեդոնի: Եւ ասեն թէ, նորոգեաց նա զսոււմարն Լևոնի:

ԿԷ. Կին մի զգաստ և սուրբ Ակթասալիա անուն, զկնի ժողովոյն Քաղկեդոնի, յերկուս բաժանել մտաւր, և հայգէր յԱստուծոյ ցուցանել նմա թէ յորոց հաղորդեսցի: Եւ տեսանէր եկեղեցի մի երկու խորանի, մինն մեծ և մերկ և քաղկեդոնիկ ի վերայ նորա, և միւսն փոքր և զարդարեալ լուսով, և մանուկ մի հրեղէն ի վերայ նորա, որ էր ինքն Քրիստոս, և ասէր՝ Ի բաց կաց յուրացողէդ, առիս եկ և հաղորդեալ կենաց:

ԿԸ. Երկու եղբարք էին ի վանսն Ռոմանոսի, Տիմոթէոս և Յովհաննէս անուանք նոցա. Տիմոթէոս մեռաւ և տարան ի թաղել, և յանկարծակի նստաւ ի դագաղսն և ասէ, գիտացիք, եղբարք, զի առիս չկայր ինչ պատճառ վնասու, բայց միայն իրաւ կարծէի զերկու բնութիւնն, և ահա տանէին զիս ի տանջանս, և խնայեաց Տէր ի ձեզ, և ետ ինձ ասել զայս զգուշութիւն, և խնդրեցէք և ինձ ողորմութիւն, և դարձեալ ննջեաց:

ԿԹ. ՅԱնտիրք Աստուծոց բնակեալ էր մերձ յարքունիս, այր մի սքանչելի, որ սակաւ բանջարով ընդդր զպէտոս իւր, և չառնոյր ինչ յումբէ, և էր յոյժ յանդիմանիչ Քաղկեդոնացւոցն, և ասէր. Հոտ անաւրէնութեան և մահու զայ ինձ ի ձէնջ, և ոչ կարեմ տանել լուութեամբ: Եւ սպանին զնա, և բազում նըշանք եղեն ի նմանէ:

Լ. Գտեալ եղև յՈւռհայ քաղաքի տապան մի Հրէի, որ ունէր զիր ի հազար ամաց հետէ, և այս ևս գրեալ էր ի նա, եթէ Աստուած մարմնով ծնցի ի կուսէ, և խաչիւ ծագէ լոյս փառաց նորա ընդ տիեզերս ամենայն: Եւ Քրիստոսի Աստուծոյ մերոյ փառք յաւիտեանս:

Ջոտաասօ գրող սուրբ Կոստիս և Գյալէնայնի Աղաստ լլէալս,  
 զսոսարանն վանից Կահանայ զԹովմաս, և զԾնաւոցն ի՛, և զս-  
 թեայն աղգարտոհմն ի՛, յիշեցէ՛ ի Քրիստոս:



## ՎԱՐԻԱՆԱՅ ՎԱՐԻԱՊԵՏԻ ԱՍՇՏԵԱԼ

**ՀԱՐՑՈՒՄՆ.** Ապա զի՞նչ է այն, որ ասէ ի տեսիլ սրբոյ ումնն թէ ի վերայ վիրապին գոչէ հրեշտակապետն:

**ՊԱՏԱՍԽԱՆԻ.** Գիտնեսիոս յասել է թէ ամենայն ազգի հրեշտակապետ տայ պահապան հանդերձ հրեշտակաւք. արդ յայտ է թէ ամենայն հրեշտակապետ զիւր յանձնեալ ազգն կօչէ ձայնիւ յայն տեղն՝ ուր ազգին առաջնորդն չարչարանաւք զազգն ածեալ է ի հաւատն. և այսպէս Հայոց վերակացուն ի վերայ վիրապին հնչեցեալ առ սուրբն Գրիգոր՝ ժողովին Հայաստանեայք, և նա ընդ իւր ատեալ զհաւատացեալսն վերանայ ընդ առաջ Քրիստոսի ասելով, Ահա ես և մանկունք իմ զոր ետ ինձ Աստուած, Զայս ի մեր վարդապետէն լուաք մեր:

Այսմ վկայ պատմեմ բեզ զոր լուայ ի Գառնեցի միակեցէն ի Յովանիսէն, թէ ի թուականութեանն ի Ո և ՀԱ, կայի ես ի սուրբն Երուսաղէմ, և գնացեալ էաք ի Յորդանան ի տաւն յայտնութեանն Տեառն. և մինչ կայի ես մեկուսի յաղաւթս, եկն առ իս մուզրի մի երկու որդաւք, և խնդրէր յինէն մկրտութիւն, թարգմանաւ միով ընդ իւրս Եւ ասեմ ցնա, Դվ ես դու, և յի՞նչ պատճառս մկրտիս և լինիս քրիստոնեայ. և ասէ, Այ՛ լինիմ քրիստոնեայ և թէ ուզես և զպատճառն կամիս իմանալ, նիստ և լ՛՛ւր, Եւ մինչ նստաք, ասէ, Ես ի պարսից եմ գաւառաւ և ազգաւ. և ի քաղաքէն որ կոչի Զանկեան, և ունէի գիւղ արտաբոյ քաղաքին և շատ մուլք, նոյնպէս և ի քաղաքն և շինեցի մնիրա մի բարձր յոյժ, և ի վճարման գործոյն արարի կոչումն մեծ ժողովոյ և արարի խրախուժիւնս, և նախ քան զհացկերոյթն հանին զիս ի մնարայն, տալ զառաջին ժամն մեր, և մինչ գնացի և շրջէի ի մնարայն ի գլուխն, և հայեցայ ի կողմ արևելից, և տեսի բացեալ զերկինս, և իջանէր թագաւոր մի անձառելի կերպիւ և անհուն զաւրաւք հրեշտակաւք, և եկեալ ի զաւրացն հանդէպ իմ կազմեցին աթոռ ի վերայ

աւգոյն, և եկեալ Թագաւորն նստաւ, և հնչէին փող յամենայն կողմանց, և սկսան զալ ազգ ամենայն բրիստոնէից առաջնորդաւն իւրեանց և երկրպագանէին նմա, և Թագաւորն ընդունէր զամենեսեան գլխովն, և անցեալ նստէին ամենբեանս: Ապա զայր ազգ մի աւտար պայծառ լուսով և փառաւորեալ զարմանալի առաջնորդաւ, և յարեաւ. Թագաւորն յաժողոյն և զնաց ընդ առաջ նորա, և զիրկս արկեալ համբուրեաց զնա, և սկսաւ գովել և գոհանալ զնմանէ ասելով. Իմ քաջ նահատակ, իմ զուարթ և քաջ ժիր մշակ, իմ մեծ և յաղթող սպառազէն, և տարաւ նստոյց զնա առ ինքն, և զազգն նորա համբուրեաց և ողջագուրէր, և եկն ոմն առ իս և տեղեակ առնէր զիս, և ես այսպէս սպառեալ և հիացեալ կայի: Իսկ որ ի վայրն կային զարմացեալ կային ընդ յամեն իմ, և առաքեցին առ իս զաւագ որդիս իմ, և սա եկեալ զնոյն տեսեալ և յիմարեալ եկաց, և նորա այլ նեղասրտեալ առաքեցին զկրսեր որդիս ստիպել զմեզ զնալ առ նոսա, և յորժամ եկն տղայս, նա էանց տեսիլն, սակայն մեր պատմեցաք սմա զտեսիլն, և ասացին զիս որդիքս իմ. Զի՞նչ կամիս առնել, և ես ասացի. Չայնել կամիմ, Թէ Քրիստոս է Թագաւոր փառաց և պարծանք բրիստոնէից: Եւ աւագ որդիս ասաց. Այո՛ հայր, զայդ արա՛ զի սպանցեն զմեզ, որ երթանք խառնինք ի զաւրս Թագաւորին Քրիստոսի: Իսկ կրսեր որդիս զայս ասաց, Ոչ է արժան զայդ առնել, զի մի զմեզ և զազգն մեր ամենայն շնջեսցեն, և դուք իսկ ասէք Թէ ամենայն ազգն չէր միապատիւ, այլ երթամք գտանեմք զսիրելի ազգն զայն և զառաջնորդն սուրբ, և խառնիմք յազգն յայն մկրտելով ի նոցանէ, և մեր հաւանեալ իջաք ի վայր և տուաք հաց ամբողինս: Եւ երթեալ ի գեղն մեր առաք հինգ հարիւր կարմիր և երեք գրաստ և ելաք ի գիշերի և Աստուծով եկեալ եմք աստ, և արդ տեսաք նշան ինչ ի բեզ, եթէ յազգէն Հայոց ես, և էք դուք ծառայք Քրիստոսի, և մեր կամիմք լինել իրրև զձեզ, և ելից առաջի իմ զուսկին. և ես ոչ առի անտի, և ես առեալ մկրտեցի զերեսինն, և բերի յԵրուսաղէմ, և առին հաղորդ և ասացին զնալ յայնկոյս ծովուն մեծի ի պատճառս աղաւթից:

Յիշեսցուք ըան մի այլ ի սքանչելի հարէն: Ի Թուին ի Ո և ՀԻ, ասէ, էաք մեր ի սուրբ քաղաքն Երուսաղէմ, և կայր փակեալ սուրբ եկեղեցին Յակովբայ: Վայր վարդապետ մի Պաւղոս անուն, և էր աշակերտ մի նորա յոյժ առաքինի, և



ի ժամ առաւաւտուն աղաւթէր նա, և ետես տեսիլս և լուաւ հրաշք և եկեալ պատմեաց վարդապետին թէ չինչ պատկերկայր յեկեղեցին, ամէնն թաւսեցան ընդ պատկերն Մարիամու Աստուածածնին. և էր այսպէս: Գաբրիէլի պատկերն պայծառացաւ յանկարծակի և թաւսել սկսաւ, և ասէր ընդ պատկերն Մարիամու, Ուրախ լե՛ր բերկրեալ Տէր ընդ բեզ. և նա ասէ. Զի՛արդ լինիցի ինձ այդ, և նա ասաց, Հոգին սուրբ եկեսցէ ի բեզ, և զաւրութիւն բարձրելոյն հովանի լիցի ի վերայ քոյ, և ասաց Մարիամու պատկերն, Եղիցի ինձ ըստ բանի բում: Եւ ապա չինչ որ պատկեր կայր յեկեղեցին, սկսան աղաղակել, Ուրախ լեր բերկրեալ Տէր ընդ բեզ. և աւրհնեալ ես դու ի կանայս, և աւրհնեալ է պտուղ որովայնի բու: Եւ վարդապետն կոչեաց զիս և ասէ, Լսե՛ս չինչ ասէ եղբայրս. և պատմեաց ինձ զնոյնն: Եւ ես սկսայ բննել տուժարական արուեստիւ զաւրն, և էր ճշմարտապէս յապրիելի ամսոյ ի Զն. և գիտացաք եթէ ճշմարիտ է կրանքս մեր. և ես յորժամ լուայ ի սուրբ հաւրն Յովանիսէ, հաճեցայ թէ տաւնելն պատե՛հ է յապրիելի ի Զն, Աւետեացն. զի սուրբ Գրիգորի գնելն վասն անահտական պատկերին տաւնին խափանելոյ էր, և այն լուալ է, և զոր ասեմքս բանիւ՝ գործովք առնել արժան է:

Պատմեմ ձեզ յայս նման բան եղեալ յերուսաղէմ: Եպիսկոպոս և վարդապետ մի, անուն նորա Յովաննէս ի Տուոց գաւառէն, այր մթին վարուք և ճգնաւոր, որ զերեք յիսնակն ի տարւոջն անհաց և անչուր կենայր, և զամէն պահք աւր չոգաւ նա յերուսաղէմ, և զամէն աղուհացսն ճգնութեամբ յոտն եկաց յանդիման սուրբ գերեզմանին, և պատմեաց ինձ զպատճառն, թէ խնդրեցի նշան ինչ՝ վասն վկայութեան ալգիս, որ յամէն ազգէ կտիրենք և նախատինս կրենք: Տեսանէր զիս, ասէ, Քրանդ մի, որ զկուպա գերեզմանին ծառայէր, զի կայի այնպէս, և ոչ թաւսեցայ ամենեին, և նա սիրէր զիս, և հարկէր թաւսել կամ ուտել ինչ, և ոչ լուայ նմա: Ապա ի մեծի շաքաթին թաւսեցայ աղաչելով զլուսարարն, և ետու նմա երկու կարմիր և մտեալ ի գերեզմանն դրի Գ. կանթեղս զորս գնեալ էի. զմէկն ի մեր ազգիս անունն, և զմիւսն ի Քրանգաց, և զմիւս այլն ի Հոռմին, զի այս են գլխաւոր ազգ, և ասացի Տէր Աստուած մեր Յիսուս Քրիստոս, տարակոյս է իմ յերկու ազգ միայն որ կու ասեն ոմանք թէ չէ ի վառել լոյս. և միայն

կամիմ գիտել, թէ յայս Գ. ազգացս ո՞վ է առաւել ըստ կամաց  
քոց դաւանութեամբ և կրանիւք. և զայս ցոյց ինձ վառմամբ  
լուսայ քո ի կանթեղ ազգի յոր հաճեալ ես: Եւ զայս արարի  
և առի զբանալին, և զմատնեհարն, զկնի փակելոյն և մասնե-  
հարին իմոյ. և այնպէս պաղտանելով և յուսով մնայի: Իսկ յոր-  
ժամ ազգումն ինչ եղև և վառեցաւ լոյսն. և ես իսկ լուսայ  
հանդարտ հնչումն որոտման, և սոսկումն եղև ի մարմինս իմ.  
և եկն առ իս փակապահն և ասաց ինձ բանալ, և չոգայ բացի,  
և մտայ ես մէն զառաջինն. և գաի զմեր ազգիս նշանեալ  
կանթեղն միայն վառեալ: Զայս լուեալ իմ յեպիսկոպոսէն, և  
ունէի առ ինքն համարձակութիւն, և առաւել քննէի, և նա  
երգուաւ յոյժ և ասէ: Քեզ միայն յայտնեցի. և զի մի թուիմ  
ես թերի յայս իրք, և կամ ախմար մանաւանդ, կամ թէ վասն  
այլոց արարի:



## ՏԵՍԻԼ ԱՌՆ ԱՍՏՈՒԹՈՅ ՍՈՒՐԲ ԵՆ ԺԳՆԱԶԳԵԱՅ ԿՐԱՆՆԱԻՈՐԻՆ ՅՈՎԱՆԻՍԻ ԳԱՌՆԵՑԻՈՅՆ

Պատմեաց մեզ բարեհոգի ճգնաւորն մինչ հանդերձեալ էր ի նոյն ամի վախճանել, մինչ էր յանառիկ գղեակն Հոռոմկայն. Ասէ. Յորժամ ես ի խցին իմում կայի ի ձորն որ կոչի Աշորնիս, անկաւ ի խորհուրդս իմ, թէ ո՞րք են յազգացս ընդունելի Աստուծոյ, և ասրակուսէի զբազում աւուրս. Եւ մինչ էի յայս տարակուսանս եկն ի վերայ իմ զարմացումն. ոչ էի ի թանձրութիւն քնոյ և ոչ յարթնութեան, աեսի ես աեսիլ զարմացման. Տեսանէի զիս ի սուրբ քաղաքն Երուսաղէմ, և առաջի իմ դաշա հարթայտասակ, որ ոչ բաւէի տեսանել ծագէ ի ծագ, և կայր ի մէջ դաշաին բլուր մի զարմանալի՝ ընդարձակ ունելով գագաթն և ձգեցաւ ի վերայ բլրին ամզ լուսաւոր իբրև խորանարդ, հայէի նշմարել թէ ո՞ւմ է բնակութիւնս այս. և աեսանէի բեմք ի մէջ նորա և քառադիմի աթոռ, զորոյ ոչ բովեաց բիրք իմ նկատել ի վայելչութեան լուսոյն, զորոյ և ոչ կտրեմ բովանդակել կամ աւրինակ բերել նմանութեան, այլ լուութեամբ պատուեսցի, Եւ մինչ հիացեալ և զարմացեալ էի ընդ աեսիլ իրին, նա լուսաւորեցաւ երկինքն, և լցաւ լուսով աւզն ամենայն, և անթիւ բազմութիւն թեազգեցիկ հրեշտակաց, և հրաշալի եղանակաւ ազազակէին և առէին. Սուրբ, սուրբ սուրբ, Տէր զաւրութեանց, և յապուշ մնացի ի քաղցրութենէ եղանակացն, և անկայ ի վերայ երեսաց իմոց յերկիր իբրև կիսակենդան, և ոչ մնաց յիս կենդանութիւն, Եւ եկեալ ոմն ի բարեաեսիլ արանցն, կարդաց զանուն իմ, և յարոյց զիս և ասէ, Զաւարացիր և ի միտ առ զոք աեսեր, զի վասն քո է աեսիլդ. և յարուցեալ յոտն կացի և ասեմ, Ո՞վ Տէր, գողացաւ սիրտ իմ ի փորի իմում, և ոչ կտրեմ նկատել, արս՝ զիս

խելամուտ, զի այր տառապեալ եմ և կամ հիացեալ, Եւ ասէ, Յուշաւ քեզ ի Յեաննէ որդիսուձիւն հանդերձեալ զասաստանին, և ահա Երրորդական աստուածութիւնն նստեալ է յաթառ փառաց իւրոց, առնէ հատուցումն արդարոց և մեղաւորաց, և սուրբք ամենայն առ նա ժողովին, զոր հանդերձեալ ես տեսանել, Եւ անկեալ երկրպագեցի հանգէպ սուրբ աթառոյ Աստուծոյ, և ոչ զաւրեցին աչք իմ տեսանել, բայց միայն զճանանչ լուսոյն:

Եւ եղև յանկարծակի հնչիւն ահաւոր փողոյ, և գողաց առ հասարակ երկիր և ծով չորեքանկեան աշխարհիս, և անսանէի ամպաւք եկեալ յարևելից և յարևմտից, ի հիւսիսոյ և ի ծովէ հարաւոյ, զամենայն սուրբս գունդս գունդս եկեալ յայն հարթայասակ դաշտին, նկատեի և ի բլուրն զարմանալի և անսանէի ներքոյ վարագուրին առաջի որոյ, աթառոյն զՄայրն Յետոն Աստուծոյ յաղաչանս բազկաստործ, և եզան երկոտասան աթոռ առաքելոցն, և նստան ի գառաստան փառազարդեալքն, և անգէր տեսանել հայլք արեգականց թագազուլս սրբոյն պարք՝ առաքելոցն և մարգարէիցն, հայրապետացն և մարտիրոսացն, և ամենեքեան ի մի բերան փառաւորեցին զԱստուած ի ձայն մեծ և ասնն, Ահա ժամանակ այցելութեան, առնուլ բարի մշակացն զվարձս բարեաց, Եւ ես ջանայի ամփոփել զայնքան տեսութիւնն ի զգայութիւնս իմ, և ոչ զաւրեի, զի ի վեր էր քան զհասումն հոաց, բայց վասն որոյ փափագէի տեսանել՝ զայն եցոյց ինձ բարձրեալն:

Տեսանէի զԼուսաւորիչն մեր և զկենաց առիթն զսուրբն Գրիգոր, բիրաւորաւք լուսեղինաւք հրաշագործան թագիւ եկեալ, և մինչ մասնէր ի հանդէսն, երանէին վնա հրեշտակք և երկնային զաւրք, այլ և եկեղեցիք անդրանկաց փառաւորէին զնա և ասէին, Ե՛կ ի մարմնի անմարմին, որ նորաւրէն ժուժկալութեամբ յաղթեցեր ամենայն կարեաց, և գերագոյն գառքան զամենայն սուրբս, մո՛ւտ յառազասան կենաց, և ժառանգեա զզանազանեալ փառսն, զոր դու ինքնին քեզ հիւսեցեր, Եւ եղաւ աթոռ նորա գերապատիւ առաքելոցն, ընդ ինքեան ունելով զանթուելի լուսաւոր գունդն իւր, և մերձ լեալ աթոռոյ աստուածութեանն զուարթ և համարձակ դիմաւք ասէր. Տէր իմ և Աստուած, ահաւասիկ ես և մանկունք իմ զոր ետուրցիս, և ոչ կորուսի ի սոցանէ և ոչ զաք, բայց որ խոտորեցան

ի խրատուէն իմձէ և մնացին ի կորուսան, ներես՝ Տէր, քաւեան՝ Տէր, զի քոյ է փրկելն և կորուսանելն: Եւ եկն առ նա ձայն ահաւոր իբր զթնգիւնս որոտման, և զկնի ձայնին սիգ քաղցրալիբ որ ասէ. Ե՛կ մշակ իմ խոնջեալ և քրանեալ. ե՛կ բարի վկայ աստուածութեան իմոյ, ե՛կ բազմավիշտ նահատակ: զի ես եմ որ ջնջեմ զամենայն քիրան յամենայն երեսաց, և հանգուցանեմ զամենայն աշխատեալսն վասն իմ, զի ահա ժամանակ վշտին էանց, և կայ և մնայ քեզ արդարութեան պտակն, զի ուր եսն եմ, անդ և պաշաւանեայն իմ եղիցի: Եւ անտանէի իբրև զաջ ձեռին զի առեալ նստուցանէր զնա բարձրագոյն քան զամենայն սուրբս, նոյնպէս և զժողովուրդն իւր:

Եւ անդ տեսի ժողովեալ զամենայն ազգս և զազիսն, և հրեշտակքն զառեալ մեկնէին զնոսս ի միմեանց, և զառեալ զանթուելի գունգս մեղաւորացն, և տանէին յայրուծն հրոյ և յազգի յազգի տանջանս: Եւ մինչ հայէի տեսանել, տեսանէի գունգս գունգս, զի ծփէին իբրև զալիս ծովու և ջանային խառնել ի ժողովն Հայոց, և հրեշտակքն վարէին զնոսս հրեղէն գաւազանաւք, և ընթանային ի ժողովն Հոռոմոց, և հրեշտակքն և անտի վարէին զնոսս, և ընթանային ի ժողովն Ֆրանգաց, և հրեշտակքն անտի և ս վարէին զնոսս, և ծփէին և ոչ կարէին խառնիլ յազգս: Եւ ես ասացի ցմաւտաւոր հրեշտակն որ ցուցանէր ինձ զտեսիլն. Տէր ընդէ՞ր սղորմելի շրջի ժողովն այն, և ոչ թողուն խառնիլ ի ժողովս, միթէ՞՞ առանց մկրտութեան են այնքիկ: Ասէ ցիս. Գիտեա, եղբայր, զի Աստուած կամեցաւ ցուցանել քեզ զստուգութիւն իրիգ: Այնքիկ կամեցան ազգէ յազգս փոխել, և արհամարհեցին զմի մկրտութիւնն և եղեն Հոռոմ, կամ Ֆրանգ կամ Ասորի, և ահա ոչ ընդունին զնոսս իբրև զժողովուրդ Աստուծոյ, այլ իբրև զարհամարհոզս, և տանջելոց են ընդ մեղաւորս:

Եւ իբրև տեսի ես զայս հրաշալի տեսիլ զարթեայ, և եկեալ յիս զգայութիւն իմ փառաւորեցի զբարեգործն Աստուած որ ոչ անտես արար զաղաշտնս իմ, և երանեցի զազգն Հայոց՝ որք կացին ի կանոնս խրատու սրբոյն Փրիգորի. և ոչ յայտնեցի զսա մինչև ցայժմ, զի հանդերձեալ եմ վախճանել, և յայտնեմ ձեզ զտեսիլս զի և զուք ի միամիտ սրտէ փառաւորեցէք զՔրիստոս Աստուածն մեր՝ որ է աւրհնեալ յաւիտեան:



## ՎԱՆՍԱԿԱՆ ՎԱՐԻՍՏՈՒՆԻՆ ԸՍՍՑԵԱԼ ԲԱՆ ՀԱՌԱՏԱԼԻ ԱԶԳԻԾ ՄԵՐՈՒՄ:

Սենսաբեր սուրբ աւետարանն զԹաղէոս զմեր առաքեալն յերկոտոսանիցն է ասցել: Ղէրէոս՝ որ անուանեցաւն Թաղէոս: Յայս է ի Քրիստոսէ անուանեցաւ՝ զանունն փոխեալ որպէս զՊետրոսին և զՈրդւոցն Որոտման: Զի՞նչ է պատճառն որ ոմանք յեւթանանից ասեն. այս է ՀԲ. աշակերտացն զլուխ և վարդապետ էր, որպէս Պետրոս ԲԺ. իցն, զի առաջինքն ամենայն ուրեք յետնոցն անուամբ կոչէին, այս է ստոյգ պատճառն: Ի վիճակել նմա յերկիրս Հայոց, արամեցաւ և ասաց, երկիրն ցուրտ է և մարդիկն բրտաբարք, Եւ ասացին. Մի՛ ընդգիմանար Հոգւոյն. և ետուն նմա զեզն աւծման՝ զոր Քրիստոս էր աւրհնել՝ աւգնական, և զգեղարզն և յայլ ազգ չկայ այս պարծանքս՝ մեր մեռոնս հանապազ և միշտ զնոյն շնորհ ունի. Եւ ի գալն նմա ի Վեսարիա և կ, և զառաջին ձեռնադրութիւնն անգ արար. և եպիսկոպոս ձեռնադրեաց Թէոփիլոս անուն, և եկեղեցիս հիմնարկեաց, և այս էր պատճառն Հայոց անդր ի ձեռնադրութիւնն գնալոյն, և վասն այնր Եթոռ սահմանեցին, և սեփական քաղաք է Հայոց Վեսարիա. և սուրբն Գրիգոր անգ սնաւ, և ծնաւ յղացեալ ի գերեզմանին Թաղէոսի առաքելոյն, և սնաւ ուր առաքեալն սկսաւ քահանայագործել, և փոխեաց յինքն զշնորհս նորա, անդ եղև եպիսկոպոս, և գնացեալ յԵրուստղէմեղև հայրապետ, և ի Հռովմ գնացեալ, եղև պապ, զի այսպէս սահմանեցին: Ինքնակալ թագաւոր մի և ինքնազլուխ հայրապետ մի նստցի ի Հայս և ինքնակալ թագաւոր մի և ինքնագլուխ հայրապետ մի նստցի ի Հռոմ, և ի միմեանց վերայ գնիցն զանձինս իւրեանց ցմահուչափ, և գրով սոսկալեաւ եղեն եղբարք միմեանց թացեալ զգրիչն յահաւոր խորհուրդն, Եւ բաժանեալ զսուրբ տեղիսն անաւրինական, և ետուն զՍուրբ Յա-

կորն պատրիարքարան և զԳողթոթայն և արկեալ վիճակս ի վերայ Յարութեանն և անկաւ Հայոց, և արամեցան ոմանք յազգէ: Ապա հեղն յամենայնի սուրբն Գրիգոր եռ ցնոստ, զի ինքեանք շինեսցին ընդարձակ, զի դեռ շինեալ, և էառ Հայոց զԳողթոթայն և զՎուրբ Վարապեան և զՍևարսն, և սահմանեալ զտեղին կախեաց կանթեղս յանուն ազգաց, և նա ինչդրեաց յԱստուծոյ զիջումն լուսոյն ի նշան յարութեան Քրիստոսի, և վասն այնորիկ այլ ազգոց չհաւատան, զի յառաջ չկայր մինչ ի նա, և առաւել վասն այնորիկ անուանեցաւ Լուսաւորիչ: Եւ մի ոք անհաւատացի, զի այնպիսի աշխարհալուր և առաքելական այր, և տիեզերասաստ թագաւոր, յարևելից յարևմուտս գնացեալ, վարապար գնացին, կամ նոքա փոքր պատիւ համարեցան ինքեանց զգալն նոցա: և յամենայն տիեզերս այլ ո՞վ կայր իբրև զնա, կամ յետոյ եղև իբրև զնոսա, և դեռ սկիզբն էր հաւատոյ:

Աքք մտաւորք, պատեհ է որ Յոյնք զմեզ աւտարացնեն որպէս Հրէայք զհեթանոսսն, և յետին ասեն, Զիւրդ է յետին, զի Արգար թագաւորն յառաջ քան զԽաչելութիւնն՝ հաւատաց ի Քրիստոս և երանեցաւ ի նմա: Եւ երեք առաքեալ ունին Հայք Բժ. իցն, զԹադէոս և զԲարթուղիմէոս, և զՅուդայ Յակոբեան՝ որ կայ յՈրմի քաղաք, որ է սեփական Հայոց: Եւ յառաջ Յրդատ հաւատաց, և ապա Վոստանդիանոս, և յոյտնի է և ասէ Ագաթանգեղոս, Յայնժամ յլուաւ Յրդատ թէ հաւատաց ի Քրիստոս Վոստանդիանոս որդի Վոսդեայ, այլ և ի սուրբ Հովհիսիմեանցն գալոյն յոյտնի է: Եւ թէ ասեն թէ սուրբ Գրիգոր ի Վեսարիա ձեռնադրեցաւ, և այն մեր քաղաք է, և շատ Հայք անդ էին բնակել, և մեր Առաքելոյն աթոռ: Բայց թէ գիր չունէին Հայք, թէ զայն կարեն ասել, այլ տես զի յԱստուծոյ առաւ գիր ազգիս՝ որպէս Մովսէսիւ Իսրայելի, և այլ ո՞ր ազգ պարծի այսու: Եւ ընդ նոսա զի՞ զարմանաս, մեր ոչինչքս Հայոց յետին ծառայքս՝ վիրք այլ նախատեն զմեզ և ուրանան: Մեսրոպ եռ նոցա գիր և զՎարծիոյ խաչն Մեսրոպ է աւրհնել, և լալ թեւին կայ հայ գիր, և զայն սսկուով ծածկեալ են թէ թո՞ղ չերևի, Ագաթանգեղ Հոռոմայեցի է և վկայած ժամանակագիր, և վկայեալ է թէ յառաքելոցն Պետրոսի և Պաւլոսի ի նշխարացն բերին ի Հայք, և յանուն նոցա շինեցին զՍուրբ Առաքեալքն, և անդ պահեցին զնշխարս նոցա, և յովովք ի Ֆրան-

գաց ասեն թէ չկայ ուրեք ի նշխարաց առաքելոցն, ապա մեք չուրանա՞ք և իբրև զնոսս սուտ լինի՞մք:

Բազում ինչ այլայլեցին յառաքելական կարգաց, որպէս զառան ծննդեանն և զջուրն՝ որ ի խորհուրդն արկանեն: Բ՛ո՛ղ ցուցանեն մեզ զվէճն՝ Վեղեստիանոսի ընդ Բարսու՞մայի, թէ չվկայէ մեզ որ ասաց Բարսու՞մայ թէ դուք միայն էք անխմոր և անջուր խորհրդով, և նա ասէ: Մի՛ բարի քեզ, ահա ազգն Հայոց Մեծաց ընդ մեզ են, որք ուսան ի սուրբ Գրիգորէ որ հրեզէն սիւն է, և երկնահաս լեառն: Չկարեն ուրանալ զի մերքն ի նոցունց թարգմանեցին, և զծննդեան առանն մինչ ի յո . . . . չառանէին ընդ մեզ. թողում զլուծութիւն եկեղեցականաց, զանհամեալ ազսն՝ որ ոչ իմիք է պիտանացու: Մեք զճշմարտութիւնն առցուք մեզ ընկեր և աւգնական, եղբարք, և նուազնացուք, փառաւորելով զԱստուած յերեսին զէմն և ի մի ընտութիւն, և ի մի կամս, և ի մի թագաւորութիւն և զՔրիստոսի մարգեղութիւնն ուղղափառութեան՝ կատարեալ Աստուած կատարեալ մարդով միաւորեալ անշփոթելի:

Ձայլն ի վարդանայ վրդ՝ ի գիրքն գի՛րք թէ սաղէս:





## ԱՅԼ ԲԱՆ Է ԱՍԱՅԵԱԼ ՎԱՆԱԿԱՆ ՎԱՐԳԱՊԵՏԻՆ:

**Յ**արևելից եկին մոզքն առ Քրիստոս, վասն զի գրախան յարևելս է անկեալ, և յարևելից ելանէ արեգակն, նոյնպէս և յարևելից է հանդերձեալ գալ արեգակն արդարութեան Քրիստոս: Եւ ոսկի բերեալ, զի ոսկի երկրին այնորիկ քան զամենայն պատուական է: Եւ այլ պատճառ՝ զի զմի մի յաստեղացն կենդանի և բանաւոր դաւանէ հեթանոսն:

Եւ մտին ի Հայք առաքեալքն Բարթուղիմէոս և Քաղէոս և Յուդա Յակոբեան. բայց զԲարթուղիմէոս, վասն այն եգի սկիզբն, զի ոմանք զՔաղէոս յեւթանասնիցն ասեն, և զԲարթուղիմէոս մէն յԲԺ. իցն: Քաղէոս՝ զոր աւետարանն պատմէ թէ յառաջ կոչէր Ղէբէոս, և ի Յեառնէ անուանեցաւ Քաղէոս: Յուդա Յակոբեան՝ որ և սա՛ յԲԺ, իցն վկայի և կայ յՈրմի քաղաք Հայոց, Սիմոն՝ որդի Յովսէփու, եղբայր Յեառն մերոյ, և սա քարոզեաց ի Հայս, և անգ կատարեցաւ և կայ յՈրմի քաղաք Հայոց, Եւ Եղիշէ և Խադայ, Բ. յեւթանասնիցն են և գնացին ի կողմանս Աղուանից հրամանաւ Քաղէոսի, և անգ կատարեցան, Թէոփիլոս՝ առաջին ձեռնադրածն՝ Քաղէոսի ի Կեսարիա Հայոց ի Կապադովկիայ, Ադդէ կերպասագործ Աբգարու թագաւորին, զոր կացոյց ի Միջագետս յԱւրհայ քաղաքի: Զաքարիա՝ զոր ձեռնադրեաց յարևելս փոխանակ ինքեան և ասաց, Զսա՛ ետու ձեզ վարդապետ, զոր եցոյց ինձ Հոգին սուրբ: Դադիում յեւթանասնիցն, որ գնաց հրամանաւ Քաղէոսի ի Մեծն Հայք, և ի կողմանս հիւսիսոյ, և լուեալ զմահն Աբգարու, և դարձեալ եմուտ ի փոքր Սիւնիս, և կրուեսաւորեալ անդէն ծածկաբար վախճանեցաւ, և տեղին շինեցաւ վանք, և յանուն նորա կոչեցաւ: Որոյ աղաւթիւքն ողորմեցցի Քրիստոս Աստուած ամենայն հաւատացելոց ի Քրիստոս:

## (ՅԻՉԱՏՈՒԿԱՐԱՆ)

**Շ**նորհք մեծապէս և երկրպագութիւն ամենասուրբ, Աստուածն Հոգւոյ՝ ի փառս Հաւր և Որդւոյ, ամէն: Որ անբաժանելի գոլով բազմամասնապէս բաժանէ շնորհս ըստ չափոյ ընդունողաց մեծամեծացն և փոքունց, ոչ առ մեծսն խնայելով իբր զլացմամբ, և ոչ առ նուաստսն լաճախ քան զարժանն: Ի վասնումն զձիրսն տալով, զորս ունաւղքն բանականապէս իւրաքանչիւր զիւրն ճանաչէ զչափ: Յորոց ի բնաւիցն լոքունց և իմս նուաստութիւն, որ և փոքու մասին անարժան գոլով Խովմաս ոմն անուն, տարաշխարհիկ եղեալ ի հայրենի տեղոյ իմոյ, չերբեմն ի վաղնջուց ամաց հայրապետական աթոռոյ ճոխութեամբ փառաւորեցելոյ, ի նշանաւորն ասեմ զղեկէ Հռոմկլայէն, վասն իմոյ մեղաց, նախ քան զվեց ամ գրութեան տարիս ի ձեռս Տաճկաց մատնեցելոյ, լորմէ ամառ և կիսով նախ քան զառնուլն պատահեաց ինձ ելանել և գալ չաշխարհս Կիլիկիոյ, լուսով տեսութեան սուրբ գերեզմանին Քրիստոսի. զոր վարկանիմ թէ և ոչ ըստ իմոյ արժանեաց, այլ վասն անչափ խնամոցն Տեսուն զիպեցաւ ալս, ոչ տեսանել ի ժամանակի պաշարման զղեկին զանհանդուրժելի նեղութիւնն, որոյ և լուրն պակուցանէ զամենայն լսաւղս. Ուր և բազումք մանտաւնդ բրնաւքն սննդակիցք իմ և ազգայինք ի պէս պէս մահս, և ի գերութիւն վարկեցան մեծ թշուառութեամբ, արտաքս քարչեալք ի մալրենի գրկաց պանծալի զղեկին, զորոյ լիշատակ երջանկութեանն, և զպսժմութեան, որպէս ի զկ պէ հարազատ զաւակի առ սիրելի ծնաւչան, և ոչ առ անդ արտասուաց բերեմ: Վասն զի զերեալ եղև և Աջ սրբոյն Գրիգորի և հռչակաւոր նշանն սուրբ Վանկոյլի. առ ստն ընկեցեալ նշխարք ոսկերաց սրբոց վկայիցն: Եւ և աստուածաբնակ և երկնաման շքեղաշուք և գերապալծառ սուրբ տաճարուն, զսրբոյն Գրիգորի ասեմ և Տիրամաւրն սրբուհոյ Աստուածածնին, և լանուն Որդւոց նորա սուրբ փրկչին, կոխան եղև՝ և աւթարան անհաւատիցն: Այլ զիմ անարժանութիւն ի վեր քան զիս պատահեալ շնորհի

քահանայութեան, և ուղիղ դատմամբ լոյժ պակաս գտանելով զիս ի վախելականացն, գործնականացն ասեմ և տեսականաց լաւագոյն մասանց հարկաւորաց այսր աստիճանի, գրեթէ անպատշաճիւք լցեալ, և մեծապէս ընդ այսր զանձն իմ պարսաւեմ. Այլ սուղ ինչ և զայս ոչ անմասն ի բարեաց ծանեայ զճանաչելն զանձին նուաստութիւն: Եւ թէ չէ իրաւ, գոնէ ի սակաւուց ինչ ձեռնհաս գտելոց մասանց բարեաց պղերգանալ բարձրամիտ խոկմամբ, այլ լստ չափով կարողութեան ժրանալ, և այսու մտածութեամբ, իբր թէ ի հոգևոր սքաղանս տրուպ անձինս և ի սփոփանս սգապատ ոգևոյս, մանաւանդ վասն առ ի Քրիստոս լուսոյն ձեռնարկեցի գրել զսրբոց հարցն պէս պէս և զանազան ԹՂԹՈՑ զ ԳԻՐՍ, որք վասն ուղիղ հաւատով ի Քրիստոս խոստովանութեան ի զանազան ժամանակս հանդիսացեալք և վասն աւգոթի զկնի եկելոցն լիշատակ թողեալ: Որոց Աստուածասէրն կամաց, և ես անարժանս և տկարս հետևող եղեալ խոշոր և անարուեստ գրով ձաքուտեցի զսուրբ մատենանս հաւաքեալ թղթոցս. լիշատակ բարեաց մնալ մեղաւոր անձին խոշոր գրչիս Թովմալի: Եւս և իմոց ի Քրիստոս հանգուցեալ ծնաւդացն, և հաւրեղբարցն՝ սրով խողխողելոց, և այլոց ևս տոճակցացն, ի վերայ պահպանութեան և զգուշութեան նախալիչեցեալ Ալալին և այլոց . . . . . լլի ողբերգելի առման բերդին . . . . . անդ սպանելոց, և այլոց գերի վարելոց, և ի բանգի խոստովանութեամբ ի Քրիստոս վճարելոց, և ոմանց դեռևս ի բանտի կապելոց: Յազագս որով լոտս սրբոցդ և իմաստնոց անկեալ, պատահելոցդ ասեմ սուրբ մատենիս, և աւգտեցելոց ինչ ի խոշոր աշխատութենէս. . . . . \*)

Առումն Հոռմկլայի ի Սուլտանէն Եգիպտոսի եւ գերութիւն Ստեփանոսի Կաթողիկոսի Հոռմկլայեցոյն եղեւ յամի Տեառն 1292 յորում եւ ծոսազատիկն էր. եւ զի վեց ամաւ յետոյ ղնէ գրիչն թովմաս զթուական գրութեան, յայտնի է թէ յամի Տեառն 1298, եւ հայոց ՁԻՆԷ ընդօրինակեալ է ԳԻՐՔՍ ԽՂՍ ՈՑ, հաւանաբար ի Սիս, զի յիշէ զաշխարհն Կիլիկիոյ առանց անուան քաղաքի կամ վանաց:

\*) Պակասի վերջ յեշտտեկաբանիս:

# ՑԱՆԿ ԱՆՈՒԱՆՑ

- Աբա (երէց) 41.  
Աբաա (եպս. Պարտաւալ) 81.  
Աբաա (երէց Փարպիոյ) 151.  
Աբգար (Թագաւոր) 414. 534. 536.  
Աբղիշոյեան Խուժիկ 47.  
Աբղիսոյ կամ Աբղիշոյ (երէց, ապա եպիսկոպոս) 54. 55. 57.  
59. 62. 66. 68. 73. 78. 81. 344.  
Աբեններ 242.  
Աբէլ 500.  
Աբէլմէուլա (գիւղ) 516.  
Աբիմէլէք (քահ.) 476.  
Աբիուդ 392.  
Աբիրովն 258.  
Աբրահամ (Հայր) 6. 37. 88. 126. 285. 288. 327. 347. 388. 500.  
Աբրահամ (եպս. Տարաւնոյ) 78. 81.  
Աբրահամ (եպս. Ռշտունեաց) 146. 149.  
Աբրահամ (Կթղ. Հայոց) 151. 153. 161. 162. 164. 166. 176.  
178. 180. 185. 189. 196. 211. 222. 455.  
Աբրահամ (երէց Կաթուժիկի) 151.  
Աբրահամ (երէց Փարպիոյ) 151.  
Ադաթանդեղոս 534.  
Ադաթոն (Հռովմայ հայրապետ) 300.  
Ադամ (նախահայր) 64. 205. 290. 231. 256. 336. 341. 342.  
344. 352. 370. 386. 389. 422. 440. 451. 452. 453.  
Ադդէ 536.  
Ադսուէլ 183.  
Ադրիանոս (կայսր) 501.  
Աթանասիոս | (Աղեքսանդրացի) 50. 69. 91. 94. 101. 214.  
Աթանաս | 299. 306. 364. 369. 370. 372. 375. 377. 379.  
385. 386. 389. 423. 427. 428. 436. 442. 447. 449.  
452. 453. 461. 470. 474. 477. 479. 507.

**Աթանաս (եպ. Նփրկերտոյ) 224.**

**Աթենացիք 380.**

**Ալանք 304.**

**Ալեթերիոս (սուրբ) 518.**

**Ալիա (երէց) 42.**

**Ալիակ (եպ. Մելիտինացի) 14. 16. 19. 103. 296. 376.**

**Ալիակ (պարսիկ՝ հերետիկոս) 43. 46. 50. 57. 67. 83. 216-220. 278.**

**Ալիակ | (եպ. Կոստանդնուպուլսոյ) 243. 244. 245. 247-**

**Ալիակիոս | 249. 250. 251. 253. 256. 258. 262. 264. 265-**

**267. 268. 269. 272. 274. 276. 300.**

**Ալիթասալիա 525.**

**Ահի Կոմ Ակէ 70.**

**Ալատիս (քղք.) 511.**

**Ահարոն (երէց) 53. 55.**

**Ահարոն (եպ. Մեհնունեաց) 146. 149. 151.**

**Ահարոն 237. 252.**

**Աղան (եպս.) 41.**

**Աղբէոս (եպս. Հարթայ) 223.**

**Աղեքսանդր | (քաղաք) 88. 119. 120. 121. 179. 185. 214-**

**Աղեքսանդրիա | 259. 260. 262. 268. 269. 273. 277. 280.**

**299. 306. 375. 377. 380. 396. 423. 428. 429. 435. 442-**

**511. 513. 518. 521.**

**Աղեքսանդր (եպս. Աղեքսանդրիոյ) 306.**

**Աղեքսանդրացիք 244. 247. 249. 250. 251. 253. 256. 258.**

**259. 262. 264. 265. 267. 268. 269. 272. 274. 276-**

**297. 300. 306. 310. 398.**

**Աղեքսանդրոս 258.**

**Աղիվարդ 258.**

**Աղուանք 43. 45. 46. 51. 81. 130. 133. 162. 163. 183. 193-**

**194. 196. 211. 221. 300. 322. 466. 536.**

**Աղցք 151.**

**Ամատունիք 42. 70. 78. 81. 146. 149. 151. 196.**

**Ամարաս 81. 196.**

**Ամասիա 224.**

**Ամբակում (եպս. Շաքիոյ) 81.**

**Ամբակում (մարգարէ) 455.**

- Ամդիքոս (եպս. Սևանդրիոյ) 525.  
 Ամոնացիք 394.  
 Ամպեղիս (եպս.) 49. 51.  
 Ամպրոսիոս 51.  
 Այրարատ 42.  
 Անակ 323.  
 Անանիա (Նարեկացի) 498. 502.  
 Անաստաս | (կալսր) 126. 140. 141. 142. 277. 300. 328.  
 Անաստաս (Ուռհայեցի) 523.  
 Անատոլի 119.  
 Անատոլիս (եպս.) 329. 491.  
 Անատոլիս (երէց) 49. 51.  
 Անդրէաս (Առաքեալ) 103. 146. 278. 484.  
 Անդրէաս (Տոմարադէտ) 354.  
 Անդրէաս (աշակեբոս) 512.  
 Անթիպատր 491.  
 Անինոս (Աղեքսանդրացի) 519.  
 Անկիւրոս 421. 446.  
 Անձեացիք 70. 146. 149. 151.  
 Անձն (երէց) 21.  
 Անոկտիոս (Պանփիլոսցի) 512.  
 Անտեղիս (եպս.) 254. 259.  
 Անտեղիս (երէց) 259.  
 Անտիոք (աղեք.) | 20. 119. 120. 142. 179. 185. 186. 224.  
 Անտիոքիա | 297. 298. 300. 307. 323. 344. 466. 504.  
 Անտիոք Ասորոց | 525.  
 Աշոտ (Իշխանաց Իշխան) 279. 283.  
 Աշորնիս (Չոր հռոմկլայի) 530.  
 Աշտիշատ 220.  
 Ապահունիք 42. 73. 151. 196. 223.  
 Ապաւղինարիոս (Լաւոզիկեցի) 24. 31. 53. 56. 67. 83. 215.  
 Ապոզինար | 278. 287. 307. 315. 375. 383. 386. 389.  
 Ապաւղինարէս | 430. 433. 448. 449. 453. 473.  
 Ապլվարդ (Ամիրայ) 498.  
 Ապողոն 383.  
 Ապրուեզ Խոսրով (արքայից արքայ) 149. 151.  
 Աջ (սրբոյն Գրիգորի Լուսնուորչին) 537.

Աջնա 47.

Առականք 42.

Առխտակէս կամ Աբխտակէս (որդի սրբուն Գրիգորի Լուսա-  
ւորչի) 44. 51. 88. 215. 220. 295. 304. 374.

Առնա | 146. 149. 151.  
Առան

Ասալէլ 242.

Ասեր 439.

Ասիա 296. 307. 415.

Ասիացիք 416.

Ասկաղոն (քաղաք) 521.

Ասորեստան 41. 43. 60. 307.

Ասորեստանեայք 322.

Ասորի 532.

Ասորիք 52. 55. 59. 62. 73. 78. 81. 227. 306. 331. 334-  
335. 336. 345. 352. 466. 493. 496. 525.

Աստարտէ 342.

Աստուածարան տե Գրիգոր Նազիանզացի:

Աստուածատուր (եպս. ԲՃնունեաց) 70.

Աստուածատուր (Վանանդալ տէր) 74.

Աստուածատուր (Արշաւրեան) 74.

Աստուածատուր (հաւենունի) 74.

Ավփիլոս (Կեսարացի) 517.

Ատատէ (եպս.) 41.

Ատաիկոս 51.

Ատրնեբսեհ (Ռշտունեաց տէր) 42.

Ատրնեբսեհ 133. 138. 168. 170. 174.

Ատրպատիճ, Ատրպատիճք 91. 95.

Արա 5.

Արաբիա 322.

Արագած 111.

Արած գիւղ 109.

Արամազդ 346.

Արեաց աշխարհ 171.

Արապինար 322.

Արզն 218.

Արիանոսք 8. 33. 98. 258. 298. 366. 369. 377. 411. 430. 466.

Արիճ 151.

Արիոս 49. 50. 53. 56. 66. 83. 146. 149. 152. 215. 278. 284.  
295. 307. 328. 374. 415. 417. 449. 459. 491. 505.

Արիստոտէլ 384. 433.

Արծափք 151.

Արծրունիք 42. 70. 73. 146.

Արղահա (Սրկգ.) 41.

Արշակունի 323.

Արշամունիք 42. 73.

Արշարունիք 41. 42. 73. 223. 224. 232.

Արշոտ (Վարազաիրոցեան) 74.

Արուաստ 218.

Արտաշիր 41.

Արտաշիր (մախազ) 42. 48.

Արտաշիր (Սիւնեաց տէր) 42.

Արտաշիր (Առաւելեանից տէր) 42.

Արտաւազդ (Մամական) 74.

Արտաւազդ (Ապարանից) 151.

Արտեմոն 88. 307. 325. 326. 352. 484. 487. 488.

Արքանգեղտիք 216.

Աւան 151.

Աւղոս 258.

Աւշական 151.

Աւրելիանոս (եպս. հռովմայեցի) 493.

Ափոց (եպս. Յուրտաւայ) 178.

Ափրիկեցիք 466.

Բաբ (եպս. Ամատունեաց) 78. 81.

Բարգէն (Կթղ. հայոց) 41. 42. 47. 48. 177. 183. 220. 221.  
300.

Բարգէն (Սերգիս) 47.

Բաբելոն 347.

Բաբէ (Կթղ. Ասորեստանի) 45. 50.

Բաբիւլաս (երէց) 111.

Բաբիւլաս (երէց ս. Յովհաննու) 151.

Բագարան 151.

Բաղրևանդ կամ Բագրուանդ 70. 73. 151. 196. 412.



**Քահաղիմանք** 394.

**Բողասական** 81.

**Բաշխեն** 42.

**Բասաղէ իմաթեան** 41.

**Բասն** 41. 70. 73. 78. 81. 146. 149. 150. 151. 223. 412.

**Բասիլիոս**

**Բարսեղիոս** (Կեսարացի) 8. 25. 50. 69. 91. 94. 101. 214.

**Բարսեղ** 231. 306. 315. 334. 343. 355. 368. 380. 388.

**Բարսիլիոս** 433. 434. 418. 449. 453. 463. 465. 471. 516.

**Բասիլ**

**Բասիլիակոս (գկալ)** 253.

**Բարդեժան** 66. 278.

**Բարդողիմէոս**

**Բարթողոմէոս** (Առաքեալ) 302. 323. 414. 497. 534. 536.

**Բարթուղիմէոս**

**Բարծումա** (Ունծիւհնացի կամ Մծբնացի) 43. 46. 50. 53. 56.

**Բարծումէ** 57. 67. 83. 216. 220. 278. 344. 535.

**Բարսումա**

**Բղեշխ (Երէց)** 52.

**Բղնա** 52. 54. 55.

**Բեղղեէմ կամ Նուղիաէմ** 436. 484.

**Բեթել** 518.

**Բենեամին (Կար. Մնգրի)** 218.

**Բերդոշմ** 42.

**Բզնունիք** 223.

**Բժնունիք** 70.

**Բիւթանացիք** 295.

**Բիւրիտոնիա** 523.

**Բղաղ** 41.

**Բոժունիք** 146. 149. 151.

**Բողնիս** 183.

**Բրատոկ** 41.

**Բրզմիր** 133. 138.

**Բրիխիսոյ (քահ.)** 54. 55.

**Գաբրիէլ (հրեշտակ)** 3. 4. 64. 248. 286. 352. 354. 381. 437.  
438. 528.

**Գաբրիէլ (Երէց)** 52.

- Գաբրիէլ (Կթղ. Վրաց) 177. 182. 300.  
 Գաբրիէլ (Եպս. Տանկաց) 218.  
 Գաբրիէլ (Եպս. Քարմայ) 218.  
 Գագիկ (Թգր. Վասպուրականի) 295.  
 Գաղա 510.  
 Գալիլիա 348. 353.  
 Գաղատացիք 226. 383.  
 Գաղղաղա 487.  
 Գալինոսք 216.  
 Գալիոս (սպասաւոր Պաւղոսի) 380.  
 Գանգրա 259.  
 Գառնի 151. 526. 530.  
 Գառնիկ (Եպս. Յուրտաուայ) 178.  
 Գարդման 81. 224.  
 Գարմեկան կամ Գարմիկան 41. 42.  
 Գարջուր (Մաղխաղ) 74.  
 Գերմանոս (պտք. Կ. Պաւլսոյ) 373.  
 Գէորգ (Կթղ.) 278.  
 Գէորգ (Կթղ.) 335.  
 Գիգ Գաշտկարին 108. 149. 150. 151. 168. 170.  
 Գիորգիս (Երէց Սրճոյ) 151.  
 Գիւտ (Եպս. Վանանդայ) 78. 81.  
 Գնաղիոս (Եպս.) 256. 259.  
 Գնեալ Գնունի 74.  
 Գնէլ 42.  
 Գնիբա 41.  
 Գնիսթա 52.  
 Գնունիք 42.  
 Գողգոթա 65. 511. 520. 534.  
 Գողթն 73. 146. 149. 151.  
 Գոմոր 329.  
 Գումա 52.  
 Գունդշապուհ 43.  
 Գրիգոր | (Լուսաւորիչ, Սուրբ) 51. 71. 78. 79. 82 88.  
 Գրիգորիոս | 90. 93. 110. 112. 113. 123. 128. 132. 133. 136.  
 138. 161. 166. 171. 174. 176. 179. 180. 189. 212.  
 214. 218. 220. 222. 224. 237. 289. 291. 295. 296.

297. 298. 302. 303. 304. 306. 308. 323. 324. 327-  
 333. 334. 336. 358. 374. 414. 416. 419. 420. 424.  
 432. 433. 456. 492. 496. 497. 526. 528. 531. 532.  
 534. 535.

Գրիգոր (հայ. Արժրունեաց) 70.

Գրիգոր | (Աստուածաբան. Նազաղացի) 6. 50. 69. 213:  
 Գրիգորիոս | 214. 236. 289. 299. 306. 315. 316. 323. 354.  
 355. 366. 380. 386. 421. 430. 432. 445. 465. 470.  
 475. 478. 480. 482. 485. 486.

Գրիգոր | (Սքանչելագործ. Նեոկեսարացի) 26. 214. 298-  
 Գրիգորիոս | 306. 442. 481.

Գրիգոր (Նիւսացի) 306. 343. 368. 369. 377. 379. 380. 388.  
 423. 424. 434. 435. 450. 471. 474. 504.

Գրիգոր (հայ. Մարգարտական և՛ Սեպհական գճգին) 70. 73-  
 76. 81.

Գրիգոր (հայ. Բառնիոյ) 70. 73.

Գրիգոր 73.

Գրիգոր (հայ. Արժրունեաց) 73. 76.

Գրիգոր (Հմայեակեան) 74

Գրիգոր (Վասակեան) 74.

Գրիգոր (Աբեղեան) 74.

Գրիգոր (հայ. Կապադական) 81.

Գրիգոր (հայ. Անձևացեաց) 146. 149. 151.

Գրիգոր (Քերդոյ) 153.

Գրիգոր Սիւնի 196.

Գրիգոր (Մագիստրոս) 219.

Գրիգոր (Նարեկացի) 498.

Գրիգորեանք | 91. 94. 101. 516.

Գրիգորք

Գրիգորիս (Վկայատէր կթղ.) 219.

Գրիգորիս | (Արշակունեաց Քորեպիսկոպոս) 223. 224.  
 Գրիգորէս

Դագան 258

Դադիում 536.

Դամասոս 306.

Դանիէլ (հայ.) 41.

Դանիէլ (հայ. Ռշտունեաց) 42.

- Դանիէլ (եպս. Անձևացեաց) 42.  
 Դանիէլ (երէց Գնխթալի) 52.  
 Դանիէլ (երէց Բղնալի) 52.  
 Դանիէլ (Մարգարէ) 338. 392. 439.  
 Դաշտակարան 42. 149. 150. 151. 168. 170.  
 Դատ (Գարջուղեան) 74.  
 Դատ աւան 151.  
 Դաւիթ (Մարգարէ) 34. 35. 69. 87. 88. 200. 216. 231. 235.  
 236. 246. 285. 303. 312. 318. 324. 326. 339. 350.  
 354. 365. 389. 416. 419. 420. 425. 429. 436. 437.  
 457. 458. 461. 467. 479. 481. 484. 500. 502.  
 Դաւիթ (եպս.) 42.  
 Դաւիթ (երէց Սոքփոնիէ) 52  
 Դաւիթ (երէց Խափալի) 53. 55.  
 Դաւիթ (երէց Փարթնալի) 54. 55.  
 Դաւիթ (արեգ.) 54 55.  
 Դաւիթ (երէց Երևանալ) 151.  
 Դաւիթ (եպս. Բողնիս) 183.  
 Դաւիթ (եպս. Սիւնեաց) 196.  
 Դեղփոս (եպս.) 377. 449.  
 Դէսուկորոս (եպս. Աղեքսանդրիոյ) 91. 94. 119. 120. 186.  
 Դիոսկուրոս 187. 259. 300. 305. 307. 308. 328. 331.  
 Դիոսկորոս 333. 491. 492. 493. 511. 513. 514. 517.  
 Տէսուկորոս  
 Դիոնիսիոս (Աղեքսանդրացի) 26. 296. 306. 459. 460.  
 Դիոնէսիոս (Արիստակազացի) 306. 380. 442. 459. 470. 479.  
 526.  
 Դիոս 383.  
 Դիոսոր, |  
 Դիոդոր(է) |  
 Դիոդորոս, |  
 Դեոդորոս (Դիոդորոս=Diodorus, Տարսոնացի) 20. 21. 43.  
 Դեոդորոս 46. 49. 50. 53. 56. 60. 67. 146. 216. 277.  
 Դէոդորոս 416. 424. 480.  
 Թէոդորոս  
 Դէոդոր  
 Դովսիթէոս 307.

Դուին 42. 70. 90. 93. 146. 149. 150. 191. 221. 222.  
223. 494.

Երեքթոս (եպս. Անտիոքի Պիսիթեայ) 26.

Երբայեցիք 153.

Եզիպտացիք 237. 352. 396. 466.

Եզիպտոս 113. 235. 237. 256. 269. 287. 307. 322. 325.  
334. 344. 347. 484. 496. 501. 518. 519. 538.

Եգնադիոտէ (եպս.) 254.

Եգնատրոս Կո՛մ Իգնատրոս (Անտիոքացի) 50. 298. 466.

Եգուա 308.

Եդովմ 388.

Եզեկիէլ (Մարգարէ) 346. 393.

Եզնիկ 509.

Եզր (Կթղ. Հայոց) 221. 222. 223. 224. 227.

Եզրաս (եպս. Կիսդադ) 183.

Եթիոպա 322.

Եթովպացիք 466

Էլ

Եղ 146. 149. 151.

Էշ

Եղադէս (եպս. Մանդեղանց) 183.

Եղիա (Մարգարէ) 46. 154. 240. 246. 340. 500.

Եղիա Սիւնական (երէց) 52.

Եղիա (վանական) 54. 55.

Եղիա (Կթղ. Հայոց) 222.

Եղիշա (եպս. Յուրտաւայ) 178.

Եղիշէ 536.

Եղիսաբեթ 352. 353. 484.

Եղիսէ (Մարգարէ) 517.

Եղիփաս (եպս. Սամուրիադ) 183

Եմեսու 306.

Եմամնուէլ | 4. 38. 199. 200. 361. 404. 405. 426.

Եմամնուիէլ | 429. 452

Ենէս (եպս. Մարուէլ) 183.

Ենովք 46.

Ենովք (եպս. Միդկանու) 183.

- Նպիկտիզոն (եպս. Կորնթացւոց)** 452  
**Նպիկտիոս (հայր)** 524.  
**Նպիփան (Կիպրացի)** 306. 313. 436. 448. 452.  
**Նպիփան (Սալտունցի)** 520.  
**Նպիփան (Պերգացի)** 525.  
**Նսալի (Մարգարէ)** 87. 157. 204. 210. 211. 234. 297.  
 318. 331. 343. 350. 363. 368. 394. 438. 454. 463.  
 467. 491.  
**Նսալի (եպս. Յուրտաւայ)** 178.  
**Նսալի (հայր)** 512. 513.  
**Նստգէն (եպս. Քորչոնա)** 183.  
**Նրեմիա (Մարգարէ)** 26. 115. 157. 181. 204. 205. 318.  
 350. 356. 438. 439. 443. 468. 469.  
**Նրեւան** 151.  
**Նրինոս կ'՝ Նրինիոս (հետևողն Առաքելոց)** 296. 298 306.  
**Նրկարնակք** 193. 224. 230. 413.  
**Նրկիր Աւետեաց** 487.  
**Նրուսաղէմ** 38. 115. 119. 121. 123. 140. 167. 174. 176.  
 177. 179. 182. 183. 185. 186. 221. 230. 280. 298.  
 306. 325. 327. 337. 353. 407. 408. 410. 484 504.  
 511. 512. 514. 516. 520. 521. 522. 523. 524. 526.  
 527. 528 530 533.  
**Նրուսաղէմացիք** 184. 300.  
**Նւա** 477.  
**Նւգենէս (եպս. Սամթալցի)** 183.  
**Նւդոկէ կ'՝ Նւդոքսիոս (Թագունի)** 260. 512.  
**Նւելիոս (եպս.)** 511.  
**Նւղոգիոս (քհնյ.)** 376.  
**Նւղոլիոս (եպս. Իիկոմեղացւոց)** 146.  
**Նւնոմիոս կ'՝ Նւնոմոս** 5. 83. 138. 146. 278. 307. 377.  
 379. 380. 385. 450. 474.  
**Նւսերի** 512.  
**Նւսերիոս (ժամանակագիր)** 306.  
**Նւսերիոս (Նմեսացի)** 306.  
**Նւսերիոս (երէց)** 260.  
**Նւտիքեանք** 286. 287 292.

**Եւտիքոս** 49. 50. 53 56. 66. 83. 104. 106. 119. 138.  
**Եւտիքէս** 146. 149. 152. 186. 187. 215. 262. 268. 271.  
 272. 278. 281. 286. 307. 308. 309. 331. 369. 372.  
 375. 383. 416. 417. 473. 492.

**Եւփիմէ** 142. 143.

**Եփեսացիք** 15. 366.

**Եփեսոս** 20. 50. 52. 55. 57. 66. 72. 78. 82. 94. 119.  
 120. 138. 144. 191. 215. 220. 262. 271. 272. 277.  
 279. 286. 295. 296. 304. 308. 314. 331. 332. 351.  
 360. 374. 396. 417. 491. 492. 493. 494. 519.

**Եփրեմ (Խորին Ասորոց կօ՛ Ուռհալեցի)** 306. 335. 344. 347.  
 422. 429. 430. 431. 435. 437. 445. 446. 462. 463.  
 475. 480.

**Չամրի** 391.

**Չանկեան** 526.

**Չարինաւան** 42. 70.

**Չաւրակ (Գղաւոնան)** 74.

**Չաքարիաս (եպս. Կասողրացի)** 183.

**Չաքարիաս կօ՛ Չաքարիա (Մարգարէ)** 200—1. 206. 392.

**Չաքարիա (քահնլպտ)** 353.

**Չաքարիա (եպս.)** 536.

**Չինոն (Կալբ)** 49 126. 140. 141. 142. 262. 266. 267.  
 268. 269. 277. 300. 328. 502. 520.

**Չինոն (հայր.)** 512

**Չինոն (Չաւրավար)** 517.

**Չինոն (Անապատաւոր)** 521.

**Չիկ (Վանանդալ տէր)** 42.

**Չոլի** 524.

**Չոսիմոս (հայր)** 518.

**Շնծիհնայ կօ՛ Շնծիհնայ** 53. 56. 67. 216.

**Քաղէոս (Առաքեալ)** 78. 189. 302. 323. 414. 497. 533.  
 534. 536.

**Քաղէոս (եպս. Մեհնուհնաց)** 70. 73.

**Քաղէոս (եպս. Առնալոյ)** 146. 149. 151.

- Քաղէնոս** (եպս. Ոստանայ) 223.  
**Քաթուլ** (եպս.) 41.  
**Քամասին** (երէց) 523.  
**Քրաս** (=Քերաս) 518.  
**Քեանք** 8.  
**Քէաւէաւս** 522.  
**Քէմրա** (եպս.) 42.  
**Քէոդոս** (թգր.) 119. 328. 378 492. 516. 519.  
**Քէոդոս** (եպս. Գարդմանից) 224  
**Քեոդոս** (սպասաւոր Յուլիանէ Սրգի.) 243. 244. 267.  
**Քէոդոս** (եպս. Նրուսաղէմի) 259. 516. 522.  
**Քէոդոս** (անապատաւոր) 518.  
**Քէոդոսք** (Թագաւորք) 281. 328. 412.  
**Քէոդոր**  
**Քէոդորոս** (Քէոդորոս=Theodorus, Մոպսուեստացի) 8. 13.  
**Դէոդորոս** 15. 17 20. 46. 50. 53. 56. 60. 67. 83.  
**Քէոդորիոս** 146 216. 277. 489. 521.  
**Քիոդորիտեանք** 308.  
**Քէոդորիտոս** (Կիւրացի) 49. 50. 53 56. 57. 60. 67. 83.  
 103. 119. 120 125. 143. 146. 216. 278. 297. 385.  
 416. 424. 446. 449. 480. 481.  
**Քէոդորոս Մարդպետական կամ Սեպհական գնդին եպս.)** 146.  
 151. 196.  
**Քէոդորոս** (եպս. Փորթայ) 183.  
**Քէոդորոս** (եպս. Բզնունեաց) 223.  
**Քէոդորոս** (եպս. Ամասիոյ) 224.  
**Քէոդորոս** (Մեարապոլիտ Մելետինոյ) 302.  
**Քէորոս** 43. 46.  
**Քէոփիլեանք** 330. 493.  
**Քէոփիլի կ' Քէոփիլոս** (Աղեքսանդրացի) 51. 380. 423.  
**Քէոփիլոս** (եպս. Կեսարիոյ) 533. 536.  
**Քոնրակեանք** 498. 500.  
**Քովմաս կ' Քումաս** (Առաքեալ) 15. 39. 192. 206. 293.  
 331. 351. 381. 462. 493. 497.  
**Քովմաս** (եպս. Տարսի) 183.  
**Քորզոմ** 415.  
**Քուղթն Լևոնի** «է» Տումարն Լևոնի.



**Քումաս** (Քովմաս քահանայ, գաղափարող թղթոցս) 28. 40.  
47. 54. 61. 65. 69. 77. 89. 98. 107. 127. 145.  
162. 219. 238. 278. 322. 334. 357. 395. 482. 497.  
525. 537. 538.

**Քուրք** 304.

**Իբա** |  
**Իբաս** | 50. 57. 67. 83. 103. 278. 510.  
**Հիբաս** |

**Իգնատիոս քէ'ն Եգնատիոս**

**Իդակիա (վանք)** 515.

**Իսահակ (եպս. Քունանակերտ)** 183.

**Իսմայէլ (երէց Քառնոյ)** 151.

**Իսրայէլ** | 6. 87. 201. 235. 237. 256. 338. 353. 391.

**Իսրայել** | 455. 476. 496. 534.

**Իսրայելեանք** 334.

**Իսրայէլ (երէց Պողոսից)** 151.

**Իտալիա (=Ատալիա)** 524.

**Իրենիոս** 451.

**Լախուարոք** 304.

**Լաւորիկէ** 215.

**Լևոն իւ՛ճ Գևոն (հռովմայեցի)** 53. 56. 60. 67. 83. 97. 119.  
120. 121. 125. 138. 146. 149. 152. 164. 165. 177.  
182. 183. 186. 192. 216. 226. 247. 249. 252. 256.  
257. 258. 262. 265. 275. 277. 284. 285. 300. 308.  
309. 310. 311. 312. 314. 317. 318. 319. 358. 369.  
372. 375. 376. 377. 386. 416. 427. 449. 480. 481.  
482. 492. 517. 522. 524. 525.

**Լևոն (կալսր)** 260.

**Լևոնտիոս (Ասկաղոնացի)** 521. 524.

**Լիբիա** |  
**Լիբրա** | 215. 269. 513.

**Լիբէացիք** 416.

**Լիկիա** 519

**Լիֆնիք** 322.

**Խարբա (եպս.)** 42.

- Խաղ 536.  
 Խաչիկ (Կթղ. հարոց) 302.  
 Խառան 224. 344.  
 Խափա 53. 55.  
 Խոսրով (եպս. Ամատունեաց) 70.  
 Խոսրով (Արքայից Արքայ) 72. 76. 194. 221. 223.  
 Խոսրով (երէց Աւշականու) 151.  
 Խոսրովչնում (Ամբատ Բագրատունի) 218.  
 Խորասանիկ | 91 95.  
 Խորասանիկք |  
 Խորխորունիք և՛ Խոռխոռունիք 41. 70. 73. 78. 81. 151. 196.  
 Խուժաստան 41. 47. 72. 79.  
 Խուժիկ 136. 138.  
 Խուժիկք 70. 72. 166. 178.  
 Խրատանաս (կղզի) 517.  
 Ծիղկան 183.  
 Կաթարա 41.  
 Կաթարոս 124  
 Կաթութկէ (վանք) 151.  
 Կաղանդէոս 329.  
 Կաղնի Արամազդայ 346.  
 Կաղփք 322  
 Կամբիշոյ (Մեարապոլիտ) 218.  
 Կամբոտոս (Բգր.) 518.  
 Կայէն 77. 392  
 Կանա (Փալիլիացւոց) 404.  
 Կապադովկացիք 50.  
 Կապադովկիա 536.  
 Կապադական 81.  
 Կասդրա 183.  
 Կարզոն 307.  
 Կարին 221. 223.  
 Կարմեկան, Կարմիկան 41. 42.  
 Կարմիր ծով 85 487.  
 Կարպոկոստէս (=Կարպոկրատէս) 307.

Կաւատ (Արքայից Արքայ) 41. 42. 43. 164. 192. 220.

Կաւկաս 132.

Կելիստինոս

Կելեստինոս

Կեղեասինոս

Կենա 54. 55.

Կեսար կամ Կեսարիա (Վասպուրականացոց) 214. 433. 448.

512. 533. 534. 536.

Կեսարիա (պաղեստինացոց կամ փղշտացոց) 306. 517.

Կեսարիա (փիլիպեան) 504.

Կերինթոս (Ասիայի) 307. 415.

Կիլիկիա 518. 521. 537. 538.

Կիդրք 322.

Կիպրոս 436. 521.

Կիսդադ 183.

Կիրակոս (Կրօնաւոր Կիպրացի) 517.

Կիրովն

Կիւրիոն

Կիւբէ 278.

Կիւրեղոս (Աղեքսանդրացի) 26. 49. 51. 69. 91. 101. 103.

Կիւրեղ

Կիւրղոս

119. 185. 214. 220. 271. 272. 285. 290. 296.

299. 300. 306. 310. 331. 363. 364. 366. 366.

369. 371. 375. 376. 377. 378. 379. 384. 385. 386.

389. 396. 435. 443. 444. 445. 450. 452. 464. 471.

474. 475. 476. 478. 482. 493. 502.

Կիւրղոս

Կիւրեղ

Կիւրէն

Կիւրոս

Կիւրոս

Կիւրոս

Կիւրոս

Կիւրոս

Կիւրոս

Կիւրոս

Կիւրոս

Կիւրոս

Կիւրոս

Կիւրոս

Կիւրոս

Կիւրոս

Կիւրոս

Կիւրոս

Կիւրոս

Կիւրոս

(Նրուսադիմացի) 88. 306. 325. 326. 327. 354. 355.

429. 484. 488.

Կիւրէն (քղք. Լիբիոյ) 513.

Կիւրոս (քղք.) 119. 216. 424. 449. 481.

Կիւրոս (թգր.) 501.

Կիւրոս Կիւրոս

Կիւրոս Կիւրոս

Կիւրոս Կիւրոս

Կիւրոս Կիւրոս

Կիւրոս Կիւրոս

Կիւրոս Կիւրոս

Կիւրոս Կիւրոս

Կիւրոս Կիւրոս

Կիւրոս Կիւրոս

Կիւրոս Կիւրոս

Կիւրոս Կիւրոս

Կիւրոս Կիւրոս

Կիւրոս Կիւրոս

Կիւրոս Կիւրոս

Կիւրոս Կիւրոս

421. 430. 445. 465. 475.

Կիւրոս (վանք) 498.

- Պողոս (երէց Ուրտայ) 151.
- Պոմփոս կո՛մ Կոմփոս (Կթղ. հայոց) 211. 212. 218. 222.  
483. 497.
- Պոսդաս (Կալար) 534.
- Պոստանդիանոս | (մեծն) 43. 328. 329. 330. 334. 492. 493.  
Պոստանդինէ | 496. 507. 517. 534.
- Պոստանդիանուպալիս (=Վոստանդնուպալիս) 14. 26. 46.  
Պոստանաինոյ պալիս 49. 52. 55. 57. 66. 72. 78. 82  
119. 138. 144. 179. 185. 186. 191. 215. 220. 243.  
244. 256. 258. 262. 265. 267. 268. 269. 272. 274.  
276. 277. 279. 300. 301. 304. 306. 343. 351. 358.  
373. 374. 417. 467. 512. 519. 524.
- Պոստանդին (եպոս.) 224.
- Պոստանդին (Կթղ. հայոց) 503.
- Պոստանդին (սրկզ.) 517.
- Պորիս 258.
- Պորնթայիք 36. 88. 391.
- Պորնթոս քե՛ն Կերինթոս
- Պուխորդ 183.
- Պուկի (կղզի) 215.
- Պումբրինոս (=Մանի) 216. 500.
- Պումբրիկոս
- Պուռնելիոս 265.
- Պրետայիք 32.
- Հարա 46.
- Համազասպ (Գուգվառամեան) 74.
- Համազասպ, Սահակ (Հմալակեան) 74.
- Համազասպ (Զիւնակեան) 74.
- Համազասպ (Սահակեան) 74.
- Հայաստան 42. 47. 93. 94. 108. 149. 212. 291. 323.
- Հայաստանեայք 128. 140. 191. 222. 302. 304. 305. 413.  
414. 415. 416. 417. 419. 420. 446. 482. 526.
- Հակահնեայք 413.
- Հայք 17. 41. 42. 44. 45. 46. 48. 51. 52. 55. 59. 60.  
62. 70. 72. 73. 74. 76. 78. 79. 90. 103. 130. 146.  
149. 150. 151. 163. 164. 167. 168. 170. 172. 176.

178. 179. 180. 183. 185. 196. 212. 218. 220. 221.  
222. 223. 227. 231. 232. 234. 239. 295. 296. 300  
302. 303. 322. 323. 335. 358. 407. 408. 413. 492.  
493. 494. 497. 503. 504. 509. 526. 527. 533. 534.  
536.

**Հարթ (Հարթալ)** 41.

**Հարք** 41. 70. 73. 223.

**Հաուկ (Կպս. Արշարուհեաց)** 73.

**Հերթայեցիք** 6.

**Հեթում (Թգր. հայոց)** 503.

**Հելլենացիք** 433.

**Հեղի (քհնյալա)** 353. 391.

**Հենատիկոն և Հենետիկոն (Ջենոնի)** 126. 277. 300. 502.

**Հերսկղ (կալսք)** 222. 223. 383

**Հերովդէս** 216. 338.

**Հերովդիանոսք** 216.

**Հիրաս րէ՛ն Իբաս.**

**Հիմննոս** 258.

**Հմայեակ (Վարաժնունի)** 74

**Հնդիկք** 322. 466. (Արևմտեան և Արևելեան)

**Հնծիհնալ րէ՛ն Ընծիհնալ.**

**Հոն (երէց)** 21.

**Հոնք** 446.

**Հոռոմանոս (Կպս. Ակիրոյ)** 70.

**Հոռոմ-կլալ րէ՛ն Հոռոմ-կլալ.**

**Հոռոմ, Հոռոմք** 1. 43. 45. 46. 49. 121. 151. 164. 179.

192. 194. 221. 222. 223. 270. 300. 304. 325. 352.  
358. 532.

**Հոարեի** 201.

**Հոփսիմէ (վանք)** 151.

**Հոփսիմեանք** 534.

**Հոսմակ (Կպս. Ամարասու)** 81.

**Հոսմ-կլալ** 503. 530. 537. 538.

**Հոովմ** | 119. 179. 185. 186. 241. 262. 280. 296. 298.

**Հոովմ** | 301. 306. 307. 310. 344. 372. 375—377. 379.

386. 397. 398. 427. 435. 446. 448. 496. 503. 504.  
533.

- Հասկմայական (թուղթ հասկմայեցոց) 226.**  
**Հասկմայեցիք 105. 272. 369. 391. 416. 466.**
- Ղազար (եպս. Փողոթիղ) 183.**  
**Ղազարոս 377. 440. 450.**  
**Ղևոն փ' և Լևոն.**  
**Ղևոնդ (եպս. Մեծկուանց) 81.**  
**Ղէբէոս (=Քաղէոս Առաքեալ) 533. 536.**  
**Ղէգէոս 367.**  
**Ղութարիս 278.**  
**Ղուկանացիք 32.**  
**Ղուկաս (Աւետարանիչ) 179. 205. 334. 339. 340. 351. 353.**  
**354. 355. 487. 488.**  
**Ղուկիանոս 307.**  
**Ղուկիսիերա 372.**
- Հենաստանեայք 466.**  
**Ճիկք 304**
- Միգիաորիանոսք 104.**  
**Մաթէ (Մաթեա) 5.**  
**Մաժտոց | (=Սուրբն Մեսրոպ) 1. 9. 180. 220. 236.**  
**Մաշտոց**
- Մակարայեցիք 155.**  
**Մակար եպոս. (Սրուսաղէմի) 306. 407. 408. 410.**  
**Մակեդոն | 5. 66. 149. 152. 220. 278. 284. 295. 307.**  
**Մակեդոնիս | 328. 374. 416. 417.**  
**Մակեդոն**
- Մակեդոնիք 216.**  
**Մահարձ 42.**  
**Մաղաքեա (Մարդարէ) 201.**  
**Մաղական 41.**  
**Մաղբէ (քորեպիսկոպոս) 41.**  
**Մամիկոնք, Մամիկոնեանք 41. 52. 62. 70. 72. 73. 74. 76.**  
**78. 81. 218. 223.**
- Մամուեստիա (=Մոպսուեստիա) լիշատակի ընդ Քէոզորոսի:**  
**Մալէն (երէց միւս Սրճոյ) 151**

- Մանազկերտ 223. 294.  
 Մանածրհ (Ռաժիկ) 72.  
 Մանասէ (եպս. Բասենոյ) 108. 109. 146. 149. 150 151.  
 Մանասէ (Թաղաւոր) 121.  
 Մանգեղք 183. 194.  
 Մանգին (Ամատունեաց տէր) 42.  
 Մանի 43. 46. 53. 56. 66. 83. 146 216. 278. 281. 307-  
 Մանիքեցիք 2.  
 Մանուկ (Սպանդուհի) 74.  
 Մաշդոց (Սուրբն Մերսոյ) ահա Մաժդոց  
 Մաշդոց (եպս. Խոսիսունեաց) 70. 73. 74. 81.  
 Մատթէոս (եպս.) 79. 83.  
 Մատթէոս (եպս. Ապահունեաց) 196.  
 Մատթէոս (Աւետարանիչ) 338. 350. 351. 377. 450. 479. 488-  
 Մարտ (դպիր) 42.  
 Մարաթովն 5  
 Մարդաղի 73. 78. 81.  
 Մարգարետական (- սեպհական գունդ) 41. 70 73. 76. 81.  
 146. 151. 196.  
 Մարեթոնեայք 8.  
 Մարի (երէց) 41.  
 Մարիամ (Աստուածածին) լաճախ.  
 Մարիեղոս, Մարկեղոս (գաղատացի) 216. 383. 415.  
 Մարկիանոս (կալսր) 115. 119. 120. 121. 124. 143 186-  
 192. 249. 254. 256. 259. 260. 284. 307. 328. 333.  
 334 491. 497. 510. 511. 512. 513. 516. 517.  
 Մարկիանոս (ոմն) 522.  
 Մարկիոզն | (պոնտացի) 53. 56. 66. 83. 138. 146. 215.  
 Մարկիոն | 278. 307. 415.  
 Մարկոս (եպ. Բագրեանդայ) 73.  
 Մարկոս (Աւետարանիչ) 179. 262. 272. 328. 339. 351. 488-  
 Մարհալա 53. 55.  
 Մարուէլ 183.  
 Մարտ (գիւղ) 54. 55.  
 Մաւսիոնէ (խոստովանող) 520.  
 Մաւրիկ (կալսր) 151. 278.  
 Մաքսեմոս (մոնազ Կ. Պալսի) 301.

- Մաքսիմոս (եպս. Անտիոքայ) 146. 186  
 Մելիտինէ 302. 376  
 Մելիտոս (եպս. Անտիոքայ) 297.  
 Մելքիսեդեկ 216.  
 Մելքիսեդեկիդք 216.  
 Մեծ կողմք 196.  
 Մեծկուանք 81.  
 Մեծ հալք 41. 59. 214. 215. 218. 279. 283 302 518.  
 535. 536.  
 Մեհնունիք 42. 70. 73. 146. 149. 151,  
 Մեղքի (երէց) 52.  
 Մենանդրոս 307.  
 Մերոպ (սուրբն) 220. 304. 534 *տե՛ս ն Մածղոց*  
 Մերչապուհ (եպս. Մամիկոնեանց) 41. 48. 52. 55. 62. 70.  
 72. 73. 76  
 Մերչապուհ (չինական) 74.  
 Միզամիղ 183.  
 Մինր Արտաշիր 78.  
 Միջագետք 211. 307. 536.  
 Միրնորմիղդ (սրկգ.) 41  
 Միքս 43  
 Միքալէլ (եպս. Ջարեհաւանից) 70.  
 Միքալէլ (երէց Աղցից) 151.  
 Միքալէլ (հրեշտակապետ) 248. 286.  
 Մխիթար (եպս. Ամարասայ) 196.  
 Մժրին 41. 83. 107.  
 Մժրնացիք 72.  
 Մժխիթա, Մցխիթա 164. 171. 172. 178. 182. 194.  
 Մնգր 218.  
 Մոկք 42. 70. 81.  
 Մոնդանոս 216. 307. 415. 501.  
 Մովաբացիք 394.  
 Մովսէս (քերթողահայր, Խորենացի) 22  
 Մովսէս (մարգարէ) 23. 85. 125. 159 162 204. 225.  
 235. 240. 241. 251. 252. 258 265 329 330  
 337. 339. 341. 348. 350 356 399. 427. 435. 436.  
 455 457 458. 461. 469. 476 487. 504 534  
 Մովսէս (եպս. Ջարեհաւանի) 42.  
 Մովսէս (եպս. Բ...ղատու) 81.



- Մովսէս (եպս. Վրաց)** 110. 112. 113. 119. 128. 133. 135.  
 140. 141. 176. 161. 163. 178. 179. 184.  
**Մովսէս (Կթղ.)** 136. 138. 146. 149. 164. 166. 222.  
**Մովսէս (եպս. Խոռխոռունեաց)** 151. 196.  
**Մուշեղ (Հմայեակեան)** 74.  
**Մուշեղ (Քոնրակեցի)** 498. 500. 501.  
**Մուշեղեան** 41.  
**Ռազզեն (երէց)** 52.  
**Յազկիրա (արքայից արքայ)** 220  
**Ռակոր Բեղ** 41.  
**Յակոր (քնլ.)** 53—54.  
**Յակորիկ** 224. 322.  
**Յակովր (նահապետ)** 26. 38. 181. 201. 438  
**Յակովր (եպս. ցուրտաւայ)** 178.  
**Յակովր, Յակորոս (Տեառնեղբայր)** 88. 179. 325. 326. 327.  
 354. 355. 484. 485. 488.  
**Ռակոր (սուբն)** 518.  
**Յակովրէ (եպս. Իրտաւի)** 183.  
**Յամրէս** 498.  
**Յանէս** 498. 500.  
**Յաւիտեան (երէց Աղլվարդայ)** 151.  
**Յափկան (եպս.)** 42.  
**Յեսու (եպս. Բասենոյ)** 223.  
**Յեսու** 389. 487.  
**Յի. րիպիդէս (Աթենացի)** 384.  
**Յոբ. Յովր** 337. 350. 382.  
**Յոբիանոս (Թգր.)** 442  
**Յոհան (Կ. պալսեցի)** 26.  
**Յոհան (Անտիոքացի)** 185.  
**Յոհան (Եղեսացի)** 278.  
**Յոհան (երիցապետ)** 41.  
**Յոհան (եպս. Ապահունեաց)** 73.  
**Յոհան (եպս. ցուրտաւայ)** 178.  
**Յոհանէ ( « » )** 178.  
**Յոհանան** 43.  
**Յոհանիկ (եպս. Գարդմանայ)** 81.  
**Յոհանիկ (եպս. Ելոյ)** 146. 149.  
**Յոհանիկ (երէց Արտաւազդայ Ապարանից)** 151.  
**Յոհանիկ (երէց Արծափայ)** 151.

- Յոյս (եպս. Գողթան) 73.
- Յօրն. Յօրնք 14. 221. 232. 295. 297. 300. 302. 307.  
352. 413. 428. 466. 467. 470. 479. 494. 495. 496.  
516. 534.
- Յովաննէս 51.
- Յովաննէս (միայնակեաց Գառնեցի) 526.
- Յովաննէս (եպս. ի Տուոց) 528.
- Յովբնաղ թե՛ Յուբնաղ
- Յովդաննիա 52.
- Յովել (մարդարէ) 200.
- Յովհան (եպս. Սառուսթիէլ) 183.
- Յովհաննէս (Աւետարանիչ) 26. 30. 57. 79. 83. 117. 201.  
205. 225. 226. 287. 293. 297. 318. 325. 326. 330  
331. 337. 338. 342. 350. 351. 352. 399. 440. 441.  
443. 446. 455. 466. 485. 486. 488. 503. 521. 522.
- Յովհաննէս (Կթղ. հայոց) 29. 78. 81. 85. 222.
- Յովհաննէս (Մկրտիչ) 64. 86. 88. 106. 111. 213. 338. 354.  
381. 382. 476. 485. 517. 524
- Յովհան (Ոսկերերան) 91. 94. 101. 236. 298. 306. 309.  
313. 317. 377. 415. 450. 463. 466. 467. 479. 491. 493.
- Յովհաննէս (եպս. Ամատունեաց) 108. 109. 146. 149
- Յովհաննէս (երիցապետ) 126.
- Յովհաննէս (եպս. Արծրունեաց) 146. 151.
- Յովհաննէս (իմաստասէր) 220. 222. 223. 227. 230. 232.  
234
- Յովհաննէս (Մանդակունի) 239.
- Յովհաննէս (եպս. Աղեքսանդրացի) 277.
- Յովհաննէս (եգուացի) 307
- Յովհաննէս (պատրիարք Ասորոց) 335.
- Յովհաննէս (քնլ. Աղեքսանդրացի) 511.
- Յովհաննէս (հայր) 523.
- Յովհաննէս (եղբայր) 525.
- Յովհաննէս ի-՛մ Յովհան (Երուսաղեմացի) 306. 451.
- Յովհաննու (վանք) 151. 172
- Յովնադան 41.
- Յովնան (եպս. Վանանդալ) 73.
- Յովնան (եպս. Հերթալ) 218.

- Յովիան (մարգարէ) 346.  
 Յովսէփ, Յուսէփ (հայր) 34. 205. 285. 325. 352. 354. 438-  
 Յովսէփ 476. 496.  
 Յովսէփ (ժամական) 54. 55.  
 Յովսէփ (եպս. Աղսուէլ) 183.  
 Յովսէփ (եպս. Կուխորդոյ) 183.  
 Յովսէփ (եպս. Միդամիդ) 183.  
 Յովսէփ (գեղեցիկ) 201  
 Յովսէփ Երէց (Կթղ. հայոց) 220.  
 Յովսէփ (հայր Սիմոնի) 536.  
 Յորդանան 46. 64. 86. 88. 89. 210. 213. 354. 381. 425-  
 426. 427. 428. 487. 526.  
 Յուբնաղ | 119. 121. 125. 177. 185. 186. 300. 328. 468-  
 Յուբնաղիոս | 492. 495. 514. 515. 516. 520. 521. 522.  
 Յորնաղ  
 Յուդա (ցեղ) 157. 353. 393.  
 Յուդա (իսկարիովտացի) 325. 347. 491. 496. 514.  
 Յուդայեան (թուղի) 226.  
 Յուդա (Առաքեալ) 497.  
 Յուդա (Յակոբեան) 534. 536.  
 Յուլիանէ (որկղ) 243. 244.  
 Յուլիոս (մեծն Հռովմայ եպս.) 26. 51. 101. 296. 298. 306.  
 310. 37. 435. 416. 450. 462. 509.  
 Յուլիոս (Աղկորնացի=Աղիկառնացի) 329. 491.  
 Յուլիոս (Կրօնաւոր Կիպրացի) 517.  
 Յունանէս (երէց Աւանի) 151.  
 Յունաստան 484.  
 Յուսէփ, Յովսէփ (նախարար) 331. 340. 493.  
 Յուսէփ (ներքինի) 511.  
 Յուստին, Յուստիանոս (կայսր) 141. 142. 221. 300. 328-  
 326. 484.  
 Յուստինոս 300.  
 Յուստինեան 142.  
  
 Նարաղ 392.  
 Նարովթ 241.  
 Նորովք 451.

Նազարէթ 4. 204.

Նազիազ, Նազիանզ 26. 213. 214. 236—7. 289. 299. 306.

Նաթանայէլ 127. 204.

Նաւատիանոս 216. 307.

Նեստոր 8. 14. 15. 17. 20. 26. 43. 46. 48. 49. 50.

Նեստորիոս 53. 56. 60. 62. 67. 72. 76. 78. 81. 83. 91.

Նեստորիանոս 101. 103. 104. 105. 107. 108. 115. 116.

119. 120. 121. 122. 124. 138. 139. 141. 143. 146.

149. 152. 185. 186. 191. 192. 194. 214. 215. 220.

221. 231. 232. 241. 262. 271. 277. 279. 281. 284.

285. 288. 290. 291. 293. 295—7. 307—312. 315. 328—9.

331—33. 344. 363. 365. 366. 367. 369. 371—2. 375.

379. 383—85. 391. 396. 416. 420. 424. 427. 429.

444. 449. 459. 466. 472. 474. 481. 482. 489. 491.

492. 493. 502. 505. 510. 513. 518. 519. 521.

Նեստորիանոսք. Նեստորականք 45. 46. 62. 66. 70. 72. 76.

79. 80. 155. 173.

Ներսէ (եպս. Բասենոյ և Մարդաղոյ) 78. 81.

Ներսէս (եպս. մարդպետական) 41.

Ներսէս (կթղ. հայոց) 52. 55. 59. 62. 70. 72. 73. 76.

Ներսէս (եպս. Մարդաղոյ) 73.

Ներսէս (եպս. Սամսոնեան) 74.

Ներսէս (եպս. Բժնուհեաց) 146. 149. 151.

Ներսէս (եպս. Վանանդայ) 151.

Ներսէս (սուրբն, մեծն) 220. 295. 304. 492.

Ներսէս (Բագրևանդացի) 221. 222. 223.

Ներտաւիոս (եպս. Հոովմայ) 306. 493.

Նէոկեսարիա 26. 214. 306. 375.

Նիկէ 521.

Նիկիա 8. 15. 33. 43. 44. 46. 49. 50. 52. 55. 57. 66. 72.

78. 82. 88. 95. 122. 123. 126. 138. 144. 191. 215.

220. 262. 269. 272. 277. 295. 304. 318. 329. 330.

351. 369. 374. 397. 468. 502. 516.

Նիկիացիք 390.

Նիկողիմոս 87.

Նիհորական 72. 218.

Նինուէ 41. 218.

- Նինուէացիք 240. 334.  
 Նոյ (երէց) 54. 55. 126.  
 Նոյ (նահապետ) 286. 347. 350.  
 Նոյիրական 41.  
 Նոր Հռովմ 279. 283. 295.  
 Նանարարսողէ 41.  
 Նփրկերտ 224  
  
 Շահապուզան 220.  
 Շահէ (եպս.) 42.  
 Շապուհ (երէց) 52.  
 Շարսաղար (վարդապետ) 149. 150. 151. 168. 170.  
 Շաւտ (քորեպիսկոպոս) 41.  
 Շաքէ 81.  
 Շմաւոն (երէց) 42. 45. 47.  
 Շմաւոն (եպս. Խառանու) 224.  
 Շմաւոն (վանաց երէց) 254. 256. 259.  
 Շոշարի 47.  
 Շուշանիկ 164. 178. 194.  
  
 Ոնեսիմոս 88.  
 Ոնորիոս (եպիսկոպոսապետ Հռովմայ) 379. 448.  
 Ոստան 223.  
 Ովփես 52.  
 Որդեակ (երէց Փարպիոյ) 151.  
 Որդիք Որոտման 414. 533.  
 Որիկնի 41.  
 Որմազդ 194.  
 Որոզինէս 330. 331. 493.  
 Որտաւ 183.  
 Ուլուակիա 521.  
 Ուզպիան 385.  
 Ուստաւ 183.  
 Ուրդի 151.  
 Ուրհայ, Ուռհայ 183. 224. 437. 523. 525. 536.  
 Ուրմի 534. 536.  
  
 Պազգէն (եպս. վրաց թղրկն. տան) 182. 183.

- Պալունիք** 42. 70. 73.  
**Պահլա** 323.  
**Պաղեստին** 6. 516.  
**Պաղեստինացիք** 306.  
**Պանդրուտոյա (տօն)** 334.  
**Պանփիւլիա, Պամփիւլիա** 521. 522. 524.  
**Պանփիւլէ (սրկզ.)** 511.  
**Պարզև (եպս. Հարքայ)** 70. 73.  
**Պարթև** 214. 323.  
**Պարսիկք** 41. 50. 192. 221. 223. 306. 526.  
**Պարսք** 41. 156.  
**Պարտաւ** 81.  
**Պաւղէ, Պաւղի** 43. 46.  
**Պաւղիկեանք** 73.  
**Պաւղոս Տարսոնացի (Առաքեալ)** 4. 5. 6. 7. 14. 17. 20. 26. 32. 33. 35. 46. 62. 88. 117. 122. 124. 128. 133. 153. 158. 162. 183. 193. 197. 199. 203. 204. 207. 209. 226. 234. 236. 240. 245. 258. 265. 298. 301. 305. 313. 316. 318. 320. 325. 327. 334. 342. 343. 345. 356. 357. 367. 378. 380. 381. 391. 392. 393. 394. 410. 428. 437. 439. 440. 445. 446. 449. 454. 459. 46. 467. 468. 472. 478. 481. 487. 502. 508. 534.  
**Պաւղոս Սամուստացի և՛ Սամոստացի** 49. 50. 53. 56. 66. 83. 146. 192. 216. 277. 297. 307. 312. 391. 416. 424. 449. 459. 461. 470. 473. 480. 481  
**Պաւղոս (եպս. Արուաստայ)** 218.  
**Պաւղոս (հայր. Եթովպացի)** 512. 513. 514.  
**Պաւղոս (եղբայր)** 517. 518.  
**Պաւղոս (վարդապետ)** 527.  
**Պաւղքերեանէ ու՛ն Պողքեր.**  
**Պեղատոս, Պիղատոս (Պնտացի)** 64. 299. 337. 338. 340. 361. 362.  
**Պեղինոս** 259.  
**Պենտուպաւլիա** 269.  
**Պետրոս (Առաքեալ)** 4. 30. 67. 122. 125. 157. 179. 187. 204. 207. 217. 235. 245. 258. 265. 307. 345. 347. 378. 381. 386. 399. 414. 428. 450. 504. 509. 519. 533. 534.

- Պետրոս (եպս. Սիւնեաց)** 70. 72. 73. 76. 79. 222.  
**Պետրոս (աղքատասէր)** 81.  
**Պետրոս** 99. 133. 136  
**Պետրոս (Անտիոքացի. Գոյլ)** 126. 328. 491. 494.  
**Պետրոս (Աղեքսանդրացի)** 243. 244. 245. 247. 249. 250.  
 251. 253. 256. 258. 262. 264. 265. 267—69. 271.  
 274. 276. 516. 521.  
**Պետրոս** 300.  
**Պետրոս (վկայ)** 306.  
**Պետրոս** 333.  
**Պետրոս (եպս. . . . ?)** 502.  
**Պետրոս (եպս. Վէրիցի)** 510. 511. 518. 519. 523.  
**Պետրոս (աշակերտ)** 512.  
**Պետրոս (զուրազլուխ)** 517.  
**Պետրոս (Թեբացի)** 519.  
**Պետրոս (հայր, փիւնիկեցի)** 519. 522.  
**Պերգա** 525.  
**Պերոզ (արքայ)** 43  
**Պերոզապուհ** 41. 42.  
**Պիոն (հայր)** 521.  
**Պիուր (մենաւոր)** 521.  
**Պիւթագորոս** 501.  
**Պլակիանոս, Պլակիոս (Ուռհայեցի)** 510. 511.  
**Պղատոն(ական)** 322. 413.  
**Պողինոս (եպս.)** 254. 259.  
**Պողքեր** 115. 254. 259. 260. 284. 510.  
**Պոնիփոսս (երէց, Փրանգ)** 510.  
**Պոնտոս** 216.  
**Պոտէ (Արիանոսաց)** 258.  
**Պոտէ (Լեոնի)** 262.  
**Պոտիմոն (Սկիւթացի)** 519.  
**Պոտոլինէ (գիւղ)** 520.  
**Պռոսկիդոն** 298.  
**Պռոտոր** 519.  
**Պտղավանք** 151.  
**Պրեզմիոս Ագատղիոս Էս Ագատեղիոս** 268. 269. 272.

Պրոկղ | (եպս. Կ. Պաւլսի) 1. 9. 51. 220. 296. 306. 451.  
 Պրոկզսս | 464.  
 Պրոպատիկէ 514.  
 Պրոտորէ (եպս.) 121. 258.

Ջոջիկ (երէց Երևանից) 151.

Ռաժիկ (Մանածրճ) 72.  
 Ռափայէլ 127.  
 Ռըմբան 41.  
 Ռշտունիք իճ Ռուշտունիք 42. 70. 81. 146. 149.  
 Ռոմանոս (կայսր) 295.  
 Ռոմանոս (Աբէլմէուլացի) 516.  
 Ռոմանոսի (վանք) 520. 525.  
 Ռտակէս Բ՛՛ Առխտակէս.

Սաբախոյ Կոննի հորական (եպս.) 218.  
 Սաբէացիք 38.  
 Սաբէլիոս, Սաբէլ (Լի բիացի) 138. 146. 215. 291. 307. 375.  
 415.

Սալասհիկք 281.  
 Սալտուն (գիւղ) 520.  
 Սահակ (Սուրբն, մեծն) 1. 9. 14. 16. 220. 296. 304. 492.  
 Սահակ (եպս. Պալունեաց) 42.  
 Սահակ (քորեպիսկոպոս) 41.  
 Սահակ Կամարական 42. 48.  
 Սահակ (եպս. Ռշտունեաց) 70.  
 Սահակ (Վարդանեան) 74.  
 Սահակ (Մանուկեան) 74.  
 Սահակ (Համազասպեան) 108. 109.  
 Սահակ (եպս. ցուրտաւոյ) 178.  
 Սահակ (եպս. Տփղեաց) 183.  
 Սահակ (եպս. Մամիկոնէից) 223.  
 Սահակ (վրդ.) 283.  
 Սահակ (կթղ. հայոց) 413.  
 Սահակ (կթղ. ? ) 502.  
 Սաղիմա 52.



- Սամարեա 307. 350.  
 Սամէզ (Արտաւազդեան) 74.  
 Սամթաւաց 183.  
 Սամոտ (Երէց Բազարանի) 151.  
 Սամուտացի տեա Պաւղոս Սամուտացի  
 Սամուեղ (Մամական) 74.  
 Սամուէլ (Եպս. Տումասուէլ) 183.  
 Սամուէլ (Եպս. Բղնունեանց) 41.  
 Սամուէլ (Եպս. Բասենոյ) 41.  
 Սամուիէլ 37.  
 Սամուիէլ ի՞՞՛՛ Սամուէլ (Մահարձոյ Վանաց Երէց) 42. 45.  
 47. 52.  
 Սամուիէլ (Երէց Հռիփսիմեան) 151.  
 Սամուիէլ (Եպս. Յուրտաւալ) 178.  
 Սամուիէլ 203.  
 Սամուիէլ (Կամրջաձորեցի) 302  
 Սամուրեաղ 183.  
 Սառուսթիէլ 183.  
 Սարակինոսք 393.  
 Սարգիս (Զաւրականեան) 108. 109.  
 Սարգիս (Եպիս. Տալոց). 223  
 Սարերա 52. 54  
 Սաւղոս 45  
 Սերերիանոս 306. 315.  
 Սեւեկիս 515  
 Սելովամ 513.  
 Սեկունդոս (Եպս. Մոկաց) 181.  
 Սեկունդոս, Սինկիտոս 103. 285. 310. 367. 444. 475.  
 Սեղբեստրոս (Եպս. Հոովմայ) 306. 334. 396. 497. 509.  
 Սենեքերիմ 295.  
 Սերգիս (Բարգէն) 47.  
 Սերգիս ի՞՞՛՛ Սարգիս (Երէց) 54. 55.  
 Սեւազրիս 525.  
 Սեւերիանոսք 60.  
 Սեւերոս, Սեւերիոս 53. 56. 57. 60. 62. 83. 138.  
 Սէթ (պաշտունեաւ Տամոքայ) 54.  
 Սիմեոն (ժերունի) 326.

- Սիմէոն, Սիմոն (երէց)** 48. 51.  
**Սիմէոն (Անտիոքացի)** 120. 142. 143.  
**Սիմոն (երէց Դատաւանից)** 151.  
**Սիմոն (եպս. Մեծկողմանց)** 196.  
**Սիմոն (Կիրենացի)** 513.  
**Սիմոն (որդի Յովսէփու)** 536.  
**Սիմոն (Կախարդ)** 88. 97. 145. 158. 258. 265. 307. 500.  
 501. 515.  
**Սիմովն (եպս. Նինուէի)** 218.  
**Սիմովն ու՛ Պետրոս (առաքեալ)**  
**Սինա, Սինէական (լեռան)** 240. 455.  
**Սիոն, Սիովն (լեռան)** 59. 123. 176. 183. 436. 497.  
**Սիոն, Սիովն (եպս. Գողթան)** 146. 149. 151.  
**Սիս** 503. 538.  
**Սիւնական (Սարբրալի)** 52.  
**Սիւնակեաց (Յովհաննէս)** 523.  
**Սիւնիք** 42. 70. 72. 73. 76. 78. 146. 149. 151. 183.  
 196. 323. 358. 373. 536.  
**Սմբատ Վրկան ի՛մ Գուրկան մարզպան** 149. 150. 151. 163.  
 168. 170. 172.  
**Սմբատ Բաղրատունի (Նոսրովչնում)** 218.  
**Սմբատ (Թոնրակեցի)** 498. 501.  
**Սնարք** 534.  
**Սողոմ** 329. 391.  
**Սոկրատ, Սուկրատ (պատմագիր)** 298. 330. 466.  
**Սողովմոն (եպս. Մոկաց)** 70.  
**Սողովմոն (իմաստուն)** 99. 367. 454. 500.  
**Սորմենոս (Ստրատելատ Հալոց)** 90. 93.  
**Սուկաւեանք (վկայք)** 323.  
**Սուսինա** 52.  
**Սուկինոս** |  
**Սուկենոս** | (Նիոզ Կեսարացի) 375. 376. 384.  
**Սուկենոս** |  
**Սուրբ Սովի** 393.  
**Սուրբ Յակոբ (եկեղեցի Երուսաղէմի)** 527. 533.  
**Սուրբ Յարութիւն** 534.  
**Սուրբ Կարապետ** 534.

- Սուրբ Գրիգոր (տաճար Հռոմկլայի) 537.  
 Սուրբ Աստուածածին (տաճար Հռոմկլայի) 537.  
 Սուրբ Փրկիչ ( " " ) 538.  
 Սոփիոնիա 216.  
 Սոփիոնիա (մարգարէ) 392.  
 Սոքփոնէ 52.  
 Սպանդիատ (տապիտ) 42.  
 Սպանդիացիք 466.  
 Ստեփաննոս (եպս. Անձևացիաց) 70.  
 Ստեփանոս (եպս. Տալոց) 81.  
 Ստեփանոս (եպս. Բագրեանդալ) 151. 196.  
 Ստեփանոս " (եպս. Յուրտաւալ) 178.  
 Ստեփանոս ք (եպս. Յուրտաւալ) 178.  
 Ստեփանոս (եպս. Ուսթաւի) 183.  
 Ստեփանոս (Սուրբն) 205. 213. 246. 366. 523  
 Ստեփանոս (եպս. Արզնի) 218.  
 Ստեփաննոս (եպս. Միւնեաց) 323. 358. 460. 373. 375.  
 Ստեփանոս 329  
 Ստեփաննոս (եպս. Եփեսոսի) 491.  
 Ստեփանոս (հայր) 512. 515. 516.  
 Ստեփանոս (սարկաւազապետ) 523.  
 Ստեփանոս (կթղ. հայոց՝ Հռոմկլայեցի) 538.  
  
 Վահան 133. 174.  
 Վահանիք 42.  
 Վահրամ 171. 172. 173.  
 Վահրամ (որդի Գրիգորոյ Մաղխարոսի) 219.  
 Վաղենատին 216  
 Վաղենատիանոս 307.  
 Վաղենատիանոսք 97.  
 Վաղերիանոս 103.  
 Վաղոտ (եպս. Արշամունեաց)  
 Վանական վարդապետ 533. 536.  
 Վանանդ 73. 74. 78. 81. 151.  
 Վանկոյի Ս. Նշան 537  
 Վասիլ (սրկդ.) 519  
 Վասիլիոս (եպս. Սելեկիոյ) 515 516.

- վասիլիոս 520.  
 վաթիսգ (Գարեթիեան) 74.  
 վարազ՝ Յոհան (Յոհաննան) 74.  
 վարազներեհ 42.  
 վարազպանդակ 41.  
 վարդ (Հմայակեան) 74.  
 վարդ (Մամիկոնեան) 42. 47 48.  
 վարդ (Մամական) 74.  
 վարդան (վասակեան) 74.  
 վարդան (Մուշեղեան) 74.  
 վարդան (վահեունի) 74  
 վարդան վարդապետ 503. 526. 535.  
 վաթի 534.  
 վահագրամշիբ (Կահանգ) 42.  
 վեպագաթանոն (կարբ) 501.  
 վիրք 43. 45. 46. 51. 110. 130. 132. 162. 163. 164. 167.  
 168. 170. 172. 174. 176. 178. 179. 180. 185. 193.  
 194. 221. 300.  
 վստամ 42.  
 վրթանէս (եպս. Սիւնեաց) 78.  
 վրթանէս (Քչկան որդի) 90. 93.  
 վրթանէս Քերդող (տեղապահ) 110. 112. 130. 182. 133. 134.  
 136. 138. 140. 141. 162. 174. 196.  
 վրթանէս (եպիսկոպոստապետ հայոց) 408.  
 վրիւ (Արտաշրան) 71.  
  
 Տանատ (եպս.) 41.  
 Տանիկք 42. 218. 306. 537.  
 Տամոքա, Գամոքա 54. 55.  
 Տայք 41. 81. 223.  
 Տարան 48. 52. 62. 70. 73. 76. 78. 81.  
 Տարսա (՝Տարսուս, Տարսոն) 424.  
 Տարսի 183.  
 Տարսոֆն 216.  
 Տեառնատուր (եպս.) 41.  
 Տէր վրդ. (Քչկան) 109.  
 Տիմանչ (Լիկաթ) 503. 507.

- Տիմաթէոս (եպս. Բաղասականու) 81.  
 Տիմոթէոս (Աղեքսանդրացի) 91. 94. 101. 103. 126. 140.  
 259. 300. 329. 491. 513. 517. 519. 523.  
 Տիմոթէոս (եղբայր) 525.  
 Տիսպոն, Տեսքոն 42. 156.  
 Տիտոս (կայսր) 115. 501.  
 Տիրակ (եպս. Բագրևանդայ) 70. 73.  
 Տիրոս (Պալուսնեաց տէր) 42.  
 Տմորիք 42.  
 Տորոս 518.  
 Տումասուէլ 183.  
 Տումար Լեոնի 53. 56. 60. 67. 83. 103. 105. 124. 136. 142.  
 146. 149. 152. 164. 165. 177. 182. 183. 192. 216.  
 226. 247. 249. 250. 251. 254. 256—8. 262. 265. 267.  
 275. 277. 284. 300. 308—311. 358. 386. 492. 517.  
 522. 524. 525.  
 Տօնոց գաւառ 528.  
 Տուրք (եպս. Բասենոյ) 412.  
 Տսերմիզ 183.  
 Տրապաւլիս 513.  
 Տրդատ (Թգր. հայոց) 220. 334. 493. 496. 497. 534.  
 Տփղիս 172. 183.  
 Յուրտաւ 110. 111. 113. 164. 166. 169. 177. 178. 184. 194.  
 Փաղէկ 126.  
 Փարաոն 37. 38. 334.  
 Փարպի 151.  
 Փիլաքսոն եպս. (Փիլոքսենոս Նաբուզայ կամ Նաբոզկայ) 451.  
 Փիլիպեցիք 309.  
 Փիլիպպոս (Առաքեալ) 204. 211. 381.  
 Փղափիանոս (Անկիւրացի) 119. 125. 307. 381. 416. 417.  
 420. 492.  
 Փղիշա 510. 512.  
 Փոկաս (եպս. Տսերմիզ) 183.  
 Փողզրիզ 183.  
 Փովկաս (եպս. Բղնունեաց) 41.

Փոսիկաս (եպս. Բասենոյ) 41.

Փոստ (պորթ. Կ. Պաւլսի) 279. 283.

Փոսինոս 216. 307.

Փորթա 183.

Փռանգք 456.

Փաղաքադաշտ 220.

Փաղղէացիք 501.

Փաղկեղանիտք

Փաղկեղանականք 79. 94. 98. 356. 513. 525.

Փաղկեղանեայք

Փաղկեղանի, Փաղկեղան 48. 49. 53. 56. 57. 60. 62. 67. 80.

81. 83. 94. 97. 101—103. 105. 107. 110. 115. 119.

120. 121. 123. 124. 126. 130. 133. 136. 138. 139.

141—144. 146. 149. 153. 164. 165. 177. 182. 183.

186. 192. 194. 216. 221—224. 226. 227. 229. 231.

232. 262. 272. 277—279. 284—286. 290. 304. 305.

307. 308. 310. 311. 314. 317. 334. 344. 351. 358.

360. 364. 365. 369. 373—376. 491. 492. 494. 495.

502. 510—512. 514—520. 522. 524. 525.

Փարմա 41. 218.

Քերտն 49.

Քերտովնացիք 49.

Քոթ (եյէց) 20.

Քորչինա 183.

Քունանակերտ 183.

Քրազրու (զիւղ) 512.

Քրիստափոր (եպս. Պալունեաց) 70. 73.

Քրիստափոր (եպս. Ռշտունեաց) 181.

Քրիստափոր (եպս. Սիւնեաց) 146. 149. 151.

Քրիստափոր (եպս. Ապահունեաց) 151. 196

Քրիստափոր Բ. (Կթղ. Հայոց) 222.

Յրանգք 528. 532. 534.

## ՅԵՆԿ ՎՐԻՂԱԿԵՑ ՏՂԱԳՐՈՒԹԵԱՆ <sup>\*</sup>

| Մր- | Տոշ | Մի-լ             | Ու-լ (ըստ ձեռագրին)   |
|-----|-----|------------------|---|
| 1   | 14  | * հատուցանես     | մատուցանես  |
| 1   | 16  | * աղաւթից        | լաղաւթից  |
| 2   | 2   | Աստուած          | Աստուած,  |
| 2   | 5   | * հանդէն         | հինգին  |
| 5   | 27  | * հակադրութեամբն | հակադրութիւնն   |
| 6   | 28  | աստուած թափեաց   | ած թափեաց   |
| 7   | 18  | * Ամորեալ        | չամորեալ  |
| 9   | 14  | ցաւորցն          | ցաւորցն   |
| 10  | 9   | թղթոց            | թղթոցս  |
| 13  | 26  | Թէոզորեալ        | Դիոզորեալ   |
| 14  | 17  | ճիշտ թիւ կերս    | և ընդ բնաւ կիրս   |
| 14  | 30  | աստուածութեան    | աստուածութեանն  |
| 15  | 28  | * յիմանէն        | ուսմանէն (այսպէս և վերես 21 և ի տողն 12 * իսկ ուղղագրել տես նաև երես 194. |
| 16  | 6   | երեկցան          | երեկցաւ   |
| 16  | 17  | զմեք             | զմեք  |
| 16  | 20  | պարզամտութիւնս   | պարզամտութիւնս  |
| 16  | 21  | հրեութեանն       | հրեութեանցն   |
| 16  | 23  | ուսմունսն        | ուսմունսն   |
| 16  | 29  | * յի վինել       | ի վինել   |
| 19  | 7   | Թէոզորի          | Դիոզորի   |
| 19  | 15  | մշակացն, Արժանի  | մշակացն արժանի  |
| 20  | 18  | զկոչեցեալսն      | զուսանեցեալսն   |
| 20  | 19  | Թէոզորի          | Դիոզորի   |
| 21  | 12  | * խումն          | ուսումն   |

<sup>\*</sup>) Աստղանշաններ ըստ իմաստին ուղղագրելի բառերը կը ցուցնեն:

|    |       |   |   |
|----|-------|---|---|
| 21 | 20    | դադարիմ   | դադարեմ   |
| 23 | 3     | * մատենիցն  | մատեանքն  |
| 23 | 22-23 | և անանջատապատ պատ-<br>կանեալ յարդարեցան                 | և անանջատ պատկանեալ<br>յարդարեցաւ   |
| 23 | 27    | ոչ զաւրին   | ոչ զաւրեն   |
| 23 | 32    | միայն   | միգին   |
| 24 | 19    | * մի լսել   | մի տսել   |
| 24 | 33    | * ըստ նոցա շմկեալ                                       | ըստ նոցա աղմկեալ  |
| >  | 33-34 | վարկի՝ լանձն առնուլ                                     | վարկ իլանձն առնուլ  |
| 25 | 26    | անհաւասար   | լանհաւասար  |
| 27 | 6     | եղում   | եզում   |
| 27 | 10    | նոցա աքն  | նոցայն  |
| 30 | 26    | * ոչ գերծանէր   | ոչ գերծանէր   |
| 32 | 14    | * ամպարչտու թիւնն                                       | ամպարչտութիւնն  |
| 32 | 19    | ախոյեանի  | ախոյեանք  |
| 32 | 30    | նմա եթէ.  | նմա.  |
| 33 | 28    | սպանեն  | սպանին  |
| 34 | 10    | լուծգնագոյն, գոչէ.                                      | լուծգնագոյնս գոչէ.  |
| 34 | 12    | և ալս է   | և ալս իսկ է   |
| 36 | 12    | հատուցանողն զգատաս-<br>տանս                             | զհատուցանողն դատաս-<br>տանս   |
| 39 | 13    | գապնեմ  | չգտանեմ   |
| 39 | 29    | Ընդ Որս   | Ընդ որս   |
| 41 | 8     | շահատանի՝ կարմենա-<br>նան                               | շահատան, ի կարմենա-<br>նան  |
| 41 | 14    | Նոնաբարսագէ   | Նոնաբարսագէ   |
| 41 | 29    | ի փովկասայ և ի Սամուե-<br>լէ Բզնունեաց եպիսկո-<br>պոս է | (Շնջելի)<br>Զարեհունի<br>Արչարունեաց<br>Վանաղայ (=Վանանդայ)<br>Դաշտակարանի տէր,<br>Հոռոմոց և Հարոց, Վրաց<br>Մանի,<br>զանազանս իրողու-<br>թեամբն |
| 42 | 5     | զարիհուանի  | Զարեհունի   |
| 42 | 12    | արչարունեաց   | Արչարունեաց   |
| 42 | 13    | վանաղայ   | Վանաղայ (=Վանանդայ)   |
| 42 | 15    | Դաշտակարանի, տէր,                                       | Դաշտակարանի տէր,  |
| 43 | 7     | Հոռոմոց, Վրաց   | Հոռոմոց և Հարոց, Վրաց   |
| 43 | 34    | Մանի,   | Մանի,   |
| 44 | 16-17 | զանազան սիրողու-<br>թեամբն                              | զանազանս իրողու-<br>թեամբն  |



|    |       |                        |  |
|----|-------|------------------------|--|
| 45 | 8     | առաքելական             | և առաքելական                             |
| 45 | 29    | * որպէս զմեզս          | որպէս զմեզս                              |
| 50 | 33    | որոմամբ                | որոմամբ                                  |
| 51 | 26    | և զզջումն              | և ի զզջումն                              |
| 52 | 6     | խաչին նորա             | խաչին նորա                               |
| 53 | 19    | Դւ                     | Եւ                                       |
| 54 | 9-10  | ձեռնադրութիւն          | ձեռնադրութիւն                            |
| 55 | 3     | Մամիկոնէից             | Մամիկոնէից                               |
| 56 | 10    | և զԿարծումայ, Ընծիհնայ | և զԿարծումայ Ընծիհնայ                    |
| 56 | 20    | մարմնոյ                | ըստ մարմնոյ                              |
| 56 | 29-30 | և զմարմնաւորութիւնն    | զմարմնաւորութիւնն                        |
| 57 | 1     | և Չիբու                | և զԻբա (*) Յօր. զԳԻԲՄ.<br>(ՉնՉեԼԻ).      |
| 59 | 14    | սրտի                   | Որդի                                     |
| 60 | 21    | չարչարեցաւ տեառն       | չարչարեցաւ*Տաչի տեառն                    |
| 63 | 34    | Ես                     | Եւ                                       |
| 65 | 4     | * իախոյց               | խախոյց                                   |
| 66 | 16    | որպէս զնոսա            | որպէս և զնոսա                            |
| 66 | 21    | զՊաւղոս                | և զՊաւղոս                                |
| 67 | 29    | և զՍեբրոս              | և զՍեբրոս                                |
| 68 | 4     | հաւատոյ                | հաւատայ                                  |
| 71 | 2     | հոգևորական, ձեր        | հոգևորական, Չեր                          |
| 73 | 26    | Եո                     | Ես                                       |
| 74 | 2     | մաղխաղ                 | մաղխաղ                                   |
| 79 | 25    | որ                     | որ                                       |
| 85 | 3     | աւուրսն                | աւուրս                                   |
| 85 | 11    | զապականեալ             | և զապականեալ                             |
| 85 | 13    | Աստուածապաշտս          | և զաստուածապաշտս                         |
| 86 | 5     | երեսումն               | երեսուն                                  |
| 87 | 13    | * զծնանիլն             | զծնաւղն                                  |
| 87 | 14    | լեալ                   | լեալ (*) Այսպէս յօրի-<br>նակին) (ՉնՉեԼԻ) |
| 87 | 29    | և ելանել հաւատովք      | և ելանել և մտանել հա-<br>ւատովք          |
| 87 | 32    | ընդ որ՞                | ընդ որս                                  |
| 89 | 4     | նայն                   | նոյն                                     |
| 90 | 12    | գրեցէքն                | և գրեցէքն                                |

|     |     |                              |                              |
|-----|-----|------------------------------|------------------------------|
| 90  | 26  | * առաքեցէ                    | առաքեցէք                     |
| 91  | 2   | զՏիմոթէոսին                  | և զՏիմոթէոսին                |
| 93  | 3   | Գիտեմք                       | Գիտեմ                        |
| 97  | 1   | չիջուցեալ                    | չիջուցեալ                    |
| 97  | 17  | * ոչ զարեաց                  | ոչ զարեաց                    |
| 97  | 25  | * ցասնուլ                    | ցածնուլ                      |
| 99  | 19  | * և միջի                     | ի միջի                       |
| 99  | 21  | Ալսղան նմանի                 | Ալս գաննմանի                 |
| 99  | 28  | չարացելոց                    | կարացելոց                    |
| 100 | 9   | * որք                        | որոց                         |
| 100 | 21  | կերպարանաց                   | կերպանաց                     |
| 100 | 23  | և լարակալութեանց             | և լարակալութեան              |
| 100 | 34  | անցանիմք                     | անցանեմք                     |
| 101 | 17  | * մոլորութիւն                | մոլորութեամբ                 |
| 101 | 25  | Գրիգորացն                    | Գրիգորանց                    |
| 101 | 32  | զերանելի                     | զերանելոյ                    |
| 102 | 5   | ի մարնանալոյ                 | և ի մարմնանալոյ              |
| 102 | 24  | առաջնակի                     | առտնձնակի                    |
| 103 | 32  | համախորհուրդք                | և համախորհուրդք              |
| 104 | 4   | որ արժանի                    | ոչ արժանի                    |
| 104 | 26  | * զայրն                      | զԱյն (= զԱստուծոյն)          |
| 108 | 19  | և մի կերակուրս               | և ի կերակուրս                |
| 109 | 1   | տացից... և կնքեցից *)        | տացից *)... և կնքեցից        |
| 109 | 3   | վաւերական                    | վաւերահանի                   |
| 110 | 8   | ողջունի                      | ողջունի                      |
| 110 | 14  | * ինձ արժանի                 | ինձ անարժանիս                |
| 110 | 18  | քանզի լալսչափ                | քանզի լետ լալսչափ            |
| 110 | 21  | լորում ոչ եզիտ պտուղ<br>Տէրն | լորում պտուղ ոչ եզիտ<br>Տէրն |
| 111 | 4   | գնդալուզ                     | գնդալուզ (* փքալուզ)         |
| 111 | 5-6 | սուրբ հարցն: ճշմարիտ...      | սուրբ հարցն ճշմարիտ...       |
| 112 | 15  | * և անկնքելի շնորհիւն        | և անքակելի մնալ շնորհիւն     |
| 112 | 18  | * լընկերսիրութիւնն           | լընկերսիրութեանն             |
| 113 | 23  | * հաւատացան                  | հաւատոցն                     |
| 114 | 9   | դիւրանալ                     | դիւրեանալ                    |
| 114 | 23  | թէ գուցէ                     | եթէ գուցէ                    |
| 114 | 26  | կոչեցեալ եղեաք               | կոչեցեալք եղեաք              |

|     |     |                                     |                                 |
|-----|-----|-------------------------------------|---------------------------------|
| 114 | 37  | էի արժանի                           | է արժանի                        |
| 115 | 2   | և ինքեան                            | և ինքեանք                       |
| 118 | 8   | վախճան                              | վախճանի                         |
| 120 | 2   | սորա                                | սոքա                            |
| 122 | 1   | ժառանգա                             | ժառանգ                          |
| 122 | 30  | ՝ ընդունայն ան (ըն-<br>դունանայն)   | ընդունայն                       |
| 123 | 24  | սուրբ և անմահ                       | սուրբ անմահ                     |
| 123 | 31  | Սրբորդութիւնն                       | զՍրբորդութիւնն                  |
| 124 | 4   | բողոք է                             | բողոքէ                          |
| 124 | 22  | պէսպէս                              | պէսպէս                          |
| 125 | 3   | պահք                                | պահք                            |
| 125 | 12  | զսուրբ հաւատան                      | զհաւատան                        |
| 125 | 21  | և չարչարանք ևս                      | և չարչարանք ևս                  |
| 126 | 4   | և լանդատան                          | և լանդատանս                     |
| 126 | 6   | * լամայի                            | լամենայն                        |
| 126 | 22  | եքրէնէն                             | և լարենէն                       |
| 128 | 5   | * Տէր                               | Տէրդ                            |
| 128 | 7   | * Սւ որք մնացեալ                    | Սւ որք մնացեալ                  |
| 128 | 12  | ի ձեռս                              | ի ձեզն                          |
| 128 | 25  | ի սուրբ հոգի                        | ի սուրբ հոգին                   |
| 130 | 14  | հերձուածոց                          | հերձուածոցդ                     |
| 130 | 21  | * սոզորութեան                       | մալորութեան                     |
| 131 | 5-6 | զհայնորութեան բանս<br>բանախաւսողացն | զհայնորութեան բանս<br>խաւսողացն |
| 132 | 6   | չանկան                              | չանկան                          |
| 132 | 7   | ՝ զսովորութիւն                      | զզալարութիւն                    |
| 133 | 19  | սայթազիցին                          | սայթազիցեն                      |
| 133 | 22  | * նախ իսկ                           | նա իսկ                          |
| 133 | 28  | անձին                               | աւձին                           |
| 135 | 10  | զժաւարութեան                        | զժաւարութեան                    |
| 138 | 24  | քան զերից                           | քանզի երկց (.)                  |
| 139 | 11  | ալդպէս է                            | ալդպէս է                        |
| 141 | 20  | ընթերձուածասէր                      | ընթերցուածասէր                  |
| 142 | 8   | * քանի                              | քանզի                           |
| 144 | 16  | քակեցին                             | քակեցին                         |
| 147 | 20  | երդմամբ                             | երկմամբ                         |

|     |       |                                  |   |
|-----|-------|----------------------------------|---|
| 150 | 6     | զաւրհնեալսդ                      | զաւրհնեալսն                               |
| 150 | 11    | զձեռնարկս ալս                    | զձեռնարկս զալս                            |
| 151 | 2     | ի միաբանութեան                   | ի միաւորութեանն                           |
| 151 | 16    | և պշխարեականաց է ուղ-<br>ղափառաց | և աշխարհականաց ուղ-<br>ղափառաց            |
| 152 | 6     | հաւատին                          | հաւատին                                   |
| 153 | 15    | զնորն                            | և զնորն                                   |
| 153 | 17    | * վասն այլապէս է խոր-<br>հիցն    | վասն որք այլապէս խոր-<br>հիցին            |
| 153 | 25    | * խաչարդարար                     | խաչարդարար, խաչար-<br>դարող, խաչարդար (?) |
| 154 | 5     | ճշմարտագործ է                    | ճշմարտագործէ                              |
| 154 | 7     | զտնչալ ի հրոջն                   | զտնչալի հրոջն                             |
| 154 | 17    | չինչի                            | չինչի                                     |
| 155 | 25    | քօքօք                            | քօքօք                                     |
| 156 | 13    | արդի է                           | արդի է                                    |
| 157 | 3     | նախացուցաւ                       | նախ ցուցաւ                                |
| 157 | 8     | որ                               | որք                                       |
| 157 | 9     | և զայս պղծ                       | և զայս պղծ                                |
| 157 | 13    | արդիքս                           | արդիքս                                    |
| 157 | 22    | զոչ կարողութիւն                  | զոչկարողութիւն                            |
| 157 | 25    | առ առեչ                          | առաւել                                    |
| 158 | 5     | պարան իսկ                        | արքանս իսկ                                |
| 158 | 13    | հաւատացս                         | հաւատաց                                   |
| 159 | 10    | անարդութիւն ինչ                  | անարդութիւն ինչ                           |
| 159 | 11    | ուրէնն                           | ուրենն                                    |
| 159 | 28    | Բնց մք                           | Բնց մք                                    |
| 159 | 34    | դառ ինն                          | դառին                                     |
| 160 | 3     | ալս եկն բանս.                    | լալս եկն բանս,                            |
| 160 | 8     | կամաց մերոց                      | կամացս մերոց                              |
| 161 | 15    | Բարդմամեայ ժամանակաւք            | Բարդմամեայ ժամանակաւք                     |
| 164 | 5     | եպիսկոպոսաց քոց                  | եպիսկոպոսաց աթոռակ-<br>ցար քոց            |
| 164 | 11-12 | մեզ եհաս լուել                   | եհաս մեզ լուել                            |
| 165 | 14    | * Թագաւորութիւնք                 | Թագաւորութեանք                            |
| 167 | 10    | * հաւատի                         | հաւատի                                    |
| 167 | 31    | * ի բնի                          | ի բանի                                    |

|         |     |                          |   |
|---------|-----|--------------------------|---|
| 168     | 16  | առ միմեանս               | և առ միմեանս                                |
| 168     | 24  | ուրեմն                   | ուրեմն                                      |
| 169     | 26  | պատուհասել               | պատուհասել                                  |
| 170     | 29  | զի ազտինոր և ինձ         | զի ազտին՝ որ ինձ                            |
| 171     | 8   | * ի մարտի                | իմ սրտի                                     |
| 172     | 24  | թղթոցն                   | թղթոցն                                      |
| 173     | 5   | * զանձն ունել            | զքեզ լանձն ունել                            |
| 173     | 19  | որով և                   | որով և է                                    |
| 174     | 3   | * զոր ասացեալ            | զարմացեալ                                   |
| 178     | 8   | տեղւոջ                   | տեղւոջս                                     |
| 180     | 17  | * և մանաւանդ զիս         | և մանաւանդ զի                               |
| 183     | 12  | Քորզոնա                  | Քորզոնա                                     |
| 185     | 25  | ի պատկեր եղև             | ի պատկեր մեր եղև                            |
| 186     | 3   | * եկորդի                 | եկ որդի                                     |
| 188     | 17  | Եթէ                      | Եւ թէ                                       |
| 191     | 30  | * և ոչ կամ               | և ոչ նկարագիր կամ...                        |
| 192     | 1   | չնչովք                   | չնչով                                       |
| 194     | 1   | Կիւրոյն                  | Կիւրոյն                                     |
| 194     | 1   | խմանէն, սխուցանել        | խմանէն, սխուցանել                           |
| 195     | 5   | լիցին                    | լինիցին                                     |
| 196     | 6   | հաւատար հարց             | հաւատար ընդ հարց                            |
| 196     | 25  | * ի կէր                  | ի կէս                                       |
| 198     | 3   | զաւզանջնն                | զաւզանջնն                                   |
| 198     | 6   | նմանեն                   | նման են                                     |
| 190-200 | 37  | առնելով զնորաչարչար միտս | առնելով զնորաչարչար միտս                    |
| 200     | 14  | իսկզբանէ                 | ի սկզբանէ                                   |
| 200     | 28  | զգալու թեամբ             | զգալու թեամբ                                |
| 201     | 36  | ընդ հաւր                 | ընդ հաւր                                    |
| 203     | 33  | չլինելն                  | չլինելն                                     |
| 203     | 36  | չիշխես                   | չիշխես                                      |
| 204     | 4-5 | քրիստոսք                 | քրիստոսք                                    |
| 205     | 2   | մարդացեալ                | մարդացեալ                                   |
| 208     | 31  | բանաձգել                 | բանաձգել                                    |
| 209     | 32  | զբնութիւնն               | բնութիւնն                                   |
| 210     | 37  | առանց                    | է առանց                                     |
| 211     | 3   | * ի լաւելութիւն          | (թերևս յարելութիւն, որպէս գտանեմք և լալուր) |

|     |       |  |   |
|-----|-------|--|---|
| 216 | 23    | զՄեղքիսեղեկիդան                                | զՄեղքիսեղեկիտան   |
| 220 | 6     | քաղաքն   | քաղաքին   |
| 223 | 17    | ցալթմ  | է շոտնոյ՝ յտէլոս «Յովհաննէս,  |
| 223 | 18    | վարեալ   | է շոտնոյ՝ փոխեալ  |
| 227 | 24    | * զորոմն                                       | զորմն   |
| 227 | 35    | * խածեալք                                      | խալծեալք (?)  |
| 228 | 21    | * ի գրեհականացն                                | ի գրեհականացն   |
| 229 | 16    | Ալք  | Ալս   |
| 229 | 20    | * վարժիմք                                      | վարժեմք   |
| 230 | 3     | հոգւոյն  | ոգւոցն  |
| 230 | 8     | փառաւք   | փառաւքն   |
| 231 | 14    | հերձուածոզն                                    | է շոտնոյ՝ յտէլոս այսինքն ջրաքնակ և այլ անասնոց, այսինքն ցամաքայինք. |
| 235 | 32    | * զի նմա                                       | զի ի նմա  |
| 239 | 27    | ցզատիկն...                                     | քանզի քաւիչ և թողիչ մեղաց տարոյն կոչի.                              |
| 241 | 4     | * հեղեալ                                       | լեղեալ  |
| 241 | 24    | ոչ սա ինքն է                                   | ոչ սա ինքն է  |
| 245 | 27    | բարի ոք  | բարիքք  |
| 251 | 21    | զհարանն  | զհարան  |
| 252 | 12    | ի թերահաւատութիւն                              | ի թերեհաւատութեան   |
| 253 | 10    | փակեմ  | փակեցից   |
| 253 | 28    | * զեաւդի                                       | զաւդի   |
| 261 | 26    | գրեալ ի,                                       | գրեալ է,  |
| 261 | 27    | ընկերակից եմ ես                                | ընկերակից քմ ես   |
| 261 | 32    | * նզովեցի զտուժար                              | նզովեցի տուժար  |
| 262 | 36-37 | հայրապետէ Պետրոսէ                              | Պետրոսէ հայրապետէ   |
| 264 | 8     | գրեցի  | գրեցից  |
| 269 | 7     | է շոտնոյ՝ «Ալս թուղթ աղաւաղ և պակաս է ի վերջն» |   |
| 274 | 15    | ինչ(ձ)   | ինձ   |
| 277 | 11    | հաւատան  | հաւատալ   |
| 280 | 19    | * ...ոքն                                       | զալլոյն   |
| 280 | 23    | * տեսութեանն                                   | տնտեսութեանն  |
| 291 | 5     | * զոր լերկուցն                                 | զոր լերկուցն  |
| 291 | 14    | * ըստ երկուսն ասելով                           | աստ երկուսն ասելով  |
| 294 | 13    | մաւաւ ես                                       | միւս ես   |

|     |       |                      |                     |
|-----|-------|----------------------|---------------------|
| 296 | 3     | Պրովզի ե առ Ակակայ   | Պրովզի ե Ակակայ     |
| 296 | 28    | և ապա խաչի           | և ապա վասն խաչի     |
| 397 | 29    | խորհրդովք            | խորհրդով            |
| 299 | 29    | հոլովք               | լուովք              |
| 302 | 25    | և առ գաւազան...      | և առ ի գաւազան      |
| 303 | 11    | չի ոչ                | զի ոչ               |
| 307 | 22    | * կորնթոս            | կերինթոս            |
| 314 | 37    | նովին                | նոքին               |
| 315 | 8     | չփոթումն             | չփոթութիւն          |
| 315 | 26-27 | որիչ իցէ             | որիչիցէ եւ որոշիցէ  |
| 316 | 4     | նորաբանութիւն        | նորա բնութիւն       |
| 318 | 35    | Աստուածաբանութիւնն   | աստուածաբանութիւնքն |
| 323 | 9     | իբրև անձն            | իբրև զանձն          |
| 324 | 5     | * զգրեցելունն        | ըստ գրեցելունն      |
| 327 | 24    | ալս                  | ալս                 |
| 328 | 15    | ի ներքս քծական       | ի ներքսածական       |
| 330 | 8     | * լար ի գազանութիւնն | լարի ի գազանութիւնն |
| 330 | 9     | * կաղուեալ           | կղուեալ             |
| 330 | 36    | լուրում              | լիւրում             |
| 334 | 10    | սլանդրուտոլս         | սլանրուտոլս         |
| 335 | 29    | պժ                   | լոլժ                |
| 336 | 28    | ի վե—րայ             | ի վե—րոլ            |
| 345 | 3-4   | * զաղձուէ գանակած    | զաղձու գանակոծ      |
| 347 | 31    | ասպիսիք              | ասպիսիք             |
| 348 | 1     | հանդեպ               | հանդէպ              |
| 349 | 10    | * ստացուածք          | ստեղծուածք          |
| 351 | 17    | * խունկս եւղս        | խունկս և եւղս       |
| 359 | 13    | տարածանմամբ          | տարժանմամբ          |
| 359 | 36    | գիւտըն—կալ           | դիւրըն—կալ          |
| 360 | 11    | * որ առ թէ և սողել   | որ առ թէ և սողել    |
| 363 | 7     | չարամտածութեան       | չարամտածութեան      |
| 375 | 37    | Դիոկլեսարիալ         | Նիոկլեսարիալ        |
| 377 | 15    | եւ լետ ալոց          | եւ յեւ ոչոց         |
| 380 | 36    | ի մարդկանէ           | ի մարդկանէ          |
| 383 | 16    | զբաբանին             | զբաբանին            |
| 390 | 37    | * բանակուութիւն      | բանակուութիւն       |
| 391 | 30    | աստորիկ              | ալտորիկ             |

|     |       |  |   |
|-----|-------|--|---|
| 391 | 2     | * առողինաց   | ոռողինաց  |
| 393 | 23    | գաւտաւքք   | Ինքէւ գաւթաւքք  |
| 394 | 11    | սրտի   | որդի  |
| 407 | 19    | հոգւոյ   | հոգւոց  |
| 409 | 22    | * և լանպէտ ամանի   | և լորպէտ ամանի  |
| 416 | 29    | աննգեր   | աննպեր  |
| 417 | 32    | Հաւր   | Հաւք  |
| 421 | 30    | այծ  | կայծ  |
| 423 | 33    | քնութեանցն   | քնութեանն   |
| 424 | 8     | զխաչելն  | զխաչն   |
| 424 | 12    | Տարտացի  | Տարտացի   |
| 424 | 15    | զմարմինն   | զմարմինն  |
| 424 | 37    | զայս աւրածին   | զայսաւրածին   |
| 425 | 14    | եւ եթէ այդ՝ այգոյն է՝  | և եթէ այգոյն է  |
| 425 | 27    | այգոյն է   | այգոյն է  |
| 429 | 2     | մի աւրինակ   | միաւրինակ   |
| 433 | 17    | Հրեշտակք ըստ   | հրեշտակք դարձեալ ըստ                                  |
| 439 | 18    | սուրբ  | սուրբս  |
| 441 | 37    | զբանն կենաց  | դրանն կենաց   |
| 442 | 19    | մի ասաց  | մի բնութիւն ասաց                                      |
| 446 | 15    | նորնանուանի  | նորնպէս անուանի                                       |
| 453 | 17    | * . . . կանութեան  | ապականութեան  |
| 453 | 18    | * մոլ..... կանացու էր  | մոլորելոց թէ ազակտանացու էր                           |
| 453 | 19-20 | * ի ճշմար... սաց   | ի ճշմարտութենէ անաց                                   |
| 453 | 20-21 | և մ . . . . թեան   | և մեղանշութեան  |
| 453 | 21-22 | նախ ք . . . .  | նախ քան զխաչն   |
| 453 | 25    | * մեղանշու . . . .   | մեղանշութիւն  |
| 453 | 26    | և . . . . միտորեալ   | և ապա միտորեալ  |
| 454 | 3     | * . . . . պցութեան   | և մականացութեան                                       |
| 454 | 5     | * քան զ . . . .  | քան զխոչն   |
| 454 | 6-7   | * . . . . նգլմանեցէ  | ...լանգլմանեցէ  |
| 454 | 10    | * սքանչե . . . . իզոր  | Աքանչեղազործն Գրիգոր                                  |
| 454 | 11    | * ալլ . . . .  | ալլալիլի  |
| 454 | 21    | * . . . . աչն  | . . . խաչն  |
| 454 | 23    | * և լաւի . . . .   | և լաւտեան   |
| 454 | 30-31 | * եր . . . . համու<br>ամենայն արարածք բա<br>ւա . . . նել զնա | երկիր միահամուտ ամե<br>նայն բաւական չեն տա<br>նել զնա |
| 459 | 16    | և մէ   | և մի  |
| 459 | 31-32 | * Աստուածպետա...   | Աստուածպետականն                                       |
| 462 | 26    | ուրեմն   | ուրումն   |
| 472 | 32-36 | միաւորուլ-թեանն  | միաւորութեանն   |



|     |        |  |  |
|-----|--------|--|--|
| 482 | 3      | զխաչելեալն՝ ասէ  | զխաչելեալն՝ Աստուած ոչ ասէ   |
| 487 | 11-12  | լցեալ գանիւ ալլ ունիմ վերալելումն  | լցեալ գանիւ (է շատոնց-ալլումնիմ) վերալ՝ ելումն   |
| 489 | 14-15  | Չրաւխառնութեամբ  | Չրախառնութեամբ   |
| 497 | 6-7    | * պանտրուտոյս  | պանրուտոյս   |
| 498 | 12     | չարեաց   | կարծեաց  |
| 498 | 13-14  | մըծ-դնութիւն   | մծդնէութիւն  |
| 500 | 25     | * չարեաց   | չարաց  |
| 502 | 5      | ինքն անէծ  | ինքնանէծ   |
| 504 | 21     | պարզև ի Հոգւոյն  | պարզև Հոգւոյն  |
| 505 | 15     | սան զչար   | քան զչար   |
| 513 | 5      | սրա սիրեաք մեռեալ են, որ լանդիայն ս.պ. Էրազ. 1871 էջ 181 — 182 որ ասի երէտ-հետէն, որ լանդիման) | որ ասիրեաք մեռեալ են... (ըստ Մեխայէլի Ատորոյ, ս.պ. Էրազ. 1871 էջ 181 — 182 որ ասի երէտ-հետէն, որ լանդիման) |
| 513 | 7      | * Սիրա   | սիրա   |
| 514 | 20, 23 | Անագանուն  | անագանուն  |
| 517 | 1      | * Ավիել ...րացին   | Ավիելու կեսարացին.   |
| 519 | 12     | թագաւորն   | և թագաւորն   |
| 519 | 15     | տեսիանն  | ի տեսիանն  |
| 520 | 14     | ոսկենէրկ   | ոսկեներկ   |
| 520 | 27     | * ...րացն  | իրացն  |
| 520 | 27-28  | * ..... հաւատն   | զհաւատն  |
| 522 | 35     | * Տուկի  | տուկի (=դուքսի)  |
| 523 | 15-16  | * եկեղեցեպան   | եկեղեցպան  |
| 526 | 9      | հնջեցեալ   | հնչեցեալ   |
| 526 | 17     | մուզրի   | մուզրի   |
| 526 | 22     | Չանկեան  | Չանկիեան   |
| 530 | 17     | * բովեաց   | բաւեաց   |
| 534 | 4      | չինեալ   | չէր շինեալ   |
| 534 | 19     | ի նաւ  | ի նմանէ:   |
| 534 | 31     | վիրք   | Վիրք   |
| 587 | 14     | տարիս  | տառիս  |
| 538 | 23     | . . . լի   | . . . լի   |

Այս ցուցակը փոքր ինչ ստուար եղած է Հրատարակչներու անկախ պատճառներով: Նախ որ բնագիրը Կոստանդնուպոլիս մնացած լինելով առձեռն ընթօրինակութիւններ Տիգրա յղուեցան և վերջնական բազգատութիւնը նորէն Կոստանդնուպոլսոյ մէջ կատարուեցաւ: Եւ երկրորդ որ վրիպակներէ զատ ուղղութեանց և փոփոխութեանց ցանկն ալ ի միասին խառնուեցաւ, բնագրին յալստի կամ Հաւանական կերպով ուղղագրելի կէտերը ցուցնելու և ըսնասիրաց մտադրութեան յանձնարարելու համար:












# WIDENER LIBRARY

Harvard College, Cambridge, MA 02138: (617) 495-2413

**If the item is recalled, the borrower will be notified of the need for an earlier return. (Non-receipt of overdue notices does not exempt the borrower from overdue fines.)**

|  |  |
|--|--|
|  | <p>CANCELLED<br/>WIDENER<br/>NOV 9 2006<br/>OCT 06 2006<br/>WIDENER<br/>BOOK OUT</p> |
|  |  |
|  |  |
|  |  |

*Thank you for helping us to preserve our books*





3 2044 108 732 819

**HD**